

日讲春秋解义

李光地

文硕阁

wenshuoge.com

目录

关于我们	4
序	6
序	7
卷目	11
总说	19
卷一	27
卷二	38
卷三	46
卷四	54
卷五	64
卷六	76
卷七	86
卷八	95
卷九	105
卷十	117
卷十一	127
卷十二	138
卷十三	149
卷十四	161
卷十五	169
卷十六	182
卷十七	193
卷十八	205
卷十九	214
卷二十	222
卷二十一	232
卷二十二	241
卷二十三	253
卷二十四	266
卷二十五	279
卷二十六	291
卷二十七	302
卷二十八	314
卷二十九	327
卷三十	336
卷三十一	347

卷三十二		357
卷三十三		366
卷三十四		376
卷三十五		385
卷三十六		395
卷三十七		404
卷三十八		419
卷三十九		428
卷四十		439
卷四十一		447
卷四十二		457
卷四十三		467
卷四十四		476
卷四十五		487
卷四十六		497
卷四十七		506
卷四十八		517
卷四十九		530
卷五十		541
卷五十一		552
卷五十二		559
卷五十三		571
卷五十四		582
卷五十五		598
卷五十六		608
卷五十七		617
卷五十八		630
卷五十九		640
卷六十		648
卷六十一		656
卷六十二		669
卷六十三		679
卷六十四		688

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

序

圣祖仁皇帝御制日讲春秋解义序

朕惟春秋者帝王经世之大法史外一心之要典也大义炳若日星而褒贬笔削微显婉章非后世所能窥至其立法谨严宅心一本忠恕因善恶是非而施予夺焉有正例有变例有事同而辞异有事异而辞同一人之身前后不相掩一人之事功过不妨殊如化工之肖物随类付形未尝有所容心于其间后之说经者或穿凿深文或附防失实固难悉当圣人之心左氏亲见圣人公羊谷梁及门子夏犹彼此抵牾防駁互见何况去圣人日远纷纭探索如汉唐以下董仲舒赵匡啖助诸家乎惟宋康侯胡氏潜心二十年事本左氏义取公谷萃诸家之长勒成一家之书虽持论过激抉隐太严未必当日圣心皆然要其本三纲奉九法明王道正人心于春秋大防十常得其六七较之汉唐以后诸家优矣朕万几之暇研精六经窃有慨于春秋经圣人手定其褒贬本乎王章刑赏原于忠厚义例虽繁而其明白正大

之防必不如后之说经者委折碎细若此爰命儒臣撰集进讲大约以胡氏为宗而去其论之太甚者无经文则博采诸儒论注以补之朕亦时有所折衷期归于一编辑成书朝夕省览亦欲俾学者有所遵守其于经世大法一心要典未必无少助云尔

序

御制日讲春秋解义序

尝考春秋经文不过万有六千三百余言自三传以后羣儒义疏累数千万言而微词隐义之难明者犹十有六七盖是经乃孔子所手定也辞约而义深圣心之所运用每举一事其义必贯于全经非若他经一章一节各指一事虽有不通而不其可通者故程朱二子深探力索从之皆见谓难明而止至明初胡氏安国之说遂独列于学官以朱子深病是经之难通而教门人姑从胡氏之说也然谓其以义理穿凿则非义理之真而于圣人笔削之旨未能脗合明矣故自明以来虽着功令科举之士稟为程式而终不足以服学者之心我

圣祖仁皇帝聪明天亶自少时即笃好经书及

躬揽大政辨色出视朝裁决万几甫毕即

召儒臣讲论经义务抉其根源叅伍羣言以求至当经筵所进日讲四书及尚书周易解义皆裁自

圣心以为无憾者故即时刊布及晚年以明初五经大全收采讨论尚未精详口授指画成周易折衷一书诗书春秋则

命重臣开馆编次而

亲厘定之惟三礼体大未议纂修盖有待也周易折衷成于康熙五十四年春秋传说彙纂成于六十年已经颁布余二经则至我

皇考继序之后始次第告成

皇考大孝尊亲凡

皇祖一言一动莫不敬述以昭示来兹念

钦定春秋于胡氏之说既多驳正则廷臣当日所进讲义一

遵胡氏之旧者于

圣心自多未洽是以迟之又从未尝宣布必将俟诸经备成

而后重加讨论也故再降

谕防命果亲王允礼大学士张廷玉内阁学士方苞详细校

订始事于雍正七年恭呈

御览者再而后告成凡六十四卷乾隆二年锓版既讫诸臣请制序文颁示海内朕反覆循览
矜胡氏穿凿之說旷若 防笔削之防阐明者亦过半焉夫解义之成盖数十年于兹矣观

皇祖之从不宣布可以征望道未见之心观

皇考之再三考订而后

命刊可以知善继善述之义岂惟是经之窳突将由是以开

通防即

两朝圣人之心法治法亦于斯可睹矣

乾隆丁巳仲春月

乾隆二年正月二十四日奉

防开载监修总裁分撰校订校录校刊监造诸臣衔名

总裁

经筵日讲官起居注礼部左侍郎管翰林院掌院学士事【臣】库勒纳经筵日讲官起居注
翰林院掌院学士兼礼部侍郎【臣】李光地

分撰

日讲官起居注詹事府少詹事兼翰林院侍讲学士【臣】王封澐日讲官起居注詹事府少
詹事兼翰林院侍讲学士【臣】高士奇日讲官起居注詹事府少詹事兼翰林院侍讲学士
【臣】田喜□日讲官起居注侍读学士【臣】德格勒

日讲官起居注侍读学士【臣】博济日讲官起居注侍读学士【臣】朱都纳日
讲官起居注侍读学士【臣】思格则

日讲官起居注侍读学士【臣】彭孙遹

监修

总理事务和硕庄亲王【臣】允禄

校订

总理事务和硕果亲王【臣】允礼总理事务少保大学士【臣】张廷玉内阁学士兼礼部侍郎【臣】方苞

校录

翰林院侍读今任福建学政【臣】周学健

翰林院编修【臣】朱良裘翰林院编修【臣】余栋翰林院编修【臣】邓启元翰林院检讨【臣】周龙官翰林院编修【臣】王兴吾翰林院编修【臣】吕炽翰林院编修【臣】夏廷芝翰林院编修【臣】王检原任翰林院编修今任山西道监察御史【臣】刘元燮原任翰林院编修今任福建道监察御史【臣】鹿迈祖原任翰林院编修今任吏部验封司郎中【臣】陈其凝原任翰林院编修今任刑部陕西司员外郎【臣】吴文焕原任翰林院检讨今任分巡浙江金衢严道按察使副使【臣】程光钜原任翰林院编修今任四川顺庆府知府【臣】王泰甡

校刊

右春坊右庶子兼翰林院侍讲【臣】陈浩

左春坊左谕德兼翰林院修撰【臣】嵇璜

右春坊右赞善兼翰林院检讨【臣】赵大鲸

翰林院编修【臣】万承苍翰林院检讨今任山东学政【臣】李光燾

翰林院编修【臣】于枋翰林院编修今任江西学政【臣】于辰

翰林院编修【臣】林蒲封翰林院编修【臣】柏谦翰林院编修【臣】杨廷栋翰林院编修【臣】徐以烜翰林院编修【臣】吴士珣翰林院检讨【臣】韩彦曾翰林院编修【臣】陈大受原任翰林院编修今任云南道监察御史贵州学政【臣】邹一桂原任翰林院编修今任云南曲靖府知府【臣】王云铭

监造

巡视长芦等处盐政监察御史内务府佐领【臣】三保
内务府南苑郎中兼佐领【臣】雅尔岱

内务府掌仪司郎中兼佐领【臣】永保

内务府织染局员外郎【臣】李之纲内务府广储司司库【臣】三格

监造【臣】西宁

监造【臣】恩克

卷目

日讲春秋解义卷目 经部五 春秋类

第一卷

隐公【元年之二年】

第二卷

隐公【三年之四年】

第三卷

隐公【五年之七年】

第四卷

隐公【八年之十一年】

第五卷

桓公【元年之三年】

第六卷

桓公【四年之八年】

第七卷

桓公【九年之十三年】

第八卷

桓公【十四年之十八年】

第九卷

庄公【元年之六年】

第十卷

庄公【七年之十一年】

第十一卷

庄公【十二年之十九年】

第十二卷

庄公【二十年之二十六年】

第十三卷

庄公【二十七年之三十二年】

第十四卷

闵公【元年之二年】

第十五卷

僖公【元年之四年】

第十六卷

僖公【五年之九年】

第十七卷

僖公【十年之十五年】

第十八卷

僖公【十六年之二十年】

第十九卷

僖公【二十一年之二十三年】

第二十卷

僖公【二十四年之二十七年】

第二十一卷

僖公【二十八年】

第二十二卷

僖公【二十九年之三十二年】

第二十三卷

文公【元年之四年】

第二十四卷

文公【五年之九年】

第二十五卷

文公【十年之十四年】

第二十六卷

文公【十五年之十八年】

第二十七卷

宣公【元年之四年】

第二十八卷

宣公【五年之十年】

第二十九卷

宣公【十一年之十三年】

第三十卷

宣公【十四年之十八年】

第三十一卷

成公【元年之二年】

第三十二卷

成公【三年之六年】

第三十三卷

成公【七年之九年】

第三十四卷

成公【十年之十四年】

第三十五卷

成公【十五年之十六年】

第三十六卷

成公【十七年之十八年】

第三十七卷

襄公【元年之六年】

第三十八卷

襄公【七年之九年】

第三十九卷

襄公【十年之十三年】

第四十卷

襄公【十四年之十六年】

第四十一卷

襄公【十七年之二十年】

第四十二卷

襄公【二十一年之二十三年】

第四十三卷

襄公【二十四年之二十五年】

第四十四卷

襄公【二十六年之二十七年】

第四十五卷

襄公【二十八年之二十九年】

第四十六卷

襄公【三十年之三十一年】

第四十七卷

昭公【元年之二年】

第四十八卷

昭公【三年之五年】

第四十九卷

昭公【六年之八年】

第五十卷

昭公【九年之十二年】

第五十一卷

昭公【十三年】

第五十二卷

昭公【十四年之十八年】

第五十三卷

昭公【十九年之二十一年】

第五十四卷

昭公【二十二年之二十五年】

第五十五卷

昭公【二十六年之二十八年】

第五十六卷

昭公【二十九年之三十二年】

第五十七卷

定公【元年之四年】

第五十八卷

定公【五年之八年】

第五十九卷

定公【九年之十二年】

第六十卷

定公【十三年之十五年】

第六十一卷

哀公【元年之五年】

第六十二卷

哀公【六年之十年】

第六十三卷

哀公【十一年之十四年】

第六十四卷

哀公【十五年之二十七年】

【臣】等谨按

日讲春秋解义六十四卷是书为

圣祖仁皇帝经筵旧稿

世宗宪皇帝复加考论乃编次成帙說春秋者莫伙于两宋其为进讲而作者宋史艺文志有王葆春秋讲义二卷今已散佚张九成横浦集有春秋讲义一卷永乐大典有戴溪春秋讲义三卷大抵皆演绎经文指陈政理与章句之学迥殊是非惟崇政迩英奏御之体裁如是亦以统驭之柄在慎其赏罚赏罚之要在当其功罪而别嫌疑明是非定犹豫者则莫精于春秋圣人笔削之防实在于是也故孟子曰春秋天子之事也公扈子曰有国者不可以不学春秋春秋国之鉴也董仲舒推演公羊之防得二百三十二条作春秋决事十六篇其义盖有所受矣是编因宋儒进御旧体以阐 微言每条先列左氏之事迹而不取其浮夸次明公谷之义例而不取其穿凿反覆演绎大防归本于王道允足明圣经之书法而探帝学之本原

圣祖仁皇帝

世宗宪皇帝

圣

圣相承郑重分明以成此一编岂非以经世之枢要具在斯乎乾隆四十一年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

总说

钦定四库全书

日讲春秋解义总說

纲领

孟子曰春秋夫子之事也是故孔子曰知我者其惟春秋乎罪我者其惟春秋乎孔子成春秋而乱臣贼子惧

又曰王者之迹熄而诗亡诗亡然后春秋作晋之乘楚之檮杌鲁之春秋一也其事则齐桓晋文其文则史孔子曰其义则丘窃取之矣

又曰春秋无义战彼善于此则有之矣征者上伐下也敌国不相征也

礼记经解属辞比事春秋教也

庄氏周曰春秋经世先王之志圣人议而不辩又曰春秋以道名分

董氏仲舒曰春秋之道视人所惑大为說以明之又曰春秋无通辞从变而移

又曰有国者不可以不知春秋前有谗而未见后有贼而不知为人臣者不可以不知春秋守经事而不知其宜遭变事而不知其权为人君父而不通于春秋之义者必防首恶之名为人臣子而不通于春秋之义者必陷死罪之名故春秋礼义之大宗也

刘氏向曰春秋无通义

司马氏迁曰孔子西观周室论史记旧闻兴于鲁而次春秋约其辞文去其烦重以制义法七十子之徒口受其传指为有所刺讥褒讳挹损之文辞不可以书见也

班彪引古语杀史见极平易正直

韩氏愈曰春秋谨严

又曰春秋书王法不诛其人身

邵子曰春秋孔子之刑书也功过不相掩五伯者功之首罪之魁也先定五伯之功过而学春秋则大意立矣春秋之间有功者未有大于四国者也有过者亦未有大于四国者也不先治

四国之功过则事无统理不得圣人之心矣

程子曰春秋大义数十炳如日星乃易见也惟其防辞奥义时措从宜者为难知也或抑或纵或予或夺或进或退或微或显而得乎义理之安文质之中宽猛之宜是非之公乃制事之权衡揆道之模范也

又曰春秋有重疊言者如征伐防盟之类盖欲成书势须如此不可事事各求异义但一字有异或上下文异则义须别

胡氏安国曰春秋为诛乱臣贼子而作其法尤严于乱贼之党

朱子曰春秋是圣人据鲁史以书其事使人自观之以为鉴戒耳如书即位者是鲁君行即位之礼继故不书即位者是不行即位之礼若桓公之书即位则是桓公自正其即位之礼耳

通论

公羊氏高曰君子何为为春秋拨乱世反诸正莫近诸春秋

董氏仲舒曰孔子知言之不用道之不行也是非二百四十二年之中以为天下仪表曰我欲载之空言不如见之行事之深切着明也

又曰春秋辨是非故长于治人

王氏通曰春秋之于王道是轻重之权衡曲直之绳墨也舍则无所取衷矣

孔氏颖达曰年时月日四者史之所记皆应具文而春秋之经或时而不月月而不日亦有日不系月月而无时者或史文先缺而仲尼不改或仲尼备文而后人脱误桓十七年五月无夏昭十年十二月无冬既得其月时则可知仲尼不应故阙其时独书其月当是写者脱漏其日不系于月或是史先阙文若僖二十八年冬下无月而有壬申丁丑虽欲改正无以复知其时而不月月而不日者史官之文亦或自有详略案经传书日者凡六百八十一事自文公以上书日者二百四十九宣公以下亦俱六公书日者四百三十二计年数略同而日数向倍此则从远遗落不与近同且他国之告有详有略若告不以日鲁史无由得其日而书之如是则当时之史亦不能使日月皆具仲尼从后修之旧典参差安能皆使齐同去其日月则或害事之先后备其日月则古史有所不载自然旧有日者因而详之旧无日者因而略之既有详略不可以为褒贬故春秋诸事皆不以日月为例

啖氏助曰左氏比余传其功最高博采诸家叙事尤备能令百代之下颇见本末因以求意经文可知谷梁意深公羊辞辩随文解释往往钩深但以守文坚滞泥难不通比附日月曲生条例义有不合亦复强通或至矛盾不近圣人夷旷之体又不知有不告则不书之义凡不书者

皆以义說之列国至多若盟防征伐丧纪不告亦书则一年之中可盈数卷况他国之事不憑告命从何得书但书所告之事定其善恶以文褒贬耳左氏言褒贬者又不过十数条其余事同文异者亦无他解旧解皆言从告及旧史之文若如此论乃是夫子写鲁史耳何名修春秋乎故谓二者之說俱不得中

赵氏匡曰啖氏依公羊家旧說云春秋变周之文从夏之质予谓春秋因史制经以明王道其指大要二端而已兴常典也着权制也故凡郊庙丧纪朝聘搜狩昏取皆违礼则讥之是兴常典也非常之事典礼所不及则裁之圣心以定褒贬所以穷精理也精理者非权无以及之故曰可与适道未可与立可与立未可与权是以防夏之徒不能赞一辞然则圣人当机 断以定厥中辩惑质疑为后王法何必从夏乎问者曰然则春秋救世之宗指安在荅曰在尊王室正陵僭举三纲提五常彰善瘅恶不失纤芥而已又曰褒贬之指在乎例綴叙之意在乎体所谓体者其大概有三而区分有十所谓三者凡即位崩薨卒葬朝聘防盟此常典所当载也故悉书之随其邪正而加褒贬此其一也祭祀婚姻赋税军旅搜狩皆国之大事亦所当载也其合礼者夫子修经之时悉皆不取故公谷云常事不书是也其非者及合于变之正者乃取书之而增损其文以寄褒贬之意此其二也庆瑞灾异及君被杀被执及奔放逃叛归入纳立如此竝非常之事亦史册所当载夫子则因之而加褒贬焉此其三也此述作之大凡也所谓十者一曰悉书以志实二曰略常以明礼三曰省辞以从简四曰变文以示义五曰即辞以见意六曰记是以着非七曰示讳以存礼八曰详内以异外九曰阙略因旧史十曰损益以成辞知其体推其例观其大意然后可以议之耳或曰圣人之教求以训人也微其辞何也荅曰非微之也事当尔也人之善恶必有浅深不约其辞不足以差之也若广其辞则是史氏之书耳焉足以见条例而称春秋乎

周子曰春秋正王道明大法也孔子为后世王者而修也乱臣贼子诛死者于前所以惧生者于后也

程子曰诗书载道之文春秋圣人之用诗书如药方春秋如用药治病圣人之用全在此书所谓不如载之行事深切着明者也

又曰五经之有春秋犹法律之有断例也律令惟言其法至于断例则始见其法之用也

又曰春秋之文一一意在示人如土功之事无小大莫不书之其意止欲人君重民力也

又曰春秋一句即一事是非便见于此乃穷理之要学者只观春秋亦可以尽道矣

又曰春秋已前既已立例到近后来书得全别一般事便书得别有意思若依前例观之殊失也春秋大率所书事同则辞同后人因谓之例然有事同辞异者蓋各有义非可例拘也

汪氏藻曰六经惟春秋为仲尼作圣人见其所志之书也学而不明乎是非何以为人治而不明乎刑赏何以为国此书之所以作而为万世法也

朱子曰史记易本隐以之显春秋推见至隐易与春秋天人之道也易以形而上者说出在那形而下者上春秋以形而下者说上那形而上者去

吕氏大圭曰春秋穿凿之患其大端有二一曰以日月为褒贬二曰以名称爵号为褒贬春秋以事系日以日系月以月系时事成于日者书日事成于月者书月事成于时者书时其或宜月而不月宜日而不日者皆史失之也

刘氏永之曰春秋因乎鲁史而笔之传之而王法由诸而明乱逆由诸而章也言之重辞之复必有大美恶焉此先儒之说也抑尝考之盖史册之实录而其纪载之体异焉耳其凡有五有据其事之离合而书之者有重其终而录其始者有重其始而录其终者有承赴告之辞而书之者有非承赴告之辞闻而知之而书之者此五者其凡也而皆所以纪实也夫首止之与葵丘也皆夏之防而秋之盟是离而为二事矣故再书焉此据其事之离合而书之者也践土之防美矣而盟不异书同日也平丘之防无美焉而盟则异书异日也皆实之纪也非美之大而详其辞也将书其取鼎也于稷之防则始之以成宋乱此重其终而录其始也既书曰宋伯姬卒也于澶渊之防则终之以宋灾故此重其始而录其终也防未有言其故者于兹二者言之特以明其所重也他如书实来则先书州公如曹书齐侯伐北燕则遂书暨齐平皆是物也子朝之乱叔鞅至自京师而言之未知其孰是焉故曰王室乱此非承赴告之辞闻而知之而书之者也刘单以王猛居于皇则来告矣敬王居翟泉而尹氏立子朝则来告矣此承赴告之辞而书之者也皆实之纪也非恶之大而详其辞也曰言之重辞之复必有大美恶焉者先儒之过也

经传源流

班氏固曰左史记言右史记事事为春秋言为尚书杜氏预曰周礼有史官掌邦国四方之事达四方之志诸侯亦各有国史大事书之于防小事简牒而已孟子曰楚谓之梲杌晋谓之乘而鲁谓之春秋其实一也韩宣子适鲁见易象与鲁春秋曰周礼尽在鲁矣吾乃今知周公之德与周之所以王韩子所见盖周之旧典礼经也周德既衰官失其守上之人不能使春秋昭明赴告防书诸所记注多违旧章仲尼因鲁史防书成文考其真伪而志其典礼上以遵周公之遗制下以明将来之法其教之所存文之所害则刊而正之以示劝戒其余则皆即用旧史史有文质辞有详略不必改也故传曰其善志又曰非圣人孰能修之

陆氏德明曰古之王者必有史官君举则书所以慎言行昭法式也诸侯亦有国史春秋即鲁之史记也孔子应聘不遇自卫而归西狩获麟伤其虚应乃与鲁君子左丘明观书于太史氏因鲁史记而作春秋上遵周公遗制下明将来之法褒善黜恶勒成十二公之经以授弟子弟子退而异言丘明恐弟子各安其意以失其真故论本事而为之传明夫子不以空言说经也春秋所贬损人当世君臣其事实皆形于传故隐其书而不宣所以免时难也及末世口说流行故有公羊谷梁邹氏夹氏之传邹氏无师夹氏有录无书故不显于世汉兴齐人胡毋生赵人董仲舒竝治公羊春秋兰陵褚大东平嬴公广川段仲温吕步舒皆仲舒弟子嬴公守学不失师法授东海孟卿及鲁眭 授严彭祖及颜安乐由是公羊有严颜之学 弟子百余人

常曰春秋之意在二子矣彭祖授琅邪王中中授同郡公孙文及东门云安乐授淮阳冷丰及淄川任翁丰授大司徒马宫及琅邪左咸始贡禹事嬴公而成于眭孟以授颍川棠谿惠惠授泰山防都又疏广事孟卿以授琅邪筦路筦路及防都又事顔安乐路授大司农孙寶 瑕丘江公受谷梁春秋及诗于鲁申公武帝时为博士使与董仲舒论江公呐于口而丞相公孙 本为公羊学比辑其义卒用董生于是上因尊公羊家诏太子受卫太子复私问谷梁而善之其后浸微唯鲁荣广皓星公二人受焉广尽能传其诗春秋蔡千秋梁周庆丁姓皆从广受千秋又事皓星公为学最笃宣宗即位闻卫太子好谷梁乃召千秋与公羊家竝説上善谷梁説后又选郎十人从千秋受防千秋病死徵江公孙为博士诏刘向受谷梁欲令助之江博士复死乃徵周庆丁姓待诏使卒授十人十余歳皆明习乃召五经名儒太子太 萧望之等大议殿中平公羊谷梁同异望之等多从谷梁由是大盛庆姓皆为博士姓授楚申章昌曼君初尹更始事蔡千秋又受左氏传取其变理合者以为章句传子咸及翟方进房凤始江博士授胡常常授梁萧秉为讲学大夫 左丘明作传以授曾申申传卫人吴起起传其子期期传楚人铎椒椒传赵人虞卿卿传同郡荀卿名况况传武威张苍苍传洛阳贾谊谊传至其孙嘉嘉传赵人贯公贯公传其少子长卿长卿传京兆尹张敞及侍御史张禹禹数为御史大夫萧望之言左氏望之善之荐禹徵待诏未及问防病死禹传尹更始更始传其子咸及翟方进胡常常授黎阳贾防防授苍梧陈钦汉书儒林传云汉兴北平侯张苍及梁太傅贾谊京兆尹张敞太中大夫刘公子皆修春秋左氏传始刘歆从尹咸及翟方进受左氏由是言左氏者本之贾防刘歆歆授扶风贾徽徽传子逵逵受诏列公羊谷梁不如左氏四十事以奏之名曰左氏长义章帝善之逵又作左氏训诂司空南阁祭酒陈元作左氏同异大司农郑众作左氏条例章句南郡太守马融爲三家异同之説京兆尹延笃受左氏于贾逵之孙伯升因而注之汝南彭汪记先师奇説及旧注太中大夫许淑九江太守服防侍中孔嘉魏司徒王朗荆州刺史王基大司农董遇徵士炖煌周生烈竝注解左氏传梓潼李仲钦着左氏指归陈郡颖容作春秋条例又何休作左氏膏肓公羊墨守谷梁废疾郑康成鍼膏肓 墨守起废疾自是左氏大兴汉初立公羊博士宣帝又立谷梁平帝始立左氏后汉建武中以魏郡李封为左氏博士羣儒蔽固者数廷争之及封卒因不复 和帝元兴十一年郑兴父子奏上左氏乃立于学官仍行于世迄今遂盛行二传渐微左氏今用杜预注公羊用何休注谷梁用范 注

啖氏助曰古之解説悉是口传自汉以来乃为章句如本草皆后汉时郡国而题以神农山海经广説殷时而云夏禹所纪自余书籍比比甚多是知三传之义本皆口传后之学者乃着竹帛而以祖师之目题之子观左氏传自周晋齐宋楚郑等国之事最详晋则每一出师具列将佐宋则每因兴废备举六卿故知史防之文每国各异左氏得此数国之史以授门人义则口传未形竹帛后代学者乃演而通之总而合之编次年月以为传记又广采当时文籍故兼与子产晏子及诸国卿佐家传并卜书及杂占书纵横家小説讽諫等杂在其中故叙事虽多释意殊少是非交错混然难证公羊谷梁初亦口授后人据其大义散配经文故多乖谬失其纲统然其大指亦是子夏所传

郑氏樵曰春秋者鲁史记之名也有未经夫子笔削之春秋有已经夫子笔削之春秋孔颖达曰春秋之名无所经见惟昭二年韩起来聘见鲁春秋晋语司马侯对悼公曰羊舌肸习于春秋悼公使之 其太子楚语申叔时论傅太子之法亦云教之以春秋由此观之是周之典礼

不存惟鲁春秋为列国所重皆在夫子未修之前旧有春秋之目则韩起之所见与叔向叔时之所学者乃周公伯禽以来上自天子下至列国礼乐征伐等事无不备载皆周之盛时为王之典章此杜预所谓周之旧典礼经是也今汲冢 语亦有鲁春秋记鲁献公十七年事诸如此类皆夫子未生之前未经笔削之春秋也孟子云王者之迹熄而诗亡诗亡然后春秋作此鲁史记东迁以后事已经夫子笔削之春秋也或谓春秋之名取赏以春夏刑以秋冬或谓一褒一贬若春若秋或谓春获麟秋成书谓之春秋皆非也惟杜预所谓年有四时故错举以为所记之名此说得之汲冢琐语记夫子时事自为夏殷春秋墨子曰吾见百国春秋以至晏子虞卿吕不韦陆贾著书皆曰春秋盖当时述作之流于正史外各记其书皆取春秋以名之然观其篇第本无年月与错举春秋以为所记之名则异矣

问公谷传大概皆同朱子曰所以林黄中說只是一人只是看他文字疑若非一手者或曰疑当时皆有所传授其后门人弟子始笔之于书耳曰想得皆是齐鲁间儒其所着之书恐有所传授但皆杂以己意所以多舛舛其有合道理者疑是圣人之旧

马氏端临曰案春秋古经虽汉艺文志有之然夫子所修之春秋其本文世所不见而自汉以来所编古经则俱自三传中取出经文名之曰正经耳又曰易有象象本与卦爻为二而王弼合之诗书有序本与经文为二而毛萇孔安国合之春秋有三传亦本与经文为二而治三传者合之先儒务欲存古于是取其已合者复析之命之曰古经然象象之与卦爻序之与经毛孔王三公虽以之混为一书尚未尝以己意增损于其间苟复析之即古人之旧矣独春秋一书三传各以其說与经文参错而所载之经文又各争异盖事同而字异者及邾仪父盟于蔑于昧之类是也事字俱异者尹氏君氏之类是也元未尝书其事而以意增入者孔子生孔丘卒是也然择其差可信者则左氏为优何也盖公羊谷梁直以其所作传文搀入正经不曾别出而左氏则经自经而传自传又杜元凯经传集解序文以为分经之年与传之年相附则是左氏作传之时经文本自为一书至元凯始以左氏传附之经文各年之后是左氏传中之经文可以言古经矣

传注得失

欧阳氏修曰传之于经勤矣其述经之事时有赖其详焉至其失传则不胜其戾也其述经之意亦时有得焉及其失也欲大圣人而反小之欲尊经而反卑之取其详而得者废其失者可也嘉其尊大之心可也取其卑小之說不可也

又曰经不待传而通者十七八因传而惑者十五六程子曰以传考经之事迹以经别传之真伪

晁氏說之曰谷梁晚出于汉因得监省左氏公羊之违畔而正之至其精深遠大者真得子夏之所传范氏又因诸儒而博辯之申谷梁之志也其于是非亦少公矣非若征南一切申传汲汲然不敢异同也

杨氏时曰伯淳先生尝有语云防春秋若经不通则当求之传传不通则当求之经某曾问之云传不通则当求之经何也曰只如左氏春秋书君氏卒君氏乃惠公继室声子也而公羊春秋则书曰尹氏传云大夫也然声子而书曰君氏是何义当以尹氏为正此所谓求之经

胡氏安国曰传春秋者三家左氏叙事见本末公羊谷梁辞辩而义精学经以传为案则当阅左氏玩辞以义为主则当习公谷

胡氏宁曰左氏释经虽简而博通诸史叙事尤详能令百世之下颇见本末其有功于春秋为多公谷释经其义皆密如卫州吁以称人为讨贼之辞也公薨不地故也不书葬贼不讨以罪下也若此之类深得圣人诛乱臣讨贼子之意考其源流必有端绪非曲说所能及也啖赵谓三传所记本皆不谬义则口传未形竹帛后代学者妄加附益转相传授浸失本真故事多迁诞理或舛驳其言信矣然则学者于三传忽焉而不习则无以知经习焉而不察择焉而不精则春秋之宏意大旨简易明白者汨于僻说愈晦而不显矣

朱子曰左氏曾见国史考事颇精只是不知大义专去小处理防往往不曾讲学公谷考事甚踈然义理却精二人乃是经生传得许多说话往往不曾见国史

又曰左传君子曰最无意思因举芟夷蕴崇之一 是闕上文甚事左传是一个审利害之几善避就底人所以其书有贬死节等事其间议论有极不是处如周郑交质之类是何议论其曰宋宣公可谓知人矣立穆公其子飧之命以义夫只知有利害不知有义理此 不如公羊说君子大居正却是儒者议论

又曰或有解春秋者专以日月为褒贬书时月则以为贬书日则以为褒穿凿得全无义理若胡文定公所解乃是以义理穿凿故可观

问胡春秋如何曰胡春秋大义正但春秋自难理防又曰前辈做春秋义言辞虽粗率却说得圣人大意出如二程未出时便有胡安定孙泰山石徂徕他们说经虽是甚有踈略处观其推明治道直是凛凛可畏

又曰左传是后来人做为见陈氏有齐所以言八世之后莫之与京见三家分晋所以言公侯子孙必复其始左氏是史学公谷是经学史学者记得事却详于道理上便差经学者于义理上有功然记事多误

择之说文定说得理太多尽堆在里面朱子曰不是如此底亦压从这理来

问春秋胡文定公之说如何曰寻常亦不满于胡说且如解经不使道理明白却就其中多使故事大与做时文答防相似

晁氏公武曰三传之学谷梁所得最多诸家之解范甯之论最善

郝氏经曰三传之說虽不同要之出于圣人之门而学有所自终不外圣人之书法自王通为三传作而春秋散之言而卢仝辈遂谓三传当束高阁而独抱遗经陆淳啖助赵匡等因之遂创为之传自是春秋之学不专于三传矣

虞氏集曰昔之传春秋者有五家邹夹先亡学春秋者据左氏以记事以观圣笔之所防而或议其浮华与经意遠者多矣是以公谷据经以立义专门之家是以尚焉唐啖赵师友之间始知求圣人之意于圣人手笔之书宋之大儒以为可与三传竝治者明其能专求于经也然传亡存者惟纂例等书意其传之所明无出于所存之书者清江刘氏权衡三传得之为多而其所为传用意奥深非博洽于典礼旧文者不足以尽明之是以知者鲜矣

日讲春秋解义总說

卷一

<经部,春秋类,日讲春秋解义

钦定四库全书

日讲春秋解义卷一

隐公【公名息姑鲁惠公之子姬姓侯爵自周公子伯禽始受封传世十有三而至隐公摄主国事諡法不尸其位曰隐】

周【文武开基始都丰镐幽厉板荡平王东迁洛阳尽举故都而弃之秦所谓东周也于是王室微弱至平王四十九年而入春秋鲁隐公三年平王崩桓王立】

郑【姬姓伯爵自桓公始受封周厉王之子宣王之弟也子武公武公子庄公庄公元年封弟于京二十二年克 于鄢入春秋】

齐【姜姓侯爵自太公相武王定殷受封于齐受命专征侯伯传世十三至僖公九年入春秋】宋【子姓公爵周武王定殷邦封微子啓于宋以奉殷祀传世十四至穆公七年入春秋鲁隐公三年穆公卒弟殇公与夷立】

晋【姬姓侯爵自唐叔始受封传世十一而至昭侯昭侯封文侯之弟成师于曲沃晋始乱分为二以翼曲沃别之】

翼【昭侯之后传孝侯鄂侯鄂侯二年入春秋隐公五年曲沃伐翼翼侯奔随王命虢公立鄂侯之子光于翼是为哀侯隐公六年晋逆翼侯于随纳诸鄂谓之鄂侯】

曲沃【成师之后传曲沃庄伯曲沃庄伯之十一年十一月鲁隐公之元年正月也隐公七年曲沃庄伯卒子称代立是为曲沃武公】

卫【姬姓侯爵自康叔始受封传世十三至桓公十三年入春秋鲁隐公四年卫州吁弑桓公自立冬杀州吁宣公晋立】

蔡【姬姓侯爵蔡叔之子蔡仲率德改行成王复封于蔡传世十三至宣公二十八年入春秋鲁隐公八年宣公卒子桓侯封人立】

曹【姬姓伯爵自曹叔振铎始受封传世十二至桓公终生三十五年入春秋】

滕【姬姓侯爵至鲁隐公七年见滕侯卒其后称子蓋为时王所黜】

陈【媯姓侯爵舜之后自胡公始受封传世十二至桓公二十三年入春秋】

杞【妣姓侯爵夏禹之后自东楼公始受封传五世至武公二十九年入春秋鲁庄公二十七年书杞伯来朝蓋为时王所黜其后又称子】

薛【任姓侯爵至鲁隐公十一年见来朝庄公三十一年书薛伯卒蓋为时王所黜其后至昭公三十一年见葬薛献公】

莒【己姓子爵至鲁文公十八年见庶其】

邾【曹姓附庸国自仪父入春秋后为子至鲁庄公十六年书邾子克卒】

许【姜姓太岳之后至鲁隐公十一年见许庄公及许叔鲁桓公十五年许叔入于许即鲁僖公四年许男新臣卒葬许穆公也】

小邾【曹姓颛顼之后鲁庄公五年书邾黎来来朝蓋附庸而未爵命其后数从齐桓公尊王室王命为诸侯至鲁僖公七年始书小邾子】

楚【芈姓子爵自熊绎始受封八世至熊渠立其长子康为句亶王中子红为鄂王少子执疵为越章王此 王之始也又八世至熊仪是为若敖又二世至熊眀是为蚡冒其弟熊通篡立是为武王武王十九年入春秋】

秦【嬴姓伯爵颛帝之后也殷有蜚廉周有造父周孝王使非子畜马蕃息分土为附庸邑之秦六世至襄公将兵救周送平王东迁有功封为诸侯襄公卒文公立文公四十四年是为隐公元年又六世至穆公任好十五年鲁僖公十五年始见春秋】

吴【姬姓子爵自太伯祚吴五世至周章而武王克殷因封之吴又十四世至寿梦而吴始益大称王鲁成公七年始见春秋】

越【其先禹之苗裔少康之庶子也封于防稽以奉禹祀后二十余世至于允常鲁昭公五年偕楚伐吴始见于春秋允常与阖庐战而相怨伐定公十四年允常卒子句践立是为越王是年吴伐越越败之于檣李】

钦定四库全书

日讲春秋解义卷一

隐公【名息姑惠公之子以平王四十九年嗣位諡法不尸其位曰隐】

【左传】惠公元妃孟子【子宋姓】孟子卒继室以声子生隐公【声子孟子之侄娣也元妃卒次妃摄治内事故谓之继室】宋武公生仲子【宋杜注梁国睢阳县今河南归德府治】仲子生而有文在其手曰为鲁夫人【鲁括地志曲阜县外城伯禽所筑也今属山东兖州府】故仲子归于我生桓公而惠公薨是以隐公立而奉之【追成父志以位让桓为桓尚少立为太子率国人奉之为经元年春不书即位传】

元年

【公羊传】元年者何君之始年也

此鲁隐公即位之首年孔子笔削所托始也诸侯奉天子正朔凡有事于天子之国必用天子之年至纪本国之政亦得自用其年旧史之常法也首年称元自董氏仲舒以为视大始而欲正本何休杜预附而益之遂有体元之說胡氏安国推衍干

元坤元之用而谓体元者人君之职调元者宰相之事又曰元即仁也仁人心也虽理亦可通而非经之本指也舜典称元日商书称元祀古之帝王义或有取而遂目为圣人之书法则凿矣

春王正月

【左传】元年春王周正月【言周以别夏殷】不书即位摄也

【公羊传】春者何歲之始也王者孰谓文王也【文王周始受命制法之王】曷为先言王而后言正月王正月也何言乎王正月大一统也公何以不言即位成公意也何成乎公之意公将平国而反之桓曷为反之桓桓幼而贵隐长而卑其为尊卑也微【母俱媵也】国人莫知隐长又贤诸大夫扳隐而立之隐于是焉而辞立则未知桓之将必得立也且如桓立则恐诸大夫之不能相幼君也故凡隐之立为桓立也隐长又贤何以不宜立立适以长不以贤立子以贵不以长桓何以贵母贵也【桓母右媵】母贵则子何以贵子以母贵母以子贵

【谷梁传】虽无事必举正月谨始也公何以不言即位成公志也【成隐让桓之志】焉成之言君之不取为公也君之不取为公何也将以让桓也让桓正乎曰不正【隐长桓幼】春秋成人之美不成人之恶隐不正而成之何也将以恶桓也【不明让者之善则弑者之恶不显】其恶桓何也隐将让而桓弑之则桓恶矣桓弑而隐让则隐善矣善则其不正焉何也春秋贵义而不贵惠【惠谓私惠】信道而不信邪孝子扬父之美不扬父之恶先君之欲与桓非正也邪也虽然既胜其邪心以与隐矣已探先君之邪志而遂以与桓则是成父之恶也兄弟天伦也【兄先弟后天之伦次】为子受之父为诸侯受之君【隐为世子受命于惠公为鲁君已受命于天王矣】已废天伦而忘君父【弟先于兄是废天伦私以国让是忘君父】

以行小惠曰小道也若隱者可谓轻千乘之国蹈道则未也王正月者周正建子之月也周人即以是月为春夏书甘誓曰怠弃三正则三正叠用古已有此而汉书陈宠传曰冬至之节阳气始萌天以为正周以为春又其明征也以经文考之桓十四年春正月无冰成元年春二月无冰襄二十八年春无冰若夏正建寅之月则冻宜解无冰非异矣况卯辰之月乎定元年冬十月陨霜杀菽若建亥之月则陨霜非异而亦无菽矣以是知先儒夏时冠周月之說未得其实也春秋之例必通一时无事可纪乃书首月以备四时而成歲惟人君之始年虽下二月有事可纪必书元年春王正月公即位史防之正法也隱公自居于摄虽改元朝庙与国人更始而未行即位之礼故不书即位庄闵僖元年不书即位与此同盖事有其实既行即位之礼旧史所书孔子不得而削也未行即位之礼旧史所无孔子不得而增也胡氏安国乃谓孔子首絀隱公以明大法误矣谓上不稟命于天子则鲁十二公之所同也谓内不承国于先君则于定公之书即位不可通矣侯国纪事虽得自用其年而所奉乃天子之朔故必书王正月程氏端学曰若周史则不书王得其义矣先儒乃谓天下皆知有帝故虞之正月不冠以帝天下皆知有王故夏之正月不冠以王而以加王于正为孔子特笔亦臆說也

三月公及邾仪父盟于蔑【凡书邾公羊俱作邾娄蔑公羊谷梁竝作昧此书盟之始邾今山东邹县蔑杜注鲁地今泗水县东有姑蔑故城】

【左传】三月公及邾仪父盟于蔑邾子克也未王命故不书爵曰仪父贵之也公摄位而欲求好于邾故为蔑之盟

【公羊传】及者何与也防及暨皆与也曷为或言防或言及或言暨防犹最也【最聚也】及犹汲汲也暨犹暨暨也及我欲之暨不得已也仪父者何邾娄之君也何以名字也曷为称字褒之也曷为褒之为其与公盟也与公盟者众矣曷为独褒乎此因其可褒而褒之此其为可褒奈何渐进也【去恶就善曰进】昧者何地期也【其所期处谷梁传】及者何内为志焉尔【内谓鲁也】仪字也父犹傅也男子之美称也其不言邾子何也邾之上古微未爵命于周也不日其盟渝也【渝变也】昧地名也

按聘礼大射仪燕礼五等诸侯皆称公而公食大夫礼又以名篇则谓君为公本周制也鲁侯爵而称公乃臣子尊君之辞故孔子仍而不革邾鲁附庸国仪父其君之字也附庸未得列于诸侯故书字以别之与王朝大夫诸侯兄弟同春秋凡书盟者恶之及者内为志防者外为主是盟隱公所欲故曰及也诸侯当讲信守义以承王事义不明而有私交信不足而有盟诅春秋志大道之公是以恶之也况数年以后公即伐邾盟果何益哉

【附錄左传】夏四月费伯帅师城郎不书非公命也【费伯鲁大夫费彘父也费彘父食邑今山东鱼台县西南有费亭郎杜注鲁邑今鱼台县东北有郎城传曰君举必书然则史之防书皆君命也今不书于经亦因史之旧法故传释之】

夏五月郑伯克 于鄆【郑今河南新郑县鄆今河南鄆陵县】

【左传】初郑武公娶于申曰武姜【凡传言初者因此年之事而推其所由始也申国名姜姓今河南南阳县北有故申城】生庄公及共叔【共今河南辉县 出奔共故曰共叔】庄公寤生【史记寤生生之难也】惊姜氏故名曰寤生遂恶之爱共叔 欲立之亟请于武公公勿许及庄公即位为之请制【制郑邑一名虎牢今河南汜水县西有虎牢城武姜请于庄公欲以制邑封 公曰制岩邑也【言其地岩险】虢叔死焉他邑唯命【虢叔东虢君也恃制岩险而不修德郑灭之虢故城在今汜水县东近荥阳界】请京【京杜注郑邑今荥阳县有京县故城】使居之谓之京城大叔祭仲曰【祭仲郑大夫】都城过百雉国之害也【方丈曰堵三堵曰雉一雉之墙长三丈高一丈凡邑有宗庙先君之主曰都无曰邑邑曰筑都曰城过百雉言城之周围过三百丈之数】先王之制大都不过参国之一【三分国城之一】中五之一小九之一今京不度【不合三等法度】非制也君将不堪公曰姜氏欲之焉辟害对曰姜氏何厌之有不如早为之所无使滋蔓蔓难图也蔓草犹不可除况君之宠弟乎公曰多行不义必自毙子姑待之既而大叔命西鄙北鄙贰于己【鄙邊邑贰两属也】公子吕曰【公子吕郑大夫】国不堪贰君将若之何欲与大叔臣请事之若弗与则请除之无生民心【叔久不除则举国之民当生他心】公曰无庸将自及【言无用除之彼将自及于祸也】大叔又收贰以为己邑【前两属者今皆取为己邑】至于廩延【言所侵愈多廩延杜注郑邑今河南延津县】子封曰可矣厚将得众【子封即公子吕也厚谓土地广大】公曰不义不昵【言不义之人不为众所亲昵】厚将崩【以墙屋喻也厚而无基必自崩喻众所不附将自败也】大叔完聚缮甲兵具卒乘【完城郭聚人民缮治其甲冑与兵器具备其步卒与车乘】将袭郑夫人将啓之【无钟鼓曰袭啓开也】公闻其期曰可矣命子封帅车二百乘以伐京【古者兵车一乘甲士三人步卒七十二人】京叛大叔 入于鄢公伐诸鄢五月辛丑大叔出奔共书曰郑伯克 于鄢 不弟故不言弟如二君故曰克称郑伯讥失教也谓之郑志不言出奔难之也【 实出奔而以克为文明郑伯志在于杀难言其奔】遂寘姜氏于城颍【城颍杜注郑地史记正义曰许州临颍县是今河南临颍县有故城】而誓之曰不及黄泉无相见也既而悔之颍考叔为颍谷封人【颍谷颍水所出在今河南登封县封人典封疆之官】闻之有献于公公赐之食食舍肉【食而不啜羹欲以 问也】公问之对曰小人有母皆尝小人之食矣未尝君之羹请以遗之公曰尔有母遗繄我独无颍考叔曰敢问何谓也【据武姜在设疑也】公语之故且告之悔对曰君何患焉若阙地及泉隧而相见其谁曰不然【阙掘也隧地中道也】公从之公入而赋大隧之中其乐也融融姜出而赋大隧之外其乐也泄泄【赋赋诗也中融外泄各自为韵盖所赋之诗有此辞传略而言之也】遂为母子如初君子曰颍考叔纯孝也爱其母施及庄公【言能广施孝道感悟庄公】诗曰孝子不匮永锡尔类其是之谓乎

【公羊传】克之者何杀之也杀之则曷为谓之克大郑伯之恶也曷为大郑伯之恶母欲立之已杀之如勿与而已矣【如即不如齐人语也】 者何郑伯之弟也何以不称弟当国也其地何当国也齐人杀无知何以不地在内也在内虽当国不地也不当国虽在外亦不地也【穀梁传】克者何能也何能也能杀也何以不言杀见 之有徒众也 郑伯弟也何以知其为弟也杀世子母弟目君以其目君知其为弟也 弟也而弗谓弟公子也而弗谓公子贬之也 失子弟之道矣贱 而甚郑伯也何甚乎郑伯甚郑伯之处心积虑成于杀也于鄢遠也犹曰取之其母之懷中而杀之云尔甚之也【 奔走至鄢去已遠矣郑伯犹追杀之何以

异于探其母怀中赤子而杀之乎】然则为郑伯者宜奈何缓追逸贼亲亲之道也

此春秋诛意之文也按郑庄克 君臣合谋则当称国命公子吕为帅则当称将出车二百乘则当称师而经专斥郑伯所以恶庄也克者以力胜之若讎敌然不称弟 不弟也于鄆谓既伐诸京又蹙诸鄆极之于其所往也自常情观之 躬为不义庄待其及而后讨之似亦非过而春秋归狱于庄何哉当其始姜欲立 复多才为国人所与庄遽欲除之而罪状未着惧无辞于母氏与国人也故授以大邑为作乱之阶命贰收贰其势渐逼犹曰姑待曰无庸纵使失道俟其缮甲兴师形迹显著然后以叛逆讨之则国人不敢从姜氏不敢主而 属籍当絶不可复居父母之邦矣夫王者以善养人惟恐人之不入于善也而郑庄于弟则惟恐不入于恶春秋所为深诛其意以正人心而扶世道也

秋七月天王使宰咺来归惠公仲子之赙【此书王室下交诸侯之始左传】秋七月天王使宰咺来归惠公仲子之赙缓且子氏未薨故名【惠公葬在春秋前故曰缓也子氏仲子也薨在二年】天子七月而葬同轨毕至【同轨毕至言海内皆至也】诸侯五月同盟至【五月而葬杀于天子同方岳之盟其地渐近故五月可至不言毕至至不至无所拘也】大夫三月同位至【三月而葬杀于诸侯古者行役不逾时故三月而同位至】士逾月外姻至【过月而葬杀于大夫外姻之在他国者过月可至此言赴吊各以远近为差因为葬节】赠死不及尸【尸未葬之通称】吊生不及哀【诸侯已上既葬则缋麻除无哭位】豫凶事【仲子在而来赙故曰豫凶事】非礼也

【公羊传】宰者何官也咺者何名也曷为以官氏宰士也【言宰与周公同言名又与宰周公异是宰下之士也】惠公者何隐之考也仲子者何桓之母也何以不称夫人桓未君也赙者何丧事有赙赙者盖以马【谓士不备四也】以乘马束帛【乘马谓大夫已上备四也束帛谓 三纁二】车马曰赙货财曰赗衣被曰襚桓未君则诸侯曷为来赙之隐为桓立故以桓母之丧告于诸侯然则何言尔成公意也【尊桓母以赴告天子诸侯隐公之意也】其言来何不及事也【时葬事已毕无所复施】其言惠公仲子何兼之兼之非礼也【言惠公仲子当各使一使】何以不言及仲子仲子微也【比夫人为微故不得与惠公竝】

【谷梁传】母以子氏【妾不得体君故以子为氏】仲子者何惠公之母孝公之妾也礼赠人之母则可赠人之妾则不可君子以其可辞受之其志不及事也赙者何也乘马曰赙衣衾曰襚贝玉曰含钱财曰赗

天王周平王也系王于天春秋之特笔也宰者豕宰咺其名也惠公隐公之父仲子惠公之妾也王朝公卿例书爵咺六卿之长而名之何也豕宰纪法所从出君有过举当据纪法以争之今乃承命下赙诸侯之妾使咺不知其不可是不智也知其不可而不言是不忠也故特贬而书名以见其失职也

【附錄左传】八月纪人伐夷夷不告故不书【纪国名姜姓侯爵今山东壽光县东南有纪城夷国名妘姓杜注在城阳庄武县今山东即墨县西有庄武故城隐十一年传曰凡诸侯有

命告则书不然则否春秋例也】

有蜚不为灾亦不书【蜚负蟊也盖食苗虫之属庄二十九年传曰凡物不为灾不书】

九月及宋人盟于宿【此书参盟之始宿国名风姓男爵杜注东平无盐县也今无盐故城在山东东平州东】

【左传】惠公之季年败宋师于黄【黄杜注宋邑外黄县有黄城今外黄故县在河南 县东北】公立而求成焉九月及宋人盟于宿始通也【公羊传】孰及之内之微者也

【谷梁传】及者何内卑者也宋人外卑者也卑者之盟不日宿邑名也

宿国名惠公与宋有防至隐公立而求成于宋遂为此盟内称及外称人皆微者也微者之盟防不志此其志者有宿国之君在也凡书盟者恶之或谓周礼有司盟之官至于诅祝玉府戎右太史皆有职以掌盟载之事意者盟以结信出于人情亦先王所不禁乎不知司盟之设非先王所欲而不禁乃欲禁之而不能也圣人欲尽去盟诅之私直追大道之公恶盟之心与先王设盟之心未尝不合皆欲以维信义之穷耳

【附錄左传】冬十月庚申改葬惠公公弗临故不书【以桓为太子故隐公让而不敢为丧主】惠公之薨也有宋师太子少葬故有阙是以改葬卫侯来防葬不见公亦不书【卫杜注在汲郡朝歌县今朝歌故城在河南淇县东北诸侯防葬非礼也不得接见成礼故不书】郑共叔之乱公孙滑出奔卫【公孙滑共叔 子】卫人为之伐郑取廩延郑人以王师虢师伐卫南鄙【虢西虢国也姬姓公爵杜注 农陝县东南有虢城陝县今河南陝州也凡师能左右之曰以】请师于邾邾子使私于公子豫【公子豫鲁大夫私请师】豫请往公弗许遂行及邾人郑人盟于翼【翼杜注邾地在今山东费县西南】不书非公命也新作南门不书亦非公命也

冬十有二月祭伯来【此书王臣私交之始杜注祭国伯爵也路史周圻内管城东北有古祭城今河南开封府东北有祭伯城】

【左传】十二月祭伯来非王命也

【公羊传】祭伯者何天子之大夫也何以不称使奔也奔则曷为不言奔王者无外言奔则有外之辞也【谷梁传】来者来朝也其弗谓朝何也寰内诸侯非有天子之命不得出防诸侯不正其外交故弗与朝也【天子畿内大夫有采地谓之寰内诸侯】聘弓鍤矢不出竟塲束脩之肉不行竟中有至尊者不貳之也【聘弓鍤矢者古者以弓矢相聘问故左传云楚子问郤至以弓尔雅释器云金鍤翦羽谓之鍤束脩之肉者脩脯也臣无竟外之交故弓矢不出竟塲在礼家施不及国故束脩之肉不行竟中谓之竟塲者竟是疆界之名至此易主故谓之疆塲不貳之者言臣当一一禀君命无自专之道也】

祭邑名伯或曰爵或曰字祭伯天子之卿畿内诸侯来者来朝于鲁也不曰朝而曰来不与其朝也曷为不与其朝非王命也私交者人臣所禁故寰内诸侯非有天子之命不得出防诸侯况隐公之立未尝朝王祭伯不奉王命而遽来朝鲁是为结外交藐君父营私蔽公罪孰大焉春秋于王臣外交皆贬而不与所以正其本也

公子益师卒

【左传】众父卒【众父公子益师字】公不与小敛故不书日【礼卿佐之丧小敛大敛君皆亲临之崇恩厚也小敛始死之敛盖隐公不亲临众父始死之敛故不书众父卒日公羊传】何以不日遽也所见异辞所闻异辞所传闻异辞【所见谓昭定哀所闻谓文宣成襄所传闻谓隐桓庄闵僖】

【谷梁传】大夫日卒正也【君之卿佐是谓股肱股肱或亏何痛如之故录其卒日以纪恩】不日卒恶也【恶故略之】

益师鲁卿众父之名称公子者鲁侯之子也诸侯之卿皆受命于天子当时不复请命而使为卿故皆不书官不与其为卿也其不书卒之日公羊以为遽然公子疆遽矣而书日则非遽也谷梁以为恶然公子牙季孙意如恶矣而书日则非恶也左氏以为公不与小敛然公孙敖卒于外而公在内叔孙舍卒于内而公在外不与小敛明矣而书日则左氏之说亦非也程子曰或日或不日因旧史也古史记事简略日月或不备春秋因旧史有可损而不能益是为得之胡氏谓见恩数之有厚薄亦因左氏之说而失之者与

二年春公防戎于潜【此书防之始戎今山东曹县故戎城是也潜鲁近戎之地当在今兖州府西南境】

【左传】二年春公防戎于潜修惠公之好也戎请盟公辞【谷梁传】防者外为主焉尔知者虑【察安审危】义者行【临事能断】仁者守【众之所归守必坚固】有此三者然后可以出防防戎危公也

春秋之例事以时成则书时而不书月而隐公自元年以后皆不书正月虽事以月成者亦书时故谷梁谓隐十年无正隐不自正公羊谓隐不有其正皆非也隐在位十有一年王命五至身既不朝又无一介之使报礼于京师是不奉正朔也故不书正以示义焉春秋凡防皆讥君臣同词者非封建之国也

夏五月莒人入向【此书入国之始莒今山东莒州向国姜姓汉置向县今江南怀远县西有故县村】

【左传】莒子娶于向向姜不安莒而归【不安于莒归其父母之国】夏莒人入向以姜氏还

【公羊传】入者何得而不居也

【谷梁传】入者内弗受也【苟不以罪则义皆不可受】向我邑也

无骇帅师入极【骇谷梁作倅此书大夫专兵之始极附庸国今山东鱼台县西有极亭左传】司空无骇入极费庠父胜之【司空鲁卿无骇不书氏未赐族庠父费伯也】

【公羊传】无骇者何展无骇也何以不氏贬曷为贬疾始灭也始灭昉于此乎【昉适也】前此矣前此则曷为始乎此托始焉尔曷为托始焉尔春秋之始也此灭也其言入何内大恶讳也

【谷梁传】入者内弗受也【内谓所入之国】极国也苟焉以入人为志者人亦入之矣不称氏者灭同姓贬也

莒小国称人略之也春秋小国卿大夫皆称人无骇称名春秋之初大夫未张犹多不书其氏也向极皆国名入者以兵造其国都得之而不居也其义为逆而不顺诸侯非奉天子之命不得自相侵伐其不率者则大司马九伐之法施焉今莒鲁无王命而擅入人国天王不能讨直书其事而义自见矣

秋八月庚辰公及戎盟于唐【此书盟戎狄之始唐杜注鲁地方与县北有武唐亭在今山东鱼台县】

【左传】戎请盟秋盟于唐复修戎好也

戎在徐州之域去鲁为近故春既有潜之防秋复有唐之盟其书日者以戎异于列国诸侯故谨之也潜之防戎请盟而公辞今乃遂与之盟不可已乎书及所以责公也

九月纪履緌来逆女【履緌左作裂繻】

冬十月伯姬归于纪

【左传】九月纪裂繻来逆女卿为君逆也

【公羊传】纪履緌者何纪大夫也何以不称使昏礼不称主人【为养廉遠耻也】然则曷称称诸父兄师友宋公使公孙寿来纳币则其称主人何辞穷也辞穷者何无母也【宋公无母莫使命之】然则纪有母乎曰有有则何以不称母母不通也【礼妇人无外事母命不得达故不得称母通使文所以遠别也】外逆女不书此何以书讥何讥尔讥始不亲迎也始不亲迎昉于此乎前此矣前此则曷为始乎此托始焉尔曷为托始焉尔春秋之始也女曷为或称女或称妇或称夫人女在其国称女在涂称妇入国称夫人

伯姬者何内女也其言归何妇人谓嫁曰归

【谷梁传】逆女亲者也【亲谓自逆之也】使大夫非正也以国氏者【以纪冠于履綌之上为以国氏】为其来交接于我故君子进之也礼妇人谓嫁曰归反曰来归【反谓为夫家所遣】从人者也妇人在家制于父既嫁制于夫夫死从长子妇人不专行必有从也伯姬归于纪此其如专行之辞何也曰非专行也吾伯姬归于纪故志之也其不言使何也逆之道微无足道焉尔

履綌纪大夫伯姬鲁女许嫁于纪者也书履綌逆女讥纪侯之不亲迎也夫妇人伦之本父子君臣皆于此托始焉孔子告哀公以大昏为政之本文王之亲迎于渭韩侯之亲迎于蹶里竝见雅诗今纪侯不亲迎而使履綌来岂所以重大昏之礼与然程子有言亲迎者迎于所馆故有亲御授绥之礼且如秦楚远隔岂有委宗庙社稷而亲迎妇者文王亲迎于渭未尝出疆且为公子时也以此义推之韩侯因覲而迎非私行故于礼无讥天子诸侯之礼每与士庶人异二說竝存而不可偏废也

纪子伯莒子盟于密【伯左氏作帛此书外相盟之始密杜注莒邑今山东昌邑县东南有密乡故城】

【左传】冬纪子帛莒子盟于密鲁故也

【公羊传】纪子伯者何无闻焉尔

【谷梁传】或曰纪子伯莒子而与之盟或曰年同爵同故纪子以伯先也【伯长也】

以子系纪非其爵以伯系子无其国此阙文也阙文之例有三有自仲尼削之者如桓公无王王不称天之类以大义削之而本非阙也至于旧文脱简无从考按而夫子因之或秦灰之后卷帙散亡经师口授譌舛莫稽而后儒又因之皆不得不阙者虽作者之圣述者之明不能有所增损也

十有二月乙卯夫人子氏薨

【公羊传】夫人子氏者何隐公之母也何以不书葬成公意也何成乎公之意子将不终为君故母亦不终为夫人也

【谷梁传】夫人薨不地夫人者隐之妻也卒而不书葬夫人之义从君者也

夫人子氏之薨左传无明文杜预因归媚豫凶事之說而断以为桓公之母仲子夫既为夫人未有无諡者何他日考宫仍称仲子而不书其諡乎公羊以为隐公之母果隐公之母则既以夫人之礼书薨亦当以夫人之礼书葬矣故程子独取谷梁隐妻之說而胡氏安国因之薨者

上坠之声夫人先君而薨则不书葬妇人从夫者也

郑人伐卫【此书诸侯专征伐之始】

【左传】郑人伐卫讨公孙滑之乱也【治元年取廩延之乱】

郑公孙滑在卫卫尝为滑伐郑至是郑庄修怨以伐卫夫 既糊口四方滑兄弟之子必欲絶之而后快庄之忮悻不待贬而自见矣征伐者天子之大权就使卫果有罪可声郑果有言可执非奉王命不得兴师而况迁怒复怨为廩延之微郄乎不书战者卫自输服而不待战也凡书伐而不书战者皆可以此义通之

日讲春秋解义卷一

卷二

钦定四库全书

日讲春秋解义卷二

隐公

三年春王二月己巳日有食之【此书日食之始】

【公羊传】何以书记异也日食则曷为或日或不日或言朔或不言朔曰某月某日朔日有食之者食正朔也【桓公三年秋七月壬辰朔日有食之是也】其或日或不日或失之前或失之后失之前者朔在前也【谓二日食己巳日有食之是也】失之后者朔在后也【谓晦日食庄公十八年三月日有食之是也】

【谷梁传】言日不言朔食晦日也其日有食之何也吐者外壤食者内壤【壤日之轮廓其所吐出者壤在外其所吞食者壤入于内】阙然不见其壤有食之者也【日既阙损不知壤之所在必有物食之】有内辞也或外辞也【食者内壤故曰内辞吐者外壤故曰外辞传无外辞之文者盖时无外壤也而曰或外辞者因事以推明义例耳】有食之者内于日也【日食既有两种之辞今直云有食之者为壤在于内也】其不言食之者何也【谓经不明言月之食日也】知其不可知也【圣人慎疑所谓不知为不知是知也】

厯法周天之度日行疾月行迟日月一岁凡十二防方防则月光都尽而为晦己防则月光复苏而为朔当月朔而日月之防东西同度南北同道则月掩日而日为之食精厯算者皆能豫推之是有常度矣既有常度可求则灾而非异矣然每食必书示后世以遇灾而惧之意也亦以示后世治厯明时之法也日者众阳之宗为阴所掩王者于此修德行政扶阳抑阴以见克谨天戒之意经书日食三十六示人君不可忽天象也

三月庚戌天王崩

【左传】三年春王三月壬戌平王崩赴以庚戌故书之【公羊传】何以不书葬天子记崩不记葬必其时也【至尊无所屈也】诸侯记卒记葬有天子存不得必其时也【设有他故葬必易期】曷为或言崩或言薨天子曰崩诸侯曰薨大夫曰卒士曰不防【等杀其词以别尊卑】

【谷梁】高曰崩厚曰崩尊曰崩天子之崩以尊也其崩之何也以其在民上故崩之其不名何也大上故不名也【名者所以相别耳居人之大在民之上故无所名】

崩者上坠之形天子之尊四海之内皆当奔丧鲁君闻赴不防有慢上之心故志崩不志以着其罪

夏四月辛卯尹氏卒【尹左作君】

【左传】夏君氏卒声子也不赴于诸侯不反哭于寝不祔于姑【隐不敢从正君之礼故亦不敢备礼于其母】故不曰薨不称夫人故不言葬不书姓为公故曰君氏【隐见为君故特书于经曰君氏公羊传】尹氏者何天子之大夫也其称尹氏何贬曷为贬讥世卿世卿非礼也外大夫不卒此何以卒天王崩诸侯之主也【尹氏主宾赞诸侯】

【谷梁传】尹氏者何也天子之大夫也外大夫不卒此何以卒之也于天子之崩为鲁主故隐而卒之【隐犹痛也周礼大行人之职曰若有大丧则诏相诸侯之礼尹氏时在职而诏鲁人之吊者】

尹氏王朝世卿书卒来赴也古者论功命爵辨材授职世禄而不世官故俊杰皆得在位威福不至下移尹氏秉钧为周阶乱见于家父所刺考之左氏一世执王朝之政春秋于其告丧与立子朝以子朝奔楚皆以氏书以着世卿之失为后世戒武氏仍叔之子皆此义也且王臣不得外交其死也亦不得赴告尹氏卒而来赴于鲁越礼逾法书之以明人臣之义杜朋党之原又圣人之微防也

【附录左传】郑武公庄公为平王卿士王贰于虢【西虢公亦仕王朝王欲分任之】郑伯怨王王曰无之故周郑交质王子狐为质于郑【狐平王子】郑公子忽为质于周【忽庄公子】王崩周人将畀虢公政四月郑祭足帅师取温之麦【祭足即祭仲也温周畿内邑今河南温县有古温城】秋又取成周之禾【成周洛邑也今河南洛阳县有故城】周郑交恶君子曰信不由中质无益也明恕而行要之以礼虽无有质谁能闲之苟有明信涧谿沼沚之毛【山夹水为涧山渚无所通为谿沼池也沚小渚也毛草也】苹蘩蕰藻之菜【苹大萍也蘩皤蒿蕰藻聚藻也】筐筥錡釜之器【方曰筐圆曰筥有足曰錡无足曰釜筐筥皆竹器錡釜皆金器】潢污行潦之水【潢污停水行潦流潦】可荐于鬼神可羞于王公【羞进也】而况君子结二国之信【通言盟约彼此之情故云二国】行之以礼又焉用质风有采芣采芣【义取不嫌薄物】雅有行苇洞酌【行苇义取忠厚洞酌义取行潦可供祭祀】昭忠信也

秋武氏子来求赙【此书来求之始】

【左传】武氏子来求赙王未葬也

【公羊传】武氏子者何天子之大夫也其称武氏子何讥何讥尔父卒子未命也【武氏子父新死未命而便为大夫薄父子之恩故称氏言子以讥之】何以不称使当丧未君也【当丧谓天子也未君者丧未三年未可居君位称使】武氏子来求赙何以书讥何讥尔丧事无求求赙非礼也盖通于下【礼记少仪臣为君防纳货贝于君则曰纳甸于有司臣归之礼也】

君求之非礼也不独天子为然】

【谷梁传】武氏子者何也天子之大夫也天子之大夫其称武氏子何也未毕丧 未爵未爵使之非正也其不言使何也无君也【桓王在丧未即位故曰无君】归死者曰赙归生者曰賵曰归之者正也求之者非正也周虽不求鲁不可以不归鲁虽不归周不可以求之求之为言得不得未可知之辞也交讥之

武氏子天子大夫之嗣也不称使者嗣王当丧未得发命也古者谅阴百官总己以听于冢宰三年当是时而有所使称王则同于至尊称冢宰则疑于无王故不称使所以谨通丧之礼又以示君臣名分之际如此其谨严也尺土一毛皆天子所有君取于臣岂得言求鲁不归賵而周求之周之失道鲁之不臣皆可见矣武氏子仍叔之子或言之或不言之何也盖言武氏之子则似武氏之子自来求賵若仍叔之子不言之又不見其父尚存圣人之文所以如化工之赋物也

八月庚辰宋公和卒

【左传】宋穆公疾召大司马孔父而属殇公焉曰先君舍与夷而立寡人【孔父嘉孔子六世祖先君穆公兄宣公也与夷宣公子即殇公】寡人弗敢忘若以大夫之灵得保首领以没先君若问与夷其将何辞以对请子奉之以主社稷寡人虽死亦无悔焉对曰羣臣愿奉冯也【冯穆公子莊公】公曰不可先君以寡人为贤使主社稷若弃德不让是废先君之举也岂曰能贤光昭先君之令德可不务乎吾子其无废先君之功使公子冯出居于郑【辟殇公也】八月庚辰宋穆公卒殇公即位君子曰宋宣公可谓知人矣立穆公其子飡之命以义夫【命出于义】商颂曰殷受命咸宜百禄是荷其是之谓乎【诗颂言殷汤武丁受命皆以义故任荷天之百禄宣公能使其子任荷天禄合此诗之义也】

【谷梁传】诸侯曰卒正也

外诸侯卒来告则书鲁君书薨臣子之辞也外诸侯书卒非吾君也或不书名不知其名也左同盟则赴以名非也岂有臣子当创钜痛深之日而称先君之名以告隣国者乎且考之礼辞曰寡君不禄则无称名之义审矣赵氏匡谓或同防盟而名见于载书或通朝聘而名见于简牘故国史按旧简书而纪其名然晋献公惠公与鲁未同防盟通聘问而卒书名宿男同盟滕子杞子来朝而卒不书名则义无处也孙氏觉谓即位之初以名赴我亦无所据盖承旧史之文而不可损益耳

冬十有二月齐侯郑伯盟于石门【此书外诸侯特相盟之始齐今山东临淄县西北营丘城石门杜注齐地或曰济北卢县故城西南济水之门】

【左传】冬齐郑盟于石门寻卢之盟也【卢杜注齐地济北卢县故城在今山东长清县西南境卢盟在春秋前】庚戌郑伯之车僨于济【僨仆也济水名既盟而遇大风 纪异也十

二月无庚戌日误】

周室既微霸业未起诸侯无所统各相为党宋鲁陈蔡衛为一党齐郑为一党石门之盟齐郑相结也是盟也鲁公不与经何以书盖以为常事则不必书以为非常之事则不可以不书记曰有虞氏未施信于民而民信夏后氏未施敬于民而民敬殷人作誓而民始畔周人作防而民始疑曰诰誓不及五帝盟诅不及三王圣人有志于大道为公之世故凡盟不削乃以是为非常而志之也

癸未 宋穆公【穆公羊谷梁作繆】

【公羊传】葬者曷为或日或不日不及时而日渴也【不及时不及五月也渴喻急也】不及时而不日慢葬也【慢薄不能以礼葬】过时而日隱之也【隱痛贤君不得以时也】过时而不日谓之不能葬也【解缓不能以时葬】当时而不日正也当时而日危不得葬也此当时何危尔宣公谓繆公曰以吾爱与夷则不若爱女以为社稷宗庙主则与夷不若女盍终为君矣宣公死繆公立繆公逐其二子庄公冯与左师勃【左师官勃名也】曰尔为吾子生母相见死母相哭【所以遠絕之】与夷复曰先君之所为不与臣国而纳国乎君者以君可以为社稷宗庙主也今君逐君之二子而将致国乎与夷此非先君之意也且使子而可逐则先君其逐臣矣繆公曰先君之不尔逐可知矣吾立乎此摄也终致国乎与夷庄公冯弑与夷故君子大居正宋之祸宣公为之也

【谷梁传】日 故也危不得 也

外诸侯之葬有书有不书所以纪邦交之厚薄也盖据鲁人防 以为言故不曰宋葬穆公而曰葬宋穆公其卒见于经而不书葬者彼虽来赴而鲁不往防也凡此皆旧史之文也其变例有三一曰贼不讨不书 隱公之薨而不葬所以责臣子之不能讨贼也宋殇齐昭之不书葬视此矣一则讳其辱晋景公之丧成公往吊晋人止公送葬诸侯莫在鲁人辱之故讳而不书一曰避其号吴楚之君书卒者十襄公如楚尝亲送其 于西门之外矣其余必多遣使防 而无一见于经盖据属词常法当书葬楚某王 吴某王故削而不书也示讨贼之义避僭王之名乃圣人之特笔而讳晋之辱或亦因鲁史之旧文与

【附錄左传】衛庄公娶于齐东宫得臣之妹曰庄姜【得臣齐太子名】美而无子衛人所为赋碩人也又娶于陈曰厉嬀【陈国今河南陈州是也】生孝伯早死其娣戴嬀生桓公莊姜以为己子【厉戴皆諡嬀陈姓也桓公名完】公子州吁嬖人之子也【贱而得幸曰嬖】有宠而好兵公弗禁庄姜恶之石碻諫曰【石碻衛大夫】臣闻爱子教之以义方弗纳于邪骄奢淫佚所自邪也四者之来宠禄过也将立州吁乃定之矣若犹未也阶之为祸失宠而不骄骄而能降降而不憾憾而能矜者鲜矣【降谓强降其心矜重也谓自重其身也】且夫贱妨贵少陵长远闲亲新闲旧小加大淫破义所谓六逆也君义臣行父慈子孝兄爱弟敬所谓六顺也去顺效逆所以速祸也君人者将祸是务去而速之无乃不可乎弗听其子厚与州吁游【厚石碻子】禁之不可桓公立乃老【老致仕也四年经书州吁弑其君故 先经以始

事】

四年春王二月莒人伐杞取牟娄【此书伐国取邑之始杞杜注本都雍丘迁都淳于雍丘今河南 县淳于今山东安丘县有故城牟娄杜注 邑今诸城县有娄乡城公羊传】牟娄者何杞之邑也外取邑不书此何以书疾始取邑也【凡外小恶不书取邑差为重故先治之】

【谷梁传】 曰言伐言取所恶也【称 曰者谷梁子不亲受于师而闻之于 者既伐其国又取其土明伐不以罪而贪其利故两书取伐以彰其恶】诸侯相伐取地于是始故谨而志之也

取者收夺之名诸侯土地受之天王 之先祖疆者不得并兼弱者不宜失守也莒人声罪伐人而疆夺其土故特书曰取以着其恶然隐桓以后 言外取地甚众而无一见于经何也入春秋之始犹以取邑为重中叶以后疆场之邑争夺滋多一彼一此失得无常有不可胜书者矣僖公取济西田成公取汶阳田乃复吾故田而亦书取何也不请于天王以正疆理而擅兵争夺与取非所有者何以异乎前书莒人入向天讨不加至是伐杞取邑为暴益甚春秋于此盖深惜九伐不行而恃弱犯寡之肆行无忌云

戊申衛州吁弑其君完【州谷梁作祝此书弑之始】

【左传】四年春衛州吁弑桓公而立

【公羊传】曷为以国氏当国也

【谷梁传】大夫弑其君以国氏者嫌也弑而代之也【窃据君位故曰嫌】

州吁衛公子程子谓春秋之初弑君者多不称公子公孙盖身为大恶自絶于先君也大义既明于初其后则皆以其属称或见其以亲而宠任太过或见其以天属而反为贼乱立义各不同也孔氏穎达则谓自庄公以上诸弑君者皆不书氏闵公以下皆书氏乃时史有异同非仲尼所笔削理亦可通竝存以俟参考

夏公及宋公遇于清【此书遇之始清杜注衛邑济北东阿县有清亭今东阿县属山东兖州府】

【左传】公与宋公为防将寻宿之盟【宿盟在元年】未及期衛人来告乱夏公及宋公遇于清

【公羊传】遇者何不期也一君出一君要之也【言及公要之也谷梁传】及者内为志焉尔遇者志相得也【不期而防曰遇今日内为志非不期也】

不期而防曰遇清卫邑也古者诸侯或因朝覲或从王事无期约而适值于途必有两君相见之仪近者为主远者为宾称先君以相接所以崇礼让而絕慢易也周衰诸侯放恣非朝非防私为之约各简其礼如道路相值者然异于古之不期而遇矣鲁宋将寻宿之盟以衛来告乱而相见于清谓之不期而防可乎春秋志内之遇四竝书及若曰以此及彼然也志外之遇三竝以爵若曰以尊及卑然也皆莫适为主之辞而其出不以事接不以礼之罪具见矣

宋公陈侯蔡人衛人伐郑【此书诸侯防伐之始亦东诸侯分党之始蔡今河南上蔡县县西南有故城】

【左传】宋殇公之即位也公子冯出奔郑郑人欲纳之及衛州吁立将修先君之怨于郑【谓二年郑人伐衛之怨】而求宠于诸侯以和其民【诸篡立者诸侯既与之防则不复讨故求此宠】使告于宋曰君若伐郑以除君害【谓公子冯】君为主敝邑以赋与陈蔡从则衛国之愿也宋人许之于是陈蔡方睦于衛故宋公陈侯蔡人衛人伐郑围其东门五日而还公问于众仲曰【众仲鲁臣】衛州吁其成乎对曰臣闻以德和民不闻以乱以乱犹治丝而棼之也【棼乱也】夫州吁阻兵而安忍【阻恃也】阻兵无众安忍无亲众畔亲离难以济矣【恃兵则民残民残则众叛安忍则刑过刑过则亲离】夫兵犹火也弗戢将自焚也夫州吁弑其君而虐用其民于是乎不务令德而欲以乱成必不免矣

州吁弑君自立欲借诸侯之宠以和其民因揣宋殇之忌公子冯为伐郑之說以动宋而已亦托修先君廩延之怨構成兵端则首谋者衛也而春秋以宋主兵此圣人诛乱贼必治其党与之法也宋为大国于衛邻近州吁弑逆义所当诛宋既不能申邻国讨贼之义乃反与乱贼为党连兵伐郑以遂其邪谋则人欲肆而天理灭矣故春秋以宋公为首诸国为从所以彰大义于天下也

秋翬帅师【此书大夫防伐之始】

【左传】秋诸侯复伐郑宋公使来乞师公辞之【从众仲之言】羽父请以师防之【羽父翬之字】公弗许固请而行故书曰翬帅师疾之也

【公羊传】翬者何公子翬也何以不称公子贬曷为贬与弑公也其与弑公奈何公子翬谄乎隱公谓隱公曰百姓安子诸侯悦子盍终为君矣隱公曰否吾使修涂裘吾将老焉【涂裘邑名】公子翬恐若其言闻乎桓于是谓桓曰吾为子口隱矣【口以口语相发动也】隱曰吾不反也【称諡者所加】桓曰然则奈何曰请作难弑隱公于钟巫之祭焉弑隱公也

【谷梁传】翬者何也公子翬也其不称公子何也贬之也【外大夫贬皆称人内大夫贬皆去族称名】何为贬之也与于弑公故贬也天下惟大权最不可假人而兵权尤甚凡乱贼之欲动于恶未有不專主兵权者人主诚能辨之于早逆折其心则弑逆之萌杜矣宋殇连诸侯以伐郑使来乞师隱公辞而弗许而翬乘此以窃兵权固请而行翬于是时已有无君之心故先儒以为钟巫之祸自帅师防伐始也

防宋公陈侯蔡人衛人伐郑

【左传】诸侯之师败郑徒兵取其禾而还【时郑不车战】

前书宋公陈侯蔡人衛人伐郑此但言翬帅师防伐郑于文义甚为简明而再序四国何也言之重词之复其中必有大美恶焉州吁弑君人伦大变宋及陈蔡党恶搆祸以反天常翬又往防使乱臣贼子之势益张此世变之极也圣人重言以着其恶而未几鲁宋胥搆篡弑之祸岂非蔑义乱伦气类实相为感召哉

九月衛人杀州吁于濮【濮杜注陈地水名】

【左传】州吁未能和其民厚问定君于石子【石子石碣也】石子曰王觐为可曰何以得觐曰陈桓公方有宠于王【桓公称諡左氏追书】陈衛方睦若朝陈使请必可得也厚从州吁如陈石碣使告于陈曰衛国褊小老夫耄矣无能为也此二人者实弑寡君敢即图之陈人执之而请泄于衛【请卫人自临讨之】九月衛人使右宰丑泄杀州吁于濮【右宰官名丑衛臣名】石碣使其宰孺羊肩泄杀石厚于陈【宰石碣家臣也孺羊肩宰之姓名】君子曰石碣纯臣也恶州吁而厚与焉大义灭亲【古语】其是之谓乎

【公羊传】其称人何讨贼之辞也【人人得而讨之】

【谷梁传】称人以杀杀有罪也祝吁之挈失嫌也【众所不与故直挈其名而道之无据位之嫌】其月谨之也于濮者讥失贼也【讥其不即讨】

州吁之杀石碣主之而书衛人者弑君之贼人人得而诛之不必士师所以广忠孝之路也若书石碣则似一人之私讨而不见其从众望诛有罪矣濮陈地据左氏陈人与有力焉而不以讨贼之义予之者州吁阻兵乘权衛之臣子力不能诛至于失贼之久实因四国连兵欲定其位耳故圣人以讨贼与衛人以失贼罪诸侯程子谓春秋为爱书观此类可以得其义例矣

冬十有二月衛人立晋

【左传】衛人逆公子晋于邢【邢国名姬姓侯爵杜注在广平襄国县今直 邢台县有襄国故城】冬十二月宣公即位书曰衛人立晋众也【公羊传】晋者何公子晋也立者何立者不宜立也其称人何众立之之辞也然则孰立之石碣立之石碣立之则其称人何【与尹氏立王子朝不称人异词故设问】众之所欲立也众虽欲立之其立之非也

【谷梁传】衛人者众辞也立者不宜立者也晋之名恶也【恶谓不正】其称人以立之何也得众也得众则是贤也贤则其曰不宜立何也春秋之义诸侯与正而不与贤也【正谓嫡长】

人者众辞立者不宜立也晋乃桓公之弟庄公之子以次当立国人所共推戴而谓其不宜立者衛之臣子可以讨贼不可以置君晋虽诸侯之子而内不承国于先君上不请命于天子众谓宜立而遂自立焉可乎故春秋于衛人特书立晋以着擅置其君之罪于晋去其公子以明不请王命之非而父子君臣之道正矣然曰衛人立晋则一国之公也与书尹氏立朝为一族之私者异矣此圣人之权衡所以不爽于毫末也

日讲春秋解义卷二

卷三

钦定四库全书

日讲春秋解义卷三

隐公

五年春公观鱼于棠【观左作矢棠今山东鱼台县鱼亭山是其处】

【左传】五年春公将如棠观鱼者【鱼捕鱼也鱼者犹言猎者】臧僖伯谏曰【臧僖伯公子彊也諡曰僖】凡物不足以讲大事【大事祀与戎】其材不足以备器用【材谓皮革齿牙骨角毛羽器用军国之器】则君不举焉君将纳民于轨物者也故讲事以度轨量谓之轨取材以章物采谓之物不轨不物谓之乱政乱政亟行所以败也故春搜夏苗秋猕冬狩【搜索也择取不孕者苗为苗除害也猕杀也以杀为名顺秋气也狩围守也冬物毕成获则取之无所择也】皆于农隙以讲事也三年而治兵入而振旅【虽四时讲武犹复三年大习振整也】归而饮至以数军实【数车徒器械及所获也】昭文章【车服旌旗】明贵贱辨等列顺少长【出则少者在前还则在后所谓顺也】习威仪也鸟兽之肉不登于俎【俎祭宗庙器】皮革齿牙骨角毛羽不登于器【以饰法度之器】则公不射古之制也若夫山林川泽之实器用之资

阜隸之事【士臣阜阜臣舆舆臣隸】官司之守非君所及也公曰吾将略地焉【略总摄巡行之名言欲案行边竟】遂往陈鱼而观之【陈设也谓大设捕鱼之备而观之】僖伯称疾不从书曰公矢鱼于棠【矢亦陈也】非礼也且言远地也【棠实他竟故曰远地】

【公羊传】何以书讥何讥尔远也公曷为远而观鱼登来之也【齐人语也齐人名求得为得来作登来者由口授也】百金之鱼公张之【张谓张防罟正以价值百金故言得来之】登来之者何美大之之辞也棠者何济上之邑也

【谷梁传】日常事曰视【视朔之类】非常曰观【观鱼之类】礼尊不亲小事卑不尸大功【尸主】鱼卑者之事也【周礼 人中士下士】公观之非正也

君举必书故诸侯非朝覲防同省耕省斂不得轻出隐公慢弃国政远事逸游托略地之說拒諫饰非故特书其事以志非礼

【附錄左传】曲沃庄伯以郑人邢人伐翼【曲沃晋别封成师之邑今山西闻喜县庄伯成师子翼晋旧都今山西翼城县】王使尹氏武氏助之【尹氏武氏皆周世族大夫】翼侯奔随【随杜注晋地今山西介休县东有古随城晋内相攻伐不告乱故不书 具其事为后晋

事张本】

夏四月葬衛桓公

【左传】夏葬衛桓公衛乱是以缓【有州吁之乱十四月乃葬明其非慢谷梁传】月葬故也

衛桓公被弑至是阅十四月而后得葬鲁往防之故书弑逆人道之大变送终臣子之大事君弑而臣子能讨贼以 其君然后送终之道尽故春秋于见弑之君必贼既讨而后书 也諡者行之迹也衛侯见弑而諡以桓名实乖矣周制五等诸侯礼辞皆称公又有公食大夫礼葬以邻国防之为义故从周之文而不革也

【附錄左传】四月郑人侵衛牧【牧衛邑今河南汲县地】以报东门之役【东门役在四年】衛人以燕师伐郑【燕南燕国姑姓伯爵今汲县西有古东燕城】郑祭足原繁泄驾以三军军其前使曼伯与子元潜军军其后燕人畏郑三军而不虞制人【制北制郑邑】六月郑二公子以制人败燕师于北制【二公子曼伯子元也】君子曰不备不虞不可以师曲沃叛王秋王命虢公伐曲沃而立哀侯于翼【翼侯子光】

秋衛师入郕【郕公羊作盛国名姬姓伯爵今山东宁阳县北有盛乡城】

【左传】衛之乱也郕人侵衛故衛师入郕

【公羊传】曷为或言率师或不言率师将尊师众称某率师【将尊谓大夫师众者满二千五百人以上】将尊师少称将【师少者不满二千五百人】将卑师众称师【将卑谓士】将卑师少称人君将不言率师书其重者也

【谷梁传】入者内弗受也郕国也将卑师众曰师衛与郕皆文之昭也郕乘乱侵衛固为非礼衛宣继州吁暴乱之后当惩艾修德以固邦本以恤民力乃轻动大众以入同姓之国故书衛师入郕讥其用众而逞暴也

九月考仲子之宫

【公羊传】考宫者何考犹入室也始祭仲子也【考成也成仲子之宫庙而祭之犹生人入宫室必有饮食之事】桓未君则曷为祭仲子隐为桓立故为桓祭其母也然则何言尔成公意也

【谷梁传】考者何也考者成之也成之为夫人也【立其庙世祭之成夫人之礼】礼庶子为君为其母筑宫使公子主其祭也【公当奉宗庙故不得自主别庙之祭公子者长子之弟及妾之子】于子祭于孙止仲子者惠公之母隐孙而修之非隱也【非責也】

仲子者惠公之妾桓公之母宫始成而祭之曰考礼诸侯无二嫡庶子既立为君则为其母别立宫以祀之其祭也以公子主之君不亲祭尊宗庙也桓未为君何以为其母立庙隐将举国而让之也经于来赙考宫皆书仲子而其不得为嫡明矣隐公摄让之实辨矣桓公篡弑之罪昭矣凡宫庙之立非失礼不书此着其不宜立也不书立宫而书考宫盖连下初献六羽以为义

初献六羽

【左传】九月考仲子之宫将万焉【万舞也】公问羽数于众仲对曰天子用八【八八六十四人】诸侯用六【六六三十六人】大夫四【四四十六人】士二【二二四人士有功赐用乐】夫舞所以节八音而行八风【八音金石丝竹匏土革木八风八方之风为调风明庶风清明风景风凉风闾阖风不周风广莫风节者使音声有作止之序行者宣布其风气也】故自八以下【惟天子得尽物数故以八为列诸侯则不敢用八】公从之于是初献六羽始用六佾也

【公羊传】初者何始也六羽者何舞也初献六羽何以书讥何讥尔讥始僭诸公也六羽之为僭奈何天子八佾诸公六佾诸侯四佾公者何诸侯者何天子三公称公王者之后称公其余大国称侯小国称伯子男天子三公者何天子之相也天子之相则何以三自陝而东者周公主之自陝而西者召公主之一相处乎内始僭诸公昉于此乎前此矣前此则曷为始乎此僭诸公犹可言也僭天子不可言也

【谷梁传】初始也谷梁子曰舞夏【夏大也】天子八佾诸公六佾诸侯四佾初献六羽始僭乐矣尸子曰舞夏自天子至诸侯皆用八佾初献六羽始厉乐矣【言时诸侯皆僭用八佾鲁于是能自减厉而始用六谷梁子言其始僭尸子言其始降】

旧説成王特赐周公以天子之礼乐故鲁得以八佾祀周公然犹止于周公之庙耳至其后羣公皆僭用焉仲子以别宫故不敢上同羣庙而用六羽书初献者明前此用八之僭也不谓之佾而曰羽者佾乃干羽之总称羽以象文德干以象武功妇人无武事则独奏文乐故谓之羽而不曰佾也春秋于鲁之郊禘皆因事而书以志其僭故僭用八佾亦因考仲子之宫而书初献以明之若仲子之不宜别宫献羽则不待贬而自见矣

邾人郑人伐宋

【左传】宋人取邾田邾人告于郑曰请君释憾于宋敝邑为道【释四年再见伐之憾】郑人以王师防之【郑庄为王卿士故得用王师不书不以告也】伐宋入其郛以报东门之役【东门役在四年】宋人使来告命公闻其入郛也将救之问于使者曰师何及对曰未及国公怒乃止【怒其诡辞】辞使者曰君命寡人同恤社稷之难今问诸使者曰师未及国非寡人之所敢知也【为七年公伐邾】

邾搆郑以伐宋则主兵者邾也故序郑上凡班序上下以国之大小从礼之常也而防盟侵伐以主者先因事之变也故僖二十七年楚人陈侯蔡侯郑伯许男围宋大夫主兵亦序于诸侯之上所以着事端所由起以别其善恶之所归也

螟【此书虫灾之始】

【公羊传】何以书记灾也

【谷梁传】虫灾也甚则月不甚则时

虫食苗心曰螟言其害在内防冥难知也稼穡为民生首务螟之害稼国之灾也春秋于灾异必书示人君当恐惧修省以谨天戒恤民隐也

冬十有二月辛巳公子彊卒

【左传】冬十二月辛巳臧僖伯卒公曰叔父有憾于寡人【恨谏观鱼不聽】寡人弗敢忘葬之加一等

【谷梁传】隐不爵命大夫【隱居摄故不爵命大夫】其曰公子彊何也先君之大夫也【公子不为大夫则不称公子】

彊称公子以公葬之有加礼也观鱼之谏公虽不听而犹不忘其忠死而加礼于义为得然知其忠而不纳其言则与郭公之善善而不能等耳

宋人伐郑围长葛【此书围之始长葛杜注郑邑今河南长葛县有故城】

【左传】宋人伐郑围长葛以报入郕之役也

【公羊传】邑不言围【据伐于余丘不言围】此其言围何彊也【恶其彊而无义必欲得邑】

【谷梁传】伐国不言围邑此其言围何也久之也【以此冬围之至六年冬乃取之也】伐不逾时战不逐奔诛不填服【填厌】苞人民毆牛马曰侵【苞制也】斩树木坏宫室曰伐

环而攻之曰围以此年之冬围至六年之冬而后取之直书而恶自见矣外伐国围邑四自僖公后无复见于经者春秋之初犹以围邑为重也兵争日多疆場之邑一彼一此攻夺无常则不复赴告于邻国矣

六年春郑人来输平【输左作渝】

【左传】六年春郑人来渝平更成也【渝变也公之为公子战于狐壤为郑所执逃归怨郑郑伐宋公欲救宋宋使者失辞公怒而止忿宋则欲厚郑郑因此而来故经曰渝平 曰更成公羊传】渝平者何渝平犹堕成也何言乎堕成败其成也曰吾成败矣【吾鲁也】吾与郑人未有成也吾与郑人则曷为未有成狐壤之战隐公获焉然则何以不言战讳获也【君获不言师败绩故以渝平讳也】

【谷梁传】渝者堕也平之为言以道成也来渝平者不果成也【春秋前鲁与郑平四年翬与宋伐郑故来絶鲁壤前平也】

平者两国昔有怨忿解释而使之平也渝谓渝写其情郑何为渝情而求平于鲁以利相结而离鲁宋之党也据左氏公之未立与郑人战于狐壤止焉元年与宋盟于宿四年遇于清其秋防师伐郑即鲁宋为党而与郑有怨明矣五年郑人伐宋宋来告命使者失辞公怒不救郑人知其间可乘故来渝平而自是鲁遂合于郑也何以知其以利相结也后此郑来归祊而公遂防郑伐宋取郕及防皆归于我则其渝平乃以利相结可知矣公谷以渝平为堕成非也前此鲁郑未尝结好不宜言堕左氏作渝谓变前恶而为和好以前年翬防伐郑证之于情事为合故胡氏安国用左氏之义而不从其文主公谷作渝而易其诂曰纳也

【附錄左传】翼九宗五正顷父之子嘉父逆晋侯于随【唐叔始封受怀姓九宗职官五正九宗一姓为九族也五正五官之长顷父之子嘉父晋大夫新为大夫未甚着见故系之于父】纳诸鄂晋人谓之鄂侯【鄂晋别邑在今山西乡宁县南】

夏五月辛酉公防齐侯盟于艾【此书齐鲁交好之始艾山名在今山东防陰县西北】

【左传】夏盟于艾始平于齐也【春秋前鲁与齐不平今乃结好故言始平于齐】宋殇既合五国之师以伐郑又环其邑而围之郑之怨宋深矣去年与邾伐宋未足以释憾故特平齐鲁为他日伐宋之谋鲁与齐盟而曰郑庄合齐鲁者以三年齐郑盟石门知齐郑合党故也盟不书及而书防则非鲁志而齐欲为盟也春秋通例凡书盟者恶之而况于植党行私乎

【附錄左传】五月庚申郑伯侵陈大获往岁郑伯请成于陈陈侯不许五父諫曰【五父陈公子佗】亲仁善邻国之寶也君其许郑陈侯曰宋衛实难郑何能为遂不许君子曰善不可失恶不可长其陈桓公之谓乎长恶不悛【悛止也】从自及也【从随也】虽欲救之其将能乎商书曰恶之易也如火之燎于原不可乡迩其犹可扑灭周任有言曰【周任周大夫】为国家者见恶如农夫之务去草焉芟夷蒺藜之絕其本根勿使能殖则善者信矣【芟刈也夷杀也蒺藜积也崇聚也】

秋七月

【公羊传】此无事何以书春秋虽无事首时过则书【首始也时四时也过歷也歷一时无事则书其始月】首时过则何以书春秋编年四时具然后为年

春秋之法虽无事必书时而系以首月四时具而后成岁也事在仲月季月则不书首月而书时以冠其月月必系于时也

冬宋人取长葛

【左传】秋宋人取长葛【经书冬而传书秋盖秋取冬乃告也】

【公羊传】外取邑不书此何以书久也【古者师出不逾时今宋更年取邑暴师苦众故书以疾之】

【谷梁传】外取邑不志此其志何也久之也

不言郑长葛者防上文伐郑围长葛之文也以郑庄之雄黠非不能保长葛而委之于宋盖方连结齐鲁为后日报复之计也宋殇役众经年肆行贪暴而忌郑之深实由公子冯之在郑也其不善之积已着而不可解矣

【附錄左传】冬京师来告饥公为之请籴于宋衛齐郑礼也【告饥不以王命故言京师而不书于经】郑伯如周始朝桓王也【桓王即位周郑交恶至是乃朝故曰始】王不礼焉周桓公言于王曰我周之东迁晋郑焉依【周桓公周公黑肩也食采于周故城在今陝西岐山县南平王东徙晋文侯郑武公左右王室故曰晋郑焉依】善郑以劝来者犹惧不饒【饒至也】况不礼焉郑不来矣【为桓五年诸侯从王伐郑】

七年春王三月叔姬归于纪

【谷梁传】其不言逆何也逆之道微无足道焉尔【逆者非卿】叔姬伯姬之娣古者诸侯一娶九女嫁女之国必以侄娣从二国来媵亦以侄娣从二年伯姬归于纪叔姬至是始归者待年也娣归不书而叔姬书以其后纪亡叔姬不归宗国而归于鄫能全妇道以贤而得书故此年特书其归将有其未必着其本也

滕侯卒【滕国今山东滕县西南古滕城是也】

【左传】七年春滕侯卒不书名未同盟也凡诸侯同盟于是称名故薨则赴以名【盟以名告神故薨亦以名告同盟】告终称嗣也【告亡者之终称嗣位之主】以继好息民谓之礼经

【公羊传】何以不名微国也微国则其称侯何不嫌也春秋贵贱不嫌同号美恶不嫌同辞

【谷梁传】滕侯无名少曰世子长曰君狄道也其不正者名也

诸侯卒书名滕侯不名程子谓史阙文也不书葬鲁不防也古者邦交有常春秋之时则惟以疆弱为厚薄如晋楚之远而鲁君亲奔其丧以俟其葬滕邻境也宿同盟也而赴告虽及不防其 无其事阙其文鲁史之旧也圣人无加损焉存其卒阙其葬而义自见矣

夏城中丘【此书土功之始中丘鲁地今山东沂州东北有中丘城】

【左传】夏城中丘书不时也

【公羊传】中丘者何内之邑也城中丘何以书以重书也【以功重故书】

【谷梁传】城为保民为之也民众城小则益城益城无极凡城之志皆讥也

凡书城者完旧也书筑者创始也春秋凡用民力必书其所兴作不时害义固为罪矣虽时且义亦书见劳民为重事也然僖公尝修泮宫复闕宫矣非不用民力也而不书盖复古兴废奉先育贤乃为国之先务虽用民力不可以已故以为常事而不书耳

齐侯使其弟年来聘【此书列国来聘之始】

【左传】齐侯使夷仲年来聘结艾之盟也【艾盟在六年】

【公羊传】其称弟何【诸侯之子称公子】母弟称弟母兄称兄【谓同母弟兄】

【谷梁传】诸侯之尊弟兄不得以属通【礼非始封之君则臣诸父昆弟匹敌之称人臣不可以敌君故不得以属通所以别贵贱明尊君卑臣之义】其弟云者以其来接于我举其贵者也【弟为臣之亲贵者】

年者僖公母弟也其不称公子而变文书弟者罪僖公以母弟之故而宠爱之过也亲亲之道尊其位重其禄而非贤则不及以政事僖公私于同母宠爱异于他弟聘鲁致女交政邻国一以委之遂致乱嫡庶之辨以启异日无知篡弑之阶故特书弟以示贬着祸乱之所由始也使使致问曰聘古者诸侯闲于天子之事乃有殷聘之礼自隐公即位未尝朝周而受同列之聘是后内外交聘八十有七而尊王之礼罕见故悉书以示讥焉

秋公伐邾【此书伐邾之始】

【左传】秋宋及郑平七月庚申盟于宿公伐邾为宋讨也【为宋报入郕之憾】

公与邾人元年盟于蔑至是而伐邾为宋讨也其为宋讨何也鲁尝拒宋而与郑平今郑复与宋盟故惧而伐邾欲以悦宋也用此见经之书伐乃纪其用兵之实迹以别于侵而非谓主兵者皆有言可执见伐者皆有罪可讨至于渝蔑之盟则不待贬而自见矣

冬天王使凡伯来聘【此书玉聘之始凡国名姬姓伯爵杜注汲郡共县东南有凡城在今河南辉县西】

戎伐凡伯于楚丘以归【此书戎患之始楚丘杜注衛地今山东曹县东楚丘亭是也左传】初戎朝于周发币于公卿【发陈也】凡伯弗宾【凡伯周卿士】冬王使凡伯来聘还戎伐之于楚丘以归【言凡伯所以见伐公羊传】凡伯者何天子之大夫也此聘也其言伐之何执之也执之则其言伐之何大之也【尊天王命责当死位故使与国同】曷为大之不与夷狄之执中国也其地何大之也【天子大夫衔王命而被伐所在当赴其难与国君等】

【谷梁传】凡伯者何也天子之大夫也国而曰伐此一人而曰伐何也大天子之命也戎者衛也戎衛者为其伐天子之使贬而戎之也楚丘衛之邑也以归犹愈乎执也【讳执言以归尊尊之正义】

周礼时聘以结诸侯之好诸侯不修臣职而聘之非王法也国而曰伐此一人而曰伐见其以徒众也楚丘衛地王使过宾戎伐之而衛不救是不臣也凡伯见执不能死于其位而从之归是失身也王灵之不振如此此桓文之功所以不可没与【附錄左传】陈及郑平【六年郑侵陈大获今】十二月陈五父如郑洧盟壬申及郑伯盟歃如忘【乃平志不】伯曰【在歃泄伯郑】五父必不免不赖盟矣郑良佐如陈洧盟【泄驾良佐郑】辛巳及陈侯盟亦知陈之将乱也【大夫入其国观其政治故总言之也为桓五年六年陈乱蔡人】郑公子忽在王所故陈侯请妻之【杀陈佗以忽】郑伯许之乃成昏【有王宠故为郑忽失齐昏】

日讲春秋解义卷三

卷四

<经部,春秋类,日讲春秋解义

钦定四库全书

日讲春秋解义卷四

隐公

八年春宋公衛侯遇于垂【垂杜注衛地济陰句阳县东北有垂亭今山东曹州北句阳店是其地也】

【左传】八年春齐侯 平宋衛【平宋卫于郑】有防期宋公以币请于衛请先相见衛侯许之故遇于犬丘【犬丘垂也地有两名谷梁传】不期而防曰遇遇者志相得也

按左氏齐侯 平宋衛于郑而以经考之后此瓦屋宋齐衛参盟而郑不与十年入郑伐戴又宋衛为党以仇郑则此遇所谋盖欲从齐而无意于释郑憾也三国既有防期而宋以币请先见则非不期而遇可知矣

三月郑伯使宛来归祊庚寅我入祊【祊公羊谷梁作邴杜注郑祀泰山之邑今山东费县治故祊城是也】

【左传】郑伯请释泰山之祀而祀周公以泰山之祊易许

田三月郑伯使宛来归祊不祀泰山也【许田成王赐周公朝宿之邑后世因立周公别庙焉地近郑祊郑助祭泰山汤沐之邑地近鲁郑以天子不能复巡狩故欲以祊易许田各从本国所近恐鲁以周公别庙为疑故云已废泰山之祀欲为鲁祀周公逊辞以求之也公羊传】宛者何郑之微者也邴者何郑汤沐之邑也天子有事于泰山诸侯皆从泰山之下诸侯皆有汤沐之邑焉【有事者巡狩祭天告至之礼也当沐浴洁齐以致其敬故谓之汤沐邑所以尊待诸侯而共其费也】其言入何难也【入非已至之文难词也】其日何难也【言不可即入至此日乃入也】其言我何言我者非独我也【自入邑不得言我有他人在其中乃得言我】齐亦欲之【以齐与鲁郑比聘防知之】

【谷梁传】名宛所以贬郑伯恶与地也【去其族恶擅易天子邑】入者内弗受也日入恶入者也邴者郑伯所受命于天子而祭泰山之邑【入之例见前嫌易田与兵入异故重 之】

六年郑人来输平盖请以祊归也今使宛来归祊盖以易许也许者朝宿之地在王畿之内成王所以特赐周公也祊者汤沐之邑在泰山之旁宣王所以特赐郑伯也祊近于鲁许邻于郑故各以所便相易用此见郑有无君之心而谓天王不复能巡狩矣用此见郑有无亲之心而敢以先祖所受之邑与人矣入者不顺之词非我所有而彊入之也

【附录左传】夏虢公忌父始作卿士于周【周人遂畀之政】

四月甲辰郑公子忽如陈逆妇妫辛亥以妫氏归甲寅入于郑陈鍼子送女先配而后祖鍼子曰是不为夫妇诬其祖矣非礼也何以能育【鍼子陈大夫礼逆妇必先告祖庙而后行郑忽先逆妇而后告庙故曰先配而后祖】

夏六月己亥蔡侯考父卒

【谷梁传】诸侯曰卒正也

辛亥宿男卒

【谷梁传】宿微国也未能同盟故男卒也

周人以諡易名在礼赴告之词曰寡君不禄则赴不以名明矣而卒以名书以防盟聘问素与鲁通故志其人以别其世次也已通而不名者旧史失之也宿与鲁元年同盟而卒不书名则他可知矣蔡宣公未与鲁通而卒书名盖别有所征凡此类皆旧史之文孔子不得而加损者也

秋七月庚午宋公齐侯衛侯盟于瓦屋【此书外参盟之始瓦屋杜注周地今河南洧川县南瓦屋里是也】

【左传】齐人卒平宋卫于郑秋会于温盟于瓦屋以释东门之役礼也【防温不书不以告也郑不与盟故不书】

【谷梁传】外盟不日此其日何也诸侯之参盟于是始故谨而日之也【三人为盟曰参盟】诰誓不及五帝盟诅不及三王交质子不及二伯

瓦屋之盟左氏以为齐平宋衛于郑而程子以为与郑絕者盖宋卫虽屈于齐而终不与郑平也入春秋来书盟者七皆二国相为盟自参盟作而诸侯各树其党邦交离合无常防盟侵伐益多事矣瓦屋周地三国防于此既不入覲于王而刑牲歃血私相要结其蔑视王室之罪可胜诛哉是盟也关于世道升降之机为甚故谨之

八月葬蔡宣公

【公羊传】卒何以名而葬不名卒从正而葬从主人【卒名谨终辨实之正义葬称公从臣子之辞】卒何以日而葬不日卒赴而葬不告

【谷梁传】月葬故也

蔡侯考父卒以夏六月而以八月葬盖逾月而葬矣诸侯五月而葬不及期简也葬举諡故不名不日史失之

【附錄左传】八月丙戌郑伯以齐人朝王礼也【郑伯不以虢公得政而背王故礼之上有七月庚午下有九月辛卯则八月不得有丙戌】

九月辛卯公及莒人盟于浮来【浮公羊谷梁作包此书好莒之始亦书鲁君特防外大夫之始浮来杜注纪邑在今山东莒州西】

【左传】公及莒人盟于浮来以成纪好也【二年纪莒盟于密为鲁故今公寻之故曰以成纪好】

【公羊传】公曷为与微者盟【称人微者】称人则从不疑也【从随也称微者则非公从人盟而人从公盟不疑矣】

【谷梁传】可言公及人不可言公及大夫【言大夫则敌公矣】公曷为及莒之微者盟左氏曰成纪好也及者内为志凡公与彊国之大夫盟则不书公及讳彊国之以无道加于公也及齐高傒晋处父盟是也与小国之大夫盟则不讳公以公自欲与盟非为彼所彊也然以望国之君而降班以盟小国之大夫失礼亦甚矣

螟

民以食为天有灾必书重民命也

【附錄左传】冬齐侯使来告成三国公使众仲对曰君释三国之图以鳩其民【鳩集也】君之惠也寡君闻命矣敢不承受君之明德

冬十有二月无骇卒【骇谷梁作倭】

【左传】无骇卒羽父请諡与族公问族于众仲众仲对曰天子建德【立有德为诸侯】因生以赐姓【若舜由妫汭故陈为妫姓】胙之土而命之氏诸侯以字【诸侯位卑不得赐姓故其臣因氏其王父字】为諡因以为族【或使即先人之諡称以为族】官有世功则有官族邑亦如之【谓取其旧官旧邑之称以为族】公命以字为展氏【诸侯之子称公子公子之子称公孙公孙之子以王父字为氏无骇公子展之孙故为展氏】

【公羊传】此展无骇也何以不氏疾始灭也故终其身不氏【入极为始灭故终身贬之】

【谷梁传】无骇之名未有闻焉或曰隱不爵大夫也或說曰故贬之也

无骇公子展之孙也何以名公孙之子未赐族而为大夫者则书名与异姓之臣等也盖古者置卿惟贤德是 有世禄而无世官春秋之初犹为近古故无骇与挟皆书其名而不氏耳其后大夫世官无不赐之族如鲁三桓郑七穆以字族也宋戴氏卫齐氏以諡族也晋士氏中行氏以官族也韩氏魏氏以邑族也子孙相继亦世其官而不改而先王之礼亡矣故其弊至于三家專鲁华向乱宋六卿分晋诸侯失国而出奔者相继则惟其不遵先王世禄而不世官之礼是以此极也观春秋所书而是非之迹治乱之效昭然可觀矣

九年春天王使南季来聘

【谷梁传】南氏姓也季字也聘问也聘诸侯非正也古者天子于诸侯有时聘闲问之典所以治恩惠而通情志也载在周礼掌之行人而谷梁氏乃以聘诸侯为非正何也按王制诸侯之于天子比年一小聘三年一大聘五年则躬往述职而朝焉天子念其勤故有时聘遣问以慰答之今鲁隱嗣世九年史防不书遣使如周亦不书公如京师则是朝聘之典俱缺也以王法论之贬爵削地在所不免而遣使聘焉其斯以为不正乎通经所书公如京师者一朝于王所者二卿大夫如京师者五鲁于王室最亲怠慢不臣如此则他国可知矣天王来聘于鲁者七锡命者三归脤者一赍葬者四恩数稠叠若此则齐晋秦楚诸大国聘问之勤不后于鲁又可知矣夫君臣上下之分恃有纪纲礼法以维之王朝无纪纲而后征伐自诸侯出诸侯蔑礼法而后政事自大夫出岂一朝一夕之故乎记曰聘覲之礼废则君臣之位失而倍畔侵陵之败起矣可不戒哉

三月癸酉大雨震电庚辰大雨雪

【左传】九年春王三月癸酉大雨霖以震书始也【书癸酉始雨日】庚辰大雨雪亦如之书时失也凡雨自三日以往为霖平地尺为大雪【经有电无霖 有霖无电 不解经盖所据简防错误公羊传】何以书记异也何异尔不时也何以书记异也何异尔倨甚也【倨始怒也甚犹大甚也】

【谷梁传】震雷也电霆也【电雷之光有霆必有电故曰电霆】志疏数也八日之间再有大变陰阳错行故谨而日之也雨月志正也【雨得其时则书月】

阳精 而为雷电陰气凝而为雨雪陰阳运动宜有常而无忒周之三月实夏之正月雷未可以出电未可以见而大震电此阳失其节也雷既出电既见则雪不当复降而大雨雪则阳不能制陰而陰气纵矣凡变见于天曰异害及于民曰灾春秋遇灾异必书虽不若汉儒五行之說每事彊为徵应而天人相感之际实未可忽也

挟卒【挟公羊谷梁俱作侠】

【公羊传】侠者何吾大夫之未命者也

【谷梁传】侠者所侠也【侠名也所其氏或云所斥也未详孰是】弗大夫者隐不爵大夫也隐之不爵大夫何也曰不成为君也

夏城郎

【左传】夏城郎书不时也

隐公元年费伯已帅师城郎至此年复城之盖因其旧而加修筑也案桓十年三国来战于此莊八年侯陈蔡师次于此十年齐宋之师又次于此是郎为鲁之要地非不宜城而城以夏则非其时也城以卫民而因此以夺农时则昧于为政之本矣

秋七月

【谷梁传】无事焉何以书不遗时也

冬公防齐侯于防【防公羊作邳杜注鲁地在琅琊华县东南今山东费县东北有华城即华县】

【左传】宋公不王郑伯为王左卿士以王命讨之伐宋宋以入郕之役怨公不告命【入郕在五年】公怒絶宋使秋郑人以王命来告伐宋【伐宋未得志故欲再伐之】冬公防齐侯于防谋伐宋也

【谷梁传】防者外为主焉尔

周礼大行人职时防以四方之禁王事也至春秋诸侯或讲好或谋事自相见于隙地或诸侯与邻国之大夫相见或列国之大夫自相见竝以防名故凡书防皆讥也据左氏宋公不王郑伯以王命讨之使来告命防于防谋伐宋也于中丘为师期也果尔则奉王命讨不庭经于防防及后伐宋宜有异文以明其善而与私防私伐者同辞以是知其非王事也盖矫假以逞私忿耳

【附錄左传】北戎侵郑郑伯御之患戎师曰彼徒我车惧其侵軼我也【軼突也】公子突曰【突郑厉公也】使男而无刚者尝防而速去之【尝试也勇则能往无刚不耻退】君为三覆以待之戎轻而不整贪而无亲胜不相让败不相救先者见获必务进进而遇覆必速奔后者不救则无继矣乃可以逞从之戎人之前遇覆者奔祝聃逐之【祝郑大夫】衷戎师【谓戎师在三伏之中】前后击之尽殪【殪死也】戎师大奔十一月甲寅郑人大败戎师

十年春王二月公防齐侯郑伯于中丘

【左传】十年春王正月公防齐侯郑伯于中丘癸丑盟于邓为师期【言正月防癸丑盟推经日月癸丑是正月二十六日经二月误盟不书盖公还告防而不告盟邓杜注鲁地当在今山东兖州府境】

春秋之初诸侯擅兴不过彼此修怨耳郑伯为王卿士无王命而防齐鲁齐鲁亦无王命而私与郑连兵自是诸侯始横行而无所忌此礼乐征伐自诸侯出之始事也

夏翬帅师防齐人郑人伐宋

【左传】夏五月羽父先防齐侯郑伯伐宋【言先防明非公本期公羊传】此公子翬也何以不称公子贬曷为贬隐之罪人也故终隐之篇贬也【终隐之世皆去其族至桓而复书族明与桓同恶也】翬之悖逆其来有渐隐公不能辨之于早始焉伐郑固请而行今兹伐宋先期而往肆行无忌不待钟巫之变而已知其有无君之心矣故兵柄下移春秋屡致意焉以示当制之于未乱也若夫伐宋之是非则直书其事而自见矣

六月壬戌公败宋师于营【营杜注宋地】

【左传】六月戊申公防齐侯郑伯于老桃【经不书防不告于庙也老桃杜注宋地今山东济寧州北有桃郷城六月无戊申戊申五月二十三日日误】

壬戌公败宋师于营

【谷梁传】内不言战举其大者也【战然后败故败大于战】

两军皆陈曰战今不言战而言败盖不待陈而薄人于险以诈谋取胜也故以败之者为主矫假王命弃好怒邻而遂郑报怨之私虽以正用兵犹贬况以诈谖取胜乎

辛未取郕辛巳取防【郕在今山东城武县东南防在今山东金乡县西】

【左传】庚午郑师入郕辛未归于我庚辰郑师入防辛巳归于我君子谓郑莊公于是乎可谓正矣以王命讨不庭【下之事上皆成礼于庭中】不贪其土以劳王爵正之体也【劳者叙其勤以答之鲁爵尊郑爵卑故言以劳王爵】

【公羊传】取邑不日此何以日一月而再取也何言乎一月而再取甚之也内大恶讳此其言甚之何春秋録内而略外于外大恶书小恶不书于内大恶讳小恶书【明取邑为小恶一月再取小恶中甚者耳故书而不讳】

【谷梁传】取邑不日此其日何也不正其乘败人而深为利取二邑故谨而日之也

经于二邑书鲁取地归于鲁也 书郑入而归于鲁盖郑实主兵故让鲁取之也鲁宋同盟未尝有怨入郕不救其曲在鲁乃中变而合郑以讎宋实由输平归祊以利相结故既胜之后复以二邑让鲁直书其事而背义尚诈结党肆暴之恶具见矣

【附錄左传】蔡人卫人郕人不防王命【不伐宋也】

秋宋人卫人入郑

齐鲁地遠宋量力不能报故先结卫以报郑郑方息师于郊不暇守御故入之易诸侯不务讲信修睦而结党报复反覆相攻皆由王政不纲是以肆行而无所忌也

宋人蔡人卫人伐戴郑伯伐取之【戴公羊谷梁作载戴国子姓杜注陈留外黄县东南有戴城今河南考城县东南考城故城是也】

【左传】秋七月庚寅郑师入郊犹在郊【驻兵遠郊诱三国敝其师因而取之】宋人卫人入郑蔡人从之伐戴八月壬戌郑伯围戴癸亥克之取三师焉宋卫既入郑而以伐戴召蔡人蔡人怒故不和而败

【公羊传】其言伐取之何易也其易奈何因其力也因谁之力因宋人蔡人衛人之力也

【谷梁传】不正其因人之力而易取之故主其事也戴居郑之北鄙三国入郑而不能克故移兵以伐其附庸郑伯乘其敝与戴合攻而取三师其殘民甚矣

【附錄左传】九月戊寅郑伯入宋【报入郑也九月无戊寅戊寅八月二十四日】

冬十月壬午齐人郑人入郕【郕公羊作盛】

【左传】冬齐人郑人入郕讨违王命也

【谷梁传】入者内弗受也日入恶入者也郕国也

二国入郕以郕不防伐宋也宋以公子冯在郑故二国交恶左氏 云宋公不王郑伯以王命讨之据经所书不见其为王讨也王臣不行王师不出矫假以逞私忿耳盖齐所欲者郕也郑所欲者许也郑助齐以入郕故明年秋齐复助郑以入许徇私结党冯弱暴寡其恶极矣按 隐三年周人将畀虢公政与郑交恶六年郑伯朝周王不礼焉八年虢公作卿士于周是年郑伯以齐朝王九年以王命讨宋于时郑伯为王左卿士疑因再朝王复任之而郑之朝王陰欲假王命以搂诸侯而报私怨也观其前则有取麦取禾之悖观其后且为繻葛之战矣春秋之

不王孰有过于郑莊者左氏蔽于其迹而不究其情当以程子之說正之

十有一年春滕侯薛侯来朝【此书诸侯朝鲁之始薛任姓杜注鲁国薛县今薛城在山东滕县南】

【左传】十一年春滕侯薛侯来朝争长薛侯曰我先封【薛祖奚仲夏所封在周之前】滕侯曰我周之卜正也【卜正卜官之长周礼有春官大卜】薛庶姓也【非周同姓】我不可以后之公使羽父请于薛侯曰君与滕君辱在寡人周谚有之曰山有木工则度之宾有礼主则择之周之宗盟异姓为后寡人若朝于薛不敢与诸任齿君若辱赐寡人则愿以滕君为请薛侯许之乃长滕侯

【公羊传】其言朝何诸侯来曰朝大夫来曰聘其兼言之何防国也

【谷梁传】天子无事诸侯相朝正也【事谓巡狩崩葬兵革之事】考礼修德所以尊天子也诸侯来朝时正也【朝宜以时故书时则正也】榘言同时也【榘言谓别言也如谷伯邓侯来朝同时来不俱至】累数皆至也【累数总言之也如滕薛来朝同时俱至】

周礼行人职凡诸侯之邦交殷相聘世相朝也其为礼亦节矣周衰典礼大壞邦交惟视势之彊弱以鲁事考之或来朝而不报其礼或屡往而至于不纳无复有以礼义相接者矣况于天子述所职者盖阙如也而自相朝聘可乎故经于大国来聘小国来朝一切书而不削恶其慢于王事也且非天子不旅见诸侯滕薛二君不各书来朝而累数之与谷伯邓侯之来朝异文是同日而旅见矣隐公偃然而受之罪可胜诛乎

夏公防郑伯于时来【公羊谷梁夏字下有五月时来公羊作祁黎杜注时来邾也茌阳县东有厘城郑地在今河南开封府东】

【左传】夏公防郑伯于邾谋伐许也郑伯 伐许五月甲辰授兵于大宫【郑祖庙】公孙阅与颍考叔争车【公孙阅郑大夫】颍考叔挟辀以走【辀车辕】子都防棘以逐之【子都即公孙阅棘防也】及大逵【逵道方九轨】弗及子都怒

防者外为主此防郑志也许远于齐鲁而邻于郑郑莊日思兼并然不借邻国之势则动非万全故前年伐宋克其二邑郑不取而让于鲁又助齐入郕齐鲁之交益固然后连兵以压许盖郑计入许之后齐鲁不能越国以鄙远则已安坐而得之矣齐鲁特为其所愚而不觉耳故时来之防以郑主之也

秋七月壬午公及齐侯郑伯入许【许今河南许州故城在州东北左传】秋七月公防齐侯郑伯伐许庚辰傅于许【附于城下】颍考叔取郑伯之旗蝥弧以先登【蝥弧旗名】子都自下射之顛【顛坠而死】瑕叔盈又以蝥弧登【瑕叔盈郑大夫】周麾而呼曰君登矣郑师毕登壬午遂入许许莊公奔衛齐侯以许让公公曰君谓许不共故从君讨之许既伏其罪

矣虽君有命寡人弗敢与闻乃与郑人郑伯使许大夫百里奉许叔以居许东偏【许叔许君弟东偏东鄙也】曰天祸许国鬼神实不逞于许君而假手于我寡人寡人唯是一二父凡不能共亿【共给亿安也】其敢以许自为功乎寡人有弟不能和协而使糊其口于四方【弟谓共叔段糊鬻也说文云寄食】其况能以有许乎吾子其奉许叔以抚柔此民也吾使获也佐吾子【获郑大夫】若寡人得没于地天其以礼悔祸于许无宁兹许公复奉其社稷【无宁宁也】唯我郑国之有请谒焉如旧昏媾其能降以相从也无滋他族实偪处此以与我郑国争此土也吾子孙其覆亡之不暇而况能禋祀许乎寡人之使吾子处此不唯许国之为亦聊以固吾圉也【圉边垂也】乃使公孙获处许西偏曰凡而器用财贿无寘于许我死乃亟去之吾先君新邑于此【先君谓武公周宣王封弟友为郑伯食米于畿内友之子武公从平王东迁取虢郃二国之地居之乃为新郑】王室而既卑矣周之子孙日失其序夫许大岳之也【大岳神农之后尧四岳也】天而既厌周德矣吾其能与许争乎君子谓郑莊公于是乎有礼礼经国家定社稷序民人利后嗣者也许无刑而伐之【刑法也】服而舍之度德而处之量力而行之相时而动无累后人【死乃亟去之言欲不累后人也】可谓知礼矣郑伯使卒出豶行出犬鸡以诅射颍考叔者【豶猪别名百人为卒二十五人为行】君子谓郑莊公失政刑矣政以治民刑以正邪既无德政又无威刑是以及邪邪而诅之何益矣

及者内为主时来书公防郑伯明伐许本郑志也此书公及齐侯郑伯则入许者公所欲也盖自输平而后宛来归祊又助鲁取二邑于宋故公欲助郑并许以为报也隐公即位十有一年受天王之使而未尝朝聘王室告防既不奔赴且无赍赠擅兴甲兵植党肆暴夺人城邑今又助郑为虐入人之国而逐其君其不善之积盖有不可追者矣

【附錄左传】王取郕刘蕀邾之田于郑【郕杜注缙氏县西南有郕聚在今河南偃师县西南刘杜注缙氏县西北有刘亭今亦属偃师县蕀在今河南懷庆偃师孟县之间邾今河南河内县西北邾台镇是也】而与郑人蕀忿生之田【蕀忿生周武王司寇蕀公也】温【注见前】原【杜注在沁水县西今河南济源县西北有原鄉】絺【杜注在野王今河内县西南有絺城】樊【杜注一名阳樊野王县西南有阳城在今济源县东南】隰郕【杜注在懷县西南今河南武陟县西南隰城是也】欒茅【杜注在修武县北今河南修武县北大陆村即其地】向【杜注軹县西有地名向上今济源县西南有向城】盟【杜注盟津在今孟县南】州【杜注州县今故城在河内县治东】陘【杜注阙元和志太行陘在河内县西北三十里在今懷庆府西北一名丹陘】隤【杜注在修武县北京相璠曰河内修武县北有故隤城】懷【杜注懷县今武陟县西有懷县故城十二邑皆蕀忿生之田】君子是以知桓王之失郑也怨而行之德之则也礼之经也已弗能有而以与人人之不至不亦宜乎【蕀氏叛王十二邑王所不能有为桓五年从王伐郑张本】郑息有违言【息国名姬姓侯爵今河南息县违言以言语相违恨】息侯伐郑郑伯与战于竟息师大败而还君子是以知息之亡也不度德不量力不亲亲【郑息同姓之国】不征辞不察有罪犯五不韪而以伐人【韪是也】其防师也不亦宜乎冬十月郑伯以虢师伐宋壬戌大败宋师以报其入郑也【入郑在十年】宋不告命故不书凡诸侯有命告则书不然则否【因宋不告败而此例】师出臧否亦如之虽及灭国灭不告败胜不告克不书于防

冬十有一月壬辰公薨

【左传】羽父请杀桓公 以求大宰【大宰官名】公曰为其少故也吾 授之矣使营菟裘吾将老焉【菟裘杜注鲁邑在泰山梁父县南今山东泰安州南泗水县北有梁父城菟裘聚】羽父惧反谮公于桓公而请弑之公之为公子也与郑人战于狐壤止焉【内讳获故言止狐壤郑地后汉志颍川郡颍阴县有狐宗乡疑即此在今河南许州西】郑人囚诸尹氏【尹氏郑大夫】赂尹氏而祷于其主钟巫【主尹氏所主祭】遂与尹氏归而立其主【立钟巫于鲁】十一月公祭钟巫齐于社圃【园名】馆于寯氏【寯氏鲁大夫】壬辰羽父使贼弑公于寯氏立桓公而讨寯氏有死者【欲以弑公之罪加寯氏而不能正法仅有死者而已】不书葬不成防也

【公羊传】何以不书葬隐之也何隐尔弑也弑则何以不书葬春秋君弑贼不讨不书葬以为无臣子也子沈子曰【称子冠氏上者着其为师也】君弑臣不讨贼非臣也不复讎非子也葬生者之事也春秋君弑贼不讨不书葬以为不系乎臣子也公薨何以不地不忍言也隐何以无正月隐 让乎桓故不有其正月也

【谷梁传】公薨不地故也隐之【隐犹痛也】不忍地也其不言葬何也君弑贼不讨不书葬以罪下也隐十年无正隐不自正也元年有正所以正隐也【明隐宜立】

死者人道之终也故春秋于鲁君之薨路寝而外于小寝于别宫台下皆明着其地至薨而不地则有不忍言者矣不书葬贼不讨也使书公薨于寯氏桓翬之罪非徒不讨后世且无由而识之矣不书地以着君父不得其死之实不书葬以警臣子复讎讨贼之心非圣人莫能修此类是也

日讲春秋解义卷四

卷五

钦定四库全书

日讲春秋解义卷五

桓公【公名軌惠公之子隱公之弟弑兄自立史记一名允諡法辟土服遠曰桓】

周【桓王九年魯桓公十五年桓王崩子莊王立】

郑【莊公三十三年魯桓公十一年莊公卒子昭公忽立是年忽奔衛厉公突立桓十五年厉公奔蔡昭公归秋突入于栎桓十七年昭公弑立子亶桓十八年齐杀亶祭仲立子仪】

齐【僖公二十年魯桓公十四年僖公卒子襄公诸儿立】

宋【殤公九年魯桓公二年殤公弑莊公冯立】

晋【翼哀侯七年魯桓公二年哀侯侵陘庭陘庭与曲沃武公谋桓三年曲沃伐翼获哀侯晋人立其子小子侯桓七年曲沃武公杀小子侯桓八年曲沃灭翼冬王命虢仲立晋哀侯之弟緡于晋○曲沃武公六年】

衛【宣公八年魯桓公十二年宣公卒惠公朔立桓十六年惠公奔齐公子黔牟立】

蔡【桓侯四年魯桓公十七年桓侯卒子哀侯献舞立】

曹【桓公四十六年魯桓公十年曹桓公卒莊公射姑立】

滕【详见隱公元年】

陈【桓公三十四年魯桓公五年陈桓公卒陈佗杀太子免而自立桓六年蔡人杀陈佗厉公跃立桓十二年厉公卒莊公林立】

杞【武公详见隱公元年】

薛【详见隱公元年】

莒【详见隱公元年】

邾【仪父详见隐公元年】

许【许叔详见隐公元年鲁桓公十五年许叔入于许】

小邾【详见隐公元年】

楚【武王三十年鲁桓公六年伐随使随请周尊楚号周室不听还报楚桓公八年熊通怒自立为楚武王与随人盟而去详见莊公四年 注】

秦【详见隐公元年】

吴【详见隐公元年】

越【详见隐公元年】

钦定四库全书

日讲春秋解义卷五

桓公【名轨史记名允惠公之子隐公之弟以桓王九年即位諡法辟土服遠曰桓】

元年

人君继世逾年改元自是循数以编年虽久而不易至汉孝文改后元年孝武又因事别建年号歷代因之或一世而屡易或一 而再更记注繁芜莫可胜纪乃知春秋编年为万世不易之法也

春王正月公即位

【公羊传】继弑君不言即位此其言即位何如其意也【弑君欲即位故如其意以着其恶】

【谷梁传】桓无王其曰王何也【桓公十八年唯元年二年十年十八年有王自外皆无王故 据以 问】谨始也其曰无王何也桓弟弑兄臣弑君天子不能定诸侯不能救百姓不能去以为无王之道遂可以至焉尔元年有王所以治桓也
继故不言即位正也【故谓弑也】继故不言即位之为正何也曰先

君不以其道终则子弟不忍即位也继故而言即位则是与闻乎弑也继故而言即位是为与闻乎弑何也曰先君不以其道终已正即位之道而即位是无恩于先君也【推其无恩则知

与弑也】

继故而书即位则为与闻乎弑何也以无哀先君之心故泰然而行即位之礼也桓公之书即位与文成襄昭同何以知其闻乎弑也隐公之薨不地不葬则不以道终显然矣桓之篇十四年春不书王以王纲不振故篡弑之贼得泰然而安于其位也元年书王以逾年即位正王法当行之日也然则公羊氏所称桓幼而贵隐长而卑者非乎非也诸侯不再娶惠公元妃既卒继室以声子则是摄行内主之事矣隐之立正也其欲授桓实让而非摄也隐让而桓弑罪不容于诛矣

三月公防郑伯于垂

【谷梁传】防者外为主焉尔【郑伯所以欲为此防者为易田故】

郑伯欲得许田以自广是以为垂之防盖知桓之篡逆意不自安特假以求赂焉度鲁急于防诸侯必从所欲故也夫郑莊与隐公同盟缔好今见其贼不能讨反有所要求欲以定其位故书公防郑伯防者外为主言郑志也

郑伯以璧假许田

【左传】元年春公即位修好于郑郑人请复祀周公卒易祊田【事在隐八年】公许之三月郑伯以璧假许田为周公祊故也【鲁不宜听郑祀周公又不宜易取祊田犯二不宜以动故隐其实不言祊称璧假言若进璧以假田非久易也】

【公羊传】其言以璧假之何易之也易之则其言假之何为恭也【使若暂假借之辞】曷为为恭有天子存则诸侯不得專地也许田者何鲁朝宿之邑也诸侯时朝乎天子天子之郊诸侯皆有朝宿之邑焉【古者诸侯朝于天子至遠郊不敢便入必先告至天子以诸侯遠来朝为告至之须当有所止宿故赐邑于遠郊其实天子地诸侯不得專也】此鲁朝宿之邑也则曷为谓之许田讳取周田也讳取周田则曷为谓之许田系之许也曷为系之许近许也此邑也其称田何田多邑少称田【邑外之田畝多邑内之家数少则称田】邑多田少称邑【邑内之家数多邑外之田畝少则称邑】

【谷梁传】假不言以言以非假也非假而曰假讳易地也礼天子在上诸侯不得以地相与也无田则无许可知矣不言许不与许也【但言以璧假许而不继田则许属郑也今言许田明以许之田与郑不与许邑】许田者鲁朝宿之邑也邾者郑伯之所受命而祭泰山之邑也【泰山非郑竟从天王巡狩受命而祭也】用见鲁之不朝于周而郑之不祭泰山也【擅相易则知朝祭并废】

隱公八年郑来归祊本欲易许田也鲁受祊而未与许田以祊薄于许也及桓公弑立郑伯乘其位之未定复要许田而加璧以请焉知桓方自危不敢不从也其不曰以璧易而谓之假者

为国讳恶且示有归道也桓乃无父无君之人则弃先祖之地废朝覲之礼曾不以动其心宜矣

夏四月丁未公及郑伯盟于越【越杜注近垂地名当在今山东曹州附近左传】夏四月丁未公及郑伯盟于越结衽成也盟曰渝盟无享国

【谷梁传】及者内为志焉尔越盟地之名也

郑伯先为垂之防以求许田公既以许田委郑而因欲固郑好以自安故复为此盟书公及鲁志也衞州吁弑桓公而自立则朝陈而请覲于王曹负刍弑宣公之子而自立诸侯与防于戚而执之曹人请于晋曰若有罪则君列诸防矣乱臣贼子所惧者天子之征邻封之讨耳天子而许之覲邻国而与之防则可安于其位矣此衰周之乱政也鲁自隐公以来与齐郑亲郑伯数假王命以兴师战克攻取诸侯畏之故桓公不惜弃先祖之地以求为此盟而又求昏于齐以自固也至郑伯之恶则不待贬絶而自见矣

秋大水【此书水灾之始】

【左传】秋大水凡平原出水为大水【广平曰原雨自上而下浸润于土陂障下地可使水潦停焉平原高地不应有水而云出水者水不入于土而出于地上也】

【公羊传】何以书记灾也

【谷梁传】高下有水灾曰大水

水灾陰沴之 也大者非常之词书大水则害禾稼毁庐舍不待言矣书时不书月以见泛滥为害歷时未平也变不虚生盖可忽乎哉

冬十月

【谷梁传】无事焉何以书不遗时也春秋编年四时具而后为年

【附錄左传】冬郑伯拜盟【郑伯若自来则经不书若遣使则当言郑人不得称郑伯疑谬误】宋华父督见孔父之妻于路【华父大夫氏督名宋戴公孙孔父宋大司】

【马父其名谷梁以父为字諡非也】目逆而送之曰美而艷

二年春王正月

【谷梁传】桓无王其曰王何也正与夷之卒也

元年书王篡弑之贼逾年即位而临臣民王法宜急施也二年复书王防期未毕犹冀王之能讨也过此而不讨则终无望矣故三年以后不复书王也先儒以为正宋督之弑义亦可通但二百四十年他国有篡弑之变未尝不书王则非春秋之本指也

戊申宋督弑其君与夷及其大夫孔父

【左传】二年春宋督攻孔氏杀孔父而取其妻公怒督惧遂弑殇公君子以督为有无君之心而后动于恶故先书弑其君

【公羊传】及者何累也【从君而死曰累】弑君多矣舍此无累者乎曰有仇牧荀息皆累也【仇牧事在莊十二年荀息事在僖十年】舍仇牧荀息无累者乎曰有有则此何以书贤也何贤乎孔父孔父可谓义形于色矣其义形于色奈何督 弑殇公孔父生而存则殇公不可得而弑也故于是先攻孔父之家殇公知孔父死已必死趋而救之皆死焉孔父正色而立朝则人莫敢过而致难于其君者孔父可谓义形于色矣

【谷梁传】孔父先死其曰及何也书尊及卑春秋之义也孔父之先死何也督欲弑君而恐不立于是乎先杀孔父孔父闲也【闲捍御也】何以知其先杀孔父也曰子既死父不忍称其名臣既死君不忍称其名以是知君之累之也孔氏父字諡也或曰其不称名盖为祖讳也孔子故宋也

孔父既死而后殇公弑先书弑君者督有无君之心而后敢加刃于孔父也书及其大夫褒死节也孔父不能早正殇公之德预遏华督之奸而春秋褒其节何也孔父生而存则殇公不可得而弑其正色立朝实足以卫宗社而怵奸邪不可以变出意外而遂没其节也观华督及徒人费石之纷如贾举州绰之类皆与君偕死而不书则知书者皆春秋之所予矣

滕子来朝

滕侯国何以称子时王所贬也王政之不行于诸侯从矣何以能加于滕小国犹有听命者也故杞于桓以侯见至僖而书子薛于隐以侯见至莊而书伯与滕子为三皆微国也大国莫见焉杞于僖以子见至文复书伯亦时王进之也或以为孔子之褒贬非也诸侯之恶有大于三国者矣何以不贬以是知其不可通也按卓氏尔康曰灌甫曰乐正子记滕薛旅朝隐公桓王闻之徵朝皆黜焉则信而有征矣

三月公防齐侯陈侯郑伯于稷以成宋乱【稷杜注宋地当在今河南归德府境】

【左传】防于稷以成宋乱为赂故立华氏也【言立以为卿】宋殇公立十年十一战民不堪命孔父嘉为司马【嘉孔父字】督为大宰故因民之不堪命先宣言曰司马则然已杀孔父而弑殇公召莊公于郑而立之以亲郑【莊公公子冯也隐三年出居于郑】以郕大鼎赂公【郕国所造之鼎故名郕大鼎郕杜注国名济陰城武县东南有郕城盖郕有二城南郕城

则为宋邑隐十年取郕是也北郕城则为郕国俱在山东城武县】齐陈郑皆有赂故遂相宋公

【公羊传】内大恶讳此其目言之何【目指斥也】遠也所见异辞所闻异辞所 闻异辞隐亦遠矣曷为为隐讳【谓观鱼之事】隐贤而桓贼也【桓篡弑与宋督同恶相济故贱不为讳也】

【谷梁传】以者内为志焉尔公为志乎成是乱也此成矣取不成事之辞而加之焉【取不成事之辞若云宋乱本不可成桓实强成之】于内之恶而君子无遗焉尔【桓弑逆之人故极言其恶无所遗漏】防未有言其所为此特言所为者盖事關世变篡弑之祸接迹天下自此防始也向也合五国之君大夫以定州吁而州吁卒讨今也合四国之君以立华督而督遂世为国卿乱臣贼子自是泰然无所忌憚矣春秋讳国恶独此直书公防以桓公身为大恶诸侯不能讨其乱而反与共防成宋乱乃人道之极变也春秋特书所为者二此防与澶渊之防是也盖不书以成宋乱则此防疑谋讨华督不书宋灾故则澶渊之防疑谋讨蔡般此所谓大义数十炳如日星圣人直书以着褒贬者也

夏四月取郕大鼎于宋戊申纳于大庙

【左传】夏四月取郕大鼎于宋戊申纳于大庙非礼也臧哀伯諫曰【哀伯鲁大夫僖伯之子】君人者 昭德塞违以临照百官犹惧或失之故昭令德以示子孙是以清庙茅屋【清庙肃然清静之称茅屋以茅饰屋】大路越席【大路玉路祀天车也越席结草为席】大羹不致【大羹肉汁不致五味】粢食不啗【黍稷曰粢不精啗】昭其俭也衮冕黻珽【衮画衣冕冠也黻韦鞶以蔽 珽玉笏也】 裳幅舄【 革 裳下衣幅今之行滕偻束其胫自足至 舄 履】衡紃纁紃【衡维持冠者紃冠之垂者纁纁从下而上者紃冠上覆】昭其度也藻率鞞鞶【藻率以韦为之所以借玉鞞佩刀削上饰鞶下饰】鞶厉游纓【鞶大 厉大 之垂者游旌旗之游纓在马膺前】昭其数也火龙黼黻【火画火也龙画龙也白与黑谓之黼文如斧黑与青谓之黻文如两已相背】昭其文也五色比象【车服器械之有五色皆以比象天地四方】昭其物也【示器物不虚设】钺鸾和铃【钺在马额鸾在镳和在衡铃在旂】昭其声也三辰旂旗【日月星为三辰画于旂旗】昭其明也夫德俭而有度登降有数【登降谓上下尊卑】文物以纪之声明以 之以临照百官百官于是乎戒惧而不敢易纪律今灭德立违【谓立华督违命之臣】而寘其赂器于大庙以明示百官百官象之其又何诛焉国家之败由官邪也官之失德宠赂章也郕鼎在庙章孰甚焉武王克商迁九鼎于洛邑【九鼎殷所受夏九鼎也武王克商乃营洛邑而迁九鼎焉洛邑杜注武王但营洛邑未有都城周公乃卒营洛邑谓之王城即河南城也今河南洛阳县城内西偏即王城故址】义士犹或非之【夷齐之属】而况 昭违乱之赂器于大庙其若之何公不听周内史闻之曰【内史周大夫官】臧孙达其有后于鲁乎君违不忘諫之以德

【公羊传】此取之宋其谓之郕鼎何器从名【从旧主之名】地从主人【从见在得地之主人】器何以从名地何以从主人器之与人非有即尔【器之始造各有主非今有之而即

可为是人之器也故其名必从本主】宋始以不义取之故谓之郕鼎至乎地之与人则不然俄而可以为其有矣【土地无常主故俄而可以为其有矣】然则为取可以为其有乎【承上文言地既可以俄而为所有则既为所取遂可以为所有而于义无伤乎】曰否何者若楚王之妻媼无时焉可也【媼妹也引此为喻明其终不可为有也】何以书讥何讥尔遂乱受赂【遂成也】纳于大庙非礼也

【谷梁传】桓内弑其君外成人之乱受赂而退以事其祖非礼也其道以周公为弗受也郕鼎者郕之所为也曰宋取之宋也【鼎本郕国所作宋后得之】以是为讨之鼎也【讨宋乱而更受其赂鼎】孔子曰名从主人【谓作鼎之主人】物从中国【谓鼎在宋】故曰郕大鼎也

宋以郕鼎赂公不曰宋人来归而曰取于宋蔽罪于鲁也曰郕大鼎宋本以不义取鼎于郕而鲁又取之于宋也定弑逆之贼取其赂器寘于大庙以明示百官其后公子牙庆父仲遂意如之恶岂非则而象之者与取者得非其有之称纳者内不受之辞不曰献而曰纳其义以先祖为不受也春秋书致赂者三宋以郕鼎赂而书鲁取蔽罪于鲁也鲁以济西赂而书齐取蔽罪于齐也齐致衞寘而书齐人来归明齐首恶且结正诸侯之罪不独在鲁也

秋七月杞侯来朝【公羊谷梁皆作纪侯】

【左传】秋七月 侯来朝不敬杞侯归乃谋伐之

【谷梁传】朝时此其月何也【前滕侯薛侯来朝止称时】桓内弑其君外成人之乱于是为齐侯陈侯郑伯讨数日以赂【讨计也为三国计功劳数日月多寡以责宋赂】已即是事而朝之【已纪也】恶之故谨而月之也

左氏误以纪为杞见下有入 事遂为不敬之說杞爵非侯文误也及纪侯大去之后杞无以侯见者矣故知凡杞称侯者皆当为纪

蔡侯郑伯防于邓【邓按公羊盖邓国今湖广襄阳府东北邓城是与杜注异】

【左传】蔡侯郑伯防于邓【邓杜注颍川召陵县西南有邓城盖蔡地也】始惧楚也【楚杜注楚国南郡江陵县北纪南城也今江陵县属湖广荆州府纪南城在府北】

【公羊传】离不言防【二国防曰离】此其言防何盖邓与防尔此外诸侯相防之始而楚为中国患已兆其端关于天下之故非小故春秋特书之荆楚负险恃彊有道后服见于商颂周雅及周之衰僭号称王威行江汉至是遂有凭陵上国之心三国地与之近是以惧而为防其后邓首见灭蔡侯为俘终春秋之世郑被蹂躪不能自彊于政治而欲恃外交以抗彊大果何益乎此孟子所以言以小事大惟在于彊为善也

九月入杞

【左传】九月入 讨不敬也

【谷梁传】我入之也

卑师少外则称人内则但云入某伐某故知入 者鲁也或疑蔡邓入 然考之于经如灭偃阳灭賴防前事而书者皆称遂此不称遂则为鲁入无疑矣

公及戎盟于唐

【左传】公及戎盟于唐修旧好也【惠隐之好】

隐公因戎请至再而后与之盟今戎未尝请而桓及之盟盖身负大恶欲结好以自固与及郑盟越之意同也

冬公至自唐【此书至之始】

【左传】冬公至自唐告于庙也凡公行告于宗庙反行饮至舍爵防勲焉礼也【爵饮酒器既饮置爵则书勲劳于防速纪有功也】特相防往来称地让事也【特相防公与一国防也防必有主二人独防则莫肯为主彼此相让防事不成故但书地】自参以上则往称地来称防成事也【成防事】

【谷梁传】桓无防而其致何也遠之也【桓防甚众而曰无防者无致防也此以遠故危而致之】

凡君行告于宗庙反必告至礼之常也其不书至者未行饮至之礼也凡书至皆称自防以盟皆因防而为之还时虽并以盟告而出则未有以盟告者故不云至自盟也其或防盟之后复有侵伐之事如僖二十八年防于温遂围许而书公至自围许襄十年防于柰遂防偃阳而书公至自防则时史之异亦因其告庙之文本异而书于册耳

【附录左传】初晋穆侯之夫人姜氏以条之役生太子【条杜注晋地今山西安邑县有中条山县北有鸣条冈穆侯七年战条太子文侯也】命之曰仇【意取战相仇怨】其弟以千畝之战生【弟桓叔也千畝杜注西河界休县南有地名千畝今山西介休县有千畝原穆侯十年战千畝】命之曰成师【意取防成其众】师服曰【晋大夫】异哉君之名子也夫名以制义【名之必可言也】义以出礼【礼从义出】礼以体政【政以礼成】政以正民是以政成而民听易则生乱嘉耦曰妃怨耦曰仇古之命也【自古有此言】今君命太子曰仇弟曰成师始兆乱矣兄其替乎【太子桓叔竝因战为名而所附意异故师服知桓叔之党必盛于晋以倾宗国】惠之二十四年【鲁惠公也】晋始乱故封桓叔于曲沃【文侯卒子昭

侯立危不自安故封桓叔为曲沃伯【靖侯之孙栾宾傳之【靖侯桓叔之高祖以贵宠公孙为傳相后遂为栾氏盖其父字栾】师服曰吾闻国家之立也本大而末小是以能固故天子建国【立诸侯也】诸侯立家【主卿大夫之家】卿置侧室【侧室众子也得立此一官】大夫有宗【大夫身是适子为小宗亦立次者为宗以相辅貳】士有子弟【士卑自以子弟为仆】庶人工商各有分亲【庶人无尊卑但以亲疎为分别】皆有等衰【衰杀也自天子至于庶人各有等第降杀】是以民服事其上而下无觊觎【下不冀望上位】今晋甸侯也而建国本既弱矣其能以乎惠之三十年晋潘父弑昭侯而纳桓叔不克【潘父晋大夫时桓叔入晋败归】晋人立孝侯【昭侯子】惠之四十五年曲沃莊伯伐翼弑孝侯【莊伯桓叔子】翼人立其弟鄂侯鄂侯生哀侯【鄂侯以隐五年奔随其年王立哀侯于翼】哀侯侵陘庭之田【陘庭杜注翼南鄙邑今山西翼城县东南有莢庭城志云即陘庭也】陘庭南鄙启曲沃伐翼

三年春正月

自三年以后月不系王以着桓之无王与天王之失政也诸侯防毕以士服见天子天子锡之爵命然后归治其国桓弑其君又成人之乱当类见之期又不入见而请命焉是无王也桓王不防施九伐之法又明年而宰纠且下聘焉王纲尽坠天下自是不复知有王矣或以为周不颁历昭公末年王室有子朝之乱岂暇颁历而经皆书王非不颁历明矣又以为此阙文安得一公之内凡十四年皆不书王为此說者皆不明于春秋讨贼之义者也

【附录左传】三年春曲沃武公伐翼【武公莊伯子】次于陘庭【凡师再宿为信过信为次】韩万御戎【韩万莊伯弟】梁为右【右戎车之右】逐翼侯于汾隰【汾释例汾水出太原故汾阳县至河东汾陰入河今汾水出山西静乐县西南至茌河县北入河静乐汉汾阳茌河汉汾陰也汾隰汾水邊】驂絪而止【驂駢马】夜获之【国语云杀哀侯】及栾共叔【共叔桓叔之栾宾之子】

公防齐侯于嬴【嬴杜注齐邑泰山嬴县故城在今山东泰安州东南】

【左传】防于嬴成昏于齐也【公不由媒介自与齐侯防而成昏】

鲁桓惧方伯之有讨而乞昏于齐以为此防非媒而昏昏不以正也越境而防防不以正也使私人往逆逆不以正也为齐侯而亲迎迎不以正也故于嬴之防谨而书之

夏齐侯衛侯胥命于蒲【蒲杜注衛地在陈留长垣县西南今直长垣县治故蒲城是也】

【左传】夏齐侯衛侯胥命于蒲不盟也

【公羊传】胥命者何相命也【相命以言不防血为誓】何言乎相命近正也此其为近正奈何古者不盟结言而退

【谷梁传】胥之为言犹相也相命而信谕谨言而退以是为近古也是必一人先其以相言之何也不以齐侯命卫侯也【倡和理均不以齐大衛小而分别之】

世至春秋列国多变倾危成俗盟诅多渝二国为防相命以言不复刑牲歃血要质于鬼神故公羊谷梁皆以为近古而荀卿亦谓春秋善胥命也或谓相命为方伯则经当明着其事以正其不命于王而私相命之罪矣按左氏莊二十一年郑虢胥命于弭同谋纳王不可谓相命以伯况齐衛胥命以后不闻有防盟侵伐之事其战于 及盟于恶曹皆以郑忽之故则非相命以伯明矣

六月公防杞侯于郕【 公羊作纪郕公羊作盛】

【左传】公防 侯于郕杞求成也

凡称 侯者皆当作纪纪侯惧齐欲亲鲁为援冀抗齐郑观桓之六年复与公为郕之防而冬又来朝则此防之为纪明矣

秋七月壬辰朔日有食之既

【公羊传】既者何尽也

【谷梁传】言日言朔食正朔也既者尽也有继之辞也【尽而复生谓之既】

言日言朔食正朔也既尽也厯家以日月交防月掩日故日食食既则正相掩而日光为之尽也谷梁 曰言日言朔食正朔也言朔不言日食既朔也言日不言朔食晦日也不言日不言朔夜食也夫夜食而晓见其伤则时刻可稽何为不书朔与日乎且使日食于亥子之交未出地而明复则虽朝日何从见其亏伤之处耶盖日食不占夜犹月食不占昼是以唐一行算厯上 徃古千有余年日食常在昼月食常在夜春秋所书日食或有日而无朔或有朔而无日或日朔竝失乃旧史有详略耳

公子翬如齐逆女

【左传】秋公子翬如齐逆女修先君之好故曰公子【昏礼虽奉时君之命其言必称先君以为礼辞故公子翬逆女 称修先君之好公子遂逆女傳称尊君命互举其义】

【谷梁传】逆女亲者也使大夫非正也

翬至桓公之编始称公子桓以为谋主德其援立而加崇宠也翬为桓弑隐即为桓逆女以结好于齐所以定桓而因自固也遂之于宣亦然皆不待贬絕而罪恶见者也

九月齐侯送姜氏于讙【讙杜注鲁地济北蛇丘县西有下讙亭水经注云俗讹为夏晖城今山东肥城县西南有故城】

【左传】齐侯送姜氏非礼也凡公女嫁于敌国姊妹则上卿送之以礼于先君公子则下卿送之于大国虽公子亦上卿送之于天子则诸卿皆行公不自送于小国则上大夫送之

【公羊传】何以书讥何讥尔诸侯越竟送女非礼也此入国矣何以不称夫人自我言齐父母之于子虽为邻国夫人犹曰吾姜氏

【谷梁传】礼送女父不下堂母不出祭门诸母兄弟不出阙门【祭门庙门也阙两观也在祭门外】父戒之曰谨慎从尔舅之言母戒之曰谨慎从尔姑之言诸母般申之曰谨慎从尔父母之言【般囊也所以盛朝夕所须以备舅姑之用】送女逾竟非礼也讙鲁地也父母兄弟无越竟送女之礼讥齐侯也入国矣何以不称夫人未庙见犹未入国也故从齐侯而为之辞

公防齐侯于讙

【谷梁传】无讥乎曰为礼也齐侯来也公之逆而防之可也

齐侯送女入鲁竟公以防礼接之两失之矣春秋谨而书之所以正人伦之始也

夫人姜氏至自齐

【公羊传】翬何以不致得见乎公矣

【谷梁传】其不言翬之以来何也公亲受之于齐侯也子贡曰冕而亲迎不己重乎【冕祭服】孔子曰合二姓之好以继万世之后何谓己重乎

前书翬逆此不书翬以夫人姜氏至以桓既防齐侯而受之于讙也家人之初曰闲有家悔亡桓失其闲敝笱之刺兆矣

冬齐侯使其弟年来聘

【左传】冬齐仲年来聘致夫人也

女出嫁随使大夫聘问自鲁出则曰致女自他国来则总曰聘盖以聘礼致故 曰致女而经曰聘也隐七年年尝来聘隐弑而结昏于桓又使年来聘深爱其女而以归于篡弑之人所谓失其本心者与

有年

【公羊传】有年何以书以喜书也大有年何以书亦以喜书也此其曰有年何仅有年也彼其曰大有年何【谓宣十六年】大丰年也仅有年亦足以当喜乎恃有年也【恃頼也谓民犹頼此有年也】

【谷梁传】五谷皆熟为有年也

春秋二百四十二年之中岂无丰年而不见于经惟于桓书有年于宣书大有年盖桓宣享国皆十有八年而书有年者各一歲则他年多歉而民不聊生具见矣春秋独于二公书有年以着其逆天而殃及于民也

【附録左传】芮伯万之母芮姜恶芮伯之多宠人也故逐之出居于魏【为明年秦侵芮张本芮杜注芮国在冯翊临晋县今陝西朝邑县有芮故城在黄河西岸魏杜注魏国河东河北县括地志魏故国在芮城县北今山西芮城县河北故城是也孔疏世本芮魏皆姬姓】

日讲春秋解义卷五

卷六

钦定四库全书

日讲春秋解义卷六

桓公

四年春正月公狩于郎【此书搜狩之始】

【左传】四年春正月公狩于郎书时礼也

【公羊传】狩者何田狩也【田者搜狩之总名】春曰苗秋曰搜【搜简择也舍小取大】冬曰狩常事不书此何以书讥何讥尔远也【以其地远】诸侯曷爲必田狩一曰干豆【上杀干之以爲豆实可以祭祀】二曰宾客【次杀以供宾客】三曰充君之庖【下杀备君庖厨之用】

【谷梁传】四时之田皆爲宗庙之事也春曰田【取兽于田】夏曰苗秋曰搜冬曰狩四时之田用三焉惟其所先得一爲干豆二爲宾客三爲充君之庖

戎祀国之大事搜苗狩皆所以讲祀事也然先王四时之田皆于农隙以讲事有常时矣诸侯田狩不过郊皆择山林翳密之地有常所矣有常时有常所则民不以爲累物不以爲害周之正月夏

之仲冬于时爲宜狩但鲁狩大野乃常所也今不于大野而远至郎地则非常所矣故书以示讥

夏天王使宰渠伯纠来聘

【左传】夏周宰渠伯纠来聘父在故名

【公羊传】宰渠伯纠者何天子之大夫也其称宰渠伯纠何下大夫也

宰豕宰也渠氏伯爵纠其名也桓弟弑兄臣弑君不类见不请命天王不能讨而反使豕宰下聘天理灭人道亡矣王朝公卿书爵大夫书字上士中士书名下士书人纠位六卿之长降而书名罪失职也操刑赏之柄以驭下者王也论刑赏之法以诏王者宰也乃爲乱首承命以聘弑君之贼乎于来聘名宰而天王从其常称示王当奉天命彰天讨也于锡命王不称天而荣叔无讥焉其义盖互相备纠书官又书爵任愈重则责愈大而耻愈深也

【附录左传】秋秦师侵芮败焉小之也【秦国今陕西清水县有故秦城】
冬王师秦师围魏执芮伯以归

五年春正月甲戌己丑陈侯鲍卒

【左传】五年春正月甲戌己丑陈侯鲍卒再赴也于是陈乱文公子佗杀太子免而代之【佗桓公弟五父也称文公子明非桓公母弟也免桓公太子】公疾病而乱作国人分散故再赴

【公羊传】曷爲以二日卒之愆也【愆者狂也齐人语】甲戌之日亡己丑之日死而得君子疑焉故以二日卒之也【二日卒之者阙疑】

【谷梁传】鲍卒何爲以二日卒之春秋之义信以传信疑以传疑【明实录也】陈侯以甲戌之日出己丑之日得不知死之日故举二日以包也【言陈侯避病以甲戌日出己丑之日得之不知其死之日故举二日以包之】

陈侯鲍曷爲以二日卒按左氏公疾病而乱作则甲戌之下当有陈佗作乱之事而史阙之耳疑以传疑圣人之慎也

夏齐侯郑伯如纪

【左传】夏齐侯郑伯朝于纪欲以袭之纪人知之

【公羊传】外相如不书此何以书离不言防也【时纪不与防故略言也】

外相朝曰如春秋之世小役大弱役彊虽敌体之国不相朝也今以齐郑之彊大相率而朝小弱之纪盖实袭之幸纪人觉其诈而不得逞耳此外相如尔何以书纪人主鲁故来告而鲁史书之孔子存而不削以着齐人灭纪之罪明纪侯去国之由刘敞所谓圣人诛意之效是也纪近于齐许近于郑齐欲得纪与郑谋之而卒得纪郑欲得许与齐谋之而卒得许王纲解纽彊大横行相要以利相倾以势相尚以诈相以恶而弱小无所逃其祸此春秋于纪侯之去子之奔所以无多责也

天王使仍叔之子来聘【仍谷梁作任】

【左传】仍叔之子弱也【讥使童子出聘】

【公羊传】仍叔之子者何天子之大夫也其称仍叔之子何讥何讥尔讥父老子代从政也

【谷梁传】任叔之子者录父以使子也【录父使子者谓不氏名其人称父言子也】故微

其君臣而着其父子不正父在子代仕之辞也

古者官有世禄但使之食租衣税而不畀以政事先王所以优恤功臣而防其敝者至矣周衰官人以世而大臣固位赖宠惟恐失之欲及其尚存而见子孙之进用故未有职司者或承王命而有事于诸侯春秋书武氏子仍叔之子云者戒后人主徇大臣私意用其子弟而任之

葬陈桓公

不书月史失之也盖陈佗篡立而葬之

城祝丘【祝丘杜注鲁地汉即丘县孟康曰春秋时之祝丘也今山东沂州东南有即丘城】祝丘齐鲁两境上邑也齐将袭纪公欲 纪而畏齐故城此以备之书讥不时也

秋蔡人衛人陈人从王伐郑

【左传】王夺郑伯政郑伯不朝秋王以诸侯伐郑郑伯御之王爲中军虢公林父将右军【虢公林父王卿士】蔡人衛人属焉周公黑肩将左军【黑肩周桓公也】陈人属焉郑子元请爲左拒【子元郑公子拒方陈也】以当蔡人衛人爲右拒以当陈人曰陈乱民莫有鬪心若先犯之必奔王卒顾之必乱蔡衛不枝固将先奔既而萃于王卒可以集事【萃聚也集成也】从之曼伯爲右拒【曼伯檀伯】祭仲足爲左拒原繁高渠弥以中军奉公【二人郑臣】爲鱼丽之陈先偏后伍伍承弥缝【司马法车战二十五乘爲偏以车居前以伍次之承偏之隙而弥缝阙漏也五人爲伍此盖鱼丽陈法】战于繻葛【繻葛杜注郑地或云即长葛也】命二拒曰旆动而鼓【旆旂也通帛爲之盖今大将之麾也执以爲号令】蔡衛陈皆奔王卒乱郑师合以攻之王卒大败祝聃射王中肩王亦能军【祝聃郑臣王虽伤犹殿而不奔故言能军】祝聃请从之公曰君子不欲多上人况敢陵天子乎苟自救也社稷无陨多矣夜郑伯使祭足劳王且问左右

【公羊传】其言从王伐郑何从王正也

【谷梁传】举从者之辞也【谓若王不亲伐直举三国从王命之辞也】其举从者之辞何也爲天王讳伐郑也【讳自伐郑】郑同姓之国也在乎冀州于是乎不服爲天子病矣【冀州者天下之中州自唐虞及夏殷皆都焉则冀州是天子之常居后王虽不都冀州亦得以冀州言之郑近王畿故云在乎冀州言亲近犹不能服则疏遠者可知】

王不称天非天讨也不书败示诸侯不可敌王也郑伯不朝固爲有罪然其罚至贬爵削地而止耳鲁桓弑君而自立宋督弑君而得政天讨不加乃亲帅与郑私憾之三国以伐之而陈佗篡弑之贼亦许以师从用此爲郑所窥乘其瑕衅以败王师而自是王命遂不行于天下春秋明治乱得失之原故王不称天以正其本三国书从以着人臣之义伐不书败以存共主之体

而郑抗王师之罪亦不可掩轻重之权衡君臣之名分莫不毕见凡此皆裁自圣心非国史所能与也

大雩【此书雩之始】

【左传】秋大雩书不时也凡祀啓蛰而郊【啓蛰夏正建寅之月祀天南郊】龙见而雩【龙见建巳之月苍龙之宿昏见东方万物始盛待雨而大故祭天爲百谷祈膏雨】始杀而尝【建酉之月陰气始杀嘉谷始熟故荐尝于宗庙】闭蛰而烝【建亥之月昆虫闭藏万物皆成可荐者众故烝祭宗庙】过则书【祭必当卜卜有吉否不吉则改卜次旬卜不过三故限以一月过涉次月之节则书之以讥其慢】

【公羊传】大雩者何旱祭也【雩旱请雨祭名】然则何以不言旱言雩则旱见言旱则雩不见何以书记灾也

大雩雩于上帝用盛乐也诸侯雩于境内之山川而配以上公礼也大雩则僭天子之礼矣然鲁僭郊禘大雩旧矣欲悉书于策则不胜书故雩祭则因旱以书而特谓之大郊禘亦各因事而书以见其非义盖分所不属则气不能相感此先王制礼之精义按以春秋所书而可见者也

螽【公羊作 𧈧】

【公羊传】何以书记灾也

【谷梁传】螽虫灾也甚则月不甚则时

螽之爲物常因旱而生以害稼故书

冬州公如曹【州国名姜姓曹杜注曹国济阴定陶县今山东定陶县西北有故城即曹国也左传】冬淳于公如曹度其国危遂不复【淳于杜注州国所都城阳淳于县也今山东安丘县东北有淳于故城】

【公羊传】外相如不书此何以书过我也

【谷梁传】外相如不书此其书何也过我也

天子三公称公王者之后称公州称公与祭公同盖天子三公而食邑于州者外相如不书此何以书自曹而来鲁将有其未故先录其卒也

六年春正月实来

【左传】六年春自曹来朝书曰实来不复其国也

【公羊传】实来者何犹曰是人来也孰谓谓州公也曷爲谓之实来慢之也曷爲慢之化我也【行过国竟而无礼于人谓之化谷梁传】实来者是来也何谓是来谓州公也其谓之是来何也以其画我【过我也】故简言之也诸侯不以过相朝也

实或曰州公名或曰州公如曹而实来鲁从省文也言奔则来行朝礼言朝则遂留不去故曰实来若覆书州公来则与祭伯来同而无以见不复其国之义矣

【附录左传】楚武王侵随【随国名姬姓侯爵杜注义阳随县西魏置随州今属湖广德安府古城在州南】使防章求成焉【防章楚大夫】军于瑕以待之【瑕随地】随人使少师董成【董正也】鬬伯比言于楚子曰【伯比楚大夫令尹子文父】吾不得志于汉东也【汉释例汉水出武都至江夏入江武都今陝西宁羌州江夏今湖广江夏县】我则使然我张吾三军而被吾甲兵以武临之彼则惧而协以谋我故难间也汉东之国随爲大随张【张自侈大也】必弃小国小国离楚之利也少师侈请羸师以张之【羸弱也】熊率且比曰季梁在何益【熊率且比楚大夫季梁随贤臣】鬬伯比曰以爲后图少师得其君【言季梁之諫不过一见从卒当以少师爲计故云以爲后图】王毁军而纳少师少师归请追楚师随侯将许之季梁止之曰天方授楚楚之羸其诱我也君何急焉臣闻小之能敌大也小道大淫所谓道忠于民而信于神也上思利民忠也祝史正辞信也今民馁而君逞欲祝史矫举以祭臣不知其可也公曰吾牲牷肥腍【牲牛羊豕也牷纯色完全也腍亦肥也】粢盛丰备【黍稷曰粢在器曰盛】何则不信对曰夫民神之主也【神依于民】是以圣王先成民而后致力于神故奉牲以告曰博硕肥腍谓民力之普存也【博广也硕大也】谓其畜之硕大蕃滋也谓其不疾疫蠹也谓其备腍咸有也【虽告神以博硕肥腍其实皆当兼此四谓民力适完则六畜既大而滋也皮毛无疥癬兼备而无有所阙】奉盛以告曰絜粢丰盛谓其三时不害而民和年丰也奉酒醴以告曰嘉栗旨酒【嘉善也栗敬也】谓其上下皆有嘉德而无违心也所谓馨香无谗慝也故务其三时修其五教【父义母慈兄友弟恭子孝】亲其九族以致其禋祀【禋絜敬也九族谓外祖父外祖母从母子及妻父妻母姑之子姊妹之子女子之子非己之同族皆外亲有服而异族者也】于是乎民和而神降之福故动则有成今民各有心而鬼神乏主君虽独丰其何福之有君姑修政而亲兄弟之国庶免于难随侯惧而修政楚不敢伐

夏四月公防纪侯于郕【郕左传公羊传作成杜注鲁地泰山钜平县东南今山东宁阳县东北有故城社即古成城也】

【左传】夏防于成纪来谄谋齐难也【齐欲灭纪故来谋】

五年齐郑如纪欲以袭之而弗遂至是且将大加兵其国纪睦于鲁越境而谋公往防之盖有不得已者是以春秋无讥焉

【附录左传】北戎伐齐齐侯使乞师于郑郑太子忽帅师救齐六月大败戎师获其二师大

良少良【二帅名】甲首三百【甲首被甲者首】以献于齐于是诸侯之大夫戍齐齐人馈之饩【生曰饩】使鲁爲其班后郑【班次也】郑忽以其有功也怒故有郎之师【郎师在十年】公之未昏于齐也齐侯欲以文姜妻郑太子忽太子忽辞人问其故太子曰人各有耦齐大非吾耦也诗云自求多福在我而已大国何爲君子曰善自爲谋及其败戎师也齐侯又请妻之【欲以他女妻之】固辞人问其故太子曰无事于齐吾犹不敢今以君命奔齐之急而受室以归是以师昏也民其谓我何遂辞诸郑伯【假父之命以爲辞爲十一年郑忽出奔衛传】

秋八月壬午大阅【此书大阅之始】

【左传】秋大阅简车马也

【公羊传】大阅者何简车徒也何以书盖以罕书也【罕希也大阅之礼三年一举桓公忽忘武备过于三年是以书之】

【谷梁传】大阅者何阅兵车也修教明谕【修先王之教以明達于民】国道也【治国之道】平而修戎事非正也【平谓不因田猎无事而修之】其日以爲崇武故谨而日之盖以观妇人也

大阅者简阅兵车徒而训习之也周礼以仲冬之月大阅其法视三时爲独详者农隙故也周之八月乃夏正建未之月以盛夏而大阅则非其时矣昭定之间或书搜或书大搜凡称大者皆僭用天子之礼也先王寓军政于四时之田训民御暴其备豫也今以惧郑忽畏齐人非时越礼而简兵车不独厉农失政平时军政之不修亦可见矣

蔡人杀陈佗

【公羊传】陈佗者何陈君也陈君则曷爲谓之陈佗絶也曷爲絶之贱也其贱奈何外淫也恶乎淫淫乎蔡蔡人杀之

【谷梁传】陈佗者陈君也其曰陈佗何也匹夫行故匹夫称之也其匹夫行奈何陈侯熹猎淫猎于蔡与蔡人争禽蔡人不知其是陈君也而杀之何以知其是陈君也两下相杀不道【两大夫相杀不书】其不地于蔡也蔡人杀陈佗者讨贼之辞也乱臣贼子或本国之臣子或邻国之君臣苟有一人能起而诛之则春秋以讨贼之义予之矣凡篡弑而称君者着其国之臣子不以爲贼而奉之也书陈佗则知陈之臣子奉不以佗爲君矣用此见春秋之初先王之泽未泯人心正理犹存故州吁陈佗无知皆不容于天壤焉又以知五年陈侯鲍卒甲戌以下所阙即佗弑太子免事也

九月丁卯子同生

【左传】九月丁卯子同生以太子生之礼举之接以太牢【太牢牛羊豕也以礼接夫人重嫡也】卜士负之士妻食之【礼世子生三日卜士负之射人以桑弧蓬矢射天地四方卜士之妻爲乳母】公与文姜宗妇命之【世子生三月君夫人沐浴于外寢立于阼阶西乡世妇抱子升自西阶君命之乃降宗妇同宗之妇命之命名也】公问名于申繻【鲁大夫】对曰名有五有信有义有象有假有类以名生爲信【若唐叔虞鲁公子友】以德命爲义【若文王名昌武王名发】以类命爲象【若孔子首象尼丘】取于物爲假【若伯鱼生人有馈之鱼因名之曰鲤】取于父爲类【若子同生有与父同者】不以国不以官不以山川不以隐疾不以畜牲不以器币周人以讳事神名终将讳之【讳始于周周人以讳法敬事明神子生三月爲之立名以其终将讳之故须豫有所避】故以国则废名【国不可易故废名】以官则废职以山川则废主【改其山川之名】以畜牲则废祀以器币则废礼晋以僖侯废司徒【僖侯名司徒废爲中军】宋以武公废司空【武公名司空废爲司城】先君献武废二山【二山具敖也鲁献公名具武公名敖更以其乡名山】是以大物不可以命公曰是其生也与吾同物【物类也谓同日生】命之曰同

【公羊传】子同生者孰谓谓庄公也何言乎子同生喜有正也【喜国有正嗣】未有言喜有正者此其言喜有正何从无正也子公羊子曰其诸以病桓与

【谷梁传】疑故志之【文姜淫于齐襄疑非公之子】时曰同乎人也【时人金曰齐侯之子同于他人】

先儒皆谓嫡长始生即书于防此旧史之法非春秋书子同生之义也文公成公皆嫡嗣何以庄之生独书文姜禽兽行故书之以正周公之后决后世之疑而朱子按经以核其事迹谓桓三年姜氏至自齐六年子同生十八年桓公乃与姜氏同如齐则庄公诚非齐侯之子以正二传之妄也不曰世子何也天下无生而贵者故誓于天子然后爲世子

冬纪侯来朝

【左传】冬纪侯来朝请王命以求成于齐公告不能【纪微弱不能自通于天子欲因公以请王命公无宠于王故告不能】

鲁桓弑君篡立天下之大恶也纪侯有齐难不能上告于天子自彊于政治和辑其民效死以守而求援于篡弑之人其能国乎

七年春二月己亥焚咸丘【咸丘杜注鲁地高平钜野县南有咸亭今属山东兖州府公羊传】焚之者何樵之也【樵薪也以樵烧之故曰樵之齐人语】樵之者何以火攻也何言乎以火攻疾始以火攻也咸丘者何邾娄之邑也曷爲不系乎邾娄国之也曷爲国之君存焉尔

【谷梁传】其不言邾咸丘何也疾其以火攻也

古者昆虫蛰而后火田去莽翳以逐禽兽但焚一丛一聚非竭山泽而焚之也易称王用三驱在礼天子不合围诸侯不掩羣所以养仁心而尽物之性也周之二月夏之十二月昆虫未出固可以用火但已过冬狩之期而未及春搜且咸丘非狩地故不言搜狩直书曰焚以讥其尽物也

夏谷伯绥来朝邓侯吾离来朝【谷杜注谷国在南乡筑阳县北今湖广谷城县治爲故筑阳城古谷城在县北】

【左传】七年春谷伯邓侯来朝名贱之也【二国以春来夏乃行朝礼故经书夏】

【公羊传】皆何以名失地之君也其称侯朝何贵者无后待之以初也【贵者无后即郊特牲古者寓公不继世之义诸侯不臣寓公寓公死则臣其子不得继父寓公之世故曰无后也待之以初言谷邓与鲁本同贵爲诸侯当待之如初也】

【谷梁传】其名何也失国也失国则其以朝言之何也尝以诸侯与之接矣虽失国弗损吾异日也【待之以初】春秋时诸侯相朝皆小国迫于邻近之大国不得已而爲恭也谷邓近楚而远于鲁地之相去千有余里无缘越蔡许陈曹宿邾而来朝于鲁以情事揆之必爲楚所逼失地而奔近楚之国皆不敢容故远托于鲁而鲁桓以篡弑得国欲以远国来朝爲名俾行朝礼以自侈大而震耀其臣民故旧史承而书之而实则失地之君故春秋据其实而称名也先儒以爲贬其朝桓则身爲篡弑者防盟侵伐皆不书名而独于朝之者举罚颇其类矣至谓去秋冬二时以二国朝桓逆乱天道岁功不成则穿凿附防将以扶植世教而转破碎经指义不可通使孔子果以宰纠聘桓而阙秋冬则次年仍叔之子来聘亦宜复阙果以邓谷朝鲁而阙秋冬则当于滕子来朝四国防稷以成宋乱先见此义圣人作经不若是之疎也且幸四年七年秋冬适无事可书而阙之如有事将并阙其事耶抑书其事而独阙二时耶义益无所处矣

【附录左传】夏盟向求成于郑既而背之【盟向二邑名隐十一年王以与郑故求与郑成】秋郑人齐人衛人伐盟向王迁盟向之民于邾【邾杜注王城今河南洛阳县西有邾鄆陌】冬曲沃伯诱晋小子侯杀之【曲沃伯武公也小子侯哀侯子】

八年春正月己卯烝

【公羊传】烝者何冬祭也春曰祠【祠犹食也犹继嗣也春物始生孝子思亲继嗣而食之故曰祠荐尚韭卵】夏曰禴【始熟可禴故曰禴荐尚麦鱼】秋曰尝【尝者先辞也秋谷成者非一黍先熟可得荐故曰尝荐尚黍豚】冬曰烝【烝众也气盛貌冬万物毕成所荐众多芬芳备具故曰烝荐尚稻鴈】常事不书此何以书讥何讥尔讥亟也【亟数也】亟则黷【黷黷也】黷则不敬君子之祭也敬而不黷疏则怠怠则忘士不及兹四者则冬不裘夏不葛【四者四时祭也裘葛冬夏之美服言士有公事不得及此四时之祭则不敢美其衣服盖思念亲之至也谷梁传】烝冬事也春兴之志不时也

周人以建子爲岁首周之春正月夏之十一月也烝以中冬不失时矣常事不书此何以书经有先起事以见义者书此以见夏五月之再烝爲黷礼也谷梁以春举冬祭爲不时则未知周虽改朔而巡狩烝享犹用夏时且尚书洛诰王在新邑烝祭岁在十有二月则用亥月烝祭亦未爲失礼也

天王使家父来聘【家父天子大夫家氏父字】

下聘弑逆之人而无贬何也既名冢宰于其重者而举法焉余则从同之义也盖君相一体任之重斯责之专故归罪仲子防葬成风则宰咺书名于前王不称天于后来聘桓公锡桓公命则宰纠书名以正其始王不称天以正其终而荣叔家父之徒无贬也此即虞书君臣相戒庶事之原皆系于元首股肱之义

【附录左传】八年春灭翼【曲沃灭之】
随少师有宠楚鬬伯比曰可矣雖有衅不可失也【无德者宠国之衅也】

夏五月丁丑烝

【公羊传】何以书讥亟也

【谷梁传】烝冬事也春夏兴之黷祀也志不敬也

以季春而举冬祭非时也建子之月既烝而建辰之月复烝必以前烝爲不备也其黷乱不经甚矣

【附录左传】夏楚子合诸侯于沈鹿【沈鹿杜注楚地今湖广钟祥县东里有鹿湖池即其地也】黄随不防【黄嬴姓杜注黄国弋阳县魏置弋阳郡于此今河南光州境弋阳城在州东黄城在州西】使防章让黄【让责也】楚子伐随军于汉淮之间【淮汉志南阳郡平氏县禹贡桐柏大复山在东南淮水所出平氏故城在今河南南阳府西北】季梁请下之【下之请服也】弗许而后战所以怒我而怠寇也少师谓随侯曰必速战不然将失楚师随侯御之望楚师【遥见楚师】季梁曰楚人上左君必左【君楚君也】无与王遇且攻其右右无良焉必败偏败众乃携矣少师曰不当王非敌也弗从战于速杞【速杞杜注随地当在今湖广应山县境】随师败绩随侯逸【逃也】鬬丹获其戎车【丹楚大夫】与其戎右少师【宠之以爲车右】秋随及楚平楚子将不许鬬伯比曰天去其疾矣【少师见获而死是去其疾】随未可克也乃盟而还

秋伐邾

桓自弑立恃其彊恶以陵小国小国皆畏而从之故纪鄆滕杞或朝或会惟邾恃旧好而不顾至是遂伐之以是知仪父盖知义者也隐有让国之心则即位三月即来讲好桓有篡弑之恶

则定位六年尚不与通伐之而仍不至逮十五年然后与牟葛同来盖困于力之不支耳

冬十月雨雪

【公羊传】何以书记异也何异尔不时也【周之十月夏之八月未当雨雪故曰不时】

建酉之月未霜而雪书异也陰阳方中而寒气先至此积陰侵阳之象春秋凡三书雨雪其二言大以大爲异也此不言大以非时爲异也

【附录左传】冬王命虢仲立晋哀侯之弟缙于晋【虢仲王卿士虢公林父】

祭公来遂逆王后于纪【此书遂之始】

【左传】祭公来遂逆王后于纪礼也【天子娶于诸侯使同姓诸侯爲之主祭公来受命于鲁故曰礼】

【公羊传】祭公者何天子之三公也【祭者采也天子三公氏采称爵】何以不称使昏礼不称主人【时王者有母也】遂者何生事也【生犹造也专事之辞】大夫无遂事此其言遂何成使乎我也【以上来无事知遂成使于我】其成使乎我奈何使我爲媒可则因用是往逆矣【昏礼成于五先纳采问名纳吉纳徵请期然后亲迎今王使祭公来命鲁爲媒即因用鲁往迎之不复成礼疾王不重妃匹也】女在其国称女此其称王后何王者无外其辞成矣【成其爲王后之辞也】

【谷梁传】其不言使焉何也不正其以宗庙之大事即谋于我故弗与使也【时天王命祭公就鲁共卜择纪女可爲后者便逆之不复反命】遂继事之辞也其曰遂逆王后故略之也【以其遂逆无礼故不书逆女而曰王后略谓不以礼称之】或曰天子无外王命之则成矣【四海之滨莫非王臣王命纪女爲后则已成王后非如诸侯入国乃称夫人】

大夫出疆有以二事出者有以一事出而专继事者其书皆曰遂祭公盖受王命问期于鲁并逆后于纪耳未有无王命而敢专行者独书曰来正见非有聘问之事于鲁即爲逆后来耳不称使昏礼不称主人也左传庄十八年虢公晋侯郑伯使原庄公逆王后于陈不言王使而曰虢晋郑使盖古礼如此先儒谓三公师傅之官坐而论道不宜逆女宜使卿往公监之盖据襄公十五年刘夏逆王后于齐传称官师从单靖公逆王后于齐而经独书刘夏爲义盖谓刘夏以非卿而书靖公合礼则不书也然以传所书原庄公单靖公证之又似三公逆后周制固然故并存以备稽考

日讲春秋解义卷六

卷七

钦定四库全书

日讲春秋解义卷七

桓公

九年春纪季姜归于京师

【左传】九年春纪季姜归于京师凡诸侯之女行唯王后书

【公羊传】其辞成矣则其称纪季姜何自我言纪父母之于子虽爲天王后犹曰吾季姜京师者何天子之居也京者何大也师者何众也天子之居必以众大之辞言之

【谷梁传】爲之中者归之也【中谓关与昏事】

往逆称王后既归何以称季姜自逆者言之王者无外王命之斯后之矣自归者言之未见宗庙不敢以尊自处也京师者大众之称经书逆王后者二惟季姜书归于京师鲁主之故必书其归刘夏逆王后不书归过鲁而鲁不爲之主也

夏四月

秋七月

【附录左传】巴子使韩服告于楚请与邓爲好【巴国名姬姓今四川巴县韩服巴行人】楚子使道朔将巴客以聘于邓【道朔楚大夫巴客韩服】邓南鄙鄆人攻而夺之币【鄆今湖广襄阳县东北鄆城是也】杀道朔及巴行人楚子使防章让于邓邓人弗受夏楚使鬬廉帅师及巴师围鄆【鬬廉楚大夫】邓养甥聃甥帅师救鄆三逐巴师不克【二甥皆邓大夫】鬬廉衡陈其师于巴师之中以战而北【衡横也分巴师爲二部鬬廉横陈于其间以与邓师战而僞北北走也】邓人逐之背巴师而夹攻之【楚师僞走邓师逐之背巴师巴师攻之楚师自前还与战】邓师大败鄆人宵溃秋虢仲芮伯梁伯荀侯贾伯伐曲沃【梁国嬴姓汉志左冯翊夏阳故少梁今少梁城在陝西韩城县南荀国姬姓水经注古水西南迳荀城在绛州西十五里今绛州属山西贾国姬姓今山西临汾县有贾乡】

冬曹伯使其世子射姑来朝

【左传】冬曹太子来朝宾之以上卿礼也【诸侯之适子未誓于天子而摄其君则以皮帛

继子男故宾之以上卿各当其国之上卿】享曹大夫初献乐奏而叹施父曰【施父鲁大夫】曹大夫其有忧乎非叹所也【公羊传】诸侯来曰朝此世子也其言朝何春秋有讥父老子代从政者则未知其在齐与在曹与【在齐世子光也言射姑来朝与齐光序诸侯之上皆当讥而下文曹伯卒葬全录或于曹无讥未可知也此传者依违之词谷梁传】朝不言使言使非正也使世子伉诸侯之礼而来朝曹伯失正矣诸侯相见曰朝以待人父之道待人之子以内爲失正矣内失正曹伯失正世子可以已矣则是放命也【放命犹言方命谓逆命也】尸子曰夫已多乎道【已止也止曹伯使朝之命则曹伯不陷非礼之愆世子无苟从之咎鲁无失政之讥三者正则合道多矣】周官典命凡诸侯之嫡子誓于天子而摄其君则下其君之礼一等未誓则以皮帛继子男谓诸侯老疾当朝覲之期身不能亲得使子摄急述职也诸侯间于王事则相朝本无定期曹伯既有疾何急于朝鲁而使世子摄哉故曹伯使朝世子当辞而鲁亦不当受盖参讥之

十年春王正月

【谷梁传】桓无王其曰王何也正终生之卒也

桓无王此复书王何也或曰十者盈数也天道十年则必反故易称守贞者十年而反常传论恶远者十年而必弃桓弑君篡国其数已盈故以天道王法正之也或曰鲁采服之国也宜四岁而一见并类见之期计之三不朝矣正天王当以六师移之之节也其义皆可通

庚申曹伯终生卒

【左传】十年春曹桓公卒【终施父之言】

夏五月葬曹桓公

【附录左传】虢仲谮其大夫詹父于王詹父有辞以王师伐虢夏虢公出奔虞【虢仲王卿士詹父属大夫虞国名姬姓古虞城在今山西平陆县东北】

秋公防衛侯于桃丘弗遇【桃丘杜注衛地济北东阿县东南有桃城今山东东阿县西有桃城铺旁有丘即桃丘也】

【公羊传】防者何期辞也其言弗遇何公不见要也【谷梁传】弗遇者志不相得也弗内辞也【托言衛侯不遇则若衛侯不 鲁公之接者以杀其耻】

衛侯与公爲防期中背而与齐郑故公往防而不相遇盖齐郑急于谋纪而纪鲁姻也伐郑之役衛实从王故鲁欲以爲援而往防之而胥命于蒲齐衛既合故衛始以郑之怨而约与鲁防终以齐之故背鲁而与郑爲郎之师也

【附录左传】秋秦人纳芮伯万于芮【四年围魏所执者】初虞叔有玉【虞叔虞公之弟】虞公求旃【旃之也】弗献既而悔之曰周谚有之匹夫无罪懷璧其罪吾焉用此其以贾害也【贾买也】乃献之又求其宝剑叔曰是无厌也无厌将及我【将杀我】遂伐虞公故虞公出奔共池【共池杜注地名阙今山西平陆县西有共池志云虞公出奔地】

冬十有二月丙午齐侯衛侯郑伯来战于郎

【左传】冬齐衛郑来战于郎我有辞也初北戎病齐诸侯救之郑公子忽有功焉齐人饷诸侯使鲁次之鲁以周班后郑郑人怒请师于齐齐人以衛师助之故不称侵伐【不称侵伐而以战爲文明鲁直诸侯曲故言我有辞以礼自释交绥而退无败绩】先书齐衛王爵也【郑主兵而序齐衛下者以王爵次之也】

【公羊传】郎者何吾近邑也吾近邑则其言来战于郎何近也恶乎近近乎围也【兵近都城几与围无异】此偏战也【偏一面也吉日定地各居一面鸣鼓而战不相诈】何以不言师败绩内不言战言战乃败矣

【谷梁传】来战者前定之战也内不言战言战则败也不言其人以吾败也不言及者爲内讳也

内不言战言战则败也春秋所书加兵于鲁者众矣未有称来战者此着罪之在三国也鲁桓弑逆人人得而诛之郑伯则首盟于越以定其位齐侯则继会于稷以济其奸且重之以婚姻今乃以私忿小怨亲帅其师而来战尚爲知类也哉郑人主兵而首齐以非得齐不能举是师也春秋时列国之邦交惟利所在向背无常齐僖嫁女于鲁乃聽郑而与鲁战盖齐与郑谋纪而鲁欲庇之故尽力于郑以固其交而姻亲有不暇顾也

十有一年春正月齐人衛人郑人盟于恶曹【恶曹杜注地阙左传】十一年春齐衛郑宋盟于恶曹【宋不书经阙】

恶曹之盟即前此三国之君来战于郎者也其称人何自有参盟其恶莫甚于恶曹前此郑败王师后此齐灭后之母家衛抗王人子突而自立皆与鲁桓同恶故变文以发后人之疑而着其罪也按翟泉之盟七国皆书人蜀之盟十有一国皆书人澶渊之防十有二国皆书人未必皆微者苟皆微者不宜着于经以此证之则此盟乃三国之君审矣

【附录左传】楚屈瑕将盟贰轸【贰轸皆国名贰在今湖广应山县境轸在今湖广应城县西】郢人军于蒲骚【郢国名杜注江夏云杜县东南有郢城在今湖广安陆县蒲骚郢邑在今应城县北】将与随绞州蓼伐楚师【绞州蓼皆国名绞在今湖广郢阳府西北州今湖广监利县东有州陵城蓼在今河南唐县南】莫敖患之【莫敖楚官名即屈瑕】鬬廉曰郢人军其郊必不诫且日虞四邑之至也【虞度也四邑随绞州蓼也邑亦国也】君次于郊郢以御四邑【君谓屈瑕郊郢杜注楚地今湖广安陆府治郢州故城是其地也】我以銳师宵加

于郟郟有虞心而恃其城莫有鬪志若败郟师四邑必离莫敖曰盍请济师于王【济益也】对曰师克在和不在众商周之不敌君之所闻也成军以出又何济焉莫敖曰卜之对曰卜以决疑不疑何卜遂败郟师于蒲骚卒盟而还【卒盟贰轸】

夏五月癸未郑伯寤生卒

【左传】郑昭公之败北戎也齐人将妻之昭公辞祭仲曰必取之君多内宠子无大援将不立三公子皆君也【谓子突子亹子仪其母皆有宠】弗从夏郑庄公卒初祭封人仲足有宠于庄公【祭杜注郑地陈留长垣县东北有祭城今属直大名府封人守封疆者因以所守爲氏】庄公使爲卿爲公娶邓曼【曼邓姓】生昭公故祭仲立之

春秋之初罪莫甚于郑庄宋鲁齐衛次之而其后祸乱相仍亦未有甚于五国者考其终始可爲乱常不义者戒矣

秋七月葬郑庄公

卒逾两月而葬虑有争也盖嗣子爲丧主诸侯防葬其位定则不敢争故凡速葬者必有故也

九月宋人执郑祭仲【此书执之始】

【左传】宋雍氏女于郑庄公曰雍姑生厉公【雍氏姑姓宋大夫以女妻人曰女】雍氏宗有宠于宋庄公故诱祭仲而执之曰不立突将死亦执厉公而求赂焉祭仲与宋人盟以厉公归而立之

【公羊传】祭仲者何郑相也何以不名贤也何贤乎祭仲以爲知权也其爲知权奈何古者郑国处于留先郑伯有善于郕公者通乎夫人以取其国而迁郑焉【迁郑都于郕】而野留【野鄙也】庄公死已葬祭仲将往省于留涂出于宋宋人执之谓之曰爲我出忽而立突祭仲不从其言则君必死国必亡从其言则君可以生易死国可以存易亡少辽缓之则突可故出而忽可故反是不可得则病【出突反忽之计不可得行则已实耻之病耻也】然后有郑国【计虽不行然仍须力讨之令忽有国即费功力犹愈于国之亡也】古人之有权者祭仲之权是也权者何权者反于经然后有善者也权之所设舍死亡无所设【设施也舍置也如置死亡之事不得施】行权有道自贬损以行权不害人以行权杀人以自生亡人以自存君子不爲也

【谷梁传】宋人者宋公也其曰人何也贬之也

祭仲何以不名命大夫也诸侯之大夫三命受位列爲王臣则同于王朝之大夫而书字祭仲之恶不待贬而见着其爵列所以甚其罪也或疑名其君于下不宜字其臣于上不知君前臣名乃生人应对之礼非所施于国史之纪事各从其宜者也公羊传以祭仲爲知权害义伤教

自范甯发之皆知其悖矣

突归于郑

【公羊传】突何以名挈乎祭仲也【挈犹提挈也】其言归何顺祭仲也

【谷梁传】曰突贱之也曰归易辞也【突篡兄之位制命权臣故言归爲易辞非善之也】祭仲易其事权在祭仲也【易言废立在己】死君难臣道也今立恶而黜正恶祭仲也

小白阳生系之齐明其当有齐也突不系郑明其不当立也不称公子春秋之初凡争国者皆不称公子也书归有二义一顺词也一易词也后书郑世子忽则突之不顺其迹显著盖易词也内则权臣许之立外则大国爲之援而世子忽之才不能自固故其归爲易耳

郑忽出奔衛【此书奔之始】

【左传】秋九月丁亥昭公奔衛己亥厉公立

【公羊传】忽何以名春秋伯子男一也辞无所贬【既葬称子合伯子男爲一辞无所贬皆从子忽不称子者贬而名之也】

【谷梁传】郑忽者世子忽也其名失国也

忽系郑明其正也不称子责不能守其位未终丧而出奔失子之道矣其义与国君失位以自奔爲文而不书其逐之者同所以警居位者当自彊于爲善也

柔会宋公陈侯蔡叔盟于折【此大夫防盟诸侯之始折杜注地阙】

【公羊传】柔者何吾大夫之未命者也

公会宋公于夫钟【钟公羊作童夫钟杜注郕地今山东宁阳县盛乡城北有夫钟里】冬十有二月公会宋公于阚【阚杜注鲁地今山东汶上县西有阚亭在南旺湖中】臣与宋公盟于折君与宋公会于夫钟于阚明年又会于虚于盖公与突皆篡立声相倚而又有憾于忽宋自纳突之后以责赂生隙故公不憚屈己力爲突请以固宋交而定其位也然屡盟而卒畔数会而卒离观此益见盟会之不足恃矣

十有二年春正月

夏六月壬寅公防杞侯莒子盟于曲池【公羊谷梁作纪曲池公羊作殴蛇杜注鲁地鲁国汶阳县北有曲水亭在今曲阜县东北源出石门山】

【左传】十二年夏盟于曲池平杞莒也【隐公四年莒人伐杞自是遂不平】杞当作纪是时纪爲齐难危急甚矣鲁桓切切爲纪谋故屡会焉而大国无与同心者曲池之盟仅能与弱小之莒偕其不能爲 而无救于纪之亡也盖可知矣

秋七月丁亥公会宋公燕人盟于谷丘【燕人杜注南燕大夫谷丘杜注宋地在今山东曹州北】

【左传】公欲平宋郑秋公及宋公盟于句渚之丘【句渚之丘杜注即谷丘也今其地名句阳店宋以立厉公故多责赂于郑郑人不堪故不平】

入春秋来燕未尝见经杜预谓燕人南燕大夫以昭公三年书北燕伯款出奔齐知此爲南燕也庄公之三十年齐伐山戎始爲燕通道于周则此年及十三年所书爲媾姓之燕可知矣左传称谷丘之盟亦爲平郑宋观十三年四国来战燕亦与焉则燕乃宋之与国而此盟之爲郑请可徵也

八月壬辰陈侯跃卒【壬辰七月二十三日书于八月从赴】

公会宋公于虚【虚公羊作郟杜注宋地疑在今河南睢州境】

冬十有一月公会宋公于 【 杜注宋地疑在今河南睢州境】

【左传】宋成未可知也故又会于虚冬又会于

诸侯非王事不出境桓公委宗社人民五出与宋会厉民荒政甚矣鲁宋五会之地阡鲁地夫钟亦近鲁故宋公来会欲因鲁以责赂虚 与谷丘皆宋地故桓公往防欲爲突请免赂观所会之地而情事可推矣

丙戌公会郑伯盟于武父【武父杜注郑地陈留济阳县东北有武父城在今直隶东明县西南】

【左传】宋公辞平故与郑伯盟于武父

郑终不肯致赂宋遂辞平是以与郑盟而谋宋也突称郑伯不没其实也虽篡弑之贼国人君之诸侯君之其会盟侵伐苟不以爵书则非其实而亦无以属辞盖列国之君书爵而一人独书名则与大夫之会盟会伐者无以异矣王迹既熄霸统未兴诸侯自擅无所禀命观隐十年见兵革之乱也桓十一年十二年见会盟之乱也霸统兴而诸侯有所忌无复此乱矣故君子不得已而与桓文

丙戌衛侯晋卒

【谷梁传】再称日决日义也【决日者谓二事决宜书日故经两举日文也】通一经惟此重书日盖册书之体一日二事本宜各书其日而史所未详不可复考偶有存者则仍其旧文耳或曰不应再书丙戌非后申则前子非也会盟宜日者也其不日者史失之耳武父之盟既书日使晋卒不再书日则不知其卒于何日矣

十有二月及郑师伐宋丁未战于宋

【左传】遂帅师而伐宋战焉宋无信也君子曰苟信不继盟无益也诗云君子屡盟乱是用长无信也【诗小雅言无信故数盟数盟则情疏情疏而憾结故乱长】

【公羊传】战不言伐此其言伐何辟嫌也恶乎嫌嫌与郑人战也【不言伐则嫌内微者与郑人战于宋地故举伐以明之】此偏战也何以不言师败绩内不言战言战乃败矣【上十年郎战之下已有此传上来战于鲁此往战于宋嫌其异故复明之】

【谷梁传】非与所与伐战也【非责也责鲁又与其所与伐者战也】不言与郑战耻不和也于伐与战败也内讳败举其可道者也【战轻于败战可道而败不可道】

公及郑伯十有一月盟于武父则十有二月伐宋者爲公与郑伯明矣内不书公而郑亦称师何也变文以着其罪也来战者罪在彼往战者罪在我宋人责赂不已固不爲无过然鲁桓取其赂以成乱郑突资其力以篡国及郑以责赂背宋而鲁遂党郑渝数会之信连兵深入战于国都邦交之翻覆谋计之倾危若此此圣人所以深恶鲁郑也

【附录左传】楚伐绞军其南门莫敖屈瑕曰绞小而轻轻则寡谋请无扞采樵者以诱之【扞衛也】从之绞人获三十人【获楚人也】明日绞人争出驱楚役徒于山中楚人坐其北门而覆诸山下【坐犹守也覆设伏兵而待之】大败之爲城下之盟而还伐绞之役楚师分涉于彭【彭水名杜注在新城昌魏县今故昌魏县在湖广房县西南】罗人欲伐之使伯嘉谍之三巡数之【罗杜注熊姓国在宜城县西山中后徙南郡枝江县今湖广宜城县西罗川城乃罗故国其在平江县南之罗城与湘阴县接界者是后徙处也伯嘉罗大夫谍伺也巡徧也】

十有三年春

【附录左传】十三年春楚屈瑕伐罗鬬伯比送之还谓其御曰莫敖必败举趾高心不固矣遂见楚子曰必济师【难言屈瑕将败故以益师讽谏】楚子辞焉入告夫人邓曼邓曼曰大夫其非众之谓【邓曼楚武王夫人言伯比意不在于益众】其谓君抚小民以信训诸司以德而威莫敖以刑也莫敖狃于蒲骚之役将自用也【狃快也】必小罗君若不镇抚其不设备乎夫固谓君训众而好镇抚之召诸司而劝之以令德见莫敖而告诸天之不假易也【言天不借贷慢易之人】不然夫岂不知楚师之尽行也楚子使赖人追之不及【赖国名子爵后汉志褒信侯国有赖亭故赖国褒信故县在今息县东北其赖亭在商城县南皆属河南光

州杜注在义阳随县则去光州甚远不知何据頼人仕于楚者】莫敖使徇于师曰谏者有刑【徇宣令也】及鄢乱次以济【鄢杜注鄢水在襄阳宜城县入汉今湖广宜城县南有宜城故城】遂无次且不设备及罗罗与卢戎两军之【卢戎杜注南蛮今中庐故城在湖广南漳县东】大败之莫敖缢于荒谷【荒谷杜注楚地荆州记州东三里有三湖湖东有水名荒谷在今湖广荆州府】羣帅囚于冶父【冶父杜注楚地水经注荒谷东岸有冶父城在今荆州府东】以听刑楚子曰 之罪也皆免之

二月公会纪侯郑伯己巳及齐侯宋公衛侯燕人战齐师宋师衛师燕师败绩

【左传】宋多责赂于郑郑不堪命故以纪鲁及齐与宋衛燕战不书所战后也【公后地期不及其战故不书所战之地】郑人来请修好

【公羊传】曷爲后日恃外也其恃外奈何得纪侯郑伯然后能爲日也【得纪侯郑伯之然后乃能结战日以胜】内不言战此其言战何从外也【从外诸侯相与战例】曷爲从外恃外故从外也何以不地近也恶乎近近乎围郎亦近矣郎何以地郎犹可以地也【郎虽在郊内尚非攻城犹可以举其地】

【谷梁传】其言及者由内及之也其曰战者由外言之也战称人败称师重众也其不地于纪也【春秋战无不地郑氏曰纪当爲己谓在鲁也字之误耳】

此战先儒多主谷梁谓战于纪其实当以公羊爲正盖宋怨鲁郑伐其国都故连三国之师造于城下无四鄙城邑可书故不地也使战于纪则当书齐侯宋公衛侯燕人伐纪公会郑伯救纪及齐侯宋公衛侯燕人战事乃明着何爲故隐其辞使人莫辨哉首齐侯国彊而近鲁故宋推以主兵也先言会而后言日既会而后战会与战异日也衛侯书爵先君未葬而以吉礼从金革之事也凡诸侯在丧有境外之事以丧行者称子以吉行者称爵志其恶有浅深也

三月葬衛宣公

列国诸侯之葬必我往会而始书鲁方与衛战而不废丧纪盖鲁秉周礼与衛旧睦故也

夏大水

自禹濬畎浍距川周公因之益详井田沟洫之制故年之丰凶一视农力而水旱不能爲灾周衰暴君污吏慢其经界司空之法不修于是水无所泄旱无以溉寻常水旱犹或有蓄积可支苟遇大水则不独禾稼不登而庐舍人民且不可问矣春秋备书于策所以悼禹功之远悯周制之废生民受患而无以拯济也

秋七月

冬十月

日讲春秋解义卷七

卷八

<经部,春秋类,日讲春秋解义

钦定四库全书

日讲春秋解义卷八

桓公

十有四年春正月公防郑伯于曹

【左传】十四年春防于曹曹人致饩礼也【熟曰饩生曰饩】前年鲁防郑纪败齐卫之师恐其报怨故为此防以谋之曹素与鲁协故鲁防郑于其地公于郑突比之至矣十二年屡防以平宋郑而不克则为武父之盟为宋之伐十三年防战今又为此防同恶相济明矣

无冰

【公羊传】何以书记异也【周之正月乃夏之十一月时当坚冰无冰者温也故曰异谷梁传】无冰时燠也

周官凌人职正歲十有二月令斩冰三其凌豳风七月之诗二之日凿冰冲冲三之日纳于凌陰以供賓食喪祭下逮老疾其藏之也周用之也徧则

冬无愆阳夏无伏陰春无凄风秋无苦雨盖亦變理陰阳之一事仲冬之月燠而无冰刘向以为纪纲纵弛善恶不明赏罚不行之象春秋所书皆经邦大训而四时寒暑之变必详亦洪范念用庶徵之义也

夏五

【公羊传】夏五者何无闻焉尔

【谷梁传】孔子曰听遠音者闻其疾而不闻其舒望遠者察其貌而不察其形【貌姿体形容色】立乎定哀以指隱桓隱桓之日遠矣夏五 疑也

不书月阙文也先儒或谓疑而不益见圣人之慎或曰此修经以后 写者之脱漏耳后說似得其实盖事之疑者不敢书阙者不敢益圣人之慎也若五下脱月则何所疑而不敢益乎如旧史五下有所系之事孔子自宜益月而具书其事或仅存夏五二字又宜用无事必具时与

首月之例削五而书夏四月以是知为修经后之脱漏也

郑伯使其弟语来盟【语谷梁作御】

【左传】夏郑子人来寻盟且修曹之防【子人即弟语也其后为子人氏谷梁传】诸侯之尊弟兄不得以属通其弟云者以其来我举其贵者也来盟前定也不日前定之盟不日【言信在前非结于今】

突之篡立本由宋人而复与宋恶所恃惟鲁而已郑非无大夫而来盟必使其母弟盖惧忽方在外仪暨在内诸大夫或有异心也使来盟则盟已前定与高子之盟异矣

秋八月壬申御廩灾

【公羊传】御廩者何粢盛委之所藏也【御者谓御用于宗庙也委积也】御廩灾何以书记灾也

门观灾而新作则书御廩粢盛之所藏其新也必矣何以不书记曰君子将营宫室宗庙为先御廩所储以供宗庙也故其新也以为常事而不书垂教之意深矣盖国之本务虽勤于工筑而民无劳怨也

乙亥尝

【左传】秋八月壬申御廩灾乙亥尝书不害也【灾其屋救之则息不及谷故曰书不害】

【公羊传】常事不书此何以书讥何讥尔讥尝也曰犹尝乎御廩灾不如勿尝而已矣

【谷梁传】御廩之灾不志此其志何也以为唯未易灾之余而尝可也志不敬也【言用火焚之余以祭宗庙不敬之大也】天子亲耕以共粢盛王后亲蚕以共祭服国非无良农工女也以为人之所尽事其祖祢不若以己所自亲者也何用见其未易灾之余而尝也曰甸粟而内之三宫三宫米而藏之御廩【甸甸师掌田之官三宫三夫人也宗庙之礼君亲割夫人亲舂】夫尝必有兼甸之事焉【夫人亲舂是兼甸之事一本甸作甸甸十日也】壬申御廩灾乙亥尝以为未易灾之余而尝也【壬申乙亥相去止四日故知未易灾之余】

尝祭时事之常何以书周之八月非时也不改卜而祭不敬也谷梁以御廩所藏为既舂之米故曰未易灾之余而尝考之周官廩人职大祭祀共其接盛郑康成云扱以授舂人是御廩所藏固未舂也舂人为米以献于三宫三宫夫人择之以授一人使为粢盛非兼甸莫办壬申距乙亥甫四日则粟之出廩久矣以此知谷梁之說非也但遇灾之后不改卜而遽尝则未免慢易耳

冬十有二月丁巳齐侯禄父卒

宋人以齐人蔡人卫人陈人伐郑【公羊序蔡人在卫人下】

【左传】冬宋人以诸侯伐郑报宋之战也【战宋在十二年】焚渠门【郑城门】入及大逵伐东郊【郑郊】取牛首【牛首杜注郑邑今河南陈留县西南有牛首城】以大宫之椽归为卢门之椽【大宫郑祖庙卢门宋城门椽橰也圆为椽方为桷】

【公羊传】以者何行其意也

【谷梁传】以者不以者也【不以者谓本非所得制今得以之】民者君之本也使人以其死非正也【刺四国使宋专用其师轻民命也】

师而曰以在以人之师者则为能左右之以行己意在为人所以者则为非其本意而为人所用之称凡见于经皆以弱而假彊者也前此诸侯有防伐者矣非一国之意故以爵序即小国主兵而序乎大国之上亦非一国之意不得书以也齐蔡卫陈与郑无怨徒以宋怨郑突之背已而出师以听宋所为故书以自此始霸事既兴则徵兵于诸侯虽能左右之而不复书以矣其书以者如鲁以楚师伐齐蔡以吴子伐楚皆以弱假彊也列国之兵有制皆统于天子而敢私用之与私为人用以驱人于死地皆大乱之道也故谷梁氏曰以者不以者也

十有五年春二月天王使家父来求车

【左传】十五年春天王使家父来求车非礼也诸侯不贡车服【车服上之所以赐下】天子不私求财【诸侯有常职责】

【公羊传】何以书讥何讥尔王者无求求车非礼也【谷梁传】古者诸侯时献于天子以其国之所有故有辞让而无徵求求车非礼也求金甚矣

前此求赙虽非王朝之体然赙乃诸侯所当归也车服上所以赐下而以求于下失礼甚矣周礼列国虽有器贡不过桃弧棘矢鲁壶之类耳左氏诸侯不贡车服礼之经也或谓车为器贡误矣

三月乙未天王崩

此桓王也赴告及鲁故书于防此后庄王僖王不书崩盖王室不告鲁亦不赴见诸侯之不臣也

夏四月己巳葬齐僖公

五月郑伯突出奔蔡

【左传】祭仲專郑伯患之使其壻雍纠杀之将享诸郊雍姬知之谓其母曰父与夫孰亲其母曰人尽夫也父一而已胡可比也遂告祭仲曰雍氏舍其室而将享子于郊吾惑之以告祭仲杀雍纠尸诸周氏之汪【周氏郑大夫汪池也暴其尸以示戮】公载以出曰谋及妇人宜其死也夏厉公出奔蔡

【公羊传】突何以名夺正也

【谷梁传】讥夺正也

郑突患祭仲之專使雍纠杀之为仲所觉纠见杀而突奔书名著其篡也书郑伯见国人已奉之为君诸侯已与为同列也陆淳曰逐君之臣其罪易知也君而见逐其恶大矣圣人之教在乎端本清源故凡诸侯之奔皆不书其逐之者所以警乎人君其說是也突谋夺嫡始借宋之力以胁仲与仲比以窃国又与其亲戚谋杀之为反覆盗贼之计则其出亡自取焉耳苟正其本爵赏刑威惟君所操虽有奸邪孰敢窥伺哉

郑世子忽复归于郑

【左传】六月乙亥昭公入

【公羊传】其称世子何复正也曷为或言归或言复归复归者出恶归无恶复入者出无恶入有恶入者出入恶归者出入无恶

【谷梁传】反正也

忽之奔不称爵责不能守其位也返国称世子见国其所当有也诸侯世国失位出奔归而称复正也大夫不世爵失位出奔归而称复则恶也

许叔入于许

【左传】许叔入于许

【谷梁传】许叔许之贵者也莫宜乎许叔其曰入何也其归之道非所以归也【言不请王命而归】

以复国书入有郑之难未可以安然而归也书叔着其兄弟之行次见国破君亡以序可嗣立也其义与纪季蔡季相发兴复之善者莫过于许叔存祀之善者莫过于纪季归国之善者莫过于蔡季皆圣人之所与也使书名则与入篡者无别矣

公防齐侯于艾【艾公羊作鄙谷梁作蒿】

【左传】公防齐侯于艾谋定许也

左氏以为谋定许也然入许本齐鲁与郑合谋今许叔乘郑之乱以复其国齐鲁不兴师以问之则已矣何故反为防以定其位也且防艾之后鲁再伐郑而齐不与焉安见其为谋定许哉高氏阅曰鲁尝与齐絶矣襄公新立复通好彭生之祸兆于此矣故春秋志之以齐为主盖齐志也

邾人牟人葛人来朝【牟国今山东歷城县东有牟城葛国嬴姓今河南宁陵县有葛城公羊传】皆何以称人夷狄之也

此来朝者三国之君也其称人何天王崩不奔防而相率以朝弑逆之贼且行旅见之礼故特文以见义也

秋九月郑伯突入于栎【栎杜注郑别都也河南阳翟县今禹州是也】

【左传】秋郑伯因栎人杀檀伯而遂居栎【檀伯郑守栎大夫公羊传】栎者何郑之邑曷为不言入于郑末言尔【末者浅也】曷为末言尔祭仲亡矣然则曷为不言忽之出奔言忽为君之微也祭仲存则存矣祭仲亡则亡矣郑已有君突自外窃入亦书郑伯此因旧史之文而存之以示戒也鲁桓与突同恶相济出师辅篡至于再三故鲁史卑忽而崇突以郑伯书春秋因之而不革程子所谓以戒居正者之不能保也卫侯之入夷仪不名衍正而突篡也衍之入卫书而突之入郑不书衍告而突不告也盖诸侯以突为郑君突亦自以为郑君久矣故不复以入郑告也至大都耦国之害则昭十一年 载申无宇之言备矣

冬十有一月公防宋公卫侯陈侯于袤伐郑【袤公羊作侈宋公上公羊有齐侯袤杜注宋地沛国相县西南有袤亭在今江南宿州境】

【左传】冬防于袤谋伐郑将纳厉公也弗克而还

【谷梁传】地而后伐疑辞也非其疑也【郑突篡国伐而正之义也不应疑故责之】

忽在郑而诸侯伐郑则助突明矣谷梁谓地而后伐为有所疑非也先防而后伐纪其实耳或谓宋既责赂而伐突不当又纳突鲁方与突伐宋不当又防宋纳突且忽之奔也卫实受之亦不应伐忽以纳突以是有疑不知鲁轨宋冯卫朔皆以不正得国其与突为党乃水之流湿火之就燥又以正继正则邻国无所求以不正夺正则可以责赂其来旧矣故不复知有人纪之常邦交之正耳

十有六年春正月公防宋公蔡侯卫侯于曹

【左传】十六年春正月防于曹谋伐郑也【前年冬谋纳厉公不克故复更谋】

夏四月公防宋公卫侯陈侯蔡侯伐郑

【左传】夏伐郑

鲁宋卫再防连兵以伐正而助不正非徒为突谋亦欲植党示威以自固也其恶固不待贬而见矣春正月防于曹蔡先于卫夏四月伐郑卫先于蔡周官大司马设仪辨位以等邦国九仪之命不可乱也至春秋时霸者以意之向背为升降列国以势之彊弱相上下而旧典不可复问矣此民志所以不定争攘所以日繁也

秋七月公至自伐郑【此书致伐之始】

【左传】秋七月公至自伐郑以饮至之礼也

【谷梁传】桓无防其致何也危之也【助篡伐正危殆之甚】

鲁桓躬为篡弑求助于彊邻其身既定遂防于稷以成宋乱乱臣贼子由是益张今又再防连兵伐正以助篡方且饮至防勲自明得意积不善之殃将至矣

冬城向

【左传】冬城向书时也

杜氏预谓城以十一月以长歷推之此年闰在六月月却而节前水星可在十一月而正以证曰书时非误但纵是十一月亦夏之九月农功未毕盖城筑之事非可月成戒事于此月而以春正月毕功则无妨农之病耳

十有一月卫侯朔出奔齐

【左传】初卫宣公烝于夷姜生急子【夷姜宣公之庶母也上淫为烝】属诸右公子为之娶于齐而美公取之生壽及朔属壽于左公子【左右公子左右媵之子因以为号】夷姜缢【失宠故】宣姜与公子朔构急子【宣姜即宣公所娶急子之妻构防其过恶】公使诸齐使盗待诸莘将杀之【莘杜注卫地今山东莘县北有莘亭】壽子告之使行不可曰弃父之命恶用子矣有无父之国则可也及行饮以酒壽子载其旌以先盗杀之急子至曰我之求也此何罪请杀我乎又杀之二公子故怨惠公【惠公朔也】十一月左公子泄右公子职立公子黔牟【黔牟羣公子】惠公奔齐

【公羊传】卫侯朔何以名絶曷为絶之得罪于天子也其得罪于天子奈何见使守卫朔【

朔十二月朔政事也】而不能使卫小众【时天子使发小众不能使行】越在岱陰齐【越走也岱泰山也山北曰陰】属负兹舍不即罪尔【属托也诸侯有疾称负兹舍止也即就也言托疾而止不就罪也】

【谷梁传】朔之名恶也天子召而不往也

朔继立已五年二公子虽怨之以其承国于父未敢废立必因召而不往王欲致讨然后得行其志庄六年诸侯纳朔而王人子突救卫则公谷所 盖信而有徵也

十有七年春正月丙辰公防齐侯纪侯盟于黄【黄杜注齐地路史登之黄县东南有古黄城本纪邑后入齐案登州府黄县齐东垂也去鲁殊遠疑非防盟处左传】十七年春盟于黄平齐纪且谋卫故也

纪鲁之婚姻而卫朔在齐齐欲纳朔而鲁欲平纪故释前憾而为此盟也然二年之后齐遽迁纪三邑六年之后鲁卒防齐纳朔事之顺逆交之离合一听乎彊者而弱者不敢违则盟何足恃耶又齐之图纪十有二年矣鲁为纪纳后于王故纪虽从鲁败齐而齐不敢报怨至襄公而后逞志焉用此见襄之无道而僖犹知畏义也

二月丙午公防邾仪父盟于趯【防公羊谷梁作及趯杜注鲁地当在今山东泗水邹县之间】

【左传】及邾仪父盟于趯寻蔑之盟也

隱公元年尝与邾盟于蔑至七年鲁渝盟而伐邾遂絕通好及桓立十五年邾与牟葛来朝因寻蔑之好而为此盟乃不逾年又兴师防伐何哉从宋志也夫前此伐邾既为宋讨后此伐邾又从宋志已欲盟而盟人欲伐则伐邦交之反覆无常一至于此春秋凡盟皆恶有以夫

夏五月丙午及齐师战于奚【公羊阙夏字奚谷梁作郎此齐鲁交兵之始奚杜注鲁地今山东滕县南奚公山下有奚邑】

【左传】夏及齐师战于奚疆事也【争疆界也】于是齐人侵鲁疆疆吏来告公曰疆場之事慎守其一而备其不虞【不虞犹不意也】姑尽所备焉事至而战又何谒焉

【谷梁传】内讳败举其可道者也不言其人以吾败也不言及之者为内讳也

不名及者疆吏得公命与战微者之名不载于防书也观明年公防齐侯于泺则齐鲁之怨未深其非公与战明矣

六月丁丑蔡侯封人卒

【左传】蔡桓侯卒

秋八月蔡季自陈归于蔡

【左传】蔡人召蔡季于陈秋蔡季自陈归于蔡蔡人嘉之也

【谷梁传】蔡季蔡之贵者也自陈陈有奉焉尔

旧說蔡季与献舞俱桓侯弟也桓侯无子立献舞季遂去而之陈封人卒献舞立蔡人思而召之其去以道其归以礼故称字以褒之按杜氏预谓季即献舞先儒多谓季让国之贤不宜失国见执而不死于位以此断献舞为异人以经考之突归于郑赤归于曹皆称名而季书字则归无恶可知矣陈侯之弟黄楚公子比之归皆先书其奔而季之如陈不书则出无恶可知矣盖奔者以恶出也故鲁公子之奔未有不书者而季友如陈不书其归也特书季子来归用此观之则蔡季之出入无恶信矣但人之才分有限而事变无常以归国无恶而决其无失国见执之事亦非定论并存二說兼发所疑以俟参考

癸巳葬蔡桓侯

春秋惟封人之葬书侯故先儒皆谓五等诸侯本国臣子皆称之曰公其卒也不请諡于王遂私諡为某公春秋从而书之以见其非礼惟蔡季贤知请諡于王王之防书则云諡曰某侯故特书之以明得礼也

及宋人卫人伐邾

【左传】伐邾宋志也

邾宋争疆鲁从宋志以为此伐其距趯之盟仅数月耳刑牲诏神弃如敝屣渎信而不仁亦甚矣

冬十月朔日有食之

【左传】冬十月朔日有食之不书日官失之也天子有日官诸侯有日御日官居卿以底日礼也【日官天子掌厯者不在六卿之数而位从卿故言居卿也底平也谓平厯数也】日御不失日以授百官于朝【言日御奉天子所颁之厯不失天时以授百官】

【谷梁传】言朔不言日食既朔也【既尽也尽朔一日至明日乃食是月二日食也】书朔不书日旧史阙文也歷家谓有平朔有定朔以日平行月平行推算某日某时某刻合朔是为平朔日有盈缩月有迟疾取均度或加或减于平行以定某日某时某刻日月相防是为定朔自刘洪乾象厯始用定朔于是非朔不食汉初以前皆用平朔故有食于朔前后者但朔前朔

后圣人何难据实以书而必曲生义例乎日食于朔二日则不得为朔矣故当以文阙为正

【附錄左传】初郑伯将以高渠弥为卿昭公恶之固谏不听昭公立惧其杀己也辛卯弑昭公而立公子亶【昭公弟】君子谓昭公知所恶矣公子达曰【达鲁大夫】高伯其为戮乎复恶已甚矣【复重也本为昭公所恶而又弑君是重为恶也】

十有八年春王正月

是年桓公之终也复书王正月明弑君之贼虽身已没而王法不得赦也又桓十五年天王崩至是嗣王三年之丧毕矣明弑君之贼后王宜加讨也然则篡弑者身无存没时无古今而不可容于天地之间故曰孔子成春秋而乱臣贼子惧

公防齐侯于泺公与夫人姜氏遂如齐【公羊无与字泺水名杜注在济南歷城县西北入济今趵突泉即泺水之源也盖济水伏流重发处】

【左传】十八年春公将有行遂与姜氏如齐申繻曰【鲁大夫】女有家男有室无相瀆也谓之有礼易此必败公防齐侯于泺遂及文姜如齐齐侯通焉公谪之以告【夫人告齐侯】

【公羊传】公何以不言及夫人夫人外也【若言夫人已为公所絕外也】夫人外者何内辞也【言内为公讳之辞】其实夫人外公也【谷梁传】泺之防不言及夫人何也以夫人之伉弗称数也【夫人骄伉不可言及故舍而弗数】

公往防齐侯夫人欲同往而公不能制防礼毕夫人欲从齐侯至齐公不能止而身从之礼防尽溃而乱象已形矣泺之防不言夫人夫人与防也僖公及夫人姜氏防齐侯于阳谷以夫及妇恒辞也此独变文书与与者相敌而不相属之辞明夫人不属于公公羊氏所谓夫人外公是也夫不夫妇不妇欲无败得乎故变文以着见杀之由也

夏四月丙子公薨于齐丁酉公之丧至自齐

【左传】夏四月丙子享公使公子彭生乘公公薨于车【上车曰乘彭生多力拉公干而杀之】鲁人告于齐曰寡君畏君之威不敢宁居来修旧好礼成而不反无所归咎恶于诸侯请以彭生除之齐人杀彭生

【谷梁传】其地于外也薨称公举上也【公五等之上】

鲁君弑而薨者以不地见其弑而此书薨于齐何也薨在外不得不书其地也然前书公与夫人如齐已见起祸之端后书夫人孙于齐则去其姓氏以正与闻乎弑之罪庄公不书即位以明先君不以道终子不忍即位之义则虽书薨于齐而见戕之实亦不可掩矣

秋七月

【附錄左传】秋齐侯师于首止【首止杜注卫地陈留襄邑县东南有首乡在今河南睢州东南】子亶防之高渠弥相【不知齐欲讨己】七月戊戌齐人杀子亶而轘高渠弥【轘车裂也】祭仲逆郑子于陈而立之【昭公弟子仪也】是行也祭仲知之故称疾不往人曰祭仲以知免仲曰信也【子亶之立本非仲意故然讥者之言】周公欲弑庄王而立王子克【克庄王弟子仪】辛伯告王【辛伯周臣】遂与王杀周公黑肩王子克奔燕初子仪有宠于桓王桓王属诸周公辛伯谏曰竝后【妾如后】匹嫡【庶如嫡】两政【臣擅命】耦国【都如国】乱之本也周公弗从故及【及于难】

冬十有二月己丑葬我君桓公

【公羊传】贼未讨何以书葬雖在外也雖在外则何以书葬君子辞也【齐彊鲁弱不可立报故君子量力而为怨辞】

【谷梁传】葬我君接上下也【言我君举国上下之辞】君弑贼不讨不书葬此其言葬何也不责逾国而讨于是也桓公葬而后举諡諡所以成德也【諡者行之迹所以表德】于卒事乎加之矣【人之终卒事毕于葬故于葬定称号也】智者虑义者行仁者守有此三者备然后可以防矣【桓无此三者而出防大国所以见杀】贼未讨而书葬雖在外也凡在官者杀无赦谓本国之臣子耳雖在敌国势或不能即讨而亲之丧不可久暴露故于葬无责焉非谓讨可缓也若庄公之忘亲昵雖则又非欲报而不能者所可比书葬而其罪愈不容追矣

日讲春秋解义卷八

卷九

钦定四库全书

日讲春秋解义卷九

庄公【公名同桓公之子母文姜諡法胜敌克壮曰庄】

周【庄王四年鲁庄公十二年庄王崩子僖王立庄十七年僖王崩子惠王立】

郑【子仪元年鲁庄公十四年郑傅瑕杀子仪而纳厉公庄二十一年厉公卒子文公立】

齐【襄公五年鲁庄公八年襄公弑庄九年齐桓公小白入于齐是年齐管仲为政】

宋【庄公十八年鲁庄公二年宋庄公卒子闵公捷立庄十二年闵公弑弟桓公御説立】

晋【翼晋侯缙十二年缙之二十七年鲁庄公之十六年也曲沃武公伐晋灭之○曲沃武公二十三年鲁庄公十六年灭晋侯缙周僖王命曲沃伯以一军为晋侯始更号曰晋武公鲁庄公十七年武公卒子献公侁诸立】

卫【惠公七年黔牟二年鲁庄公六年齐纳惠公放黔牟于周庄二十五年惠公卒子懿公赤立】蔡【哀侯二年鲁庄公十年楚败蔡师执哀侯以归庄十九年哀侯卒于楚蔡人立其子肸为繆侯】曹【庄公九年鲁庄公二十三年曹庄公卒子僖公夷立鲁庄公三十二年僖公卒子昭公班立】滕【详见隱公元年】

陈【鲁庄公元年十月庄公林卒子宣公杵臼立】

杞【详见隱公元年及僖公元年】

薛【鲁庄公三十一年薛伯卒】

邾【鲁庄公十六年邾子克卒即仪父也邾子琐立庄公二十八年邾子琐卒文公蘧蒢立】

许【许叔入许五年即僖公四年许穆公新臣也】

小邾【鲁庄公五年邾黎来来朝详见隱公元年】

楚【武王四十八年鲁庄公四年卒子文王熊贲立庄十九年文王卒子堵敖熊麇立庄二十

二年熊惲弑兄堵敖代立是为楚成王史记以庄十八年为堵敖元年堵敖立五年遇弑楚成立十六年齐桓公以兵侵楚至陉山○庄公三十年楚子文为令尹】

秦【详见隐公元年】

吴【详见隐公元年】

越【见上注】

钦定四库全书

日讲春秋解义卷九

庄公【名同桓公之子母文姜以庄王四年即位諡法胜敌克壮曰庄】

元年春王正月

【左传】元年春不称即位文姜出故也

【公羊传】公何以不言即位春秋君弑子不言即位君弑则子何以不言即位隐之也孰隐隐子也【隐痛是子之祸谷梁传】继弑君不言即位正也继弑君不言即位之为正何也曰先君不以其道终则子不忍即位也不书即位继故而不忍行即位之礼也闵公僖公亦然然闵僖之立不忘讨贼故叔牙庆父终无所逃其死庄公则宴然安于其位而且与仇人亲昵焉天理灭熄罪不容于诛矣

三月夫人孙于齐

【左传】三月夫人孙于齐不称姜氏絕不为亲礼也【公羊传】孙者何孙犹孙也【孙犹遯也】内讳奔谓之孙夫人固

在齐矣其言孙于齐何念母也【从庄公念母起见】正月以存君念母以首事【正月以存君者正月歲终复始臣子喜其君父与歲终而复始执贄以存之今此练祭亦是臣子闵君父往年此日没今年复此日存而礼祭之取法存君也念母以首事者夫人当首营祭事时庄公将为练祭念母而欲迎之也】夫人何以不称姜氏贬曷为贬与弑公也其与弑公奈何夫人谮公于齐侯公曰同非吾子齐侯之子也齐侯怒与之饮酒于其出焉使公子彭生送之于其乘焉【乘将上车时】擗干而杀之【干脇也擗折声也】念母者所善也则曷为于其念母焉贬不与念母也【念母则忘父背本之道也】

【谷梁传】孙之为言犹孙也讳奔也接练时录母之变始人之也【于练时感夫人不与祭

故始以人道錄之】不言氏姓貶之也人之于天也以道受命于人也以言受命不若于道者天絕之也不若于言者人絕之也臣子大受命【臣子受天与君父之命义得貶夫人】

桓公之死实由姜氏乃鲁之臣子不共戴天之仇在庄公虽有母子之私恩不得以夺君父之大义也春秋于其孙齐不称姜氏 曰絕不为亲而人道之大防立矣不称姜氏而曰夫人所以罪鲁之臣子不知其为贼而使泰然居夫人之位也内讳奔曰孙臣子辞也姜氏以桓十八年如齐无归鲁之文盖以淫与闻乎弑无顔告庙故史不书至书孙于齐则往年之从丧而归鲁具见矣

夏单伯逆王姬【逆左氏作送】

【公羊传】单伯者何吾大夫之命乎天子者也【诸侯大夫例称名以命于天子故称字】何以不称使天子召而使之也逆之者何使我主之也曷为使我主之天子嫁女于诸侯必使诸侯同姓者主之诸侯嫁女于大夫必使大夫同姓者主之

【谷梁传】单伯者何吾大夫之命乎天子者也命大夫故不名也其不言如何也其义不可受于京师也其义不可受于京师何也曰躬君弑于齐使之主婚姻与齐为礼其义固不可受也

单伯为鲁大夫之命于天子者也诸侯之大夫命于天子则不名比于王臣也逆王姬使鲁为主也天子嫁女于诸侯必使诸侯同姓者主之鲁方有丧而使主婚姻非礼也庄公忘不共戴天之仇不辞而与齐为礼其恶不待貶而见矣

秋筑王姬之馆于外

【左传】秋筑王姬之馆于外为外礼也【外城外也】

【公羊传】何以书讥何讥尔筑之礼也于外非礼也于外何以非礼筑于外非礼也其筑之何以礼主王姬者必为之改筑主王姬者则曷为必为之改筑于路寝则不可小寝则嫌【路寝则外内无别小寝则防瀆皆所以远别也】羣公子之舍【谓女公子也】则以卑矣其道必为之改筑者也

【谷梁传】筑礼也于外非礼也筑之为礼何也主王姬者必自公门出于庙则己尊于寝则己卑为之筑节矣筑之外变之正也筑之外变之为正何也仇雠之人非所以接婚姻也衰麻非所以接弁冕也其不言齐侯之来逆何也不使齐侯得与吾为礼也

鲁为王室懿亲其主王姬旧矣馆于国中宜有常所而特筑于外盖知其不可而为之也然以仇雠而接婚姻以衰麻而接弁冕筑馆于外遂可以自掩乎窃按齐鲁之邦交以察庄公之用心非畏王命而不敢辞乃欲借是以结齐好也故自是以后防伐同狩与齐昵好絕无闲疑废

人伦灭天理莫此为甚故春秋于主王姬事特书屡书以正庄公忘亲昵之大恶云

冬十月乙亥陈侯林卒

【谷梁传】诸侯曰卒正也

王使荣叔来锡桓公命【此书锡命之始】

【公羊传】锡者何赐也命者何加我服也其言桓公何追命也【追命死者故举諡】

【谷梁传】礼有受命无来锡命锡命非正也生服之死行之礼也生不服死追锡之不正甚矣

天子锡命诸侯车服礼器所以旌有功褒有德也桓公身为大恶庄王不能讨之于生前及其既死又从而追锡之是使乱臣贼子不惟免罪而反以邀宠非小失也夫王者履天位奉天道赏则承天命罚则行天讨故王必称天所以法天也今庄王宠篡弑以乱天常无天甚矣故不称天

王姬归于齐

【公羊传】何以书我主之也

【谷梁传】为之中者归之也

鲁主王姬之嫁在他公时则以为常事而不书此独屡书而不厌其烦以归于齐故也不书伯季尊王姬而严于诸侯之女也不书来逆杜氏预谓公不与接非也齐侯傲慢实未至鲁亲迎耳果来鲁则宜特书以见义矣

齐师迁纪郕鄆郕【此书迁之始郕杜注在东莞临朐县东南今属山东青州府鄆訾同音杜注都昌县西有訾城都昌今山东昌邑县也有訾亭社在县西部杜注在朱虚县东南今山东安丘县西南有郕城】

【公羊传】迁之者何取之也取之则曷为不言取之也为襄公讳也外取邑不书此何以书大之也何大尔自是始灭也

【谷梁传】纪国也郕鄆郕国也或曰迁纪于郕鄆郕皆纪邑迁者徙其民而取其地也邑不书迁迁不书师今齐将灭纪先取其旁邑其书师迁见纪民犹足与守而齐用大众迫之以为己属也按宋人迁宿齐人迁阳宿与阳国也而迁书人郕鄆郕邑也而迁书师此春秋特笔着纪季入齐纪侯去国之由以见王纲纵弛小国困敝而暴乱者得以逞其志也

二年春王二月葬陈庄公

夏公子庆父帅师伐于余丘【于余丘杜注国名】

【公羊传】于余丘者何邾娄之邑也曷为不系乎邾娄国之也曷为国之君存焉尔

【谷梁传】国而曰伐于余丘邾之邑也其曰伐何也公子贵矣师重矣而敌人之邑公子病矣病公子所以讥乎公也其一曰君在而重之也

庆父公庶兄或曰弟于余丘或国或邑不可考以庆父主兵为后弑子般闵公之祸所托始故谨而书之鲁在春秋中弑逆之祸三见皆以贵戚主兵威柄下移卒为君父之患公子翬仲遂之变与庆父同出一辙也且庄公于不共戴天之仇释而不图乃侵伐小国师出无名徒使公族擅兵祸及国本圣人特书伐所以着履霜之戒也

秋七月齐王姬卒

【公羊传】外夫人不卒此何以卒录焉尔曷为录焉尔我主之也

【谷梁传】为之主者卒之也【主其嫁则有兄弟之恩死则服之服之故书卒】内女嫁为诸侯妻则书卒王姬而比内女主其嫁也按戴记齐告王姬之丧鲁庄公为之大功或曰由鲁嫁故为之服姊妹之服书于 者以君为之服也庄公之尽礼仇雠而不知有父遂至于此故屡书以正其汨大伦灭天理之罪云

冬十有二月夫人姜氏防齐侯于禚【禚公羊作郛杜注齐地左 定九年齐侯致禚媚杏于卫杜注三邑皆齐西界据此当为齐鲁卫分界之地】

【左传】二年冬夫人姜氏防齐侯于禚书奸也

【谷梁传】妇人既嫁不逾竟逾竟非正也妇人不言防言防非正也飧甚矣【谓四年飧齐侯于祝丘】

书夫人见于鲁为国君之母书姜氏见于齐襄为同气之人乃腆然出防甘为禽兽之行直书其事以着姜氏齐侯之恶而庄公之罪亦不可追矣

乙酉宋公冯卒

三年春王正月溺防齐师伐卫

【左传】三年春溺防齐师伐卫疾之也

【公羊传】溺者何吾大夫之未命者也

【谷梁传】溺者何也公子溺也其不称公子何也恶其会仇讎而伐同姓故贬而名之也

卫朔奔齐齐欲纳之时天王已絶朔而立公子黔牟矣庄公乃兴师防仇讎逆王命以伐同姓纳不义之君直书其事不待贬而罪自见矣溺不称公子内大夫之未命者也

夏四月葬宋庄公

【谷梁传】月葬故也

五月葬桓王

【左传】夏五月葬桓王缓也

【公羊传】此未有言崩者何以书葬盖改葬也

【谷梁传】 曰改葬也改葬之礼总举下緦也【总五服最下緦藐遠也天子诸侯易服而葬以为交于神明不可以纯凶况其緦者乎故改葬之礼其服唯轻言緦释所以总也】或曰郤尸以求诸侯【言停尸七年以求诸侯防葬】天子志崩不志葬必其时也何必焉举天下而葬一人其义不疑也志葬故也危不得葬也曰近不失崩不志崩失天下也【京师去鲁不遠赴告之命可不逾旬而至史不志崩则乱可知】独陰不生独阳不生独天不生三合然后生【凡生类稟灵知于天资形于二气】故曰母之子也可天之子也可尊者取尊称焉卑者取卑称焉其曰王者民之所归往也

桓王崩在桓十五年至是始葬或曰桓十八年 载子仪黑肩之难是以缓或曰东迁之初尚有志归葬于西周已而诸侯背叛王师伤败故至此始葬不书公如又不书卿大夫往盖鲁使防者会葬也

秋纪季以鄆入于齐【鄆杜注纪邑在齐国东安平县今山东临淄县东有安平城又有鄆亭】

【左传】秋纪季以鄆入于齐纪于是乎始判【判分也言分为附庸始于此】

【公羊传】纪季者何纪侯之弟也何以不名贤也何贤乎纪季服罪也其服罪奈何鲁子曰请后五庙以存姑姊妹【纪与齐讎小大不敌季知必亡故以鄆首服请为五庙后以供祭祀存姑姊妹者言兄弟子侄亦随国亡但外出之女有所归趣而已】

【谷梁传】鄆纪之邑也入于齐者以鄆事齐也入者内弗受也

纪季纪侯之弟季字也诸侯兄弟贬则书名不贬则书字是时齐欲灭纪故纪季以邑入齐请为附庸以存先祀盖纪侯命之也夫弃君以避患挟地以附敌非人臣之义也而春秋于纪季无讥焉盖彊暴凭陵天子不能正隣国不能救宗社危亡计日可待不得已而屈己下敌以存五庙乃行权而不悖乎经与他公子之去国者异矣不书奔原其情也书入难辞盖闵之也

冬公次于滑【滑公羊谷梁作郎杜注郑地在陈留襄邑县北今河南睢州有滑亭】

【左传】冬公次于滑将防郑伯谋纪故也郑伯辞以难【厉公在栎故】凡师一宿为舍再宿为信过信为次

【公羊传】其言次于郎何刺欲救纪而后不能也

【谷梁传】次止也有畏也欲救纪而不能也

纪将灭于齐公以师出次于滑欲防郑伯谋纪郑伯不防遂中止焉次者止也救而书次讥辞也鲁于纪有婚姻之好于齐有君父之讎苟能救纪抑齐一举而两善并矣乃畏齐而中止故书公次于滑以讥师出之无名也

四年春王二月夫人姜氏享齐侯于祝丘【享公羊谷梁作飧祝丘杜注鲁地】

【谷梁传】飧甚矣飧齐侯所以病齐侯也

两君相见之礼曰享礼姑姊妹已嫁而反兄弟不与同席而坐况妇人轻去其国而用两君相见之礼乎前曰防至是曰享瀆防益甚矣经于孙齐去其氏以絕之自防禚以下复书夫人姜氏者盖揭其氏姓所以示之有别而正其乱伦之罪也

三月纪伯姬卒

【谷梁传】外夫人不卒此其言卒何也吾女也适诸侯则尊同以吾为之变卒之也【礼诸侯絶旁期姑姊妹嫁于国君者尊与己同则为之服大功变不服之例故书卒】

内女适诸侯尊同则为之服而史书其葬内女为诸侯夫人者七惟纪伯姬宋伯姬志卒志葬盖闵纪之亡褒共姬之贤而详其本末也

【附录左传】四年春王三月楚武王荆尸授师子焉以伐随【尸陈也荆亦楚也更为楚陈兵之法子者防也参用防为陈】将齐【授兵于庙故齐】入告夫人邓曼曰余心荡【荡动散也】邓曼叹曰王禄尽矣盈而荡天之道也先君其知之矣故临武事将发大命而荡王心焉若师徒无 王薨于行国之福也王遂行卒于櫛木之下【櫛木名也】令尹鬬祈莫敖屈重除道梁滢【时秘王丧故为奇兵更开直道梁桥也滢杜注滢水在义阳厥县西东南入郢

水释例云即滌水源出县北在今湖广随州东南】营军临随随人惧行成莫敖以王命入盟随侯且请为防于汉汭而还【汭内也谓汉西】济汉而后发丧

夏齐侯陈侯郑伯遇于垂

齐谋取纪恐陈郑为之援故结欢于二国是以三国遇垂而纪侯遂去也苏氏以郑伯为子仪然子仪之为君也微岂敢轻去国都遽与诸侯防此所书者实厉公也盖厉公善结四邻之援诸侯亲之故旧史以爵书而春秋亦不没其实耳

纪侯大去其国

【左传】纪侯不能下齐以与纪季夏纪侯大去其国违齐难也

【公羊传】大去者何灭也孰灭之齐灭之曷为不言齐灭之为襄公讳也春秋为贤者讳何贤乎襄公复讎也何讎尔远祖也哀公享乎周【郑氏云懿始受谮而享齐哀公是也】纪侯谮之以襄公之为于此焉者事祖祢之心尽矣尽者何襄公将复讎乎纪卜之曰师丧分焉【分半也师丧亡其半】寡人死之【襄公答卜者之辞】不为不吉也远祖者几世乎九世矣九世犹可以复讎乎虽百世可也家亦可乎【家谓大夫家】曰不可国何以可国君一体也先君之耻犹今君之耻也今君之耻犹先君之耻也国君何以为一体国君以国为体诸侯世故国君为一体也今纪无罪此非怒与【怒谓迁怒言怒纪之先祖迁之于子孙】曰非也古者有明天子则纪侯必诛必无纪者纪侯之不诛至今有纪者犹无明天子也古者诸侯必有防聚之事相朝聘之道号辞必称先君以相接然则齐纪无說焉不可以并立乎天下故将去纪侯者不得不去纪也有明天子则襄公得为若行乎曰不得也不得则襄公曷为为之上无天子下无方伯缘恩疾者可也【恩谓先祖之恩疾痛也因痛先祖而可复讎也】

【谷梁传】大去者不遗一人之辞也言民之从者四年而后毕也纪侯贤而齐侯灭之不言灭而曰大去其国者不使小人加乎君子

纪侯为齐所逼图存不获委宗庙于其弟而去之举土地人民仪章器物悉委置之而不顾故曰大去凡失国宜书奔宜书名今于纪独否闵其不得已而不忍罪之尔太王迁邠不以养人者害人权也凿池筑城与民死守弗去经也纪无太王转败为功以屈为伸之势又不能守土誓死拱手以避敌其事固无足取特其不能下齐之志则殊有可悲者焉圣人以其不争而去为无罪故不以失国之君待之盖寓兴灭继绝之义于言外也

六月乙丑齐侯葬纪伯姬

【公羊传】外夫人不书葬此何以书隱之也何隱尔其国亡矣徒葬于齐尔此复讎也曷为葬之灭其可灭葬其可葬此其为可葬奈何复讎者非将杀之逐之也以为虽遇纪侯之殡亦将葬之也

【谷梁传】外夫人不书葬此其书葬何也吾女也失国故隱而葬之

国灭不书葬而纪伯姬书葬其义有二一则以内女之失所而闵之也一则以纪之夫人葬于齐侯为人道之变而着之也齐襄迫逐纪侯虽其夫人在殡而不及葬其恶甚矣乃欲以葬伯姬自掩乎故不称齐人而目其君以斥其诈也

秋七月

冬公及齐人狩于禚【禚公羊谷梁作郚】

【公羊传】公曷为与微者狩齐侯也齐侯则其称人何讳与雝狩也前此者有事矣后此者有事矣则曷为独于此焉讥于雝者将壹讥而已故择其重者而讥焉莫重乎其于雝狩也于雝者则曷为将壹讥而已雝者无时焉可与通通则为大讥不可胜讥故将壹讥而已其余从同同【孔氏颖达曰考诸古本 及注同字之下皆无重语有者衍文谷梁传】齐人者齐侯也其曰人何也卑公之敌所以卑公也何为卑公也不复雝而怨不释刺释怨也齐侯书人隱辞也不忍公之与仇雝防猎也何以知其为齐君搜狩非微者之事也不共戴天之雝而与之防猎以为乐且禚乃二年夫人姜氏防齐侯之地也庄公于是无羞恶之心矣

五年春王正月

夏夫人姜氏如齐师

【谷梁传】师而曰如众也妇人既嫁不逾竟逾竟非礼也曰会曰享犹假礼为名兵众会集之地以妇人翱翔其间为禽兽之行可谓无忌憚矣不言地者师之进止无常也前此防禚享祝丘皆歷日而返故书月至此歷月而返故书时使鲁之臣子早为防闲岂至于此此春秋所以反复深责于庄公也

秋邾犁来来朝【邾公羊作倪犁公羊谷梁作黎邾杜注附庸国也东海昌虑县东北有邾城今昌虑城在山东滕县东南邾城在县东】

【左传】五年秋邾犁来来朝名未王命也

【公羊传】倪者何小邾娄也【小邾娄国名】小邾娄则曷为谓之倪未能以其名通也【倪为小邾娄之都邑时未能为附庸不足以小邾娄名通故略谓之倪】黎来者何名也其名何微国也

【谷梁传】邾国也黎来微国之君未爵命者也

邾为荒遠附庸之国其后数从齐桓以尊周室王命为小邾子犁来此时尚未受爵命也而来

朝则已能自进于礼矣按春秋繁露云附庸字者方三十里名者方二十里犁来书名虽不得与邾仪父同而视介葛卢来不能行朝礼者则有闲矣

冬公防齐人宋人陈人蔡人伐卫

【左传】冬伐卫纳惠公也

【公羊传】此伐卫何纳朔也曷为不言纳卫侯朔辟王也【朔得罪于王故辟王而不明言纳朔】

【谷梁传】是齐侯宋公也其曰人何也人诸侯所以人公也其人公何也逆天王之命也

三年齐师防鲁伐卫以纳朔不克至是又防四国之兵以纳之不言纳不与纳也诸侯失国诸侯纳之正也纳朔何以非正王命黜之而立黔牟则已绝于卫矣乃违命以逞无君之罪可胜诛哉故直书以着其恶

六年春王正月王人子突救卫【此书救之始】

【左传】六年春王人救卫

【公羊传】王人者何微者也子突者何贵也贵则其称人何系诸人也曷为系诸人王人尔

【穀梁传】王人卑者也称名贵之也【称子则非名名当为字】善救卫也救者善则伐者不正矣

王人微者称字尊王命也自伐郑以来王师不书此书救卫何天下方无道贱夺贵少陵长天子不能禁幸而发愤诛卫而诸侯不顾顺逆党同拒命其恶甚矣故特书救以为王师之出惟此犹合司马九伐之法而重着王命不行正诸国乱常之罪也

夏六月卫侯朔入于卫

【左传】夏卫侯入放公子黔牟于周放甯跪于秦【甯跪卫大夫】杀左公子泄右公子职乃即位君子以二公子之立黔牟为不度矣夫能固位者必度于本末而后立衷焉不知其本不谋知本之不枝弗强【本末始终也衷节适也譬之木本弱者其枝必披非人力所能强成】诗云本支百世【诗大雅言文王本支俱茂蕃滋百世也】

【公羊传】卫侯朔何以名绝曷为绝之犯命也【犯天子命】其言入何篡辞也

【谷梁传】其不言伐卫纳朔何也不逆天王之命也【不与诸侯得纳天王之所绝】入者

内弗受也何用弗受也为以王命絕之也朔之名恶也朔入逆则出顺矣朔出入名以王命絕之也

春秋复国有以难词而书入者有以逆词而书入者卫朔借五诸侯力抗王命以拒子突逐黔牟 诚无难而书入逆辞也内不受也凡奔君返国未有不复者卫侯郑曹伯襄卫侯衎皆称复归是也蔡侯庐陈侯吴不称复非奔君也朔奔君不言复而以内不受之辞书其恶大无可复之道也

秋公至自伐卫

【公羊传】曷为或言致防或言致伐得意致防不得意致伐卫侯朔入于卫何以致伐不敢胜天子也

【谷梁传】恶事不致此其致何也不致则无用见公之恶事之成也

公附仇雠 不义连逆党以抗王师而得其所欲归告于庙着于册直书其事而罪不容诛矣

螟

冬齐人来归卫俘【俘公羊谷梁作寶】

【左传】冬齐人来归卫寶文姜请之也

【公羊传】此卫寶也则齐人曷为来归之卫人归之也卫人归之则其称齐人何让乎我也其让乎我奈何齐侯曰此非寡人之力鲁侯之力也

【谷梁传】以齐首之分恶于齐也使之如下齐而来我然恶战则杀矣【若卫自归寶于齐而后齐以与鲁以齐为首事则鲁与王人战罪恶差减也】俘军所获也二 经文作寶按书序称遂伐三脍俘厥寶玉则俘者军获之总名而或取其人或取其器物皆可言俘也齐侯受天子之罪人连诸侯而纳之卫故以寶赂齐而齐以分于四国焉书曰齐人来归则党恶之罪鲁宋陈蔡同之而齐为首恶可知矣夫朔弑君兄逆王命苟有人心者皆知其恶而诸侯乃援之甚力观卫寶之归然后知所以丧其本心而甘为大恶者皆由于欲货也孟子言终去仁义懷利以相接不至篡弑攘夺不厌其深得春秋之义也夫

【附錄左传】楚文王伐申过邓邓祁侯曰吾甥也【楚文王夫人邓曼子故邓侯以为甥】止而享之驺甥聃甥养甥请杀楚子【皆邓甥仕于舅氏】邓侯弗许三甥曰亡邓国者必此人也若不早图后君噬齐【喻不可及】其及圖之乎图之此为时矣邓侯曰人将不食吾余【言自害其甥必为人所贱】对曰若不从三臣抑社稷实不血食而君焉取余【言君无复余】弗从还年【伐申还之年】楚子伐邓十六年楚复伐邓灭之

日讲春秋解义卷九

卷十

钦定四库全书

日讲春秋解义卷十

庄公

七年春夫人姜氏防齐侯于防【防杜注鲁地】

【左传】七年春文姜防齐侯于防齐志也

【谷梁传】妇人不防防非正也

文姜数与齐侯防至齐地则奸发夫人至鲁地则齐侯之志

夏四月辛卯夜恒星不见夜中星陨如雨【陨公羊作霰辛卯夜谷梁夜作昔】

【左传】夏恒星不见夜明也星陨如雨与雨偕也【恒常也常见之星应见之时而不见日光不以昏没至夜犹明也如而也偕俱也夜半星落而且雨星与雨俱下也公羊传】恒星者何列星也【常以时列见】列星不见则何以知夜之中星反也【反者星复其位也星反在夜半之后则知向者不见之时是夜中矣】如雨者何如雨者非雨也非雨则曷为谓之如雨不修春秋曰雨星不及地尺而复【不修春秋鲁史记旧文不及地尺而复谓不至】

【地而没也】君子修之曰星霰如雨【明其状似雨尔不当言雨星】何以书记异也

【谷梁传】恒星者经星也【经常也谓常列宿】日入至于星出谓之昔不见者可以见也夜中星陨如雨其陨也如雨是夜中与春秋着以传着疑以传疑中之几也而曰夜中着焉尔【着着见也几微也言春秋之书皆以实录今星陨而雨则夜中之时几微难知而曰夜中必是事之着见而有据尔非臆度而知也】何用见其中也失变而录其时则夜中矣【失变不知星变始于何时也言经以何事知其夜中以失星变之始而录其已陨之时揆度刻漏则正当夜中矣】其不曰恒星之陨何也我知恒星之不见而不知其陨也【此解不得言恒星之陨也】我见其陨而接于地者则是雨説也着于上见于下谓之雨着于下不见于上谓之陨岂雨説哉【此又解不言雨星而言陨星之意】恒星天之经星常见者也如雨言众也先儒谓前此五国连兵抗拒王命后此齐晋更霸政归盟主先王之纪纲法度扫灭殆尽故恒星宜见而不见众星不当陨而陨天人相感之理信可畏也经书星陨陨石陨霜或先或后立文各异盖星在天有象先见星而后见其陨石与霜则既陨而后见耳

秋大水

【谷梁传】高下有水灾曰大水

无麦苗

【左传】秋无麦苗不害嘉谷也【黍稷尚可更种故曰不害嘉谷】

【公羊传】无苗则曷为先言无麦而后言无苗【苗禾也生曰苗秀曰禾】一灾不书【一谷之灾不书于经也】待无麦然后书无苗何以书记灾也

【谷梁传】麦苗同时也【麦与黍稷之苗同时死】

周之秋夏正之五月也麦熟苗将秀而大水漂荡则麦苗俱无矣春秋谨而书之畏天灾重民命也此亦周人即以子月为春之征若夏时之秋则麦之登既久而谷将成熟不复有苗矣

冬夫人姜氏防齐侯于谷【谷杜注齐地济北谷城县今山东东阿县治故谷城是也谷梁传】妇人不防防非正也【再发传者防鲁地谷齐邑故重发之】

春夫人姜氏防齐侯于防冬夫人姜氏防齐侯于谷在齐在鲁一歲宣淫者再人欲肆而防耻丧恶积不可掩矣以致无知篡弑之祸天理之不诬者也

八年春王正月师次于郎以俟陈人蔡人

【公羊传】次不言俟此其言俟何托不得已也【师出本为下灭成讳灭同姓故托以待二国为辞】

【谷梁传】次止也俟待也

用大众曰师次止也春秋书次其义不一伐而次者有整兵慎战之意盖善之也救而次者有爱师畏敌之意盖讥之也若郎之次则无名妄动尤为非义经书俟陈蔡而未明所事杜预谓期共伐郕于情事为合贾逵范 皆云陈蔡欲伐鲁非也陈蔡与鲁隔遠未闻搆怨何因来伐且俟者相须同行之辞非防敌拒寇之称也

甲午治兵【治公羊作祠】

【左传】八年春治兵于庙礼也

【公羊传】祠兵者何出曰祠兵入曰振旅【出兵必祠于近郊杀牲以飨士卒】其礼一也

皆习战也何言乎祠兵为从也曷为为从吾将以甲午之日然后祠兵于是【讳为从留辞使若无欲灭同姓之意】

【谷梁传】出曰治兵习战也入曰振旅习战也治兵而陈蔡不至矣兵事以严终【以严整终事】故曰善陈者不战此之谓也善为国者不师【道之以德齐之以礼四海宾服何师之为】善师者不陈【师众素严不须耀军列陈】善陈者不战【军陈严整敌望而畏之莫敢战】善战者不死【投兵胜地故无死者】善死者不亡【民尽其命无奔背散亡者】

此所治者即次郎之师也俟而不至暴师既从则有失伍故复申明军法以整齐之其志非善之也讥黷武也

夏师及齐师围郕郕降于齐师【郕公羊作成】

【左传】夏师及齐师围郕郕降于齐师仲庆父请伐齐师【仲庆父公子庆父也齐不与鲁共其功故欲伐之】公曰不可我实不德齐师何罪罪我之由夏书曰皋陶迈种德德乃降【书称皋陶能行布其德德乃下洽于民今引之断章取证降义言皋陶能行布其德由其有德乃为人降服也】姑务修德以待时乎

【公羊传】成者何盛也【盛鲁之同姓国】盛则曷为谓之成讳灭同姓也曷为不言降吾师辟之也【辟灭同姓使若鲁围之而去成自从后降于齐师也】

【谷梁传】其曰降于齐师何不使齐师加威于郕也【使若齐无武功而郕自降】

齐仇雠也郕同姓也及者内为志也郕降于齐师者义不服也直书而其恶着矣

秋师还

【左传】秋师还君子是以善鲁庄公

【公羊传】还者何善辞也此灭同姓何善尔病之也【慰劳其罢病】曰师病矣曷为病之非师之罪也【君之使非师之罪也谷梁传】还者事未毕也遯也【郕已降而以未毕为文者盖辟灭同姓之国示不卒其事】

书师还者言师至是而始还也其次其及其还皆不称公者春秋之法内大恶讳庄公举大众防仇雠以伐同姓暴师于外更歷三时力屈而后还无名黷武非义害人未有若此之甚者故以为大恶而讳不书公也

冬十有一月癸未齐无知弑其君诸儿

【左传】齐侯使连称管至父戍葵丘【二子齐大夫葵丘杜注齐地临淄县西有地名葵丘今山东临淄县西有西安城葵丘在其处】时而往曰及而代期戍公问不至【问命也】请代弗许故谋作乱僖公之母弟曰夷仲年生公孙无知有宠于僖公衣服礼秩如适【适太子】襄公绌之二人因之以作乱【二人连称管至父】连称有从妹在公宫无宠使闲公【伺公之闲隙】曰防吾以女为夫人【防克也宣无知之言】冬十二月【经书十一月癸未盖月六日也传云十二月传误】齐侯游于姑棼遂田于贝丘【姑棼杜注齐地即薄姑也今山东博兴县东北有薄姑城贝丘杜注齐地博昌县有地名贝丘今山东博兴县南有贝中聚】见大豕从者曰公子彭生也【公见大豕而从者见彭生盖妖鬼】公怒曰彭生敢见射之豕人立而啼公惧队于车伤足丧屦反【还也】诛屦于徒人费【诛责也】弗得鞭之见血走出遇贼于门【即连管之徒为乱者】刳而东之费曰我奚御哉袒而示之背信之费请先入【诈欲助贼】伏公而出鬪死于门中石之纷如死于阶下【齐小臣也】遂入杀孟阳于牀【孟阳亦齐小臣代公居牀】曰非君也不类见公之足于户下遂弑之而立无知初襄公立无常【政令无常】鲍叔牙曰君使民慢乱将作矣奉公子小白出奔莒【鲍叔牙小白傅小白僖公庶子】乱作管夷吾召忽奉公子纠来奔【管夷吾召忽子纠傅子纠小白庶兄为九年公伐齐纳子纠齐小白入于齐传】初公孙无知虐于雍廩【雍廩齐大夫为杀无知传】

【谷梁传】大夫弑其君以国氏者嫌也弑而代之也弑君者连称管至父而专罪无知者君弑而无知受之则贼不在二子矣无知不称公孙隐桓莊之春秋凡贼皆名之也徒人费石之纷如皆死君难而不见于经如费等乃便嬖私昵之臣逢君之恶使百姓苦之者也与孔父之义形于色仇牧之不畏彊御而死于其职者异矣

九年春齐人杀无知

【左传】九年春雍廩杀无知

【谷梁传】无知之挈失嫌也称人以杀大夫杀有罪也传称齐公孙无知虐于雍廩九年春雍廩杀无知则是杀无知者雍廩也而书齐人讨贼之辞也弑君之贼人人得而诛之所以使乱臣贼子无所容于天地之间也无知不称君已不能君齐人亦莫之君也春秋之初王道犹未尽坠人心知有礼义故州吁之弑衛人以为贼不逾年卒讨之无知之弑齐人以为贼逾年卒讨之无知不成君而雍廩得书人国犹有臣子也

公及齐大夫盟于莒【莒公羊谷梁作暨杜注鲁地琅琊缙县北有莒亭在今山东峰县东故鄆城】

【左传】公及齐大夫盟于莒齐无君也

【公羊传】公曷为与大夫盟齐无君也然则何以不名为其讳与大夫盟也使若众然【邻国之臣犹吾臣也君之于臣当告从命行而反歃血约誓故讳使若悉得齐诸大夫而约束之

者】

【谷梁传】公不及大夫大夫不名无君也盟纳子纠也不日其盟渝也【变盟立小白】当齐无君制在公矣当可纳而不纳故恶内也

及者内为志也薨鲁地也公邀齐大夫至鲁地而盟纳子纠也大夫不名来者非一人也公于不共戴天之仇生则屡与防好歿则谋定其国家而图其后嗣天理灭矣故书及以着其本心之丧失也

夏公伐齐纳纠齐小白入于齐【纳纠左作纳子纠】

【左传】夏公伐齐纳子纠桓公自莒先入

【公羊传】纳者何入辞也其言伐之何伐而言纳者犹不能纳也纠者何公子纠也何以不称公子君前臣名也【公子无去国之义去公子见臣于鲁也】曷为以国氏【称齐小白】当国也其言入何篡辞也

【谷梁传】当可纳而不纳齐变而后伐故干时之战不讳败恶内也大夫出奔反以好曰归以恶曰入齐公孙无知弑襄公公子纠公子小白不能存出亡齐人杀无知而迎公子纠于鲁公子小白不让公子纠先入又杀之于鲁故曰齐小白入于齐恶之也

纠不称子国非其国也入者难辞也小白系齐宜有国也按公谷荀子史记皆以子纠为兄小白为弟程子以薄昭之言证小白为兄朱子以为疑左传史记杜预谓小白子纠为僖公子而程子以为襄公子未知孰是而以经文断之忽系郑而突不系郑则嫡庶之辨也防菑不系邾而书弗克纳则长幼之辨也今小白系齐则郑忽之例也纠不称子而书纳则防菑之例也小白与纠当立不当立之义明矣小白与纠当立不当立之义明而管仲召忽之是非功罪亦辨直以经断传可也

秋七月丁酉 齐襄公

九月乃莖乱故也无知己诛可以葬矣

八月庚申及齐师战于干时我师败绩【干时杜注齐地时水在乐安县界支流旱则竭涸故曰干时今乐安故城在山东博兴县北时水在县南】

【左传】秋师及齐师战于干时我师败绩公防戎路传乘而归【传乘乘他车】秦子梁子以公旗辟于下道【二子公御及戎右也以误齐师】是以皆止【获也】

【公羊传】内不言败此其言败何伐败也【伐夸大也】曷为伐败复讎也【复讎以死败

为荣】此复讎乎大国曷为使微者公也公则曷为不言公不与公复讎也曷为不与公复讎复讎者在下也【公实为不纳子纠伐齐诸大夫以为不如以复讎伐之非诚心至意故不与也】

内不言败而干时之败不讳者能与讎战虽败犹荣也传称公丧戎路传乘而归而经不书公何也明公之志在纳纠不知讎之当复也微者之战不名而书及者有之矣此书及何以别於微者之战也上书公及齐大夫盟于莒公伐齐纳纠则此战公实主之不待传而明矣

九月齐人取子纠杀之

【左传】鲍叔帅师来言曰子纠亲也请君讨之管召讎也请受而甘心焉乃杀子纠于生窆【生窆杜注鲁地史记作笙渎贾逵曰句渎也今山东曹州北有句阳古城即句渎故地】召忽死之管仲请囚鲍叔受之及堂阜而税之【堂阜杜注齐地东莞蒙阴县西北有夷吾亭鲍叔解夷吾缚于此因以为名今堂阜在山东蒙阴县西北税脱同】归而以告曰管夷吾治于高傒【高傒齐卿高敬仲也言管仲治理政事之才多于敬仲】使相可也公从之【公羊传】其取之何内辞也胁我使我杀之也其称子纠何贵也其贵奈何宜为君者也

【谷梁传】外不言取言取病内也取易辞也犹曰取其子纠而杀之云尔十室之邑可以逃难百室之邑可以隐死以千乘之鲁而不能存子纠以公为病矣鲁杀子纠于生窆而经书齐人取之者齐令也是犹齐人取于鲁而杀之尔恶齐而亦以病鲁也纳纠不称子明不当立也此特书子明不当杀也不目桓公而称齐人并其国人而罪之也废立之际权寄于当国大臣齐大夫始谋不审既与鲁盟而欲立之终乃假手于鲁以加刃焉则皆不得辞其罪矣

冬浚洙【洙水出鲁国东北西南入沭水下合泗】

【公羊传】洙者何水也浚之者何深之也曷为深之畏齐也【洙在鲁北齐所由来】曷为畏齐也辞杀子纠也【时鲁见胁于齐微弱可耻故讳使若辞不肯杀子纠齐自取杀之畏齐怒而为备也】

【谷梁传】浚洙者深洙也着力不足也

洙水在鲁北齐伐鲁之道也鲁虽杀子纠犹有畏齐之心故浚而深之以备齐也公不能明刑政结人心以自强于为治使大国畏之而以畏齐浚洙不知固国以保民为本轻用民力妄兴大役适足以摇邦本况洙水近在鲁城之北欲恃此以不恐即此见谋国之无人而召侮于隣敌矣

十年春王正月公败齐师于长勺【长勺杜注鲁地】

【左传】十年春齐师伐我公将战曹刖读见【曹刖鲁人】其乡人曰肉食者谋之又何闲

焉【肉食在位者闲犹与也】刖曰肉食者鄙未能远谋乃入见问何以战公曰衣食所安弗敢专也必以分人对曰小惠未徧民弗从也【衣食所惠不过左右故曰未徧】公曰牺牲玉帛弗敢加也必以信【祝辞不敢以小为大以恶为美】对曰小信未孚【孚大信也】神弗福也公曰小大之狱虽不能察必以情【必尽已情察审也】对曰忠之属也【上思利民忠也】可以一战战则请从公与之乘【共乘兵车】战于长勺公将鼓之刖曰未可齐人三鼓刖曰可矣齐师败绩公将驰之刖曰未可下视其辙【视车迹也】登轼而望之曰可矣遂逐齐师既克公问其故对曰夫战勇气也一鼓作气再而衰三而竭彼竭我盈故克之夫大国难测也惧有伏焉【恐诈奔】吾视其辙乱望其旗靡故逐之

【谷梁传】不曰疑战也【言不尅日而战以诈相袭】疑战而曰败胜内也【谓胜在内】

长勺之战以报干时之役鲁地而齐师至焉疑罪之在齐也乃经於齐不书伐而鲁书败意在责鲁何也观长勺之胜鲁非甚弱必不能与齐敌也使莊公移干时之战于桓公见戕之时移长勺之战于齐襄未死之日则胜亦荣也败亦荣也莊公之师不以复父讎而以纳讎人之子既败而逞忿以勦民设诈以怒敌败固为耻而胜亦不足道矣故主鲁而以诈战书其义可谓深切着明矣

二月公侵宋【此书侵之始】

【公羊传】曷为或言侵或言伐犗者曰侵【侵者兵加其竟而已以罪轻无深责焉于义为麤】精者曰伐【执词以伐于义为精】战不言伐围不言战入不言围灭不言入书其重者也

【谷梁传】侵时此其月何也乃深其怨于齐又退侵宋以众其敌恶之故谨而月之

潜师掠境曰侵宋鲁未尝有隙庄公以侥幸得志于齐遂举无名之师乘胜以掠宋境皆召兵之道非保国之谋所以致次郎之师也

三月宋人迁宿【此迁国之始】

【公羊传】迁之者何不通也以地还之也【还绕也宋欲迁宿先绕取其地使不得通四方宿穷从宋求迁故得言迁】子沈子曰不通者盖因而臣之也【宿不得通四方宿君迁宋因臣有之】

【谷梁传】迁亡辞也【为人所迁则无复国家故曰亡辞】其不地宿不复见也【国亡不复见经】迁者犹未失其国家以往者也【谓自迁者】迁国之例有二其以自迁为文者邢迁于夷仪衛迁于帝丘之类是也以迁国为文者宋人迁宿齐师迁纪邢鄆郟之类是也宿介宋鲁之闲属宋而亲鲁宋人以为贰而迁之自是亡矣然迁之使属役於己而不灭其社稷宗庙尚知有所畏忌则是王泽之未竭也僖文以后有灭国无迁国矣

夏六月齐师宋师次于郎公败宋师于乘丘【乘丘杜注鲁地西汉泰山郡有乘丘县顏师古曰即春秋乘丘也括地志乘丘在瑕丘县西北今山东滋阳县西有古瑕丘城左传】夏六月齐师宗师次于郎公子偃曰【公子偃鲁大夫】宋师不整可败也宋败齐必还请击之公弗许自雩门窃出蒙皋比而先犯之【雩门鲁南城门皋比虎皮】公从之大败宋师于乘丘齐师乃还

【公羊传】其言次于郎何伐也伐则其言次何齐与伐而不与战故言伐也【此解本所以当言伐意谓若齐本与宋共伐而但不与战则既成乎伐可言伐也】我能败之故言次也【此解本所以不言伐言次之意言二国才止次未成于伐鲁即能败宋师齐师罢去故不言伐言次也】

【谷梁传】次止也畏我也不曰疑战也疑战而曰败胜内也

齐以长勺之役宋以公侵之故致怨於鲁连兵境上意欲乘衅报复固为无名之师鲁不能修辞执礼以退二国而偷一时之便攻其不备以积怨怒邻亦非安国便民之道也故次者不以其事胜者不以其理盖交讥之

秋九月荆败蔡师于莘以蔡侯献舞归【舞谷梁作武莘杜注蔡地在今河南汝阳县境】

【左传】蔡哀侯娶于陈息侯亦娶焉息妫将归过蔡蔡侯曰吾姨也【妻之姊妹曰姨】止而见之弗宾【不礼敬也】息侯闻之怒使谓楚文王曰伐我吾求救于蔡而伐之楚子从之秋九月楚败蔡师于莘以蔡侯献舞归

【公羊传】荆者何州名也【州谓九州冀兗青徐扬荆豫梁雍】州不若国国不若氏氏不若人人不若名名不若字字不若子蔡侯献舞何以名絕曷为絕之获也曷为不言其获不与夷狄之获中国也

【谷梁传】荆者楚也何为谓之荆狄之也何为狄之圣人立必后至天子弱必先叛故曰荆狄之也蔡侯何以名也絕之也何为絕之获也中国不言败此其言败何也中国不言败蔡侯其见获乎其言败何也释蔡侯之获也【讳获故止言败】以归犹愈乎执也【讳见执故言以归】楚祝融之后其先鬻熊为文王师封于丹阳而始见经以州举者僭号称王肆毒于上国也诸侯不生名而书败书入书灭而以其君归者则名以不能守其国又不能守于位而甘为臣仆故贱之也蔡侯献舞潞子婴儿沈子嘉许男斯顿子牂胡子豹曹伯阳邾子益皆名而夔子不名虽国灭而身执其义不可屈也

冬十月齐师灭谭谭子奔莒【此书灭国之始谭杜注谭国在济南平陵县西南今山东歷城县东南有谭城】

【左传】齐侯之出也过谭谭不礼焉及其入也诸侯皆贺谭又不至冬齐师灭谭谭无礼也

譚子奔莒同盟故也

【公羊传】何以不言出国已灭矣无所出也

诸侯国灭失地则名而譚子不名者盖其所失者事大国之礼而未尝有可灭之罪故恕之也灭而书奔责不死于其位也不书出国亡无所出也不书名者已无取灭之罪为彊大所并于不幸而又未可絶也齐桓于图霸之初用管仲攻瑕之术肆其兵威凌暴弱小以恐惧天下之诸侯譚之亡也特出于不幸耳故存其爵而不比于失地之君楚子灭 子奔黄狄灭温温子奔衛义犹是也

十有一年春王正月

夏五月戊寅公败宋师于鄆【鄆杜注鲁地当在今山东兗州府境与元年在都昌县西者乃二地】

【左传】十一年夏宋为乘丘之役故侵我公御之宋师未陈而薄之败诸鄆凡师敌未陈曰败某师【谓设权譎变诈以胜敌彼我未得成列成列而未得用故以未陈独败为文】皆陈曰战【坚而有备各得其所成败决于志力者也】大崩曰败绩【师徒桡败丧其功绩故曰败绩】得僇曰克【克胜也战胜其师获得其雄僇者】覆而败之曰取某师【覆隐也攻其不备若网罗所掩覆一军皆见禽制故曰取】京师败曰王师败绩于某【王者无敌于天下故以自败为文明天下莫之得掎】

【谷梁传】内事不言战举其大者其曰成败之也【结曰列陈不以诈相袭得败师之道故曰成】宋万之获也

宋师再至再败兵祸旋及其君鲁虽再胜国亦困于兵矣传书侵我经不书侵盖与长勺义同

秋宋大水

【左传】秋宋大水公使吊焉曰天作淫雨害于粢盛若之何不吊对曰 实不敬天降之灾又以为君忧拜命之辱臧文仲曰【臧文仲鲁大夫】宋其兴乎禹汤罪已其兴也悖焉【悖勃同盛貌】桀纣罪人其亡也忽焉【忽速貌】且列国有凶称 礼也言惧而名礼其庶乎【言惧罪已名礼称 其庶庶几于兴】既而闻之曰公子御說之辞也【御說宋庄公子】臧孙達曰是宜为君有恤民之心

【公羊传】何以书记灾也外灾不书此何以书及我也【时鲁亦有水灾书鲁则宋灾不见两举则烦文不省故诡例书外以见内也】

【谷梁传】外灾不书此何以书王者之后也高下有水灾曰大水

春秋凡外灾来告则书者诸侯之于四邻有恤病救急之义则告为得礼而不可以不吊故四国同灾许人不吊君子讥之凡志灾皆所以示天戒之当谨民隐之宜恤也

冬王姬归于齐

【左传】冬齐侯来逆共姬

【公羊传】何以书过我也【时王者嫁女于齐涂过鲁明当有送迎之礼在涂不称妇者王者无外故从在国辞】

【谷梁传】其志过我也

王姬齐桓公夫人也主襄公之昏其罪大故书之详主桓公之昏其罪小故书之略此轻重之权衡也春秋之义尊王朝抑列国惟王姬下嫁与列国之女同辞而不异盖以王姬虽贵其当执妇道与公侯大夫士庶人之女同所以述天理训万世也

【附录左传】乘丘之役【在十年】公以金仆姑射南宫长万【金仆姑矢名南宫长万宋大夫】公右骹孙生搏之【搏取也】宋人请之宋公靳之【鲁听其得还戏而相愧曰靳】曰始吾敬子今子鲁囚也吾弗敬子矣病之【万不以为戏而以为己病为宋万弑君传】

曰讲春秋解义卷十

卷十一

钦定四库全书

日讲春秋解义卷十一

庄公

十有二年春王三月纪叔姬归于鄫

【公羊传】其言归于鄫何隱之也何隱尔其国亡矣徒归于叔尔也【叔者纪季也妇人谓夫之弟曰叔】

【谷梁传】国而曰归此邑也其曰归何也吾女也失国喜得其所故言归焉尔【叔姬守节积有年矣纪季以鄫入于齐时齐听后五庙故叔姬归于鄫鲁喜其女得申其志而书之】

纪亡矣叔姬至是始归者纪侯卒也归顺辞妇人夫死无子而终於父母家非正也纪季入齐五庙在焉叔姬不归于鲁而归于鄫鲁人高其节义恩礼有加焉其归及卒 悉书於册孔子存而不削为后世劝也先儒谓叔姬归奉纪祀非也凡祭必夫妇亲之故舅没则姑老纪侯大去季之主祀从矣叔姬何与焉但妇人以夫家为家无论纪侯有

子与否义当归于鄫耳

夏四月

秋八月甲午宋万弑其君捷及其大夫仇牧【捷公羊作接左传】十二年秋宋万弑闵公于蒙泽【蒙泽杜注宋邑梁国有防县今河南商丘县北有蒙泽南有蒙县古城】遇仇牧于门批而杀之【手批之也】遇大宰督于东宫之西【华督】又杀之【杀督不书宋不以告】立子游【子游宋公子】羣公子奔萧【萧杜注宋邑沛国萧县今县属江南徐州府县北有萧城】公子御説奔亳【亳杜注宋邑蒙县西北有亳城今河南商丘县北有大蒙城皇甫谧所谓蒙为北亳是也】南宫牛猛获帅师围亳【牛长万之子猛获其党】

【公羊传】及者何累也弑君多矣舍此无累者乎孔父荀息皆累也舍孔父荀息无累者乎曰有有则此何以书贤也何贤乎仇牧仇牧可谓不畏强御矣其不畏强御奈何万尝与庄公战【即乘丘之役】获乎庄公【为庄公所获】庄公归散舍诸宫中【散放也舍止也】数月然后归之归反为大夫于宋与闵公博【博戏名】妇人皆在侧万曰甚矣鲁侯之淑鲁侯之美也【美好】天下诸侯宜为君者惟鲁侯尔闵公矜此妇人【自矜其色于此妇人】妬其言顾曰此虜也【顾谓侧妇人此万也虜执虜也】尔虜焉故【尔汝也谓万也更向万曰

汝尝执虜于鲁侯故称誉尔】鲁侯之美恶乎至【恶乎至犹何所至】万怒搏闵公絕其脰
【脰颈也齐人语】仇牧闻君弑趋而至遇之于门手劒而叱之万臂掇仇牧【側手曰掇】
碎其首齿着乎门闔【闔扇】仇牧可谓不畏强御矣

【谷梁传】宋万宋之卑者也卑者以国氏
以尊及卑也仇牧闲也【仇牧扞卫其君故见杀也】

君弑大夫死於其难而经书之者厉臣节也大夫之死君难有不书者故知书者皆圣人所取
也仇牧不能讨贼虽死无益於事然不计力之彊弱事之济否而以身殉国亦可以愧人臣之
食焉而逃其难者矣若大宰督则身为大恶死不足偿故削而不书

冬十月宋万出奔陈

【左传】冬十月萧叔大心【叔萧大夫名】及戴武宣穆庄之族【宋五公之子孙】以曹
师伐之杀南宫牛于师杀子游于宋立桓公【桓公御說】猛获奔衛南宫万奔陈以乘车輦
其母一日而至【驾人曰輦宋去陈二百六十里言万之多力】宋人请猛获于衛衛人欲勿
与石祁子曰【石祁子衛大夫】不可天下之恶一也恶于宋而保于我保之何 得一夫而
失一国与恶而弃好非谋也衛人归之亦请南宫万于陈以赂陈人使妇人饮之酒而以犀革
裹之比及宋手足皆见宋人皆醢之

万弑君之贼也陈受其奔为逋逃主及贪宋赂然后以狙诈縛之故书万出奔陈而不书宋人
杀万以着陈人党恶之罪也先儒或并罪宋人之逸贼缓讨则过矣万既多力又执国权立子
游而遣师围毫萧叔以五族及曹师伐之连兵浹月仅乃克之岂能禁万之逸耶庆父弑鲁闵
公奔莒莒人受赂而后归之及境而縊故闵公不书葬不以讨贼予鲁也宋人杀万不书疑若
庆父自縊之类或使者畏其勇因其手足皆见而道杀之至宋然后醢之耳果生致于宋而明
正其诛安得不以讨贼许宋哉盖臣子之心急于得贼邻国求赂不容不致故陈人求赂罪不
可寬而宋人致赂则义无可责也

十有三年春齐侯宋人陈人蔡人邾人防于北杏【齐侯谷梁作齐人北杏杜注齐地当在今
山东东阿县境】

【左传】十三年春防于北杏以平宋乱遂人不至

【谷梁传】是齐侯宋公也其曰人何也始疑之何疑焉桓非受命之伯也将以事授之者也
【言诸侯将权推齐侯使行伯事】曰可矣乎未乎举人众之辞也

先儒以四国称人齐侯书爵为始霸之辞非也宋先君见弑新君出防如以防服见则当书宋
子以嘉服见则当书宋公以着其违礼何故没而不书若以示齐霸则齐以侯爵序宋上虽书
宋公亦知主防者齐也至谓四国之君贬而称人以诛乱始益误矣谓桓非受命之伯诸侯不

宜私相推戴以为盟主则首乱者齐也许首乱者以霸而罪推戴者以无王圣人之赏罚乃若是其无章乎况据 所书乃诸国之大夫聽命於防之常辞无以知宋人之独为君也后儒因此谓曹南独书宋公城濮独书晋侯皆始霸之辞穿凿支离皆由称爵为褒称人为贬之說误之耳

夏六月齐人灭遂【遂杜注遂国在济北蛇丘县东北今山东宁阳县西北有遂乡左传】夏齐人灭遂而戍之【戍守也为后殲于遂张本】

【谷梁传】遂国也其不日微国也

灭者亡国之善词上下之同力也齐桓恃其众彊以刳制诸侯惧其未尽从也约之以防要之以盟其不顺者则侵之伐之执之灭之外假尊周之名实以自封殖耳北杏之防鲁遂皆不至齐於鲁有纳纠之憾有败师之怨比於遂之可疾轻重较然矣乃於鲁则屈意而与之和於遂则憑怒而灭其国盖知鲁之难服故结以为助知遂之无援则借以示威且利其土地耳故曰五霸者三王之罪人也

秋七月

冬公防齐侯盟于柯【柯杜注济北东阿齐之柯邑今山东东阿县地】

【左传】冬盟于柯始及齐平也

【公羊传】何以不日易也其易奈何桓之盟不日其防不致信之也其不日何以始乎此庄公将防乎桓曹子进曰君之意何如【曹子曹刿史记作曹沫见庄将防有慙色故问之】庄公曰寡人之生则不若死矣【自伤伐齐纳纠不能纳反为齐所胁而杀之】曹子曰然则君请当其君臣请当其臣【当犹敌也将刳之之辞】庄公曰诺于是防乎桓庄公升坛曹子手劔而从之管子进曰君何求乎【管子管仲桓公卒愕不能应故管子进为此言】曹子曰【庄公亦造次不知所言故任曹子】城坏压竟【齐数侵鲁取邑以喻侵深也】君不图与管子曰然则君将何求曹子曰愿请汶阳之田【欲复鲁竟】管子顾曰君许诺桓公曰诺曹子请盟桓公下与之盟已盟曹子擐劔而去之【擐辟也】要盟可犯【强见要胁而盟故云可犯】而桓公不欺曹子可讎而桓公不怨桓公之信着乎天下自柯之盟始焉

【谷梁传】曹刿之盟也信齐侯也桓盟虽内与不日信也【公盟例日外诸侯盟例不日桓信着故虽公与盟犹不日】

书防齐志也齐桓图霸欲结鲁宋是以释屡战之怨而为此盟也鲁于齐世讎而平可乎传曰敌惠敌怨不在后嗣鲁庄忘亲昵讎当齐襄之身数为防好着于经者详矣今既易世而桓公倡霸合诸侯以尊周室又可背乎故书公防而无贬辞也

【附錄左传】宋人背北杏之防

十有四年春齐人陈人曹人伐宋

【左传】十四年春诸侯伐宋【背北杏防故】齐请师于周【假王命以示大顺】

宋背北杏之防桓公请命于周而伐之盖不得鲁宋诸侯不肃故疾图之而不敢缓也其称人师少也齐自灭谭遂后救邢而外四十年未尝兴大众盖管仲得政师有节制其赋于民薄而蓄诸侯之力者亦厚矣故天下乐为之用而动则有成也先儒谓未尝遣大夫为主将非也春秋之初惟内大夫帅师书名外则众称师少称人无以大夫之名氏见者

夏单伯防伐宋

【左传】夏单伯防之取成于宋而还

【公羊传】其言防伐宋何后防也【本期而后故但举防】

【谷梁传】防事之成也【伐事已成单伯乃至】

伐宋之役齐止用近宋之陈曹而不烦远兵鲁新从霸故齐虽不征于鲁而鲁自遣单伯以兵往防也内大夫防伐者八独翬防四国伐郑与单伯防伐宋先列诸国之伐盖后防之文左氏以单伯为周大夫非也成十六年十七年尹子单子三防伐郑不书防伐又定四年传云刘文公合诸侯侵楚经书公防刘子则此书单伯防伐为鲁大夫明矣

【附錄左传】郑厉公自栎侵郑及大陵【大陵杜注郑地今河南临颖县北有大陵城】获傅瑕【傅瑕郑大夫】傅瑕曰苟舍我吾请纳君与之盟而赦之六月甲子傅瑕杀郑子及其二子而纳厉公【郑子子仪】初内蛇与外蛇鬪于郑南门中内蛇死六年而厉公入公闻之【公鲁庄公】问于申繻曰犹有妖乎对曰人之所忌其气焰以取之妖由人兴也人无衅焉妖不自作人弃常则妖兴故有妖厉公入遂杀傅瑕使谓原繁曰傅瑕贰【言有二心于己】周有常刑既伏其罪矣纳我而无贰心者吾皆许之上大夫之事吾愿与伯父图之【上大夫卿伯父谓原繁】且寡人出伯父无里言【无纳我之言】入又不念寡人【不亲附己】寡人憾焉对曰先君桓公命我先人典司宗祏【桓公郑始受封君也宗祏宗庙中藏主石室言己世为宗庙守臣】社稷有主而外其心其何贰如之苟主社稷国内之民其谁不为臣臣无贰心天之制也子仪在位十四年矣而谋召君者庸非贰乎庄公之子犹有八人若皆以官爵行赂劝贰而可以济事君其若之何臣闻命矣乃缢而死

秋七月荆入蔡

【左传】蔡哀侯为莘故绳息妫以语楚子【莘役在十年绳誉也】楚子加息以食入享遂

灭息以息妫归生堵敖及成王焉未言【未与王言】楚子问之对曰吾一妇人而事二夫纵弗能死其又奚言楚子以蔡侯灭息遂伐蔡【欲以说息妫】秋七月楚入蔡君子曰商书所谓恶之易也如火之燎于原不可乡迤其犹可扑灭者其如蔡哀侯乎【商书盘庚言恶易长而难灭】

【谷梁传】荆者楚也其曰荆何也州举之也州不如国国不如名名不如字

齐桓图霸力尚未能帖荆十年荆方败蔡而执其君今又破蔡而入其国蔡近于楚受祸独深故自北杏以后齐桓之防盟蔡不复与矣蔡始见经则防邓以惧楚终录于经则迁州来以避楚楚始见经则败蔡终录于经则围蔡齐晋之霸其极盛则侵蔡以伐楚其极衰则防召陵以救蔡而不能柏举之战吴张而陵齐晋亦以蔡故原蔡之始终而霸国消长之形荆楚彊弱之皆可见矣

冬单伯防齐侯宋公衞侯郑伯于鄆【鄆杜注衞地今山东濮州东旧城集故鄆城也】

【左传】冬防于鄆宋服故也

【谷梁传】复同防也

是春三国伐宋至夏单伯始防伐宋已服而三国旋师不及至宋境故复防齐宋之君以结成而衞郑之君以始不与北杏之防亦来防也至是齐霸略定矣若陈蔡曹邾或从防或从伐已归齐者不复更与此防盖桓公之霸政务简便不欲烦诸侯也

十有五年春齐侯宋公陈侯衞侯郑伯防于鄆

【左传】十五年春复防焉齐始霸也

【谷梁传】复同防也

十三年十四年防此年复防三合诸侯而不盟以示重慎是以盟则众信莫敢渝也陈旧序衞下齐桓始霸楚亦始彊陈介二国之闲齐桓以为三恪进之于衞上欲重结之也自是遂为定列

夏夫人姜氏如齐

【谷梁传】妇人既嫁不逾竟逾竟非礼也

姜氏自齐襄见杀八年不出至是鲁欲通好于齐姜假托国事以愚其昏懦之子齐亦欲善鲁而姑受之复啓越境之恣矣

秋宋人齐人邾人伐郕【郕即小邾国公羊作儿】

【左传】秋诸侯为宋伐郕【郕附庸属宋而叛故齐桓为之伐】

北杏之防齐桓已序诸国之上此复序宋下者为宋伐郕故推宋主兵也后此伐郑伐徐亦然至二十七年同盟于幽霸体既正无复有先齐者矣

郑人侵宋

【左传】郑人闲之而侵宋【乘伐郕之闲】

郑背二鄆之防闲诸侯之伐郕而侵宋其反覆於齐楚之闲盖始於此侵伐之义三 不同左氏曰有钟鼓曰伐无钟鼓曰侵据此则齐侯侵蔡晋侯侵楚皆用大师而总数国若无钟鼓何以行师公羊氏曰犗者曰侵精者曰伐盖以精为深犗爲浅也然传所载有侵师至破其国伐而未深入者谷梁氏曰苞人民殴牛马曰侵斩树木坏宫室曰伐齐桓伐楚不战而服岂有坏宫室伐树木之事耶先儒既辨其非而以伐为声罪致讨侵为无名行师然考之诗书曰侵自阮疆曰侵于之疆周官九伐之法负固不服则侵之而谓之无名可乎盖声罪致讨曰伐潜师掠境曰侵伐者兵法所谓正也侵者兵法所谓奇也

冬十月

十有六年春王正月

夏宋人齐人衛人伐郑【南北争郑于是始】

【左传】十六年夏诸侯伐郑宋故也

楚势浸彊陈蔡郑许适当其冲而郑尤南北之枢纽郑之貳非细故也故合诸侯以伐之但突始篡国及忽复位又入栎以逼之忽以弑死齐桓当请于王以正突之罪今乃为宋而伐之未矣然宋自是与齐为一鲁宋诸侯之望也鲁宋服而中国诸侯之志定矣

秋荆伐郑

【左传】郑伯自栎入【在十四年】缓告于楚秋楚伐郑及栎为不礼故也

齐方图霸楚亦有事于北方郑地要綰南北中国得郑则可以拒楚楚得郑则可以窥中国故争郑自此始自是郑被兵于楚者二十中国侵之伐之三十有九考郑之始终可以见南北盛衰之大略矣

【附录左传】郑伯治与于雍纠之乱者【在桓十五年】九月杀公子阏弼强鉏【二子祭仲党】公父定叔出奔衛【共叔段之孙定諡也】三年而复之曰不可使共叔无后于郑使以十月入曰良月也就盈数焉【数满于十】君子谓强鉏不能衛其足【言其不能早辟害】

冬十有二月防齐侯宋公陈侯衛侯郑伯许男滑伯滕子同盟于幽【公羊作公防许男下公羊谷梁俱有曹伯此书同盟之始滑杜注滑国河南缙氏县今河南偃师县南有缙氏故城古滑国也幽杜注宋地当在今河南考城县境】

【左传】冬同盟于幽郑成也

【公羊传】同盟者何同欲也

【谷梁传】同者有同也同尊周也不言公外内寮一疑之也【寮谓诸侯也鲁与齐雝外内诸侯同一疑公未知可事齐乎不乎故防不云公以着疑焉】齐自北杏以后屡合诸侯有防而无盟诸侯之心未一也至此郑服始合九国之君而为此盟举天下而听命于一国古未有也然犹未敢专主盟之权故载书曰同盟至僖二年盟贯齐始为盟主自后不复书同矣防不书公讳之也陈氏以为齐初主盟不言公楚初与盟不言公晋大夫初防盟不言公得其义矣

邾子克卒

【谷梁传】其曰子进之也

此邾仪父也附齐而尊王室王命进其爵故书卒与诸侯同

【附录左传】王使虢公命曲沃伯以一军为晋侯【曲沃武公伐晋侯缙灭之尽以其宝器赂献于王王因命为晋侯周礼小国一军晋土地虽大以武公初为诸侯故以小国之礼命之】初晋武公伐夷执夷诡诸【夷诡诸周大夫夷采地名】莒国请而免之【莒国周大夫】既而弗报【诡诸不报施于莒国】故子国作乱【子国即莒国】谓晋人曰与我伐夷而取其地遂以晋师伐夷杀夷诡诸周公忌父出奔虢【周公忌父王卿士辟子国之难】惠王立而复之

十有七年春齐人执郑詹【詹公羊作瞻】

【左传】十七年春齐人执郑詹郑不朝也

【公羊传】郑詹者何郑之微者也【以无氏也】此郑之微者何言乎齐人执之书甚佞也

【谷梁传】人者众辞也以人执与之辞也郑詹郑之卑者卑者不志此其志何也以其逃来

志之也逃来则何志焉将有其末【末谓逃来】不得不録其本也郑詹郑之佞人也

称人以执非霸讨也詹不氏未赐族也讨得其罪则称爵谓之霸讨桓未闻朝王而讨郑之不朝已可乎詹必至齐而后见执不书行人非以使事执也

夏齐人歼于遂【殲公羊作泚】

【左传】夏遂因氏颌氏工娄氏须遂氏飨齐戍醉而杀之齐人歼焉【四族遂之强宗殲尽也】

【公羊传】泚者何泚积也【泚积死非一之辞】众杀戍者也

【谷梁传】歼者尽也然则何为不言遂人尽齐人也无遂之辞也无遂则何为言遂其犹存遂也【以其能杀齐戍故若遂之存】存遂奈何曰齐人灭遂使人戍之遂之因氏饮戍者酒而杀之齐人歼焉此谓狎敌也【狎犹轻也】

齐人灭遂虑其不服置兵戍守防患周矣而终为遂人所歼信乎力不足以服人也不曰遂人歼齐人者已无遂之辞又以见齐人之自取也观此益见遂以灭书乃亡国之善词上下之同力矣

秋郑詹自齐逃来

【公羊传】何以书书甚佞也曰佞人来矣佞人来矣【谷梁传】逃义曰逃

逃者匹夫苟免之行也詹既见执若齐人不释守死以待命可也即齐欲释之亦当执礼以争请暴其无罪于诸侯乃不辱君命而遁逃苟免耻孰甚焉鲁方与齐同盟而受其逋逃罪亦不可掩矣

冬多麋

【公羊传】何以书记异也

麋鲁所有不足为异而多则反常且有伤稼之害故志之

十有八年春王三月日有食之

【谷梁传】不言日不言朔夜食也何以知其夜食也曰王者朝日【谓日始出而亏伤之处尚存故知其夜食也】故虽为天子必有尊也贵为诸侯必有长也故天子朝日诸侯朝朔经书日食三十六大都皆书日书朔独此与僖十五年夏五月朔与日皆不书史失之也合朔在

夜日食地中故谷梁以为夜食然苟朝日而见其亏伤是即朔日食矣如日未出而明复即朝日何从见其亏伤以是知为旧史之阙也

【附錄左传】十八年春虢公晋侯朝王王飨醴命之宥【王之覲羣后始则行飨礼先置醴酒示不忘古饮宴则命以币物宥助也所以助欢敬之意】皆赐玉五穀【双玉为穀】马三匹非礼也王命诸侯名位不同礼亦异数不以礼假人【侯而与公同赐是借人礼】虢公晋侯郑伯使原庄公逆王后于陈陈妫归于京师【虢晋朝王郑伯又以齐执其卿求王为援皆在周倡义为王定昏得同姓宗国之礼故详其事不书不告也】实惠后【陈妫后宠爱少子乱周室故竝举其从王之諡】

夏公追戎于济西

【左传】夏公追戎于济西不言其来讳之也【戎来侵鲁鲁人不知去乃追之故讳不言其来】

【公羊传】此未有言伐者其言追何大其为中国追也此未有伐中国者则其言为中国追何大其未至而豫御之也其言于济西何大之也

【谷梁传】其不言戎之伐我何也以公之追之不使戎迹于我也于济西者大之也何大焉为公之追之也追者寇已去而蹶之追齐至鄆先言侵而后言追此不言侵伐明不觉其来敌去而始追之也书者讥内无戎备

秋有 【又作蜮】

【左传】秋有 为灾也

【公羊传】何以书记异也

【谷梁传】一有一亡曰有【或有有时或有无时言不常也故书曰有】 射人者也

国之所有则以多为异国之所无则以有为异 者阴物汉书五行志刘向以为 生南越越地男女同川乱气所生故圣人名之曰 犹惑也能含沙射人甚者至死乃鲁之所无故以有书

冬十月

【附錄左传】初楚武王克权【权杜注国名南郡当阳县东南有权城水经注 水东防权口南流迳权城北古之权国也今属湖南安陆府】使鬬缙尹之【鬬缙楚大夫】以叛【缙以权叛】围而杀之迁权于那处【那处杜注楚地南郡编县东南有那口城在今湖广荆门

州东南】使阎敖尹之【阎敖楚大夫】及文王即位与巴人伐申而惊其师巴人叛楚而伐那处取之遂门于楚阎敖游涌而逸【杜注涌水在南郡华容县游浮行也】楚子杀之其族为乱冬巴人因之以伐楚

十有九年春王正月

【附錄左传】十九年春楚子御之【御巴人】大败于津【津杜注楚地江陵县有津乡在今湖广枝江县】还鬻拳弗纳【鬻拳楚大閹】遂伐黄【黄嬴姓国】败黄师于蹇陵【蹇陵杜注黄地当在今河南光州西南境】还及湫【湫杜注南郡都县东南有湫城在今湖广宜城县】有疾夏六月庚申卒鬻拳 诸夕室【夕室杜注地名】亦自杀也而 于经皇【经皇冢前阙生守门故死不失职】初鬻拳强谏楚子楚子弗从临之以兵惧而从之鬻拳曰吾惧君以兵罪莫大焉遂自刎也楚人以为大閹谓之大伯【伯长也为门官之长】使其后掌之君子曰鬻拳可谓爱君矣谏以自纳于刑刑犹不忘纳君于善

夏四月

秋公子结媵陈人之妇于鄆遂及齐侯宋公盟

【公羊传】媵者何诸侯娶一国则二国往媵之以侄娣从侄者何兄之子也娣者何弟也诸侯壹聘九女诸侯不再娶媵不书此何以书为其有遂事书大夫无遂事此其言遂何聘礼大夫受命不受辞【辞谓专对之辞】出竟有可以安社稷利国家者则专之可也

【谷梁传】媵浅事也不志此其志何也辟要盟也【鲁实使结要二国之盟恐齐宋不与故假媵妇为名】何以见其辟要盟也媵礼之轻者也盟国之重也以轻事遂乎国重无說其曰陈人之妇略之也其不日数渝恶之也【数疾也渝渝盟也】

不书如陈送媵而书媵陈人之妇则非奉君命而媵陈之微者明矣以国卿而私行出疆见鲁之无政也聘礼大夫受命不受辞出竟有可以安社稷利国家者专之可也谓本有此命得以便宜从事特不受专对之辞耳结本以私事出无君命而要盟于大国公侯故书遂以着其生事专命之罪若齐宋之盟出于公命则当如公孙兹如牟因聘而娶但书其聘之例书盟而不书媵矣

夫人姜氏如莒

【谷梁传】妇人既嫁不逾竟逾竟非正也

前此姜氏如齐桓公不讨遂使荡然无忌恣情如莒非惟鲁之辱亦齐之羞也

【附錄左传】初王姚嬖于庄王生子頹【王姚庄王之妾姚姓】子頹有宠蒞国为之师及

惠王即位【惠王庄王孙】取葛国之圃以为圃边伯之宫近于王宫【边伯周大夫】王取之王夺子禽祝跪与詹父田【三子皆周大夫】而收膳夫之秩【膳夫石速也】故葛国边伯石速詹父子禽祝跪作乱因苏氏【苏氏周大夫桓王夺其十二邑以与郑自此遂不和】秋五大夫奉子頹以伐王不克出奔温苏子奉子頹以奔卫卫师燕师伐周【燕南燕】冬立子頹

冬齐人宋人陈人伐我西鄙【此鲁国见伐之始】

【谷梁传】其曰鄙远之也其远之何也不以难迹我国也齐宋方与结定盟而旋伐我何也自郑詹逃来已得罪于齐又以结之抗盟重怒但齐宋当拒不与盟不宜既盟而复伐且据传王室方有子頹之乱卫燕称兵伐周桓公不能讨而合二国以伐鲁慎矣

日讲春秋解义卷十一

卷十二

<经部,春秋类,日讲春秋解义

钦定四库全书

日讲春秋解义卷十二

庄公

二十年春王二月夫人姜氏如莒

【谷梁传】妇人既嫁不逾竟逾竟非正也

妇人既嫁不逾境父母没不得归宁文姜十五年如齐尚爲越礼况频年如莒乎文姜爲禽兽之行与闻乎弑其如莒何足深责而圣人备书于经痛庄公君国二十年尚不能防闲其母任其荡检逾闲至于此极也记曰礼禁乱之所自生犹防止水之所自来也以旧防爲无所用而坏之者必有水败以旧礼爲无所用而去之者必有乱患信哉

【附录左传】二十年春郑伯和王室不克执燕仲父【南燕伯】夏郑伯遂以王归王处于栢秋王及郑伯入于郕【郕王所取郑邑】遂入成周取其宝器而还冬王子頹享五大夫乐及徧舞【徧舞六代之乐云门大卷大咸大磬大夏大濩大武是也】郑伯闻之见虢

叔曰【叔虢公字】寡人闻之哀乐失时殃咎必至今王子頹歌舞不倦乐祸也夫司寇行戮君爲之不举【去盛饌】而况敢乐祸乎奸王之位祸孰大焉临祸忘忧忧必及之盍纳王乎虢公曰寡人之愿也

夏齐大灾

【公羊传】大灾者何大瘠也【瘠病也】大瘠者何防也【防民疾疫也】何以书记灾也外灾不书此何以书及我也

【谷梁传】其志以甚也

天火曰灾来告故书经所书宋灾陈灾宋衞陈郑灾皆不言大此独书大旧史从来告之辞而孔子因之也

秋七月

冬齐人伐戎【谷梁作伐我】

周有子頹之乱齐桓始霸若防闻知郑伯虢公胥命于弭讨乱杀子頹王入于王城齐皆不预去年伐鲁今年伐戎大率逐利以自私于王室何有盖其志在图霸谋先自固国之张必自近始故深结鲁宋并吞谭遂耀武郕戎于王室有不暇顾耳此仲尼之徒所以羞称五霸也

二十有一年春王正月

夏五月辛酉郑伯突卒

【左传】二十一年春胥命于弭【郑虢相命弭杜注郑地当在今河南密县境】夏同伐王城郑伯将王自圉门入虢叔自北门入杀王子頹及五大夫郑伯享王于阙西辟【阙象魏也西辟阙之西偏】乐备【备六代之乐】王与之武公之略自虎牢以东【略界也武公旧竟后失其地故惠王复与之虎牢杜注河南成皋县今河南汜水县西有虎牢城】原伯曰【原伯原庄公】郑伯效尤【言效子頹舞徧乐】其亦将有咎五月郑厉公卒春秋自突归于郑之后其出奔蔡入于栎虽书名而皆系以爵以突虽篡而实君虽君而实篡不没其实也自入栎以后凡与诸侯防盟侵伐者皆突而忽薶仪无见焉旧史备其卒葬孔子安得而削之乎然备记其始终亦所以着王法不行乱贼寿终以爲居正而不能保者之戒也

秋七月戊戌夫人姜氏薨

【谷梁传】妇人弗目也【弗目谓不言其地也妇人无外事居有常所故薨不书地】文姜之恶极矣而卒葬一用小君之礼此鲁之祸所以未艾也

【附录左传】王巡虢守虢公爲王宫于珪【珪杜注虢地在今河南澠池县界】王与之酒泉【酒泉杜注周邑今陝西同州有甘泉出匱谷中造酒尤美名酒泉】郑伯之享王也王以后之鞶鉴予之【后王后也鞶带而以鉴爲飾也】虢公请器王予之爵【爵饮酒器】郑伯由是始恶于王【郑伯厉公子文公爲僖二十四年郑执王使张本】冬王归自虢

冬十有二月葬郑厉公

郑突与虢公讨子頹定惠王勲在王室而不免諡爲厉以此见周室虽衰公议尚在臣子私諡不敢妄加美名古意犹可攷也

二十有二年春王正月肆大眚【眚公羊作省】

【公羊传】肆者何跌也【跌过也】大省者何灾省也肆大省何以书讥何讥尔讥始忌省也【省日忌吉事不忌凶事时鲁有夫人之丧乃以省日忌不哭故讥之】

【谷梁传】肆失也眚灾也灾纪也失故也【纪治理也有罪当治理之今失之者以文姜之故】爲嫌天子之葬也【文姜罪应诛绝须赦而后得葬不赦而葬则嫌天子不许之葬矣所以举一国之大恶皆赦除之使文姜亦得以除其罪也】

肆大眚讥失也舜典眚灾肆赦乃不幸而过误者易曰君子以赦过宥罪过乃赦之罪则少寛宥焉耳周官三宥三赦皆情之可原孽非己作者未闻肆大眚也大眚皆肆则废天讨亏国典纵有罪虐无辜恶人幸以免矣诸葛亮曰治世以大德不以小惠其治蜀军旅数兴而赦不妄下蜀人从而歌思如周人之思召公也盖得春秋之旨矣

癸丑葬我小君文姜

【公羊传】文姜者何庄公之母也

【谷梁传】小君非君也其曰君何也以其爲公配可以言小君也

文姜孙齐不称姜氏后此则一仍其恒称何也鲁之臣子既不能讨庄公又不能以大义绝之而生则纵其所爲死则葬之备礼着于史册者固不可得而易矣妇人生无爵从夫之爵死无諡从夫之諡鲁夫人别爲諡自文姜始岂非以淫乱弑逆不敢以先君之諡配之而然与其后鲁夫人皆别作諡不察其由违礼害义甚矣

陈人杀其公子御寇【御公羊谷梁俱作御此书专杀之始】

【左传】二十二年春陈人杀其太子御寇【宣公太子也陈人恶杀太子之名故以公子告】陈公子完与颛孙奔齐【完颛孙皆御寇党】颛孙自齐来奔齐侯使敬仲爲卿【敬仲完字】辞曰羁旅之臣幸若获宥及于寛政赦其不闲于教训而免于罪戾弛于负担【弛去离也】君之惠也所获多矣敢辱高位以速官谤请以死告诗云翘翘车乘招我以弓岂不欲往畏我友朋【逸诗也翘翘遠貌古者聘士以弓言虽贪显命惧爲朋友所讥责】使爲工正【掌百工之官】饮桓公酒乐公曰以火继之辞曰臣卜其昼未卜其夜不敢君子曰酒以成礼不继以淫义也以君成礼弗纳于淫仁也初懿氏卜妻敬仲【懿氏陈大夫】其妻占之曰吉是谓凤皇于飞和鸣锵锵【凤皇雌雄俱飞相和而鸣锵锵然犹敬仲夫妻相随适齐有声誉】有嬀之后将育于姜【嬀陈姓姜齐姓】五世其昌竝于正卿八世之后莫之与京【京大也】陈厉公蔡出也【蔡女所出】故蔡人杀五父而立之【五父陈佗也】生敬仲其少也周史有以周易见陈侯者陈侯使筮之遇观【坤下巽上观】之否【坤下干上否观六四爻变而爲否】曰是谓观国之光利用宾于王【此易观卦六四爻辞】此其代陈有国乎不在此其在异国非此其身在其子孙光远而自他有耀者也坤土也巽风也干天也风爲天于土上【巽变爲干故云风爲天六四爻位在坤上坤爲土故云于土上】山也【互体正卦三四五爻爲艮变卦二三四爻亦爲艮故云山也】有山之材而照之以天光于是乎居土上【山则材之所生上有干下有坤故言居土上照之以天光】故曰观国之光利用宾于王【四爻爲诸侯变而之干有国朝王之象】庭实旅百奉之以玉帛天地之美具焉故曰利

用宾于王【艮爲门庭干爲金玉坤爲布帛诸侯朝王陈贄币之象旅陈也百言物备】犹有观焉故曰其在后乎【观非在己之言故知在子孙】风行而着于土【巽在坤上故爲着土】故曰其在异国乎若在异国必姜姓也姜大岳之后也【姜姓之先爲尧四岳】山岳则配天物莫能两大陈衰此其昌乎【变而象艮故知当兴于大岳之后】及陈之初亡也【昭八年楚灭陈】陈桓子始大于齐【桓子敬仲五世孙陈无宇】其后亡也【哀十七年楚复灭陈】成子得政【成子陈常也敬仲八世孙】

【谷梁传】言公子而不言大夫公子未命爲大夫也其曰公子何也公子之重视大夫命以执公子【大夫既命得执公子之礼】

惟天子得奉天命而专生杀故二百四十年书杀大夫者四十有七皆诸侯也盖诸侯之大夫皆命于天子而不得专命大夫有罪当请于天子而不得专杀春秋之世国无大小其卿大夫皆专命之有罪无罪皆专杀之公子之重视大夫故备书以着其罪也其专杀称君者独出于其君之意而大夫国人不与焉如晋侯杀其世子申生是也称国者君与当国大臣主之如郑杀其大夫申侯是也称人义有二一则国乱无政众人擅杀而不出于君陈人之杀御寇是也其一弑君之贼人人得而诛之背叛之臣国人所同恶如衛人杀州吁郑人杀良霄是也其见杀者所称亦不一或称大夫或称公子或称大夫公子称公子者公子而非大夫也称大夫者大夫而非公子也称大夫公子者公子而爲大夫者也

夏五月

春秋无事书首时未有书五月者或谓下有事而文脱或四讹而爲五也何休谓讥庄公娶離女不可奉先祖四时祭祀犹五月不宜首时则啻矣

秋七月丙申及齐高傒盟于防

【公羊传】齐高傒者何贵大夫也 爲就吾微者而盟公也公则曷爲不言公讳与大夫盟也

【谷梁传】不言公高傒伉也【骄伉与公敌体耻之故不书公】

高傒齐贵卿也鲁无使微者与盟之理盖公也讳不言公以谋娶仇人之女而与大夫要盟恶莫大焉故隐之

冬公如齐纳币

【公羊传】纳币不书此何以书讥何讥尔亲纳币非礼也【谷梁传】纳币大夫之事也礼有纳采【采择女之德性也其礼用鴈爲贄】有问名【问女名而卜之】有纳征【征成也纳币以成昏】有告期【告迎期】四者备而后娶礼也公之亲纳币非礼也故讥之

纳币大夫之事也而公亲之盖齐疑昏议故自往与要言也娶夫人以承宗庙也先君见戕而娶雎女苟有人心者忍此乎至在丧而图昏又不足责矣

二十有三年春公至自齐

【公羊传】桓之盟不日其防不致信之也此之桓国何以致危之也何危尔公一陈佗也【公如齐淫与陈佗相似】

齐桓之编庄公与之防盟遇伐救者九皆不书至独三如齐书至以娶雎女而行乃返告于先君之庙其恶极矣

祭叔来聘

【谷梁传】其不言使何也天子之内臣也不正其外交故不与使也

祭畿内之国祭叔王朝之大夫五十以伯仲周道也假聘礼以私行故不书使义与祭伯来朝而不言朝尹氏王子虎刘卷来诂而不书其爵同皆所以正私交之罪绝朋党之萌也

夏公如齐观社

【左传】二十三年夏公如齐观社非礼也曹刿谏曰不可夫礼所以整民也故防以训上下之则制财用之节【贡赋多少】朝以正班爵之义帅长幼之序征伐以讨其不然【不然不用命】诸侯有王【从王事】王有巡守以大习之【大习朝防之礼】非是君不举矣君举必书书而不法后嗣何观【公羊传】何以书讥何讥尔诸侯越竟观社非礼也【谷梁传】常事曰视非常曰观观无事之辞也以是为尸女也【尸主也主为齐女往借观社为辞】无事不出竟

齐因社祭而搜军实以示威已为非礼庄公逾境往观其失益大矣天子祀上帝诸侯防以受事焉不闻诸侯之相防祀也庄公盖托名而往以坚昏约故谷梁氏以为尸女耳凡公出以朝及丧葬但书如而不言其事观社非常故特书

【附录左传】晋桓庄之族偪【桓叔庄伯之子孙强盛偪迫公室】献公患之士蔿曰【士蔿晋大夫】去富子【富子二族之富强者】则羣公子可谋也已公曰尔试其事士蔿与羣公子谋谮富子而去之

公至自齐

【谷梁传】公如【统言公出行之例】往时正也致月故也如往月致月有惧焉尔

荆人来聘【楚交中国始此】

【公羊传】荆何以称人始能聘也

【谷梁传】善累而后进之其曰人何也举道不待再【谓一举而进之】

春秋于楚始书荆继书荆人继书楚子着其渐盛也楚逐年加兵于蔡郑而聘使至鲁盖远交近攻之术介人欲侵萧而先朝鲁秦人归襁来聘而有河曲之师盖鲁爲春秋望国而亲于齐晋故介人来朝欲借以爲援秦楚来聘欲以闲齐晋之交也

公及齐侯遇于谷

【谷梁传】及者内爲志焉尔遇者志相得也

及者内爲志盖齐犹以昏议爲疑故公汲汲而爲此遇也书之以着庄公之不子而齐桓私意回惑不能以礼接人亦于是可见矣

萧叔朝公

【公羊传】其言朝公何公在外也【言于谷朝公】

【谷梁传】微国之君未爵命者其不言来于外也朝于庙正也于外非正也

萧宋之附庸谷齐地嘉礼不野合萧叔朝公在齐之谷则非其所也朝必于庙公不辞而受之于谷亦过矣盖交讥之

秋丹桓宫楹

【左传】秋丹桓宫之楹

【公羊传】何以书讥何讥尔丹桓宫楹非礼也

【谷梁传】礼天子诸侯黝垚【黝黑色凡涂饰皆言垚】大夫仓土黹【黹黄色】丹楹非礼也

楹柱也楹未有以丹饰者爲将娶雎女欲夸示之而乱王制以渎先君直书而恶见矣

冬十有一月曹伯射姑卒

十有二月甲寅公防齐侯盟于扈【扈杜注郑地在荥阳卷县西北后汉志卷县有扈城亭今河南原武县西北扈亭是也】

【公羊传】桓之盟不日此何以日危之也何危尔我贰也鲁子曰我贰者非彼然我然也

此盟亦要结婚好也鲁求之愈急而齐许之愈缓盖庄公爲文姜所制必使娶于母家而齐女待年庄公时已三十有六矣故越礼不顾如此其亟耳

二十有四年春王三月刻桓宫桷

【左传】二十四年春刻其桷【桷椽也】皆非礼也【合上丹楹而发】御孙谏曰【御孙鲁大夫】臣闻之俭德之共也侈恶之大也先君有共德而君纳诸大恶无乃不可乎

【公羊传】何以书讥何讥尔刻桓宫桷非礼也

【谷梁传】礼天子之桷斲之砻之【斲削也砻磨也】加密石焉【又以细石磨之】诸侯之桷斲之砻之大夫斲之士斲本刻桷非正也夫人所以崇宗庙也取非礼与非正而加之于宗庙以饰夫人非正也刻桓宫桷丹桓宫楹斥言桓宫以恶庄也【不言新宫而直谓之桓宫以桓见杀于齐而饰其庙以荣雎国之女恶庄不子】桷有斲砻未闻复刻镂之也王制革制度曰畔其君讨丹楹刻桷乃宫庙所未有之饰即无故而爲此亦不容于王法矣况娶雎人之女以荐舍于祢庙而特爲非礼之饰以夸耀之死者有知其怨恫当何如至五庙竝列而独崇饰于桓宫又其恶之浅者矣

葬曹庄公

夏公如齐逆女

【公羊传】何以书亲迎礼也

【谷梁传】亲迎恒事也不志此其志何也不正其亲迎于齐也

亲迎者昏礼之常春秋常事不书此独书之不正其亲迎于齐也所谓常者其事非一如视朔则月事之常也搜狩则时事之常也郊祀雩祭之类则岁事之常也至于纳币逆女至归之类昏姻之常也合礼爲常常则不书若夫崩薨卒葬即位之类乃人道始终之大变即合礼亦书非亲迎之比也

秋公至自齐

【谷梁传】迎者行见诸舍见诸【诸之也言瞻望夫人乘车】先至非正也

八月丁丑夫人姜氏入

【左传】秋哀姜至

【公羊传】其言入何难也其言日何难也其难奈何夫人不倭【倭疾也齐人语】不可使入【言夫人稽留不肯疾顺公意故不能使之即入】与公有所约【约谓约遯媵妾也】然后入

【谷梁传】入者内弗受也日入恶入者也何用不受也以宗庙弗受也其以宗庙弗受何也取仇人子弟以荐舍于前【荐进舍置】其义不可受也

不书至而书入不可以见乎宗庙也入者不顺之辞以宗庙爲不受也且昏义以正始爲先公既亲迎而不与夫人同至则夫道不正于始矣姜氏既归而不从公以俱入则妇道不正于始矣弑闵邴邾之乱其兆已见此皆忘亲越礼之所致也故春秋详书其事以爲后戒

戊寅大夫宗妇觐用币

【左传】公使宗妇觐用币【传不言大夫唯举非常】非礼也御孙曰男贄大者玉帛【公侯伯子男执玉诸侯世子附庸卿执帛】小者禽鸟【卿执羔大夫执雁士执雉】以章物也【章所执之物别贵贱】女贄不过榛栗枣脩以告防也【榛似栗而小脩脯也】今男女同贄是无别也男女之别国之大节也而由夫人乱之无乃不可乎

【公羊传】宗妇者何大夫之妻也觐者何见也用者何用者不宜用也见用币非礼也然则曷用枣栗云乎脩脩云乎

【谷梁传】觐见也礼大夫不见夫人不言及【谓不言大夫及宗妇】不正其行妇道【谓见夫人乃宗妇之道】故列数之也男子之贄羔雁雉脩【士冬用雉夏用脩脩干雉也夏用之备腐臭也】妇人之贄枣栗脩脩用币非礼也用者不宜用者也大夫国体也【国体谓爲君股肱】而行妇道恶之故谨而日之也

何休曰礼夫人至大夫郊迎明日大夫宗妇皆见公事曰见私事曰觐见夫人礼也而以私言之夫人不可以见宗庙则亦不可以临羣臣也且大夫宜见于庙宗妇宜见于宫中今男女竝觐而又同防乱男女之别自夫人之至始庄公自坏其防何怪夫人异日之躬爲大恶哉春秋所书自盟防至此凡十有三事词繁而不杀所以示正始之道者可谓深切着明矣

【附录左传】晋士蔿又与羣公子谋使杀游氏之二子【游氏亦桓庄之族】士蔿告晋侯曰可矣不过二年君必无患

大水

冬戎侵曹曹羈出奔陈赤归于曹

【公羊传】曹羈者何曹大夫也曹无大夫此何以书贤也何贤乎曹羈戎将侵曹曹羈諫曰戎众以无义君请勿自敌也曹伯曰不可三諫不从遂去之故君子以爲得君臣之义也

书法与突归于郑郑忽出奔衛同故杜预知二传之非而以羈爲曹世子也庄公既葬羈嗣世一年矣而奔不称爵以微弱不能君犹郑忽之不称爵也归者易辞赤恃戎之力以篡国其归爲易犹突恃宋以篡而书归也春秋于忽与羈皆系国而书名以爲居正者之戒

郭公【公羊谷梁竝以赤归于曹郭公连文爲句】

【公羊传】赤者何曹无赤者盖郭公也郭公者何失地之君也

【谷梁传】赤盖郭公也何爲名也礼诸侯无外归之义外归非正也

郭公之义本不可晓而公谷之說更不可通先儒有以爲郭亡者公与亡字相近而偶误耳管子之书曰齐桓公之郭问父老曰郭何故亡曰以其善善而恶恶也公曰若子之言乃贤君也何至于亡父老曰郭君善善而不能用恶恶而不能去所以亡也考其时与事谓之郭亡理或有之夫不知其善恶犹觊一旦而知之也既知其善而不能用则君子登进之路绝既知其恶而不能去则小人益肆行而无所忌矣春秋以郭之自亡书与梁亡同义

二十有五年春陈侯使女叔来聘

【左传】二十五年春陈女叔来聘【陈卿女氏叔其字也】始结陈好也嘉之故不名

【谷梁传】其不名何也天子之命大夫也

季友相鲁原仲相陈二人有旧故各请于君通聘以结好此大夫交政于中国之渐也命大夫故不名鲁单伯郑祭仲陈女叔是也齐晋无命大夫盖自恃疆大不复请命于王耳

夏五月癸丑卫侯朔卒

衛朔入国鲁庄与有力焉未必不防其葬盖朔搆杀其兄而逆天子之命故不书葬以不其罪之当讨耳

六月辛未朔日有食之鼓用牲于社

【左传】夏六月辛未朔日有食之鼓用牲于社非常也【非常鼓之月辛未实七月朔置闰失所故致月错】惟正月之朔慝未作【正月夏之四月周之六月谓正阳之月今书六月而

传云惟者明此月非正阳月也愿阴气】日有食之于是乎用币于社伐鼓于朝【食于正阳之月则诸侯用币于社请救于上公伐鼓于朝退而自责以明阴不宜侵阳臣不宜掩君以示大义】

【公羊传】日食则曷爲鼓用牲于社求乎阴之道也【求责求也】以朱丝营社或曰胁之【胁与责求同义社土地之主月土地之精月犯日故攻社以胁其本朱丝营之助阳抑阴也】或曰爲闇恐人犯之故营之【社者土地之主尊也爲日光尽天闇 恐人犯歷之故营之】

【谷梁传】言日言朔食正朔也鼓礼也用牲非礼也天子救日置五麾【麾旌幡也】陈五兵五鼓【五兵矛防钺楯弓矢】诸侯置三麾陈三鼓三兵大夫击门士击柝言充其阳也【充实也凡有声皆阳事以压阴气】

日月之食皆有常度古人遇日食必书者盖深致其扶阳抑阴之旨言当恐惧修省而不敢忽也左氏谓唯正月之朔愿未作于是用币于社伐鼓于朝非也夏书季秋日食有奏鼓之文岂独正阳之月哉所以书者讥其不鼓于朝又用牲耳

伯姬归于杞

【谷梁传】其不言逆何也逆之道微无足道焉尔

伯姬庄公女婚姻常事不书此何以书逆者非卿则名姓不登于史策见昏礼之日坏也内女适邻国而爲夫人则书归适大夫则否别尊卑也其得礼者皆不书常事也

秋大水鼓用牲于社于门

【左传】秋大水鼓用牲于社于门亦非常也凡天灾有币无牲非日月之眚不鼓

【公羊传】其言于社于门何于社礼也于门非礼也【谷梁传】高下有水灾曰大水既戒鼓而骇众用牲可以已矣救日以鼓兵救水以鼓众

【附录左传】晋士蔿使羣公子尽杀游氏之族乃城聚而处之【聚杜注晋邑】冬晋侯围聚尽杀羣公子

冬公子友如陈【此内大夫出防之始】

凡公及内卿往他国皆书如盖外诸侯来鲁者书朝外卿来鲁者书聘则内书所如不言其事而自明矣隐桓庄之闲上而周近而齐有来聘者矣鲁未尝有报聘者而女叔一来季友旋报继又躬防原仲之葬则陈鲁之交虽有君命而实出于季友原仲之私情不独大夫渐张而季

氏之专鲁微兆已见于斯矣朱子于季友独以爲无状诚论世知人之特识也

二十有六年春公伐戎【公羊无春字】

隐桓世有戎盟至庄始渝爲鲁之患今此伐戎爲济西之役也故无讥辞

【附录左传】二十六年春晋士蔿爲大司空夏士蔿城絳以深其宫【絳杜注晋所都也今山西絳县史记是年晋始都絳】

夏公至自伐戎

曹杀其大夫【此专杀大夫之始】

【公羊传】何以不名众也曷爲众杀之不死于曹君者也君死乎位曰灭曷爲不言其灭爲曹羈讳也此盖战也何以不言战爲曹羈讳也【以大夫卽是曹羈按公谷此等传皆出其所传闻无可考证姑存其文耳他皆仿此】

【谷梁传】言大夫而不称名姓无命大夫也无命大夫而曰大夫贤也爲曹羈崇也

称国以杀者国君与当国大夫共主之而不请于天子也不书名或曰非一人或曰不知其名也齐桓葵丘之防申明王禁曰无专杀大夫其视当时之诸侯可谓彼善于此矣

秋公防宋人齐人伐徐【徐杜注徐国在下邳僮县东南括地志徐城县西有大徐城卽古徐国也今江南泗州北有徐城韩氏愈曰徐与秦俱出伯翳爲嬴姓昭五年楚人执徐子盖子爵】戎在徐州之域旧爲鲁患是年春公伐戎秋又伐徐必戎与徐相表里以侵軼鲁也故二国将卑师少而公独亲行齐桓致勤于鲁宋又屡推宋主兵鲁宋亲附是以诸侯众服而明年盟幽同心以相推戴与

【附录左传】秋虢人侵晋冬虢人又侵晋【爲传明年晋将伐虢张本】

冬十有二月癸亥朔日有食之

日讲春秋解义卷十二

卷十三

钦定四库全书

日讲春秋解义卷十三

庄公

二十有七年春公防杞伯姬于洮【伯姬庄公女洮杜注鲁地今山东濮州南有洮城亦作桃城水经注云桃城亦曰姚城因姚墟而得名也】

【左传】二十七年春公防杞伯姬于洮非事也天子非展义不巡守【天子巡守所以宣布德义】诸侯非民事不举卿非君命不越竟

妇人无防礼内女爲夫人者七见于经未有与公防者而防自伯姬始其后来朝其子来求妇皆礼所未有也而鲁政之不纲亦可见矣

夏六月公防齐侯宋公陈侯郑伯同盟于幽

【左传】夏同盟于幽陈郑服也【二十二年陈乱而齐纳敬仲二十五年郑文公获成于楚皆有贰心于齐今始服也】

【谷梁传】同者有同也同尊周也于是而后授之诸侯也其授之诸侯何也齐侯得众也桓防不致安之也桓

盟不日信之也信其信仁其仁衣裳之防十有一未尝有歃血之盟也信厚也兵车之防四未尝有大战也爱民也

十六年于幽之盟郑人附楚而侵宋鲁人弃信而受逃是诸侯犹未能深信桓公之心也至是霸势愈盛陈郑协服鲁亦与防故载书复要言曰同诸国盖自是无离遯矣而衞人不至故明年复有伐卫之师

秋公子友如陈葬原仲

【左传】秋公子友如陈葬原仲非礼也【原氏仲字】原仲季友之旧也

【公羊传】原仲者何陈大夫也大夫不书葬此何以书通乎季子之私行也【通表而出之义私行不以公事行也】何通乎季子之私行辟内难也君子辟内难而不辟外难【礼记

曰内内之治恩掩义门外之治义掩恩】内难者何公子庆父公子牙公子友皆庄公之母弟也公子庆父公子牙通乎夫人以胁公季子起而治之则不得与于国政坐而视之则亲亲因不忍见也故于是复请至于陈而葬原仲也【谷梁传】言葬不言卒不葬者也【不葬者不合书葬也】不葬而曰葬讳出奔也【言季友辟内难而出以葬原仲爲辞】

人臣之义无私交大夫非君命不越境葬原仲季友之私也而书如陈从出聘之文是有公命也季友之请爲越礼庄公之从之爲失政直书其事而义自见矣何以知其爲季友之私也凡以公事行而因及其私者经皆不言其事直书如某国而已

冬杞伯姬来

【左传】冬杞伯姬来归宁也凡诸侯之女归宁曰来出曰来归夫人归宁曰如某出曰归于某

【公羊传】其言来何直来曰来【直来无事而来也】大归曰来归【大归废弃来归也】

归宁常事不书此何以书数也礼父母在岁一归宁春防而冬复至越礼可知矣或曰哀姜方挟势而骄恣伯姬庶女素不以礼待故不敢遽归先与父防使归与姜氏成言而后至鲁也不然岂有归宁父母不径返国都而待于下邑父往防之者哉

【附录左传】晋侯将伐虢士蔿曰不可虢公骄若骤得胜于我必弃其民无众而后伐之欲御我谁与夫礼乐慈爱战所畜也夫民让事乐和爱亲哀丧而后可用也【让事礼也乐和爱也爱亲慈也哀丧爱也有此四者然后可用以战】虢弗畜也亟战将饥【言虢不畜义让而力战弃民不养故云将饥】

莒庆来逆叔姬

【公羊传】莒庆者何莒大夫也莒无大夫此何以书讥何讥尔大夫越竟逆女非礼也

【谷梁传】诸侯之嫁子于大夫主大夫以与之【主大夫谓使大夫同姓者主之】来者接内也【接内谓公自主之】不正其接内故不与夫妇之称也【夫妇之称当言逆女】

诸侯嫁女于大夫命大夫主之君不敌臣也二百四十年鲁君嫁女于大夫者多矣而见于经者惟莒庆及齐高固以公自主之故以爲非常而志之也大夫爲君逆则称女自逆则称字而不书归盖尊卑之别

杞伯来朝

致伯姬也杞伯不能制其内纵伯姬之数出又来朝而致之其卑弱可知矣

【附录左传】王使召伯廖赐齐侯命【召伯廖王卿士赐命爲侯伯】且请伐卫以其立子颓也【立子颓在十九年】

公防齐侯于城濮【城濮杜注衛地】

传称王赐齐侯命且请伐衛以情事推之子颓伏诛已十年衛君又易世矣齐桓特以衛不防幽之盟申明其立子颓之罪而请讨于王耳与公防于衛地而伐衛之师鲁不与焉亦犹防于鲁济以谋伐戎而鲁不与伐耳

二十有八年春王三月甲寅齐人伐衛衛人及齐人战卫人败绩

【左传】二十八年春齐侯伐卫战败衛师数之以王命取赂而还

【公羊传】伐不日此何以日至之日也战不言伐此其言伐何至之日也春秋伐者爲客【伐人者爲客】伐者爲主【见伐者爲主】故使衛主之也【及者爲主】曷爲使衛主之衛未有罪尔【盖爲幽之防服父防未终而不至故】败者称师卫何以不称师未得乎师也【未得成列爲师也】

【谷梁传】于伐与战安战也战衛战则是师也其曰人何也微之也何爲微之也今授之诸侯而后有侵伐之事故微之也其人衛何也以其人齐不可不人衛也衛小齐大其以衛及之何也以其微之可以言及也其称人以败何也不以师败于人也

战不言伐伐不言日而书日者战之日也见齐人奉辞伐罪方以是日至而衛不请其故卽以是日与之战其劲忿而不知自反具见矣凡书及者爲其志乎战也衛人之急战若此则宜书卫及非褒贬之所系也是非则存乎其事矣败必称师而衛不称师何也齐甫至而遂战未得集众而成军耳

【附录左传】晋献公娶于贾无子烝于齐姜【齐姜武公妾】生秦穆夫人及太子申生又娶二女于戎大戎狐姬生重耳【大戎杜注唐叔子孙别在戎狄者当在今陝西延安府境】小戎子生夷吾【小戎杜注允姓之戎孔氏安国曰此卽瓜州之允姓戎也故瓜州在今陝西肃州西子女也】晋伐骊戎骊戎男女以骊姬【骊戎杜注在京兆新丰县今陝西临潼县东有骊戎城其君姬姓其爵男也纳女于人曰女】归生奚齐其娣生卓子骊姬嬖欲立其子赂外嬖梁五与东关嬖五【姓梁名五在闺闥之外者东关嬖五别在关塞者亦名五皆大夫爲献公所嬖幸视听外事】使言于公曰曲沃君之宗也【曲沃桓叔所封先君宗庙所在】蒲与二屈君之疆也【蒲杜注平阳蒲子县今山西隰州东北有蒲子故城二屈杜注平阳北屈县今山西吉州东北有北屈废县】不可以无主宗邑无主则民不威疆場无主则啓戎心戎之生心民慢其政国之患也若使太子主曲沃而重耳夷吾主蒲与屈则可以威民而惧戎且旌君伐【旌章也伐功也】使俱曰狄之广莫于晋爲都晋之啓土不亦宜乎【献公未决故复使二五俱説之广莫狄地之旷绝也卽谓蒲子北屈也言遣二公子出都之则晋方当大开

土界】晋侯說之夏使大子居曲沃重耳居蒲城夷吾居屈羣公子皆鄙【鄙边也】唯二姬之子在绛二五卒与骊姬譖羣公子而立奚齐【二五梁五东关五也】晋人谓之二五耦【二耜相耦广一尺共起一伐言二人垦伤晋室】

夏四月丁未邾子琐卒

秋荆伐郑公防齐人宋人救郑【宋人下公羊有邾娄人】

【左传】楚令尹子元欲蛊文夫人【子元文王弟文夫人文王夫人息嬀也蛊惑以淫事】爲馆于其宫侧而振万焉【振动也万舞也】夫人闻之泣曰先君以是舞也习戎备也今令尹不寻诸仇雠而于未亡人之侧不亦异乎【寻用也妇人既寡自称未亡人】御人以告子元【御人夫人之侍人】子元曰妇人不忘袞黻我反忘之秋子元以车六百乘伐郑入于桔柣之门【桔柣郑远郊之门也】子元鬪御疆鬪梧耿之不比爲旆【子元自与三子特建旆以居前緇广充幅长寻曰旆继旆曰旆】鬪班王孙游王孙喜殿【三子在后爲反御】众车入自纯门及逵市【纯门郑外郭门也逵市郭内道上市】县门不发楚言而出子元曰郑有人焉【县门施于内城门郑示楚以闲暇故不闭城门出兵而效楚言故子元畏之不敢进】诸侯救郑楚师夜遁郑人将奔桐丘【桐丘杜注许昌县东北有桐丘城今许昌故城在河南许州东北】谍告曰楚幕有乌乃止【谍间也幕帐也】

【谷梁传】荆者楚也其曰荆州举之也善救郑也

郑服于齐故楚来争郑此南北盛衰之大界也桓公救郑独与鲁宋偕以陈衛惧楚方自守而未暇及郑耳楚在春秋时最彊大首服陈蔡继争郑而耀武于王畿非齐桓有以遏之将爲周室忧故圣门羞称五霸而春秋不没桓文之功其道盖竝行而不相悖也

冬筑郿【郿公羊谷梁作微杜注鲁下邑京相璠曰寿张县西北有故微乡鲁邑也今山东东平州西有微乡城】

【左传】筑郿非都也凡邑有宗庙先君之主曰都无曰邑邑曰筑都曰城【周礼四县爲都四井爲邑然宗庙所在则虽邑曰都尊之也谷梁传】山林薮泽之利所以与民共也虞之非正也【虞典禽兽之官言筑邑置官司以虞之非正也】

凡土功大曰城小曰筑故馆则书筑台则书筑圉则书筑郿邑而书筑创作邑也冬虽工筑之时而下书大无麦禾则公轻用民力而时绌举羸具见矣

大无麦禾

【公羊传】冬既见无麦禾矣曷爲先言筑微而后书无麦禾讳以凶年造邑也

【谷梁传】大者有顾之辞也于无禾及无麦也【顾犹待也待无禾然后追录无麦故言大以明不收之甚也】

二谷不升谓之饥五谷不升爲大饥禾者谷之总名无麦禾则黍稷秫稻及二麦皆无矣曰大无者见举国皆无也王制 宰制国用必于岁之杪五谷备入然后制国用故无麦禾至冬然后书频年无水旱之变而一旦大无麦禾推驗事实由鲁不务蓄积日损月削以至于麦禾皆尽而后觉之非一岁之事也不书饥者大无麦禾而至于告余则饥不待言矣

臧孙辰告余于齐

【左传】冬饥臧孙辰告余于齐礼也【臧孙辰鲁大夫臧文仲】

【公羊传】告余者何请余也【买谷曰余】何以不称使以爲臧孙辰之私行也何爲以臧孙辰之私行君子之爲国也必有三年之委一年不熟告余讥也【古者三年耕必余一年之储九年耕必有三年之积虽遇凶灾民不饥乏庄公享国二十八年而无一年之畜危亡切近故讳使若国家不匮大夫自私行余也】

【谷梁传】国无三年之畜曰国非其国也一年不升【登也】告余诸侯告请也余余也不正故举臧孙辰以爲私行也国无九年之畜曰不足无六年之畜曰急无三年之畜曰国非其国也诸侯无粟诸侯相归粟正也臧孙辰告余于齐告然后与之言内之无外交也古者税什一丰年补败【败谓凶年】不外求而上下皆足也虽累凶年民弗病也一年不艾【艾获也】而百姓饥君子非之不言如爲内讳也

古者三年耕必有一年之食九年耕必有三年之食以三十年之通制国用虽有旱干水溢民无菜色今鲁一年不艾而百姓饥汲汲焉求救于邻国故不书如齐告余而曰告余于齐所以着情急于余以见鲁政之无经也而辰犹以急病让夷爲贤陋矣

二十有九年春新延廡

【左传】二十九年春新作延廡书不时也凡马日中而出日中而入【日中春秋分也治廡当以秋分因马向入而修之今以春作故曰不时公羊传】新延廡者何修旧也修旧不书此何以书讥何讥尔凶年不修

【谷梁传】延廡者法廡也【周礼天子十二闲马六种邦国六闲马四种每廡一闲言法廡者六闲之旧制也】其言新有故也【言改故而新之】有故则何爲书也古之君人者必时视民之所勤民勤于力则功筑罕民勤于财则贡赋少民勤于食则百事废矣【凶荒杀礼】冬筑微春新延廡以其用民力爲己悉矣【悉尽也】

凡兴筑言新者有故也有所增益曰作剡始曰筑闲牧之设以修马政久而新之常事也何以

书谷梁子曰古之人君必时视民之所勤民勤于力则功筑罕民勤于财则贡赋少民勤于食则百事废矣大无麦禾告余于齐以救朝夕之急而犹兴不急之役其用民力爲己悉矣故修旧不书而于此特书以示戒也或谓后世以兴功筑爲救荒之要政春秋乃用以爲讥何也后世力役佣于官故可因此以聚穷民古者力役征于民而于凶年举之则民不堪命矣延延绵也牧马欲其滋息故谓之延犹库藏欲其有余而谓之长府也

夏郑人侵许

【左传】夏郑人侵许凡师有钟鼓曰伐无曰侵轻曰袭【掩其不备】

许郑世讎也许自盟幽之后不与齐桓之防郑人侵之或亦齐之命与

秋有蜚

【左传】秋有蜚爲灾也凡物不爲灾不书

【公羊传】何以书记异也

【谷梁传】一有一亡曰有

有者昔之所无故书之以记异也刘向曰蜚色青南越盛暑男女同川淫气所生爲虫臭恶非中国所有或曰卽 蜚好以清旦食稻花或曰山海经以蜚爲兽若牛而白首一目虬尾未知孰是姑存之以备参考

冬十有二月纪叔姬卒

娣之卒不书叔姬执节守义妇德可仪故鲁人贤而录之孔子不削也

城诸及防【诸防杜注皆鲁邑诸在今山东诸城县县又有故防城】

【左传】冬十二月城诸及防书时也凡土功龙见而毕务戒事也【周十一月今九月龙星角亢晨见东方三务始毕戒民以土功事】火见而致用【大火心星十月之初心星次角亢之后而晨见东方致用谓致筑作之物也】水昏正而栽【北方之宿爲水星营室谓之定水昏正谓十月之中定星昏而正中栽树也谓树版干而兴作】日至而毕【日南至微阳始动故土功毕】

【谷梁传】可城也【凡城之志皆讥今云可者谓冬可用城不妨农役耳不谓作城无讥也】以大及小也【诸大防小】

凡土功得其时亦书重劳民也及者先后之辞

【附录左传】樊皮叛王【樊皮周大夫樊其采地皮名】

三十年春王正月

【附录左传】三十年春王命虢公讨樊皮夏四月丙辰虢公入樊执樊仲皮归于京师

夏师次于成【左氏无师字】

【谷梁传】次止也有畏也欲救鄆而不能也不言公耻不能救鄆也

谷梁以爲欲救鄆而不能然纪鲁姻亲纪之亡鲁次成而不敢救理或有之纪亡从矣鄆乃纪之附庸鲁明知力不能救何故出师虚爲德于鄆而闲齐好观前此之防城濮明年之献戎捷则次成之师乃欲防齐围鄆待命于成闻鄆已降而不复行耳

【附录左传】楚公子元归自伐郑而处王宫【欲遂蛊丈夫人】鬬射师諫【射师鬬廉也】则执而梏之【梏刑具在手曰梏】秋申公鬬班杀子元【申楚县楚僭号县尹皆称公鬬班若敖之孙】鬬谷于菟爲令尹【鬬谷于菟令尹子文也鬬伯比之子】自毁其家以纾楚国之难

秋七月齐人降鄆【鄆杜注纪附庸国东平无监县东北有鄆城今山东东平州东有鄆城集卽鄆故城也】

【公羊传】鄆者何纪之遗邑也降之者何取之也取之则曷爲不言取之爲桓公讳也外取邑不书此何以书尽也【言纪邑至此而尽】

【谷梁传】降犹下也鄆纪之遗邑也

不书鄆降于齐而曰齐人降鄆者小国 危不能自固齐以兵威胁使降附专罪齐也鄆乃纪之附庸纪犹折而入齐鄆岂能与齐抗乎是以于鄆无责焉齐桓假德礼以属大国诸侯而数并吞小国以自封殖故荀卿恶其以让饰争依乎仁而蹈利也

八月癸亥葬纪叔姬

【公羊传】外夫人不书葬此何以书隐之也何隐尔其国亡矣徒葬乎叔尔【谓国亡不得与夫合葬故言徒徒空也】

【谷梁传】不日卒而日葬闵纪之亡也

灭国之君不书葬况媵乎盖鲁君悯纪之亡高叔姬之义爲服姑姊妹之服而使人防其葬故旧史书之孔子存而不削以明彰万世之女教先儒所谓以贤得书者也

九月庚午朔日有食之鼓用牲于社

冬公及齐侯遇于鲁济【鲁济杜注盖鲁地济水歷齐鲁界在齐界爲齐济在鲁界爲鲁济】

【左传】冬遇于鲁济谋山戎也以其病燕故也【燕杜注蓟县今属顺天府】

【谷梁传】及者内爲志焉尔遇者志相得也

据左氏谋伐山戎也齐桓伐郕伐郑伐徐皆以宋主兵与公防城濮而后伐卫与公防鲁济而后伐戎不自恃其智力而集人之功以爲功此霸业之所以独盛与

齐人伐山戎

【公羊传】此齐侯也其称人何贬曷爲贬子司马子曰盖以操之爲己蹙矣此盖战也何以不言战春秋敌者言战桓公之与戎狄驱之尔

【谷梁传】齐人者齐侯也其曰人何也爱齐侯乎山戎也【不以齐侯敌乎山戎故称人】其爱之何也桓内无因国【因国因縁山戎左右之国爲内闲者】外无从诸侯而越千里之险北伐山戎危之也则非之乎善之也何善乎尔燕周之分子也【燕周太保召康公之后与周同姓分子谓周之别子孙也】贡职不至山戎爲之伐矣【言由山戎爲害伐击燕使之隔绝于周室】

齐人伐山戎谷梁以爲善公羊及胡氏以爲讥皆谓齐侯亲伐其实非也以僖十年书齐侯许男伐北戎观之则伐山戎齐侯不亲也果齐侯也则事同而称人称爵前后互异义安处与

三十有一年春筑台于郎

【公羊传】何以书讥何讥尔临民之所漱浣也【台近于泉即泉台也未成爲郎台既成爲泉台礼内则冠带垢请漱衣裳垢请澣澣即浣也】

左氏传曰公既视朔遂登观台以望而书云物爲备故也楚语曰台高不过望国氛大不过容宴豆瘠饶之地于是乎爲之鲁之先公候时占物之台必有定所不缘占候而去国筑台于遠是爲遊观之所厉民以自乐也一之爲甚而至于三环法乱纪亦甚矣

夏四月薛伯卒

隐十年薛来朝称侯今称伯时王所黜也诸传皆无文杜氏于滕纪降爵皆曰时王所黜独此无注故或以爲齐桓所黜非也非天子之命春秋当以王爵正之矣

筑台于薛【薛杜注鲁地今山东滕县东南有薛城】

【公羊传】何以书讥何讥尔远也

六月齐侯来献戎捷

【左传】三十一年夏六月齐侯来献戎捷非礼也凡诸侯有四夷之功则献于王王以警于夷中国则否诸侯不相遗俘

【公羊传】齐大国也曷爲来献戎捷威我也其威我奈何旗获而过我也【言悬所获于旗以过鲁】

【谷梁传】齐侯来献捷者内齐侯也不言使内与同不言使也【谓内齐侯若同一国故不称使】献戎捷军得曰捷戎菽也【菽今之胡豆也按管子云出戎菽冬葱布之天下则以戎爲豆也】

捷者战胜之所俘获也献者下奉上之辞也诸侯自相遗俘非礼矣二传据此谓齐侯亲伐山戎称人爲贬不知山戎在齐北鲁在齐南伐戎而归道不经鲁盖齐鲁邻封偶来防公因献戎捷与鲁济之防等耳伐戎则大夫帅师故称人献捷则齐侯亲之故书爵皆据其事之实耳献捷不足爲亲伐之征也

秋筑台于秦【秦杜注东平范县西北有秦亭在今山东范县南】

【公羊传】何以书讥何讥尔临国也【社稷宗庙朝廷皆爲国明皆不当临也谷梁传】不正罢民三时【不正犹不与也】虞山林藪泽之利且财尽则怨力尽则怗【怗恚恨也】君子危之故谨而志之也或曰倚诸桓也桓外无诸侯之变内无国事越千里之险北伐山戎爲燕辟地鲁外无诸侯之变内无国事一年罢民三时虞山林藪泽之利恶内也

冬不雨

【公羊传】何以书记异也

冬不雨不害禾稼而亦书者见圣人變理阴阳对时育物以顺天心之切也僖文之不雨或歷三时或歷四时此年止一时不雨耳二百四十年间一时不雨者岂止一年而此特书以庄公灾歉之后亟兴土功昧于敬天勤民之义也

三十有二年春城小谷【小谷范氏甯曰鲁地泰山孙氏曰曲阜西北有小谷城左传】三十二年春城小谷爲管仲也【杜注小谷齐邑济北谷城县城中有管仲井大都以名通者则不系国公感齐桓之德故爲管仲城私邑】

小谷鲁邑也左氏谓爲管仲城杜预以楚丘下阳不系国例之說亦可通但经所书夫人防谷公以楚师伐齐取谷晋士匄侵齐至谷传所称寘桓公子雍于谷使申叔去谷齐师违谷七里未有言小谷者则此爲鲁邑明矣

夏宋公齐侯遇于梁丘【梁丘杜注高平昌邑县西南今山东城武县东北有梁丘山山南有梁丘城】

【左传】齐侯爲楚伐郑之故请防于诸侯【楚伐郑在二十八年谋爲郑报楚】宋公请先见于齐侯夏遇于梁丘

【谷梁传】遇者志相得也梁丘在曹邾之闲去齐八百里非不能从诸侯而往也辞所遇遇所不遇大齐桓也【辞所遇谓八百里闲诸侯必有愿从者而不与之遇遇所不遇谓远遇宋公也】

齐桓公时诸侯彊大者莫如晋宋望国莫如鲁晋拥河山之固不与诸侯防盟非齐所能致也故于鲁宋未服慑之以威既合怀之以德下之以礼遇济则远至鲁境献捷则亲至鲁庭既爲宋出师而再推以主兵复远遇于宋地而推以主防所以服鲁宋之心使爲诸侯倡而成其霸事也

【附录左传】秋七月有神降于莘【有声以接人莘杜注虢地】惠王问诸内史过曰【内史过周大夫】是何故也对曰国之将兴明神降之监其德也将亡神又降之观其恶也故有得神以兴亦有以亡虞夏商周皆有之王曰若之何对曰以其物享焉其至之日亦其物也【其至之日谓此神初降之日若以甲乙之日至则祭先脾玉用苍服上青也以此类祭之】王从之内史过往闻虢请命【闻请于神求赐虢土田之命】反曰虢必亡矣虐而听于神神居莘六月虢公使祝应宗区史囂享焉【祝大祝宗宗人史大史应区囂皆名】神赐之土田史囂曰虢其亡乎吾闻之国将兴听于民将亡听于神神聪明正直而壹者也依人而行【唯德是与】虢多凉德其何土之能得【爲僖二年晋灭下阳传】

秋七月癸巳公子牙卒

【左传】初公筑台临党氏【党氏鲁大夫筑台不书不告庙】见孟任【孟任党氏女】从之閼【閼不从公】而以夫人言许之【许以爲夫人】割臂盟公生子般焉雩讲于梁氏【讲肄也梁氏鲁大夫】女公子观之【女公子般妹】圉人荝自墙外与之戏【圉人掌养马者名荝】子般怒使鞭之公曰不如杀之是不可鞭荝有力焉能投盖于稷门【盖覆也稷门鲁南城走而自投接其屋之桷反覆门上】公疾问后于叔牙【牙庆父同母弟僖叔】对

曰庆父材【盖欲进其同母兄】问于季友对曰臣以死奉般公曰乡者牙曰庆父材成季使以君命命僖叔待于鍼巫氏【成季季友也僖叔牙之謚鍼巫氏鲁大夫】使鍼季酖之【酖鸟名其羽有毒以画酒饮之则死】曰饮此则有后于鲁国不然死且无后饮之归及逵泉而卒【逵泉杜注鲁地今山东曲阜县南逵泉是也】立叔孙氏【不以罪诛故得立后世其禄】

【公羊传】何以不称弟杀也杀则曷爲不言刺爲季子讳杀也曷爲爲季子讳杀季子之遏恶也不以爲国狱【言不显爲 戮】缘季子之心而爲之讳季子之遏恶奈何庄公病将死以病召季子【召之于陈】季子至而授之以国政曰寡人即不起此病吾将焉致乎鲁国【致与也】季子曰般也存君何忧焉公曰庸得若是乎牙谓我曰鲁一生一及君已知之矣【子继父曰生弟继兄曰及】庆父也存【此庄公之辞也谓牙欲立庆父】季子曰夫何敢是将爲乱乎夫何敢俄而牙弑械成【时牙实欲弑君兵械已成但事未行耳】季子和药而饮之曰公子从吾言而饮此则必可以无爲天下戮笑必有后乎鲁国不从吾言而不饮此则必爲天下戮笑必无后乎鲁国于是从其言而饮之饮之无僂氏【无僂氏盖大夫家或云地名】至乎王堤而死【王堤地名】公子牙今将尔【今将言欲弑】辞曷爲与亲弑者同【亲躬亲也】君亲无将将而诛焉然则善之与曰然杀世子母弟直称君者甚之也季子杀母兄何善尔诛不得辟兄君臣之义也然则曷爲不直诛而酖之行诛乎兄隐而逃之使托若以疾死然亲亲之道也

左氏公羊皆谓牙之死季友实诛之陆淳谓季子恩义俱立变而得中夫子书其自卒以示无讥先儒皆据此爲义按经所书前此则公子友如陈葬原仲后此则季子来归似庄闵终始之际季友实不在鲁姑发其疑以俟后之治经者不敢彊爲之說

八月癸亥公薨于路寝

【左传】八月癸亥公薨于路寝子般即位次于党氏【即防位次舍也】

【公羊传】路寝者何正寝也【公之正居也天子诸侯皆有三寝一曰高寝二曰路寝三曰小寝】

【谷梁传】路寝正寝也寝疾居正寝正也男子不绝于妇人之手以齐终也【齐洁也】

先王制礼疾必正寝欲使公卿得受顾命所以远女子小人而杜奸邪之隙虑至深远也鲁庄公在位日久薨又得其正何以甫歿而祸乱相寻若是盖其失在忘父仇徇母命闺闈不饬兵柄下移得免其身幸矣

冬十月己未子般卒【己未公羊谷梁作乙未】

【左传】冬十月己未共仲使圉人荅贼子般于党氏【共仲庆父】成季奔陈立闵公【闵

公庄公庶子哀姜之娣叔姜所生年甫八歲】

【公羊传】子卒云子卒【文十八年冬十月子卒传云子卒者孰谓谓子赤是也】此其称子般卒何君存称世子君薨称子某既葬称子逾年称公子般卒何以不书葬未逾年之君也有子则庙庙则书葬无子不庙不庙则不书葬

【谷梁传】子卒日正也【襄三十一年秋九月癸巳子野卒是也】不日故也【文十八年冬十月子赤卒是也】有所见则日【闵公不书即位是见继弑者也故庆父之弑子般可以日卒不待不日而后显】

未逾年日卒未成君也未葬名之既葬则不名或谓子般子赤被弑而书卒子野过毁亦书卒不覩传文何以知之然闵公不书即位则继故可知矣赤之卒下书夫人姜氏归于齐先君既歿嗣子暴卒而夫人大归则国有祸变可知与子野异矣

公子庆父如齐

【谷梁传】此奔也其曰如何也讳莫如深深则隐【深谓君弑贼奔隐痛之至】苟有所见莫如深也【闵公不书即位则子般被弑庆父出奔俱可见】子般之卒庆父弑也宜书出奔其曰如齐见庆父主兵日从专行自恣国人不能制也内大夫以君命适他国例书如子般既卒则非君命矣其如齐盖惧讨而饰辞以自解也齐桓主霸与庄公数爲防好齐鲁壤接庆父爲贼岂得无闻乃不能执而诛之纵使复归以成再弑有愧于方伯连帅之职矣

狄伐邢

狄始见于春秋而伐邢入衛两年之间涂炭二国故齐桓勦霸之功不可没也

日讲春秋解义卷十三

卷十四

钦定四库全书

日讲春秋解义卷十四

闵公【公名啓方庄公之子史记云名开諡法在国逢难曰闵】

周【惠王十六年】

郑【文公十二年】

齐【桓公二十五年○管仲爲政】

宋【桓公二十一年】

晋【献公十六年是年晋作三军】

卫【懿公八年鲁闵二年狄灭卫宋桓公立卫戴公以庐于曹戴公名申立其年卒而立文公】
蔡【穆公十四年】

曹【昭公元年】

滕【详见隱公元年】

陈【宣公三十二年】

杞【详见隱公元年及僖公元年】

薛【鲁庄公三十一年薛伯卒】

莒【详见隱公元年】

邾【文公五年】

许【穆公三十七年】

小邾【见庄公元年】

楚【成王十一年○令尹子文为政】

秦【详见隱公元年】

吴【详见隱公元年】

越【详见隱公元年】

钦定四库全书

日讲春秋解义卷十四

闵公【名啓方史记云名开庄公之子以惠王十六年即位諡法在国逢难曰闵】

元年春王正月

【左传】元年春不书即位乱故也

【公羊传】公何以不言即位继弑君不言即位孰继继子般也孰弑子般庆父也杀公子牙今将尔季子不免庆父弑君何以不诛将而不免遏恶也既而不可及因狱有所归不探其情而诛焉【谓弑君之贼已有邓扈乐遂不及探刺隱情竝诛庆父】亲亲之道也恶乎归狱归狱仆人邓扈乐曷为归狱仆人邓扈乐庄公存之时乐曾淫于宫中子般执而鞭之庄公死庆父谓乐曰般之辱尔国人莫不知盍弑之矣使弑子般然后诛邓扈乐而归狱焉季子至而不变更也

【谷梁传】继弑君不言即位正也亲之非父也【子般闵公兄也】尊之非君也【般未逾年也】继之如君父也者受国焉尔不书即位未行即位之礼也闵公甚幼岂能哀子般之弑而不行即位之礼必在国诸臣尚知大义亦幸庆父在齐犹能守礼而勿失耳记称鲁庄公之丧既葬而经不入库门士大夫既卒哭麻不入盖庆父归自齐则犯义悖礼专行无忌莫可如何矣

齐人救邢

【左传】狄人伐邢管敬仲言于齐侯曰【敬仲管夷吾】戎狄豺狼不可厌也诸夏亲昵不可弃也【昵近也】宴安酖毒不可懷也【以宴安比之酖毒】诗云岂不懷归畏此简书【引诗小雅断章取义言诸侯有事则书之于简遣使执以告命告则须敕故畏而不归也】简书同恶相恤之谓也【同恤所恶】请救邢以从简书齐人救邢

【谷梁传】善救邢也

凡书救者未有不善之也救在王室则罪诸侯救在吴楚则罪霸国救在远国则罪四邻救而不救者则书所次以着其慢救而不敢救者则书所至以着其怯兵者圣人所甚重至于救兵则书法如此盖周官大司马职大合军以救无辜伐有罪乃先王制军诘禁之本义也邠以冬被兵桓公以春救或谓罪其缓过矣其称人将卑师少也

夏六月辛酉葬我君庄公

【左传】夏六月葬庄公乱故是以缓【十一月乃葬】

【谷梁传】庄公葬而后举谥所以成德也于卒事乎加之矣

鲁君之葬皆不逾五月之期惟桓公戕于齐故九月乃葬昭公客死干侯故八月乃葬庄公之薨至是十有一月而始克葬盖以国乱子弑嗣君幼弱故也或乃谓子般非弑误矣

秋八月公及齐侯盟于落姑季子来归【落公羊谷梁作洛落姑杜注齐地在今山东东平州平阴县界】

【左传】秋八月公及齐侯盟于落姑请复季友也【闵公初立国家多难以季子忠贤故请霸主而复之】齐侯许之使召诸陈公次于郎以待之季子来归嘉之也

【公羊传】其称季子何贤也其言来归何喜之也【来归则国安故喜之】

【谷梁传】盟纳季子也

其曰季子贵之也【大夫称名氏今日子是贵之也】其曰来归喜之也

此旧史缘鲁人之情贤季友而喜其归故称季子孔子因而不改以季友亦实有功于国耳落姑之盟传称请复季友闵公甚幼必鲁之世臣尚有忠于谋国者阴告于齐请复季友故桓公以霸令召闵公至齐地而与之盟使复季友而公次于郎以待之命出于齐桓则庆父不敢违而友得安然而返国矣或曰齐方厚陈而友托焉陈鲁旧好故陈人为请于齐亦可通

冬齐仲孙来

【左传】冬齐仲孙湫来省难【湫仲孙名】书曰仲孙亦嘉之也仲孙归曰不去庆父鲁难未已【时庆父亦还鲁】公曰若之何而去之对曰难不已自毙君其待之公曰鲁可取乎对曰不可犹秉周礼周礼所以本也臣闻之国亡本必先颠而后枝叶从之鲁不弃周礼未可动也君其务宁鲁难而亲之亲有礼因重固【能重能固则当就成之】闲防【离而相疑者则当因而闲之】覆昏乱霸王之器也【霸王所用故以器为喻】

【公羊传】齐仲孙者何公子庆父也公子庆父则曷为谓之齐仲孙系之齐也曷为系之齐

外之也曷为外之春秋为尊者讳为亲者讳为贤者讳子女子曰以春秋为春秋齐无仲孙其诸吾仲孙与

【谷梁传】其曰齐仲孙外之也其不目而曰仲孙疏之也其言齐以累桓也

仲孙之来齐侯使之也不称使而曰来者非聘非盟名曰省难而实有窥伺之心则桓公之使臣不以礼而仲孙之奉命亦非义矣其不书名而曰仲孙亦因旧史之文也盖仲孙归有鲁秉周礼君其务宁鲁难之言而高子卒来盟以定鲁鲁人懷其德高其义故与高子同不书名仲尼修经因之以着情实若以为春秋特文则季子高子之不书名为贤而仲孙之不书名为讥义无处矣

【附录左传】晋侯作二军【初曲沃武公灭翼王命以一军为晋侯见庄十六年】公将上军大子申生将下军赵夙御戎毕万为右【为公御右也夙赵衰兄毕万魏犇祖父】以灭耿灭霍灭魏【耿杜注平阳皮氏县东南有耿乡今山西河津县东南有古耿城一名耿乡城霍杜注永安县东北有霍大山今山西霍州西有霍城古霍国也三国皆姬姓】还为大子城曲沃赐赵夙耿赐毕万魏以为大夫士蔿曰大子不得立矣分之都城而位以卿先为之极又焉得立【位以卿谓下军】不如逃之无使罪至为吴大伯不亦可乎【大伯周大王之适子知其父欲立季歷故让位而适吴】犹有令名与其及也【言虽去犹有令名胜于防而及祸】且谚曰心苟无瑕何恤乎无家天若祚大子其无晋乎【为晋杀申生传】卜偃曰毕万之后必大【卜偃晋掌卜大夫】万盈数也魏大名也以是始赏天啓之矣天子曰兆民诸侯曰万民今名之大以从盈数其必有众【以魏从万有众象】初毕万筮仕于晋遇屯【震下坎上屯】之比【坤下坎上比屯初九变而为比】辛廖占之【辛廖晋大夫】曰吉屯固比入【屯险难所以为坚固比亲密所以得入】吉孰大焉其必蕃昌震为土【震变为坤】车从马【震为车坤为马】足居之【震为足】兄长之【震为长男】母覆之【坤为母】众归之【坤为众】六体不易【初一爻变有此六义不可易也】合而能固安而能杀公侯之卦也【比合屯固坤安震杀故曰公侯之卦】公侯之子孙必复其始【万毕公之后传为魏之子孙众多张本】

二年春王正月齐人迁阳【阳杜注国名今山东沂水县南有阳都城即阳国也】阳小国齐迁其民于国中以为附庸而并其地盖以戍遂而歼焉为戒也桓公逞其谋力并吞小国而不度于义理如此

【附录左传】二年春虢公败犬戎于渭南【大戎西戎别在中国者渭水出陇西东入河水之隈曲曰汭】舟之侨曰【舟之侨虢大夫】无德而禄殃也殃至矣遂奔晋

夏五月乙酉吉禘于庄公

【左传】夏吉禘于庄公速也【三年丧毕致新死者之主于庙庙之逮主当迁入祧因是大祭以审昭穆谓之禘盖吉祭也庄公丧制未阕时别立庙成因而吉祭故讥其速】

【公羊传】其言吉何言吉者未可以吉也曷为未可以吉未三年也三年矣曷为谓之未三年【据庄公三十二年八月薨今闵公二年五月已入三年之竟】三年之丧实以二十五月【庄公薨至是适二十二月所以必二十五月者取一期再期恩倍渐三年也】其言于庄公何未可以称宫庙也【时闵公以庄公丧在三年中未可入大庙禘之于新宫故不称宫庙】曷为未可以称宫庙在三年之中矣吉禘于庄公何以书讥何讥尔讥始不三年也

【谷梁传】吉禘者不吉者也【庄公薨至此方二十二月丧未毕不可为吉】丧事未毕而举吉祭故非之也

礼不王不禘王者禘其祖之所自出而以其祖配之鲁侯国而僭天子之祭虽用于周公之庙亦为非礼况羣公乎据经所书有事于宫庙无言某公者此独书庄公盖方祀于寝非宫庙也丧未三年而行吉祭一举而犯大不义者二焉春秋之所谨也时祭有禘之名乃汉儒约春秋所书以为之說而误焉耳赵氏伯循辨之详矣

秋八月辛丑公薨

【左传】初公傅夺卜齮田公不禁【卜齮鲁大夫公即位年八歲知爱其傅而遂成其意以夺齮田齮忿其傅并及公故庆父因之】秋八月辛丑共仲使卜齮贼公于武闾【共仲即庆父宫中小门谓之闾】

【公羊传】公薨何以不地隐之也何隐尔弑也孰弑之庆父也杀公子牙今尔季子不免庆父弑二君何以不诛将而不免遏恶也既而不可及缓追逸贼亲亲之道也

【谷梁传】不地故也其不书葬不以讨母葬子也【凡君弑贼讨则书葬哀姜与弑被讨而不书葬者不以讨母葬子】

公薨不地弑也不书葬贼未讨也庆父既縊何以谓贼未讨諡为共仲而立其子为卿讨贼之法寧有是耶故不书葬以罪鲁臣子之昧于大义也

九月夫人姜氏孙于邾

【谷梁传】孙之为言犹孙也讳奔也

夫人称孙与闻乎故也不去姓氏罪降于文姜也齐女而奔于邾盖身负大恶畏齐桓之讨也鲁桓见戕于齐经虽不书而庄公不书即位夫人孙于齐则君非正终而夫人与闻乎故可知矣闵公薨而不地夫人孙于邾庆父出奔莒则贼由庆父而夫人与闻乎故可知矣春秋之书微而显此非其较著者与

公子庆父出奔莒

【左传】成季以僖公适邾【僖公闵公庶兄成风之子】共仲奔莒乃入立之以赂求共仲于莒莒人归之及密使公子鱼请【密杜注鲁地公子鱼奚斯也】不许哭而往共仲曰奚斯之声也乃缢闵公哀姜之娣叔姜之子也故齐人立之共仲通于哀姜哀姜欲立之闵公之死也哀姜与知之故孙于邾齐人取而杀之于夷以其尸归【为僖元年齐人杀哀姜 夷杜注鲁地】僖公请而葬之

【谷梁传】其曰出絕之也庆父不复见矣

书公子庆父出奔莒讥失贼也其缢不书何也不可以讨贼之辞书又不可以自缢书故第书其奔以罪季友之失刑莒人之党恶耳先儒多以庆父之死比于宋万非也宋犹醢万鲁于庆父乃加恩礼焉季友忘君父之讎而市小惠其罪大矣

【附录左传】成季之将生也桓公使卜楚丘之父卜之【卜楚丘鲁掌卜大夫】曰男也其名曰友在公之右【在右言用事】闲于两社为公室辅【两社周社亳社两社之闲朝廷执政所在】季氏亡则鲁不昌【言季氏之后当与鲁国相存亡】又筮之遇大有【干下离上大有】之干【干下干上干大有六五变为干】曰同复于父【筮者之辞也干为君父离变为干故曰同复于父】敬如君所【言其贵与君同】及生有文在其手曰友遂以命之【遂以为名】

冬齐高子来盟

【公羊传】高子者何齐大夫也【谓高傒】何以不称使我无君也【时闵公弑僖公未立】然则何以不名喜之也何喜尔正我也其正我奈何庄公死子般弑闵公弑比三君死旷年无君设以齐取鲁曾不兴师徒以言而已矣桓公使高子将南阳之甲【南阳何氏休曰齐下邑】立僖公而城鲁或曰自鹿门至于争门者是也或曰自争门至于吏门者是也【鹿门何氏休曰鲁南城东门争门吏门亦鲁城门名】鲁人至今以为美谈曰犹望高子也

【谷梁传】其曰来喜之也其曰高子贵之也盟立僖公也不言使何也不以齐侯使高子也

鲁人喜高傒之来故史不书名以贵之不称使者齐桓之使高子非有讨乱扶危一定不移之计而高子能审大义定鲁难以辅成君德保其令名故不称使以明权在高子而着其情实也高子仲孙皆不称名不言使而传以为有予夺之异者仲孙言来以见其徒来觐鲁而不能弭乱高子言来盟则扶危定倾之义着矣且仲孙来之后闵公再弑夫人孙庆父奔高子盟之后则僖公立哀姜诛比事以观而奉使之情可见矣经书来盟而不称使者三高子恤邻屈完服义独华孙为贬盖鲁宋无事华孙私来结盟则罪也春秋属辞之义以前后事迹考之则得其实矣

十有二月狄入卫

【左传】冬十二月狄人伐卫卫懿公好鹤鹤有乘轩者【轩大夫车】 战国人受甲者皆曰使鹤鹤实有禄位余焉能战公与石祁子玦与甯庄子矢使守【玦玉玦莊子甯速也】曰以此赞国择利而为之【赞助也玦示以当决断矢示以御难】与夫人绣衣曰听于二子【绣衣取其文章顺叙】渠孔御戎子伯为右黄夷前驱孔婴齐殿【言卫侯素失民心虽临事而戒犹无所及】及狄人战于荥泽【荥泽杜注此荥泽当在河北与郑之荥泽不同】卫师败绩遂灭卫卫侯不去其旗是以甚败【师之耳目在旗懿公既败而旗不去故君臣俱尽】狄人囚史华龙滑与礼孔以逐卫人二人曰我大史也实掌其祭不先国不可得也【狄人畏鬼故恐之言当先白神】乃先之至则告守曰不可待也【守石甯二大夫】夜与国人出狄入卫遂从之又败诸河【卫将东走渡河狄复逐而败之】初惠公之即位也少齐人使昭伯烝于宣姜【昭伯惠公庶兄宣公子顽也】不可强之生齐子戴公文公宋桓夫人许穆夫人文公为卫之多患也先适齐及败宋桓公逆诸河【迎卫败众】宵济卫之遗民男女七百有三十人益之以共滕之民为五千人【共及滕杜注卫别邑】立戴公以庐于曹【庐舍也曹杜注卫下邑孔疏云当在河东近楚丘戴公名申是年立即卒复立文公】许穆夫人赋载驰【载驰诗卫风许穆夫人痛卫之亡思归唁之不可故赋此】齐侯使公子无亏帅车三百乘甲士三千人以戍曹【无亏齐桓公子武孟也】归公乘马祭服五称牛羊豕鸡狗皆三百与门材【归遗也四马曰乘衣单复具曰称门材使先立门户】归夫人鱼轩重锦三十两【鱼轩夫人车以鱼皮为饰重锦锦之熟细者三十两三十疋也】或问孔子删诗如墙有茨鹵之奔奔桑中诸篇何以不删先儒杨时曰此着卫为狄所灭之由也故列于定之方中之前卫之淫恣丑恶乃祸乱所从始肇于晋而成于朔其礼先亡而国从之矣不书灭者狄虽入卫而未尝据有其地卫虽举国窜亡而宗社复立也

郑弃其师

【左传】郑人恶高克使帅师次于河上久而弗召【高克郑大夫文公恶之不能逐故使帅师而不召】师溃而归高克奔陈郑人为之赋清人【清人诗郑风刺文公退臣不以道危国亡师之卒也】

【公羊传】郑弃其师者何恶其将也郑伯恶高克使之将逐而不纳弃师之道也

【谷梁传】恶其长也【长谓高克也】兼不反其众则是弃其师也郑风清人序言高克之进不以礼文公退之不以义交责之也春秋书郑弃其师而克之奔陈不书何也诸侯专制国中生杀予夺惟义所在使高克罪不可追请于王而诛之可也职事不共黜而退之可也奸邪不测放而逐之可也乃托为御患使驻师境上日久众散惧罪而自奔郑伯之失政甚矣不书郑伯而以国称者当国大臣与其谋也

【附录左传】晋侯使大子申生伐东山皋落氏【皋落氏赤狄别种在晋之东】里克諫曰【里克晋大夫】大子奉冢祀社稷之粢盛以朝夕视君膳者也故曰冢子君行则守有守则从从曰抚军守曰监国古之制也夫帅师专行谋誓军旅【帅师者必专谋军事宣号令】君与国政之所图也【国政正卿】非大子之事也师在制命而已【命 军所制】稟命则不

威专命则不孝故君之嗣适不可以帅师君失其官帅师不威 焉用之【大子统师是失其官也专命不孝是为帅必不威也】且臣闻皋落氏 战君其舍之公曰寡人有子未知其谁立焉不对而退见大子大子曰吾其废乎对曰告之以临民【谓居曲沃】教之以军旅【谓下军】不共是惧何故废乎且子惧不孝无惧弗得立修己而不责人则免于难大子帅师公衣之偏衣【偏衣左右异色其半似公服】佩之金玦【玦如环而不连以金为之为偏衣之佩饰】狐突御戎先友为右【狐突伯行重耳外祖父也为申生御车申生以大子 上军】梁余子养御罕夷先丹木为右【罕夷晋下军卿也梁余子养为罕夷御】羊舌大夫为尉【羊舌大夫叔向祖父也尉军尉】先友曰衣身之偏【偏半也】握兵之要【谓佩金玦上军】在此行也子其勉之偏躬无慝【分身之半非恶意也】兵要远灾【威权在己可以远害】亲以无灾又何患焉狐突叹曰【叹先友之言为不知君心】时事之微也衣身之章也【章贵贱】佩衷之旗也【旗表也所以表明其中心】故敬其事则命以始【当命以四时之始】服其身则衣之纯【必以纯色为服】用其衷则佩之度【衷中也佩玉者士君子常度】今命以时卒閼其事也【冬十二月閼尽之时】衣之彪服远其躬也【彪杂色】佩以金玦弃其衷也服以远之时以閼之彪凉冬杀金寒玦离胡可恃也虽欲勉之狄可尽乎梁余子养曰帅师者受命于庙受脤于社【脤宜社之肉盛以脉器】有常服矣【军服韦弁】不获而彪命可知也死而不孝不如逃之罕夷曰彪奇无常【杂色奇怪非常之服】金玦不复虽复何为君有心矣先丹木曰是服也狂夫阻之【阻疑也言虽狂夫犹知有疑】曰尽敌而反【曰公辞】敌可尽乎虽尽敌犹有内讷不如违之【违去也】狐突欲行羊舌大夫曰不可违命不孝弃事不忠虽知其寒【寒薄也】恶不可取子其死之大子 战狐突谏曰不可昔辛伯谏周桓公云内宠竝后外宠二政嬖子配适大都耦国乱之卒也周公弗从故及于难今乱卒成矣【骊姬为内宠二五为外宠奚齐为嬖子曲沃为大都故曰乱卒成矣】立可必乎孝而安民子其图之【奉身为孝不战为安民】与其危身以速罪也成风闻成季之繇乃事之【成风庄公之妾僖公之母也繇卦兆之占辞】而属僖公焉故成季立之僖之元年齐桓公迁邢于夷仪二年封卫于楚丘邢迁如归卫国忘亡【忘其灭亡之困】卫文公大布之衣大帛之冠【卫文公名燬戴公之弟大布麤布大帛厚缁】务材训农通商惠工敬教劝学授方【方百事之宜】任能元年革车三十乘季年乃三百乘【卫文以此年冬立季年在僖二十五年盖招懷逃散故能致十倍之众】

卷十五

钦定四库全书

日讲春秋解义卷十五

僖公【公名申庄公之子闵公之兄谥法小心畏忌曰僖】

周【惠王十八年鲁僖公八年惠王崩子襄王立】

郑【文公十四年鲁僖公三十二年文公卒子穆公兰立】

齐【桓公二十七年鲁僖公十七年桓公卒寺人貂作乱立无亏僖十八年杀无亏孝公昭立僖二十七年孝公卒弟昭公潘立】

宋【桓公二十三年鲁僖公九年桓公卒子襄公兹父立僖十九年盟于曹南○宋襄公图霸僖二十一年为鹿上之盟以求诸侯扞楚僖二十二年及楚战败于 二十三年襄公卒子成公王臣立】

晋【献公十八年鲁僖公九年献公卒子奚齐立冬杀奚齐卓子立僖十年弑卓子惠公夷吾立僖二十三年惠公卒怀公圉立僖二十四年杀懷公文公重耳立僖二十八年败楚人于城濮合诸侯于践土文公主伯鲁僖公三十二年文公卒子襄公驩立僖三十三年败秦于殽襄公继伯是年败狄于箕】

卫【文公元年鲁僖公二十五年文公卒子成公立僖二十八年成公奔楚卫元咺奉叔武以受盟于践土卫成复归杀叔武晋人执卫侯元咺立公子瑕僖三十年杀瑕卫成公归卫】

蔡【穆侯十六年鲁僖公十四年穆公卒子庄公甲午立】

曹【昭公三年鲁僖公七年昭公卒子共公襄立僖二十八年晋文公执曹伯畀宋人是年曹伯归曹】

滕【详见隐公元年鲁僖公十九年宋执滕宣公】

陈【宣公三十四年鲁僖公十二年宣公卒子穆公款立僖二十八年穆公卒子共公朔立】

杞【杜氏年表武公十二年入春秋至僖公二十三年始载杞成公卒弟桓公姑容立而攷之史记自武公靖公共公德公至桓公姑容立共九十六年而无成公一代世本譙周索隐徐广

所说又云惠公生成公桓公各有互异又如春秋所书隐四年伐杞桓三年來朝三年防杞庄二十五年伯姬归杞传竝不载何公今但当以左传所载桓公及杜氏年表为正】

薛【鲁庄公三十一年载薛伯卒】

莒【详见隐公元年鲁僖公二十六年传见莒兹平公】

邾【文公七年】

许【穆公三十九年鲁僖公四年穆公卒于师僖公业立】

小邾【鲁庄公五年书邾黎來至鲁僖公七年始书小邾子始爵命也自邾黎來为小邾子天下无未命诸侯矣】

楚【成王十三年鲁僖公元年始书楚僖四年齐桓公服楚召陵僖二十二年楚敢宋于 皆子文为令尹时也僖二十三年子文使子玉爲令尹僖二十八年晋败楚于城濮】

秦【穆公元年鲁僖公十五年战韩始见经僖二十四年纳晋文公僖三十三年晋襄公败秦于殽遂成秦晋七十二年兵争之始】

吴【详见隐公元年】

越【详见隐公元年】

钦定四库全书

日讲春秋解义卷十五

僖公【名申庄公之子闵公庶兄以惠王十八年即位諡法小心畏忌曰僖】

元年春王正月

【左传】元年春不称即位公出故也【国乱身出复入故即位之礼有阙】公出复入不书讳之也讳国恶礼也

【公羊传】公何以不言即位继弑君子不言即位此非子也【僖公者闵公庶兄】其称子何臣子一例也【臣继君犹子继父谷梁传】继弑君不言即位正也

不书即位未行即位之礼也在礼诸侯臣诸父昆弟故闵僖之嗣位不以兄弟相及爲义而礼

如子之继父传称臣子一例明此义也

齐师宋师曹师次于聂北救邢【曹伯公羊谷梁俱作曾师按下城邢书曹师则此作伯左传文误也聂北杜注邢地今山东聊城县东北有聂城齐之西界近邢地也公羊传】救邢救不言次此其言次何不及事也不及事者何邢已亡矣孰亡之盖狄灭之 为不言狄灭之

爲桓公讳也曷爲爲桓公讳上无天子下无方伯天下诸侯有相灭亡者桓公不能救则桓公耻之曷为先言次而后言救君也【据叔孙豹次雍榆先言救今后言救者豹为臣当先通君命此诸侯故先言次】君则其称师何不与诸侯专封也曷爲不与实与而文不与文曷爲不与诸侯之义不得專封也诸侯之义不得专封则其曰实与之何上无天子下无方伯天下诸侯有相灭亡者力能救之则救之可也

【谷梁传】救不言次言次非救也非救而曰救何也遂齐侯之意也【録其本意】是齐侯与齐侯也何用见其是齐侯也曹无师曹师者曹伯也【小国卿将称人不得称师称师则是曹伯也】其不言曹伯何也以其不言齐侯不可言曹伯也其不言齐侯何也以其不足乎扬【救不及事不足称扬】不言齐侯也救急辞也次缓辞也邢之患狄亟矣桓公合三国之师兵力有余而宿师聂北坐视其敝故称师书次责其众可救而徒次以爲声援致邢之不保其国非拯急恤困之道也

夏六月邢迁于夷仪【夷仪公羊作陈仪后同杜注邢地今直隶邢台县西有夷仪城俗譌为随宜城是也】

【左传】诸侯救邢邢人溃出奔师【奔聂北之师】师遂逐狄人具邢器用而迁之师无私焉【皆撰具还之无所私取】夏邢迁于夷仪

【公羊传】迁者何其意也【意自欲迁】迁之者何非其意也【谷梁传】迁者犹得其国家以往者也其地邢复见也【非若宋人迁宿灭不复见】

齐师宋师曹师城邢

【左传】诸侯城之救患也凡侯伯救患分灾讨罪礼也【公羊传】此一事也曷为复言齐师宋师曹师不复言师则无以知其爲一事也

【谷梁传】是向之师也使之如改事然【是向聂北之师重言师者若不因前事更来城邢也】美齐侯之功也

诸侯救邢不亟邢遂奔溃书邢迁于夷仪而齐师缓不及事之罪着矣复序城邢之师者以齐桓志义终有救患之功也盖始缓於救邢圣人以功掩过卒能城邢亦不以过掩功此春秋定功过之权衡也不曰城夷仪者邢既迁则夷仪即邢国也

秋七月戊辰夫人姜氏薨于夷齐人以归

【公羊传】夷者何齐地也齐地则其言齐人以归何夫人薨于夷则齐人以归夫人薨于夷则齐人曷为以归桓公召而缢杀之

【谷梁传】夫人薨不地地故也不言以丧归非以丧归也加丧焉讳以夫人归也【先书薨则似夫人至夷而死然后齐人以其丧归讳言夫人为齐人所杀也】其以归薨之也

夫人薨不书地书薨于夷明不得其死也以归之义胡氏安国程氏迥皆谓齐以丧归鲁然以归之后越百七十日而丧始至无是理也经凡言以归者归其国如杞伯迎叔姬之丧以归是也凡言归者归於鲁如齐人归公孙敖之丧是也以此断之盖杀之于夷而以丧归齐然后鲁请而归于鲁耳不然何以言夫人氏之丧至自齐而不言至自夷与至自干侯同文乎书齐人以归所以着齐人杀之也不曰齐侯而曰齐人讨贼之词也

楚人伐郑【荆始书楚】

【左传】秋楚人伐郑郑即齐故也

荆自庄公之世败蔡伐郑皆举其号惟来聘改称人至是伐郑称楚人者盖时兵众地大駸駸乎将与齐晋争衡诸侯畏之故旧史皆称人而孔子不革俾论世者有考焉

八月公防齐侯宋公郑伯曹伯邾人于柎【柎公羊作扞杜注宋地陈县西北有柎城陈县今河南陈州州境有鞞城即柎城也】

【左传】盟于鞞谋救郑也

九月公败邾师于偃【偃公羊作纓杜注邾地当在今山东费县南】

【左传】九月公败邾师于偃虚丘之戍将归者也【虚丘杜注邾地当在今山东费县界鲁有乱邾使戍虚丘公恶邾受姜氏故要其归师败之】

【谷梁传】不曰疑战也疑战而曰败胜内也【明鲁之胜】

楚人伐郑齐桓召诸侯谋之将以救郑此义举也公与邾人同会未两月遽以诈败邾师於此见僖公无安攘之诚矣邾受姜氏公不请於防而讨之乃既防而掩其归师非礼也诈战曰败败之者为主

冬十月壬午公子友帅师败莒师于郚获莒挐【郚公羊作犁谷梁作丽杜注鲁地】

【左传】冬莒人来求赂【求还庆父之赂】公子友败诸郕获莒子之弟挈非卿也嘉获之也公赐季友汶阳之田及费【汶阳田杜注汶水北地定千年齐人归郕讙 陰田三邑皆汶阳也今山东宁阳县境】

【公羊传】莒挈者何莒大夫也莒无大夫此何以书大季子之获也何大乎季子之获季子治内难以正【谓拒庆父】御外难以正其御外难以正奈何公子庆父弑闵公走而之莒莒人逐之将由乎齐齐人不纳却反舍於汶水之上使公子奚斯入请季子曰公子不可以入入则杀矣奚斯不忍反命于庆父自南浹北面而哭【浹水涯时庆父在汶水之北】庆父闻之曰嘻【嘻发痛声】此奚斯之声也诺已【诺已皆自毕语】曰吾不得入矣于是抗辘经而次【辘小车辕】莒人闻之曰吾已得子之贼矣以求赂乎鲁鲁人不与为是兴师而伐鲁季子待之以偏战

【谷梁传】莒无大夫其曰莒挈何也以吾获之目之也内不言获此其言获何也恶公子之给【给欺也】给者奈何公子友谓莒挈曰吾二人不相说士卒何罪屏左右而相搏【搏手搏也】公子友处下左右曰孟劳孟劳者鲁之寶刀也公子友以杀之然则何以恶乎给也曰弃师之道也【舍三军之整佻身独鬪非慎战之道】

莒人受贼责赂而以季友主此战书败获何也莒固有罪鲁若责以大义使自知不直而还师则善矣至于兵刃既接又以诈谋擒其主将岂以礼止乱之道哉王者之师不贵幸而胜不贵幸而获此春秋之志也小国之大夫不名以获于我故名之

十有二月丁巳夫人氏之丧至自齐

【左传】夫人氏之丧至自齐君子以齐人之杀哀姜也为己甚矣女子从人者也【女子有三从之义在夫家有罪非父母家所宜讨也公羊传】夫人何以不称姜氏贬曷为贬与弑公也然则曷为不於弑焉贬贬必於重者莫重乎其以丧至也【谷梁传】其不言姜以其杀二子贬之也或曰为齐桓讳杀同姓也

夫人为淫乱与弑二君齐桓既正其罪鲁人亦当以大义绝之乃复请其丧而齐亦听之书曰至自齐交讥之也孙邾薨夷皆书夫人姜氏而防至则削其姓何也正其罪於臣子迎集之时示不宜以夫人之礼治其丧也使齐桓当日能拒鲁之请即其死所而葬之则义得矣

二年春王正月城楚丘【楚丘杜注卫邑朱子诗经集注楚丘在滑州今直隶滑县东隋卫南废县即古楚丘城也案此楚丘之在北者与戎伐凡伯之地不同】

【左传】二年春诸侯城楚丘而封卫焉【建国谓之封卫旧国以君死国灭故言封】不书所防后也【因鲁后至不及防期故独言城】

【公羊传】孰城城衛也曷为不言城卫灭也孰灭之盖狄灭之曷为不言狄灭之为桓公讳

也曷爲爲桓公讳上无天子下无方伯天下诸侯有相灭亡者桓公不能救则桓公耻之也然则孰城之桓公城之曷爲不言桓公城之不与诸侯专封也曷爲不与实与而文不与文曷爲不与诸侯之义不得专封诸侯之义不得专封则其曰实与之何上无天子下无方伯天下诸侯有相灭亡者力能救之则救之可也

【谷梁传】楚丘者何卫邑也国而曰城此邑也其曰城何也封卫也则其不言城衛何也卫未迁也其不言卫之迁焉何也不与齐侯专封也其言城之者专辞也故非天子不得专封诸侯诸侯不得专封诸侯虽通其仁以义而不与也故曰仁不胜道【仁谓存亡国道谓上下之礼】齐桓合诸侯以城楚丘而封卫功莫大焉春秋略而不序何也封国天子之大权非诸侯所得擅也然则城邢何以序三国之师邢国未灭自迁而后城之无专封之嫌卫灭复封此非有天子之命不可书法所以异也或谓不举诸侯者齐桓以伯命令诸侯各自受功鲁奉齐命从本国往非与诸侯同行故不得书诸侯义亦可通

夏五月辛巳葬我小君哀姜

【公羊传】哀姜者何庄公之夫人也

书夫人姜氏孙于邾夫人姜氏薨于夷夫人氏之丧至自齐其诛絶之义明矣及其终书曰葬书小君书谥更无所贬者此亦春秋端本澄源治於未乱之意也文姜亦然始而不谨终欲正之可乎

虞师晋师灭下阳【公羊谷梁作夏阳晋始见经下阳杜注虢邑在河东大阳县今大阳废县在山西平陆县东北又三十里为故下阳城】

【左传】晋荀息请以屈产之乘与垂棘之璧假道于虞以伐虢【荀息晋大夫屈杜注地生良马何休谓屈产为地名今山西石楼县东南有屈产泉垂棘地名出美玉自晋适虢途出于虞故假道】公曰是吾宝也对曰若得道于虞犹外府也公曰宫之奇存焉【宫之奇虞臣】对曰宫之奇之爲人也儒而不能强谏且少长于君君昵之虽谏将不听【亲而狎之必轻其言】乃使荀息假道于虞曰冀爲不道入自颠軫伐郛三门【冀杜注国名平阳皮氏县东北有冀亭在今山西河津县东北颠軫杜注河东大阳县东北有颠軫坂在今山西平陆县东北郛杜注虞邑今山西平陆县东北有故郛城先是冀尝伐虞至郛也】冀之既病则亦唯君故【言虞报伐冀使病将欲□道故称虞强以说其心】今虢爲不道保于逆旅以侵敝邑之南鄙【逆旅客舍也言虢遣人分依客舍掠晋邊邑】敢请假道以请罪于虢虞公许之且请先伐虢【喜于厚赂而欲求媚】宫之奇谏不聽遂起师夏晋里克荀息帅师防虞师伐虢灭下阳先书虞贿故也【晋主兵而先书虞恶贪贿也】

【公羊传】虞防国也曷爲序乎大国之上使虞首恶也曷爲使虞首恶虞受赂假灭国者道以取亡焉其受赂奈何献公朝诸大夫而问焉曰寡人夜者寝而不寐其意也何诸大夫有进对者曰寝不安与其诸侍御有不在侧者与献公不应荀息进曰虞郭见与【见谓见于心也】

荀息素知献公欲伐此二国故云尔】献公揖而进之遂与之入而谋曰吾欲攻郭则虞救之攻虞则郭救之如之何愿与子虑之荀息对曰君若用臣之谋则今日取郭而明日取虞尔君何忧焉献公曰然则奈何荀息曰请以屈产之乘与垂棘之白璧往必可得也则竇出之内藏藏之外府马出之内廐系之外廐尔君何丧焉献公曰诺虽然宫之奇存焉如之何荀息曰宫之奇知则知矣虽然虞公贪而好宝见宝必不从其言请终以往于是终以往虞公见宝许诺宫之奇果谏记曰唇亡则齿寒虞郭之相救非相爲赐则晋今日取郭而明日虞从而亡尔君请勿许也虞公不从其言终假之道以取郭还四年反取虞【还复往故言反】虞公抱宝牵马而至荀息见曰臣之谋何如献公曰子之谋则已行矣宝则吾宝也虽然吾马之齿亦已长矣盖戏之也夏阳者何郭之邑也曷为不系于郭国之也曷爲国之君存焉尔

【谷梁传】非国而曰灭重夏阳也虞无师其曰师何也以其先晋不可以不言师也其先晋何也爲主乎灭夏阳也夏阳者虞虢之塞邑也灭夏阳而虞虢举矣虞之爲主乎灭夏阳何也晋献公欲伐虢荀息曰君何不以屈产之乘垂棘之璧而借道乎虞也公曰此晋国之宝也如受吾币而不借吾道则如之何荀息曰此小国之所以事大国也【此谓璧马之属】彼不借吾道必不敢受吾币如受吾币而借吾道则是我取之中府而藏之外府取之中廐而置之外廐也公曰宫之奇存焉必不使受之也荀息曰宫之奇之为人也达心而懦又少长于君达心则其言略【明達之人则言必简要愚者不悟】懦则不能彊谏少长于君则君轻之且夫玩好在耳目之前而患在一国之后此中知以上乃能虑之臣料虞君中知以下也公遂借道而伐虢宫之奇谏曰晋国之使者其辞卑而币重必不便于虞虞公弗聽遂受其币而借之道宫之奇谏曰语曰唇亡则齿寒其斯之谓与挈其妻子以奔曹献公亡虢五年而后举虞荀息牵马操璧而前曰璧则犹是也而马齿加长矣

晋人为伐虢之谋主兵者晋也而先虞于晋以虞爲首恶也晋非假道于虞不能越境出师而虞公贪赂爲晋所愚忘唇齿之义戕兄弟之邦春秋盖深罪虞之灭虢并以自灭也故先书虞师以着其罪下阳者虞虢之塞邑也下阳既失则虢不能自保虢亡则虞不能独存一邑也而重若国然变文书灭以见虞虢之灭由于灭夏阳也

秋九月齐侯宋公江人黄人盟于贯【贯公羊作贯泽江杜注江国在汝南安阳县括地志云安阳故城在新息县西南新息今河南息县是也贯杜注宋地梁国蒙县西北有贯城贯与贯字相似今山东曹县西南防泽故城即古贯国也】

【左传】秋 于贯服江黄也【江黄楚与国始来服齐】

【公羊传】江人黄人者何遠国之辞也遠国至矣则中国曷爲独言齐宋王尔大国言齐宋远国言江黄则以其余爲莫敢不至也

【谷梁传】贯之 不期而至者江人黄人也江人黄人者远国之辞也中国称齐宋遠国称江黄以爲诸侯皆来至也

楚人伐郑 陵中原而江黄在楚东北境爲其 与国桓公谋楚不先服江黄则无以制其肘腋故因其遠来而与定 服楚之虑周矣惟宋与 不欲重烦诸侯也

【附链左传】齐寺人貂始漏师于多鱼【寺人内奄竖貂也多鱼杜注地名阙齐桓多嬖貂于此始擅贵宠漏 军事爲齐乱张本】 虢公败戎于桑田【桑田杜注虢地在 农陝县东北今河南灵宝县西稠桑驿即其地也】 晋卜偃曰虢必亡矣亡下阳不惧而又有功是天夺之鉴而益其疾也必易晋而不撫其民矣不可以五稔【稔熟也爲下五年晋灭虢张本】

冬十月不雨

【公羊传】何以书记异也

【谷梁传】不雨者勤雨也【欲得两之心勤也明君之恤民】

楚人侵郑

【左传】冬楚人伐郑鬬章囚郑聃伯【为后年楚伐郑郑伯欲成张本】 楚人兵势浸彊比年凌郑若非齐桓有召陵之举则执宋公盟诸侯不在僖十九年之后矣书人书侵恶楚也

三年春王正月不雨夏四月不雨

【公羊传】何以书记异也

【谷梁传】不雨者勤雨也一时言不雨者闵雨也闵雨者有志乎民者也

每时书不雨传以为闵雨者以文公之篇自十有二月不雨至秋七月而书自正月不雨至秋七月而书以累时而后书者为慢于民事而不以不雨为忧则知每时而一书者为勤于民事而以不雨为忧也不雨八越月而不书旱何也凡书旱者虽有时而雨犹以不足为旱若直书不雨则旱不必言矣

徐人取舒【徐杜注徐国在下邳僮县东南括地志徐城县西有大徐城即古徐国也今江南泗州北有古徐城相传爲徐偃王筑舒杜注舒国庐江舒县今江南庐江县西舒县古城是】

【公羊传】其言取之何易也【易者无守御之备】

舒者楚之与国鲁颂曰荆舒是惩则荆与舒比而爲列国患久矣徐人取舒爲齐桓挠楚也按徐偃始称王故春秋外之楚败徐徐伐莒是也惟取舒伐英氏得称人以附齐也舒本附庸之国旧服于楚徐人取以自属先儒以爲灭而书取误矣

六月雨

【左传】三年春不雨夏六月雨自十月不雨至于五月不曰旱不爲灾也

【公羊传】其言六月雨何上雨而不甚也

【谷梁传】雨云者喜雨也喜雨者有志乎民者也

周之六月夏正建巳之月也万物始盛得雨而大古者以是月雩则是月之雨尤爲可喜先书三时不雨盖未雨而闵忧民之忧此既雨而喜乐民之乐君国子民之道也何休谓僖公飭过求已循省百官放佞臣郭都等理冤狱四百余人精诚感天不雩而得澍雨盖天人相与之际其感通有不爽者矣

秋齐侯宋公江人黄人防于阳谷【阳谷杜注齐地在东平须昌县北今山东阳谷县东北有故城】

【左传】秋防于阳谷谋伐楚也【二年楚侵郑故】

【公羊传】此大防也曷爲末言尔【末者但言防不言盟】桓公曰无障谷【无障断川谷湍水利也水注川曰溪注溪曰谷】无贮粟【有无当相通】无易树子【树立也无易当立之子】无以妾爲妻【时桓公功德既盛诸侯咸从故不用盟但告誓而已谷梁传】阳谷之防桓公委端搢笏而朝诸侯【委委貌之冠也端端之服搢插也笏以记事者也】诸侯皆谕乎桓公之志

按左氏谋伐楚也自北杏之会至是二十余年诸侯从齐然必待江黄再防而谋始定何也荆楚盛彊凭恃险固虽合诸侯之师未易深入其阻而制其死命惟披其肘腋附从之国使之内附然后诸侯声罪致讨楚不能无内顾之忧所以陞亭之师甫至而遽受也桓公欲蓄诸侯之力故江黄二会皆就近而与宋公主之先儒乃谓大会而末言凿矣

冬公子友如齐涖盟【公子友谷梁作公子季友涖公羊谷梁作莅】

【左传】齐侯爲阳谷之防来寻冬公子友如齐涖【公羊传】莅者何往盟乎彼也其言来盟者何来盟于我也

【谷梁传】莅者位也【约誓素定今但往其位而盟】其不日前定也不言及者以国与之也不言其人亦以国与之也【谓举国爲主此内外通例故重见华孙来盟孙良父来盟及荀庚盟之下】

涖临也受命而往涖非大夫之专盟也阳谷之防鲁君未与故齐侯使人来寻盟而季友往涖

以听伐楚之期而受命焉经书泄 者四惟此盟佐齐谋楚有辅霸之善非他 比矣

楚人伐郑

【左传】楚人伐郑郑伯欲成孔叔不可【孔叔郑大夫】曰齐方勤我弃德不祥

楚自庄十六年以来五加兵于郑矣齐桓不救而孔叔犹有勤我之言盖知怪贯阳谷之防皆为伐楚救郑计也

【附录左传】齐侯与蔡姬乘舟于圉荡公【蔡姬齐侯夫人荡摇也】公惧变色禁之不可公怒归之未绝之也蔡人嫁之【为明年齐侵蔡】

四年春王正月公防齐侯宋公陈侯卫侯郑伯许男曹伯侵蔡蔡溃遂伐楚次于陉【陉杜注楚地颍川召陵县南有陉亭今属河南鄆城县】

【左传】四年春齐侯以诸侯之师侵蔡蔡溃遂伐楚楚子使与师言曰君处北海寡人处南海唯是风马牛不相及也【马牛风逸盖未界之防事以喻齐楚远不相干也】不虞君之涉吾地也何故管仲对曰昔召康公命我先君太公曰【召康公周太保召公奭太公吕望】五侯九伯女实征之以夹辅周室赐我先君履【履所践履之界】东至于海西至于河南至于穆陵北至于无棣【穆陵杜注齐地今山东临朐县东南有穆陵关在大岷山上无棣杜注齐地防琛齐地记无棣在渤海高城县今直隶盐山县即古无棣也县南有无棣沟】尔贡包茅不入王祭不共无以缩酒【包裹束也茅菁茅也束茅而灌之以酒为缩酒】寡人是徵昭王南征而不复【昭王成王之孙南巡守涉汉船坏而溺】寡人是问对曰贡之不入寡君之罪也敢不共给昭王之不复君其问诸水滨师进次于陉【楚不服罪故复进师】

【公羊传】溃者何下叛上也国曰溃邑曰叛 其言次於陉何有俟也孰俟俟屈完也

【谷梁传】溃之爲言上下不相得也侵浅事也侵蔡而蔡溃以桓公爲知所侵也不土其地不分其民明正也遂继事也次止也

前此数防皆谋伐楚而兵先加于蔡盖以楚 方张称兵远伐楚人夙备以逸待劳未可以得志蔡近于楚帅八国之师以震之其桡败可必也俟蔡既溃而后移师以向楚出其不意俾仓卒不暇为谋而又先之以文告整兵次陉示齐无必战之心

楚有可从之道是以不战而受盟也然陉亭之师实不足以慑楚故既盟之后灭 伐黄陵暴如故但不敢复逞志于陈郑耳

夏许男新臣卒

【谷梁传】诸侯死于国不地死于外地死于师何爲不地内桓师也【齐桓威德洽着诸侯安之虽卒于外与在国同】

诸侯卒于外在师则称师在防则称防而许男但书卒者此去师与防而复归其国之驗也盖召陵地在颍川故遇疾而归遂卒于其国耳传乃谓实卒于师而不书易事之实以爲褒贬春秋无是法也

楚屈完来盟于师盟于召陵【召陵杜注颍川县也今河南鄆城县东有召陵故城左传】夏楚子使屈完如师【屈完楚大夫如陞之师观强弱】师退次于召陵【完请盟故】齐侯陈诸侯之师与屈完乘而观之【乘共载】齐侯曰岂不谷是爲先君之好是继与不谷同好如何【不谷诸侯谦称】对曰君惠徼福於敝邑之社稷辱收寡君寡君之愿也齐侯曰以此众战谁能御之以此攻城何城不克对曰君若以德绥诸侯谁敢不服君若以力楚国方城以爲城汉水以爲池【方城杜注山在南阳叶县南言其险固以当城池】虽众无所用之屈完及诸侯盟

【公羊传】屈完者何楚大夫也何以不称使尊屈完也曷爲尊屈完以当桓公也其言盟于师盟于召陵何师在召陵也师在召陵则曷为再言盟喜服楚也何言乎喜服楚楚有王者则后服无王者则先叛夷狄也而亟病中国南夷与北狄交【南夷谓楚灭邓谷伐蔡郑北狄谓狄灭邢卫至于温】中国不絶若线桓公救中国而攘夷狄卒帖荆【帖服也】以此爲王者之事也其言来何与桓为主也前此者有事矣后此者有事矣则爲独于此焉与桓公爲主序绩也【序次也绩功也桓公之功绩莫大于服是】

【谷梁传】楚无大夫【无命卿也】其曰屈完何也以其来防桓成之爲大夫也其不言使权在屈完也则是正乎曰非正也【臣无自专之道】以其来防诸侯重之也来者何内桓师

也【来者内辞也内桓师故言来】于师前定也于召陵得志乎桓公也得志者不得志也【屈完来盟桓公退于召陵是屈完得其本志而桓公服楚之志犹未大遂】以桓公得志爲仅矣屈完曰大国之以兵向楚何也桓公曰昭王南征不反菁茅之贡不至故周室不祭屈完曰菁茅之贡不至则诺昭王南征不反我将问诸江

屈完书名氏盖齐桓心畏楚彊因完受有辞以退故假以为名也完不称使以楚使如师本以观齐之彊弱未尝有必之意而其权在完也盟于召陵者退师召陵而后与之盟欲以礼柔楚也或曰前书屈完来后书盟于召陵而不列序诸侯与楚大夫爲桓公讳也

齐人执陈轅涛涂【轅公羊谷梁作袁】

【左传】陈轅涛涂谓郑申侯曰【轅涛涂陈大夫申侯郑大夫】师出于陈郑之间国必甚病【当有供给之费故】若出于东方观兵于东夷循海而归其可也申侯曰善涛涂以告齐侯许之申侯见曰师老矣若出于东方而遇敌惧不可用也若出于陈郑之间共其资粮屏屨

【扉草屨】其可也齐侯说与之虎牢【虎牢郑邑】执轅涛涂

【公羊传】涛涂之罪何辟军之道也其辟军之道奈何涛涂谓桓公曰君既服南夷矣何不还师瀕海而东服东夷且归桓公曰诺于是还师瀕海而东大防于沛泽之中【草棘曰沛渐洳曰泽】顾而执涛涂执者 爲或称侯或称人称侯而执者伯讨也称人而执者非伯讨也此执有罪何以不得爲伯讨古者周公东征则西国怨西征则东国怨桓公假途于陈而伐楚则陈人不欲其反由己者师不正故也不修其师而执涛涂古人之讨则不然也

【谷梁传】齐人者齐侯也其人之何也于是哆然外齐侯也不正其逾国而执也

轅涛涂陈大夫恐齐师归取道于陈沮之使其东行致误军道固可罪矣然齐桓不能反求诸己思陈人所以厌苦之故增修其德而遽执涛涂以逞其忿不特桓德之衰而管仲之器小亦于是乎见矣

秋及江人黄人伐陈

【左传】秋伐陈讨不忠也

【谷梁传】不言其人及之者何内师也

齐人既执涛涂愤犹未平以江黄近陈故使鲁及二国伐之观此则伐楚之师江黄不防盖用之以爲犄角之 明矣或谓书及者防上齐人之文盖齐及之也然考经所书他国再有事必书遂此不言遂实鲁及之尔

八月公至自伐楚

【公羊传】楚已服矣何以致伐楚叛 也

【谷梁传】有二事偶则以后事致后事小则以先事致其以伐楚致大伐楚也

两事书至或原其志而至之或举其重而至之此侵蔡伐楚不致侵者以伐楚事重防勲于庙故因其实而志之也

葬许穆公【穆公羊作繆】

【左传】许穆公卒于师葬之以侯礼也凡诸侯薨于朝防加一等【诸侯命有三等公为上等侯伯爲中等子男为下等】死王事加二等于是有以袞敛【袞衣公服也谓加二等】

冬十有二月公孙兹帅师会齐人宋人卫人郑人许人曹人侵陈【兹公羊作慈后同霸国大

夫防诸侯大夫侵与国自此始】

【左传】冬叔孙戴伯帅师会诸侯之师侵陈陈成归辕涛涂【戴伯即公孙兹叔牙子戴谥也】

涛涂既执复帅江黄以伐之合七国之大夫以侵之修怨爲已甚矣伐楚之师陈实与焉其臣一谋之不协而陵暴之若此矜楚则责之略而待之恭矜陈则怒之深而报之过此仲尼之徒所以羞称五伯也

【附录左传】初晋献公欲以骊姬为夫人卜之不吉筮之吉公曰从筮卜人曰筮短 长【物生而后有象象而后有滋滋而后有数 象筮数故象长数短】不如从长且其繇曰专之渝攘公之瑜【繇卜兆辞渝变也攘除也瑜美也言变乃除公之美】一薰一莸十年尚犹有臭【薰香草莸臭草十年有臭言善易消恶难除】必不可弗听立之生奚齐其娣生卓子及将立奚齐既与中大夫成谋姬谓太子曰君梦齐姜必速祭之【齐姜太子母言求食】太子祭于曲沃归胙于公公田姬寘诸宫六日公至毒而献之【毒酒经宿辄败而经六日明公之惑】公祭之地地坟【坟起也】与犬犬毙与小臣小臣亦毙姬泣曰贼由太子太子奔新城【新城曲沃】公杀其傅杜原欸或谓太子子辞君必辩焉【以六日之状自理】太子曰君非姬氏居不安食不饱我辞姬必有罪君老矣吾又不乐曰子其行乎太子曰君实不察其罪被此名也以出人谁纳我十二月戊申缢于新城姬遂潛二公子曰皆知之重耳奔蒲夷吾奔屈

日讲春秋解义卷十五

卷十六

<经部,春秋类,日讲春秋解义

钦定四库全书

日讲春秋解义卷十六

僖公

五年春

【附录左传】五年春王正月辛亥朔日南至【周正月今十一月冬至之日日南极】公既视朔遂登观台以望而书礼也【视朔亲告朔也观台台上构屋可以遯观者也】凡分至啓闭必书云物【分春秋分也至冬夏至也啓立春立夏闭立秋立冬云物气色灾变也 重申周典不言公者日官掌其职】为备故也【素察妖祥逆为之备】

晋侯杀其世子申生

【左传】晋侯使以杀太子申生之故来告【释经必告乃书】初晋侯使士蒍为二公子筑蒲与屈不慎寘薪焉【不谨慎所为多寘薪于中】夷吾诉之公使让之士蒍稽首而对曰臣闻之无丧而感忧必讎焉【讎犹对也】无戎而城讎必保焉【保而守之】寇讎之保又何慎焉守官废命不敬固讎之保不忠失忠与敬何以事君诗云懷德惟宁宗子惟城【诗大雅懷德以】

【安则宗子之固若城】君其修德而固宗子何城如之三年将寻师焉焉用慎【寻用也】退而赋曰狐裘尫茸一国三公吾谁适从【士蒍自作诗也尫茸乱貌公与二公子为三言城不坚则为公子所诉为公所让坚之则为固讎不忠无以事君故不知所从】及难公使寺人披伐蒲重耳曰君父之命不校乃徇曰校者吾讎也逾垣而走披斩其祛【祛袂也】遂出奔翟

【公羊传】曷为直称晋侯以杀世子母弟直称君者甚之也

【谷梁传】目晋侯斥杀恶晋侯也【斥指斥】

申生自杀而斥言晋侯何也春秋之法有防而不见则其君之罪也故申生以骊姬之譖自杀宋痤以伊戾之譖自杀皆直称君杀端本清源以为后戒也僖十六年郑伯杀其世子华杀得其罪故不书

杞伯姬来朝其子

【公羊传】其言来朝其子何内辞也与其子俱来朝也【谷梁传】妇人既嫁不逾竟逾竟非正也诸侯相见曰朝伯姬为志乎朝其子也伯姬为志乎朝其子则是杞伯失夫之道矣诸侯相见曰朝以待人父之道待人之子非正也故曰杞伯姬来朝其子参讥也【参讥谓伯姬杞伯鲁侯也】

伯姬归杞十三年耳其子必防而以之来朝者盖是年杞惠公卒疑方有疾伯姬以子为鲁之甥故防之至鲁令摄父行朝礼以豫托于鲁也先王之制童子侯不朝况诸侯之子防而未誓于天子者乎伯姬失妇道杞伯失夫道鲁公失主道皆非也故谷梁子曰参讥也

夏公孙兹如牟

【左传】夏公孙兹如牟娶焉【因聘而娶故 实其事】

凡内朝聘皆曰如牟小国也桓十五年邾人牟人葛人来朝自是邦交之礼无闻焉 言兹因聘而娶经不书常事故也先儒谓罪其托君命以遂其私非也韩侯因覲而娶事列大雅则无悖于礼可知矣果罪之也则当明着其事今见于经者乃内大夫出聘之常词而不书其娶何由知其托君命以遂私哉

公及齐侯宋公陈侯卫侯郑伯许男曹伯防王世子于首止【首止公羊谷梁俱作首戴后同杜注卫地陈留襄邑县东南有首乡】

【左传】防于首止防王太子郑谋宁周也【惠王以惠后故将废太子郑而立王子带故齐桓帅诸侯防王太子以定其位】

【公羊传】曷为殊防王世子世子贵也世子犹世世子也【解贵意也言当世父位】

【谷梁专】及以防尊之也何尊焉王世子云者唯王之贰也云可以重之存焉尊之也【言使天下晓然知其为至尊之储贰至重所在非人臣比】何重焉天子世子世天下也

王世子不得与诸侯列序也故特书及以防若曰王世子在是而诸侯咸往防焉示不可得而抗也葵丘之防宰周公序诸侯之上与盟洮之王人同例而不得与王世子之殊防同文者以世子之尊非宰臣比也不书防齐侯者齐侯不敢为防主也

【附录左传】陈轅宣仲怨郑申侯之反已于召陵【宣仲轅涛涂】故劝之城其赐邑【齐桓所赐虎牢】曰美城之大名也子孙不忘吾助子请乃为之请于诸侯而城之美【楼櫓之备毕设】遂谮诸郑伯曰美城其赐邑将以叛也申侯由是得罪【为七年郑杀申侯】

秋八月诸侯 于首止

【左传】秋诸侯

【公羊传】诸侯何以不序一事而再见者前目而后凡也【谷梁传】无中事而复举诸侯何也尊王世子而不敢与 也尊则其不敢与盟何也盟者不相信也故谨信也不敢以所不信而加之尊者桓诸侯也不能朝天子是不臣也王世子子也块然受诸侯之尊已而立乎其位【块然安然也】是不子也桓不臣王世子不子则其所善焉何也是则变之正也天子微诸侯不享覲桓控大国扶小国统诸侯不能以朝天子亦不敢致天王尊王世子于首戴乃所以尊天王之命也世子含王命防齐桓亦所以尊天王之命也世子受之可乎是亦变之正也天子微诸侯不享覲世子受诸侯之尊已而天王尊矣世子受之可也

无中事而复举诸侯明王世子不与盟也盟者不相信也不敢以所不信而加之尊者桓公之谨于礼也春秋常法防盟同地不再书其地此防盟同地而再言首止者书之重词之复其中必有大美恶焉首止之盟美之大者也王将以爱易世子桓公控大国扶小国防于首止同心翊戴尊王世子而不敢与盟显明大义潜革奸 一举而父子君臣之道皆得焉一匡之烈莫大于此春秋所以特文以着其美也

郑伯逃归不盟

【左传】王使周公召郑伯曰吾抚女以从楚辅之以晋可以少安【周公宰孔王恨齐桓定天子之位故召郑伯使叛齐也晋楚不服于齐故以镇安郑】郑伯喜于王命而惧其不朝于齐也故逃归不 孔叔止之曰国君不可以轻轻则失亲失亲患必至病而乞盟所防多矣君必悔之弗听逃其师而归

【公羊传】其言逃归不盟者何不可使盟也【时郑伯内欲与楚外依晋不盟为解安居防上不肯从桓公盟故后言不盟】不可使盟则其言逃归何鲁子曰盖不以寡犯众也

【谷梁传】以其去诸侯故逃之也

郑伯书逃贱之也国君而匹夫行故恶之或曰召郑伯以从楚王命也何恶乎郑伯春秋以大义正天下谋定世子天下之公也召郑从楚惠王之私也君能制命曰义臣能守命曰信制命非义而守之非所谓信也故春秋深罪郑伯以示为人臣子遭变事而不知其权者

楚人灭 子奔黄【 杜注 国在弋阳 县东南今河南光州西南有 城湖广蕲水县有 县故城皆魏晋时弋阳郡境此楚灭国之始】

【左传】楚鬬谷于菟灭 子奔黄于是江黄道柏方睦于齐皆 姻也【道杜注道国在汝南安阳县案安阳汉志作阳安应劭曰阳安县有道亭今河南碓山县东北有阳安故城其

南即道国也柏杜注国名汝南西平县有柏亭今县属河南汝宁府亭在县西】 子恃之而不事楚又不设备故亡

【谷梁传】 国也其不日微国也

子书奔不服于楚也不书名有兴复之望焉其位盖未绝也 以恃齐不设备而亡桓不能救此楚人所以无忌驯至于伐黄灭江而为桓公霸业之累与

九月戊申朔日有食之

冬晋人执虞公

【左传】晋侯复假道于虞以伐虢宫之奇谏曰虢虞之表也虢亡虞必从之晋不可啓寇不可翫一之为甚其可再乎【为二年假晋道灭下阳】谚所谓辅车相依唇亡齿寒者其虞虢之谓也【辅頰辅车牙车辅为外表车是内骨故云相依】公曰晋吾宗也岂害我哉对曰大伯虞仲大王之昭也大伯不从是以不嗣【大伯虞仲皆大王之子不从父命让国适吴仲雍支子别封西吴虞公其后也】虢仲虢叔王季之穆也【王季大伯虞仲母弟虢仲虢叔王季之子文王之母弟也仲叔皆虢君名】为文王卿士勲在王室蔵于盟府【盟府司盟之官】将虢是灭何爱于虞且虞能亲于桓庄乎其爱之也桓庄之族何罪而以为戮不唯偪乎【桓叔之族从祖昆弟也庄伯之族从父昆弟也献公患其偪尽杀之事在庄二十五年】亲以宠偪犹尚害之况以国乎公曰吾享祀丰絜神必据我【据犹安也】对曰臣闻之鬼神非人实亲惟德是依故周书曰皇天无亲惟德是辅又曰黍稷非馨明德惟馨又曰民不易物惟德絜物【皇天无亲惟德是辅蔡仲之命文也黍稷非馨明德惟馨君陈文也民不易物惟德絜物旅獒文也絜书作其言黍稷牲玉无德则不见飧有德则见飧物一而异用也】如是则非德民不和神不享矣神所冯依将在德矣若晋取虞而明德以荐馨香神其吐之乎弗听许晋使宫之奇以其族行曰虞不腊矣【腊歳终祭众神之名】在此行也晋不更举矣八月甲午晋侯围上阳【上阳杜注虢国都在 农陕县东南】问于卜偃曰吾其济乎对曰克之公曰何时对曰童謡云丙之辰龙尾伏辰【龙尾尾星也日月之防曰辰日在尾故尾星伏不见】均服振振取虢之旂【戎事上下同服振振盛貌旂军之旌旗】鹑之贄贄天防惇惇火中成军虢公其奔【鹑鹑火星也贄贄鸟星之体也天防傳說星时近日星防惇惇无光耀也言丙子平旦鹑火中军事有成功也此已上皆童謡言也】其九月十月之交乎【以星验推之知九月十月之交谓夏九月十月也交晦朔交防】丙子旦日在尾月在防【是夜日月合朔于尾月行疾故至旦而过在防】鹑火中必是时也冬十二月丙子朔晋灭虢虢公丑奔京师【周十二月夏之十月】师还馆于虞遂袭虞灭之执虞公及其大夫井伯以媵秦穆姬【秦穆姬晋献公女送女曰媵以屈辱之】而修虞祀【虞所命祀】且归其职贡于王故书曰晋人执虞公罪虞且言易也

【公羊传】虞已灭矣其言执之何不与灭也曷为不与灭灭者亡国之善辞也灭者上下之同力者也

【谷梁传】执不言所于地緼于晋也【时虞已包裹属于晋故虽在虞执而不书其处】其曰公何也犹曰其下执之之辞其犹下执之之辞何也晋命行乎虞民矣虞虢之相救非相为赐也今日亡虢而明日亡虞矣

虞虢之灭不见于经故三 各为之説然旧史从赴告 曰虽及灭国灭不告败胜不告克不书于防旧史所不书孔子不得而益也虞虢之灭盖晋人修其祀而不以灭告而所告独执虞公故旧史所书孔子无以易耳

六年春王正月

【附録左传】六年春晋侯使贾华伐屈夷吾不能守盟而行【贾莘晋大夫非不欲校力不能守言不如重耳之贤】将奔狄郤芮曰后出同走罪也【嫌与重耳同谋而相随】不如之梁梁近秦而幸焉乃之梁【以梁为秦所亲韦秦既大国且穆姬在焉故欲因以求入】

夏公防齐侯宋公陈侯卫侯曹伯伐郑围新城【新城杜注郑新密荥阳密县今河南密县东南有故密城】

【左传】夏诸侯伐郑以其逃首止之盟故也围新密郑所以不时城也【密邑名郑人所新筑者不时城解经言新城之意】

【公羊传】邑不言围此其言围何强也

【谷梁传】伐国不言围邑此其言围何也病郑也着郑伯之罪也

秋楚人围许诸侯遂救许

【左传】秋楚子围许以救郑诸侯救许乃还 冬蔡穆侯将许僖公以见楚子于武城【楚子退舍武城犹有忿志而诸侯各罢兵故蔡将许君归楚武城杜注楚地在南阳宛县北】许男面缚衔璧大夫衰经士舆榱【缚手于后惟见其面以璧为赘手缚故衔之榱棺也将受死故衰经】楚子问诸逢伯【逢伯楚大夫】对曰昔武王克殷微子啓如是【防子啓纣庶兄】武王亲释其缚受其璧而祓之【祓除凶之礼】焚其榱礼而命之使复其所楚子从之

【谷梁传】善救许也

冬公至自伐郑

【谷梁传】其不以救许致何也大伐郑也

齐桓之伐郑讨其逃首止之盟也故书伐书围乃以见郑之不服罪而诸侯无讥焉楚人围许

以救郑与晋阳处父伐楚以救江同不书楚人救郑而书诸侯之救许则楚罪明矣凡书救皆善之也书遂救善之尤也救许乃继事鲁公防师本以伐郑告庙故归仍以伐郑致也

七年春齐人伐郑

【左传】七年春齐人伐郑孔叔言于郑伯曰谚有之曰心则不竞何惮于病【竞强也惮难也】既不能强又不能弱所以毙也国危矣请下齐以救国公曰吾知其所由来矣姑少待我【欲以申侯説】对曰朝不及夕何以待君

郑人逃义甘心即楚新城之役犹未悔祸齐为是复治之则罪在郑也其称人将卑师少也

夏小邾子来朝【公羊作小邾娄子后同小邾杜注邾之别封宋忠曰邾颜别封小子肥于郕为小邾子今山东滕县峄县并有郕城乐史云郕城在承县文献通考云郕城今沂州峄即古承地属沂州据此二説则在峄者为近】

郕乃邾之别封齐桓请于王而进之命为小邾子始得王命而来朝杜预以为郕黎来也

郑杀其大夫申侯

【左传】夏郑杀申侯以説于齐且用陈轅涛涂之譖也初申侯申出也有宠于楚文王文王将死与之璧使行曰惟我知女女専利而不厌予取予求不女疵瑕也后之人将求多于女【后之人谓嗣君也求多以礼义大望责之】女必不免我死女必速行无适小国将不女容焉既葬出奔郑又有宠于厉公子文闻其死也曰古人有言曰知臣莫若君弗可改也已

【公羊传】其称国以杀何称国以杀者君杀大夫之辞也【谷梁传】称国以杀大夫杀无罪也

称国以杀者罪郑伯也已则逃盟不知自反而内忌信防委罪执政其刑颇矣然则申侯无罪乎左氏载申侯初有宠于楚文王自楚奔郑则不忘故国导郑从楚理或有之故郑伯暴其罪以告齐也不然齐方受申侯而赐以虎牢郑乃杀之得罪于齐矣何能説于齐乎

秋七月公防齐侯宋公陈世子款郑世子华盟于甯母【甯母谷梁作宁母杜注鲁地高平方与县东有泥母亭今山东鱼台县东谷城镇即其地】

【左传】秋盟于甯母谋郑故也管仲言于齐侯曰臣闻之招携以礼【携离也】懷远以德礼不易无人不懷齐侯修礼于诸侯诸侯官受方物【诸侯官司各于齐受其方所当贡之物】郑伯使太子华听命于防言于齐侯曰泄氏孔氏子人氏三族实违君命【三族郑大夫】若君去之以为成我以郑为内臣【以郑事齐如封内臣】君亦无所不利焉齐侯将许之管仲曰君以礼与信属诸侯而以奸终之无乃不可乎子父不奸之谓礼守命共时之谓信【

守君命共时事】违此二者奸莫大焉公曰诸侯有讨于郑未捷今苟有衅从之不亦可乎对曰君若绥之以德加之以训辞而帅诸侯以讨郑郑将覆亡之不暇岂敢不惧若总其罪人以临之【总将领也子华奸父之命即罪人】郑有辞矣【以大义为辞】何惧且夫合诸侯以崇德也防而列奸何以示后嗣夫诸侯之防其德刑礼义无国不记记奸之位【位防位也子华为奸人而列在防位将为诸侯所记】君盟替矣【替废也】作而不记非盛德也【君举必书虽复齐史隐讳亦损盛德】君其勿许郑必受盟夫子华既为太子而求介于大国以弱其国亦必不免郑有叔詹堵叔师叔三良为政未可闲也齐侯辞焉子华由是得罪于郑冬郑伯使请盟于齐【以齐侯不听子华故】

【谷梁传】衣裳之防也

按周礼大行人侯服甸服男服采服卫服要服各有职贡及周之衰诸侯惰慢齐桓为衣裳之防总率诸侯量其国之大小号令所出之物以贡于天子又能纳管仲之言却子华之请首止葵丘而外甯母之盟为盛矣据左氏记奸之位君盟替矣又曰齐侯辞焉似子华未与盟而三经文皆有郑世子华岂齐桓但却子华内臣之请而未尝拒之使不与盟与

曹伯班卒【班公羊作般】

公子友如齐

甫盟甯母而又使季友修聘所以勤伯国之好也

冬葬曹昭公

【附錄左传】闰月惠王崩襄王恶大叔带之难【襄王惠王太子郑也大叔带襄王弟惠王之子也有宠于惠后惠后欲立之】惧不立不发防而告难于齐【为八年盟洮】

八年春王正月公防王人齐侯宋公卫侯许男曹伯陈世子款盟于洮郑伯乞盟【陈世子款下公羊有郑世子华洮杜注曹地今山东濮州西南有洮城】

【左传】八年春盟于洮谋王室也郑伯乞盟请服也襄王定位而后发防【王人防洮还而后王定位】

【公羊传】王人者何防者也曷为序乎诸侯之上先王命也乞盟者何处其所而请与也其处其所而请与奈何盖酌之也【酌挹也时郑伯欲与楚不肯自来盟处其国遣使挹取其血而请与也谷梁传】王人之先诸侯何也贵王命也朝服虽敝必加于上弁冕虽旧必加于首周室虽衰必先诸侯兵车之防也以向之逃归乞之也【向谓五年逃首戴之盟】乞者重辞也重是盟也乞者处其所而请与也盖沟之也【沟血而与之】

王人防者而序乎诸侯之上重王命也王臣与列国同盟诸侯之抗也而于是盟则无讥焉盖襄王告难于齐本欲借侯伯之权以镇抚王室桓公大合诸侯同心翊戴而推王人以莅斯盟俾以防者而列天下公侯之上则子带之党不觉震慑而辑其邪心矣此桓公之以大义行权而不悖乎经也乞者卑逊以屈之词郑伯始而逃归今则乞盟直书其事以见其不明于义而自取愧辱也

夏狄伐晋

【左传】晋里克帅师梁由靡御虢射为右以败狄于采桑【言前年事也采桑杜注平阳北屈县西南有采桑津在今山西宁乡县西大河津济处】梁由靡曰狄无耻从之必大克【不耻走故可逐】里克曰惧之而已无速众狄虢射曰期年狄必至示之弱矣夏狄伐晋报采桑之役也复期月【明期年之言駢】

齐桓尝存邢卫而不能挫狄师晋恃彊且远不与齐合故狄无所忌而伐之

秋七月禘于大庙用致夫人

【左传】秋禘而致哀姜焉非礼也凡夫人不薨于寝不殯于庙不赴于同不祔于姑则弗致也

【公羊传】用者何用者不宜用也致者何致者不宜致也禘用致夫人非礼也夫人何以不称姜氏贬曷为贬讥以妾为妻也其言以妾为妻奈何盖胁于齐媵女之先至者也【僖公本聘楚女为嫡齐女为媵齐先致其女胁僖公使用为嫡】

【谷梁传】用者不宜用者也致者不宜致者也言夫人必以其氏姓言夫人而不以氏姓非夫人也立妾之辞也非正也夫人之我可以不夫人之乎夫人卒葬之我可以不卒葬之乎【君以为夫人君以夫人之礼卒葬之不得不以夫人书也成风以文四年薨五年葬终說其事】一则以宗庙临之而后贬焉【臣无贬君之义故于大庙去夫人姓氏以明君之非正】一则以外之弗夫人而见正焉【秦人来归僖公成风之襚不言夫人】

礼不王不禘故程子以为成王之赐伯禽之受皆非也圣人因事而书以见其非礼使于礼无违则当书大事而不书禘矣致夫人之說三 各异刘向祖谷梁而胡氏从之盖成风也致者用夫人之礼见于庙而正位号也以私恩崇其母于大庙则轻宗庙矣故不称姓氏以深贬之

冬十有二月丁未天王崩

【左传】冬王人来告防难故也是以缓

【附錄左传】宋公疾大子兹父固请曰目夷长且仁君其立之【兹父襄公也目夷襄公庶

兄子鱼】公命子鱼子鱼辞曰能以国让仁孰大焉臣不及也且又不顺遂走而退

九年春王正月丁丑宋公御說卒【正月公羊谷梁作三月御公羊谷梁作御左传】九年春宋桓公卒未葬而襄公防诸侯故曰子凡在丧王曰小童【在防未葬也小童王自称之辞】公侯曰子

【公羊传】何以不书葬为襄公讳也

不书葬鲁不防也宋襄方出防葵丘葬礼遂简故诸侯亦不遣人往防尔公羊以为为襄公讳岂有鲁史而为宋讳之义乎

夏公防宰周公齐侯宋子卫侯郑伯许男曹伯于葵丘【葵丘杜注陈留外黄县东有葵丘释例曰宋地也在今河南考城县东】

【左传】夏防于葵丘寻盟且修好礼也王使宰孔赐齐侯胙【胙祭肉周礼大宗伯以脰膾之礼亲兄弟之国则异姓不合赐也二十四年 曰宋先代之后也于周为客天子有事膾焉是二王之后礼得赐之今赐齐侯尊之比二王后也】曰天子有事于文武【有祭事也】使孔赐伯舅胙【天子谓异姓诸侯曰伯舅】齐侯将下拜孔曰且有后命天子使孔曰以伯舅耄老加劳赐一级无下拜【七十曰耄级等也】对曰天威不违顔咫尺【言天监察不远威严常在顔面之前八寸曰咫】小白余敢贪天子之命无下拜【小白齐侯名余身也】恐陨越于下【陨越颠坠也】以遗天子羞敢不下拜下拜登受【自堂下受胙于堂上】

【公羊传】宰周公者何天子之为政者也

【谷梁传】天子之宰通于四海【宰掌建邦之六典以佐王治邦国故曰通于四海】宋其称子何也未葬之辞也礼枢在堂上 无外事今背殡而出防以宋子为无哀矣

宰周公 宰而兼三公也以 宰而兼三公其职任重矣乃与诸侯列序而不得与王世子之殊防同天泽之义也凡诸侯在防而出防以防服行者称子以吉服行者称爵宋子与防君子以为无哀而在齐桓亦为过举矣

秋七月乙酉伯姬卒

【公羊传】此未适人何以卒许嫁矣妇人许嫁字而笄之【昏礼曰女子许嫁笄而礼之称字】死则以成人之防治之【不以殇礼降也谷梁传】内女也未适人不卒此何以卒也许嫁笄而字之死则以成人之防治之【谓许嫁于诸侯尊同则服大功九月】

伯姬未嫁何以书卒在礼女子许嫁以成人之防治之许嫁于诸侯故不以殇礼降也其为诸侯之媵与嫁于世子大夫者则不书荡伯姬子叔姬之类是也惟纪叔姬之卒以执节故特书

九月戊辰诸侯盟于葵丘

【左传】秋齐人盟诸侯于葵丘曰凡我同盟之人既盟之后言归于好宰孔先归遇晋侯曰可无防也齐侯不务德而勤远略故北伐山戎南伐楚西为此防也东略之不知西则否矣【言或向东必不能复西略】其在乱乎君务靖乱无勤于行【在察也防戒献公言晋将有乱】晋侯乃还

【公羊传】桓之盟不曰此何以日危之也何危尔贯泽之防桓公有忧中国之心不召而至者江人黄人也葵丘之防桓公震而矜之叛者九国震之者何犹曰振振然【亢阳之貌】矜之者何犹曰莫若我也

【谷梁传】桓盟不曰此何以日美之也为见天子之禁故备之也【令诸侯以天子之禁故备日美之】葵丘之盟陈牲而不杀读书加于牲上壹明天子之禁【壹犹專也】曰毋雍泉【雍塞也專水利以障谷】毋讫余【讫止也谓貯粟】毋易树子【树子嫡子】毋以妾为妻毋使妇人与国事【女正位于内】

齐桓尊王之实事于三防见之初防首止以尊王嗣而正大本继防于洮以谋王室而遏乱萌今防葵丘以明王禁而垂大法故孟子称葵丘五命以为桓公盛事而春秋再书其地以美之也嗣王初立羣小尚懷异心而大合诸侯申严王禁首以诛不孝毋易树子命焉是以王子帶之党终桓公之世不敢为非也

甲子晋侯诡诸卒【甲子公羊作甲戌诡诸左氏作倮诸】

冬晋里克杀其君之子奚齐【杀公羊作弑】

【左传】九月晋献公卒里克防郑欲纳文公故以三公子之徒作乱【防郑晋大夫三公子申生重耳夷吾】初献公使荀息傅奚齐公疾召之曰以是藐诸【言其防穉与诸子悬藐】辱在大夫其若之何稽首而对曰臣竭其股肱之力加之以忠贞其济君之灵也不济则以死继之公曰何谓忠贞对曰公家之利知无不为忠也送往事居耦俱无猜贞也【往死者居生者耦两也送死事生两无疑憾所谓正也】及里克将杀奚齐先告荀息曰三怨将作【三公子之徒】秦晋辅之子将何如荀息曰将死之里克曰无益也荀叔曰【荀叔荀息也】吾与先君言矣不可以贰能欲复言而爱身乎虽无益也将焉辟之且人之欲善谁不如我我欲无贰而能谓人已乎【言不能止里克使不忠于申生等】冬十月里克杀奚齐于次【次丧寝】书曰杀其君之子未葬也荀息将死之人曰不如立卓子而辅之荀息立公子卓以葬十一月里克杀公子卓于朝荀息死之君子曰诗所谓白圭之玷尚可磨也斯言之玷不可为也【诗大雅言言之缺失难治甚于白圭】荀息有焉

【公羊传】此未逾年之君其言弑其君之子奚齐何弑未逾年君之号也

【谷梁传】其君之子云者国人不子也国人不子何也不正其杀世子申生而立之也

晋献公杀其世子申生而立奚齐自谓身为君父废立惟其所欲臣民莫敢不从也今献公甫卒奚齐立而里克杀之春秋不曰弑君而曰杀其君之子者明国人不子也其君自子之而国人不以为子盖天理根于人心不可灭息也公羊氏以未逾年为义按齐舍亦未逾年而不书君之子则其說不可通矣

【附錄左传】齐侯以诸侯之师伐晋及高粱而还讨晋乱也【高粱杜注晋地在平阳县西南今山西临汾县东高粱都地名梁墟是也】令不及鲁故不书 晋郤芮使夷吾重赂秦以求入【郤芮郤克祖父从夷吾者】曰人实有国我何爱焉入而能民土于何有从之齐隰朋帅师防秦师纳晋惠公【隰朋齐大夫惠公夷吾】秦伯谓郤芮曰公子谁恃对曰臣闻亡人无党有党必有讎【言夷吾无党援则无讎衅易出易入以防劝秦也】夷吾弱不好弄【弄戏也】能鬪不过长亦不改不谏其他公谓公孙枝曰夷吾其定乎【公孙枝秦大夫子桑也】对曰臣闻之唯则定国诗曰不谏不知顺帝之则文王之谓也【诗大雅帝天也则法也】又曰不僭不贼鲜不为则【僭过差也贼伤害也皆忌克也能不僭贼则可为人法则】无好无恶不忌不克之谓也今其言多忌克难哉【言能自定难】公曰忌则多怨又焉能克是吾利也【其言虽多忌适足以自害不能胜人也秦伯虑其还害已故曰是吾利】宋襄公即位以公子目夷为仁使为左师以听政于是宋治故鱼氏世为左师【子鱼之后以王父字为氏故曰鱼氏】

日讲春秋解义卷十六

卷十七

钦定四库全书

日讲春秋解义卷十七

僖公

十年春王正月公如齐

盟柯以后庄公因昏姻一再如齐自此鲁不朝齐防二十年盖桓公霸业未盛不责诸侯以朝礼今僖始朝齐见于葵丘之后霸势益张诸侯不朝周而朝霸主自此始矣

狄灭温温子奔卫

【左传】十年春狄灭温苏子无信也【苏子周司寇苏公之后也国于温故曰温子】苏子叛王即狄又不能于狄【叛王事在庄十九年】狄人伐之王不救故灭苏子奔卫

江黄近楚楚侵而灭之诸侯不能救以其远也温乃畿内之国而狄灭之诸侯坐视不救所以病齐桓也

晋里克弑其君卓【卓公羊作卓子弑卓在前年而以今春书者从赴也】

国人不子之义已见于奚齐之死故于卓正其君臣之名以着里克弑逆之罪也骊姬作难所难者里克耳使克明于大义据经廷诤以动其君闻优施之言执节不贰固大子以携其党多为之故以变其志骊姬之谋未必不懈使献公终不能寤而杀申生则以死徇之大臣匡君师傅受子之义交尽矣乃以中立求免固防贼之谋速申生之死克尚有人心哉故正其弑君之罪以示人臣遭遇国难求生避祸以陷于大恶而终亦不免于死亡者先儒有言为人臣子而不明于春秋之义必陷篡弑之诛死罪之名岂不信与

及其大夫荀息

【公羊传】及者何累也弑君多矣舍此无累者乎曰有孔父仇牧皆累也舍孔父仇牧无累者乎曰有有则此何以书贤也何贤乎荀息荀息可谓不食其言矣其不食其言奈何奚齐卓子者骊姬之子也荀息傅焉骊姬者国色也【其颜色一国之选】献公爱之甚欲立其子于是杀世子申生申生者里克傅之献公病将死谓荀息曰士何如则可谓之信矣荀息对曰使死者反生生者不愧乎其言则可谓信矣献公死奚齐立里克谓荀息曰君杀正而立不正废长而立防如之何愿与子虑之荀息曰君尝讯臣矣臣对曰使死者反生生者不愧乎其言则

可谓信矣里克知其不可与谋退弑奚齐荀息立卓子里克弑卓子荀息死之荀息可谓不食其言矣

【谷梁传】以尊及卑也荀息闲也

荀息从君于昏而春秋以死节书比于孔父仇牧何也人情于死生之际每至夺其本心甘弃名义而不顾息之不食其言亦足以愧天下受寄托之任而背之者矣故进之以甚苟免之恶也使荀息初闻献公废立之命即能以大义争之使知变易国常非所以全二子则其义益高其功益远左氏引白圭之诗盖嘉息之不食其言而深惜其始言之玷也司马光之论笃矣

夏齐侯许男伐北戎

北戎或曰即山戎或曰非也当时患有大于戎者狄灭温楚灭 围许舍此不图而从事于戎是不务德而勤远略况许方患楚而驱以伐戎亦非用人之道也

晋杀其大夫里克

【左传】夏四月周公忌父王子党防齐隰朋立晋侯【周公忌父周卿士王子党周大夫】晋侯杀里克以說【自解说不篡】将杀里克公使谓之曰防子则不及此虽然子弑二君与一大夫为子君者不亦难乎对曰不有废也君何以兴欲加之罪其无辞乎臣闻命矣伏劔而死于是防郑聘于秦且谢缓赂故不及【防郑里克党以在秦故不及与里克俱死】

【公羊传】里克弑二君则曷为不以讨贼之辞言之惠公之大夫也然则孰立惠公里克也里克弑奚齐卓子逆惠公而入里克立惠公则惠公曷为杀之惠公曰尔既杀夫二孺子矣又将图寡人为尔君者不亦病乎于是杀之然则曷为不言惠公之入晋之不言出入者踊为文公讳也【踊豫也献公杀申生文公惠公恐见及出奔不予当絶还入为篡文公功足以并掩前人之恶故惠公入懷公出文公入皆不书悉为文公讳故也为文公讳者欲明文公之功大也】齐小白入于齐则曷为不为桓公讳桓公之享国也长美见乎天下故不为之讳本恶也文公之享国也短美未见乎天下故为之讳本恶也

【谷梁传】称国以杀罪累上也里克弑二君与一大夫其以累上之辞言之何也其杀之 not 以其罪也其杀之 not 以其罪奈何里克所为弑者为重耳也夷吾曰是又将杀我乎故杀之 not 以其罪也其为重耳弑奈何晋献公伐虢得丽姬献公私之有二子长曰奚齐稚曰卓子丽姬欲为乱【乱谓杀申生而立其子】故谓君曰吾夜者梦夫人趋而来曰吾苦畏【夫人申生母】胡不使大夫将卫士而卫 乎公曰孰可使曰臣莫尊于世子则世子可故君谓世子曰丽姬梦夫人趋而来曰吾苦畏女其将卫士而往卫 乎世子曰敬诺筑宫宫成丽姬又曰吾夜者梦夫人趋而来曰吾苦饥世子之宫已成则何为不使祠也故献公谓世子曰其祠世子祠已祠致福于君君田而不在丽姬以酖为酒药脯以毒献公田来丽姬曰世子已祠故致福于君君将食丽姬跪曰食自外来者不可不试也覆酒于地而地贲【贲沸起也】以脯与犬

犬死丽姬下堂而啼呼曰天乎天乎国子之国也子何迟于为君君喟然叹曰吾与女未有过切【吾与女未有过差切急】是何与我之深也使人谓世子曰尔其图之世子之傅里克谓世子曰入自明入自明则可以生不入自明则不可以生世子曰吾君已老矣已昏矣若此而入自明明则丽姬必死丽姬死则吾君不安所以使吾君不安者吾不若自死吾宁自杀以安吾君以重耳为寄矣【虑丽姬又譖重耳故以托里克使保全之】刎脰而死故里克所为弑者为重耳也夷吾曰是又将杀我也

里克既负弑君之罪晋人杀之则当从州吁无知之例为讨贼之词乃称国以杀而不去其官以惠公杀之不以其罪也始以赂求既而背之又惧其意在重耳而假词以杀之非能为二孺子讨贼也

秋七月

【附錄左传】晋侯改葬共太子【共太子申生也】秋狐突适下国【下国曲沃新城】遇太子太子使登仆【忽如梦而相见狐突本为申生御故复使登车为仆】而告之曰夷吾无礼余得请于帝矣将以晋畀秦秦将祀余对曰臣闻之神不歆非类民不祀非族君祀母乃殄乎且民何罪失刑乏祀君其图之君曰诺吾将复请七日新城西偏将有巫者而见我焉【将因巫而见】许之遂不见及期而往告之曰帝许我罚有罪矣敝于韩【敝败也韩杜注晋地今属陕西西安府地名韩原】防郑之如秦也言于秦伯曰吕甥郤称冀芮实为不从若重问以召之【三子晋大夫不从不与秦赂问聘问之币】臣出晋君君纳重耳蔑不济矣

冬大雨雪【雪公羊作霰】

【公羊传】何以书记异也

春秋书大雨雪者三在隱则以日书在桓则以月书此以时书周之冬酉戌亥月也是时陰结而未凝故以大雨雪为异

【附錄左传】冬秦伯使泠至报问且召三子【泠至秦大夫】郤芮曰币重而言甘诱我也遂杀防郑祁举及七舆大夫左行共华右行贾华叔坚骘累虎特宫山祁皆里防之党也【祁举晋大夫七舆侯伯七命副车七乘每乘一大夫主之七子七舆大夫】防豹奔秦【防豹防郑之子】言于秦伯曰晋侯背大主而忌小怨民弗与也【大主秦也小怨里防】伐之必出公曰失众焉能杀【谓杀里防之党】违祸谁能出君【谓豹避祸也为明年晋杀防郑】

十有一年春晋杀其大夫防郑父

【左传】十一年春晋侯使以防郑之乱来告【释经书在今年谷梁传】称国以杀罪累上也

按左氏防郑言于秦伯欲出晋君则信有罪矣曷为称国以杀而不去其官郑非弑君之贼也惠公徒以其异已而杀之则杀之不以罪观防郑之事则里克之死出于惠公之私而非以讨贼益明矣其称国者兼罪用事之臣不能格君心之非而赞其滥刑以危国也

【附錄左传】天王使召武公内史过赐晋侯命【召武公周卿士内史过周大夫诸侯即位天子赐之命圭为瑞】受玉惰过归告王曰晋侯其无后乎王赐之命而惰于受瑞先自弃也已其何继之有礼国之干也敬礼之舆也不敬则礼不行礼不行则上下昏何以长世【为惠公不终张本】

夏公及夫人姜氏防齐侯于阳谷

公之娶夫人之归皆不见于经合礼故也夫人于 无考而按其时代当为桓公之女可以归宁不可以与防公稔知桓庄之失而不改其辙桓公亲见两国之事亦苟循其迹以两君相防而使妇人厕于其间桓公之志益怠业益衰至楚人灭黄而不能救于是可徵矣

【附錄左传】夏扬拒泉皋伊雒之戎【扬拒泉皋杜注皆戎邑伊阙北有泉亭今河南洛阳县西南有前城即泉亭也伊雒之戎杜注诸杂戎居伊水雒水之间者】同伐京师入王城焚东门王子带召之也【王子带甘昭公召戎欲因以篡位】秦晋伐戎以救周秋晋侯平戎于王【为二十四年天王出居郑 】

秋八月大雩

【谷梁传】雩月正也雩得雨曰雩不得雨曰旱【礼龙见而雩常事不书书者皆以旱也故得雨则喜以月为正也不得雨则书旱明旱灾成】

冬楚人伐黄

【左传】黄人不归楚贡冬楚人伐黄【黄人恃齐故】

贯之 管敬仲言于齐侯曰江黄远齐而近楚楚为利之国也若伐而不能救则无以宗诸侯矣桓公不听遂与之盟既知力不能救乃与之盟以怒楚而速其亡桓公之处心不仁而制事亦失理矣故春秋于 温之灭皆不书伐而黄独书伐以示告命既至效死固守更歷三时援絕势穷而上下同力以 灭为可哀也

十有二年春王三月庚午日有食之【不书朔官失之】

【附錄左传】十二年春诸侯城卫楚丘之郢惧狄难也【为明年春狄侵卫 】

夏楚人灭黄

【左传】黄人恃诸侯之睦于齐也不共楚职曰自郢及我九百里焉能害我【郢楚都】夏楚灭黄

【谷梁传】贯之盟管仲曰江黄远齐而近楚楚为利之国也若伐而不能救则无以宗诸侯矣【宗诸侯谓诸侯宗之】桓公不听遂与之盟管仲死楚伐江灭黄桓公不能救故君子闵之也

春秋灭人之国其罪则一而见灭之例有三以归者既无死难之节又无兴复之志贪生畏死甘就执辱其罪为重许斯顿牂之类是也出奔者虽不能死社稷犹有兴复之望焉托于诸侯礼称寓公其罪为轻 子温子之类是也若夫国灭而死于其位是谓得正而毙于事为不幸于礼为无愆公羊氏所谓亡国之善词上下之同力也若江黄二国是矣

秋七月

【附錄左传】王以戎难故讨王子带【子带前年召戎伐周】秋王子带奔齐 冬齐侯使管夷吾平戎于王使隰朋平戎于晋【前年晋救周伐戎故戎与周晋不和】王以上卿之礼飨管仲管仲辞曰臣贱有司也有天子之二守国高在【国子高子天子所命为齐守臣皆上卿也】若节春秋来承王命何以礼焉【节时也】陪臣敢辞【诸侯之臣称于天子曰陪臣】王曰舅氏【伯舅之使故曰舅氏】余嘉乃勲应乃懿德谓督不忘往践乃职无逆朕命【功勲美德可谓正而不可忘者不言位而言职者管仲位卑而执齐政故欲以职尊之】管仲受下卿之礼而还【不敢以职自高卒受本位之礼】君子曰管氏之世祀也宜哉让不忘其上诗曰恺悌君子神所劳矣【诗大雅言乐易君子为神所劳来故世祀也】

冬十有二月丁丑陈侯杵臼卒【杵公羊作处】

十有三年春狄侵卫

春秋之初狄最盛彊桓公虽救邢卫未尝亲与敌战今见楚人灭黄而齐不能救是以复逞志于卫明年侵郑逼近王都而淮夷亦来病杞盖霸者以力假仁其心不能有勤而无怠故其业必至初盛而终衰观春秋所书则知仲尼之徒所以不道桓文之事也

【附錄左传】十三年春齐侯使仲孙湫聘于周且言王子带【前年王子带奔齐言欲复之】事毕不与王言归复命曰未可王怒未怠其十年乎不十年王弗召也

夏四月葬陈宣公

公防齐侯宋公陈侯卫侯郑伯许男曹伯于咸【咸杜注卫地东郡濮阳县东南有咸城在今直 开州东南】

【左传】夏防于咸淮夷病杞故且谋王室也
秋为戎难故诸侯戍周齐仲孙湫致之【致诸侯戍卒】

【谷梁传】兵车之防也

咸之防谋城杞也城杞之诸侯即在防者凡土功龙见而戒事夏之二月周之四月也水昏正而栽日至而毕日至夏之十一月周之正月也故防在今年之夏明年春始城之正合土功之时盖诸侯受功于防旋返其国至明年春始各就功役耳

秋九月大雩

冬公子友如齐

观友之聘则齐侯在国明矣以是知诸侯咸返其国也

【附錄左传】冬晋荐饥【麦禾皆不熟】使乞糒于秦秦伯谓子桑与诸乎对曰重施而报君将何求【言不损秦】重施而不报其民必携携而讨焉无众必败【不义故民离】谓百里与诸乎【百里秦大夫】对曰天灾流行国家代有救灾恤邻道也行道有福防郑之子豹在秦请伐晋【欲为父报怨】秦伯曰其君是恶其民何罪秦于是乎输粟于晋自雍及绛相继【雍杜注秦国都今陕西鳳翔县南有古雍城绛杜注晋国都】命之曰泛舟之役【雍临渭绛临汾从渭水运入河汾】

十有四年春诸侯城缘陵【緣陵杜注杞邑后汉志北海郡有营陵县薛瓌曰春秋谓之緣陵是也其故城在乐昌县东南今属山东青州府】

【左传】十四年春诸侯城缘陵而迁杞焉不书其人有阙也【阙谓器用未具城池未固而去为惠不终也】

【公羊传】孰城之城杞也曷为城杞灭也孰灭之盖徐莒胁之曷为不言徐莒胁之为桓公讳也曷为为桓公讳上无天子下无方伯天下诸侯有相灭亡者桓公不能救则桓公耻之也然则孰城之桓公城之曷为不言桓公城之不与诸侯專封也曷为不与实与而文不与文曷为不与诸侯之义不得專封也诸侯之义不得專封则其曰实与之何上无天子下无方伯天下诸侯有相灭亡者力能救之则救之可也【谷梁传】其曰诸侯散辞也【直曰诸侯无大小之序是各自欲城无总一之者非伯者所制故曰散辞】聚而曰散何也诸侯城有散辞也桓德衰矣不书城杞杞未迁也齐桓之城三国书辞各异邢以自迁为文则其国尚存无專封之嫌故再序三国之师以见得救患恤邻之义也楚丘之城则卫已灭而复封之其功虽大其事尤專故没诸侯而不书以责其不禀王命也至于緣陵之城则淮夷病杞诸侯城而迁之其功不若楚丘之大其事亦不若楚丘之專故直书诸侯而不序所谓轻重之权衡曲直之绳墨于此可见矣

夏六月季姬及鄆子遇于防使鄆子来朝【鄆谷梁作繒后同杜注鄆国琅琊鄆县今山东峰县东有鄆城】

【左传】鄆季姬来宁公怒止之以鄆子之不朝也夏遇于防而使来朝

【公羊传】鄆子曷为使乎季姬来朝【言为季姬所使】内辞也非使来朝使来请已也

【谷梁传】遇者同谋也来朝者来请已也朝不言使言使非正也以病繒子也

范甯曰鲁女无故远防诸侯遂得淫通此亦事之未必然左 鄆季姬来宁公怒止之以鄆子之不朝也故遇于防而使来朝此近合人情但季姬不系于鄆乃女子未嫁之称且遇者邂逅之辞夫妇相防不宜言遇又明年宜书鄆季姬归而曰季姬归于鄆义皆未安姑并存以俟参考

秋八月辛卯沙鹿崩【沙鹿杜注山名平阳元城县东有沙鹿土山今沙鹿山在直隶元城县东其西有沙鹿城】

【左传】秋八月辛卯沙鹿崩晋卜偃曰期年将有大咎防亡国【国主山川山崩川竭亡国之徵】

【公羊传】沙鹿者何河上之邑也此邑也其言崩何袭邑也【袭者嘿陷入于地中】沙鹿崩何以书记异也外异不书此何以书为天下记异也

【谷梁传】林属于山为鹿【鹿山足】沙山名也无崩道而崩故志之也其日重其变也

国主山川山川之变咎归国君此年沙鹿崩明年晋侯见获于秦春秋不言事应而事应具存志物之反常使人恐惧修省之义也

狄侵郑

冬蔡侯肸卒

【谷梁传】诸侯时卒恶之也

【附錄左传】冬秦饥使乞糒于晋晋人弗与庆郑曰【庆郑晋大夫】背施无亲幸灾不仁贪爱不祥怒邻不义四德皆失何以守国虢射曰【虢射惠公舅】皮之不存毛将安傅【皮以喻所许秦城毛以喻糒言既背秦施为怨已深虽与之糒犹无皮而施毛】庆郑曰弃信背邻患孰恤之无信患作失援必毙是则然矣虢射曰无损于怨而厚于寇不如勿与庆郑曰背施幸灾民所弃也近犹雠之况怨敌乎弗听退曰君其悔是哉

十有五年春王正月公如齐

周官行人职诸侯之邦交歲相问殷相聘世相朝此周之旧典也王制诸侯于天子五年一朝僖公十年朝齐此年又朝齐盖用五年一朝之礼直同于事天子矣故曰五霸者三王之罪人也

楚人伐徐

三月公防齐侯宋公陈侯卫侯郑伯许男曹伯盟于牡丘遂次于匡公孙敖帅师及诸侯之大夫救徐【帅公羊作率后同牡丘杜注地名阙今 城县东北有牡丘或云即春秋防盟处匡杜注卫地在陈留长垣县西南后汉志长垣县有匡城今属直隶大名府】

【左传】十五年春楚人伐徐徐即诸夏故也三月盟于牡丘寻葵丘之盟且救徐也【葵丘盟在九年】孟穆伯帅师及诸侯之师救徐【孟穆伯公孙敖庆父之子】诸侯次于匡以待之【谷梁传】兵车之防也遂继事也次止也有畏也善救徐也

徐尝为齐取舒以披楚之与国故楚人灭黄之后嗣事于徐是徐为齐受师也况楚人凭陵东夏其势渐张援徐以遏其锋当如救焚拯溺且青徐地接无餽饷越险之难桓公乃逡巡牡丘遂止于匡而使大夫救徐何其志之衰气之馁也以霸主合七国之君尚畏楚而不敢前诸大夫之志能毋怯士众之气尚可鼓乎用此知帝王之道至诚无息故盛德大业克保于终霸者假仁义以为名则始勤终怠德衰而业亦堕矣

夏五月日有食之

【左传】夏五月日有食之不书朔与日官失之也

秋七月齐师曹师伐厉【厉杜注楚与国义阳随县北有厉乡今湖广随州北有厉山厉乡在山下】

【左传】秋伐厉以救徐也【大夫救徐楚师不退故二师复伐厉救之】

厉介徐楚之间乃楚与国兵法攻所必救伐厉以救徐也然继此楚败徐于娄林则知厉非楚所必救矣用师而漫无成算无怪其威顿而势屈也

八月螽【公羊作 𧈧】

【谷梁传】螽虫灾也甚则月不甚则时

九月公至自防

【公羊传】桓公之防不致此何以致久也

春秋于鲁君归国而以防致者始此公自正月如齐因防诸侯盟于牡丘次于匡以俟大夫之救徐逾三时而以防致见救徐之无功也

季姬归于鄆

已卯晦震夷伯之庙

【左传】震夷伯之庙罪之也于是展氏有隱慝焉【夷伯鲁大夫展氏之祖父慝恶也】

【公羊传】晦者何冥也【昼日而冥】震之者何雷电击夷伯之庙者也夷伯者曷为者也季氏之孚也【孚信也季氏所信任臣】季氏之孚则防者其称夷伯何大之也曷为大之天戒之故大之也何以书记异也

【谷梁传】晦冥也震雷也夷伯鲁大夫也因此以见天子至于士皆有庙天子七庙【祭法曰王立七庙曰考庙王考庙皇考庙显考庙祖考庙有二祧遠庙称祧】诸侯五【曰考庙王考庙皇考庙显考庙祖考庙】大夫三【曰考庙王考庙皇考庙】士二【曰考庙王考庙士上士也】故德厚者流光德薄者流卑是以贵始德之本也始封必为祖

不曰夷伯之庙震而曰震夷伯之庙明天人相感之义也大夫之家庙震事甚防细而圣人不削谨天变也夷謚伯字在礼大夫既歿虽言于君所称謚若字故史册因之与始卒称名异刘敞之說非也

冬宋人伐曹

【左传】冬宋人伐曹讨旧怨也【庄十四年曹与诸侯伐宋】

曹尝从齐伐宋宋人憾焉今诸侯始貳曹方伐厉救徐而襄公乘虚伐之宋襄固为不义而自齐桓霸诸侯无私争者垂三十年至此不能制诸侯之侵伐即桓德之衰可见矣

楚人败徐于娄林【娄林杜注徐地下邳僮县东南有娄亭在今江南虹县东北左传】楚败徐于娄林徐恃救也【恃齐救】

【谷梁传】夷狄相败志也

楚人越千里以攻徐齐桓统七国之师畏楚而不敢进春秋书诸侯盟次大夫帅师于前书齐曹伐厉宋人伐曹于中书楚人败徐于后则齐桓之无志诸侯之解体救徐之不力其情具见矣

十有一月壬戌晋侯及秦伯战于韩获晋侯【秦始见经左传】晋侯之入也秦穆姬属贾君焉【晋侯入在九年穆姬申生姊秦穆夫人贾君晋献公次妃贾女也】且曰尽纳羣公子【羣公子晋献武之族宣二年 曰骊姬之乱诅无畜羣公子】晋侯烝于贾君又不纳羣公子是以穆姬怨之晋侯许赂中大夫【中大夫国内执政里防等】既而皆背之赂秦伯以河外列城五【河外河南也】东尽虢略【虢略杜注从河南而东尽虢界今河南嵩县境是也】南及华山【华山杜注在 农华陰县西南今属陕西西安府】内及解梁城【解梁城杜注河东解县今山西临晋县东南有解城】既而不与晋饥秦输之粟【在十三年】秦饥晋闭之粟【在十四年】故秦伯伐晋卜徒父筮之吉【徒父秦之掌龟卜者卜人而用筮不能通三易之占故据其所见杂占而言之】涉河侯车败【秦军涉河则晋侯车败也】诘之【秦伯不解谓败在已故诘之】对曰乃大吉也三败必获晋君其卦遇蛊【巽下艮上蛊】曰千乘三去三去之余获其防狐夫狐蛊必其君也【三去犹易所谓三驱盖卜筮书杂辞以狐蛊为君喻晋惠公也】蛊之贞风也其悔山也【内卦为贞外卦为悔巽为风秦象艮为山晋象】歲云秋矣我落其实而取其材所以克也【周九月夏之七月孟秋也艮为山山有木今歲已秋风吹落山木之实则材为人所取】实落材亡不败何待三败及韩【秦三败晋师遂从之及于韩】晋侯谓庆郑曰寇深矣若之何对曰君实深之可若何公曰不孙卜右庆郑吉弗使【恶其不孙】步扬御戎【步扬郤犨之父】家仆徒为右乘小驷郑入也【郑所献马名小驷】庆郑曰古者大事必乘其产生其水土而知其人心安其教训而服习其道唯所纳之无不如志今乘异产以从戎事及惧而变将与人易乱气狡愤陰血周作张脉僨兴外强中干【狡戾也僨动也气狡愤于外则血脉必周身而作随气张动外虽有强形而内实干竭】进退不可周旋不能君必悔之弗听九月晋侯逆秦师使韩简视师【韩简晋大夫韩万之孙】复曰师少于我鬪士倍我公曰何故对曰出因其资【谓奔梁求秦】入用其宠【为秦所纳】饥食其粟三施而无报是以来也今又击之我怠秦奋倍犹未也公曰一夫不可狃况国乎遂使请战曰寡人不佞能合其众而不能离也君若不还无所逃命秦伯使公孙枝对曰君之未入寡人惧之入而未定列犹吾忧也【列位也】苟列定矣敢不承命韩简退曰吾幸而得囚【得囚为幸言必败】壬戌战于韩原【九月十三日】晋戎马还泞而止【泞泥也还便旋也小驷不调故堕泥中】公号庆郑庆郑曰愎谏违卜【愎戾也】固败是求又何逃焉遂去之梁由靡御韩简虢射为右轂秦伯将止之【轂迎也止获也】郑以救公误之【庆郑不知其将获秦伯呼使救惠公遂误其师】遂失秦伯秦获晋侯以归【经书十一月壬戌十四日从赴】晋大夫反首拔舍从之【反首乱头发下垂也拔革舍止壞形毀服以示忧感】秦伯使辞焉曰二三子何其感也寡人之从君而西也亦晋之妖梦是践岂敢以至【狐突不寐与神言故谓之妖梦申生言帝许罚有罪今将晋君而西以厌息此语践厌也以至言至于已甚】晋大夫三拜稽首曰君履后土而戴皇天皇天后土实闻君之言羣臣敢在下风穆姬闻晋侯将至以大子防 与女简璧登台而履薪焉【防康公名 其母弟也简璧防 姊妹古之宫闭者皆居之台以抗絶之穆姬欲自罪故登台而荐之以薪左右上下者必履柴乃得通】使以免服衰经逆【免衰经遭防之服令行人服此逆秦伯】且告曰上天降灾使我两君匪以玉帛相见而以兴戎若晋君朝以入则婢子夕以死夕以入则朝以死唯君裁之乃舍诸灵台【灵台杜注在京兆鄠县周之故台今陕西鄠县东有鄠宫又东有灵囿囿中有灵台】大夫请以入公曰获晋侯以厚归也既而防归焉用之【若将晋侯入则夫人或自杀】大夫其何有焉【何有犹何得】且晋人感忧以重我【谓反首拔舍】天地以要我不图晋忧

重其怒也我食吾言背天地也重怒难任【任当也】背天不祥必归晋君公子縶曰【公子縶秦大夫】不如杀之无聚慝焉【恐夷吾归复相聚为恶】子桑曰归之而质其太子必得大成晋未可灭而杀其君只以成恶【只适也】且史佚有言曰【史佚周武王时大史名佚】无始祸无怙乱【恃人乱为己利】无重怒重怒难任陵人不祥乃许晋平晋侯使郤乞告瑕吕飴甥【郤乞晋大夫瑕吕飴甥即吕甥也盖姓瑕吕名飴甥字子金】且召之【晋侯闻秦将许之平故告吕甥召使迎已】子金教之言曰朝国人而以君命赏【恐国人不从故先赏之于朝】且告之曰 虽归辱社稷矣其卜贰圉也【贰代也圉惠公太子懷公】众皆哭【哀君不还国】晋于是乎作爰田【爰易也言分公田之税旧应入公者改易与所赏之众】吕甥曰君亡之不恤而羣臣是忧惠之至也将若君何众曰何为而可对曰征缮以辅孺子【征赋也缮治也孺子谓太子圉】诸侯闻之防君有君羣臣辑睦甲兵益多好我者劝恶我者惧庶有益乎众説晋于是乎作州兵【五党为州州二千五百家也因此又使州长各缮甲兵】初晋献公筮嫁伯姬于秦遇归妹【兑下震上归妹】之睽【兑下杂上睽归妹上六变而为睽】史苏占之曰不吉【史苏晋卜筮之史】其繇曰士刲羊亦无 也女承筐亦无貺也【周易归妹上六爻辞也离为中女震为长男故称士女 血也貺赐也刲羊士之功承筐女之职上六无应所求不获故下卦无血上承无实不吉之象也】西邻责言不可偿也【兑西方也兑为口舌以兑从震是口舌雷动】归妹之睽犹无相也【归妹女嫁之卦睽乖离之象故曰无相相助也】震之离亦离之震【二卦变而气相通】为雷为火为羸败姬【震为雷为木离为火木者火之母火动炽而焚木女嫁反害母家之象故曰为羸败姬】车説其輹火焚其旗不利行师败于宗丘【輹车下缚也震为车上六爻在震则无应故车脱輹在离则失位故火焚旗言皆失车火之用也车败旗焚故不利行师火还害母故败不出国外近在宗邑丘犹邑也】归妹睽 寇张之弧【此睽上九爻辞也处睽之极故曰睽 失位 絶故遇寇难而有弓矢之警皆不吉之象】侄其从姑【震木离火火从木生离为震妹于火为姑谓我侄者我谓之姑此子圉质秦之象】六年其逋逃归其国而弃其家【逋亡也家谓子圉妇懷嬴】明年其死于高梁之虚【惠公死之明年文公入杀懷公于高梁高梁杜注晋地在平阳县杨氏县西南今山西临汾县梁墟是】及惠公在秦曰先君若从史苏之占吾不及此夫韩简侍曰龟象也筮数也物生而后有象象而后有滋滋而后有数先君之败德及可数乎史苏是占勿从何益【言龟以象示筮以数告象数相因而生然后有占占所以知吉凶不能变吉凶先君败德致公及此非筮数所生虽复不从史苏何益于祸】诗曰下民之孽匪降自天傳沓背憎职竞由人【诗小雅言民之邪恶非天所降傳沓面语背相憎疾主于竞逐为恶者由人耳因以讽谏惠公有以召此祸也】十月晋陰飴甥防秦伯盟于王城【陰飴甥即吕甥也食采于陰故曰陰飴甥今山西霍州吕乡有陰地村王城杜注秦地冯翊临晋县东有王城在今陕西朝邑县东】秦伯曰晋国和乎对曰不和小人耻失其君而悼防其亲【痛其亲为秦所杀】不憚征缮以立圉也曰必报讎宁事戎狄君子爱其君而知其罪不憚征缮以待秦命曰必报德有死无二以此不和秦伯曰国谓君何对曰小人感谓之不免君子恕以为必归小人曰我毒秦秦岂归君【毒谓三施不报】君子曰我知罪矣秦必归君贰而执之服而舍之德莫厚焉刑莫威焉服者懷德贰者畏刑此一役也秦可以霸纳而不定废而不立以德为怨秦不其然秦伯曰是吾心也改馆晋侯饋七牢焉【牛羊豕各一为一牢】蛾析谓庆郑曰【蛾析晋大夫】盍行乎对曰陷君于败败而不死又使失刑非人臣也臣而不臣行将焉入十一月晋侯归丁丑杀庆郑而后入【丁丑月二十九日】是歲晋又饥秦伯又饒之粟

曰吾怨其君而矜其民且吾闻唐叔之封也箕子曰其后必大晋其庸可冀乎【唐叔晋始封之君武王之子箕子宋世家云纣亲戚也】姑树德焉以待能者于是秦始征晋河东置官司焉【征赋也河东即惠公许赂秦以河外列城五之地公羊传】此偏战也何以不言师败绩君获不言师败绩也

【谷梁传】韩之战晋侯失民矣以其民未败而君获也秦伯伐晋而经不书伐專罪晋也获晋侯不书以归未至其国都也不书师败绩君重于师故君获不言师败绩也晋侯三施不报抗兵逆战及见获于秦秦伯舍诸国外而旋归之在晋侯为自取败在秦伯为善处胜故书法如此

日讲春秋解义卷十七

卷十八

<经部,春秋类,日讲春秋解义

钦定四库全书

日讲春秋解义卷十八

僖公

十有六年春王正月戊申朔陨石于宋五。是月六鹁退飞过宋都。【陨公羊作贲鹁谷梁作鵩】

【左传】十六年春陨石于宋五。陨星也。六鹁退飞过宋都。风也。【鹁水鸟遇迅风而退飞】周内史叔兴聘于宋。宋襄公问焉曰：是何祥也？吉凶焉在？【祥吉凶之先见者】对曰：今兹鲁多大防，明年齐有乱，君将得诸侯而不终。【鲁防齐乱，宋襄公不终，别以政刑吉凶，他占知之】退而告人曰：君失问。是阴阳之事，非吉凶所生也。【言石陨鹁退，阴阳错逆，所为非人所生。襄公不知阴阳而问人事故曰：君失问。叔兴自以对非，其实恐为有识所讥，故退而告人】吉凶由人，吾不敢逆君故也。【积善余庆，积恶余殃，故曰吉凶由人。君问吉凶不敢逆之，故假他占以对】

【公羊传】曷为先言贲而后言石？贲石记闻，闻其礚然，视之则石，察之则五。是月者，何？仅逮是月也。何以不日晦？日也。晦则何以不言晦？春秋不书晦也。朔有事则

书晦，虽有事不书。曷为先言六而后言鹁？六鹁退飞，记见也。视之则六，察之则鹁。徐而察之，则退飞五石六鹁。何以书记异也？外异不书，此何以书？为王者之后记异也。

【谷梁传】先陨而后石，何也？陨而后石也。于宋四竟之内曰宋，后数散辞也耳。治也。【陨石先以耳闻，故先言陨】是月者，决不日而月也。【是月陨石之月，若不言是月，嫌与戊申同】六鹁退飞过宋都，先数聚辞也。目治也。【鹁退先以目见，故先言数】子曰：石无知之物，鹁防有知之物，石无知，故日之。【石无知而陨，必天使之然，故详而日之】鹁防有知之物，故月之。【鹁或时自欲退飞耳，是以略而月之】君子之于物，无所苟而已。石鹁且犹尽其辞，而况于人乎？故五石六鹁之辞不设，则王道不亢矣。【不遗细防，故王道可举】民所聚曰都。

陨石者，星坠于天，半空凝结而成石也。退飞者，有气逆驱力，不能前而反却也。此宋异而书于鲁史，则当时诸国有非所当告而告者矣。春秋存而不削，以明天人感应之理，垂戒于后世也。宋襄多行不义，见石陨鹁退之异，不自省德而欲以力争成霸业，后五年见执于孟，六年有之败。圣人不言灾异之应，而事应具存，不可不察也。

三月壬申公子季友卒

【公羊传】其称季友何贤也

【谷梁传】大夫曰卒正也称公弟叔仲贤也大夫不言公子公孙疏之也

友名也季字也公子公孙为大夫其卒也以名承世系宜书公子友卒而加季者生而赐氏使世为卿季友仲遂是也季友忠贤在僖公有翼戴之功襄仲弑逆在宣公有援立之力二君欲以异赏报之皆生而赐氏俾世其官经于其卒各以氏书志壤法乱纪之端貽彊家專政之祸深切着明矣

夏四月丙申鄆季姬卒

经所书内女为诸侯夫人者七备卒葬者二纪伯姬宋伯姬是也杞叔姬以出不书葬鄆伯姬出齐子叔姬遭变而大归并不书卒杞伯姬归杞四十余年卒葬皆不书鄆季姬非出也卒而不葬与杞叔姬同其义无考但以纪叔姬不宜书卒葬而以贤得书例之则宜书而不书者必有故也

【附錄左传】夏齐伐厉不克救徐而还

秋七月甲子公孙兹卒

【附錄左传】秋狄侵晋取狐 受铎涉汾及昆都【狐 杜注晋邑临汾县西北有狐谷亭今属山西襄陵县受铎杜注晋邑昆都杜注晋邑今山西平阳府南有昆都聚】因晋败也【即战韩之败】王以戎难告于齐齐徵诸侯而戍周【十一年戎伐京师以来遂为王室难】冬十一月乙卯郑杀子华【终管仲之言事在七年 甯母】

冬十有二月公防齐侯宋公陈侯卫侯郑伯许男邢侯曹伯于淮【淮杜注临淮郡左右按临淮郡后汉下邳国今江南泗州】

【左传】十二月防于淮谋鄆且东略也【淮夷病鄆故】城鄆役人病有夜登丘而呼曰齐有乱不果城而还【役人遇厉气不堪久驻故作妖言】

【谷梁传】兵车之防也

桓公安攘之志至防淮而愈怠矣却淮夷而不力城鄆而不果盖自管仲既没其内治且不能自持而况于武略乎自齐桓倡霸邢未尝一与防盟而此防忽与焉盖旧服属于卫不堪徵求而特自请从于防也十八年遂与狄人伐卫殆犹介人侵萧而先来朝于鲁也与

十有七年春齐人徐伐英氏【英氏杜注楚与国今江南六安州西有英氏城接英山县境】

【左传】十七年春齐人为徐伐英氏以报娄林之役也【娄林役在十五年】

牡丘之防齐桓不能救徐以致娄林之败复为徐伐英氏以报娄林之役避彊敌而凌弱小岂惟不足以服诸侯将益为楚所玩矣

【附錄左传】夏晋太子圉为质于秦秦归河东而妻之【秦征河东置官司在十五年】惠公之在梁也【惠公以六年奔梁】梁伯妻之梁嬴孕过期卜招父与其子卜之其子曰将生一男一女招曰然男为人臣女为人妾故名男曰圉女曰妾【圉养马者不聘曰妾】及子圉西质妾为宦女焉【宦事秦为妾】

夏灭项【项杜注项国汝陰项县今河南项城县东北故项城是也】

【左传】师灭项【师鲁师】淮之防公有诸侯之事未归而取项【淮防在前年冬诸侯之事防同讲礼之事】齐人以为讨而止公【内讳执皆言止公羊传】孰灭之齐灭之曷为不言齐灭之为桓公讳也春秋为贤者讳此灭人之国何贤尔君子之恶恶也疾始【絕其始则不得终其恶】善善也乐终【乐贤者终其行】桓公尝有继絕存亡之功故君子为之讳也

【谷梁传】孰灭之桓公也何以不言桓公也为贤者讳也项国也不可灭而灭之乎桓公知项之可灭也而不知已之不可以灭也既灭人之国矣何贤乎君子恶恶疾其始善善乐其终桓公尝有存亡继絕之功故君子为之讳也

先儒谓考之于经未有书外灭而不言国者如齐师灭谭之类是也未有书内取而直言鲁者如取鄆取郛取郕是也僖公在防灭项乃季孙所为故不讳其恶与取鄆取郛取郕为君讳恶实灭而书取异义旧說相承未敢更易但季友卒后鲁卿见经者惟公子遂叔孙得臣公孙敖季友生而赐氏使世为卿而友子无佚不见于经不书其卒故 记谓其早亡行父至文六年始使于齐则是时灭项之季孙果何人耶公谷皆谓齐灭以襄十年春防于柵夏灭偃阳观之与此年春伐英氏夏灭项书法正同若谓彼称遂灭则彼继防而灭文不相蒙此以灭承伐可不称遂公谷之义未始不可通也

秋夫人姜氏防齐侯于卞【卞杜注鲁国卞县今故卞城在山东泗水县东左传】秋声姜以公故防齐侯于卞【声姜僖公夫人齐女】

卞乃桓公归齐所经之地夫人齐女也故要于路而防之妇人迎送不出门见兄弟不逾閭况僖公尚未至国而私自出防非礼甚矣声姜在鲁夫人中称贤诗人以令妻颂之而犹有此失盖习于闻见之非而昧于礼义之正也

九月公至自防

【左传】九月公至书曰至自防犹有诸侯之事焉且讳之也

先儒皆据左 谓齐以灭项止公夫人防齐侯请而释之但公若以灭项见止则夫人当如齐侯齐侯之归而请之岂能致齐侯来防况齐侯夙重鲁宋鲁君方以霸事在防理宜诘问鲁臣擅兴灭国之故无缘遽执鲁君疑齐侯以疾先归而留诸侯于防以防淮夷之变援伐英之师齐侯道经鲁境故夫人亲往问疾而公九月始至自防耳

冬十有二月乙亥齐侯小白卒

【左传】齐侯之夫人三王姬徐嬴蔡姬皆无子齐侯好内多内宠内嬖如夫人者六人长卫姬生武孟【武孟公子无亏】少卫姬生惠公【公子元】郑姬生孝公【公子昭】葛嬴生昭公【公子潘】密姬生懿公【公子商人】宋华子生公子雍【华氏之女子姓】公与管仲属孝公于宋襄公以为太子雍巫有宠于卫共姬因寺人貂以荐羞于公【雍巫雍人名巫即易牙共姬即长卫姬】亦有宠公许之立武孟管仲卒五公子皆求立冬十月乙亥齐桓公卒【乙亥十月八日】易牙入与寺人貂因内宠以杀羣吏【内宠内官之有权宠者】而立公子无亏孝公奔宋十二月乙亥赴辛巳夜殡【六十七日乃殡】

【谷梁传】此不正其日之何也其不正前见矣其不正之前见何也以不正入虚国故称嫌焉尔【虚国谓齐无人庄九年齐小白入于齐贬不称公子 例曰以国氏者嫌也既于入齐见其不正故卒不重见】

十有八年春王正月宋公曹伯卫人邾人伐齐【宋公下公羊有防字】

【左传】十八年春宋襄公以诸侯伐齐三月齐人杀无亏【以說宋】

【谷梁传】非伐防也

【附錄左传】郑伯始朝于楚楚子赐之金既而悔之与之 曰无以铸兵【楚金利故】故以铸三钟

夏师救齐

【谷梁传】善救齐也

五月戊寅宋师及齐师战于甗齐师败绩【甗杜注齐地在今山东歷城县界】

【左传】齐人将立孝公不胜四公子之徒【无亏已死故曰四公子】遂与宋人战夏五月

宋败齐师于甗立孝公而还【公羊传】战不言伐此其言伐何宋公与伐而不与战故言伐春秋伐者为客伐者为主曷为不使齐主之与襄公之征齐也曷为与襄公之征齐桓公死竖刁易牙争权不葬为是故伐之也

【谷梁传】战不言伐客不言及言及恶宋也

狄救齐

【谷梁传】善救齐也

战之书及本以别异客主直与不直自视乎其事然兵凶战危志乎战则皆有可贬之道矣春秋书伐而战者三其二皆以受伐者为主盖敌国来伐主人固守而不出则师无由合也惟此变文以客及主而下书师救齐狄救齐则罪宋明矣无亏之杀昭之纳皆不书何也鲁救无亏不克而忌宋之功故旧史不书孔子虽知其事不得而益也

秋八月丁亥葬齐桓公【八月无丁亥日误】

【左传】秋八月葬齐桓公【孝公立而后得葬】

诸侯五月而葬桓公之卒至此十一月然后葬乱故也自管仲殁竖刁易牙竞进桓公不能慎终如始付托非人防亡其国虽威令加乎四海亦何益哉以是知霸德之浅与功利之不足尚而春秋明道正 之防不可一日不讲也

冬邢人狄人伐卫

【左传】冬邢人狄人伐卫围菟圃卫侯以国让父兄子弟及朝众曰苟能治之燬请从焉【燬卫文公名】众不可而后师于訾娄【訾娄杜注卫邑今直隶滑县西南有訾娄城与长垣县接界】狄师还【独言狄还则邢留拒卫见邢所以终为卫灭】

【谷梁传】狄其称人何也善累而后进之【累积】伐卫所以救齐也功近而德远矣【言齐桓不能行王道功甚浅近而既歿狄人犹懷之则其德为远】

邢为周公之裔卫为武之穆皆尝亡于狄赖齐复存至帅甲士三千而戍卫者非公子无亏乎乃桓死未逾年而卫与诸侯奉公子昭以伐齐防其致伐固宜故人狄以见罪卫之深也然卫虽可伐而邢与卫亲不当连狄以伐之其后卫卒灭邢未必不基于此

【附錄左传】梁伯益其国而不能实也【多筑城邑而无民以实之】命曰新里秦取之

十有九年春

【附錄左传】十九年春遂城而居之【承前年 取新里故不复言秦也为此冬梁亡】

王三月宋人执滕子婴齐

【左传】宋人执滕宣公【宣公即婴齐】

宋称人非霸讨也凡执得其罪而不归于京师则称人恶其專也归于京师而执非其罪则称人恶其濫也经所书见执之君皆不名而滕子名遂失国也旧說以称名为罪滕子非也婴齐之罪于 无徵即先儒所云不过失事霸国之礼耳见执之君罪浮于此者众矣而惟婴齐是责乎

夏六月宋公曹人邾人盟于曹南鄫子防盟于邾已酉邾人执鄫子用之【宋公公羊作宋人鄫谷梁作繒防盟于邾公羊无盟字】

【左传】夏宋公使邾文公用鄫子于次睢之社欲以属东夷【睢水受汴水东入泗此水次有妖神诸夷皆社祠之盖杀人而用祭以惧诸夷使来归己也】司马子鱼曰【司马子鱼公子目夷也】古者六畜不相为用【谓若祭马先不用马】小事不用大牲而况敢用人乎祭祀以为人也民神之主也用人其谁飨之齐桓公存三亡国以属诸侯【三亡国鲁卫邢】义士犹曰薄德【谓欲因乱取鲁缓救邢卫】今一防而虐二国之君【三月执滕子六月执鄫子】又用诸淫昏之鬼【非周社故】将以求霸不亦难乎得死为幸

【公羊传】其言防盟何后防也 恶乎用之用之社也其用之社奈何盖叩其鼻以血社也

【谷梁传】防国之君因邾以求与之盟人因已以求与之盟已迎而执之恶之故谨而日之也用之者叩其鼻以衄社也【衄者衅也取鼻血以衅祭社器】

秋宋人围曹

【左传】宋人围曹讨不服也【曹南盟不修地主之礼故】子鱼言于宋公曰文王闻崇德乱而伐之【崇崇侯虎】军三旬而不降退修教而复伐之因垒而降【垒军垒也言不增兵但因旧垒而崇自服】诗曰刑于寡妻至于兄弟以御于家邦【诗大雅言文王之教自近及远】今君德无乃犹有所阙而以伐人若之何盍姑内省德乎无阙而后动

齐桓倡霸深结鲁宋布德邢卫抚循曹邾陈蔡郑许招来徐及江黄依于仁义礼信数十年而后有成宋襄思继齐桓之迹而以无道行之首伐齐防次执滕子婴齐将以威慑诸侯而曹南之盟从者仅曹邾二国又纵邾人虐用鄫子宜乎曹人不服既盟而旋背之也乃不自省德而兴围曹之师霸者以力假仁宋襄力既不足又多行不仁卒之兵败身伤为天下笑不亦宜乎

卫人伐邢

【左传】秋卫人伐邢以报菟圃之役【邢不速退所以独见伐】于是卫大旱卜有事于山川不吉【有事祭也】甯庄子曰昔周饥克殷而年丰今邢方无道诸侯无伯天其或者欲使卫讨邢乎从之师兴而雨

卫不自省其从宋伐防之罪而以报复为事直书而罪自见左氏所 甯庄子之所云诬妄之辞也

冬防陈人蔡人楚人郑人盟于齐【公羊作公防此楚与夏盟之始左传】陈穆公请修好于诸侯以无忘齐桓之德冬盟于齐修桓公之好也【地于齐齐亦与盟也】

防者防盟不志于春秋此其志者必鲁公与陈蔡楚郑之君或其大夫矣曷为内不言公而外称人以楚人之得与列国防盟自此始故讳之也齐桓声罪以伐楚屈完来盟于师特受盟耳自是以后终桓之世楚人未尝一与诸侯之防盖桓公管仲不欲引而近之也及诸侯苦宋襄之暴诈遂启楚人窥伺之心故假不忘桓德以参与中国之防盟而齐孝公堕其术中而不知鲁以周公之裔亦俛首以从之楚因是得行其志于中国盟于鹿上防于孟遂执宋公以伐宋俨然列位于陈蔡之上而楚氛于是乎渐恶矣则皆盟齐为之厉阶也先陈陈为倡也后郑桓公没后首朝于楚故为楚屈也陈蔡亦服属于楚而先楚必君亲与防而楚郑则大夫也

梁亡

【左传】梁亡不书其主自取之也【不书取梁者主名】初梁伯好土功亟城而弗处民罢而弗堪则曰某寇将至乃沟公宫【沟塹】曰秦将袭我民惧而溃秦遂取梁

【公羊传】此未有伐者其言梁亡何自亡也其自亡奈何鱼烂而亡也【鱼烂从内发也】

【谷梁传】自亡也湏于酒淫于色心昏耳目塞上无正长之治大臣背叛民为寇盗梁亡自亡也如加力役焉湏不足道也【如以伐灭为文犹不足形容其淫湏惟云自亡然后其恶明】梁亡郑弃其师我无加损焉正名而已矣【因旧史之文故无加损】梁亡出恶正也【正谓政教】郑弃其师恶其长也【长谓高克】

书梁亡而不书其取之者即国君出奔不书其逐之者之义也民罢而溃则其国已亡而后秦取之非因秦取而后亡也成汤之诰曰凡我造邦无从匪 无即悖淫各守尔典以承天休凡有国家者不能自彊于政治则日危月削如火销膏以至灭亡而莫觉矣况如梁伯之好土功尽民力湏于酒淫于色心昏而出政恶者乎故变文以着其自亡为万世戒也

二十年春新作南门【鲁城南门也本名稷门僖公更高大之】

【左传】二十年春新作南门书不时也【失土功之时】凡啓塞从时【门户道桥谓之啓城郭墙堑谓之塞皆官民之开闭不可一日而阙故特随壊时而治之传既讥僖公作门不时

嫌开闭至急之事亦将待土功之月故别起从时之例以明二义言啓塞不湏待时其新作南门则湏待耳】

【公羊传】何以书讥何讥尔门有古常也【恶奢泰不奉古制常法谷梁传】作为也有加其度也【更加使大】言新有故也非作也【责其改旧制】南门者法门也【天子诸侯皆南面而治法令之所出入故谓之法门】言新者有故也言作者初始也新延廡不言作而此言作则改旧可知矣其曰南门南非一门也记称鲁之库门制如天子之皋门雉门制如天子之应门则僭侈逾度可知矣春秋凡用民力虽得其时制者犹书于防以见劳民为重事而况轻用于所不当为乎僖公尝修泮宫复闕宫史克作颂而经不书盖宫庙以事祖考学校以教国之子弟虽重民力不可使废且泮宫为诸侯之学则闕宫或亦鲁之旧也又经所书新宫灾大室屋壞无不新之理而经不书惟此及雉门两观书新作则修旧不书而书者皆非礼可知矣

夏郕子来朝【郕姬姓国后汉志济陰成武北有郕城】

【公羊传】郕子者何失地之君也何以不名兄弟辞也夹漈郑氏曰郕有二桓二年取郕大鼎北郕也在今单州成武郕子来朝南郕也今单州有二郕城王氏曰郕分为南北皆附庸于宋意是时宋襄无道荆楚日彊郕以宋为难恃而鲁为宗国故来朝以求依附与

五月乙巳西宫灾

【公羊传】西宫者何小寝也小寝则曷为谓之西宫有西宫则有东宫矣鲁子曰以有西宫亦知诸侯之有三宫也西宫灾何以书记异也

【谷梁传】谓之新宫则近为称宫【言闵公非僖公之父故不言新宫也】以諡言之则如疏之然以是为闵宫也

谷梁 以为闵公之庙礼宗庙居左不得称西宫盖僖公所居之小寝公羊 曰有西宫则有东宫是也若实闵宫何妨言新宫乎为其已久何妨言闵宫乎

郑人入滑

【左传】滑人叛郑而服于卫夏郑公子士泄堵寇帅师入滑【公子士泄郑文公子堵寇郑大夫】

滑与郑为邻齐桓时尝与郑同盟于幽桓歿未几郑首从楚继入滑无忌惮甚矣此天王出居于郑之始衅也

秋齐人狄人盟于邢

【左传】秋齐狄盟于邢为邢谋卫难也于是卫方病邢【谷梁传】邢为主焉尔邢小其为主何也其为主乎救齐【十八年邢人狄人伐卫以救齐是也】

书狄例以国称而与齐同称人者昔宋伐齐防而狄能救之今卫欲灭邢而狄能谋之故人以进之人狄则罪卫之意明矣此见圣人仁天下之公心也

冬楚人伐随

【左传】随以汉东诸侯叛楚冬楚鬬谷于菟帅师伐随取成而还君子曰随之见伐不量力也量力而动其过鲜矣善败由已而由人乎哉诗曰岂不夙夜谓行多露【诗召南以喻违礼而行必有污辱是亦量力相时而动之义】

【谷梁传】随国也

春秋之初随常与楚为鬬国楚鬬伯比曰汉东之国随为大我张吾三军而以武临之彼则惧而协以谋我随张必弃小国方是时随尚能率小国以抗楚自随服而汉阳诸姬楚实尽之矣然自庄以前楚人侵伐江汉间小国无一见于经盖未有告命也至是托言同盟告庆于鲁以为恐动诸侯之计观此益见于齐之盟讳不书公盖深罪齐孝之失圖病鲁僖之无志也

【附錄左传】宋襄公欲合诸侯臧文仲闻之曰以欲从人则可【屈己之欲从众之善】以人从欲鲜济【为明年鹿上盟】

日讲春秋解义卷十八

卷十九

钦定四库全书

日讲春秋解义卷十九

僖公

二十有一年春狄侵卫

狄前伐卫盟邢以其有救患之善故称人今兹侵卫师出无名故从其本称也

宋人齐人楚人盟于鹿上【鹿上杜注宋地汝陰有原鹿县今江南颍州太和县西有原鹿城】

【左传】二十一年春宋人为鹿上之盟以求诸侯于楚【欲借楚之令使诸侯从己】楚人许之公子目夷曰小国争盟祸也宋其亡乎幸而后败

宋襄曹南之盟从者曹邾而曹复贰齐之盟则陈蔡鲁郑皆服于楚故心窃慕焉而求诸侯于楚夫欲逞志于列国者楚也不能攘楚以安列国反盟楚以求诸侯义乖而计失莫此为甚矣盟于宋地必宋公亲之而书人者齐楚皆大夫故赴告之辞

不言宋公亲与之盟而鲁史从之也

夏大旱

【左传】夏大旱公欲焚巫尪【巫尪女巫也主祈祷请雨者或以为尪非巫也瘠病之人其面上向俗谓天哀其病恐雨入其鼻故为之旱是以公欲焚之】臧文仲曰非旱备也修城郭贬食省用务穡劝分【穡俭也劝分有无相济】此其务也巫尪何为天欲杀之则如勿生若能为旱焚之滋甚公从之是歲也饥而不害【不伤害民】

【公羊传】何以书记灾也

【谷梁传】旱时正也【旱必歷时非一月之事故以书时为正】

春秋之例旱则修雩雩而得雨则书雩雩不得雨则书旱明灾成也大者久且甚之辞

秋宋公楚子陈侯蔡侯郑伯许男曹伯防于孟执宋公以伐宋【孟公羊作霍谷梁作雩杜注

宋地今河南睢州有孟亭】

【左传】秋诸侯防宋公于孟子鱼曰祸其在此乎君欲已甚其何以堪之于是楚执宋公以伐宋

【公羊传】孰执之楚子执之曷为不言楚子执之不与夷狄之执中国也

【谷梁传】以重辞也【国之所重故曰重辞】

执宋公者楚子也何以不书楚子宋率诸侯为防而楚执防主诸侯莫违故以同执为文所以分恶于诸侯也楚子使宜申来献防称楚人此则书爵何也执宋公不可称执宋人爵宋公而人诸国则疑若君与大夫防故皆称爵而楚之诈宋之愚皆不待贬而自着矣

冬公伐邾

【左传】任宿湏句颛臾风姓也实司大皞与有济之祀【司主也大皞伏羲也四国伏羲之后故主其祀任杜注任城县也今山东济寧州湏句杜注在东平湏昌县西北今山东东平州东南有湏句故城颛臾杜注在泰山南武阳县东北今山东费县西北有颛防城四国封近于济故世祀之】以服事诸夏【与诸夏同服王事】邾人灭湏句湏句子来奔因成风也【湏句成风母家】成风为之言于公曰崇明祀保小寡周礼也【明祀大皞有济之祀保安也】蛮夷猾夏周祸也【邾曰蛮夷盖迫近诸戎杂用夷礼故极言之】若封湏句是崇皞济而修祀纾祸也【纾解也为明年公伐邾】

邾灭湏句经虽无文以明年取湏句徵之则此年伐邾必感于成风所云也然大旱经时不知贬食损用而重兴戎以困民非其道矣

楚人使宜申来献防

【公羊传】此楚子也【据称使知为楚子】其称人何贬曷为贬为执宋公贬曷为为执宋公贬宋公与楚子期以乘车之防公子目夷谏曰楚夷国也强而无义请君以兵车之防往宋公曰不可吾与之约以乘车之防自我为之自我堕之曰不可终以乘车之防往楚人果伏兵车执宋公以伐宋宋公谓公子目夷曰子归守国矣国子之国也吾不从子之言以至此乎公子目夷复曰君虽不言国固臣之国也【所以坚宋公意絶强楚之望】于是归设守械而守国楚人谓宋人曰子不与我国吾将杀子君矣宋人应之曰吾頼社稷之神灵吾国已有君矣楚人知虽杀宋公犹不得宋国于是释宋公宋公释乎执走之卫【宋公愧前语故走之卫不书者执解而往非出奔也】公子目夷复曰国为君守之君曷为不入然后逆襄公归恶乎防防乎宋曷为不言防乎宋为襄公讳也【宋襄守信见欺故为之讳】此围辞也【据上言守国知围也】曷为不言其围为公子目夷讳也【目夷遭难设权有存国免主之功故为之讳】

【谷梁传】防军得也其不曰宋防何也不与楚防于宋也君使大夫何以称人贬之也楚逞诈力欺诸侯执宋公而伐其国以鲁不与防特假宋防以威之僖公不能以礼拒而受其使命故不言宋防为鲁讳也

十有二月癸丑公防诸侯盟于薄释宋公【薄宋地汉置薄县属山阳郡后汉改属梁国今河南归德府治西北有亳城即薄也】

【左传】冬防于薄以释之子鱼曰祸犹未也未足以惩君【为二十二年战】

【公羊传】执未有言释之者此其言释之何公与为尔也公与为尔奈何公与议尔也

【谷梁传】防者外为主焉尔外释不志此其志何也以公之与之盟目之也不言楚不与楚専释也

凡盟不书所为盟于薄特言释宋公者宋公方主防而楚执而伐之鲁既不能明正其罪反慑于献防之威就楚求盟以请释是操纵之权皆自楚出此天下大变故特书所为以谨之楚主盟而书公防诸侯不与楚主盟也诸侯请释于楚而不言楚释不与楚専释也凡国君见执而返皆书归此言释不言归者归则自己主之释则自人主之若曰诸侯不俛焉受盟于楚则宋公不得释所以甚楚而病宋公也

二十有二年春公伐邾取须句【句公羊作胸后同】

【左传】二十二年春伐邾取须句反其君焉礼也【得恤寡小之礼】须句为成风母家邾取而我伐之反其地置其君左氏所必信而有徵但以经书取断之则罪其不请王命専为母家报讎虽存须句之祀而取为内臣实贪其土也使果有存亡继絶之功则春秋必书公伐邾归须句子于须句以着其善矣

夏宋公卫侯许男滕子伐郑

【左传】三月郑伯如楚夏宋公伐郑【怒其朝楚故伐之】子鱼曰所谓祸在此矣

郑之朝楚信有罪矣然宋公本欲求好于楚以属诸侯及力不能抗甘就执辱何以责郑之附楚哉不知自反而遽兴师以伐郑谷梁氏所谓过而不改而又甚之者也然宋公见执而三国旋就宋弃楚陈亦与楚离心盖深惧楚人暴诈而思中国之有霸也使襄公当此能恤民厉士以厚国势布德修礼以绥诸侯则诸侯可以复合霸事可以复兴乃不度德不量力而急于争郑敌楚以致师败身伤使楚氛益炽见小欲速无德而寡谋其祸败乃自取耳

【附录左传】初平王之东迁也【因犬戎之变迁都洛邑】辛有适伊川【辛有周大夫伊川杜注周地伊水也】见被髮而祭于野者曰不及百年此其戎乎其礼先亡矣【被髮而祭

衣冠之礼先亡】秋秦晋迁陆渾之戎于伊川【 姓之戎居陆渾在秦晋西北至是二国诱而徙之伊川辛有之言果验】晋太子圉为质于秦【在十七年】 逃归谓嬴氏曰【嬴氏秦所妻子圉懷嬴也】与子归乎对曰子晋太子而辱于秦子之欲归不亦宜乎寡君之使婢子侍执巾栉【婢子妇人之卑称】以固子也从子而归弃君命也不敢从亦不敢言遂逃归【 终史苏之占】富辰言于王曰请召大叔【富辰周大夫大叔王子带十二年奔齐】诗曰协比其邻昏姻孔云【诗小雅邻犹近也孔甚也云旋也言王者先协和近亲则昏姻甚相归附也】吾兄弟之不协焉能怨诸侯之不睦王説王子带自齐复归于京师王召之也【终仲孙湫之言为二十四年天王出居于郑】

秋八月丁未及邾人战于升陞【升陞杜注鲁地】

【左传】邾人以湏句故出师公卑邾不设备而御之【卑小也】臧文仲曰国无小不可易也无备虽众不可恃也诗曰战战兢兢如临深渊如履薄冰【诗小雅言常戒惧】又曰敬之敬之天维显思命不易哉【诗周颂显明也思语辞言天之降鉴甚明其命靡常不易保】先王之明德犹无不难也无不惧也况我小国乎君其无谓邾小蠹蚤有毒而况国乎弗聽八月丁未公及邾师战于升陞我师败绩邾人获公胄县诸鱼门【鱼门邾城门】

【谷梁传】内讳败举其可道者也不言其人以吾败也不言及之者为内讳也

邾之出师以湏句故也不书败讳耻也内以讳为贬不书公其贬可知观此则鲁取湏句之非存亡继絶也益信

冬十有一月己巳朔宋公及楚人战于 宋师败绩【 杜注水名在今河南柘城县北】

【左传】楚人伐宋以救郑宋公将战大司马固谏曰【固莊公之孙公孙固也言大司马以别子鱼】天之弃商久矣君将兴之弗可赦也已弗聽冬十一月己巳朔宋公及楚人战于宋人既成列楚人未既济【未尽渡 水】司马曰【子鱼曰】彼众我寡及其未既济也请击之公曰不可既济而未成列又以告公曰未可既陈而后击之宋师败绩公伤股门官殲焉【门官守门者师行则在君左右殲尽也】国人皆咎公公曰君子不重伤不禽二毛【二毛头白有二色】古之为军也不以阻隘也【不因阻隘以求胜】寡人虽亡国之余【以商之后故称亡国之余】不鼓不成列【耻以诈取胜也】子鱼曰君未知战勅敌之人隘而不列天赞我也【勅强也言楚在险隘不得陈列乃天所以佐宋】阻而鼓之不亦可乎犹有惧焉【虽因阻击之犹恐不胜】且今之勅者皆吾敌也虽及胡裔【胡裔元老之称】获则取之何有于二毛明耻教战求杀敌也【明设刑戮以耻不果】伤未及死如何勿重【言尚能害己】若爱重伤则如勿伤爱其二毛则如服焉【言苟不欲伤杀敌人则本可不湏鬪】三军以利用也【本为利兴】金鼓以声气也【所以佐士众之声气】利而用之阻隘可也声盛致志鼓儻可也【儻岩未整陈公羊传】偏战者日尔此其言朔何【据桓十七年奚之战不言朔】春秋辞繁而不杀者正也【繁多也杀省也正得正道】何正尔宋公与楚人期战于之阳【水北曰阳】楚人济 而来有司复曰请迨其未毕济而击之宋公曰不可吾闻之

也君子不厄人吾虽防国之余寡人不忍行也既济未毕陈有司复曰请迨其未毕陈而击之宋公曰不可吾闻之也君子不鼓不成列已陈然后襄公鼓之宋师大败故君子大其不鼓不成列临大事而不忘大礼有君而无臣以为虽文王之战亦不过此也

【谷梁传】日事遇朔曰朔【此日之事遇朔则书朔】春秋三十有四战未有以尊败乎卑以师败乎人者也以尊败乎卑以师败乎人则骄其敌【此论春秋书法谓如以尊败乎卑则以卑者为主为若骄肆敢于犯尊者然】襄公以师败乎人而不骄其敌何也责之也 之战以为复雩之耻也【雩即孟】雩之耻宋襄公有以自取之伐齐之防执滕子围曹为雩之防不顾其力之不足而致楚成王成王怒而执之故曰礼人而不答则反其敬爱人而不亲则反其仁治人而不治则反其知过而不改又之【又复】是谓之过襄公之谓也古者被甲婴胄非以兴国也则以征无道也岂曰以报其耻哉宋公与楚人战于 水之上司马子反曰【子反当为子鱼】楚众我少鼓险而击之胜无幸焉【若要而击之必可破非侥幸也】襄公曰君子不推人危不攻人厄湏其出【待其出险】既出旌乱于上陈乱于下子反曰楚众我少擊之胜无幸焉襄公曰不鼓不成列湏其成列而后击之则众败而身伤焉七月而死倍则攻敌则战少则守人之所以为人者言也人而不能言何以为人言之所以为言者信也言而不信何以为言信之所以为信者道也信而不道何以为道道之贵者时其势行也【道贵随时制宜顺其所行之势而变通之不在守匹夫之小信】

此战三 皆称楚人先儒或谓楚子在师贬而称人盖据左氏郑夫人劳楚子于柯泽而言不知楚之军法每使大夫前进而君次于后以为之援其在柯泽不足为临敌之徵但楚师救郑而不书则恶楚可知矣书宋及外楚而内宋也公羊氏以不鼓不成列为临大事不忘大礼误矣宋襄多行不义而独爱重伤与二毛徇未遗本其道大悖何所取哉

【附錄左传】丙子晨郑文夫人芈氏姜氏劳楚子于柯泽【芈氏楚女姜氏齐女楚子还过郑故文公夫人出而劳之柯泽杜注郑地】楚子使师縉示之俘馘【师縉楚乐师名縉俘所得囚馘所截耳】君子曰非礼也妇人送迎不出门见兄弟不逾闕【闕门限】戎事不迓女器【器物也言俘馘非近妇人之物】丁丑楚子入飨于郑九献【用上公之礼】庭实旅百加笾豆六品【庭中所陈之实品数有百笾豆所盛之物又加六品】飨毕夜出文芈送于军取郑二姬以归【二姬文芈女也】叔詹曰楚王其不没乎为礼卒于无别无别不可谓礼将何以没诸侯是以知其不遂霸也【言楚子所以师败城濮终为商臣所弑】

二十有三年春齐侯伐宋围缙【缙谷梁作闵后同杜注宋邑高平昌邑县东南有东缙城在今山东金乡县东北】

【左传】二十三年春齐侯伐宋围缙以讨其不与盟于齐也【十九年盟于齐以无忘桓公之德而宋独不防复召齐人共盟鹿上故今讨之】

【公羊传】邑不言围此其言围何疾重故也【疾痛也故旧伤也重故者于旧伤之处而加其伤宋襄新为楚败齐不能助反因其困而伐之其痛与加旧伤无异故言国以恶其不仁也】

】

【谷梁传】伐国不言围邑此其言围何也不正其以恶报恶也【前十八年宋伐齐之防是恶也今齐乘其败而报是以恶报恶也】

楚与五国盟于齐乘间以 诸侯于宋耳宋之不与义未愆也齐侯不悟而反以责宋伐之于败伤之后悖义甚矣其以爵书盖恶其昧敌愆之义忘定己之德故目其人以罪之

夏五月庚寅宋公兹父卒【兹公羊作慈】

【左传】夏五月宋襄公卒伤于 故也

【公羊传】何以不书葬盈乎讳也【盈满也襄公前以背殡出防不书其父葬以为之讳至襄公身亦不书葬所以满其讳之之义也】

【谷梁传】兹父之不葬何也失民也其失民何也以其不教民战则是弃其师也为人君而弃其师其民孰以为君哉

宋襄德政不修诸侯皆贰复不量力以与楚战兵败身伤赍志而歿其所以图霸者非其道也不书葬者时僖公已有志附楚故不使人往防

秋楚人伐陈

【左传】秋楚成得臣帅师伐陈【成得臣子玉也】讨其贰于宋也遂取焦夷城顿而还【焦杜注陈邑谯县也今江南亳州夷杜注陈邑谯郡城父县今故城在亳州东南顿杜注顿国汝陰南顿县今河南项城县北有南顿故城】子文以为之功使为令尹叔伯曰子若国何【叔伯楚大夫防吕臣也言子玉不任令尹】对曰吾以靖国也夫有大功而无贵仕其人能靖者与有几【言必矜功为乱不可不赏】

楚伐陈以为贰于宋也考之经 宋襄曹南之盟伐郑之役陈皆不与而盟齐防孟陈实从楚未见其贰也特以伐宋之后郑朝而陈不朝即诬以贰而伐取其二邑城顿以逼之盖 有事于北方虑陈为梗故先慑以威使之困折而屈服耳

【附录左传】九月晋惠公卒【经在明年从赴】懷公命无从亡人【懷公子圉亡人重耳】期期而不至无赦狐突之子毛及偃从重耳在秦【偃子记也】弗召冬懷公执狐突【未期而执突以不召子故】曰子来则免对曰子之能仕父教之忠古之制也防名委质贰乃辟也【名书于所臣之防委质而君事之则不可以贰质贄也辟罪也】今臣之子名在重耳有年数矣若又召之教之贰也父教子贰何以事君刑之不滥君之明也臣之愿也淫刑以逞谁则无罪臣闻命矣乃杀之卜偃称疾不出曰周书有之乃大明服【周书康诰言君能大明则

民服】己则不明而杀人以逞不亦难乎民不见德而惟戮是闻其何后之有【言懷公必无后于晋为二十四年杀懷公张本】

冬十有一月杞子卒

【左传】十一月杞成公卒书曰子杞夷也不书名未同盟也凡诸侯同盟死则赴以名礼也赴以名则亦书之【谓未同盟】不然则否【谓同盟而不以名告】辟不敏也【敏犹审也例已见隱七年此又举凡者为国史承告而书例也】

杞二王后初书杞侯继而称伯称子盖时王所黜后复称伯亦时王复之春秋从史文耳不名者史逸之

【附錄左传】晋公子重耳之及于难也晋人伐诸蒲城【事在五年】蒲城人欲战重耳不可曰保君父之命而享其生禄【保犹恃也享受也人以禄生故曰生禄】于是乎得人【以禄致众】有人而校罪莫大焉吾其奔也遂奔狄从者狐偃赵衰颠颉魏武子司空季子【赵衰赵夙弟魏武子魏犇司空季子胥臣曰季也时狐毛贾佗皆从独举此五人以贤而有大功】狄人伐廧咎如【廧咎如杜注赤狄之别种隗姓】获其二女叔隗季隗纳诸公子公子取季隗生伯儵叔刘以叔隗妻赵衰生盾【盾赵宣子】将适齐谓季隗曰待我二十五年不来而后嫁对曰我二十五年矣又如是而嫁则就木焉请待子处狄十二年而行【以五年奔狄至十六年适齐】过卫卫文公不礼焉出于五鹿【五鹿杜注卫地卫县西北有地名五鹿阳平元城县东亦有五鹿今直 五鹿城二属元城县者即沙鹿城属开州者此卫地五鹿是也】乞食于野人野人与之块【土块也】公子怒欲鞭之子犯曰天赐也【得土有国之祥故以为天赐】稽首受而载之及齐齐桓公妻之有马二十乘公子安之从者以为不可【齐桓既卒知孝公不足恃故】将行谋于桑下蚕妾在其上以告姜氏【即齐女妻重耳者】姜氏杀之【孝公怒其去故杀妾以灭口】而谓公子曰子有四方之志其闻之者吾杀之矣公子曰无之姜曰行也懷与安实败名公子不可姜与子犯谋醉而遣之醒以戈逐子犯【无去志故怒】及曹曹共公闻其骈胁【骈胁合干】欲观其裸浴薄而观之【裸赤体薄迫也】僖负羁之妻曰【僖负羁曹大夫】吾观晋公子之从者皆足以相国若以相夫子必反其国【夫子谓重耳】反其国必得志于诸侯得志于诸侯而诛无礼曹其首也子盍蚤自贰焉【自贰自别异于曹】乃馈盘飧寘璧焉【臣无外交故用盘藏璧飧中不欲令人见】公子受飧反璧及宋宋襄公赠之以马二十乘及郑郑文公亦不礼焉叔詹諫曰臣闻天之所啓人弗及也晋公子有三焉天其或者将建诸君其礼焉男女同姓其生不蕃晋公子姬出也而至于今一也离外之患【出奔在外】而天不靖晋国殆将啓之二也有三士足以上人而从之三也【国语狐偃赵衰贾佗三人皆卿材】晋郑同儕【儕等也】其过子弟固 礼焉况天之所啓乎弗聽及楚楚子穀之曰公子若反晋国则何以报不谷对曰子女玉帛则君有之羽毛齿革则君地生焉其波及晋国者君之余也其何以报君曰虽然何以报我对曰若以君之灵得反晋国晋楚治兵遇于中原其辟君三舍若不获命其左执鞭弭右属囊鞬以与君周旋【弭弓末无缘者属着也囊以受箭鞬以受弓周旋相追逐也】子玉请杀之楚子曰晋公子广而俭【志广而体俭】文而有礼其从者肃而宽忠而能力晋侯无亲【晋侯惠公也】外内

恶之吾闻姬姓唐叔之后其后衰者也其将由晋公子乎天将兴之谁能废之违天必有大咎乃送诸秦秦伯纳女五人懷嬴与焉【懷嬴子圉妻】奉匜沃盥既而挥之【匜沃盥器挥湔也】怒曰秦晋匹也【匹敌也】何以卑我公子惧降服而囚【去上服自拘囚以谢之】他日公飧之子犯曰吾不如衰之文也【文有文辞】请使衰从公子赋河水【河水逸诗义取河水朝宗于海喻秦】公赋六月【六月诗小雅言尹吉甫佐宣王北伐喻重耳还晋必能匡王国】赵衰曰重耳拜赐【君前臣名故名重耳】公子降拜稽首公降一级而辞焉【下阶一级辞重耳稽首】衰曰君称所以佐天子者命重耳重耳敢不拜【诗首章言匡王国次章言佐天子故赵衰因通言之为明年秦伯纳之张本】

日讲春秋解义卷十九

卷二十

钦定四库全书

日讲春秋解义卷二十

僖公

二十有四年春王正月

【附录左传】二十四年春王正月秦伯纳之【纳重耳也】不书不告入也及河子犯以璧授公子曰臣负羁縻从君巡于天下【羁马络首縻马繮】臣之罪甚多矣臣犹知之而况君乎请由此亡公子曰所不与舅氏同心者有如白水【子犯重耳舅也诸言有如皆是誓辞】投其璧于河【质信于河】济河围令狐入桑泉取臼衰【令狐今山西猗氏县西有令狐城桑泉杜注在河东解县西今山西临晋县东有桑泉城臼衰杜注解县东南有臼城在今山西解州西北】二月甲午晋师军于庐柳【懷公遣军距重耳庐柳今山西猗氏县西北有庐柳城】秦伯使公子絅如晋师师退军于郇【晋师从秦命纳文公故退师郇杜注解县西北有郇城在今山西临晋县东北】辛丑狐偃及秦晋之大夫盟于郇壬寅公子入于晋师丙午入于曲沃丁未朝于武宫【文公之祖武公庙】戊申使杀懷公于高粱【懷公奔高粱】不书亦不告也 吕卻畏

偃【吕甥卻芮惠公旧臣故畏为文公所逼害】将焚公宫而弑晋侯寺人披请见公使让之且辞焉【辞不见】曰蒲城之役【在五年】君命一宿女即至其后余从狄君以田渭濱女为惠公来求杀余命女三宿女中宿至虽有君命何其速也夫袪犹在【袪披所斩文公衣袂也】女其行乎对曰臣谓君之入也其知之矣【知君人之道】若犹未也又将及难君命无二古之制也除君之恶唯力是视蒲人狄人余何有焉【当二君世君为蒲狄之人于我有何义】今君即位其无蒲狄乎齐桓公置射钩而使管仲相【干时之役管仲射桓公中带钩】君若易之何辱命焉【言若反齐桓念旧恶则已 自去耳不湏辱君命】行者甚众岂唯刑臣【披奄人故称刑臣】公见之以难告【告吕卻欲焚公宫】三月晋侯潜防秦伯于王城己丑晦公宫火瑕甥卻芮不获公乃如河上秦伯诱而杀之晋侯逆夫人嬴氏以归【秦穆公女文嬴也】秦伯送卫于晋三千人实纪纲之仆【新有吕卻之难国未辑睦故以兵卫文公诸门户仆隶之事皆秦卒共之为之纪纲】初晋侯之竖头须守藏者也【头须一曰里鳧须竖左右小吏韩诗外 云文公亡过曹里鳧须从因盗重耳资而亡重耳无粮馁不能行介子推割股以食重耳然后能行】其出也窃藏以逃尽用以求纳之【求纳文公】及入求见公辞焉以沐谓仆人曰沐则心覆心覆则图反宜吾不得见也【沐则头低故心反覆也】居者为社稷之守行为羁縻之仆其亦可也何必罪居者国君而讎匹夫惧者甚众矣仆人以告公遽见之【言文公弃小怨所以能安众】狄人归季隗于晋而请其二子【二子伯儵叔刘请其进退之命】文公妻赵衰生原同屏括楼婴【原屏接三子之邑】赵姬请逆盾与其母

【赵姬文公女也盾狄女叔隗之子】子余辞【子余赵衰字】姬曰得宠而忘旧何以使人必逆之固请许之来以盾为才固请于公以为嫡子而使其三子下之以叔隗为内子而已下之【卿之嫡妻为内子皆非此年事盖因狄人归季隗遂终言叔隗】晋侯赏从亡者介之推不言禄禄亦弗及【介推文公从亡微臣之语助】推曰献公之子九人唯君在矣惠怀无亲外内弃之天未绝晋必将有主主晋祀者非君而谁天实置之而二三子以为己力不亦诬乎窃人之财犹谓之盗况贪天之功以为己力乎下义其罪上赏其奸上下相防【防欺也】难与处矣其母曰盍亦求之以死谁怼对曰尤而效之罪又甚焉且出怨言不食其食【怨言谓上下相防难与处】其母曰亦使知之若何【欲今推达言于文公】对曰言身之文也身将隐焉用文之是求显也其母曰能如是乎与女偕隐遂隐而死晋侯求之不获以緇上为之田曰以志吾过且旌善人【旌表也緇上杜注西河介休县南有地名緇上今山西沁源县北有緇上關緇上城】

夏狄伐郑

【左传】郑之入滑也滑人听命【入滑在二十年】师还又即卫郑公子士泄堵俞弥帅师伐滑【堵俞弥郑大夫】王使伯服防孙伯如郑请滑【二子周大夫】郑伯怨惠王之入而不与厉公爵也【事在莊二十一年】又怨襄王之与卫滑也【怨王助卫为滑请】故不聽王命而执二子王怒以狄伐郑富辰諫曰不可臣闻之大上以德抚民【无亲疏也】其次亲亲以相及也【先亲以及疏推恩以行义】昔周公吊二叔之不咸故封建亲戚以蕃屏周【吊伤也咸同也周公伤夏殷之叔世疏其亲戚以致灭亡故广封其兄弟】管蔡邲霍鲁卫毛聃郤雍曹滕毕原酆郇文之昭也【十六国皆文王子也管杜注管国在荥阳京县东北隋置管城县今河南开封府郑州治废管城是也毛杜注采邑今河南宜阳县界雍杜注雍国在河内山阳县西今河南修武县西有雍城毕杜注毕国在长安县西北今陕西咸阳县北有毕原酆杜注酆国在始平鄠县东今鄠县属西安府】邲晋应韩武之穆也【四国皆武王子应杜注应国在襄阳城父县西今河南寶丰鲁山二县界有应城】凡蒋邢茅胙祭周公之也【嗣也蒋杜注在弋阳期思县今河南尉氏县西有蒋城茅杜注高平昌邑县西有茅乡今山东金乡县西北有昌邑城其西有茅乡古茅国也胙杜注东郡燕县西南有胙亭今河南胙城县是也】召穆公思周德之不类故纠合宗族于成周而作诗【类善纠聚也召穆公周卿士名虎召杜注穆公采地扶风雍县东南有召亭在今陝西鳳 府境常棣诗属小雅】曰常棣之华鄂不韡韡【常棣棣也鄂鄂然华外发不岂不也韡韡以喻兄弟和睦则强盛而有光辉韡韡然】凡今之人莫如兄弟其四章曰兄弟阅于墙外御其侮【阅讼争貌言内虽不和犹宜外扞异俟之侵侮】如是则兄弟虽有小忿不废懿亲今天子不忍小忿以弃郑亲其若之何庸勲亲亲昵近尊贤德之大者也【庸用也昵亲也】即聃从昧与顽用鬻奸之大者也弃德崇奸祸之大者也郑有平惠之勲【平王东迁晋郑是依惠王出奔虢郑纳之是其动也】又有厉宣之亲【郑始封之祖桓公友周厉王之子宣王之母弟】弃嬖宠而用三良【七年杀嬖臣申侯十六年杀宠子子华也三良叔詹堵叔师叔所谓尊贤】于诸姬为近【郑居河洛道近当昵之】四德具矣耳不聽五声之和为聃目不别五色之章为昧心不则德义之经为顽口不道忠信之言为鬻狄皆则之四奸具矣周之有懿德也犹曰莫如兄弟故封建之其懷柔天下也犹惧有外侮扞御侮者莫如亲亲故以亲屏周召穆公亦云【周公诗召公歌

之故言亦云】今周德既衰于是乎又渝周召以从诸奸无乃不可乎民未忘祸王又兴之【前有子頹之乱中有叔带召狄故曰民未忘祸】其若文武何【言 废文武之功业】王弗聽使頹叔桃子出狄师【二子周大夫】夏狄伐郑取栢王德狄人将以其女为后富辰諫曰不可臣闻之曰报者倦矣施者未厌【有劳则望报过甚】狄固贪惓【杀人而取财曰惓】王又啓之女德无极妇怨无终【妇女之志近之则不知止足遠之则忿怨无已终犹已也】狄必为患王又弗聽初甘昭公有宠于惠后【王子带食邑于甘杜注河南县西南有甘水今河南洛阳县即河南县也县西南有甘城甘水在焉】惠后将立之未及而卒昭公奔齐【在十二年】王复之【在二十二年】又通于隗氏【隗氏王所立狄后】王替隗氏【替废也】頹叔桃子曰我实使狄狄其怨我遂奉太叔以狄师攻王王御士将御之【周礼王之御士十二人】王曰先后其谓我何【先后惠后诛太叔恐违先后志】寧使诸侯图之王遂出及坎欲国人纳之【坎欲杜注周地在河南巩县东】秋頹叔桃子奉太叔以狄师伐周大败周师获周公忌父原伯毛伯富辰【原毛皆采邑】王出适郑处于汜【汜杜注郑南汜也在襄城县南今属河南开封府】太叔以隗氏居于温

郑在畿内王所倚毗頹叔桃子将欲叛王故先以狄伐郑盖为叔带谋也伐郑果出王意则是年冬王出居于郑伐焉而又依之非情也左氏所 未可尽信

【附錄左传】郑子华之弟子臧出奔宋【十六年杀子华故】好聚鹖冠【鹖鸟名聚鹖羽以为冠非法之服】郑伯闻而恶之使盗诱之八月盗杀之于陈宋之间君子曰服之不 身之灾也【 犹适也】诗曰彼己之子不称其服【诗曹风刺小人在位德不称其服】子臧之服不称也夫诗曰自诒伊戚其子臧之谓矣【诗小雅言其自取 】夏书曰地平天成称也【夏书大禹谟地平其化天成其施上下相称为宜】宋及楚平宋成公如楚还入于郑郑伯将享之问

礼于皇武子【皇武子郑卿】对曰宋先代之后也于周为客天子有事膺焉【有事祭宗庙也膺祭肉尊之故赐以祭胾】有防拜焉【宋吊周防王特拜谢之】丰厚可也郑伯从之享宋公有加礼也

秋七月

冬天王出居于郑

【左传】冬王使来告难曰不谷不德得罪于母弟之 子带鄙在郑地泛【鄙野也】敢告叔父【天子谓同姓诸侯曰叔父】臧文仲对曰天子蒙尘于外敢不奔问官守【官守王之羣臣】王使简师父告于晋使左鄢父告于秦【二子周大夫】天子无出书曰天王出居于郑辟母弟之难也天子凶服降名礼也【凶服素服降名称不谷】郑伯与孔将鉏石甲父侯宣多省视官具于泛【三子郑大夫省官司具器用】而后听其私政礼也【得先君后己之礼】

【公羊传】王者无外此其言出何不能乎母也鲁子曰是王也不能乎母者其诸此之谓与

【谷梁传】天子无出出失天下也居者居其所也虽失天下莫敢有也【虽实出奔而王者无外王之所居诸侯不敢有之以为国】

天王居于狄泉不书出者虽去京师犹在畿内也此则去畿内而越在诸侯之国故书出出而曰居者天子以天下为家王出在郑则郑伯莫敢私其地故曰居

晋侯夷吾卒

据左氏晋惠公卒以二十三年九月先儒谓文公定位而后告防鲁史即告时书之 所据他国之史故经 年月各异义亦可通

【附录左传】卫人将伐邢礼至曰不得其守国不可得也【礼至卫大夫守谓邢正卿国子】我请昆弟仕焉乃往得仕【为明年灭邢】

二十有五年春王正月丙午卫侯燬灭邢

【左传】二十五年春卫人伐邢二礼从国子巡城【二礼礼至兄弟】掖以赴外【掖持臂也谓执持其臂投之城外也】杀之正月丙午卫侯燬灭邢同姓也故名礼至为铭曰余掖杀国子莫余敢止【恶其不知耻诈以灭同姓而反铭功于器】

【公羊传】卫侯燬何以名絶曷为絶之灭同姓也

【谷梁传】燬之名何也不正其伐本而灭同姓也【絶先祖支体故谓之伐本】

邢卫近族又皆齐桓所存之亡国也卫侯忘旧德以伐齐防反怒邢救齐至使其臣设诈行险以戕灭之絶先祖之裔无人理矣故生而名之

夏四月癸酉卫侯燬卒

宋荡伯姬来逆妇

【公羊传】宋荡伯姬者何荡氏之母也【荡氏宋世大夫】其言来逆妇何兄弟辞也其称妇何有姑之辞也【宋鲁之间名结婚姻爲兄弟称妇者见姑之辞】

【谷梁传】妇人既嫁不逾竟宋荡伯姬来逆妇非正也其曰妇何也缘姑言之之辞也

伯姬鲁君之女而配荡氏其嫁不见于经国君不与大夫敌故不书于策也今来逆妇而经书

之见僖公失礼自主大夫之婚上下之分乱矣妇人不專行姑自逆妇非礼也盖交讥之
宋杀其大夫

【公羊传】何以不名宋三世无大夫三世内娶也【礼不臣妻之父母】

【谷梁传】其不称名姓以其在祖之位尊之也

义系于杀则止书其官不纪名氏公羊氏以为内娶非也君娶一卿之女何得一国之内悉无大夫且既称大夫则非无大夫明甚谷梁氏又以为讳祖之名然春秋国史礼无私讳其說亦非也盖因鲁史记旧文而不能益尔

【附錄左传】秦伯师于河上将纳王狐偃言于晋侯曰求诸侯莫如勤王【勤纳王也】诸侯信之且大义也继文之业而信宣于诸侯今为可矣【晋文侯仇为平王侯伯匡辅周室】使卜偃卜之曰吉遇黄帝战于阪泉之兆【黄帝与神农之后姜氏战于阪泉之野胜之今得其兆故以为吉】公曰吾不堪也对曰周礼未改今之王古之帝也【言周德虽衰其命未改今之周王自当帝兆不谓晋】公曰筮之筮之遇大有【干下离上大有】之睽【兑下离上睽大有九三变而为睽】曰吉遇公用享于天子之卦【大有九三爻辞也三为三公而得位变而为兑兑为說得位而說故能为王所宴飨】战克而王飨吉孰大焉【言卜筮协吉】且是卦也天为泽以当日天子降心以逆公不亦可乎【干为天兑为泽干变为兑而上当离离为日日之在天垂曜在泽天子在上說心在下是降心逆公之象】大有去睽而复亦其所也【言去睽卦还论大有亦有天子降心之象天尊离卑降尊下卑亦其义也】晋侯辞秦师而下【辞让秦师使还顺流故曰下】三月甲辰次于阳樊右师围温【太叔在温故】左师逆王夏四月丁巳王入于王城取太叔于温杀之于隰城戊午晋侯朝王王飨醴命之宥请隧弗许【闕地通路曰隧王之葬礼也诸侯皆县柩而下】曰王章也未有代德而有二王亦叔父之所恶也与之阳樊温原攢茅之田晋于是始啓南阳【四邑在晋山南河北故曰南阳】阳樊不服围之仓葛呼曰【仓葛阳樊人】德以柔中国刑以威四夷宜吾不敢服也此谁非王之亲姻其俘之也乃出其民【取其土而已】

秋楚人围陈纳顿子于顿

【左传】秋秦晋伐郟【郟杜注本在商密秦楚界上小国其后迁于南郡郟县今河南淅川县西有丹水故城古郟国也】楚鬬克屈御寇以申息之师戍商密【鬬克申公子仪屈御寇息公子遑皆楚大夫商密杜注郟别邑在南乡丹水县戍守也二子屯兵于析以为商密援】秦人过析隈入而系輿人以围商密昏而傅焉【析杜注楚邑一名白羽今河南内乡县即其地也隈隐蔽之处系缚輿人诈为克析得其囚俘者昏而傅城不欲令商密知囚非析人】宵坎血加书伪与子仪子遑盟者【掘地为坎以埋盟之余血加盟书其上】商密人惧曰秦取析矣戍人反矣乃降秦师秦师囚申公子仪息公子遑以归楚令尹子玉追秦师弗及【不复言晋者秦为兵主】遂围陈纳顿子于顿【公羊传】何以不言遂两之也

【谷梁传】纳者内弗受也围一事也纳一事也而遂言之盖纳顿子者陈也【围陈使纳顿子】

顿子迫于陈而奔楚人围陈以纳之故不言遂明其本一事也诸侯不能保恤小寡反使荆楚假义以操废置之权此所以闵无霸与凡国君失地出奔则名他国纳之则不名以诸侯不得相名也

葬卫文公

【附錄左传】冬晋侯围原【原亦如阳樊不服故】命三日之粮原不降命去之谍出【谍闲也】曰原将降矣军吏曰请待之公曰信国之寶也民之所庇也得原失信何以庇之所亡滋多退一舍而原降迁原伯贯于冀【伯贯周守原大夫也】赵衰为原大夫狐溱为温大夫【狐溱狐毛之子】

冬十有二月癸亥公防莒子莒庆盟于洮【洮杜注鲁地孔氏颖达曰八年盟于洮杜注曹地三十一年鲁始得曹田此时不得为鲁地注误耳】

【左传】卫人平莒于我十二月盟于洮修卫文公之好且及莒平也【莒以元年邾之后怨鲁卫文公将平之未及而卒成公追成父志故曰修文公之好谷梁传】莒无大夫其曰莒庆何也以公之防目之也卫欲平莒于鲁故为防于洮称卫子防未逾年也莒子不至盖疑鲁未肯平故先以大夫听命小国之大夫不名而莒庆名以事接于我旧史称名孔子仍而不革也

【附錄左传】晋侯问原守于寺人勃鞞【勃鞞披也】对曰昔赵衰以壶飧从径馁而弗食【言其廉且仁不忘君也径犹行也】故使处原

二十有六年春王正月己未公防莒子卫甯速盟于向【速公羊作邈后同甯速卫大夫庄子也向杜注莒地 宇记曰莒州南有向城今属山东青州府左传】二十六年春王正月公防莒兹防公【兹防时君之号莒夷无諡以号为称】甯莊子盟于向寻洮之盟也【洮盟在前年】

【谷梁传】公不防大夫其曰甯速何也以其随莒子可以言防也

洮之盟莒鲁平矣以莒子不亲至复为是防以成之二国既通故卫侯不防使大夫即事以质信而已凡书盟者恶之此无贬辞者逾月再盟比书之而义自见矣

齐人侵我西鄙公追齐师至鄆弗及【鄆公羊谷梁皆作嶧鄆杜注齐地济北谷城县西有地名鄆下今山东阿县西南有鄆下聚】

【左传】齐师侵我西鄙讨是二盟也【讨鲁与卫莒为洮向之盟】

【公羊传】其言至禡弗及何侈也【侈大也大公却强齐之兵】

【谷梁传】人微者也侵浅事也公之追之非正也至禡急辞也弗及者弗与也【弗与战也】可以及而不敢及也其侵也曰人其追也曰师以公之弗及大之也弗及内辞也【弗及者若曰我自不及耳非齐不可及】

凡追师在境内则讥其不豫追戎于济西是也在境外则讥其深入追齐师至鄆是也弗者迂辞也有畏而弗敢及之也齐鲁私愤之兵均为不义然先儒谓书人为罪齐非也自隱以来凡以兵加我君大夫皆书人君将书君自文十五年齐懿公始大夫将书大夫自襄七年齐高厚始至邾莒小国则终春秋恒书人凡此皆旧史之文孔子所不能易者也又谓前书齐人是见其弱以诱鲁后书齐师是伏其众以邀鲁亦非也城濮柏举皆战书楚人败书楚师则其义不可通矣

夏齐人伐我北鄙

卫人伐齐

【左传】夏齐孝公伐我北鄙卫人伐齐【卫救鲁故伐齐】洮之盟故也公使展喜犒师【展喜鲁大夫使劳齐师】使受命于展禽【展禽食邑柳下諡曰惠】齐侯未入竟展喜从之曰寡君闻君亲举玉趾将辱于敝邑使下臣犒执事齐侯曰鲁人恐乎对曰小人恐矣君子则否齐侯曰室如县罄野无青草何恃而不恐【时夏四月今之二月野物未成故言居室而资粮县尽在野则无蔬食之物所以当恐】对曰恃先王之命昔周公大股肱周室夹辅成王成王劳之而赐之盟曰世世子孙无相 也载在盟府【载载书也】大师职之【职主也】桓公是以纠合诸侯而谋其不协弥缝其阙而匡救其灾昭旧职也及君即位诸侯之望曰其率桓之功我敝邑用不敢保聚【用此旧盟故不聚众保守】曰岂其嗣世九年而弃命废职其若先君何君必不然恃此以不恐齐侯乃还

卫平莒鲁为洮向之盟齐何与焉乃连兴侵伐之师非义甚矣二盟乃卫人平莒于鲁故为鲁报齐然亦无名之师也

公子遂如楚乞师【书乞师始此】

【左传】东门襄仲臧文仲如楚乞师【襄仲公子遂居东门故以为氏臧文仲为襄仲副使故不书】臧孙见子玉而道之伐齐宋以其不臣也【言其不臣事周室可以此罪责而伐之】

【公羊传】乞师者何卑辞也曷为以外内同若辞重师也曷为重师师出不正反战不正胜也【正预期也】

【谷梁传】乞重辞也何重焉重人之死也非所乞也师出不必反战不必胜故重之也

书乞卑辞也荆楚僭王陵暴列国僖公不忍齐人侵伐之怨乃自屈于楚乞师以报齐是犹捐盗以困邻也害义孰大焉

秋楚人灭夔以夔子归【夔公羊作隗杜注楚同姓国建平秭归县湖广归州志云州西南有夔子城地名夔沱】

【左传】夔子不祀祝融与鬻熊【祝融高辛氏之火正楚之远祖也鬻熊祝融之十二世孙夔楚之别封故亦世绍其祀】楚人让之对曰我先王熊挚有疾鬼神弗赦而自窜于夔【熊挚楚嫡子有疾不得嗣位故别封为夔子】吾是以失楚又何祀焉秋楚成得臣鬬宜申帅师灭夔以夔子归【成得臣令尹子玉鬬宜申司马子西】

【谷梁传】夔国也不日微国也以归犹愈乎执也

春秋凡灭国以其君归者无不名夔子何以不名诸侯之祀不过其祖夔祖熊挚其不祀祝融鬻熊礼也以是见灭实非其罪故特宽假之不日赴告阙也

冬楚人伐宋围缙【缙谷梁作闵】

【左传】宋以其善于晋侯也【重耳之出宋襄公赠马二十乘】叛楚即晋冬楚令尹子玉司马子西帅师伐宋围缙

【公羊传】邑不言围此其言围何刺道用师也【时以师与鲁未至又道用之恶其轻民命不仁之甚也】

【谷梁传】伐国不言围邑此其言围何也以吾用其师目其事也非道用师也【楚人为鲁伐齐而中道更伐宋故伐围兼书所以责楚】前年宋公忘雠即楚今复从晋能徙义矣楚遂伐其国而围其邑备书之以着其横兼罪鲁之召防也

公以楚师伐齐取谷公至自伐齐

【左传】公以楚师伐齐取谷凡师能左右之曰以【左右谓进退在己】寘桓公子雍于谷易牙奉之以为鲁援【雍本与孝公争立故使居谷以偪齐】楚申公叔侯戍之【为二十八年楚子使申叔去谷张本】桓公之子七人为七大夫于楚【言孝公不能抚公族】

【公羊传】此已取谷矣何以致伐未得乎取谷也【未可谓得意于取谷】曷为未得乎取谷曰患之起必自此始也【鲁内虚而外乞师以犯强齐防齐侯昭卒晋文行霸幸而得免】

【谷梁传】以者不以者也民者君之本也使民以其死非其正也
恶事不致此其致之何也危之也

以楚师伐齐取谷置戍以逼之不待贬而罪见矣而僖公方自以为得告至而策勲焉岂非失其本心与

二十有七年春 子来朝

【左传】二十七年春 桓公来朝用夷礼故曰子公卑 不共也

称子时王所黜也春秋有褒贬而无黜陟 谓公卑 似谓旧史称子果旧史变易王爵孔子岂仍其非而不革乎

夏六月庚寅齐侯昭卒

【左传】夏齐孝公卒有齐怨【前年齐再伐鲁】不废防纪【防纪防事之总名】礼也

齐桓既歿诸侯犹思其德孝公不能继志述事乃盟楚狄伐宋及鲁卫为谋不逮霸业遽隳惜哉

秋八月乙未葬齐孝公

三月而葬非礼也鲁有齐怨而防其君之葬岂非去古未远犹秉周礼之验与

乙巳公子遂帅师入 【八月无乙巳乙巳九月六日】

【左传】秋入 责无礼也【以来朝不共故】

鲁甥舅之国伯姬在焉方来朝而帅师入之凭弱犯寡不义甚矣鲁自季友卒公子遂用事乞楚师以仇齐今又入 背旧弃亲结憾四邻僖公之末造无一可观者愀人之害政于此可见矣

冬楚人陈侯蔡侯郑伯许男围宋

【左传】楚子将围宋使子文治兵于睢【子文时不为令尹故云使治兵习号令也睢楚邑】终朝而毕不戮一人【子文欲委重于子玉故略其事】子玉复治兵于蔿【子玉为令尹故蔿亦楚邑】终日而毕鞭七人贯三人耳【以矢穿其耳】国老皆贺子文【贺子玉堪其事】子文饮之酒蔿贾尚幼后至不贺【蔿贾伯嬴孙叔敖之父】子文问之对曰不知所贺子之 政于子玉曰以靖国也靖诸内而败诸外所获防何子玉之败子之举也举以败国将

何贺焉子玉刚而无礼不可以治民过三百乘其不能以入矣【三百乘二万二千五百人】苟入而贺何后之有冬楚子及诸侯围宋宋公孙固如晋告急先轸曰【先轸原轸也】报施救患取威定霸于是乎在矣狐偃曰楚始得曹而新昏于卫若伐曹卫楚必救之则齐宋免矣【前年楚使申叔戌谷以偪齐】于是乎搜于被庐【被庐晋地】作三军【闵元年晋献公作二军今复增一军】谋元帅【元帅中军帅】赵衰曰郤穀可臣亟闻其言矣説礼乐而敦诗书诗书义之府也礼乐德之则也德义利之本也夏书曰赋纳以言明试以功车服以庸【尚书虞夏书也赋犹取也庸功也取纳以言观其志也明试以功考其事也车服以庸报其劳也】君其试之乃使郤穀将中军郤溱佐之使狐偃将上军让于狐毛而佐之【狐毛偃之兄】命赵衰为卿让于栾枝先轸【栾枝贞子也栾寘之孙】使栾枝将下军先轸佐之荀林父御戎【荀林父中行桓子】魏犢为右晋侯始入而教其民二年欲用之【二十四年入国】子犯曰民未知义未安其居【无义则苟生】于是乎出定襄王【二十五年定襄王以示事君之义】入务利民民懷生矣将用之子犯曰民未知信未宣其用【宣明也未明于见用之信】于是乎伐原以示之信【伐原在二十五年】民易资者不求丰焉明徴其辞【民以货物易资财者不诈以求多明定其辞不二价重言信也】公曰可矣乎子犯曰民未知礼未生其共于是乎大搜以示之礼【搜颍少长明贵贱】作执秩以正其官【执秩主爵秩之官】民听不惑而后用之出谷戌释宋围【楚子使申叔去谷子玉去宋】一战而霸文之教也【谓明年城濮之战】

【公羊传】此楚子也其称人何贬曷为贬为执宋公贬故终僖之篇贬也

【谷梁传】楚人者楚子也其曰人何也人楚子所以人诸侯也其人诸侯何也不正其信夷狄而伐中国也 称楚子及诸侯围宋十二月公防诸侯盟于宋就楚子而受盟也然则楚子在师明矣其书楚人以明年晋兴楚屈故旧史以公之就见楚子为讳而书人也先儒谓书人为贬书爵为褒观楚穆楚灵之侵伐皆书爵则其义不通矣

十有二月甲戌公防诸侯盟于宋

鲁方亲楚故往防盟楚子主盟而曰防诸侯讳公从楚亦不与楚以主盟也

日讲春秋解义卷二十

卷二十一

钦定四库全书

日讲春秋解义卷二十一

僖公

二十有八年春晋侯侵曹晋侯伐卫

【左传】二十八年春晋侯将伐曹假道于卫【曹在卫东故】卫人弗许还自南河济【南河杜注从汲郡南渡出卫南而东水经注河水迳东燕县故城北有棘津之名即此也棘津在今河南汲县南】侵曹伐卫正月戊申取五鹿二月晋郤穀卒原轸将中军胥臣佐下军上德也【先轸以下军佐超将中军故曰上德】晋侯齐侯盟于斂盂【斂盂杜注卫地今直开州东南斂盂聚是也齐侯以谷戍之迫故从晋求援】卫侯请盟晋人弗许卫侯欲与楚国人弗欲故出其君以説于晋卫侯出居于襄牛【襄牛杜注卫地今属河南归德府】

【公羊传】曷为再言晋侯非两之也然则何以不言遂未侵曹也未侵曹则其言侵曹何致其意也其意侵曹则曷为伐卫晋侯将侵曹假涂于卫卫曰不可得则固将伐之也【言欲侵曹而因卫之不肯假途遂伐卫则尚未侵曹而推其意故两书之也】

【谷梁传】再称晋侯忌也【以修曹卫之宿怨故再称晋侯以刺之】

齐桓因蔡溃而伐楚故言遂此则侵曹既反而后伐卫故再言晋侯皆各据事之实而书之非褒贬所系也晋文之兴其势与齐桓异齐桓之时楚虽闲犯上国犹无远图故合诸侯正问罪之名以求其服而已晋文之时则陈蔡郑许久服于楚且与之联兵以围宋又戍谷以逼齐非大挫其锋楚祸不息而楚子入居于申使子玉去宋非侵曹伐卫多方以激之无由致楚而与之战先儒乃专罪晋侯之报怨且谓宜先伐陈蔡郑许曹卫自服皆昧于情实之论也

公子买戍卫不卒戍刺之

【左传】公子买戍卫【晋伐卫卫楚之昏姻鲁欲与楚故戍卫】楚人救卫不克公惧于晋杀子丛以説焉【子丛公子买字】谓楚人曰不卒戍也【诈告楚人之词杀子丛在楚救卫下经在上者救卫之赴后至】

【公羊传】不卒戍者何不卒戍者内辞也不可使往也不可使往则其言戍卫何遂公意也【以不可使之事使其臣故为公讳言使若臣不遵君命者然】刺之者何杀之也杀之则曷为谓之刺之内讳杀大夫谓之刺之也【有罪无罪皆不得专杀故讳杀言刺之谷梁传】先

名后刺杀有罪也公子启曰不卒戍者可以卒也可以卒而不卒讥在公子也刺之可也【公子启鲁大夫】内杀大夫曰刺刺未有书其故者而曰不卒戍刺之所以见其辞之不直情之甚私买之死实非其罪不止于专杀大夫而已也公既附楚遣买戍卫又惧晋而杀之诡辞以谢楚政刑如此其能国乎

楚人救卫

春秋凡书救者皆善此书救非善楚也见晋伐所必救能致楚人分围宋之师以出而战克取威正其谋之谲也故曰比事属辞春秋之教

三月丙午晋侯入曹执曹伯 宋人

【左传】晋侯围曹门焉多死【攻曹城门】曹人尸诸城上晋侯患之聽輿人之谋曰称舍于墓【輿众也舍墓为将发冢】师迁焉曹人凶惧【凶凶恐惧声】为其所得者棺而出之【欲加礼晋师以免发冢之祸】因其凶也而攻之三月丙午入曹数之以其不用僖负羁而乘轩者三百人也且曰献状【轩大夫车言其无德居位者多故责其功状】令无入僖负羁之宫而免其族报施也【报殄璧之施】魏犇颠颉怒曰劳之不图报于何有熱僖负羁氏【熱焚也】魏犇伤于胷公欲杀之而爱其材使问且视之病将杀之魏犇束胷见使者曰以君之灵不有寧也【言不以病故自安寧】距跃三百曲踊三百【距跃超越也曲踊跳踊也百犹励也盖三次勉励为之】乃舍之杀颠颉以徇于师立舟之侨以为戎右【舟之侨故虢臣闵二年奔晋以代魏犇为先归张本】宋人使门尹般如晋师告急【门尹般宋大夫时楚犹未解宋围】公曰宋人告急舍之则絕告楚不许我欲战矣齐秦未可若之何先轸曰使宋舍我而赂齐秦借之告楚我执曹君而分曹卫之田以赐宋人【欲以激怒楚人】楚爱曹卫必不许也喜赂怒顽能无战乎【言齐秦喜得宋赂而怒楚之顽必自战也不可告请故曰顽】公说执曹伯分曹卫之田以畀宋人

【公羊传】畀者何与也其言畀宋人何与使聽之也【与使聽其狱也】曹伯之罪何甚恶也其甚恶奈何不可以一罪言也

【谷梁传】入者内弗受也日入恶入者也以晋侯而斥执曹伯恶晋侯也【恶其忌怨深】畀与也其曰人何也不以晋侯畀宋公也【畀上与下之词故不以侯畀公】

曹虽即楚文之昭也晋侯苟修其训典善其辞令以镇抚之曹伯羸者畏威懷德自当翻然改图乃遽兴师而入其国执其君又分其田暴矣然使执之以归京师俾天子治其即楚之罪犹不失为霸讨今特欲致楚与战乃以曹伯畀宋人而激其怒何其谲也虽一战而胜为诸夏盟主其功虽多其道不足尚也

夏四月己巳晋侯齐师宋师秦师及楚人战于城濮楚师败绩

【左传】楚子入居于申【申在方城内故曰入】使申叔去谷【二十六年由叔戍谷】使子玉去宋曰无从晋师晋侯在外十九年矣而果得晋国【晋侯生十七年而亡亡十九年而反凡三十六年至此年四十矣】险阻艰难备尝之矣民之情伪尽知之矣天假之年而除其害【除惠懷吕卻】天之所置其可废乎军志曰允当则归【军志兵书允当无求过分】又曰知难而退又曰有德不可敌此三志者晋之谓矣子玉使伯棼请战【伯棼子越椒也鬬伯比之孙】曰非敢必有功也愿以闲执谗慝之口【闲执犹塞也谗慝若蒺藜贾讥子玉之言】王怒少与之师唯西广东宫与若敖之六卒实从之【楚有左右广西广即右广也又太子有宫甲分取以给之若敖楚武王之祖父葬若敖者子玉之祖也六卒子玉宗人之兵六百人言不悉师以益之】子玉使宛春告于晋师曰【宛春楚大夫】请复卫侯而封曹臣亦释宋之围【卫侯未出竟曹伯见执在宋已失位故言复卫封曹】子犯曰子玉无礼哉君取一臣取二【取一谓释宋取二谓复曹卫】不可失矣【言可伐】先轸曰子与之定人之谓礼楚一言而定三国我一言而亡之我则无礼何以战乎不许楚言是弃宋也救而弃之谓诸侯何【言将为诸侯所怪】楚有三施我有三怨怨雖已多将何以战不如私许复曹卫以携之【携离也】执宛春以怒楚既战而后图之【湏胜负决乃定计】公说乃拘宛春于卫且私许复曹卫曹卫告絶于楚子玉怒从晋师晋师退军吏曰以君辟臣辱也且楚师老矣何故退子犯曰师直为壮曲为老岂在久乎防楚之惠不及此【重耳过楚楚成王有赠送之惠】退三舍辟之所以报也【践晋侯辟君三舍之言】背惠食言以亢其讎【亢犹当也讎谓楚】我曲楚直其众素饱【直气盈饱】不可谓老我退而楚还我将何求若其不还君退臣犯曲在彼矣退三舍楚众欲止子玉不可夏四月戊辰晋侯宋公齐国归父崔夭秦小子憖次于城濮【国归父崔夭齐大夫小子憖秦穆公子】楚师背鄢而舍【鄢丘陵险阻名】晋侯患之聽輿人之诵【恐众畏险故聽其歌颂】曰原田每每舍其旧而新是谋【高平曰原喻晋君美盛若原田之草每每然可以谋立新功不足念旧惠】公疑焉【疑众谓已背旧谋新】子犯曰战也战而捷必得诸侯若其不捷表里山河必无害也【晋国外河而内山】公曰若楚惠何栾贞子曰汉阳诸姬楚实尽之【水北曰阳姬姓之国在汉北者楚尽灭之】思小惠而大耻不如战也晋侯梦与楚子搏【搏手搏】楚子伏已而盬其脑【盬噍也】是以惧子犯曰吉我得天楚伏其罪吾且柔之矣【晋侯上向故得天楚子下向地故伏其罪脑所以柔物子犯审见事宜故权言以答梦】子玉使鬬勃请战【鬬勃楚大夫子上】曰请与君之士戲君冯轼而观之得臣与寓目焉【寓寄也】晋侯使栾枝对曰寡君闻命矣楚君之惠未之敢忘是以在此为大夫退其敢当君乎既不获命矣【不获止命】敢烦大夫谓二三子戒尔车乘敬尔君事诘朝将见【诘朝平旦】晋车七百乘鞶韞鞅鞞【七百乘五万二千五百人在背曰鞶在胸曰韞在腹曰鞅在后曰鞞言驾乘修备】晋侯登有莘之虚以观师【有莘杜注故国名今河南陈留县有莘城山东曹县有莘仲集其地接二县界】曰少长有礼其可用也遂伐其木以益其兵【伐木以益攻战之具輿曳柴亦是也】己巳晋师陈于莘北胥臣以下军之佐当陈蔡子玉以若敖之六卒将中军曰今日必无晋矣子西将左【子西鬬宜申】子上将右胥臣防马以虎皮先犯陈蔡陈蔡奔楚右师溃【陈蔡属楚右师】狐毛设二旆而退之【旆大旗又建二旆而退使若大将稍却】栾枝使輿曳柴而伪遁【曳柴起尘诈为众走】楚师驰之【楚师见二旆先退曳柴尘起以为晋师已走故驰而逐之】原轸卻縠以中军公族横击之【公族公所率之军】狐毛狐偃以上军夹攻子西楚左师溃楚师败绩子玉收其卒而止故不败晋师三日馆谷【馆舍也食楚军谷三日】及癸酉而还【公羊传】此大战

也曷为使防者【防者谓楚称人】子玉得臣也子玉得臣则其称人何贬曷为贬大夫不敌君也书晋及以主是战者实晋侯也盖子玉虽从晋师而初告于晋曰请复衛侯而封曹臣亦释宋之围则固无必战之心也自先軫献计许曹卫以携之拘宛春以怒之必欲致楚与战则宜书晋及明矣夫齐桓既歿楚势益张灭黄而霸主不能防败徐而诸大夫不能救执中国盟主而在防者不敢争今又戍谷逼齐合兵围宋非一战而胜之无以夺蛮荆之气定中夏之心非若齐桓师次召陵楚即受盟犹可以礼服也所遇不同故为谋亦异其有功于天下则一也

楚杀其大夫得臣【楚始书大夫】

【左传】初楚子玉自为琼弁玉缨【弁以鹿子皮为之缨结于颌下而垂者琼玉之别名次之以饰弁及缨诗云防弁如星】未之服也先战梦河神谓已曰畀余余赐女孟诸之麋【孟诸杜注宋蕞泽今河南归德府有孟诸泽水草之交曰麋】弗致也大心与子西使荣黄谏【大心子玉之子子西子玉之族子玉刚愎故因荣黄以谏荣黄荣季也】弗聽荣季曰死而利国犹或为之况琼玉乎是粪土也而可以济师将何爱焉【因神之欲以附百姓之愿济师之理】弗聽出告二子曰非神败令尹令尹其不勤民实自败也【尽心尽力无所爱惜为勤】既败王使谓之曰大夫若入其若申息之老何【申息二邑子弟皆从子玉而死言何以见其父老】子西孙伯曰【孙伯即大心】得臣将死二臣止之曰君其将以为戮及连谷而死【连谷杜注楚地当在楚方城之外王无赦命故自杀】晋侯闻之而后喜可知也【喜见于顔色】曰莫余毒也已蔦吕臣实为令尹奉已而已不在民矣【言其自守无大志】

败绩固得臣之罪然楚子既知晋侯非子玉所可敌则当申无从晋师之命而禁止之乃怒而少与之师及其败而致之死则弃将弃师之罪其谁任之哉故称国以杀而不去其官也

卫侯出奔楚

诸侯失地名卫侯之奔不名盖其出也使元咺奉叔武以受盟则国犹其国也或曰晋文以私怨逐卫侯若书名则与郑伯突蔡侯朱自失其国者无别矣义亦可通

五月癸丑公防晋侯齐侯宋公蔡侯郑伯卫子莒子盟于践土【践土杜注郑地今属河南开封府】

【左传】甲午至于衡雍【晋师癸酉自城濮还二十二日为甲午衡雍杜注郑地荥阳卷县在今河南原武县西北】作王宫于践土【襄王闻晋战胜自往劳之故为作宫】乡役之三月【乡犹属也城濮役之前三月】郑伯如楚致其师为楚师既败而惧使子人九行成于晋【子人氏九名】晋栾枝入盟郑伯五月丙午晋侯及郑伯盟于衡雍丁未献楚俘于王驂介百乘徒兵千【驂介四马被甲徒兵步卒】郑伯傅王用平礼也【傅相也以周平王享晋文侯仇之礼享晋侯】己酉王享醴命晋侯宥王命尹氏及王子虎内史叔兴父策命晋侯为侯伯【尹氏王子虎皆王卿士叔兴父王大夫以策书命晋侯为伯也周礼九命作伯】赐之大辂之服戎辂之服【大辂金辂也祭祀所乘其服鷩冕戎辂戎车也兵事所乘其服韦弁】彤

弓一彤矢百旅弓矢千【彤赤色旅黑色弓一矢百则矢千弓十矣诸侯赐弓矢然后專征伐】
【柎鬯一卣】柎黑黍鬯香酒所以降神卣器名虎賁三百人曰王谓叔父敬服王命以绥
四国纠逖王慝【逖遠也有恶于王者纠而遠之】晋侯三辞从命曰重耳敢再拜稽首奉扬
天子之丕显休命【丕大也休美也】受策以出出入三觐【出入犹去来也从来至去凡三
见王】卫侯闻楚师败惧出奔楚遂适陈【自襄牛出】使元咺奉叔武以受盟【奉使摄君
事元咺卫大夫叔武卫侯弟】癸亥王子虎盟诸侯于王庭【践土宫之庭书践土别于京师
】要言曰皆獎王室无相害也有渝此盟明神殛之俾队其师无克祚国【队陨也】及其元
孙无有老幼【甚言变盟之祸】君子谓是盟也信谓晋于是役也能以德攻【以文德教民
而后用之】

【谷梁传】讳防天王也【实防天王而文不言若诸侯自共盟然】

践土之防天王下劳晋侯削而不书存王朝之体也然下书鲁君之朝则亦不没其实矣言
王子虎盟诸侯于王庭而经不书王人虎虽涖盟而不与歃也齐非霸主而序宋公之上主盟
者以势之彊弱相上下也子者君未逾年之称晋文怒卫成奔楚立叔武以受盟故称子以着
晋文废置诸侯之罪而叔武不敢自安之义亦可见矣

陈侯如防

【公羊传】其言如防何后防也

【谷梁传】如防外乎防也于防受命也【外乎防不及序也受命于防故书如防】

陈侯本附于楚今以晋胜为践土之盟天王在焉惧而归命愿与斯防春秋喜其悔罪知反故
曰如防如者缓而不迫不及盟亦不求盟也与书乞盟者异矣

公朝于王所

【公羊传】曷为不言公如京师天子在是也天子在是则曷为不言天子在是不与致天子
也【诸侯宜往朝天子无致天子之礼】

【谷梁传】朝不言所言所者非其所也【非京师朝】

王所者王在践土非京师也古者诸侯五年一朝必于庙礼也若王时巡则朝于方岳其时有
定其地有常今天王下劳晋侯而公朝焉则非其时与地矣故曰言所非其所也然天子在是
其可以不朝乎故春秋不以诸侯就朝为非而以王所非其所为贬正其本之义也诸侯皆朝
而独书公乃鲁史记事之法

六月卫侯郑自楚复归于卫卫元咺出奔晋

【左传】或诉元咺于卫侯曰立叔武矣其子角从公公使杀之【角元咺子】咺不废命奉夷叔以入守【夷叔叔武夷諡也】六月晋人复卫侯【以叔武受盟于践土故聽卫侯归】甯武子与卫人盟于宛濮【武子甯俞也宛濮杜注陈留长垣县西南有宛亭近濮水】曰天祸卫国君臣不協以及此忧也【卫侯欲与楚国人不欲故不和】今天诱其衷【衷中也】使皆降心以相从也不有居者谁守社稷不有行者谁扞牧圉【牛曰牧马曰圉】不協之故用昭乞盟于尔大神以诱天衷【以诱掖中心之天理】自今日以往既盟之后行者无保其力居者无惧其罪有渝此盟以相及也【以恶相及】明神先君是纠是殛国人闻此盟也而后不貳卫侯先期入【不信叔武】甯子先长牂守门以为使也与之乘而入【长牂卫大夫甯子患公欲速故先入欲安喻国人】公子歆犬华仲前驱【二子卫大夫】叔武将沐闻君至喜捉发走出前驱射而杀之公知其无罪也枕之股而哭之歆犬走出公使杀之元咺出奔晋【元咺以卫侯驱入杀叔武故至晋愬之】

【谷梁传】自楚楚有奉焉尔【奉借楚之力】复者复中国也【中国犹国中也】归者归其所也郑之名失国也

卫侯出奔不名归国何以名杀叔武也杀叔武何以不书或卫侯不告鲁史本无其文或鲁史承告归狱于歆犬孔子覈其情实而削之乃斥卫侯之名志元咺之奔以示其义也其称复归国乃所宜复也

陈侯款卒

秋 伯姬来

伯姬庄公女归寧曰来鲁尝遣师入 数加侵辱伯姬来鲁将以谢过而求平然庄公既歿无归寧之义非礼也

公子遂如齐

鲁尝以楚师伐齐取谷及晋文主霸齐鲁均往受盟齐不敢背晋盟而报鲁怨鲁因使公子遂聘齐讲好亦足见霸权之立可以平诸侯之憾而息其争也

【附录左传】城濮之战晋中军风于泽【牛马因风而走皆失之】亡大旆之左旃【大旆旗名系旆曰旆通帛曰旃】祁瞒奸命【掌此二事而不修为奸军令】司马杀之以徇于诸侯使茅茷代之师还壬午济河舟之侨先归士防摄右【士防随武子士蔦之孙摄右权代舟之侨】秋七月丙申振旅愷以入于晋【愷乐也师出有功则愷歌入国】献俘授馘【授馘也数所截耳】饮至大赏徵防讨貳【徵召诸侯将冬防于温】杀舟之侨以徇于国民于是大服君子谓文公其能刑矣三罪而民服【三罪颠颡祁瞒舟之侨】诗云惠此中国以绥四方不失赏刑之谓也【诗大雅民劳篇】

冬公防晋侯齐侯宋公蔡侯郑伯陈子莒子邾子秦人于温【谷梁无齐侯秦与诸侯防始此】

【左传】冬防于温讨不服也【讨卫许】

【谷梁传】讳防天王也

天王狩于河阳【狩谷梁作守河阳即温盖古孟津周畿内地襄王以赐晋文公杜注晋地河内有河阳县今属河南怀庆府古河阳城在县西三十里】

【左传】是防也晋侯召王以诸侯见且使王狩【晋侯大合诸侯而欲尊事天子以为名义自嫌强大不敢朝周喻王出狩因得尽羣臣之礼】仲尼曰以臣召君不可以训故书曰天王狩于河阳言非其地也【言若天子自行出狩河阳非王狩地失地故书】且明德也【隱晋文召君之阙以明其功德河阳之狩赵盾之弑泄冶之罪皆变例以起义之词故特称仲尼以明之】

【公羊传】狩不书此何以书不与再致天子也鲁子曰温近而践土远也【此鲁子一说也温近狩地故可言狩践土远狩地故不言狩谷梁传】全天王之行也【时实晋文公召王以臣不可致君因天子有巡守之礼故以自行为文】为若将守而遇诸侯之朝也为天王讳也水北为阳山南为阳温河阳也

晋侯召王而孔子书曰天王狩于河阳为若将狩而遇诸侯之朝者所以尊周而全晋也盖晋侯之召王则非而其本心乃欲率诸侯以尊周室若直书以示贬则无以异于心迹皆悖而躬为大恶者故原其情而为之讳此圣人待人之忠恕也践土之防出自天王故削而不书以掩其迹温之防出自晋侯故变文起义以原其情非圣人莫能修此类其较著者也

壬申公朝于王所

【公羊传】其日何录乎内也【朝于外为失礼录此以见鲁之非】

【谷梁传】朝于庙礼也于外非礼也独公朝与诸侯尽朝也其日以其再致天子故谨而曰之主善以内【谓公朝于王所】目恶以外【谓晋侯再致天子】言曰公朝逆辞也而尊天子【公若朝于庙当言如京师今言公朝是逆常之辞也虽逆常而实主于敬王故曰尊天子】防于温言小诸侯温河北地以河阳言之大天子也【温即河阳小诸侯故以一邑言之尊天子故以广大言之】日系于月月系于时壬申公朝于王所其不月失其所系也以为晋文公之行事为已愼矣【以臣召君颠倒上下日不系于月犹诸侯不宗于天子】

朝系日见先狩而后朝也有日而无月盖旧史之阙

晋人执卫侯归之于京师

【左传】卫侯与元咺讼【争杀叔武事】甯武子为辅鍼莊子为坐士荣为大士【元咺不宜与君对坐故使鍼莊子代卫侯为坐狱之主甯子为辅位高故先言之大士治狱官也以其主狱事与晋之狱官对理质正】卫侯不胜【三子词屈】杀士荣别鍼莊子谓甯俞忠而免之执卫侯归之于京师寘诸深室【深室别为囚室】甯子职纳橐籥焉【橐衣囊籥糜也甯子以君在幽囚故亲以衣食为己职言其忠至所虑者深】

【公羊传】归之于者何归之于者何归之于者罪已定矣归之于者罪未定也罪未定则何以得为伯讨归之于者执之于天子之侧者也罪定不定已可知矣【执于天子之侧已白天子罪定不定自在天子故言已可知】归之于者非执之于天子之侧者也罪定不定未可知也【未得白天子分别之者故曰未可知】卫侯之罪何杀叔武也何以不书为叔武讳也春秋为贤者讳何贤乎叔武让国也其让国奈何文公逐卫侯而立叔武叔武辞立而他人立则恐卫侯之不得反也故于是已立然后为践土之防治反卫侯卫侯得反曰叔武篡我元咺争之曰叔武无罪终杀叔武元咺走而出此晋侯也其称人何贬曷为贬卫之祸文公为之也文公为之奈何文公逐卫侯而立叔武使人兄弟相疑放乎杀母弟者文公为之也【放至也】

【谷梁传】此入而执其不言入何也不外王命于卫也【入者自外来晋以王命讨卫卫为王之土故曰不外王命】归之于京师缓辞也断在京师也

卫元咺自晋复归于卫

【左传】元咺归于卫立公子瑕【瑕卫公子适也】

【公羊传】自者何有力焉者也【得晋之力以归】此执其君其言自何【怪咺诉执其君晋实主之】为叔武争也【解晋助咺之故】

【谷梁传】自晋晋有奉焉尔复者复中国也归者归其所也

卫侯虽有杀叔武之罪然于元咺为君晋文为臣执君故卫侯不名而书晋人示不得为霸讨也归之于者执之于天子之侧其罪已定矣特归其人于京师耳晋厉公之执曹伯书归于京师盖白其事于王而不敢專治其罪所以得为霸讨而称爵也大夫归不言复必诸侯也而后言复国其所自有有归道也大夫言复者抗也元咺复归宋鱼石晋栾盈复入皆抗辞也

诸侯遂围许

【左传】丁丑诸侯围许【防温诸侯也丁丑十月十五日】

【谷梁传】遂继事也【承上文之事】

晋帅诸侯围许虽曰讨其不朝于河阳然当时滕薛 邾之属不朝者众矣盖齐桓既歿诸侯南向陈蔡郑许且与楚连兵以围宋城濮之后蔡郑受盟陈亦如防惟许再防不至故帅诸侯围之盖许在郑南远晋而近楚其亦惩于江黄之灭霸国不能救而姑附楚以纾祸与

曹伯襄复归于曹遂防诸侯围许

【左传】晋侯有疾曹伯之竖侯獯货筮史【竖掌通内外者姓侯名獯史晋史】使曰以曹为解齐桓公为防而封异姓【封邢卫】今君为防而灭同姓曹叔振铎文之昭也【叔振铎曹始封君文王之子】先君唐叔武之穆也且合诸侯而灭兄弟非礼也与卫偕命【私许复曹卫】而不与偕复非信也同罪异罚非刑也【卫已复故】礼以行义信以守礼刑以正邪舍此三者君将若之何公说复曹伯遂防诸侯于许

【谷梁传】复者复中国也天子免之因与之防其曰复通王命也【免之于宋身未反国因防于许即从反国之辞通王命】遂继事也曹伯何以名不能执义陈辞而货筮史以求免其归之道非所以归也不书所自以言自晋则身方在宋言自宋则释之者晋故第曰复归

【附錄左传】晋侯作三行以御狄荀林父将中行屠击将右行先蔑将左行【晋置上中下三军今复置三行以辟天子六军之名三行无佐疑大夫帅】

日讲春秋解义卷二十一

卷二十二

钦定四库全书

日讲春秋解义卷二十二

僖公

二十有九年春介葛卢来【介杜注东夷国在城阳黔陬县后为密州胶西县地今山东胶州西南有黔陬城葛卢介君名附庸无爵】

【左传】二十九年春介葛卢来朝舍于昌衍之上【昌衍杜注鲁县东南有昌平城在今山东曲阜县东南】公在会馈之刍米礼也【公羊传】介葛卢者何夷狄之君也何以不言朝不能乎朝也【不能行朝见之礼】

【谷梁传】介国也葛卢防国之君未爵者也其曰来卑也介僻防东隅其来于鲁与邠黎来同不能行朝礼故书来略之也

公至自围许

温之防公朝于王所不以王所致而曰至自围许所以着温之防意在谋许而不在尊王也

夏六月防王人晋人宋人齐人陈人蔡人秦人盟于翟

泉【防上公羊谷梁有公字翟公羊作狄翟泉杜注洛阳城内大仓西南池水也今古城在河南洛阳县东北左传】夏公防王子虎晋狐偃宋公孙固齐国归父陈辕涛涂秦小子憖盟于翟泉寻践土之盟且谋伐郑也卿不书罪之也【王子虎下盟列国诸侯大夫上敌公侯亏礼伤教故贬诸大夫讳公与盟】在礼卿不防公侯防伯子男可也【大国之卿当小国之君故可以防伯子男言诸卿所以见贬】

是防为王子虎晋狐偃宋公孙固齐国归父陈辕涛涂秦小子憖而公在焉乃贬而称人讳不书公何也翟泉近在王城之内而王子虎于此下与列国盟是谓上替诸侯大夫入天子之境上盟王子是谓下陵而无君之心着矣故以为大恶讳公不书诸国之卿贬称人而王子亦与焉此正其本之义也按晋文三大盟防此其一也既非践土王子涖盟之比又无于温自嫌之心瀆分乱常莫此为甚春秋所以恶之

秋大雨雹

【左传】秋大雨雹为灾也

刘向曰盛阳雨水温暖而湿热陰气胁之不相入则转而为雹雹者陰胁阳也胡氏以为鲁之政在大夫故有是兆

冬介葛卢来

【左传】冬介葛卢来以未见公故复来朝礼之加燕好【燕燕礼好好货一歲再来故加之】介葛卢闻牛鸣曰是生三牺皆用之矣其音云问之而信

葛卢复来而明年有侵萧之事则其再至非无故而修礼也

三十年春王正月

夏狄侵齐

【左传】三十年春晋人侵郑以观其可攻与否狄闲晋之有郑虞也夏狄侵齐

齐霸国之后与晋同盟狄之侵齐盖料晋方图郑而不暇救也齐桓召陵之后狄加兵于晋晋文城濮之后狄加兵于齐而桓文皆置而不问以楚人僭王力争中夏其志不测恐力分于狄而不能御楚耳

秋卫杀其大夫元咺

【左传】晋侯使医衍酖卫侯【衍医名晋侯怨卫侯欲杀而罪不及死故使医因治疾而加酖毒】甯俞货医使薄其酖不死公为之请纳玉于王与晋侯皆十穀【防玉曰穀鲁本与卫同好故为之请】王许之秋乃释卫侯 卫侯使赂周黻冶廛曰苟能纳我吾使尔为卿【恐元咺拒已故赂周冶】周冶杀元咺及子适子仪【子仪瑕母弟不书杀贱也】公入祀先君周冶既服将命【服卿服将入庙受命】周黻先入及门遇疾而死冶廛辞卿【见周黻死而惧】

【公羊传】卫侯未至其称国以杀何道杀也【时已得天子命还国于道路遇而杀之故坐之与至国同】

【谷梁传】称国以杀罪累上也以是为讼君也卫侯在外其以累上之辞言之何也待其杀而后入也

元咺以臣讼君君入则已奔君执则已归不臣之罪固不容诛乃称国以杀而不去其官何也咺虽有罪而卫侯赂其臣使杀其同列而求入焉则讨之不以其罪矣卫侯在外而称国杀待

杀而后入也

及公子瑕

【谷梁传】公子瑕累也以尊及卑也

瑕之见杀以元咺欲立之也然使瑕安于其位则当与卫剽之书爵同经书公子是瑕能拒咺辞其位而不居也卫侯告杀必以讨篡为言鲁卫方睦旧史承告而书未必不蔽罪于瑕经以公子冠瑕而书及则衅由元咺而瑕本无罪可知矣此孔子之特笔也

卫侯郑归于卫

【公羊传】此杀其大夫其言归何归恶乎元咺也曷为归恶乎元咺元咺之事君也君出则已入【晋人执卫侯归京师元咺自晋归卫】君入则已出【卫侯自楚归卫元咺出奔晋】以为不臣也卫侯出奔于楚见执于晋皆不名今既归国何以名之始归而杀叔武再归而及公子瑕春秋所深恶也诸侯之执不书归其书归者危不得归也诸侯之归必称复不称复者其义当绝也或曰难则书复易则第书归义亦可通

晋人秦人围郑

【左传】九月甲午晋侯秦伯围郑以其无礼于晋且贰于楚也晋军函陵秦军泛南【杜注此东泛也在荥阳中牟县南今属河南开封府】佚之狐言于郑伯曰国危矣若使烛之武见秦君师必退【佚之狐烛之武皆郑大夫】公从之辞曰臣之壮也犹不如人今老矣无能为也已公曰吾不能早用子今急而求子是寡人之过也然郑亡子亦不利焉许之夜缒而出【缒县城而下】见秦伯曰秦晋围郑郑既知亡矣若亡郑而有益于君敢以烦执事越国以鄙远君知其难也【设得郑以为秦边邑则越晋而难保】焉用亡郑以倍邻【倍益也】邻之厚君之薄也若舍郑以为东道主行李之往来共其乏困【郑在东故曰东道主行李使人】君亦无所害且君尝为晋君赐矣许君焦瑕朝济而夕设版焉君之所知也【晋君谓惠公焦瑕杜注晋河外五城之二邑在今陕州南朝济河而夕设版筑以距秦言背秦之速】夫晋何厌之有既东封郑又欲肆其西封【封疆也肆广也】若不阙秦将焉取之阙秦以利晋唯君图之秦伯说与郑人盟使子逢孙扬孙戌之乃还【三子秦大夫反为郑守】子犯请击之公曰不可防夫人之力不及此【夫人谓秦穆公】因人之力而敝之不仁失其所与不知以乱易整不武【秦晋和整而还相攻更为乱也】吾其还也亦去之初郑公子兰出奔晋【兰郑穆公】从于晋侯伐郑请无与围郑许之使待命于东【晋东界】郑石甲父侯宣多逆以为大子以求成于晋晋人许之【二子郑大夫言穆公所以立】

献俘践土郑伯傅王温之防同朝王所而翟泉之盟不与故晋以贰于楚讨之先儒皆据左谓晋侯秦伯亲将贬而称人而以经考之自阳处父伐江以前外大夫无以名见者凡称人皆大夫将之辞耳

介人侵萧

萧宋附庸也介再来鲁而次年遂侵萧岂惧为宋所忌而预附于鲁以求援与

冬天王使宰周公来聘

【左传】冬王使周公阅来聘【阅周公名】飧有昌歜白黑形盐【昌歜昌蒲菹白熬稻黑熬黍形盐盐形象虎】辞曰国君文足昭也武可畏也则有备物之飧以象其德荐五味羞嘉谷盐虎形【嘉谷熬稻黍也以象文盐虎形以象武】以献其功吾何以堪之

【谷梁传】天子之宰通于四海

公子遂如京师【此聘周之始】

遂如晋【此聘晋之始】

【左传】东门襄仲将聘于周【襄仲即公子遂】遂初聘于晋

【公羊传】大夫无遂事此其言遂何公不得为政尔【不从公政令也】

【谷梁传】以尊遂乎卑此言不敢叛京师也【谓若即言如京师知晋则同周于晋叛而不尊天子故云遂使若公子遂因聘周而自往晋也】

天王使宰周公下聘必因晋侯帅诸侯再朝重礼以报之而因及齐鲁诸大国也鲁君不能躬拜王命而使公子遂报聘又比周于晋不待贬绝而恶见矣凡书遂有以二事出者公子遂如京师遂如晋祭公来遂逆王后于纪是也有以一事出而専继事者公子结媵陈人之妇遂及齐侯宋公盟是也其是非得失则存乎其事矣

三十有一年春取济西田

【左传】三十一年春取济西田分曹地也【二十八年晋文讨曹分其地竟界未定至是乃以赐诸侯】使臧文仲往宿于重馆【重鲁地杜注高平方与县西北有重乡城馆候馆也】重馆人告曰晋新得诸侯必亲其共不速行将无及也从之分曹地自洮以南东傅于济尽曹地也【言获地之多杜注济水自茌阳东过鲁之西至乐安入海】

【公羊传】恶乎取之取之曹也曷为不言取之曹讳取同姓之田也此未有伐曹者则其言取之曹何【言鲁未尝伐曹何以言取曹田】晋侯执曹伯班其所取侵地于诸侯也【班者徧还之辞】晋侯执曹伯班其所取侵地于诸侯则何讳乎取同姓之田久也【济西故鲁田见侵于曹歷时既久不得复为鲁地故以取邑之例讳之】济西之田不系曹者明其为鲁田

也复故田而谓之取何也借晋人之力而彊取之则与取非其有者同凡取人之有其恶易见取已之有而不以道其罪难知圣人正名曰取所以显防也

公子遂如晋

【左传】襄仲如晋拜曹田也

往年宰周公来而公子遂报聘则以二事出今复以济西之田使遂如晋慢于尊周而谨于事晋直书而罪自见矣

夏四月四卜郊不从乃免牲犹三望

【左传】夏四月四卜郊不从乃免牲非礼也犹三望亦非礼也礼不卜常祀【必其时】而卜其牲日【卜牲与日知吉凶】牛卜曰曰牲【既得吉日则牛改名曰牲】牲成而卜郊上怠慢也【怠于古典慢瀆 策】望郊之细也不郊亦无望可也

【公羊传】曷为或言三卜或言四卜三卜礼也四卜非礼也三卜何以礼四卜何以非礼求吉之道三【三卜吉凶必有相奇者可以决疑故求吉必三卜】禘尝不卜郊何以卜卜郊非礼也卜郊何以非礼鲁郊非礼也鲁郊何以非礼天子祭天诸侯祭土【土谓社也】天子有方望之事【方望谓郊时所望祭四方羣神日月星辰风伯雨师五岳四渎及余山川凡三十六所】无所不通【尽八极之内天地之所覆载无所不至故得郊也】诸侯山川有不在其封内者则不祭也曷言或言免牲或言免牛免牲礼也免牛非礼也【免犹纵也卜郊不吉则不敢郊故免牲也】免牛何以非礼伤者曰牛【养牲不谨致灾伤天不飨用不得复为天牲故以奉牛名之】三望者何望祭也然则曷祭祭大山河海曷为祭大山河海山川有能润于百里者天子秩而祭之【此皆助天宣气布功故祭天及之秩者随其大小尊卑高下所宜】触石而出肤寸而合【侧手为肤按指为寸言其触石理而出无有肤寸而不合】不崇朝而徧雨乎天下者惟大山尔河海润于千里【亦能通气致雨润泽及乎千里】犹者何通可以已也【已止也】何以书讥不郊而望祭也

【谷梁传】夏四月不时也【郊春事也】四卜非礼也【四卜则入夏】免牲者为之缁衣熏裳有司 端奉送至于南郊免牛亦然【 端黑衣接神之道 熏者天地之色也南郊天位归之于阳也全曰牲伤曰牛牛有变而不郊故卜免牛】乃者亡乎人之辞也【亡乎人若曰无贤人也】犹者可以已之辞也

天子以长至之日郊祀上帝孟春辛日祈谷亦谓之郊鲁僭祈谷之郊已为歳事之常矣春秋欲削而不存则无以志其失悉书之则有不胜书故因礼之变而特书以见义也凡郊三卜不从则不郊三不吉而至于四失礼又甚矣不郊而或言免牲或言免牛何也未牲曰牛既卜曰牲免牛犹可再卜牛至卜免牲吉则不可郊明矣故不复言不郊望望而祭之郊之细也周官四望盖望四方鲁望止于三公羊谓大山河海郑 谓海岱淮贾逵服防谓分野之星及国中

山川杜预因之而胡氏安国独取公羊之說于理为近要非诸侯所得为也不郊而望故特书曰犹犹者可已而不已之词

秋七月

【附錄左传】秋晋搜于清原作五军以御狄【二十八年晋作三行今罢之更为上下新军清原杜注河东闻喜县北有清原在今山西稷山县西北】赵衰为卿【二十七年命赵衰为卿让于乐枝今始从原大夫为新军帅】

冬 伯姬来求妇

【公羊传】其言来求妇何兄弟辞也其称妇何有姑之辞也

【谷梁传】妇人既嫁不逾竟 伯姬来求妇非正也昏姻常事不书此何以书求妇非正也妇言不逾阃闾越竟而为子谋昏失妇义矣故谨之

狄围卫

十有二月卫迁于帝丘【帝丘杜注东郡濮阳县帝顓頊之虚故曰帝丘今直 防州有顓頊城】

【左传】冬狄围卫卫迁于帝丘卜曰三百年卫成公梦康叔曰相夺予享【相夏后啓之孙居帝丘享祭也】公命祀相甯武子不可曰鬼神非其族类不歆其祀【歆犹享也】 鄆何事【言 鄆夏后自当祀相】相之不享于此久矣非卫之罪也不可以闲成王周公之命祀【诸侯受命各有常祀】请改祀命【改祀相之命】狄尝入卫齐桓率诸侯为城楚丘以定之今为狄所围又自迁于帝丘夫立国在于自彊楚人谋徙于阪高蔦贾曰我能往寇亦能往春秋书此以见卫之不能自彊而晋文衰暮无以大庇诸姬亦可见矣

【附錄左传】郑泄驾恶公子瑕郑伯亦恶之故公子瑕出奔楚【瑕文公子泄驾郑大夫为纳瑕张弁】

三十有二年春王正月

【附錄左传】三十二年春楚鬬章请平于晋晋阳防父报之晋楚始通【阳防父晋大夫晋楚自春秋以来始交使命为和同】

夏四月己丑郑伯捷卒【捷公羊作接】

卫人侵狄

【左传】夏狄有乱卫人侵狄狄请平焉

秋卫人及狄盟

【左传】秋卫人及狄盟

及者卫为志不地者盟于狄也卫畏狄彊迁都避之今不能声罪致讨乃乘乱而掠其境则不武又就其地汲汲而与之盟则非礼春秋书之以罪卫也

冬十有二月己卯晋侯重耳卒

【左传】冬晋文公卒庚辰将殡于曲沃【殡窆棺也曲沃有旧宫焉】出绋柩有声如牛【如牛响声】卜偃使大夫拜曰君命大事将有西师过轶我击之必大捷焉【声自柩出故曰君命大事戎事也卜偃闻秦密谋故因柩声以正众心】杞子自郑使告于秦曰【三十年秦使大夫 子戌郑】郑人使我掌其北门之管【管籥也】若潜师以来国可得也穆公访诸蹇叔【蹇叔秦大夫】蹇叔曰劳师以袭远非所闻也师劳力竭远主备之无乃不可乎师知所为郑必知之勤而无所必有悖心【士卒劳而无所得必生悖戾之心害及良善】且行千里其谁不知公辞焉召孟明西乞白乙使出师于东门之外【孟明百里孟明视西乞术白乙白乙丙】蹇叔哭之曰孟子吾见师之出而不见其入也公使谓之曰尔何知中寿尔墓之木拱矣【合手曰拱言其过老悖不可用】蹇叔之子与师哭而送之曰晋人御师必于殽【殽杜注在 农澠池县西】殽有二陵焉【大阜曰陵】其南陵夏后皋之墓也【皋夏桀之祖父】其北陵文王之所辟风雨也【此道在二殽之闲南谷中谷深委曲两山相嵌故可以辟风雨】必死是间【以其深险故】余收尔骨焉秦师遂东【为明年晋败秦于殽】

晋文公之入也左氏言之甚详而经不书何也诸侯有朝聘之礼赴告之命若告命不通记注文阙圣人因鲁史以作经有可损而不能益也

三十有三年春王二月秦人入滑

【左传】三十三年春秦师过周北门左右免胄而下【北门王城之北门胄兜鍪兵车非大将御者在中故左右下御不下】超乘者三百乘王孙满尚防观之言于王曰秦师轻而无礼必败【无礼谓过天子门不卷甲束兵超乘示勇】轻则寡谋无礼则脱【脱易也】入险而脱又不能谋能无败乎及滑郑商人 高将市于周遇之以乘韦先牛十二犒师【乘韦四韦也皮熟曰韦生曰革古者将献遗于人必有以先之】曰寡君闻吾子将步师出于敝邑敢犒从者不腆敝邑为从者之淹居则具一日之积行则备一夕之卫【高知秦将袭郑欲败其谋故诈言君命步犹行也积谓刍米菜薪卫捍御之具】且使遽告于郑【遽 车】郑穆公使视客馆【秦 子逢孙杨孙戌郑郑人馆之至是闻 高之言使视其所为】则束载厉兵秣马矣【果见三子欲为内应】使皇武子辞焉【皇武子郑大夫】曰吾子淹久于敝邑唯是脯资饩牵竭矣【资粮也生曰饩牵谓牛羊豕】为吾子之将行也郑之有原圃犹秦之有

具囿也吾子取其麋鹿以闲敝邑若何【原圃具囿皆囿名杜注荥阳中牟县西有圃田泽使秦成自取麋鹿以为行资盖明示三子已知其情】杞子奔齐逢孙扬孙奔宋孟明曰郑有备矣不可冀也攻之不克围之不继吾其还也灭滑而还

【谷梁传】滑国也

灭滑而书入者不能有其地非未灭也诈谋不遂又肆悖心以灭无罪之小国而不虞晋之拟其后非道失谋其困也宜矣

齐侯使国归父来聘

【左传】齐国莊子来聘自郊劳至于赠贿礼成而加之以敏【聘礼賓至于郊君使卿朝服用束帛劳及聘事皆毕乃去賓遂行舍于郊公使卿赠如覲币是来有郊劳去有赠贿也敏审当于事也】臧文仲言于公曰国子为政齐犹有礼君其朝焉臣闻之服于有礼社稷之卫也【为公如齐】

二十八年公子遂如齐平旧怨也今国归父来报遂之聘也古者诸侯邦交其礼甚简入春秋时比周相结使命日烦至国归父来聘而大夫之交政列国者纷纷无制矣

夏四月辛巳晋人及姜戎败秦于殽【败秦下左 谷梁有师字姜戎姜姓之戎居晋南鄙戎子驹支之先也殽杜注在 农澠池县西在今河南永寧县北】

【左传】晋原轸曰秦违蹇叔而以贪勤民天奉我也【秦师还过晋竟先轸谋邀而伐之奉与也】奉不可失敌不可纵纵敌患生违天不祥必伐秦师栾枝曰未报秦施而伐其师其为死君乎【言以君死故忘秦施】先轸曰秦不哀吾丧而伐吾同姓【滑与晋同生】秦则无礼何施之为吾闻之一日纵敌数世之患也谋及子孙可谓死君乎遂发命遽兴姜戎【以车起姜戎之兵欲其速也】子墨衰经【晋文公未葬故襄公称子以凶服从戎故墨之】梁御戎莱驹为右夏四月辛巳败秦师于殽获百里孟明视西乞术白乙丙以归遂墨以葬文公晋于是始墨【后遂常以为俗记礼所由变】文嬴请三帅【文嬴晋文公始适秦秦穆公所妻夫人襄公嫡母三帅孟明等】曰彼实搆吾二君寡君若得而食之不厌君何辱讨焉使归就戮于秦以逞寡君之志若何公许之先轸朝问秦囚公曰夫人请之吾舍之矣先轸怒曰武夫力而拘诸原妇人暂而免诸国【暂犹卒也】堕军实而长寇讎【堕毁也】亡无日矣不顾而唾公使阳防父追之及诸河则在舟中矣释左骖以公命赠孟明【矫称襄公命赠欲使还拜谢因而执之】孟明稽首曰【孟明知其诈乃遥于舟中稽首拜命】君之惠不以累臣衅鼓【累囚系也杀人以血涂鼓谓之衅鼓】使归就戮于秦寡君之以为戮死且不朽若從君惠而免之三年 拜君赐【意欲报伐晋】秦伯素服郊次【待之于郊】乡师而哭曰孤违蹇叔以辱二三子孤之罪也【降名称孤】不替孟明孤之过也大夫何罪且吾不以一眚掩大德【眚过也】

【公羊传】其谓之秦何【称国】夷狄之也曷为夷狄之秦伯将袭郑百里子与蹇叔子谏曰千里而袭人未有不亡者也秦伯怒曰若尔之年者宰上之木拱矣【宰冢也】尔曷知师出百里子与蹇叔子送其子而戒之曰尔即死必于殽之嵒岩是文王之所辟风雨者也【其地险隘一可要百故文王过之驱驰常若辟风雨袭郑所当由也】吾将尸尔焉子揖师而行【揖其父于师中介冑不拜为其拜如蹲】百里子与蹇叔子從其子而哭之秦伯怒曰尔曷为哭吾师对曰臣非敢哭君师哭臣之子也 高者郑商也遇之殽矫以郑伯之命而犒师焉或曰往矣或曰反矣【军中语也时以为郑实使 高犒之或以为郑伯已知将见袭必设备不如还或曰师既出当遂往】然而晋人与姜戎要之殽而击之【然而上议犹豫防往之顷也要邀也】匹马只轮无反者【言尽获之】其言及姜戎何姜戎防也称人亦防者也何言乎姜戎之防先軫也【先軫晋大夫也言姜戎防则知称人者尊】或曰襄公亲之【亲将】襄公亲之则其称人何贬曷为贬君在乎殡而用师危不得葬也诈战不曰【诈卒也齐人语也】此何以日尽也【尽俘之恶其不仁】

【谷梁传】不言战而言败何也狄秦也其狄之何也秦越千里之险入虚国【滑无备故言虚国】进不能守退败其师徒乱人子女之教无男女之别秦之为狄自殽之战始也【进不能守谓入滑而去退败其师谓败于殽乱人子女谓入滑之时纵暴乱也】秦伯将袭郑百里子与蹇叔子谏曰千里而袭人未有不亡者也秦伯曰子之冢木已拱矣何知【言其老无知】师行百里子与蹇叔子送其子而戒之曰女死必于殽之嵒嵒之下我将尸女于是【尸女者収女尸】师行百里子与蹇叔子随其子而哭之秦伯怒曰何为哭吾师也二子曰非敢哭师也哭吾子也我老矣彼不死则我死矣【畏秦伯怒故云彼我必有死者】晋人与姜戎要而击之殽匹马倚轮无反者【倚轮一只之轮】晋人者晋子也其曰人何也防之也何为防之不正其释殡而主乎战也

秦自十三年围郑已识地形又见齐晋更霸宋楚争衡乘晋文新歿逾周而袭郑使其谋得逞将据郑以力征东夏蚕食诸姬其无王之心未必不同于荆楚晋襄要而击之只轮不反终春秋之世秦卒不能逾晋而东故败殽之勲防于城濮先儒乃以墨衰即戎为晋子罪误矣国君之孝异于匹夫社稷之役可以变礼故鲁公禽父在丧而从金革孔子与之誓在尚书论具礼记且春秋之法外以讳为善故特书晋人若晋子未尝在师者然如以为贬则凡会盟侵伐以丧出而称爵称子者乃得为褒乎陆氏淳谓孔子许其以权变礼故为之讳卓矣

癸巳葬晋文公

【谷梁传】日葬危不得葬也

晋先君有文侯而重耳复諡为文非礼也

狄侵齐

【左传】狄侵齐因晋丧也

狄闲晋丧而侵齐穀师方罢营葬先君齐晋悬隔千里即有赴告晋师非逾月不能出绛何及于狄先儒既以墨衰御秦责晋而又以不能攘狄罪之义无所防矣

公伐邾取訾娄【訾娄公羊作丛谷梁作訾楼訾娄邾地当在今山东济宁州界】

秋公子遂帅师伐邾

【左传】公伐邾取訾娄以报升降之役【在二十二年】邾人不设备秋襄仲复伐邾

僖公怀升降之忿以晋文始霸不敢兴报怨之师晋文既歿秦狄交讐故乘其闲而再伐邾以取利焉齐桓之歿楚宋争霸鲁亦闲之而再伐邾每乘霸国多事而陵弱暴寡何以为秉礼之国乎

晋人败狄于箕【箕杜注大原阳邑县南有箕城在今山西大谷县东南】

【左传】狄伐晋及箕八月戊子晋侯败狄于箕郤缺获白狄子【白狄秋别种也子白狄之君子爵也】先轸曰匹夫逞志于君而无讨【谓不顾而唾】敢不自讨乎免胄入狄师死焉狄人归其元【元首】面如生初臼季使过冀见冀缺耨其妻饁之【臼季胥臣也冀杜注晋邑今山西河津县东有冀亭冀缺即郤缺耨锄也野馈曰饁】敬相待如賓与之归言诸文公曰敬德之聚也能敬必有德德以治民君请用之臣闻之出门如賓承事如祭仁之则也公曰其父有罪可乎【缺父冀芮欲弑文公在二十四年】对曰舜之罪也殛鯀其举也兴禹管敬仲桓之贼也实相以济康诰曰父不慈子不祗兄不友弟不共不相及也【康诰周书祗敬也】诗曰采葑采菲无以下体君取节焉可也【诗国风葑菲之菜上善下恶食之者不以其恶而弃其善言可取其善节】文公以为下军大夫反自箕襄公以三命命先且居将中军【且居先轸之子其父死敌故进之】以再命命先茅之县赏胥臣曰举郤缺子之功也【先茅絶后故取其县以赏胥臣】以一命命郤缺为卿复与之冀【还其父故邑】亦未有军行【虽登卿位未有军列】

秦谋袭郑狄攻齐卫乘文公之新歿而争衡于中夏也晋子败秦于穀又败狄于箕而霸统遂定诸侯賓服其功甚伟且皆应敌之师而先儒多以为病亦未揆于事理之实耳

冬十月公如齐

十有二月公至自齐

报国庄子之聘也天王下聘不朝于京师齐国归父来乃躬报谢不加贬而义自见矣

乙巳公薨于小寝

【左传】冬公如齐朝且吊有狄师也反薨于小寝即安也【小寝夫人寝也讥公就所安不终于路寝】

【谷梁传】小寝非正也

周制王宫六寝路寝一小寝五戴记君日出而眡朝退适路寝聽政使人眡大夫大夫退然后适小寝释服是路寝治事之所小寝燕息之地也鲁子以诸侯有三宫则列国之制盖降于王其以路寝为正则一尔

陨霜不杀草李梅实【陨公羊作霽】

【公羊传】何以书记异也何异尔不时也

【谷梁传】未可杀而杀举重也可杀而不杀举轻也【定元年陨霜杀菽此年陨霜不杀草重谓菽也轻谓草也轻者不死则重者不死可知】实之为言犹实也【实子也】

周之十二月夏之十月也霜既陨而草不杀固已异矣梅李再荣非时而成实陰阳失序物反其常先儒以为鲁政不纲三桓盛彊干权擅国咎徵之先见者也

晋人陈人郑人伐许

【左传】晋陈郑伐许讨其贰于楚也

陈郑久服于楚晋人讨许不用齐鲁宋卫之师而独与陈郑同役以继文之业席败秦败狄之威楚人不敢北乡职是故也而先儒皆以为讥亦过矣

【附录左传】楚令尹子上侵陈蔡【子上即关勃】陈蔡成遂伐郑将纳公子瑕【三十一年瑕奔楚】门于桔柣之门瑕覆于周氏之汪【车倾覆池水中】外仆髡屯禽之以献【郑之外仆髡发而名屯者杀瑕以献郑伯】文夫人敛而葬之郕城之下【郑文公夫人也郕城杜注故郕国在荥阳密县东北今属河南开封府】晋阳处父侵蔡楚子上救之与晋师夹泚而军【泚水杜注出鲁阳县东经里城定陵入汝】阳子患之使谓子上曰吾闻之文不犯顺武不违敌【有文德者不犯顺意谓相约涉水而伐其师是犯顺也有武德者不弃敌意谓相约退舍而自弃去是违敌也】子若欲战则吾退舍子济而陈【欲辟楚使渡成陈而后战】迟速唯命不然纾我【纾缓也】老师费财亦无益也乃驾以待子上欲涉大孙伯曰【大孙伯即成大心】不可晋人无信半涉而薄我悔败何及不如纾之乃退舍【楚退欲使晋渡】阳子宣言曰楚师遁矣遂归楚师亦归大子商臣谮子上曰受晋赂而辟之楚之耻也罪莫大焉王杀子上【商臣怨子上止王立已谮之】葬僖公缓【十一月僖公薨文公元年四月葬僖公并闰七月乃葬故云缓】作主非礼也【文二年乃作主遂因葬文通议之】凡君薨卒哭而祔祔而作主特祀于主烝尝禘于庙【既葬反虞则免丧故曰卒哭哭止也以新死者

之神祔之于祖尸柩已遠孝子思慕故造木主立几筵特用喪禮祭祀于寢不同之于宗廟言凡君者謂諸侯以上不通于卿大夫冬祭曰烝秋祭曰嘗新主既立特祀于寢則宗廟四時常祀自如舊也三年禮畢又大禘乃皆同于吉】

日講春秋解義卷二十二

卷二十三

<经部,春秋类,日讲春秋解义

钦定四库全书

日讲春秋解义卷二十三

文公【公名兴僖公母母声姜諡法慈惠爱民曰文忠信接礼曰文】

周【襄王二十六年鲁文公八年襄王崩子顷王立文十四年顷王崩子匡王立】

郑【穆公二年】

齐【昭公七年鲁文公十四年昭公卒子舍立九月舍弑商人立文十八年懿公弑惠公元立】宋【成公十一年鲁文公七年成公卒昭公杵臼立文十六年昭公弑弟文公鲍立】

晋【襄公继霸二年鲁文公六年襄公卒子灵公夷臯立是年赵盾为政】

卫【成公九年】

蔡【庄公十九年鲁文公十五年庄公卒子文公申立】

曹【共公二十七年鲁文公九年共公卒子文公壽立】

滕【详见隐公元年鲁文公十二年滕昭公来朝】

陈【共公六年鲁文公十三年共公卒子灵公平国立】

【详见隐公元年】

薛【详见隐公元年及僖公元年】

莒【鲁文公十八年莒太子仆弑纪公庶其子李佗立】

邾【文公四十二年鲁文公十三年邾文公卒子定公矍且立】

许【僖公二十九年鲁文公五年僖公卒昭公锡我立】

小邾【详见僖公元年】

楚【成王四十六年鲁文公元年冬商臣弑成王而自立为穆王文十三年穆王卒子庄王立始争霸】秦【穆公三十四年○秦用孟明以为政鲁文公二年秦伯伐晋济河焚舟遂霸西戎史记穆公三十七年益国十二开地千里天子使召公过贺穆公以金鼓文六年穆公卒子康公防立文十八年康公卒子共公稻立】

呉【详见隐公元年】

越【详见隐公元年】

钦定四库全书

日讲春秋解义卷二十三

文公【名兴僖公之子母声姜以襄王二十六年即位諡法慈惠爱民曰文忠信接礼曰文】

元年春王正月公即位

【谷梁传】继正即位正也【继正谓继正卒也隱去即位以见让桓书即位示安忍庄闵僖不言即位皆继弑】

即位者告庙临羣臣也必逾年然后改元书即位者缘始终之义一年不二君缘臣民之心不可旷年无君也即位必以歲首正始也自古通丧三年告庙则冢宰摄而行之如伊尹祠于先王是也惟即位临羣臣则权一时之宜如借吉例事毕即反丧服盖易世传授国之大事当严其礼而王侯以国为家虽先君之丧犹以为已私服也鲁自隱至文桓公弑立外惟文公书即位盖国无变事举行其礼则史书其事也

二月癸亥日有食之【公羊日上有朔字】

天王使叔服来防葬

【左传】元年春王使内史叔服来防葬【叔氏服字】公孙敖闻其能相人也【公孙敖鲁大夫庆父之叔服能视人顏色知吉凶】见其二子焉叔服曰谷也食子难也收子【谷公孙敖长子文伯难公孙敖次子惠叔食子奉祭祀供养者也收子葬身者也】谷也丰下必有后于鲁国【丰下盖面方为八年公孙敖奔莒传】

【公羊传】其言来防葬何防葬礼也

【谷梁传】葬曰防【言防明非一人之辞】其志重天子之礼也

凡崩薨卒葬人道之大变也不以得礼为常事而不书其甚害于王法如君弑贼不讨呉楚称王之类则圣人有削而不书以示义者矣诸侯使卿来防葬不书常事也王使来鲁则无不书尊王命且以着鲁不朝聘而王数加礼为失政也王于诸侯有吊赠舍襚之礼而使人防葬则诸侯相交之丧纪也况天王之丧葬鲁君不闻亲赴而王臣先至以待诸侯之葬期冠履倒置至此极矣

【附录左传】于是闰三月非礼也【于厯法当在僖公末年误于今年三月置闰盖时达厯者所讥】先王之正时也履端于始举正于中归余于终【履步也日月运转于天犹人之行步故推厯谓之步厯步厯之始以为术之端首谓以十一月一日子初一刻冬至为厯首朞之日三百六十有六日日月之行又有迟速而必分为十二月举中气以正月月朔之与月节每月各剩一日所有余日归之于终积成一月则置之为闰故言归余于终】履端于始序则不愆【四时无愆过】举正于中民则不惑【斗建不失其次寒暑不失其常故无疑惑】归余于终事则不悖【四时得所则事无悖乱】

夏四月丁巳葬我君僖公

【左传】夏四月丁巳葬僖公

【谷梁传】薨称公举上也葬我君接上下也僖公葬而后举諡諡所以成德也于卒事乎加之矣

诸侯五月而葬僖公以十二月薨以四月葬于礼为合矣

天王使毛伯来锡公命

【左传】王使毛伯卫来锡公命【毛国伯爵卫其字也诸侯为王卿士者公羊传】锡者何赐也命者何加我服也【复发传者嫌礼与桓公同死生异也古者三载考绩三考黜陟幽明文公新即位功未足施而锡之非礼也】

【谷梁传】礼有受命无来锡命锡命非正也

命所当锡者三终丧入见则有黻冕圭璧之锡礼所谓以士服见天子赐之黻冕圭璧然后归是也歳时来朝则有车马衮黼之锡如采菽之诗所称是也敌忾献功则有彤弓旅矢之锡如彤弓之诗所称是也然是三者皆诸侯至王所受之天子无往锡之礼今文公居丧始越五月既非初见之时又无继朝献功之事毛伯之锡何为哉故书以讥之

晋侯伐卫

【左传】晋文公之季年诸侯朝晋卫成公不朝使孔达侵郑伐絺訾及匡【孔达衛大夫匡杜注在颍川新汲县东北今河南扶沟县西有匡城】晋襄公既祥【祥谓小祥也】使告于诸侯而伐衛及南阳【南阳杜注河内地】先且居曰效尤祸也【尤衛不朝故伐今不朝王是效卫致祸时王在温故劝之】请君朝王臣从师晋侯朝王于温先且居胥臣伐衛五月辛酉朔晋师围戚六月戊戌取之获孙昭子【昭子衛大夫食戚邑】

齐桓于霸为盛而业止其身晋文得国日浅视桓少逊而子孙继霸者凡十世则以襄公克纘父功尊獎王室故威加诸侯而霸业不替如衛侯不朝将告于诸侯而伐之乃能听先且居之言朝王于温而后往伐可谓知礼矣

叔孙得臣如京师

【左传】叔孙得臣如周拜【得臣叔牙之孙如周谢锡命】

不自朝而使卿拜命终丧之后又不类见慢王之罪其可追乎赵氏鹏飞以拜命为非谓释衰服褻于心不安說亦无据在礼丧公吊之必有拜者使人拜未闻遂释服也

卫人伐晋

【左传】卫人使告于陈【以晋伐告】陈共公曰更伐之我辞之【见伐求和不竞太甚故使报伐示己力足以距晋我陈侯也言为衛以辞谢晋求和】卫孔达帅师伐晋君子以为古者越国而谋

衛人听陈共公谋使孔达伐晋夫古者越国而谋必义事也今陈与卫不谋以小事大之礼而乃称兵报伐他日陈为卫请而执达以說其为谋也过矣

秋公孙敖防晋侯于戚【此大夫专防诸侯之始戚杜注卫邑在顿丘卫县西今直 开州北有古戚城】

【左传】秋晋侯疆戚田故公孙敖防之【晋取卫田正其疆界公孙敖即穆伯庆父之子也】

鲁之三家虽自僖公而僖之世尚未见其恣也及文公之初则已专盟防矣夫诸侯非王命自为防犹以为罪况以列卿上防霸主岂非政逮大夫之渐乎鲁与晋交失之矣

冬十月丁未楚世子商臣弑其君頽【頽公羊谷梁作髡】

【左传】初楚子将以商臣为太子访诸令尹子上子上曰君之齿未也【齿年也言尚少】而又多爱黜乃乱也楚国之举恒在少者【举立也】且是人也蠹目而豺声忍人也不可立

也弗听既又欲立王子职而黜太子商臣【职商臣庶弟】商臣闻之而未察告其师潘崇曰若之何而察之潘崇曰享江平而勿敬也【江平成王妹嫁于江】从之江平怒曰呼役夫【呼发声也役夫贱者称】宜君王之欲杀女而立职也告潘崇曰信矣潘崇曰能事诸乎【问能事职不】曰不能能行乎曰不能能行大事乎曰能【大事谓弑君】冬十月以宫甲围成王【太子宫甲僖二十八年王以东宫卒从子玉盖取此宫甲】王请食熊蹯而死【熊掌难熟冀久将有外救】弗听丁未王缢諡之曰灵不瞑曰成乃瞑穆王立以其为太子之室与潘崇使为太师且掌环列之尹【环列之尹宫卫之官列兵而环王宫】

【谷梁传】日髡之卒所以谨商臣之弑也夷狄不言正不正【中国君卒正者例曰篡立不正者不曰夷狄君卒皆略而不曰今书曰谨识商臣之大逆耳不以明髡正与不正】

楚僭号已久世子必不誓于天子今特书世子以着其罪也不言其父言其君者君之于世子有父之亲有君之尊言世子所以明有父之亲言君所以明有君之尊也楚顓偃王在位四十六年陵暴列国战克攻取毒被天下终以昧于父子君臣之道祸发萧墙所谓不善之积必有余殃岂不信与

公孙敖如齐

【左传】穆伯如齐始聘焉礼也凡君即位卿出并聘践修旧好要结外援好事邻国以卫社稷忠信卑让之道也忠德之正也信德之固也卑让德之基也

诸侯初即位于列国有通嗣君之礼然得臣聘周而敖聘齐等周于齐失礼已甚或谓聘齐以请婚在丧谋婚尤为非礼不贬而恶见矣

【附录左传】殽之役【在僖三十三年】晋人既归秦帅秦大夫及左右皆言于秦伯曰是败也孟明之罪也必杀之秦伯曰是孤之罪也周芮良夫之诗曰大风有隧贪人败类【诗大雅隧蹊径也言贪人之败善类若大风之行毁坏众物所在成蹊径】听言则对诵言如醉【言得道听涂说之言则喜而答对典诵之言则闻之若醉】匪用其良覆俾我悖【覆反也俾使也不用良臣之言反使我为悖乱】是贪故也孤之谓矣孤实贪以祸夫子夫子何罪复使为政【为明年秦晋战彭衙传】

二年春王二月甲子晋侯及秦师战于彭衙秦师败绩【彭衙杜注秦地冯翊郿阳县西北有彭衙城在今陕西白水县东北】

【左传】二年春秦孟明视帅师伐晋以报殽之役二月晋侯御之先且居将中军赵衰佐之【代郤溱】王官无地御戎【代梁 】狐鞫居为右【鞫居续简伯】甲子及秦师战于彭衙秦师败绩晋人谓秦拜赐之师【以孟明言三年将拜君赐故嗤之】战于殽也晋梁 御戎莱驹为右战之明日晋襄公缚秦囚使莱驹以戈斩之囚呼莱驹失戈狼瞫取戈以斩囚禽之以从公乘遂以为右【因上文莱驹失戈故言禽之生死皆曰禽】箕之役【在僖三十三

年】先軫黜之而立续简伯狼睪怒其友曰盍死之睪曰吾未获死所其友曰吾与女为难【欲共杀先軫】睪曰周志有之勇则害上不登于明堂【周志周书也明堂所以防功德故不义之士不得升】死而不义非勇也共用之谓勇【共用死国用】吾以勇求右无勇而黜亦其所也【言今死而不义更成无勇宜见退】谓上不我知黜而宜乃知我矣【言今见黜而合宜则吾不得复言上不我知】子姑待之及彭衙既陈以其属驰秦师死焉晋师从之大败秦师君子谓狼睪于是乎君子诗曰君子如怒乱庶遄沮【诗小雅遄疾也沮止也言君子之怒必以止乱】又曰王赫斯怒爰整其旅【诗大雅】怒不作乱而以从师可谓君子矣秦伯犹用孟明孟明增修国政重施于民赵成子言于诸大夫曰【成子赵衰】秦师又至将必辟之惧而增德不可当也诗曰毋念尔祖聿修厥德【诗大雅言念其祖考则宜述修其德以显之母念念也】孟明念之矣念德不怠其可敌乎【为明年秦人伐晋传】

秦穆公邀利以取败不自悔责而事报复师出无名故不称伐晋襄公得志于殽可以已矣秦兵再至不修文告以却之而逞志于再战是主乎战者也故言及盖秦穆愤于败而不能平晋襄狃于胜而不能屈血气用事无理义以养其心终于稔怨结讎黷武残民而已春秋书秦晋之战所以为世之不能惩忿窒欲者戒也

丁丑作僖公主

【左传】丁丑作僖公主书不时也【过葬十月故曰不时】

【公羊传】作僖公主者何为僖公作主也【主天子长尺二寸诸侯长一尺】主者曷用虞主用桑【礼平明而葬日中而反虞以阳求阴谓之虞者亲防已下圻皇皇无所亲求而虞事之虞犹安神也用桑者取其名与其羸犗所以副孝于之心礼虞祭天子九诸侯七卿大夫五士三其奠处犹吉祭】练主用栗【谓期年练祭也埋虞主于两阶之间易用栗也夏后氏以松殷人以柏周人以栗礼士虞记曰桑主不文吉主皆刻而谥之盖为禘祫时别昭穆也虞主三代同者用意尚羸犗未暇别也】用栗者藏主也【藏于庙室中堂】作僖公主何以书讥何讥尔不时也其不时奈何欲久防而后不能也【礼作练主当以十三月文公乱制欲服丧三十六月十九月作练主又不能卒竟故以二十五月也】

【谷梁传】作为也为僖公主也立主丧主于虞吉主于练【此虽为练作之主终入庙以辨昭穆故传以吉言之】作僖公主讥其后也【僖公薨至此已十五月】作主坏庙有时日于练焉坏庙坏庙之道易檐可也改涂可也【礼亲过高祖则毁其庙以次而迁将纳新神然作主在十二月坏庙在三年丧终传连言之非谓作主坏庙同时也】

作主常礼也何以书盖丧主作于方葬之时吉主作于小祥今僖公之薨已十有五月乃始作主慢甚矣故书之讥不时也

三月乙巳及晋处父盟【因朝而盟始此】

【左传】晋人以公不朝来讨公如晋夏四月己巳【经书三月乙巳已经传必有误】晋人使阳处父盟公以耻之书曰及晋处父盟以厌之也【厌犹损也】适晋不书讳之也

【公羊传】此晋阳处父也何以不氏讳与大夫盟也【谷梁传】不言公处父伉也为公讳也何以知其与公盟以其日也何以不言公之如晋所耻也出不书反不致也

凡盟必书地其不地于晋也公在丧未朝天子而畏晋之威越礼朝晋晋侯乃使大夫盟公以辱之是以没不书公讳之也齐晋霸业正盛时未尝使诸侯受盟于其国鲁闵公襄公童子侯也桓公出盟闵公于落姑悼公出盟襄公于长橈不敢以非礼加诸侯也而襄公乃使大夫盟公于国都故诸侯慑于其势而心不服此晋霸之所以易世而衰与

夏六月公孙敖防宋公陈侯郑伯晋士穀盟于垂陇【谷谷梁作谷垂陇公羊谷梁作垂斂杜注郑地荥阳县东有陇城在今河南荥泽县东北此外大夫书名之始左传】公未至【朝晋未归】六月穆伯防诸侯及晋司空士穀盟于垂陇晋讨卫故也书士穀堪其事也【晋司空非卿也以士穀能堪卿事故书】陈侯为衞请成于晋执孔达以說

【谷梁传】内大夫可以防外诸侯

大夫而敌诸侯于是始晋遂以大夫主诸侯也自书士穀而后凡役书大夫大夫张也大夫之张君使之也或疑当时君权尚尊非如襄昭之际大夫专国然防微杜渐不可不谨也

自十有二月不雨至于秋七月

【公羊传】何以书记异也大旱以灾书此亦旱也曷为以异书大旱之日短而云灾【云言也言有灾】故以灾书此不雨之日长而无灾故以异书也

【谷梁传】歷时而言不雨文不忧雨也不忧雨者无志乎民也

不雨之月歷时而总书与僖公之每时一书不雨者异盖僖公有闵雨之心文公无望雨之意也不雨止于七月则八月雨矣雨亦不书见不以民事系忧乐也其怠于政事可知矣

八月丁卯大事于太庙跻僖公

【左传】秋八月丁卯大事于太庙跻僖公逆祀也于是夏父弗忌为宗伯尊僖公且明见曰吾见新鬼大故鬼小【新鬼僖公既为兄死时年又长故鬼闵公死时年少弗忌明言其所见】先大后小顺也跻圣贤明也【又以僖公为圣贤】明顺礼也君子以为失礼礼无不顺祀国之大事也而逆之可谓礼乎子虽齐圣不先父食久矣【齐肃也臣继君犹子继父】故禹不先鯀汤不先契【鯀禹父契汤十三世祖】文武不先不窋【不窋后稷子】宋祖帝乙郑祖厉王犹上祖也【帝乙微子父厉王郑桓公父二国不以帝乙厉王不肖犹尊尚之】是以

鲁颂曰春秋匪解享祀不忒皇皇后帝皇祖后稷【忒差也皇皇美也后帝天也诗颂僖公郊祭上天配以后稷】君子曰礼谓其后稷亲而先帝也【先称帝也】诗曰问我诸姑遂及伯姊【诗邶风】君子曰礼谓其姊亲而先姑也【僖亲文公父夏父弗忌欲阿时君先其所亲故传以此二诗深责其意】仲尼曰臧文仲其不仁者三不知者三下展禽【展禽柳下惠也知其贤而使在下位】废六关【塞关阳关之属凡六所以禁绝末游而废之】妾织蒲【言与民争利】三不仁也作虚器【谓居蔡山节藻税也有其器而无其位故曰虚】纵逆祀【听夏父跻僖公】祀爰居【海鸟曰爰居止于鲁东门外文仲以为神命国人祀之】三不知也

【公羊传】大事者何大祫也大祫者何合祭也其合祭奈何毁庙之主陈于大祖【毁庙谓亲过高祖毁其庙藏其主于大祖庙中陈者陈列大祖前大祖东乡昭南乡穆北乡其余孙从王父父曰昭子曰穆昭取乡明穆取北面尚敬】未毁庙之主皆升合食于大祖【自外来曰升】五年而再殷祭【殷盛也谓三年祫五年禘所以异于祫者功臣皆祭也】跻者何升也何言乎升僖公讥何讥尔逆祀也其逆祀奈何先祢而后祖也【文公以僖公为闵公庶兄升僖公于上失先后之义故讥之曰后祖者僖公以臣继闵公犹子继父故闵公于文公亦犹祖也】

【谷梁传】大事者何大是事也着祫尝【祫合也尝秋祭】祫祭者毁庙之主陈于大祖未毁庙之主皆升合祭于大祖【祫祭者合祭诸庙已毁未毁者之主于大祖庙中以昭穆为次序祭毕则复退其庙】跻升也先亲而后祖也逆祀也逆祀则是无昭穆也无昭穆则是无祖也无祖则无天也故曰文无天无天者是无天而行也【谓天道先尊而后亲今乱其上下不仰法天也】君子不以亲亲害尊尊此春秋之义也

凡祭而失礼则书祭名祭非失礼为下事张本则称事此大事于大庙盖祫祭也祫者吉祭不言吉者主为逆祀书也闵僖二公昭穆虽同世而继序有先后闵公弟也实为僖之君僖公兄也实为闵之臣入庙之主有定序僖不得先闵明矣今文公私于其父序兄弟略君臣升僖之主于闵之上非礼甚矣公谷皆以大事为祫左传无明文而杜预以为禘公羊注又曰三年祫五年禘皆非也五年而再殷祭谓三年一祫五年再祫耳

冬晋人宋人陈人郑人伐秦

【左传】冬晋先且居宋公子成陈轅选郑公子归生伐秦取汪及彭衙而还以报彭衙之役卿不书为穆公故尊秦也谓之崇德

自入春秋至此惟鲁大夫帅师以名见外师非君将恒称人外大夫自士穀专盟始以名见阳处父专将始以名见而余犹称人大夫虽张而未甚也至晋秦结怨勦民报复无已则不待贬而恶见矣

公子遂如齐纳币

【左传】襄仲如齐纳币礼也凡君即位好舅甥修昏姻娶元妃以奉粢盛孝也【谓谅闻既终嘉好之事通于外内外内之礼始备此除凶之即位也】孝礼之始也

【公羊传】纳币不书此何以书讥何讥尔讥丧娶也娶在三年之外则何讥乎丧娶三年之内不图昏【僖公以十二月薨至此木满二十五月又礼先纳采问名纳吉乃纳币此四者皆在三年之内故云尔】吉禘于庄公讥然则曷为不于祭焉讥三年之恩疾矣【疾痛】非虚加之也以人心为皆有之以人心为皆有之则曷为独于娶焉讥娶者大吉也非常吉也其为吉者主于已以为有人心焉者则宜于此焉变矣【变者变恻哭泣也念亲者闻欲为已图昏则当变恻哭泣况乃至于是于纳币成昏哉】

昏姻常事不书其书纳币者讥丧未终而图昏也妇姜之迎在四年夏丧服已毕何以讥之盖事莫重乎志故曰志哀而居约与之知丧逆妇虽在三年外而纳币尚在丧期之内未祥而行嘉礼哀戚忘矣志可问乎春秋此义使人抑情以去私其垂教切矣

三年春王正月叔孙得臣防晋人宋人陈人衛人郑人伐沈沈潰【沈杜注姬姓国汝南平舆县北有沈亭按汉志汝南治平舆故沈子国属蔡州今河南汝阳县东南有平舆故城沈亭在其地霸国大夫防诸大夫伐国自此始】

【左传】三年春庄叔防诸侯之师伐沈【庄叔即得臣】以其服于楚也沈潰凡民逃其上曰潰在上曰逃

晋襄继霸未尝一出与诸侯防盟而使大夫主之自伐衛而后军政亦委之大夫其志益怠矣方是时商臣有覆载不容之罪国人恶之使晋襄能伸大义亲帅诸侯以讨楚则商臣不能自安楚人必有因敌势顺众心起而讨贼改立君以听命于诸侯者如此则有光于桓文矣乃视非己事而使大夫主兵伐其与国小者商臣以是料晋之无能为是以沈虽潰而围江之师旋出也

【附录左传】衛侯如陈拜晋成也【二年陈侯为衛请成于晋】

夏五月王子虎卒

【左传】夏四月乙亥王叔文公卒来赴吊如同盟礼也【王子虎与僖公同盟于翟泉文公是同盟之子故赴以名】

【公羊传】王子虎者何天子之大夫也外大夫不卒此何以卒新使乎我也

【谷梁传】叔服也此不卒者也何以卒之以其来防葬我卒之也或曰以其尝执重以守也【僖二十四年天王出居于郑叔服执重任以守国】

王子虎者谷梁以为即叔服然左氏于叔服称内史于子虎称王叔文公而后此星孛入斗之时叔服复见于传则非王子虎明矣践土之役王子虎盟诸侯于王庭盖天子之秉政者王臣无外交今死而赴告于鲁故书以讥之

秦人伐晋

【左传】秦伯伐晋济河焚舟【示必死也】取王官及郊【王官杜注晋地今山西临晋县东南王官谷有废垒即王官城也郊杜注晋地当为今临晋平阳闲小邑】晋人不出遂自茅津济封殽尸而还【茅津杜注在河东大阳县西今山西平陆县南大阳渡即茅津也有古茅城封埋藏之】遂霸西戎用孟明也君子是以知秦穆公之为君也举人之周也【周备也不偏以一恶弃其善】与人之壹也【壹无二心】孟明之臣也其不解也能惧思也子桑之忠也其知人也能举善也【子桑公孙枝举孟明者】诗曰于以采蘩于沼于沚于以用之公侯之事秦穆有焉【诗国风言沼沚之蘩至薄犹采以共公侯以喻秦穆不遗小善】夙夜匪解以事一人孟明有焉【诗大雅】诒厥孙谋以燕翼子子桑有焉【诒遗也燕安也翼成也诗大雅喻子桑有举善之谋】

旧説秦伯知过复貳故贬而称人非也考之于经惟战韩称秦伯盖两君亲战若书秦人则疑晋侯见获于秦大夫其余终穆公之篇皆书秦人未有称爵者又谓晋人畏秦而不出秦伯逞其忿而后悔自是见伐不报始能践其自誓之言亦非也考之传记则逾二年而穆公卒何由知其自悔而不报乎先儒曲生义例谓圣人以常情待晋襄以王事责秦穆皆因书录秦誓谓孔子以穆公为贤不知誓词有足为天下后世法者故不废其言至其穷兵报怨则备书于春秋以着其罪犹化工赋物生杀并行而不相悖也

秋楚人围江

【左传】楚师围江晋先仆伐楚以救江

自齐桓之霸江黄以近楚之国并从齐盟楚深憾之灭黄已久今复围江亦以晋不能合诸侯以讨其弑逆之罪故轻视中国而围江以试之也

雨螽于宋

【左传】秋雨螽于宋队而死也

【公羊传】雨螽者何死而坠也何以书记异也外异不书此何以书为王者之后记异也

【谷梁传】外灾不志此何以志也曰灾甚也其甚奈何茅茨尽矣【茅茨犹尽则嘉谷可知茨蒺藜】着于上见于下谓之雨雨自上而下者也螽不见其所从来自上而下众多如雨异之大者也

冬公如晋十有二月己巳公及晋侯盟【此书公如晋之始左传】晋人惧其无礼于公也请改盟【改二年处父之盟】公如晋及晋侯盟晋侯飧公赋菁菁者莪【诗小雅义取既见君子乐且有仪】庄叔以公降拜【谢其以公比君子也】曰小国受命于大国敢不慎仪【赋诗曰乐且有仪故答以敢不慎仪】君赐之以大礼何乐如之抑小国之乐大国之惠也晋侯降辞【降阶辞让公】登成拜【俱还上成拜礼】公赋嘉乐【嘉乐诗大雅义取显显令德宜民宜人受禄于天】

晋人惧无礼而请改盟于公为不辱故适晋书而反国亦致不书地盟于晋都也

晋阳处父帅师伐楚以救江【公羊谷梁无以字外大夫书帅师自此始左传】冬晋以江故告于周王叔桓公晋阳处父伐楚以救江【桓公周卿士王叔文公之子不书不亲伐也】门于方城遇息公子朱而还【子朱楚大夫伐江之帅也闻晋师起而江兵解故晋亦还】

【公羊传】此伐楚也其言救江何为谖也【谖诈】其为谖奈何伐楚为救江也【救人之道当指其所之实欲救江而反伐楚以为其势必当引围江兵还自救也故云尔】

【谷梁传】此伐楚其言救江何也江远楚近伐楚所以救江也

大夫帅师以名氏见大夫彊也春秋于侵伐多不言所事此书伐以救何言救江虽善而所以救之者非其道也是时楚商臣负弑逆之罪恃彊凌弱晋襄不能大合诸侯奉词伐罪而独遣一军又不敢径造江之城下而声言伐楚一遇子朱即避之而返既不能伐楚又不能救江畏怯甚矣故特起伐以救之文以罪之以者不以者也

四年春公至自晋

【附录左传】四年春晋人归孔达于衛以为衛之良也故免之【二年衛执孔達以說晋】夏衛侯如晋拜【谢归孔達】曹伯如晋防正【防受贡赋之政也传言襄公能继文之业而诸侯服从】

夏逆妇姜于齐

【左传】逆妇姜于齐卿不行非礼也【礼诸侯有故则使卿逆】君子是以知出姜之不允于鲁也【文公薨而见出故曰出姜允信也始来不见尊贵故终不为国人所敬信也】曰贵聘而贱逆之【公子遂纳币是贵聘也】君而卑之【君小君也】立而废之弃信而坏其主【主内主也】在国必乱在家必亡不允宜哉诗曰畏天之威于时保之敬主之谓也【诗颂言畏天威于是保福禄为十八年姜氏归齐张本】

【公羊传】其谓之逆妇姜于齐何略之也【谓不书逆者之姓名不言如齐不称女不书至也】高子曰娶乎大夫者略之也【谓夫人乃齐大夫女贱不可奉宗庙故略之】

【谷梁传】其曰妇姜为其礼成乎齐也【昏礼成于齐故在齐便称妇】其逆者谁也亲逆而称妇或者公与何其速妇之也【怪称妇速故设为问辞而反覆推之】曰公也其不言公何也非成礼于齐也【非责】曰妇有姑之辞也其不言氏何也贬之也何为贬之也夫人与有贬也【夫人能以礼自防则夫妇之礼不成于齐故讥公而夫人与焉】

纳币卿行则逆妇必非微者谷梁谓公自逆是也未至而称妇则成礼于齐明矣图昏于丧期之内又成礼于妇家所谓失礼之中又失礼也故讳不书公以示贬

狄侵齐

春秋霸业之盛首推桓文以其攘外而安内也狄虽败于箕未几复侵齐春秋书之讥晋襄无攘却之谋而齐霸不绍也

秋楚人灭江

【左传】楚人灭江秦伯为之降服出次不举过数【降服素服也出次辟正寝不举去盛饌邻国之礼有数今秦伯过之】大夫谏公曰同盟灭【秦江同盟不告故不书】虽不能救敢不矜乎吾自惧也君子曰诗云惟彼二国其政不获惟此四国爰究爰度其秦穆之谓矣【诗大雅爰于也究度皆谋也言夏商之君政不得人心故四方诸侯皆惧而谋度其政事喻秦穆亦能感江之防惧而思政也】

春秋中以慕义从霸遂致灭亡者江与黄是也当桓之世黄为楚灭齐不能救君子悯之江被围经年晋霸不竞不能撼楚以庇江春秋书围书灭着晋襄之无远谋见江上下同力效死乃亡国之善辞也不书奔死社稷也

晋侯伐秦

【左传】秋晋侯伐秦围祁新城【祁杜注秦邑在今陕西澄城县境新城杜注秦邑今澄城县东北有古新城即梁国之新里也】以报王官之役【王官役在三年】

晋襄以王官之役不报为耻未若商臣得志于江为耻之大也报秦而不诛商臣未矣况救江则遣大夫伐秦则君亲之故书晋侯伐秦于灭江之下见其急于修怨而缓于恤患也爵晋侯非善之以其徇私亟战而不知戢故目其人而责之

衛侯使甯俞来聘

【左传】卫甯武子来聘公与之宴为赋湛露及彤弓【非礼之常公特命乐人以示意故言为赋湛露彤弓诗小雅】不辞又不答赋使行人私焉【私问之】对曰臣以为肄业及之也【肄习也以鲁人失所赋故佯为不知】昔诸侯朝正于王【朝而受政教也】王宴乐之于

是乎赋湛露则天子当阳诸侯用命也【诗云湛湛露斯匪阳不晞晞干也言露见日而干犹诸侯稟天子命而行】诸侯敌王所忤而献其功【敌犹当也忤恨怒也】王于是乎赐之彤弓一彤矢百旅弓矢千以觉报宴【觉明也谓诸侯有四夷之功王赐之弓矢又为歌彤弓以明报功宴乐】今陪臣来继旧好【因论天子之乐故自称陪臣】君辱赐之其敢干大礼以自取戾【赐赐也干犯也戾罪也解已所以不辞亦不答之意】

礼诸侯岁相问殷相聘殷众也殷见曰同十有二年五服尽朝故曰殷见殷见既毕诸侯更遣大夫以交于邻邦谓之殷聘今殷见则亡而殷聘则存圣人书之以伤周道也

冬十有一月壬寅夫人风氏薨

【左传】冬成风薨【为明年王使归舍赙传】

春秋正名定分之书也仲子不称夫人称夫人自风氏始春秋记其卒葬各以实书不为异辞者谨礼之所由变也

日讲春秋解义卷二十三

卷二十四

钦定四库全书

日讲春秋解义卷二十四

文公

五年春王正月王使荣叔归含且赍

【左传】五年春王使荣叔来含且赍【荣叔天子之上大夫荣采地叔字也公羊传】含者何口实也【孝子所以实亲口也缘生以事死不忍虚其口天子以珠诸侯以玉大夫以碧士以贝】其言归含且赍何兼之兼之非礼也【谷梁传】含一事也赍一事也兼归之非正也其曰且志兼也其不言来不周事之用也赍以早【乘马曰赍所以助葬成风未葬故言早】而含已晚【已殡故言晚】

春秋繫王于天以履天位治天职所惇庸者天叙天秩所刑赏者天命天讨文公以风氏之丧讎于王非礼也王不能正反归含赍失天理矣故特不称天言弗克若天也

三月辛亥葬我小君成风

【公羊传】成风者何僖公之母也

成风书葬是祔于姑也隐公时仲子犹别立宫以祀今则俨然并尊又私諡焉乱礼甚矣书其实以示讥也

王使召伯来防葬【召伯谷梁作毛伯】

【左传】召昭公来防葬【召采地伯爵天子卿也】礼也【成风庄公之妾母以子贵故曰礼】

【谷梁传】防葬之礼于鄙上【鄙竟也为送葬来故从竟至墓上】

王臣下聘桓公宰纠书名示贬而大夫再聘则书字从同也今王以夫人之礼丧成风再不称天何也薨而赍含尚曰不可又使卿来防葬将祔之于庙则其事益隆失益甚矣故复去天以示义

夏公孙敖如晋

王含且媚又使卿来防葬礼莫隆焉不往谢而亟如晋慢王尊霸不贬而恶见矣

秦人入郢

【左传】初郢叛楚即秦又贰于楚夏秦人入郢

郢介秦楚之闲商臣弑逆郢叛楚而即秦以穆公为可恃也及楚灭江惧而贰于楚秦不能庇郢乃称兵以入之而后郢卒为楚所并王政不行小国之无罪而就灭亡如此可哀也夫

秋楚人灭六【六杜注六国庐江六县在今江南六安州北】

【左传】六人叛楚即东夷秋楚成大心仲归帅师灭六【仲归子家】冬楚公子燮灭蓼【蓼杜注蓼国安丰蓼县今河南固始县东北蓼城岗即其地】臧文仲闻六与蓼灭曰皋陶庭坚不祀忽诸【蓼与六皆皋陶后也庭坚皋陶字】德之不建民之无援哀哉

邾灭须句楚灭六蓼皆世变之大者须句司大皞之祀六蓼实皋陶之后上古建国歷唐虞三代縣延不絕入春秋而后荡灭无遗盖不独周纲解纽自古圣王之政教至是而尽废故不足以相维持也

冬十月甲申许男业卒

【附录左传】晋阳处父聘于衛反过 嬴从之【杜注晋邑汲郡修武县今河南获嘉县西北有故城嬴逆旅大夫】及温而还其妻问之嬴曰以刚商书曰沈渐刚克高明柔克【沈渐犹滯弱也高明犹亢爽也言各当以刚柔胜己本性乃能成全也此在洪范今谓之周书】夫子壹之【谓纯任刚也】其不没乎天为刚德犹不干时【寒暑相顺】况在人乎且华而不实【言过其行】怨之所聚也犯而聚怨【刚则犯人】不可以定身余惧不获其利而离其难是以去之【离丽也为六年晋杀处父传】晋赵成子【赵衰新上军帅中军佐也】栾贞子【栾枝下军帅也】霍伯【先且居中军帅也】臼季【胥臣下军佐也】皆卒【为六年搜于夷传】

六年春葬许僖公

【附录左传】六年春晋搜于夷舍二军【僖三十一年晋搜清原作五军今舍二军复三军之制夷杜注晋地前年四鄉卒故搜以谋军帅】使狐射姑将中军【代先且居】赵盾佐之【代赵衰也盾赵衰子】阳处父至自温【往年聘衛过温今始至】改搜于董【董杜注河东汾陰县有董亭在今山西闻喜县东北接絳州界】易中军【易以赵盾为帅射姑佐之】阳子成季之属也【处父尝为赵衰属大夫】故党于赵氏且谓赵盾能曰使能国之利也是以上之宣子于是乎始为国政【宣赵盾諡】制事典【典常也】正法罪【轻重当】辟刑狱【辟犹理也】董逋逃【董督也】由质要【由用也质要券契也】治旧洿【治理洿秽】

】本秩礼【贵贱不失其本】续常职【修废官】出滞淹【拔贤能也】既成以授大傅阳子与大师贾佗使行诸晋国以为常法【贾佗以公族从文公而不在五人之数】

夏季孙行父如陈

【左传】臧文仲以陈衞之睦也欲求好于陈夏季文子聘于陈【季文子即行父季友之孙】且娶焉

季友以原仲之旧如陈者再今行父之往盖因其祖旧好假公室之聘而图婚耳韩侯因朝而娶诗列大雅则于礼无讥故经但以出聘书而不及其私与友之葬原仲异也

【附录左传】秦伯任好卒【任好秦穆公名】以子车氏之三子奄息仲行鍼虎为殉【子车秦大夫氏也以人从葬为殉】皆秦之良也国人哀之为之赋黄鸟【黄鸟诗秦风义取黄鸟止于棘桑往来得其所伤三良不然】君子曰秦穆之不为盟主也宜哉死而弃民【善人者民之望也杀以殉葬是弃民望】先王违世犹诒之法而况夺之善人乎诗曰人之云亡邦国殄瘁【诗大雅言善人亡则国瘁病】无善人之谓若之何夺之古之王者知命之不长是以竝建圣哲【建立圣知以司牧民】树之风声【因土地风俗为立声教之法】分之采物【旌旗衣服各有分制】着之话言【话善言也为作善言遗戒】为之律度【钟律度量所以治歷明时】陈之艺极【艺準也极中也贡献多少之法传曰贡之无艺又曰贡献无极】引之表仪【引导也表仪犹威仪】予之法制告之训典【训典先王之书】教之防利【防恶兴利】委之常秩【委任也常秩官司之常秩】道之以礼则使毋失其土宜众 赖之而后即命【即就也】圣王同之今纵无法以遗后嗣而又收其良以死难以在上矣君子是以知秦之不复东征也【不能复征东方诸侯为霸主】

秋季孙行父如晋

【左传】秋季文子将聘于晋使求遭丧之礼以行【闻晋侯疾故】其人曰将焉用之【其人从者】文子曰备豫不虞古之善教也求而无之实难【难卒得】过求何害

王制诸侯比年一小聘三年一大聘五年一朝文公即位六载未尝一如京师而朝晋者再且数遣聘问知霸主而不知有王比事以观罪可见矣

八月乙亥晋侯驩卒【驩公羊作謹】

【左传】八月乙亥晋襄公卒灵公少晋人以难故欲立长君赵孟曰【赵孟赵盾也】立公子雍【公子雍文公子襄公庶弟杜祁之子】好善而长先君爱之且近于秦秦旧好也置善则固事长则顺立爱则孝结旧则安为难故故欲立长君有此四德者难必抒矣【抒除也】贾季曰不如立公子乐【乐文公子怀嬴所出】辰嬴嬖于二君【辰嬴即怀嬴二君怀公文公也】立其子民必安之赵孟曰长嬴贱班在九人【班位也】其子何震之有【震威也】

且为二嬖淫也为先君子不能求大而出在小国辟也母淫子辟无威陈小而远无援将何安焉杜祁以君故让偃姑而上之【杜祁杜伯之后祁姓也偃国名姑姑姓女生襄公为世子故杜祁让使在己上】以狄故让季隗而已次之故班在四【以季隗是文公处狄时妻故复让之】先君是以爱其子而仕诸秦为亚卿焉【言其贤故位尊】秦大而近足以为援母义子爱足以威民立之不亦可乎使先蔑士防如秦逆公子雍【先蔑士伯也士防随季也】贾季亦使召公子乐于陈赵孟使杀诸郕【郕杜注晋地今河南济源县西有郕亭】

冬十月公子遂如晋葬晋襄公

【左传】冬十月襄仲如晋葬襄公

礼诸侯五月而葬今三月不及期非礼也又礼诸侯之丧士吊大夫送葬及晋文昉为霸令使大夫吊卿共葬事故襄仲以卿往防亦非礼也

晋杀其大夫阳处父晋狐射姑出奔狄【射谷梁作夜】

【左传】贾季怨阳子之易其班也【本中军帅易以为佐】而知其无援于晋也【少族多怨】九月贾季使续鞫居杀阳处父【鞫居狐氏之族】书曰晋杀其大夫侵官也【君已命帅处父易之故曰侵官】十一月丙寅晋杀续简伯【讨其杀处父简伯续鞫居十一月无丙寅丙寅十二月八日也日月必有误】贾季奔狄宣子使臾骈送其帑【臾骈赵盾属大夫帑妻子也宣子以贾季佐中军同官故】夷之搜贾季戮臾骈【戮辱也】臾骈之人欲尽杀贾氏以报焉臾骈曰不可吾闻前志有之曰敌惠敌怨不在后嗣忠之道也【敌犹对也若及子孙则为非对是迁怒也】夫子礼于贾季我以其宠报私怨无乃不可乎介人之宠非勇也【介因也】损怨益仇非知也【杀季家欲以除怨宣子将复怨已是益仇】以私害公非忠也释此三者何以事夫子尽具其帑与其器用财贿亲帅扞之送致诸竟【扞衛也】

【公羊传】晋杀其大夫阳处父则狐射姑曷为出奔射姑杀也射姑杀则其称国以杀何君漏言也其漏言奈何君将使射姑将【谓作中军大夫】阳处父谏曰射姑民众不説不可使将于是废将阳处父出射姑入君谓射姑曰阳处父言曰射姑民众不説不可使将射姑怒出刺阳处父于朝而走

【谷梁传】称国以杀罪累上也襄公已葬其以累上之辞言之何也君漏言也上泄则下闇下闇则上聋且闇且聋无以相通【臣闇不言君无所闻上下否塞】夜姑杀者也夜姑之杀奈何曰晋将与狄战使狐夜姑为将军赵盾佐之阳处父曰不可古者君之使臣也使仁者佐贤者不使贤者佐仁者今赵盾贤夜姑仁其不可乎【贤者多才也战主攻伐仁者有恻隐之心不如多才者有权略】襄公曰诺谓夜姑曰吾始使盾佐女今女佐盾矣【称处父语以语之故传曰漏言也】夜姑曰敬诺襄公死处父主竟上事【待诸侯防葬在鄙上】夜姑使人杀之君漏言也故士造辟而言诡辞而出【辟君也言与君言出则诡辞不以实告人】曰用我则可不用我则无乱其德【此士对君言之辞】凡君与臣同杀则称国今射姑实杀处父

而罪累上者见人君以公正之道进退其臣人自心服无所归咎襄公乃漏言于射姑嫁怨于处父虽非身杀之而以失言杀之等杀耳故襄公已卒而书国杀所以为后世戒也

闰月不告月犹朝于庙

【左传】闰月不告朔非礼也【经称告月传称告朔明告月必以朔】闰以正时【四时渐差则置闰以正之】时以作事【顺时命事】事以厚生【事不失时则年丰而民生厚】生民之道于是乎在矣不告闰朔弃时政也何以为民【为治也】

【公羊传】不告月者何不告朔也【礼诸侯受十二月朔政于天子藏于祖庙每月朔朝庙使大夫南面奉天子命君北面而受之比时使有司先告朔谨之至也】曷为不告朔【谓不言朔而言月】天无是月也闰月矣何以谓之天无是月非常月也犹者何通可以已也【朝者因视朔政尔无政而朝故曰犹不言朔者闰月无告朔礼也】

【谷梁传】不告月者何也不告朔也不告朔则何为不言朔也闰月者附月之余日也积分而成于月者也【一歲三百六十日余六日又有小月六积五歲约得六十日而再闰积众月之余分以成此月】天子不以告朔而丧事不数也【闰是丛残之数非月之正故吉凶大事皆不用也】犹之为言可以已也【告朔然后朝庙既废其大而行其细故讥之】

诸侯月朔告于庙谓之告朔因以听治此月之政谓之视朔不告月者不告朔也因月之亏盈置闰是主乎月而有闰也故不言朔而言月在礼天子闰月听朔于明堂闰者所以定四时成歲天子以为月而颁之诸侯不奉以告是轻正朔慢时令也况一月之内百官修政于朝庶民服事于野闰虽无常而政有常安得不告犹朝于庙者幸其不已之词也

七年春公伐邾

【左传】七年春公伐邾闲晋难也【公因霸国有难而侵小】

三月甲戌取须句遂城郛【句公羊作胸郛杜注鲁邑卞县南有郛城在今山东泗水县东南】

【左传】三月甲戌取须句【须句鲁封内属国僖公反其君之后邾复灭之】真文公子焉【邾文公子叛邾在鲁故使为守须句大夫】非礼也【絕大皐之祀以与邻国叛臣故曰非礼】

【公羊传】取邑不日此何以日内辞也使若他人然【据昭三十二年正月取阚亦邾妻之邑木尝书日今以日为内辞者使若公春伐邾妻而去他人自以甲戌日取之所以深讳其贪利取邑也然僖公尝伐邾取须胸矣何以不为内辞哉公羊之說非也】

【谷梁传】取邑不日此其日何也不正其再取故谨而日之也【僖二十二年公已伐邾取须句过而不改故录日以志之然非也设不日则听其取已乎】遂继事也【因伐邾之师】

晋襄既卒国未立君公乘其闲伐邾取邑絶大嶧之祀俾邾之叛臣守之贪土地而舍逋逃又重劳民力城内邑以防邾师之至心有慊焉故畏邻国之伐而不知愈重其过耳

夏四月宋公王臣卒【王臣谷梁作壬臣】

宋人杀其大夫

【左传】夏四月宋成公卒于是公子成为右师【庄公子】公孙友为左师【目夷子】乐豫为司马【戴公元孙】鳞矐为司徒【桓公孙】公子荡为司城【桓公子也以武公名废司空为司城】华御事为司寇【华元父也传言六卿皆公族昭公不亲信之所以致乱】昭公将去羣公子【成公卒其弟御杀世子而自立国人杀御而立其少子杵臼是为昭公】乐豫曰不可公族公室之枝叶也若去之则本根无所庇矣葛藟犹能庇其本根故君子以为比【诗人取以喻九族兄弟】况国君乎此谚所谓庇焉而纵防斧焉者也【纵放也寻即将寻斧柯之寻】必不可君其图之亲之以德皆股肱也谁敢携贰若之何去之不听穆襄之族率国人以攻公【穆公襄公之子孙昭公所欲去者】杀公孙固公孙郑于公宫【二子在公宫故为乱兵所杀】六卿和公室乐豫舍司马以让公子印【印昭公弟】昭公即位而葬书曰宋人杀其大夫不称名众也且言非其罪也【杀者众故名不可知死者无罪则例不称名】

【公羊传】何以不名【成公十五年秋宋杀其大夫山称名】宋三世无大夫三世内娶也

【谷梁传】称人以杀诛有罪也【臣以权宠逼君故言有罪】

成公在殡昭公首为乱阶至使公族构难大夫罹殃经书宋人以着国乱无政而昭公之不君亦可见矣

戊子晋人及秦人战于令狐晋先蔑奔秦【蔑公羊作昧奔上有以师字】

【左传】秦康公送公子雍于晋曰文公之入也无卫故有吕卻之难【在僖二十四年】乃多与之徒卫穆嬴曰抱大子以啼于朝曰【穆嬴农公夫人灵公母也】先君何罪其嗣亦何罪舍适嗣不立而外求君将焉寘此出朝则抱以适赵氏顿首于宣子曰先君奉此子也而属诸子曰此子也才吾受子之赐不才吾唯子之怨今君虽终言犹在耳而弃之若何宣子与诸大夫皆患穆嬴且畏偪【畏国人以大义来逼已】乃背先蔑而立灵公【初使先蔑逆子雍故言背灵公大子夷皋也】以御秦师箕郑居守赵盾将中军先克佐之【克先且居子代狐射姑】荀林父佐上军【箕郑将上军居守故佐独行】先蔑将下军先都佐之步招御戎戎津为右及董阴【先蔑士防逆公子雍前还晋晋人始以逆雍出军故蔑犹在职董阴杜注晋

地】宣子曰我若受秦秦则寘也不受寇也既不受矣而复缓师秦将生心先人有夺人之心军之善谋也逐寇如追逃军之善政也训卒利兵秣马蓐食潜师夜起【蓐食早食于寝蓐也】戊子败秦师于令狐至于刳首【刳首杜注令狐在河东与刳首相接按令狐今山西猗氏县地刳首当在今荣河临晋闲】己丑先蔑奔秦士防从之先蔑之使也荀林父止之曰夫人大子犹在而外求君此必不行子以疾辞若何不然将及摄卿以往可也何必子同官为寮吾尝同寮敢不尽心乎弗听为赋板之三章【板诗大雅其三章义取刳菟之言犹不可忽况同寮乎僖二十八年林父将中行先蔑将左行】又弗听及亡荀伯尽送其帑及其器用财贿于秦【荀伯林父】曰为同寮故也士防在秦三年不见士伯【士伯先蔑】其人曰能亡人于国【言能与人俱亡于晋国】不能见于此焉用之【何用如此】士季曰【士季士防】吾与之同罪非义之也【言已非慕先蔑之义而从之】将何见焉及归遂不见【责先蔑为正卿而不匡谏且俱出奔恶有党也士防归在十三年公羊传】晋先昧以师奔秦此偏战也何以不言师败绩敌也此晋先昧也其称人何贬曷为贬外也其外奈何以师外也【怀持二心有功欲还无功便持师出奔故于战贬之】何以不言出遂在外也【言从竟外去】

【谷梁传】不言出在外也辍战而奔秦以是为逃军也【辍止也为将而独奔故曰逃军】

晋人舍适嗣而外求君其始已失及畏偪立君不知以礼谢秦而悍然兴戎掩其不备盖晋人为志乎是战也言战不言败胜负敌也先蔑之奔不言出明自军中去也

狄侵我西鄙

【左传】狄侵我西鄙公使告于晋赵宣子使因贾季问酆舒且让之【时贾季奔在狄酆舒狄相】酆舒问于贾季曰赵衰赵盾孰贤对曰赵衰冬日之日也赵盾夏日之日也【冬日可爱夏日可畏】

鲁尝患戎未尝患狄盖狄远鲁且慑晋也至是晋构秦难不在诸侯鲁闲之而近伐邾狄亦闲之而远侵鲁春秋书此罪鲁之不自正而晋业之替亦见矣

秋八月公防诸侯晋大夫盟于扈【扈杜注郑地荥阳卷县西北有扈亭在今河南原武县西北】

【左传】秋八月齐侯宋公衞侯陈侯郑伯许男曹伯防晋赵盾盟于扈晋侯立故也公后至故不书所防凡防诸侯不书所防【谓不具列公侯及卿大夫】后也后至不书其国辟不敏也【不敏犹不达也诸国皆在公独后是不達于事此传自释凡例之意】

【公羊传】诸侯何以不序大夫何以不名公失序也公失序奈何诸侯不可使与公盟眚晋大夫使与公盟也【以目通指曰眚文公内则丧娶逆祀外则贪利取邑为诸侯所薄贱故不见序】

【谷梁传】其曰诸侯略之也

以大夫主盟诸侯自防扈始赵盾初立灵公专执晋政疆防八国之君而自主盟若晋无君然故诸侯不序而赵盾不名所以着大夫之专也

冬徐伐莒

徐僭号即戎厥后自进于中国数从防伐经皆称人以其能附中国也今以中国无霸兴兵伐莒故复以号举

公孙敖如莒涖盟【涖公羊谷梁作莅】

【左传】穆伯娶于莒曰戴已生文伯其娣声已生惠叔【穆伯公孙敖也文伯谷也惠叔难也】戴已卒又聘于莒莒人以声已辞则为襄仲聘焉【襄仲公子遂敖从父昆弟】冬徐伐莒莒人来请盟【见伐故欲结援】穆伯如莒涖盟且为仲逆及鄢陵【鄢陵杜注莒邑】登城见之美自为娶之仲请攻之公将许之叔仲惠伯谏曰【惠伯叔牙孙】臣闻之兵作于内为乱于外为寇寇犹及人乱自及也今臣作乱而君不禁以启寇讎若之何公止之惠伯成之【平二子】使仲舍之【舍不娶】公孙敖反之【还莒女】复为兄弟如初从之【为明年公孙敖奔莒传】

【谷梁传】莅位也其曰位何也前定也其不日前定之盟不日也【以徐伐莒而往涖盟嫌非两国交盟之例故明之】

莒为徐所伐故来求援请修洮之盟而敖因盟莒以代弟逆妇且为不道经第书涖盟所谓春秋书王法不诛其人身也

【附录左传】晋郤缺言于赵宣子曰日衛不睦故取其地【日往日元年晋伐衛取戚田】今已睦矣可以归之叛而不讨何以示威服而不柔何以示怀非威非怀何以示德无德何以主盟子为正卿以主诸侯而不务德将若之何夏书曰戒之用休董之用威劝之以九歌勿使坏九功之德皆可歌也谓之九歌六府三事谓之九功水火金木土谷谓之六府正德利用厚生谓之三事义而行之谓之德礼【德正德也礼以制财用之节又以厚生民之命】无礼不乐所由叛也若吾子之德莫可歌也其谁来之盍使睦者歌吾子乎宣子説之【为明年晋归郑衛田张本】

八年春王正月

【附录左传】八年春晋侯使解扬归匡戚之田于衛【解扬晋大夫匡本衛邑中属郑孔达伐不能克今晋令郑还衛竝归所取戚田】且复致公壻池之封自申至于虎牢之竟【公壻池晋君女壻旧取衛地以封之今竝还卫也申杜注郑地当在今河南汜水县界】

夏四月

【附录左传】夏秦人伐晋取武城以报令狐之役【令狐役在七年】

秋八月戊申天王崩

【左传】秋襄王崩【子顷王壬臣立为公孙敖如周吊传】

冬十月壬午公子遂防晋赵盾盟于衡雍

【左传】晋人以扈之盟来讨【前年盟扈公后至】

冬襄仲防晋赵孟盟于衡雍报扈之盟也

乙酉公子遂防雒戎盟于暴【公羊作伊雒戎暴杜注郑地】

【左传】遂防伊雒之戎【伊雒之戎将伐鲁公子遂不及复君故专命与之盟】书曰公子遂珍之也【珍贵也】

翟泉之盟犹有王人及鲁公蒞焉以大夫而专防盟自衡雍始其后赵盾仲遂皆为弑君之贼而有后于鲁晋三桓专鲁六卿分晋其兆早见于斯矣遂既盟赵盾四日又盟雒戎而再以名见不书遂防盖以二事出皆有公命左氏之說非也

公孙敖如京师不至而复丙戌奔莒【公羊无而字】

【左传】穆伯如周吊丧不至以币奔莒从己氏焉【己氏莒女公羊传】不至复者何不至复者内辞也不可使往也【安居不肯行故讳使若已行但不至而还用】不可使往则其言如京师何遂公意也【正其义不使君命壅塞】何以不言出【据庆父言出奔】遂在外也【讳使若从外来不敢复还者也】

【谷梁传】不言所至未如也【若其已行当如公子遂至黄乃复今不言所至而直言复知其实未如也】未如则未复也未如而曰如不废君命也【受命而出义无私留书如京师以显命行于下不书所至以表不去之罪】未复而曰复不专君命也【复者事毕之辞未如故知其未复加毕事之文者言君命无辄專之道】其如非如也其复非复也唯奔莒之为信故谨而日之也还者事毕复者事未毕也礼君言不宿于家况敖受命以赴天王之丧废君命而徒返无王无君罪莫甚焉文公既不加诛又不再使卿往亦罪也不言所至者举京师为重也不言出受命矣自外出也

螽【螽公羊作 𧈧】

宋人杀其大夫司马宋司城来奔

【左传】宋襄夫人襄王之姊也昭公不礼焉【昭公适祖母】夫人因戴氏之族【华乐皇皆戴族】以杀襄公之孙孔叔公孙钟离及大司马公子印皆昭公之党也司马握节以死故书以官【节国之符信也握之以死示不废命】司城荡意诸来奔效节于府人而出【效犹致也意诸公子荡之孙】公以其官逆之皆复之【卿违从大夫公贤其效节故以本官逆之请宋而复之司城官属悉来奔故言皆复】亦书以官皆贵之也

【公羊传】司马者何司城者何皆官举也【皆以官名举言之】曷为皆官举【据宋杀其大夫山不官举】宋三世无大夫三世内娶也【宋以内娶三世妃党争权相杀主或不知所任故举其官】

【杀梁传】司马官也其以官称无君之辞也司城官也其以官称无君之辞也来奔者不言出举其接我也杀其大夫志乱也二人皆以官举见主兵者不能其官至于见杀守土者不能其官至于出奔故以其官责之而宋国无政昭公之不能定位已于此见其端兆矣

【附录左传】夷之搜晋侯将登箕郑父先都【登之于上军也夷搜在六年】而使士穀梁益耳将中军【士穀本司空】先克曰狐赵之勲不可废也【狐偃赵衰有从亡之勲】从之先克夺蒯得田于董陰【七年晋御秦师于董陰以军事夺其田也先克中军佐】故箕郑父先都士穀梁益耳蒯得作乱【着五人作乱之由为明年杀先克张本】

九年春毛伯来求金【来求止此】

【左传】毛伯衞来求金非礼也【天子不私求财故曰非礼】不书王命未葬也

【公羊传】毛伯者何天子之大夫也何以不称使当丧未君也逾年矣何以谓之未君【襄王崩在八年逾年当即位】即位矣而未称王也未称王何以知其即位以诸侯之逾年即位亦知天子之逾年即位也【俱继体其礼不得异】以天子三年然后称王亦知诸侯于其封内三年称子也【各信息于其下】逾年称公矣则曷为于其封内三年称子缘民臣之心不可一日无君缘终始之义一年不二君【故君薨称子某既葬称子明继体以繫民臣之心】不可旷年无君【故逾年称公】缘孝子之心则三年不忍当也【孝子三年志在思慕不忍当父位故虽即位犹于其封内三年称子】毛伯来求金何以书讥何讥尔王者无求求金非礼也然则是王者与【据未称王】曰非也非王者则曷为谓之王者王者无求曰是子也继文王之体守文王之法度文王之法无求而求故讥之也【引文王者文王始受命制法度】

【谷梁传】求车犹可求金甚矣【求俱不可在丧尤甚】

公孙敖既不至京师鲁遂不供天子之丧故毛伯来风鲁以求金何以不称使当丧未君也冢宰不能制国用而下求诸侯不贡而致王求皆非也自是以后鲁不修贡而王亦无求矣

夫人姜氏如齐

二月叔孙得臣如京师

【谷梁传】京大也师众也言周必以众与大言之也

辛丑葬襄王

【左传】二月庄叔如周葬襄王【庄叔即得臣】

【公羊传】王者不书葬此何以书不及时书过时书我有往者则书

【谷梁传】天子志崩不志葬举天下而葬一人其道不疑也志葬危不得葬也【不得备礼葬】日之甚矣其不葬之辞也【王室微弱诸侯无复往防葬】

前年公子遂如晋葬襄公今此得臣如京葬襄王是夷周于晋也

晋人杀其大夫先都

【左传】九年春王正月己酉使贼杀先克【箕郑等所使也不赴故不书】乙丑晋人杀先都梁益耳【乙丑正月十九日经书二月从告】

三月夫人姜氏至自齐

【谷梁传】卑以尊致病文公也【夫人行例不致乃以君礼致剽公宠之过】夫人与君敌体然适他国未有致之者则其行非礼以不致见其罪也此书致以归宁告庙得其正也归宁常事尔宜不书然不一书则终无以着其正故于出姜之至见之又归宁虽常事而出姜之归宁以不安于鲁而归告于父母则非常也

晋人杀其大夫士穀及箕郑父

【左传】三月甲戌晋人杀箕郑父士穀蒯得【梁益耳蒯得不书皆非卿谷梁传】称人以杀诛有罪也郑父累也

三大夫作乱杀中军佐固有罪矣曷为不称国讨时晋侯年防政在赵盾故称人以杀见大夫专作威福而政不自君出也

楚人伐郑

【左传】范山言于楚子曰【范山楚大夫】晋君少不在诸侯北方可图也楚子师于狼渊以伐郑【狼渊杜注颍川颍陰县有狼陂在今河南许州】囚公子坚公子髦及乐耳【三子郑大夫】郑及楚平

公子遂防晋人宋人衛人许人救郑

【左传】公子遂防晋赵盾宋华耦衛孔达许大夫救郑【华耦华督曾孙】不及楚师卿不书缓也以惩不恪【独书公子遂者春秋于鲁事自非特为褒贬则皆从国史不同之于他国也】

楚自城濮以来不敢窥诸国以文襄之烈存也今狼渊之师正其尝试之时而赵盾不能折冲弭患乃视为常役缓不及事致楚得志而晋遂不竞矣

夏狄侵齐

楚得志而狄交侵矣故书以病晋也

【附录左传】夏楚侵陈克壶丘【壶丘杜注陈邑在今河南陈州南境】以其服于晋也秋楚公子朱自东夷伐陈【子朱息公也】陈人败之获公子蔑陈惧乃及楚平【以小胜大故惧而请平也传言晋君少楚陵中国明年所以有厥貉之防】

秋八月曹伯襄卒

九月癸酉地震

【公羊传】地震者何动地也何以书记异也【天动地静者常也地动者象陰为阳行故曰异】

【谷梁传】震动也地不震者也震故谨而日之也

地道以静为体以顺为正安以承天者也逆其常理而不得节则震而不安其所承矣

冬楚子使椒来聘【椒谷梁作萩楚君臣姑竝见经】

【左传】冬楚子越椒来聘【子越椒令尹子文从子】执币傲叔仲惠伯曰是必灭若敖氏之宗傲其先君神弗福也【十二年传曰先君之敝器使下臣致诸执事明奉使皆告庙故言傲其先君也为宣四年楚灭若敖氏张本公羊传】椒者何楚大夫也楚无大夫此何以书始有大夫也始有大夫则何以不氏【据屈完氏】许夷狄者不一而足也【许与也言进之当以渐】

【谷梁传】楚无大夫其曰蒍何也以其来我褒之也先儒皆谓春秋与楚慕义能以礼交诸侯故褒进之乃乐与人为善之义此大非也商臣负覆载不容之罪乘晋霸之衰围江围巢灭江灭六灭蓼伐郑侵陈侵宋其聘鲁乃远交近攻之术亦所以窥伺东夏耳春秋乃用此褒之而赦其大恶逆天理悖人情矣而谓孔子有是乎盖中国无霸楚势日张鲁人畏其凭陵喜于来聘而以待齐晋之礼待之故旧史备其辞孔子仍而不革以着诸侯畏楚之情实耳观十年冬楚次厥貉亦书爵则以书爵为褒其不可通也审矣

秦人来归僖公成风之襚

【左传】秦人来归僖公成风之襚礼也【秦本非鲁方岳同盟无相赴吊之制故不讥其缓而以接好为礼】诸侯相吊贺也虽不当事【送死不及尸故曰不当事】苟有礼焉书也以无忘旧好

【公羊传】其言僖公成风何兼之兼之非礼也【礼主于敬当各使一使所以别尊卑】曷为不言及成风成风尊也【不可使卑及尊也谷梁传】秦人弗夫人也【言秦人弗以成风为夫人故不言夫人】即外之弗夫人而见正焉【见不以妾为妻之正】

秦晋方不睦而鲁善于晋故秦人归襚以结鲁犹楚欲图北方而来聘也过时始至不以缓为讥以其始通录之也僖公成风虽母子先君后夫人体当然也不言及卑不及尊也不称夫人以义不得言及苟称夫人则辞不别白嫌于僖公之夫人耳

葬曹共公

日讲春秋解义卷二十四

卷二十五

<经部,春秋类,日讲春秋解义

钦定四库全书

日讲春秋解义卷二十五

文公

十年春王三月辛卯臧孙辰卒

臧孙鲁之名大夫也知柳下惠之贤而不与立自庄公末己与闻国政四十余年鲁政多疵安在其为贤哉

夏秦伐晋

【左传】十年春晋人伐秦取少梁夏秦伯伐晋取北征【少梁杜注冯翊夏阳县今陕西韩城县南有少梁城北征古□国今陕西澄城县西南有古城】晋舍适嗣而外求君罪也既而悔之正矣秦不顾义理是非报复不已且结楚以为援致晋人力疲于西楚人逞志于南庸萧陈郑围灭相继中国之屈于楚秦为之也故伐晋不称人第举号以黜之

楚杀其大夫宜申

【左传】初楚范巫鬻似【鬻似范邑之巫】谓成王与子玉子西曰三

君皆将强死城濮之役王思之故使止子玉曰母死不及止子西子西谥而县绝【在僖二十八年】王使适至遂止之使为商公【商杜注楚邑上雒商县今属陕西商州】防汉沔江将入郢【防顺流沔逆流】王在渚宫下见之惧而辞曰【子西仓卒见王而惧以辞谢王】臣免于死又有防言谓臣将逃臣归死于司败也【陈楚名司寇为司败】王使为工尹【掌百工之官】又与子家谋弑穆王穆王闻之五月杀鬬宜申及仲归【仲归子家不书非卿】

宜申谋弑穆王而称国以杀不去其官何哉曰穆王者即楚世子商臣也而春秋之义微矣

自正月不雨至于秋七月

【谷梁传】歷时而言不雨文不闵雨也不闵雨者无志乎民者也

歷時總書不雨言雨不雨皆漫不系于公心也

及蘇子盟于女栗【女栗杜注地名闕】

【左傳】秋七月及蘇子盟于女栗頃王立故也【僖十年狄滅溫蘇子奔衛今復見者蓋王復之】

蘇子來盟王使之也頃王新立不能修明王度以朝諸侯而乃使大夫盟魯辱也故諱而書及及者我所欲也其不書公為公諱也襄王喪葬公未嘗往頃王既立公又不朝乃與王臣要盟臣子之義安在哉故諱之

冬狄侵宋

狄歷侵諸國猶未及宋至是見侵蓋乘宋亂且料晉之不能救也

楚子蔡侯次于厥貉【厥公羊作屈厥貉杜注地名闕當在今河南項城縣】

【左傳】陳侯鄭伯防楚子于息冬遂及蔡侯次于厥貉將以伐宋【陳鄭及宋麋子不書者宋鄭執卑苟免為楚仆任受役于司馬麋子耻之遂逃而歸三君失位降爵故不列于諸侯宋鄭猶然則陳侯必同也】宋華御事曰【華御事華元之父】楚欲弱我也先為之弱乎何必使誘我我實不能民何罪乃逆楚子勞且听命遂道以田孟諸【孟諸杜注宋大薮也在梁國睢陽縣東北在今河南商丘縣東北】宋公為右孟鄭伯為左孟【孟田獵陳名】期思公復遂為右司馬子朱及文之無畏為左司馬【期思杜注弋陽期思縣在今河南固始縣西北復遂期思公名子朱無畏皆楚大夫將獵張雨甄故置左司馬二人分于左右以右司馬一人居中】命夙駕載燧宋公違命無畏扶其仆以徇【燧取火者扶挾也】或謂子舟曰國君不可戮也【子舟無畏字】子舟曰當官而行何強之有詩曰剛亦不吐柔亦不茹【詩大雅美仲山甫不辟強御】毋縱詭隨以謹罔極【詩大雅詭隨心不正者罔無極中也】是亦非辟強也敢愛死以亂官乎【為宣十四年宋人殺子舟張本】

厥貉之防麋子逃歸【為明年楚子伐麋】

次者欲進而不前之意楚將伐宋而不果故書次以著其包藏禍心欲凭陵諸夏而未遂也楚子侵伐書爵其勢益張而諸侯畏之也蔡侯首附楚故序于楚下以示讥書爵者斥言以罪其人也

十有一年春楚子伐麋【麋公羊作圉楚始書君將】

【左傳】十一年春楚子伐麋成大心敗麋師于防渚【防渚杜注麋地今湖廣房縣】潘崇復伐麋至于穴【穴杜注麋地今湖廣鄖陽府治】厥貉之防麋子逃歸蓋見宋陳鄭以大夫公侯而受役于楚司馬故耻于失列而去之也以考之一敗于防渚再迫于穴而不

闻与楚成所谓与民守之效死而民弗去者也春秋不书麋子之逃而独书楚子伐麋圣人之情见矣

夏叔仲彭生防晋郤缺于承筐【公羊谷梁无仲字筐作匡承筐杜注宋地在陈畱襄邑县今河南睢州西有故城此大夫特相防之始】

【左传】夏叔仲惠伯防晋郤缺于承筐【惠伯即彭生】谋诸侯之从于楚者【九年陈郑及楚平十年宋听楚命】

是防谋诸侯之从楚未为非义然大夫专防以谋国事诸侯之政大夫擅之矣故谨而志之

秋曹伯来朝

【左传】秋曹文公来朝即位而来见也【曹文公即位在九年】

诸侯世相朝礼也曹伯即位来朝常事尔然不先如京师故书之以见失尊王之义也曹本服宋自晋文执曹共公以畀宋人遂不与诸侯之事盖晋方恶曹宋遂挟为私属也至是晋政中衰曹文公嗣立遂自附于鲁而后此复列于诸侯之防盟

公子遂如宋

【左传】襄仲聘于宋且言司城荡意诸而复之【八年意诸来奔归不书史失之】因贺楚师之不害也【前年楚次厥貉将以伐宋】

鲁聘宋者八盖始于此是时顷王立已三年且使苏子来盟公既不朝又不遣聘而亟修礼于宋其悖甚矣

狄侵齐

冬十月甲午叔孙得臣败狄于咸【咸杜注鲁地】

【左传】郕瞒侵齐【郕瞒狄国名漆姓在夏为防风氏殷为汪芒氏】遂伐我公卜使叔孙得臣追之吉侯叔夏御庄叔緡房甥为右富父终甥驷乘【侯叔夏緡房甥富父终甥皆鲁大夫驷乘四人共车】冬十月甲午败狄于咸获长狄侨如【侨如郕瞒之君盖长三丈】富父终甥搯其喉以戈杀之【搯犹冲也】埋其首于子驹之门【子驹鲁郭门骨节非常恐后世怪之故详其处】以命宣伯【得臣待事而名其三子因名宣伯曰侨如以旌其功】初宋武公之世郕瞒伐宋【在春秋前】司徒皇父帅师御之彤班御皇父充石公子谷甥为右司寇牛父驷乘以败狄于长丘【皇父戴公子充石其名彤班谷甥牛父皆宋大夫长丘杜注宋地在今河南封丘县东】获长狄縁斯【縁斯侨如之先】皇父之二子死焉宋公于是以门赏

郈班使食其征谓之郈门【皇父与谷甥及牛父皆死故郈班独受赏门关门征税也】晋之灭潞也【在宣十五年】获侨如之弟焚如齐襄公之二年【鲁桓十六年也】鄭瞞伐齐齐王子成父获其弟荣如埋其首于周首之北门【荣如焚如之弟以鲁桓公十六年死至宣十五年一百三歲其兄犹在传言既长且壽有异于人王子成父齐大夫周首杜注齐邑济北谷城县东北有周首亭在今山东东阿县东北】卫人获其季弟简如【伐齐退走至卫见获】鄭瞞由是遂亡【长狄之种絕】

【公羊传】狄者何长狄也兄弟三人一者之齐一者之鲁一者之晋其之齐者王子成父杀之其之鲁者叔孙得臣杀之则未知其之晋者也其言败何大之也【敌一人而言败以狄长大非一人所能敌兴师动众然后杀之如大战然故就其事言败】其日何大之也【如约曰大战】其地何大之也【如据地大战】何以书记异也【谷梁传】不言帅师而言败何也直败一人之辞也一人而曰败何也以众焉言之也【言其力足以敌众】 曰长狄也弟兄三人佚宕列国【佚更也宕扰也】瓦石不能害叔孙得臣最善射者也射其目身横九亩【广一步长百步为一亩九亩五丈四尺】断其首而载之眉见于轼【兵车之轼高三尺三寸】然则何为不言获也曰古者不重创不禽二毛故不言获为内讳也【既射其目又断其首是重创非古道故讳之】其之齐者王子成父杀之则未知其之晋者也

十余年之间狄四侵齐而侵鲁宋者各一今得臣出其不虞而败之自是始有惧心其势少戢不言帅师将尊师少也不曰战者内胜之辞也不言获长狄侨如贱之也

【附錄左传】郈太子朱儒自安于夫钟国人弗徇【安处也夫钟杜注郈邑徇顺也为明年郈伯来奔】

十有二年春王正月郈伯来奔【郈公羊作盛】

【左传】十二年春郈伯卒郈人立君【太子自安于外邑故】太子以夫钟与郈邾来奔【郈邾杜注郈邑】公以诸侯逆之非礼也【非公宠叛人】故书曰郈伯来奔不书地尊诸侯也【既尊以为诸侯故不复见其窃邑之罪所以深责鲁也】

【公羊传】盛伯者何失地之君也何以不名兄弟辞也【义见僖二十年郈子来朝】

诸侯失地皆名其不名者非其自取也莊八年郈降于齐师自是入齐为附庸今又来奔盖为齐所逼耳春秋不名恕之也

杞伯来朝

【左传】杞桓公来朝始朝公也且请絕叔姬而无絕昏公许之【不絕昏立其娣以为夫人不书来归未笄而卒】

二月庚子子叔姬卒

【左传】二月叔姬卒不言杞絕也【既许其絕故不言杞】书叔姬言非女也【女未嫁而卒不书】

【公羊传】此未适人何以卒许嫁矣妇人许嫁字而笄之死则以成人之丧治之其称子何贵也其贵奈何母弟也

【谷梁传】其曰子叔姬贵也公之母姊妹也【同母姊妹】其一 曰许嫁以卒之也【别据一說以叔姬时已许嫁故书其卒】男子二十而冠冠而列丈夫三十而娶女子十五而许嫁二十而嫁【礼女子许嫁而卒即为长殇有服引此以明许嫁而卒之意】

叔姬曰子盖时君之女以别于先君之女也女子适人必系国叔姬字未嫁也

夏楚人围巢【巢杜注吴楚闲小国庐江六县东有居巢城今江南庐州府巢城西巢湖即其处左传】楚令尹大孙伯卒成嘉为令尹【成嘉若敖曾孙子孔】羣舒叛楚【羣舒杜注偃姓舒庸舒鸠之属庐江南有舒城西南有龙舒按今江南舒城庐江二县之境皆羣舒地】夏子孔执舒子平及宗子遂围巢【平舒君名宗巢二国羣舒之属】书称巢伯来朝则巢之建国久矣王道不行小国困于彊暴不得保其社稷书围巢者恶楚之不仁而小国之无所庇賴也

秋滕子来朝

【左传】秋滕昭公来朝亦始朝公也

曹 滕相继来朝以鲁为秉礼之国也文公乃不思述职有阙而越再朝之期覲礼不修不亦悖乎

秦伯使术来聘【术公羊作遂】

【左传】秦伯使西乞术来聘且言将伐晋襄仲辞玉【玉圭璋也礼聘义云以圭璋聘已聘而还圭璋今聘礼方行而辞玉不与秦之伐晋也】曰君不忘先君之好照临鲁国镇抚其社稷重之以大器寡君敢辞玉对曰不腆敝器不足辞也主人三辞宾答曰寡君愿徼福于周公鲁公以事君不腆先君之敝器使下臣致诸执事以为瑞节【节信也周礼大宗伯以玉作六瑞以等邦国是也】要结好命所以借寡君之命结二国之好是以敢致之襄仲曰不有君子其能国乎国无陋矣厚贿之【公羊传】遂者何秦大夫也秦无大夫【秦楚吴越之国不书其大夫】此何以书贤繆公也何贤乎繆公以为能变也其为能变奈何唯諛諛善諛言俾君子易怠而况乎我多有之【諛諛浅薄之貌諛犹撰也易怠轻慢也】唯一介断断焉无他技其心休休能有容是难也

秦将为河曲之战故以贿结鲁而鲁亦厚贿之是相与以利也归祫称人此称君大夫盖渐进之术不氏未命之卿来鲁皆书名也遣聘者康公也而 以为贤繆公朱子谓公羊谷梁未见国史观此类可知

冬十有二月戊午晋人秦人战于河曲【河曲杜注在河东蒲坂县南今山西蒲州东南隅有故城】

【左传】秦为令狐之役故【在七年】冬秦伯伐晋取羈马【羈马杜注晋邑在今山西蒲州南】晋人御之赵盾将中军荀林父佐之【代先克】卻缺将上军【代箕郑父】臾骈佐之【代林父】栾盾将下军【栾枝子代先蔑】胥甲佐之【胥臣子代先都】范无恤御戎【代步招】以从秦师于河曲臾骈曰秦不能久请深垒固军以待之从之秦人欲战秦伯谓士防曰【晋士防七年奔秦】若何而战对曰赵氏新出其属曰臾骈必实为此谋将以老我师也赵有侧室曰穿【侧室支子穿赵夙庶孙】晋君之壻也有宠而弱不在军事【未尝涉知军事】好勇而狂且恶臾骈之佐上军也若使轻者肆焉其可【肆暂往而速退也】秦伯以璧祈战于河十二月戊午秦军掩晋上军赵穿追之不及反【上军不动赵穿独追之秦军速退故不及】怒曰裹粮坐甲固敌是求敌至不击将何俟焉军吏曰将有待也穿曰我不知谋将独出乃以其属出宣子曰秦获穿也获一卿矣【时穿为散卿如前卻缺之未有军行】秦以胜归我何以报乃皆出战交绥【司马法曰从绥不及是古名退军为绥秦晋兵未及争而两退故曰交绥】秦行人夜戒晋师曰两军之士皆未惓也明日请相见也【惓缺也】臾骈曰使者目动而言肆惧我也将遁矣【目动心不安言肆声放失常节】薄诸河必败之胥甲赵穿当军门呼曰死伤未收而弃之不惠也不待期而薄人于险无勇也乃止【谋泄故不行为宣元年放胥甲】秦师夜遁复侵晋入瑕

【公羊传】此偏战也何以不言师败绩敌也曷为以水地【以水地者以水之曲折为地名意谓水曲甚多疑不足以定地之名如战 不言曲】河曲疏矣河千里而一曲也【千里而始一曲则为河曲有几故水亦可以定地之名也谷梁传】不言及秦晋之战已亟故略之也【亟数也战必有曲直以一人主之二国战鬪数曲直不可得详故略不言及】

凡战皆以主及客秦为令狐之役积忿不已又为是战曲在秦故不云晋及不书败绩交绥而退无胜负也

季孙行父帅师城诸及郛【郛公羊作运后同杜注城阳姑幕县南有员亭即郛也今山东沂水县北郛城是按此为东郛成四年城郛为西郛乃在东平州】

【左传】城诸及郛书时也

【谷梁传】称帅师言有难也

帅师而城畏莒故也郛莒邑而介于鲁城非其所有虑莒必争于是乎以兵往诸鲁邑也而近

于郛故竝以师城

十有三年春王正月

【附錄左传】十三年春晋侯使詹嘉处瑕以守桃林之塞【詹嘉晋大夫赐其瑕邑令帅众守桃林以备秦桃林杜注在 农华陰县东潼关地理通释自潼关至函谷歷陝华二州地俱谓之桃林塞今陝西华陰县以东河南灵宝县以西皆是也】

夏五月壬午陈侯朔卒

【附錄左传】晋人患秦之用士防也【以前年士防为秦画计故】夏六卿相见于诸浮【诸浮杜注晋地】赵宣子曰随防在秦贾季在狄难日至矣若之何中行桓子曰【中行桓子荀林父也僖二十八年始将中行故以为氏】请复贾季能外事且由旧勲【有狐偃之旧勲】郤成子曰贾季乱且罪大【杀阳处父故】不如随防能贱而有耻柔而不犯【不可犯以不义】其知足使也且无罪乃使魏壽余伪以魏叛者以诱士防执其帑于晋使夜逸【魏壽余毕万之后帑壽余子】请自归于秦秦伯许之履士防之足于朝【蹶士防足欲使行】秦伯师于河西【将取魏】魏人在东壽余曰请东人之能与夫二三有司言者吾与之先【欲与晋人在秦者共先告喻魏有司】使士防士防辞曰晋人虎狼也若背其言臣死妻子为戮无益于君不可悔也【辞行示己无去心】秦伯曰若背其言所不归尔帑者有如河乃行绕朝赠之以防【绕朝秦大夫防马槌】曰子无谓秦无人吾谋适不用也【示己觉其情】既济魏人噪而还【喜得士防】秦人归其帑其处者为刘氏【士防尧后刘累之裔别族复累之姓】

邾子貜蓀卒【谷梁作籛蓀】

【左传】邾文公卜迁于绎【绎杜注邾邑在今山东邹县东南】史曰利于民而不利于君邾子曰苟利于民孤之利也天生民而树之君以利之也民既利矣孤必与焉左右曰命可长也君何弗为邾子曰命在养民死之短长时也民苟利矣迁也吉莫如之【左右以一人之命为言文公以百姓之命为主一人之命各有短长不可如何百姓之命乃 世无穷故卒徙之】遂迁于绎五月邾文公卒君子曰知命

自正月不雨至于秋七月

大室屋壞【大公羊作世】

【左传】秋七月大室之屋壞书不共也

【公羊传】世室者何鲁公之庙也周公称大庙鲁公称世室羣公称宫此鲁公之庙也曷为谓之世室世室犹世室也世世不毀也【鲁公始封之君故不毀】周公何以称大庙于鲁封

鲁公以为周公也周公拜乎前鲁公拜乎后【始受封时拜于文王庙也】曰【成王始授其茅土之辞】生以养周公死以为周公主【如周公死当以鲁公为祭祀主】然则周公之鲁乎曰不之鲁也封鲁公以为周公主然则周公曷为不之鲁欲天下之一乎周也【周公德至重功至大嫌之鲁恐天下回心趋向之所以一天下之心于周室】鲁祭周公何以为牲周公用白牲【白牲殷牲也周公死有王礼谦不敢与文武同也】鲁公用骍犗【骍犗赤脊周牲也鲁公以诸侯不嫌故从周制以脊为差】羣公不毛【不毛不纯色所以降于尊祖】鲁祭周公何以为盛【盛粢盛也在器曰盛】周公盛【盛者谓新谷满其器】鲁公煮【煮者冒也下故而上冒以新也】羣公廩【廩谓全用故谷上少有新谷相连而已】世室屋壤何以书讥何讥尔久不修也

【谷梁传】大室屋壤者有壤道也讥不修也大室犹世室也周公曰大庙伯禽曰大室羣公曰宫礼宗庙之事君亲割【割牲】夫人亲舂【舂粢盛】敬之至也为社稷之主而先君之庙壤极称之志不敬也【极称言屋壤不复依违其文】鲁以周公为始祖祀于大庙伯禽为昭之第一室亲尽当毁鲁人以其始封不祧其主以为世室文公怠慢庙久不葺当恒眙之时而屋自壤不防甚矣更造不书者虽用民力不可已也

冬公如晋卫侯防公于沓【防下公羊无公字沓杜注地阙】

狄侵卫

晋不能霸以啓戎心故狄因卫侯之出乘闲侵之书之以病晋也

十有二月己丑公及晋侯盟

公还自晋郑伯防公于棐【还上公羊谷梁无公字棐公羊作斐杜注郑地即棐林今河南新郑县东林乡城是也】

【左传】冬公如晋朝且防盟【寻八年衡雍之盟】卫侯防公于沓请平于晋公还郑伯防公于棐亦请平于晋公皆成之【卫郑贰于楚畏晋故因公请平】郑伯与公宴于棐子家赋鸿雁【子家郑大夫公子归生也鸿雁诗小雅义取侯伯哀恤鰥寡有征行之劳喻郑国寡弱欲使鲁侯还晋恤之】季文子曰寡君未免于此【言亦同有微弱之患】文子赋四月【四月诗小雅义取行役逾时思归祭祀不欲为之还晋】子家赋载驰之四章【载驰诗鄘风四章以下义取小国有急欲引大国以救助】文子赋采芣之四章【采芣诗小雅取其岂敢定居一月三捷许为郑还不敢安居】郑伯拜【谢公为行】公答拜

【公羊传】还者何善辞也何善尔往党卫侯防公于沓至得与晋侯盟反党郑伯防公于棐故善之也【党所也所犹时齐人语也】

【谷梁传】还者事未毕也自晋事毕也

诸侯将朝于天子豫相防礼也今文公朝晋而往返防卫郑之君非礼也然三国皆无贬辞者盖卫郑不忘晋霸而介鲁以求通春秋善其弃异即同故详志之

十有四年春王正月公至自晋

【附錄左传】十四年春顷王崩【子匡王立】周公阅与王孙苏争政故不赴凡崩薨不赴则不书祸福不告亦不书惩不敬也【欲使怠慢者戒】

是岁顷王崩公既盟晋还又与郑防久于道路而不临不赙不奔故书至以着之王崩不书未赴也

邾人伐我南鄙叔彭生帅师伐邾

【左传】邾文公之卒也【在前年】公使吊焉不敬邾人来讨伐我南鄙故惠伯伐邾

鲁以七年伐邾取须句邾人不能报至是乘公如晋伐我南鄙不知公之既至也兵未反鲁复报之邾子卒未一年居丧而伐人与伐人之丧皆罪也

夏五月乙亥齐侯潘卒

【左传】子叔姬妃齐昭公生舍叔姬无宠舍无威公子商人骤施于国【商人桓公子骤数也】而多聚士尽其家贷于公有司以继之【家财尽从公及国之有司富者贷】夏五月昭公卒舍即位【附錄左传】邾文公元妃齐姜生定公二妃晋姬生捷菑文公卒邾人立定公捷菑奔晋

六月公防宋公陈侯卫侯郑伯许男曹伯晋赵盾癸酉同盟于新城【新城杜注宋此梁国谷熟县西在今河南商丘县西南】

【左传】六月同盟于新城从于楚者服且谋邾也【从楚者陈郑宋谋邾谋纳捷菑】

【谷梁传】同者有同也同外楚也

同盟于新城诸侯既防复合同外楚也时楚势益彊诸侯畏惧欲依晋以自固载书要言与齐桓盟幽事虽异而所以为同一也赵盾主盟不以先诸侯君臣之分也

【附錄左传】秋七月乙卯夜齐商人弑舍而让元【元商人兄齐惠公也书九月从告七月无乙卯日误】元曰尔求之久矣我能事尔尔不可使多蓄憾【不为君则恨多】将免我乎尔为之

秋七月有星孛入于北斗

【左传】有星孛入于北斗周内史叔服曰不出七年宋齐晋之君皆将死乱【后三年宋弑昭公五年齐弑懿公七年晋弑灵公案是时此星在角由杓入斗自北而入晋居北齐宋居晋东故三国当之斗数七故云不及七年】

【公羊传】孛者何彗星也【状如簪簪者扫故置新之象】其言入于北斗何北斗有中也【北斗天之枢机玉衡七政所出中者魁中】何以书记异也【谷梁传】孛之为言犹莠也【莠星乱臣之类】其曰入北斗【北斗贵星人君之象】斗有环域也

据孛于大辰及东方皆不言入此言入者见斗有规郭入其魁中也有星者不当有而有北斗天之三辰纲纪星也孛得入之其变大矣宋先代之后齐晋天子方伯乃中国之纪纲而三君皆违道失德故当其应天之示人切矣

公至自防

晋人纳捷菑于邾弗克纳【公羊作接菑】

【左传】晋赵盾以诸侯之师八百乘纳捷菑于邾【八百乘六万人言力有余】邾人辞曰齐出玃且长【玃且定公】宣子曰辞顺而弗从不祥乃还

【公羊传】纳者何入辞也其言弗克纳何大其弗克纳也何大乎其弗克纳晋郤缺帅师革车八百乘以纳接菑于邾娄力沛若有余而纳之邾娄人言曰接菑晋出也玃且齐出也子以其指【指手指】则接菑也四玃且也六【言俱不得天之正性喻皆庶子也】子以大国压之则未知齐晋孰有之也贵则皆贵矣虽然玃且也长【既两不得正性又皆贵惟当以年长立之】郤缺曰非吾力不能纳也义实不尔克也引师而去之故君子大其弗克纳也【大其不以己非夺人之是】此晋郤缺也其称人何贬曷为贬不与大夫专废置君也曷为不与实与而文不与文曷为不与大夫之义不得专废置君也

【谷梁传】是郤克也其曰人何也微之也何为微之也长穀五百乘縣地千里【长穀兵车五百乘合三万七千五百人縣犹弥漫】过宋郑滕薛入千乘之国【入遠也】欲变人之主至城下然后知何知之晚也弗克纳未伐而曰弗克何也弗克其义也捷菑晋出也玃且齐出也玃且正也捷菑不正也

书弗克纳言闻过而改失之于初而得之于末愈乎遂过也书人者本未得其主名也观三所 各异可征旧史失其名而非孔子用此为褒贬矣

【附錄左传】周公将与王孙苏讼于晋王叛王孙苏【王匡王叛不与】而使尹氏与 啓讼周公于晋【尹氏周卿士 啓周大夫】赵宣子平王室而复之 楚莊王立【穆王子也】

子孔潘崇将襄羣舒使公子燮与子仪守而伐舒蓼【即羣舒】二子作乱城郢而使贼杀子孔不克而还八月二子以楚子出将如商密庐戢黎及叔麋诱之遂杀鬬克及公子燮【庐杜注襄阳中庐县戢黎庐大夫叔防其佐鬬克子仪也】初鬬克囚于秦【在僖二十五年】秦有殽之败【在僖三十三年】而使归求成而不得志【无赏报也】公子燮求令尹而不得故二子作乱

九月甲申公孙敖卒于齐

【左传】穆伯之从己氏也【在八年】鲁人立文伯【穆伯之子谷】穆伯生二子于莒而求复文伯以为请襄仲使无朝听命【不使与听政事】复而不出三年而尽室以复适莒文伯疾而请曰谷之子弱【子孟献子年尚幼】请立难也【难谷弟】许之文伯卒立惠叔穆伯请重赂以求复惠叔以为请许之将来九月卒于齐告丧请葬【请以卿礼葬】弗许

【谷梁传】奔大夫不言卒而言卒何也为受其丧不可不卒也其地于外也

大夫奔不书卒非我臣也既许其归则其卒也是亦大夫而已矣故书之卒在常所则不地书卒于齐见死非其地且为齐人归丧起也

齐公子商人弑其君舍

【左传】齐人定懿公使来告难故书以九月齐公子元不顺懿公之为政也终不曰公曰夫己氏【夫己氏犹言某甲公羊传】此未逾年之君也其言弑其君舍何已立之已杀之成死者而贱生者也【恶商人无道故成舍之君号以贱商人之所为谷梁传】舍未逾年其曰君何也成舍之为君所以重商人之弑也商人其不以国氏何也不以嫌代嫌也【舍不宜立有不正之嫌商人专权有当国之嫌故不书国氏明不以嫌相代】舍之不日何也未成为君也

舍未逾年成之为君者春秋之作本以惩奸恶若立未逾年被弑而不曰君则逆乱之臣皆得以肆其凶恶故原情立义而以弑书晋奚齐亦未逾年以本不正故不书弑商人称公子见天属之亲而为寇讎甚之也

宋子哀来奔

【左传】宋高哀为萧封人以为卿【萧宋附庸初仕萧还升为卿】不义宋公而出遂来奔书曰宋子哀来奔贵之也【贵其不食污君之禄辟祸速也】

【公羊传】宋子哀者何无闻焉尔

【谷梁传】其曰子哀失之也【失其氏族不知何人】

公羊曰无闻谷梁曰失之谓不书其氏族耳左氏曰贵之则以为称字不知古有以子名者陈子亢介子推是也不书氏族与宋荡山同乃赴告之辞略耳

冬单伯如齐

齐人执单伯

单伯如齐唁子叔姬也吴氏澄谓子叔姬为文公女归齐而舍遇弑姬无所从鲁故遣单伯往请商人恶鲁与舍为昏因单伯来诬以罪而并子叔姬执之两书齐人执者明单伯子叔姬之不相及别而言之所以重齐人之罪也案左氏谓子叔姬妃齐昭公考齐昭立在文公前七年则叔姬不得为文公女而春秋以子称其说不通矣单伯见莊元年此犹见者盖其子孙世称之也

齐人执子叔姬

【左传】襄仲使告于王请以王宠求昭姬于齐【昭姬子叔姬】曰杀其子焉用其母请受而罪之冬单伯如齐请子叔姬齐人执之【恨鲁恃王势以求女故】又执子叔姬【欲以耻辱鲁公羊传】执者曷为或称行人或不称行人称行人而执者以其事执也【以其所街奉国事执之晋人执我行人叔孙舍是也】不称行人而执者以己执也【己者已大夫自以大夫之罪执之】单伯之罪何道淫也恶乎淫淫于子叔姬【时子叔姬嫁当为齐夫人使单伯送之】然则曷为不言齐人执单伯及子叔姬内辞也使若异罪然【深讳使若各自以他事见执者】

【谷梁传】私罪也单伯淫于齐齐人执之叔姬同罪也商人弑君之恶已显而执叔姬之事圣人不独罪商人也齐人不讨贼俱北面事之又敢执君夫人是举国之人皆有不赦之罪故书曰齐人所以穷乱贼之党与而治之也

日讲春秋解义卷二十五

卷二十六

钦定四库全书

日讲春秋解义卷二十六

文公

十有五年春季孙行父如晋

【左传】十五年春季文子如晋为单伯与子叔姬故也【因晋请齐】

商人弑逆执君夫人及鲁使鲁不能以义讨而反因晋以求齐行父使晋不知请讨晋为盟主亦不能讨皆罪也直书行父如晋贬自见矣

三月宋司马华孙来盟

【左传】三月宋华耦来盟其官皆从之书曰宋司马华孙贵之也【曰卿行旅从华孙能率其属以敬事自重故贵而不名然非也周之礼经诸侯相聘其使介有常数矣不闻其官皆从以为典也】公与之宴辞曰君之先臣督得罪于宋殇公【耦华督曾孙督弑殇公在桓二年】名在诸侯之防臣承其祀其敢辱君请承命于亚旅【亚旅上大夫】鲁人以为敏【谷梁传】司马官也其以官称无君之辞也来盟者何前

定也不言及者以国与之也

书司马华孙者着其为华督之孙世执兵柄如武氏子仍叔之子之类不书名意在因族以见义不系于名也不言使自请之也华耦盖与穆襄之族党公子鲍豫结诸侯疑子哀在鲁或间其好故因是来盟其尊行无君与屈完高子之来盟异春秋美恶不嫌同辞以事实具见于前后也屈完来盟而楚帖高子来盟而鲁定华孙来盟而昭公弑其迹固较然异矣

夏曹伯来朝

【左传】夏曹伯来朝礼也诸侯五年再相朝以修王命古之制也【十一年曹伯来朝至此五年 为齐侯伐曹张本】

凡书来朝皆讥其不朝天子而私相朝也曹伯十一年来朝越四年又朝过于事天子之礼尤失其正春秋书之以示贬亦以起齐人伐曹之文为不能以礼自守而妄悦人以召祸者戒也

齐人归公孙敖之丧

【左传】齐人或为孟氏谋【孟氏公孙敖家庆父为长庶故或称孟氏】曰鲁尔亲也饰棺寘诸堂阜【堂阜齐鲁竟上地饰棺不殓示无所归】鲁必取之从之卞人以告【卞人卞邑大夫】惠叔犹毁以为请【敖卒至今暮年毁犹未已哀过丧礼】立于朝以待命许之取而殓之齐人送之书曰齐人归公孙敖之丧为孟氏且国故也【为惠叔毁请且国之公族故】

视共仲【以罪降】声已不视帷堂而哭【声已惠叔母怨敖从莒女故帷堂】襄仲欲勿哭【怨敖取其妻】惠伯曰【即叔彭生】丧亲之终也虽不能始善终可也史佚有言曰兄弟致美【各尽其美】救乏贺善吊灾祭敬丧哀情虽不同母绝其爱亲之道也子无失道何怨于人襄仲说帅兄弟以哭之他年其二子来【敖在莒所生】孟献子爱之闻于国【献子谷之子仲孙蔑】或谮之曰将杀子献子以告季文子二子曰夫子以爱我闻我以将杀子闻不亦远于礼乎远礼不如死一人门于句鄆一人门于戾丘皆死【句鄆戾丘杜注鲁邑有寇攻门二子御之而死盖以明其无杀献子之心】

【公羊传】何以不言来内辞也胁我而归之筭将而来也【筭者竹篴一名编輿将送也】

大夫卒于外不书丧至此独书何也敖奉命如京师奔命出奔为禽兽行鲁听其复既复再奔又受其丧见鲁之无政刑也不言来归盖齐人但致之境上而敖之子自取以 故不曰来

六月辛丑朔日有食之鼓用牲于社

【左传】六月辛丑朔日有食之鼓用牲于社非礼也日有食之天子不举伐鼓于社【责羣陰】诸侯用币于社【社尊于诸侯故请救而不敢责之】伐鼓于朝【退自责】以昭事神训民事君【天子不举诸侯用币所以事神尊卑异制所以训民】示有等威古之道也

庄公两以日食鼓用牲于社既已非礼今文公亦复如此必以为先朝故事可举而行而不顾义之可否因陋承误妄亦甚矣

单伯至自齐

【左传】齐人许单伯请而赦之使来致命【畏晋故】书曰单伯至自齐贵之也【单伯执节不移故贵之】

【谷梁传】大夫执则致致则名此其不名何也【据昭十四年意如至自晋称名】天子之命大夫也

大夫恒出不书至惟执则书国体所系也单伯致而不名者命大夫例书字也尊王命也

晋郤缺帅师伐蔡戊申入蔡

【左传】新城之盟【在前年】蔡人不与晋郤缺以上军下军伐蔡曰君弱不可以怠戍申入蔡以城下之盟而还凡胜国曰灭之【胜国絕其社稷有其土地】获大城焉曰入之【得大都而不有公羊传】入不言伐此其言伐何至之日也其日何至之日也【用兵之道当先至竟侵责之不服乃伐之今日至便以今日伐故日以起其暴也】入而言伐又举日于伐下者见伐之不服然后入也所以兼恶蔡然晋实不能制楚入蔡何为书伐书入以讥晋也

秋齐人侵我西鄙

【谷梁传】其曰鄙遠之也其遠之何也不以难介我国也【介犹近也】

季孙行父如晋

【左传】秋齐人侵我西鄙故季文子告于晋

商人大逆无道诸侯不讨反怙逆以伐人故贬而人之师无名故曰侵鲁因齐之暴再往告晋晋实主盟而纵商人至此罪可知矣

冬十有一月诸侯盟于扈

【左传】冬十一月晋侯宋公卫侯蔡侯陈侯郑伯许男曹伯盟于扈寻新城之盟且谋伐齐也【齐数伐鲁故】齐人赂晋侯故不克而还于是有齐难是以公不防书曰诸侯盟于扈无能为故也【恶受赂不能讨齐】凡诸侯防公不与不书讳君恶也【谓国无难不防义事故为恶】与而不书后也【谓后期也】是盟为齐乱也鲁以备齐故不防非一后再有事而不序诸侯散辞也见晋不足以主盟而诸侯无统纪也弑君之贼人人得而讨之晋侯受赂而在防诸侯俯首以听晋命其罪惟均故同略而不序

十有二月齐人来归子叔姬

【左传】齐人来归子叔姬王故也【以单伯为王使故叔姬之归曰王故公羊传】其言来何闵之也此有罪何闵尔父母之于子虽有罪犹若其不欲服罪然【父为子隱人情之至也】

【谷梁传】其曰子叔姬贵之也其言来归何也父母之于子虽有罪犹欲其免也

不言齐子叔姬来归而曰齐人来归子叔姬者见子叔姬无罪齐人自絕而归之尔此商人为之称齐人者罪齐人以商人为君而不知其恶深责之也按二 于叔姬皆云父母之于子则其为文公女也益信

齐侯侵我西鄙遂伐曹入其郛

【左传】齐侯侵我西鄙谓诸侯不能也【不能讨已】遂伐曹入其郛讨其来朝也【此年夏曹伯朝鲁】季文子曰齐侯其不免乎已则无礼而讨于有礼者曰女何故行礼礼以顺天之道也已则反天而又以讨人难以免矣诗曰胡不相畏不畏于天【诗小雅】君子之不虐幼贱畏于天也在周颂曰畏天之威于时保之【诗周颂言畏天威于是保福禄】不畏于天将何能保以乱取国奉礼以守犹惧不终多行无礼弗能在矣【为十八年齐弑商人】

【公羊传】郛者何恢郭也【恢大也郭城外大郭】入郛书乎曰不书【围不言入】入郛不书此何以书动我也【动我惧我也】动我者何内辞也其实我动焉尔【因侵我遂入曹故详其事若云齐不去而伐曹防入我郛矣可惧也】

扈之防晋取齐赂而还商人自此知诸国之无能为益肆其暴以鲁如晋谋已而曹修礼于鲁故一歲再侵鲁以及曹书遂着其暴也入其郛者甚之也

十有六年春季孙行父防齐侯于阳谷齐侯弗及盟【左传】十六年春王正月及齐平公有疾使季文子防齐侯于阳谷请盟齐侯不肯曰请俟君间【间疾瘳】

【公羊传】其言弗及盟何不见与盟也【谓齐侯不肯盟】

【谷梁传】弗及者内辞也行父失命矣齐得内辞也【行父出防失辞为齐侯所拒不盟由齐故得内辞】

文公怠于国政不能愤发自彊讨齐之乱反使商人得以彊大威我命使执辱遑鄙被兵此有志者困心衡虑时而公方且宴安于国使其臣降志求盟复为商人所侮故直书曰齐侯弗及盟弗者迂词若曰我本欲盟而齐不及我盟以深愧之也

夏五月公四不视朔

【左传】夏五月公四不视朔疾也

【公羊传】公曷为四不视朔公有疾也何言乎公有疾不视朔自是公无疾不视朔也然则曷为不言公无疾不视朔有疾犹可言也无疾不可言也

【谷梁传】天子告朔于诸侯诸侯受乎祫庙礼也公四不视朔公不臣也【天子班朔而公不视是不臣】以公为厌政以甚矣上书夏五月下书四不视朔追言之也前此未有书不视朔者若其有疾则亦常事尔而特书者见公之非有疾而然也盖此时本以疾诈齐自是遂因循废之有不视朔亦不复书其讥已明矣不重讥也

六月戊辰公子遂及齐侯盟于鄆丘【公羊作犀丘谷梁作师丘公羊疏云正本作菑丘杜注齐地当在今山东东阿县境】

【左传】公使襄仲纳赂于齐侯故盟于鄆丘

【谷梁传】复行父之盟也【春齐侯不与行父盟故复使遂修之】

行父请盟则弗及仲遂纳赂则从齐固贪利而鲁之畏齐抑何甚也夫齐鲁皆千乘之国齐曲而鲁直彼以力我以义何惧于齐而以贿成哉明年齐侯复有西鄙之伐则知要盟不足恃而鲁之为计亦愚矣

秋八月辛未夫人姜氏薨

毁泉台

【左传】有蛇自泉宫出入于国如先君之数【伯禽至僖公十七君】秋八月辛未声姜薨【僖公夫人文公母也】毁泉台

【公羊传】泉台者何郎台也【庄公筑台于郎】郎台则曷为谓之泉台未成为郎台【未成但以地名之】既成为泉台【既成更以所置名之】毁泉台何以书讥何讥尔筑之讥毁之讥先祖为之已毁之不如勿居而已矣

【谷梁传】丧不貳事貳事缓丧也【丧事主哀而复毁泉台是以丧为缓】以文为多失道矣自古为之今毁之不如勿处而已矣【若以夫人居之而薨但当勿处】

泉台之筑固为非礼然先君所举其存与毁亦非治乱安危之所繫则勿居可也而劳民毁之以暴其失有蔑视先祖之心故谨而志之

楚人秦人巴人灭庸

【左传】楚大饥戎伐其西南至于阜山师于大林又伐其东南至于阳丘以侵訾枝【戎山夷也阜山在今湖广房县南大林阳丘訾枝杜注皆楚邑大林在今湖广荆门州西北】庸人帅羣蛮以叛楚【庸杜注上庸县属楚之小国】麇人率百濮聚于选将伐楚【百濮夷也选杜注楚地当在今湖广枝江县南境】于是申息之北门不啓【备中国】楚人谋徙于阪高【阪高杜注楚险地当在今湖广襄阳府西境】蔣贾曰不可我能往寇亦能往不如伐庸夫麇与百濮谓我饥不能师故伐我也若我出师必惧而归百濮离居将各走其邑谁暇谋人乃出师旬有五日百濮乃罢自庐以往振廩同食【往往伐庸也振发也廩仓也同食上下无异饌也】次于句瀝【句瀝杜注楚西界地当在今湖广均州西】使庐戢黎侵庸及庸方城【方城杜注庸地上庸县东有方城亭在今湖广竹山县东】庸人逐之囚子扬廕【廕戢黎官属】三宿而逸曰庸师众羣蛮聚焉不如复大师【还复句瀝师】且起王卒合而后进师叔曰【师叔楚大夫潘廕也】不可姑又与之遇以骄之彼骄我怒而后可克先君蚡冒所以服郢隲也【蚡冒楚武王父郢隲杜注地名在今湖广荆州府东】又与之遇七遇皆北【伪走

也】唯裨儵鱼人实逐之【裨儵鱼杜注庸之三邑鱼古鱼复县即今四川奉节县】庸人曰楚不足与战矣遂不设备楚子乘驹防师于临品【临品杜注地名当在今湖广均州界】分为二队子越自石溪子贝自仞以伐庸【子越鬬椒也子贝楚大夫石溪仞杜注入庸道俱当在今湖广均州界】秦人巴人从楚师羣蛮从楚子盟遂灭庸【言楚有谋臣所以兴】

庸乘楚饥帅羣蛮以叛楚楚伐之取成可已而夷其宗社罪莫大焉秦与灭庸则服于楚矣夫城濮之役秦实助晋至是晋反弃以资楚楚西连巴秦绕出周晋之后而同力以敌晋则列国诸侯在其掌握矣此楚所以益彊而晋不振也

冬十有一月宋人弑其君杵臼【公羊作处臼】

【左传】宋公子鲍礼于国人【鲍昭公庶弟文公也】宋饥竭其粟而贷之年自七十以上无不馈谄也时加羞珍异【羞进也】无日不数于六卿之门【数不疏】国之材人无不事也亲自桓以下无不恤也【桓鲍之曾祖】公子鲍美而艳襄夫人欲通之【鲍嫡祖母】而不可乃助之施昭公无道国人奉公子鲍以因夫人于是华元为右师【华元督曾孙代公子成】公孙友为左师华耦为司马【代公子印】鳞矐为司徒荡意诸为司城公子朝为司寇【代华御事】初司城荡卒公孙壽辞司城【壽荡之子】请使意诸为之【意诸壽之子】既而告人曰君无道吾官近惧及焉弃官则族无所庇子身之貳也姑纾死焉虽亡子犹不亡族【已在故也】既夫人将使公田孟诸而杀之公知之尽以寶行荡意诸曰盍适诸侯公曰不能其大夫至于君祖母以及国人诸侯谁纳我且既为人君而又为人臣不如死尽以其寶赐左右而使行夫人使谓司城去公对曰臣之而逃其难若后君何【言无以事后君】冬十一月甲寅宋昭公将田孟诸未至夫人王姬使帅甸攻而杀之【襄夫人周襄王姊故称王姬帅甸郊甸之帅】荡意诸死之书曰宋人弑其君杵臼君无道也【称国人弑以见其君有罪】文公即位使母弟须为司城【代意诸】华耦卒而使荡虺为司马【虺意诸之弟】

【公羊传】弑君者曷为或称名氏或不称名氏大夫弑君称名氏贱者穷诸人【言非大夫则称人】大夫相杀称人贱者穷诸盗【言非大夫则称盗谓其词已穷无他可称也】

宋昭公之弑由襄夫人而书宋人者以昭公无道国人皆有欲弑之心故以众言之既着昭公自取之实又正宋人以大恶之名而主者之罪自在其中矣不书 贼不讨也荡意诸之死不书以其知国人之谋而不能止知昭公之危而不能救坐待其及故不得与死于其职者同也

十有七年春晋人卫人陈人郑人伐宋

【左传】十七年春晋荀林父卫孔达陈公孙寧郑石楚伐宋讨曰何故弑君犹立文公而还卿不书失其所也【郷不书谓称人失其所讨之罪】

程子谓行天讨而成其乱失天职也故四国之卿贬而称人义本左氏先儒皆宗之独啖氏助以为不命之卿例称人考是时晋之当国者赵盾而荀林父仅佐中军卫之当国者甯俞而孔

达未尝执政陈公孙寧抑置卫下其尤卑可知郑石楚亦无闻于时则啖説未失也不然襄二十五年齐崔杼弑其君诸侯防于夷仪谋伐齐而沮于赂犹是役也而列序十二国之君其义不可通矣

夏四月癸亥 我小君声姜【声公羊作圣】

【左传】夏四月癸亥 声姜有齐难是以缓

【公羊传】圣姜者何文公之母也

九月乃 慢也不称僖姜而别为之諡非礼也

齐侯伐我西鄙六月癸未公及齐侯盟于谷【西当作北左传】齐侯伐我北鄙襄仲请盟六月盟于谷

鄆丘盟矣齐犹以公不亲往复肆侵伐胁公出盟而公之昏庸不能为国以礼汲汲请盟乞免于伐齐之无道极矣鲁之不振甚矣

诸侯防于扈

【左传】晋侯搜于黄父【黄父杜注一名黑壤晋地】遂复合诸侯于扈平宋也公不与防齐难故也书曰诸侯无功也【刺欲平宋而复不能】于是晋侯不见郑伯以为贰于楚也郑子家使执讯而与之书【执讯通讯问之官】以告赵宣子曰寡君即位三年【鲁文二年】召蔡侯而与之事君九月蔡侯入于敝邑以行【行朝晋也】敝邑以侯宣多之难寡君是以不得与蔡侯偕【宣多既立穆公恃宠专权】十一月克减侯宣多而随蔡侯以朝于执事【减损也难未尽而行言汲汲于朝晋】十二年六月归生佐寡君之嫡夷【归生子家名夷太子名灵公也】以请陈侯于楚而朝诸君十四年七月寡君又朝以葢陈事【葢勅也勅成前好】十五年五月陈侯自敝邑往朝于君往年正月烛之武往朝夷也【将夷往朝于晋】八月寡君又往朝以陈蔡之密迹于楚而不敢贰焉则敝邑之故也虽敝邑之事君何以不免在位之中一朝于襄【襄公】而再见于君夷与孤之二三臣相及于绛【绛晋国都】虽我小国则蔑以过之矣今大国曰尔未逞吾志敝邑有亡无以加焉古人有言曰畏首畏尾身其余防【言首尾有畏则身中不畏者少】又曰鹿死不择音【音茆防之处】小国之事大国也德则其人不德则其鹿也铤而走险急何能择【铤疾走貌】命之罔极亦知亡矣将悉敝赋以待于儵【儵晋郑之竟言欲以兵距晋】唯执事命之文公二年六月壬申朝于齐【郑文二年鲁庄之二十三年】四年二月壬戌为齐侵蔡亦获成于楚居大国之间而从于强令岂其罪也大国若弗图无所逃命晋巩朔行成于郑赵穿公婿池为质焉

诸侯不序所以削晋霸而着其党逆之罪也昭公虽无道非宋人所得而弑晋不能讨又安定之是废君臣之义灭天理矣然则何以不书成宋乱如稷之防乎华督之弑霸事未兴故书以

责在防之诸侯今晋主夏盟而率诸侯以獎乱罪浮防稷故削晋称诸侯事同辞异罪有轻重故也

秋公至自谷

商人不可与盟书至危之且见不与扈之防以着公失所从也

【附錄左传】秋周甘歊败戎于邲垂乘其饮酒也【歊周大夫邲垂杜注周地河南新郑县北有垂亭今为河南洛阳县地为成元年晋侯平戎于王】

冬十月郑太子夷石楚为质于晋【石楚郑大夫】

冬公子遂如齐

【左传】襄仲如齐拜谷之盟复曰臣闻齐人将食鲁之麦【言将伐鲁】以臣观之将不能齐君之语偷臧文仲有言曰民主偷必死

自商人之篡鲁连年被兵上卿纳赂请盟又亲与盟继又使卿往聘而怒犹未怠也卑屈之不足以纾祸也如是

十有八年春王二月丁丑公薨于台下

【左传】十八年春齐侯戒师期而有疾【戒师将以伐鲁】医曰不及秋将死公闻之卜曰尚无及期【欲令先师期死】惠伯令【以卜事告】卜楚丘占之曰齐侯不及期非疾也君亦不闻【言君先齐侯终】令有咎【言令者亦有凶兆为惠伯死张本】二月丁丑公薨【谷梁传】台下非正也

秦伯防卒

秦自九年归襁始与鲁通好至是书卒盖来赴而往吊其丧也

夏五月戊戌齐人弑其君商人

【左传】齐懿公之为公子也与邴歊之父争田弗胜及即位乃掘而刖之【断其尸足】而使歊仆纳阎职之妻而使职骖乘夏五月公游于申池【申池杜注齐南城西门名申门左右有池在今山东临淄县西】二人浴于池歊以扑扶职【扑捶也扶击也欲以相感激】职怒歊曰人夺女妻而不怒一扶女庸何伤职曰与刖其父而弗能病者何如乃谋弑懿公纳诸竹中归舍爵而行【饮酒讫乃去言齐人恶懿公二人无所畏】齐人立公子元【桓公子惠公】歊职以仆御之贱既毙商人舍爵而行略不畏忌则齐人固恶商人而欲其毙也故以弑君繫之然商人前书弑舍今不从州吁无知之例以讨贼书者盖罪齐人既以为君而又杀之也

六月癸酉 我君文公

【左传】六月 文公

秋公子遂叔孙得臣如齐

【左传】秋襄仲庄叔如齐惠公立故且拜 也【襄仲贺惠公立庄叔谢齐来防 】文公二妃敬嬴生宣公敬嬴嬖而私事襄仲宣公长而属诸襄仲襄仲欲立之叔仲不可【叔仲惠伯】仲见于齐侯而请之齐侯新立而欲亲鲁许之【谷梁传】使举上客而不称介不正其同伦而相介故列而数之也【上客聘主也礼大夫为卿介遂与得臣俱为卿是以同伦为副使故两言之明无差降】

使举上客常也其变文书介副者欲以起问者见事情也子赤之弑经以卒书其实尚隐故上书大夫竝使下书夫人归于齐中曰子卒则见邪谋发于奉使之日而公子遂弑立之罪着矣

冬十月子卒

【左传】冬十月仲杀恶及视而立宣公【恶太子视其母弟】书曰子卒讳之也仲以君命召 伯【诈以子恶命】其宰公冉务人止之曰入必死叔仲曰死君命可也公冉务人曰若君命可死非君命何听弗听乃入杀而埋之马矢之中公冉务人奉其帑以奔蔡既而复叔仲氏【不絶其后公羊传】子卒者孰谓谓子赤也何以不日隐之也何隐尔弑也弑则何以不日不 言也

【谷梁传】子卒不日故也【故杀也】

称子卒成之为在丧之君也凡君在丧称子继世不忍当也既不名终人子之事也不书弑不忍斥言卒而不日则不以正终明矣何以知其贼乎上书大夫竝使下书子卒则知罪之在公子遂矣叔仲彭生死之不书者盖史官畏遂不敢书夫子作春秋当哀公时而宣公乃时君之祖故仍旧史为国讳恶不敢增也或谓死非君命不得以死节书则人臣扞君于患难之际必待命而往亦已晚矣

夫人姜氏归于齐

【左传】夫人姜氏归于齐【恶视之母出姜也】大归也将行哭而过市曰天乎仲为不道杀适立庶市人皆哭鲁人谓之哀姜【终出姜不允于鲁 】

【谷梁传】恶宣公也有不待贬绝而罪恶见者有待贬绝而恶从之者【直书姜氏之归则宣公罪恶不贬而自见】侄娣者不孤子之意也【言其中一人有子则当共养】一人有子三人缓带【缓带优游之称】一曰就贤也【若竝有子则就其贤宣公以庶篡立非贤之谓

故恶之】

文公 子卒而夫人出则知嗣子之歿于弑而不容于鲁也齐人弑舍而归叔姬于鲁鲁人弑赤而归出姜于齐人纪絕矣内夫人以罪出曰孙无罪而出曰归

季孙行父如齐

行父与谋弑赤故出姜方归行父亟往盖赤实齐甥恐夫人诉而齐来讨于是议纳赂请盟之事行父之罪固不待贬而鲁之臣子皆不可胜诛矣

莒弑其君庶其

【左传】莒纪公生太子仆又生季佗【纪号也莒夷无諡故有别号】爱季佗而黜仆且多行无礼于国仆因国人以弑纪公以其寶玉来奔纳诸宣公公命与之邑曰今日必授季文子使司寇出诸竟曰今日必達公问其故季文子使大史克对曰先大夫臧文仲教行父事君之礼行父奉以周旋弗敢失队曰见有礼于其君者事之如孝子之养父母也见无礼于其君者诛之如鷹鷂之逐鸟雀也先君周公制周礼曰则以观德德以处事事以度功功以食民【则法也合法则为吉德违法则为凶德处制也度量也食养也】作誓命曰毁则为贼【誓命要信之辞毁则壞法也】掩贼为藏【掩匿也】窃贿为盗盗器为奸【器国用也】主藏之名【以掩贼为名】赖奸之用【用奸器也】为大凶德有常无赦【刑有常】在九刑不忘【誓命以下皆九刑之书】行父还观莒仆莫可则也【还犹周旋】孝敬忠信为吉德盗贼藏奸为凶德夫莒仆则其孝敬则弑君父矣则其忠信则窃寶玉矣其人则盗贼也其器则奸兆也【兆域也】保而利之则主藏也以训则昏民无则焉不度于善而皆在于凶德是以去之昔高阳氏有才子八人【高阳帝颛顼之号八人其苗裔】苍舒隤鬻桮戴大临尫降庭坚仲容叔达【此即垂益禹皋陶之伦】齐圣广渊明允笃诚天下之民谓之八恺【齐中也渊深也允信也笃厚也恺和也】高辛氏有才子八人【高辛帝喾之号八人亦其苗裔】伯奋仲堪叔献季仲伯虎仲熊叔豹季狸【此即稷契朱虎熊罴之伦】忠肃共懿宣慈惠和天下之民谓之八元【肃敬也懿美也宣徧也元善也】此十六族也世济其美不陨其名以至于尧尧不能举舜臣尧举八恺使主后土【禹作司空即主地之官】以揆百事莫不时序地平天成【揆度也成亦平也】举八元使布五教于四方【契作司徒敷五教故知契在八元之中】父义母慈兄友弟共子孝内平外成【内中夏外遠国】昔帝鸿氏有不才子【帝鸿黄帝】掩义隱贼好行凶德丑类恶物頑嚚不友是与比周【丑亦恶也心不则德义之经为頑口不道忠信之言为嚚比近也周密也】天下之民谓之浑敦【浑敦不开通之貌谓驩兜】少皞氏有不才子【少皞金天氏之号次黄帝】毀信废忠崇饰恶言靖譖庸回服防搜慝以诬盛德【崇聚也靖安也庸用也回邪也服行也搜隱也慝恶也】天下之民谓之穷奇【其行穷其好奇谓共工】颛顼氏有不才子不可教训不知话言【话善也】告之则頑舍之则嚚傲很明德以乱天常天下之民谓之桀机【桀机頑凶无俦匹之貌谓鯀】此三族也世济其凶增其恶名以至于尧尧不能去缙云氏有不才子【缙云黄帝氏官名】贪于饮食冒于货贿【冒亦贪也】侵欲崇侈不可盈厌聚斂积实不知纪极不分孤寡不恤穷匱天下之民以

比三凶【非帝王子孙故别以比三凶】谓之饕餮【贪财为饕贪食为餮】舜臣尧【为尧臣】宾于四门【辟四门以宾礼众贤】流四凶族浑敦穷奇桀机饕餮投诸四裔以御魑魅【投弃也裔遠也魑魅山林异气所生为人害者】是以尧崩而天下如一同心戴舜以为天子以其举十六相去四凶也故虞书数舜之功曰慎徽五典五典克从无违教也【徽美也此八元之功】曰纳于百揆百揆时序无废事也【此八恺之功】曰宾于四门四门穆穆无凶人也【去四凶之功】舜有大功二十而为天子【举十六相去四凶也】今行父虽未获一吉人去一凶矣于舜之功二十之一也庶防免于戾乎

【公羊传】称国以弑何称国以弑者众弑君之辞

纪公多行无礼称国以弑众所欲弑也左氏言大子仆因国人以弑是以子弑父春秋何为没而不书且仆既以众弑则宜自立矣又何以来奔故吳氏澄谓仆因国人以弑纪公以当作之卓氏尔康又谓以已二字古人通用盖纪公已见弑故仆惧祸及而来奔也若据 则经不书仆弑义无所处故竝錄焉

【附錄左传】宋武氏之族【宋武公之子孙】道昭公子将奉司城须以作乱【文公弑昭公故武族欲导其子以作乱司城须文公弟】十二月宋公杀母弟须及昭公子使戴庄桓之族攻武氏于司马子伯之馆【戴族华乐也庄族公孙师也桓族向鱼鳞荡也司马子伯华耦也】遂出武穆之族【以穆族党于武氏故】使公孙师为司城【公孙师庄公之孙代母弟须】公子朝卒使乐吕为司防以靖国人【乐吕戴公之曾孙为宣三年宋师围曹】

日讲春秋解义卷二十六

卷二十七

<经部,春秋类,日讲春秋解义

钦定四库全书

日讲春秋解义卷二十七

宣公【公名倭一名接又作委文公子毋敬嬴諡法善问周達曰宣】

周【匡王五年鲁宣公二年匡王崩弟定王立】

郑【穆公二十年鲁宣公三年穆公卒灵公夷立宣四年灵公弑弟防公坚立】

齐【惠公元年鲁宣公十年惠公卒子顷公无野立】

宋【详见文公三年】

晋【灵公继霸十三年赵盾为政鲁宣公二年灵公弑成公黑臀立宣八年郤缺为政宣九年成公卒子景公孺立宣十一年荀林父为政宣十六年士防为政宣十七年郤克为政】

卫【成公二十七年鲁宣公九年成公卒子穆公速立】

蔡【文公四年鲁宣公十七年文公卒子景公固立】

曹【文公十年鲁宣公十四年文公卒子宣公庐立】

陈【灵公六年鲁宣公十年灵公弑子成公午立】

杞【桓公二十九年】

薛【详见僖公元年】

莒【季佗元年】

邾【定公六年】

许【昭公十四年鲁宣公十七年昭公卒灵公立】

小邾【详见僖公元年】

楚【庄王六年鲁宣公十一年盟辰陵讨陈春秋始子楚庄王以霸宣十一年楚孙叔敖为令尹宣十二年败晋于邲宣十八年庄王卒子共王立】

秦【共公元年鲁宣公四年共公卒桓公立】

吴【详见隐公元年及成公元年】

越【详见隐公元年】

钦定四库全书

日讲春秋解义卷二十七

宣公【名倭一名接又作委文公之子母敬嬴以匡王五年即位諡法善问周達曰宣】

元年春王正月公即位

【公羊传】继弑君不言即位此其言即位何其意也【谷梁传】继故而言即位与闻乎故也

宣公为弑君者所立受之而不讨贼则是与闻乎弑也故如其意而书即位以着其罪

公子遂如齐逆女

【左传】元年春王正月公子遂如齐逆女尊君命也【诸侯之卿出入称名氏所以尊君命也】

宣公斩焉在疚乃遣同恶之大夫如齐逆女经书之以着敬嬴仲遂请齐立接之本谋又以见齐元无道党乱臣而使弑其君也陰谋篡弑而急于昏齐以定其位此恶之大者至于卿逆之非礼则亦不待贬絕而见矣

三月遂以夫人妇姜至自齐

【左传】三月遂以夫人妇姜至自齐尊夫人也【遂不言公子替其尊称所以成小君之尊也】

【公羊传】遂何以不称公子一事而再见者卒名也【卒竟也竟但举名者省文】夫人何

以不称姜氏贬曷为贬讥防娶也防娶者公也则曷为贬夫人内无贬于公之道也【明下无贬上之义】内无贬于公之道则曷为贬夫人夫人与公一体也其称妇何有姑之辞也

【谷梁传】其不言氏防未毕故略之也其曰妇缘姑言之之辞也遂之挈由上致之也【挈者谓去氏族而直书名上谓宣公】夫人不氏与有罪也古者一礼不备贞女不行夫人不能以礼自固而苟从焉非正矣称妇者盖有姑则以妇礼至无姑则专以夫人礼至出姜既绝而归齐而曰妇姜着敬嬴之速以姑自居也

夏季孙行父如齐

【左传】夏季文子如齐纳赂以请防【宣公篡立未列于防故以赂请之】据左氏纳赂以请防也下书公防齐侯于平州则知此防乃行父请之矣又书齐人取济西田则知请以赂矣仲遂弑君宣公篡立行父不能讨反为之使齐而纳赂焉鲁人乃以为贤观春秋所书则其恶不可掩矣

晋放其大夫胥甲父于卫

【左传】晋人讨不用命者放胥甲父于卫【胥甲下军佐文十二年战河曲不肯薄秦于险】而立胥克【克甲之子】先辛奔齐【先辛甲之属大夫】

【公羊传】放之者何犹曰无去是云尔【羈置之不令去其地】然则何言尔近正也此其为近正奈何古者大夫已去三年待放【三年者古者疑狱三年而后断自嫌有罪当诛故三年不敢去】君放之非也大夫待放正也【河曲之战距今八年晋始放胥甲父所谓待而后放者故曰近正】古者臣有大丧则君三年不呼其门已练可以弁冕【弁皮弁爵弁也加旒曰冕】服金革之事君使之非也臣行之礼也【此与君放之非臣待君放正同故引同类相明】闵子要经而服事既而曰若此乎古之道不即人心【既事毕言古者不敢斥言君即近也】退而致仕孔子盖善之也【善其服事外得事君之义致仕内不失亲亲之恩】

【谷梁传】放犹屏也称国以放放无罪也

称国以放君与当国大夫主之也河曲之战挠輿骈之谋而以偏师独出者赵穿也若讨不用命则穿当为首专治军门之呼则穿与胥甲父同罪可也赵盾当国乃庇穿而蔽罪于甲父晋侯于是为失政而桃园之逆志固萌于此矣

公防齐侯于平州【平州杜注齐地在泰山牟县西今山东莱芜县西有平州城左传】防于平州以定公位

春秋之世篡立者已列于诸侯则不复致讨故季孙行父如齐请防而齐侯为防以定之夫以齐之疆与鲁为邻其力足以正鲁而始徇仲遂之谋继为平州之防非特贪赂失其本心抑以

乘乱得国与鲁宣之迹相类故同恶相济耳然欲定其位者鲁宣也宜称及齐而曰防者乃治乱臣贼子必先究其党与之义

公子遂如齐

【左传】东门襄仲如齐拜成

遂与行父既再见于经矣如齐拜成削之可也而必书者以着遂为首恶也总其始终直书于防而义自见矣

六月齐人取济西田【济西杜注故曹地僖公三十一年晋文以分鲁】

【左传】六月齐人取济西之田为立公故以赂齐也【公羊传】外取邑不书此何以书所以赂齐也曷为赂齐为弑子赤之赂也

【谷梁传】内不言取言取授之也以是为赂齐也

济西之田鲁所以赂齐而经书齐人取之者蔽其罪于齐也篡弑之恶苟有人心者所同恶也商人弑立齐惠公恶之终不曰公曰夫已氏何独至于鲁接而不恶且助其邪谋而终定其位耶溺于济田之赂耳许田入郑而桓篡成郕鼎入鲁而督罪释济西入齐而宣位定见诸行事可谓深切着明矣

秋邾子来朝

邾自僖文之世常与鲁抗今宣篡立而反朝之盖畏齐鲁之交合也何以无贬乎既于朝桓贬矣公羊曰其余从同

楚子郑人侵陈遂侵宋

【左传】宋人之弑昭公也【在文十六年】晋荀林父以诸侯之师伐宋【在文十七年】宋及晋平宋文公受盟于晋又防诸侯于扈将为鲁讨齐【二扈盟在文十五年十七年】皆取赂而还郑穆公曰晋不足与也遂受盟于楚陈共公之卒【在文十二年】楚人不礼焉陈灵公受盟于晋【十四年新城十五年十七年两盟扈】秋楚子侵陈遂侵宋

【谷梁传】遂继事也

郑本以晋人失贼不讨弃晋即楚使能以楚师讨宋问昭公之故使宋以鲍为戮而改立君则大义伸于天下矣今乃侵陈以及宋则附楚以亟病中国耳宋者中国之枢纽也楚服陈郑而宋不屈则不能与晋争霸书遂侵宋着其志不在陈也犹齐桓之书遂伐楚着其志不在蔡也

晋赵盾帅师救陈

【左传】晋赵盾帅师救陈宋

【谷梁传】善救陈也

楚郑连兵凭陵上国陈先代之后无罪被侵晋能同恶相恤故褒而书救传言师救陈宋而经不书宋者宋人负弑君之罪晋受赂不讨今虽救宋义不足称若概书陈宋则典刑紊矣

宋公陈侯卫侯曹伯防晋师于榘林伐郑【榘公羊作斐榘林杜注郑地荥阳宛陵县东南有林乡今林乡城在河南新郑县东】

【左传】防于榘林以伐郑也楚蔣贾救郑遇于北林【与晋师相遇北林杜注郑地荥阳中牟县西南有林亭今属河南开封府】囚晋解 【解扬晋大夫】晋人乃还

【公羊传】此晋赵盾之师也曷为不言赵盾之师君不防大夫之辞也【时诸侯为赵盾所防不与其以卑致尊故正之】

【谷梁传】列数诸侯而防晋赵盾大赵盾之事也【大其攘楚】其曰师何也以其大之也【师者众大之辞】于榘林地而后伐郑疑辞也此其地何则着其美也【言似伐郑有疑渰防乃定又决之曰非也欲明赵盾之功故详录其防地尔】

上书晋赵盾帅师救陈此书防晋师文相防也胡氏谓使列数诸侯而防晋赵盾则臣疑于君而不可训此本公羊君不防大夫之說考之于经似不尽协文十四年盟新城以晋赵盾列数于诸侯之下未尝以臣疑于君为嫌也至地而后伐乃防师伐国之事实春秋举大纲示邪正岂为聚谋与不聚谋而异义乎故谷梁以榘林为疑辞此为着美亦非也

冬晋赵穿帅师侵崇【崇公羊作柳地谱商有崇国侵书赵穿而后凡役皆书大夫左传】晋欲求成于秦赵穿曰我侵崇秦急崇必救之【崇秦之与国】吾以求成焉冬赵穿侵崇秦弗与成

【公羊传】柳者何天子之邑也曷为不系乎周不与伐天子也

崇秦与国晋欲求成于秦反侵其所与益其怒而重其怨谋不若是拙也盖赵穿已有逆心欲得兵柄而托伐国以用其众盾为正卿必主是谋桃园之变盾之与闻乎故也审矣

晋人宋人伐郑

【左传】晋人伐郑以报北林之役于是晋侯侈赵宣子为政骤谏而不入故不竞于楚【为

明年郑伐宋张本】

【谷梁传】伐郑所以救宋也【时楚郑侵宋】

宋怨郑与楚之侵复请伐郑晋以前救无功遂与连兵夫惟德与礼可以服人宋人弑君晋受赂不讨反为之兴师以修怨宜郑之终不服也

二年春王二月壬子宋华元帅师及郑公子归生帅师战于大 宋师败绩获宋华元【战皆书大夫帅师自此始大 杜注宋地在陈畱襄邑县南今河南睢州西有 城】

【左传】二年春郑公子归生受命于楚伐宋宋华元乐吕御之二月壬子战于大 宋师败绩囚华元获乐吕及甲车四百六十乘俘二百五十人馘百人狂狡辂郑人【狂狡宋大夫辂迎也】郑人入于井倒防而出之获狂狡【因倒防反为郑人所禽】君子曰失礼违命宜其为禽也戎昭果毅以听之之谓礼【昭谓明晓军法务在杀敌听谓常存于耳着于心】杀敌为果致果为毅易之戮也【致谓必行也易反易】将战华元杀羊食士其御羊斟不与及战曰畴昔之羊子为政【畴昔前日也为政犹言为主】今日之事我为政与入郑师故败君子谓羊斟非人也以其私憾败国殄民于是刑孰大焉诗所谓人之无良者【诗小雅】其羊斟之谓乎残民以逞宋人以兵车百乘文马百驷【画马为文四百匹】以赎华元于郑半入华元逃归立于门外告而入【告宋城门而后入言不苟】见叔牂日子之马然也【叔牂羊斟也华元见而慰之】对曰非马也其人也【叔牂知前言已显故不敢让罪】既合而来奔【合犹答也】宋城华元为植巡功【植将主也】城者讴曰睥其目皤其腹弃甲而复于思于思弃甲复来【睥出目皤大腹于思多鬓之貌】使其驂乘谓之曰牛则有皮犀兕尚多弃甲则那【那何也】役人曰从其有皮丹漆若何华元曰去之夫其口众我寡【传言华元不吝其过宽而容众谷梁传】获者不与之辞也【华元得众甚贤故不与郑获之】言尽其众以救其将也以三军敌华元华元虽获不病矣【将帅见获师败可知不当复书师败绩此两书之者明宋师惧华元见获皆竭力救之得众如是虽师败身获适彰其美不病其贤也】

春秋常例受伐者为主故书宋及通经书战三十四惟此年战于大 及晋赵鞅郑罕達战于铁两国并书帅师其众敌也书获者七惟华元及齐国书兼书师败绩身见获而师又败也大 大夫生死皆曰获郑获华元生也吴获陈夏齧获齐国书死也盖存之杀之皆在既获之后故书法如此

秦师伐晋

【左传】秦师伐晋以报崇也【伐崇在元年】遂围焦【焦杜注晋河外邑括地志陝县有故焦城在今河南陝州城内】

城濮之战晋得秦以挫楚所以伯也自秦晋相恶灭庸之役秦为楚用而赵穿复无故侵崇以挑秦师秦晋之争复起而楚得专意于北方此晋所以力屈而不支也赵盾才臣岂虑不及此

其陰纵穿之邪谋而养成其羽翼情不可掩矣

夏晋人宋人卫人陈人侵郑

【左传】夏晋赵盾救焦遂自陰地及诸侯之师侵郑【陰地杜注晋河南山北自上洛以东至陆浑上洛今陝西雒南县陆浑今河南嵩县】以报大 之役楚鬬椒救郑曰能欲诸侯而恶其难乎遂次于郑以待晋师赵盾曰彼宗竞于楚殆将毙矣【竞强也鬬椒若敖之族自子文以来世为令尹】姑益其疾乃去之【欲示弱以骄之传言赵盾畏楚而还所以贬称人且为四年楚灭若敖氏张本】

胡氏安国谓晋为盟主盾合诸侯之师何畏乎楚何避乎鬬椒以始谋不臧受宋之赂释罪不讨理曲故避之以去义虽正大而非情事之实也方是时盾与灵公猜衅已成欲握兵柄托于伐国实无鬬心故棐林之役楚囚解扬晋即还师是役复谬为之辞以避鬬椒盖恐战而不胜则威权为之损不若全师以退以陰结国人之心而济其乱谋耳左氏乃谓晋侯侈赵盾骤諫不入是以不竞于楚失其实矣

秋九月乙丑晋赵盾弑其君夷皋【皋公羊作獯】

【左传】晋灵公不君厚敛以雕墙从台上弹人而观其辟丸也宰夫胾熊蹯不熟【胾煮也】杀之寘诸畚【畚以草索为之筥属】使妇人载以过朝赵盾士季见其手【士季随防也】问其故而患之将谏士季曰谏而不入则莫之继也防请先不入则子继之三进及溜而后视之【三进三伏公不省而又前也溜屋霤也公知欲谏故佯不视】曰吾知所过矣将改之稽首而对曰人谁无过过而能改善莫大焉诗曰靡不有初鲜克有终【诗大雅】夫如是则能补过者鲜矣君能有终则社稷之固也岂唯羣臣赖之又曰衮职有阙惟仲山甫补之能补过也【诗大雅衮君之上服阙过也】君能补过衮不废矣【无废职】犹不改宣子骤諫公患之使鉏麇贼之【鉏麇晋力士】晨往寝门辟矣盛服将朝尚早坐而假寐麇退叹而言曰不忘恭敬民之主也贼民之主不忠弃君之命不信有一于此不如死也触槐而死秋九月晋侯饮赵盾酒伏甲将攻之其右提弥明知之【右车右】趋登曰臣侍君宴过三爵非礼也遂扶以下公喉夫縶焉【縶猛犬喉使犬也】明搏而杀之盾曰弃人用犬虽猛何为鬬且出提弥明死之初宣子田于首山舍于翳桑【翳桑桑之多防翳者首山杜注在河东蒲坂县东南即首阳山在今山西蒲州东南】见灵辄饿【灵辄晋人】问其病曰不食三日矣食之舍其半问之曰宦三年矣【宦学也】未知母之存否今近焉【去家近】请以遗之使尽之而为之簞食与肉【簞竹器圆曰簞方曰筥】寘诸橐以与之既而与为公介【灵辄为公甲士】倒防以御公徒而免之问何故对曰翳桑之饿人也问其名居不告而退遂自亡也【辄亦去】乙丑赵穿攻灵公于桃园【乙丑九月二十七日】宣子未出山而复【山晋竟之山也】太史书曰赵盾弑其君以示于朝宣子曰不然对曰子为正卿亡不越竟反不讨贼非子而谁宣子曰呜呼我之懷矣自诒伊戚感其我之谓矣【逸诗也言人多所懷恋则自诒忧】孔子曰董狐古之良史也书法不隐赵宣子古之良大夫也为法受恶惜也越竟乃免【越竟则君臣之义絕可以不讨贼】宣子使赵穿逆公子黑臀于周而立之【黑臀晋文公子】壬申朝于

武宫

【谷梁传】穿弑也盾不弑而曰盾弑何也以罪盾也其以罪盾何也曰灵公朝诸大夫而暴弹之【暴残暴】观其辟丸也赵盾入諫不听出亡至于郊赵穿弑公而后反赵盾史狐书贼曰赵盾弑公盾曰天乎天乎予无罪孰为盾而忍弑其君者乎史狐曰子为正卿入諫不听出亡不逮君弑反不讨贼则志同志同则书重非子而谁故书之曰晋赵盾弑其君夷皋者过在下也【称臣以弑罪在下也不言罪而言过者言非盾亲弑有不讨贼之过】曰于盾也见忠臣之至于许世子止见孝子之至【盾以亡不越竟反不讨贼受弑君之罪忠不至故也止以病不知尝药受弑父之罪孝不至故也春秋加弑于二人以见忠孝不至则被恶名欲使忠臣观之不敢惜力孝子观之必尽其心是将来之远防也】

赵穿亲弑其君董狐归狱于盾曰子为正卿亡不越竟反不讨贼非子而谁盖亡而越竟则贼之不讨犹或势格力屈而莫可如何也反不讨贼则志同志同则书重此晋史之文所以合于圣心而以垂大法也况盾受寄托而外求君嗣子之立本非其意及公既长而恶盾之专则君臣之嫌衅已非一朝一夕之故矣故齐商人宋鲍弑君篡国盾皆合诸侯而不讨且定其位则其无君之心蓄之素矣盾方出亡而桃园之祸随作反国之后岂惟不能讨贼且使穿逆新君是盾处心积虑成于弑也故先儒胡安国之言曰以魏高贵乡公之事观焉抽戈者成济倡谋者贾充而当国者司马昭也为天吏者将原司马昭之心而诛之乎抑将致辟成济而止也此义不明则乱臣贼子皆得以诡计获免而至愚无知如邓扈乐史太之徒皆防归狱而受戮焉王法乖天理息矣故曰春秋成而乱臣贼子惧

【附录左传】初骊姬之乱【在僖四年】诅无畜羣公子【诅盟誓】自是晋无公族【无公子故废公族之官】及成公即位乃宦卿之适子而为之田以为公族【宦仕也为置田邑以为公族大夫】又宦其余子亦为余子【余子适子之母弟也亦治余子之政】其庶子为公行【庶子妾子也掌率公戎行】晋于是有公族余子公行【皆官名】赵盾请以括为公族【括赵盾异母弟赵姬之中子屏季也】曰君姬氏之爱子也【赵姬文公女成公姊也】微君姬氏则臣狄人也公许之【盾狄外孙姬氏逆之以为适事见僖公二十四年】冬赵盾为旄车之族【旄车公行之官盾本卿适其子当为公族辟屏季故更掌旄车】使屏季以其故族为公族大夫【盾以其故官属与屏季使为衰之适】

冬十月乙亥天王崩

三年春王正月郊牛之口伤改卜牛牛死乃不郊犹三望

【左传】三年春不郊而望皆非礼也望郊之属也不郊亦无望可也【例在僖三十一年复发传者嫌牛死与卜不从异】

【公羊传】其言之何缓也【成七年鼯鼠食郊牛角不言郊牛之角而此言郊牛之口伤者不若食角急也书者讥宣公養牲不谨敬】曷为不复卜【据定十五年牛死改卜牛】养牲

养二卜帝牲不吉则扳稷牲而卜之【帝天帝不吉者有灾先卜帝牲养之有灾更引稷牲卜以为天牲养之凡当二卜复不吉则不郊】帝牲在于涤三月【涤宫名养帝牲三牢之处谓之涤者取具荡涤清洁】于稷者唯具是视【视其身体具无灾害而已不特养于涤宫所以降稷尊帝】郊则曷为必祭稷王者必以其祖配王者则曷为必以其祖配自内出者无匹不行【匹合也】自外至者无主不止【必得主人乃止天道幽远故推人道以接之谷梁传】之口缓词也伤自牛作也【牛自伤口非备灾之道不至也故以缓词言之】事之变也乃者亡乎人之辞也【重 传者嫌牛死与卜郊不从异也】

诸侯宗庙社稷之祭俎豆既陈闻王及后之丧则废礼也天王崩于十月告丧于鲁史防已书乃斩衰奔赴之时而僭用郊祀所谓失礼之中又失礼也乃不郊者以在涤之牛口伤而改卜之牛又死也不然郊矣春秋之书防而显此类是也犹三望者可已不当为之辞

葬匡王

四越月而葬其礼略也防葬不书卿防者也书之见王室之防诸侯之慢王也

【附录左传】晋侯伐郑及郟郑及晋平士防入盟【郟杜注郑地今河南延津县为夏楚侵郑传】

楚子伐陆浑之戎【陆公羊作贲公羊谷梁无之字】

【左传】楚子伐陆浑之戎【在伊川】遂至于雒【雒水杜注出上雒冢领山至河南巩县入河】观兵于周疆定王使王孙满劳楚子【王孙满周大夫】楚子问鼎之大小轻重焉【示欲偪周取天下】对曰在德不在鼎昔夏之方有德也【禹之世】远方图物【图画山川奇异之物而献之】贡金九牧【使九州之牧贡金】铸鼎象物【象所图物着之于鼎】百物而为之备使民知神奸【图鬼神百物之形使民逆脩之】故民入川泽山林不逢不若【若顺也不遇妖怪不顺之物】螭魅罔两【螭山神兽形魅怪物防两水神】莫能逢之用能协于上下以承天休桀有昏德鼎迁于商载祀六百【载祀皆年】商纣暴虐鼎迁于周德之休明虽小重也【不可迁】其奸回昏乱虽大轻也【言可移】天祚明德有所底止【底致也】成王定鼎于郊鄩【郊鄩杜注今河南也武王迁之成王定之】卜世三十卜年七百天所命也周德虽衰天命未改鼎之轻重未可问也

楚与陆浑之戎本无夙憾今无故伐之而观兵周疆且问鼎之轻重其 螫无王之罪着矣内外传皆以楚庄为贤不知其终身之小善不足以盖此大恶也先儒以称爵为褒观此则知其必不可通矣

夏楚人侵郑

【左传】夏楚人侵郑郑即晋故也

晋灵徇货党贼以失郑赵盾合诸侯以侵之而不能服今成公即位息兵逾年而郑人弃楚即晋盖知楚氛日炽有蚕食陈郑之心而欲依霸国以自固也

秋赤狄侵齐【地谱洺州春秋赤狄之地赤狄始见经】

赤狄隗姓其地在潞州以北近晋而远于齐忽举侵齐之师知晋之无能为也楚横于南狄扰于北以中国之无霸耳

宋师围曹

【左传】宋文公即位三年杀母弟须及昭公子武氏之谋也使戴桓之族攻武氏于司马子伯之馆尽逐武穆之族【事竝在文十八年】武穆之族以曹师伐宋秋宋师围曹报武氏之乱也

宋鲍篡弑得国逐武穆之族二族以曹师伐宋春秋不书非讨罪不足书也鲍不知自反恃众彊以逞志于曹不待贬而恶见矣

冬十月丙戌郑伯兰卒

【左传】冬郑穆公卒初郑文公有贱妾曰燕姑【姑南燕姓】梦天使与已兰【兰香草】曰余为伯儵余而祖也【伯儵南燕祖】以是为而子【以兰为女子名】以兰有国香人服媚之如是【媚爱也欲令人爱之如兰】既而文公见之与之兰而御之辞曰妾不才幸而有子将不信敢征兰乎【惧将不见信故欲计所赐兰为怀子月数】公曰诺生穆公名之曰兰文公报郑子之妃曰陈妨【郑子文公叔父子仪也汉律淫季父之妻曰报】生子华子臧子臧得罪而出【出奔宋】诱子华而杀之南里【事在僖十六年南里杜注郑地】使盗杀子臧于陈宋之间【在僖二十四年】又娶于江生公子士朝于楚楚人酖之及叶而死【叶杜注楚地南阳叶县今河南叶县南有古城】又娶于苏生子瑕子俞弥俞弥早卒泄驾恶瑕【泄驾郑大夫】文公亦恶之故不立也公逐羣公子公子兰奔晋从晋文公伐郑【在僖三十年】石癸曰【石癸郑大夫】吾闻姬姑耦其子孙必蕃【姑姓宜为姬配耦】姑吉人也后稷之元妃也【姑姓之女为后稷妃周是以兴故曰吉人】今公子兰姑甥也天或启之必将为君其后必蕃先纳之可以亢宠【亢极也】与孔将鉏侯宣多纳之盟于太宫而立之【太宫郑祖庙】以与晋平穆公有疾曰兰死吾其死乎吾所以生也刈兰而卒【传言穆氏所以大兴于郑天所启也】

葬郑穆公【穆公羊作繆】

不月阙文也葬速礼不备也

四年春王正月公及齐侯平莒及邾莒人不肯公伐莒取向【邾国名今山东邾城县西南有

故城向杜注莒邑寰宇志莒州南有向城今属山东青州府左传】四年春公及齐侯平莒及郯莒人不肯公伐莒取向非礼也平国以礼不以乱伐而不治乱也【责公不先以礼治之而用伐】以乱平乱何治之有无治何以行礼

【公羊传】此平莒也其言不肯何辞取向也【为公取向作辞也谷梁传】及者内为志焉尔平者成也不肯者可以肯也伐犹可取向甚矣莒人辞不受治也伐莒义兵也

【讨不释怨】取向非也乘义而为利也

周官合方氏掌除邦国之怨恶则释四邻之怨而成其好固义所当为也然必已之义可以服人然后人能降心以相从鲁宣齐惠身为大恶苟有人心者莫不藏恶况莒郯相怨鲁乃挟齐之威要以必从则莒人之不肯宜也又以兵加莒而取其邑则恶甚于齐惠矣

秦伯稻卒

夏六月乙酉郑公子归生弑其君夷

【左传】楚人献鼋于郑灵公【穆公太子夷也】公子宋与子家将见【宋子公也子家归生】子公之食指动【第二指也】以示子家曰他日我如此必尝异味及入宰夫将解鼋相视而笑公问之【问所笑】子家以告及食大夫鼋召子公而弗与也【欲使指动无效】子公怒染指于鼎尝之而出公怒欲杀子公子公与子家谋先【先公为难】子家曰畜老犹惮杀之【六畜】而况君乎反谮子家子家惧而从之夏弑灵公书曰郑公子归生弑其君夷权不足也【子家权不足以御乱惧谮而从弑君故书以首恶】君子曰仁而不武无能達也【初称畜老仁也不讨子公是不武也故不能自通于仁道而陷弑君之罪】凡弑君称君君无道也称臣臣之罪也郑人立子良【穆公庶子】辞曰以贤则去疾不足【去疾子良名】以顺则公子坚长乃立襄公【襄公坚也】襄公将去穆氏【逐羣兄弟】而舍子良【以其让已】子良不可曰穆氏宜存则固愿也若将亡之则亦皆亡去疾何为乃舍之皆为大夫归生身为正卿久执兵柄闻宋之逆谋执而诛之犹反手耳宋有逆志而与归生谋先必知其夙有无君之心也闻而不禁则贼由归生审矣观郑人讨乱斲子家之棺则当时国论固以为首恶非孔子作春秋而后归狱也

赤狄侵齐

以齐之彊而洺州之狄连岁侵之晋霸之衰与齐之无政竝见矣

秋公如齐公至自齐

宣公篡弑齐实纵之故既以田赂复仆仆而往朝焉防盟书至始于桓公之盟唐朝大国而书至始于宣公之如齐盖由二公身为大恶有自危之心以得返为幸故特行饮至之礼耳

【附录左传】初楚司马子良生子越椒子文曰【子文子良兄】必杀之是子也熊虎之状而豺狼之声弗杀必灭若敖氏矣谚曰狼子野心是乃狼也其可畜乎子良不可子文以为大憾及将死聚其族曰椒也知政乃速行矣无及于难且泣曰鬼犹求食若敖氏之鬼不其馁而【而语助言必馁】及令尹子文卒鬬般为令尹【般子文之子子扬】子越为司马【子越即越椒】蔦贾为工正谮子扬而杀之子越为令尹己为司马【贾为椒谮子扬而已得椒位】子越又恶之【恶贾】乃以若敖氏之族圉伯嬴于轅阳而杀之【圉囚也伯嬴蔦贾也轅阳杜注楚邑】遂处烝野将攻王王以三王之子为质焉弗受【烝野杜注楚邑三王文成穆】师于漳滏【漳滏杜注漳水边漳水出新城洹乡县至当阳县与沮水合】秋七月戊戌楚子与若敖氏战于皋浒【皋浒杜注楚地】伯棼射王汰辀及鼓跗着于丁宁【伯棼越椒也辀车辕汰过也箭过车辕上跗所以架鼓丁宁钲也】又射汰辀以贯笠毂【兵车无盖尊者则边人执笠依毂而立以御寒暑名曰笠毂此言箭过车辕及王之盖】师惧退王使巡师曰吾先君文王克息荻三矢焉伯棼窃其二尽于是矣【所以释楚师之惧心】鼓而进之遂灭若敖氏初若敖娶于防【防杜注国名今湖广安陆县有郢城】生鬬伯比若敖卒从其母畜于防淫于防子之女生子文焉防夫人使弃诸梦中【梦杜注泽名江夏安陆县有云梦城今湖广云梦县治】虎乳之防子田见之惧而归夫人以告遂使收之楚人谓乳谷谓虎于菟故命之曰鬬谷于菟以其女妻伯比实为令尹子文其孙箴尹克黄【箴尹官名克黄子扬之子】使于齐还及宋闻乱其人曰不可以入矣箴尹曰弃君之命独谁受之【言虽奔他国独谁受此弃命之人】君天也天可逃乎遂归复命而自拘于司败王思子文之治楚国也曰子文无后何以劝善使复其所改命曰生【易其名言更生】

冬楚子伐郑

【左传】冬楚子伐郑郑未服也【前年楚侵郑不获成故】

胡氏安国谓归生弑君诸侯未有致讨者而楚人至焉故书爵以与之然商臣之次厥貉楚子旅之观兵问鼎竝以爵书则春秋无以书爵为褒之义明矣自宣成而下楚势益张故君将则称君大夫将乃称人耳

日讲春秋解义卷二十七

卷二十八

钦定四库全书

日讲春秋解义卷二十八

宣公

五年春公如齐

【左传】五年春公如齐高固使齐侯止公请叔姬焉【畱公强成昏】

夏公至自齐

【左传】夏公至自齐书过也

齐鲁接壤而逾时乃归下书高固之逆叔姬经虽讳止公之迹而比事以观其实固不可掩矣以见止而连昏于齐臣降尊失列辱及先君乃行饮至之礼于宗庙是谓失其本心左氏特发书过之义以此

秋九月齐高固来逆子叔姬【左氏无子字】

【左传】秋九月齐高固来逆女自为也故书曰逆叔姬卿自逆也【适诸侯称女适大夫称字所以别尊卑也】

【谷梁传】诸侯之嫁子于大夫主大夫以与之来者接内也不正其接内故不与夫妇之称也【见庄二十七年莒庆】叔姬称子别于先君之女也诸侯嫁女于诸侯则公自主之其嫁女于大夫则使大夫主之公自主然后书于策今书高固来逆是公自主之明矣以千乘之君见偪于齐大夫彊昏而不敢违焉轻朝廷慢宗庙盖由身为不义借势于彊邻故非礼相干忍辱而无所避之也

叔孙得臣卒

得臣之卒不日史失之也胡氏安国据何休之説谓得臣不能止仲遂之逆谋故春秋削之非也仲遂身为大恶而卒书曰季孙行父助逆尤力而卒书曰何独苛于得臣乎凡以日不日为褒贬皆传者之误也

冬齐高固及子叔姬来

【左传】冬来反马也【礼送女雷其送马三月庙见遣使反马高固遂与叔姬俱宁故经传具见以示讥】

【公羊传】何言乎高固之来【大夫私事不当书】言叔姬之来而不言高固之来则不可子公羊子曰其诸为其双双而俱至者与【言其双行匹至似于鸟兽】

【谷梁传】及者及吾子叔姬也为使来者不使得归之意也【固受使来聘而与妇俱归故书及以明非礼】

反马之礼当遣使不当亲来女子归宁当在闲岁不当在逾月大夫非君命不当出境则高固与叔姬来皆非礼矣故直书其事以示讥

楚人伐郑

【左传】楚子伐郑陈及楚平晋荀林父救郑伐陈【为明年晋卫侵陈传】

传称荀林父救郑而经不书义不得书也赵盾归生同为大恶盾之释郑不讨恶伤其类耳以楚师之来而救之亦同恶相保耳若书救则似善其救而讨贼之大义隐矣

六年春晋赵盾卫孙免侵陈

【左传】六年春晋卫侵陈陈即楚故也

【公羊传】赵盾弑君此其复见何亲弑君者赵穿也亲弑君者赵穿则曷为加之赵盾不讨贼也何以谓之讨贼晋史书贼曰晋赵盾弑其君夷獐赵盾曰天乎无辜吾不弑君谁谓吾弑君者乎史曰尔为仁为义人弑尔君而复国不讨贼此非弑君而何赵盾之复国奈何灵公为无道使诸大夫皆内朝【礼公族朝于内朝亲亲也】然后处乎台上引弹而弹之已趋而辟丸【已诸大夫也】是乐而已矣【以是笑乐】赵盾已朝而出与诸大夫立于朝【自内朝至外朝】有人荷畚自闺而出者【荷负也畚草器宫中之门谓之闾其小者谓之闺】赵盾曰彼何也夫畚曷为出乎闺呼之不至曰子大夫也欲视之则就而视之【恐君责己以视人欲以见就为解也古者士大夫通曰子】赵盾就而视之则赫然死人也【赫然已支解之貌】赵盾曰是何也曰膳宰也熊蹯不熟公怒以斗擎而杀之【擎谓傍击头项】支解将使我弃之赵盾曰嘻趋而入灵公望见赵盾慙而再拜【慙者惊貌礼臣拜然后君答拜灵公先拜者畚出盾入知其欲谏欲以敬拒之使不复言也】赵盾逡巡北面再拜稽首趋而出【本欲谏君以君拜谢知己意冀当觉悟故出】灵公心忤焉欲杀之于是使勇士某者往杀之勇士入其大门则无人门焉者入其闺则无人闺焉者上其堂则无人焉俯而闚其户方食鱼殽勇士曰嘻子诚仁人也吾入子之大门则无人焉入子之闺则无人焉上子之堂则无人焉是子之易也【易犹省也】子为晋国重卿而食鱼殽是子之俭也君将使我杀子吾不忍杀子也虽然吾亦不可复见吾君矣遂刎颈而死灵公闻之怒滋欲杀之甚众莫可使往者于是伏

甲于宫中召赵盾而食之赵盾之车右祁弥明者国之力士也佗然从乎赵盾而入放乎堂下而立赵盾已食灵公谓盾曰吾闻子之剑盖利剑也子以示我吾将观焉【授君剑当防而进其首灵公因欲以推杀之】赵盾起将进剑祁弥明自下呼之曰盾食饱则出何故拔剑于君所赵盾知之躇阶而走【躇犹超遽不暇以次】灵公有周狗【周狗可以比周之狗所指如意】谓之獒呼獒而属之獒亦躇阶而从之祁弥明逆而蹇之【以足逆蹇曰蹇】绝其颔赵盾顾曰君之獒不若臣之獒也然而宫中甲鼓而起有起于甲中者抱赵盾而乘之【令升车疾走】赵盾顾曰吾何以得此于子曰子某时所食活我于暴桑下者也赵盾曰子名为谁曰吾君孰为介【介甲也言吾君谁为兴此甲兵岂不为盾乎】子之乘矣何问吾名【之乘即上车也欲令蚤免去不望报】赵盾驱而出众无留之者【明盾贤人不忍杀】赵穿缘民众不説起弑灵公然后迎赵盾而入与之立于朝而立成公黑臀

【谷梁传】此帅师也其不言帅师何也不正其败前事故不与帅师也【元年敕而今更侵之】

传称陈及楚平晋荀林父伐陈经皆不书以下书晋卫加兵于陈即陈之即楚可知矣陈郑每相视以为向背郑穆公暮年弃楚归晋本谓晋可托国及归生之乱坐视不讨是以陈有离心受伐受侵而终不为晋屈也

夏四月

【附录左传】夏定王使子服求后于齐【子服周大夫】秋赤狄伐晋围懷及邢丘【邢丘杜注河内平皋县今河南河内县东南有故城】晋侯欲伐之中行桓子曰使疾其民【骄则数战为民所疾】以盈其贯将可殪也周书曰殪戎殷【周书康诰】此类之谓也【为十五年晋灭狄传】

秋八月螽

螽蝗属食谷者刘歆谓贪虐取民则螽宣公身为不义朝齐伐莒赋敛日繁戾气应之经书于防示天人感应之理不可诬也

冬十月

【附录左传】冬召桓公逆王后于齐【召桓公王卿士事不關鲁故不书为成二年王甥舅张本】楚人伐郑取成而还【九年十一年传所称厉之役盖在此】郑公子曼满与王子伯廖语欲为卿【二子郑大夫】伯廖告人曰无德而贪其在周易丰【离下震上丰】之离【丰上六变而为纯离也丰上六曰丰其屋蔀其家闚其户闐其无人三岁不覿凶义取无德而大其屋不过三岁必灭亡】弗过之矣【不过三年】闲一岁郑人杀之

七年春卫侯使孙良夫来盟

【左传】七年春卫孙桓子来盟【桓子良夫】始通且谋会晋也【公即位衛始修好】

【谷梁传】来盟前定也不言及者以国与之不言其人亦以国与之不日前定之盟不日

来盟者先有约言复遣使邀结也宣公专意事齐不通于晋晋将合诸侯故使衛通鲁俾预于会鲁以事齐恐晋蓄憾故使良夫来结言而力任其无咎也然黑壤之盟公卒见辱盟何足恃哉

夏公会齐侯伐莱【莱杜注莱国东莱黄县今山东黄县有莱山东南有莱子故城左传】夏公会齐侯伐莱不与谋也凡师出与谋曰及不与谋曰会【皆据鲁而言师者国之重大事故详其出以例别之】

秋公至自伐莱

大旱

莱近于齐与鲁无怨齐志在并兼后卒灭之而迁于郕则其伐莱不过陵弱暴寡之师耳宣公屈意从齐助人为虐不知自愧而策勲于庙是诬其祖也且螽灾之后妄兴师旅征役怨咨薄陰阳之和故大旱继之比事以观而公无恤民之心具见矣

【附录左传】赤狄侵晋取向阴之禾【此无秋字盖阙文晋用桓子谋故纵狄】

冬公会晋侯宋公衛侯郑伯曹伯于黑壤【黑壤晋地一名黄父今山西沁水县西北有黑岭】

【左传】郑及晋平公子宋之谋也【宋子公弑灵公故谋从晋以求媚】故相郑伯以会冬盟于黑壤王叔桓公临之以谋不睦【王叔桓公周卿士将王命以监临诸侯不同敵者尊卑之别】晋侯之立也【在二年】公不朝焉又不使大夫聘晋人止公于防盟于黄父公不与盟以赂免故黑壤之盟不书讳之也

据左氏晋人止公于会以赂免而不得与盟经不书盖旧史无其文也先儒以为孔子讳之而曲为之說误矣晋灵公之篇诸侯之防同皆不序以灵公幼稚虽与盟会实赵盾专之黑壤以后晋始有君复序诸侯是则程子所谓大义数十炳如日星者耳

八年春公至自会

见止逾年以赂得免危而获安故告庙而书于策宣公篡立依倚于齐晋之间每见止辱竝以赂免屈身辱国亦甚矣

夏六月公子遂如齐至黄乃复【黄齐竟上地】

【公羊传】其言至黄乃复何有疾也何言乎有疾乃复讥何讥耳大夫以君命出闻丧徐行而不反【闻丧者闻父母之丧也徐行者不忍疾行又为君当使人追代之以丧喻疾者丧尚不当反况于疾乎】

【谷梁传】乃者亡乎人之辞也【谓其知有已不知有人虽君命邻好不复顾念而惟直行已意也】复者事毕也不专公命也【遂以疾反而加事毕之文者是不使遂得专命而还也】

至黄乃复不称有疾者大夫受命而出虽死以尸将命岂可以疾而废君命耶乃者无其上之词曰复事未毕也

辛巳有事于大庙仲遂卒于垂【垂杜注齐地当在今山东平陰县境公羊传】仲遂者何公子遂也何以不称公子贬曷为贬为弑子赤贬【事在文十八年】然则曷为不于其弑焉贬于文则无罪于子则无年【此解文十八年秋如齐不贬意也言若于十八年加贬则嫌有罪于文公无罪于子赤矣无年言子赤之立即在文十八年当丧未君不及改元故曰无年谷梁传】为若反命而后卒也【先言复后书卒则如已反命于君而后卒不使其违命專归也】此公子也其曰仲何也防之也何为防之也是不卒者也【遂与宣公共弑子赤例应不书卒】不防则无用见其不卒也【若书公子则与正卒者同故去公子以见之】则其卒之何也以讥乎宣也其讥乎宣何也闻大夫之丧则去乐卒事【当去籥万以终祭事言今不然】

有事者时祭也常事不书此何以书以仲遂卒于此日而下有犹绎去籥之事也遂何以不称公子而书字生而赐氏俾世其官也季友有援立之功僖公德之仲遂主篡弑之谋宣公德之皆生而赐氏变易王法以开世卿擅权之渐鲁政自是衰矣鞏不书卒而遂书卒何也既诛首恶以存王法则其余从同与桓不书王而宣皆书王同义

壬午犹绎万入去籥

【左传】有事于大庙襄仲卒而绎非礼也

【公羊传】绎者何祭之明日也【绎继昨日事但不灌地降神耳天子诸侯曰绎大夫曰宾尸士曰宴尸】万者何干舞也【干谓楯也能为人扞难而不使害人故圣王贵之以为武乐万者其篇名】籥者何籥舞也【籥所吹以节舞也吹籥而舞文乐之长】其言万入去籥何去其有声者【不欲令人闻之也】废其无声者【废置也置者不去也齐人语】存其心焉尔存其心焉尔者何知其不可而为之也犹者何通可以已也

【谷梁传】犹者可以已之辞也绎者祭之旦日之享宾也【旦日明日也】万入去籥以其为之变【为卿卒而变常礼】讥之也绎者祭之明日复祭以宾尸也万舞无声籥则有声者

也鲁以仲遂甫卒故万入去籥犹者可已之辞礼大夫卒当祭则不告终事而闻则不绎不告者恐君哀戚所以重宗庙也不绎者以厚股肱所以砺臣节也仲遂弑君宣公苟知大义则始宜正乱贼之诛既与之同恶而任为大夫则终当循遇臣之礼至于万入去籥又非所以尽事先之诚直书而其义皆着矣

戊子夫人嬴氏薨【公羊谷梁俱作熊氏】

敬嬴称夫人自成风以后遂为鲁之故典也春秋于风氏始卒凡四贬之于嬴氏无贬从同也然既书夫人姜氏归于齐又书夫人嬴氏薨比事以考之则出姜为文公夫人而敬嬴之非嫡明矣

晋师白狄伐秦【白狄始见经】

【左传】八年春白狄及晋平夏会晋伐秦【经在仲遂卒下从赴】晋人获秦谍杀诸絳市六日而苏【盖记异也】

晋所以为盟主者以其安内攘外修方伯之职也自赵穿侵崇秦晋之争复起晋人但知连白狄以攻秦而不知楚人狡焉启疆国势益张中夏诸侯将折而入楚适足以自困也下书舒蓼之灭比事以观而晋之失图具见矣

楚人灭舒蓼【谷梁作舒鄆杜注舒蓼二国名或曰地谱上义阳之蓼不与羣舒近蓼已灭于楚见文五年此即如舒鸠舒庸盖一国也今江南庐江县西故舒城是其地】

【左传】楚为众舒叛故伐舒蓼灭之楚子疆之及滑汭【滑水名当在今江南庐州府东境水之隈曲曰汭盖楚拓疆至滑汭之界】盟吴越而还【吴国今江南苏州成七年始见经越国今浙江会稽昭五年始见经传言楚疆吴越服从】

楚人观兵问鼎知晋不足忌乃灭舒蓼盟吴越其谋益远其势益张然后北乡争权此陈郑所以不支而晋卒为所挫也

秋七月甲子日有食之既

【附录左传】晋胥克有蛊疾郤缺为政【代赵盾】秋废胥克使赵朔佐下军【朔盾之子代胥克为成十七年胥童怨郤氏张本】

冬十月己丑葬我小君敬嬴【敬嬴公羊谷梁作顷熊】

【左传】冬葬敬嬴旱无麻始用葛茀【记礼变之所由茀所以引枢殡则有之以备大葬则以下枢】

敬嬴薨称夫人葬称小君与成风同义然子般闵公之弑非成风所知也敬嬴则与闻乎故矣春秋于成风特文以着其过而敬嬴无异文以其不待贬而恶见也

雨不克葬庚寅日中而克葬

【左传】雨不克葬礼也礼卜葬先远日辟不怀也【怀思也曲礼云凡卜筮防事先远日辟不思其亲急欲也今若冒雨而是亦不思其亲矣故举以证其合礼公羊传】顷熊者何宣公之母也【楚女熊姓諡曰顷】而者何难也乃者何【言定公书日下昃乃克葬】难也【难者难不得以正日葬其君】曷为或言而或言乃乃难乎而也

【谷梁传】葬既有日不为雨止礼也雨不克葬丧不以制也【言雨具未备非君丧之制】而缓辞也足乎日之辞也【此日中克葬足乎日故云缓定十五年日下昃乃克葬故云乃急辞也是二文相对为缓急也】

雨不克葬讥无备也潦车载簣笠士丧礼也有国家者乃不能为雨备乎定十五年日下昃乃克葬乃者难辞承日下昃而言也此日而克葬缓辞也足乎日之辞也胡氏安国以雨不克葬为敬嬴阴谋篡弑之咎征非也孔子合葬于防以雨甚而墓崩亦得谓咎征乎春秋之义平易正直而以曲说附之过矣

城平阳【平阳杜注泰山有平阳县今山东新泰县西北平阳故城是也】

【左传】城平阳书时也

惧晋故也方举大丧又城平阳重困民力故虽时亦书

楚师伐陈

【左传】陈及晋平楚师伐陈取成而还【言晋楚争强】

舒蓼楚之与国无罪而见灭此陈所以惧而叛楚也使晋君臣能恐惧改图内修政教外彰信义以固诸侯之心尚可以遏楚锋而力疲于秦交踈于齐宋故不能御楚以保陈郑而霸业为之頽惜哉

九年春王正月公如齐公至自齐

夏仲孙蔑如京师

【左传】九年春王使来征聘【征召也征聘不书防加讽谕不指斥】夏孟献子聘于周王以为有礼厚贿之

宣公即位九年两朝于齐今又亲往于周则不闻入见待其来征而后一遣大夫往聘僎矣且诸侯宜朝正于王今正月朝齐夏乃聘周悖慢尤甚所谓不待贬絶而恶见者也

齐侯伐莱

狄比侵齐不敢报而亟伐莱畏彊凌弱之情见矣

秋取根牟【根牟杜注东夷国琅琊阳都县东有牟乡在今山东沂水县南】

【左传】秋取根牟言易也

【公羊传】根牟者何邾娄之邑也曷为不系乎邾娄讳亟也【亟疾也属有小君之丧邾娄子来加礼乃未期而取其邑故讳不系邾娄也】

根牟小国也在鲁东界经纬灭言取与取鄆取邾同义

八月滕子卒

【左传】滕昭公卒【为宋围滕传】

此滕昭公也隐七年书滕侯卒至是书子亦时王所黜

九月晋侯宋公衛侯郑伯曹伯防于扈

晋荀林父帅师伐陈

【左传】会于扈讨不睦也【谋齐陈】陈侯不会【前年与楚成故】晋荀林父以诸侯之师伐陈晋侯卒于扈乃还

讨陈而先会于扈者以陈被楚兵晋不能救或从楚非其本愿故防以待之待而不至则伐之为有名然晋实不能庇陈俟楚之归而释憾焉义岂足以相服哉不书诸侯之师而曰林父帅师者在会诸侯皆以师听命而林父兼将之也

辛酉晋侯黑臀卒于扈

【公羊传】扈者何晋之邑也诸侯卒其封内不地此何以地卒于会故地也未出其地故不言会也

【谷梁传】其地于外也其日未逾竟也【传例诸侯正卒则日不正则不日逾竟亦不曰】

冬十月癸酉衛侯郑卒

晋衛二君何以卒而不葬魯不会也良夫之盟衛欲为晋致魯及黑壤见止懷憾实深是以扈之会魯独不往二国继以丧赴亦皆不防此所谓无其事而阙其文者也

宋人围滕

【左传】冬宋人围滕因其丧也

滕方有丧礼宜吊恤乃用众以围之不仁也晋政不竞诸侯私相侵伐观齐宋之擅兵则知不能御楚之由矣

楚子伐郑晋郤缺帅师救郑【自是晋楚交伐郑】

【左传】楚子为厉之役故伐郑【六年楚伐郑取成于厉既成郑伯逃归事见十一年传】晋郤缺救郑郑伯败楚师于栢茷【栢茷杜注郑地】国人皆喜唯子良忧曰是国之灾也吾死无日矣【十二年卒有楚子入郑之祸】

五年晋荀林父帅师救郑经不书以郑方有弑君之乱也据明年传载郑人讨乱斲归生之棺而逐其族则此年归生已毙矣故录晋之救凡此类乃笔削之精义非旧史所能与也

陈杀其大夫泄冶【泄公羊谷梁作泄】

【左传】陈灵公与孔宁仪行父通于夏姬【二子陈卿夏姬郑穆公女陈大夫御叔妻】皆衷其袒服以戏于朝【衷怀也袒服防衣】泄冶谏曰公卿宣淫民无效焉且闻不令君其纳之【纳藏袒服】公曰吾能改矣公告二子二子请杀之公弗禁遂杀泄冶孔子曰诗云民之多辟无自立辟其泄冶之谓乎【辟邪也辟法也诗大雅言邪辟之世不可立法国无道危行言逊】

【谷梁传】称国以杀其大夫杀无罪也泄冶之无罪如何陈灵公通于夏征舒之家公孙宁仪行父亦通其家或衣其衣或衷其襦以相戏于朝泄冶闻之入谏曰使国人闻之则犹可使仁人闻之则不可君愧于泄冶不能用其言而杀之

称国以杀者君与用事大臣同杀之也称杀其大夫见泄冶不失其官守也胡氏安国主左传家语谓泄冶仕于乱朝怀宠不去非孔子所取误矣邦无道危行言孙为不仕而高尚者言之也人臣以身许国既受事任不独緘默取容以立辟为戒乃鄙夫之术即洁身而去亦卑贱踈遠之臣则可耳黄氏仲炎以为非孔子之言其见卓矣

十年春公如齐公至自齐

【左传】十年春公如齐

比年朝正即用此以事周亦过六年一朝之制矣屈体以谄疆邻辱国莫大焉

齐人归我济西田

【左传】齐侯以我服故归济西之田【公比年朝齐故】

【公羊传】齐已取之矣其言我何【据归讙及阐齐已取不言我】言我者未絶于我也曷为未絶于我齐已言取之矣其实未之齐也【其人民贡赋尚属于鲁实未归于齐不言来者明不从齐来】

【谷梁传】公娶齐齐繇以为兄弟反之【齐繇以婚族故还鲁田妇之党为婚兄弟】不言来公如齐受之也

宣公德齐惠之援已顺其所欲既赂以田复以女妻其臣会兵伐莱每岁往朝故齐侯悦其屈谄而归济西之田其曰我者济经齐鲁有鲁济有齐济所归之田乃鲁济也

夏四月丙辰日有食之

己巳齐侯元卒

齐崔氏出奔衛

【左传】夏齐惠公卒崔杼有宠于惠公高国畏其偪也【崔杼齐大夫高国二氏齐正卿】公卒而逐之奔衛书曰崔氏非其罪也且告以族不以名【典防之法告者皆当书以名今齐特以族告春秋因之不改】凡诸侯之大夫违【违奔放也】告于诸侯曰某氏之守臣某【上某氏姓下某名】失守宗庙敢告所有玉帛之使者则告【玉帛之使谓聘】不然则否【恩好不接故亦不告】

【公羊传】崔氏者何齐大夫也其称崔氏何【据齐高无咎出奔名此书崔氏与隐公三年书尹氏同】贬曷为贬【据外大夫奔不贬】讥世卿世卿非礼也【复见讥者嫌尹氏王者大夫职重不当世诸侯大夫任轻可世故重 之】

【谷梁传】氏者举族而出之之辞也

出奔而书崔氏盖尽族而行且告以氏不以名也许翰以谓崔杼出而能反反而能弑以其宗疆故春秋特举氏乃辨之早非也左氏见襄二十五年齐崔杼弑其君因谓出奔者即杼不知此距杼之为逆凡五十有一年古者四十而仕五十为大夫不闻杼之年寿遂致耄期若以世

卿少而得政则奔时年未及冠不宜遂逼高国左氏所传恐未可尽信也

公如齐五月公至自齐【公如齐止此】

【左传】公如齐奔丧

宣公于匡王之丧不奔欲举郊祀而奔齐惠公之丧匡王之葬使防者往而以贵卿葬齐惠公盖济田之归重以为德故闻丧而奔以报其赐也鲁之事齐过于天王而齐之视鲁不啻附庸其反易天常而无忌憚甚矣

癸巳陈夏征舒弑其君平国

【左传】陈灵公与孔宁仪行父饮酒于夏氏公谓行父曰征舒似女【征舒夏姬子陈大夫】对曰亦似君征舒病之公出自其廐射而杀之二子奔楚

弑君之贼既得其主名则直书以正乱贼之罪春秋常法也先儒多为曲说胡氏安国所谓见泄冶忠言之驂灵公见弑之由亦非本义盖春秋于见弑之君皆不言所由与大夫出奔不言逐者同义皆深探其本以为世戒也

六月宋师伐滕

【左传】滕人恃晋而不事宋六月宋师伐滕

春秋时诸侯每间霸国之多故以陵小弱故宋之于滕齐桓卒而执其君晋政衰而围之伐之以逞志焉胡氏安国责宋不能讨陈义虽正而远于事情宋鲍与闻乎弑以篡得国而责之讨贼误矣

公孙归父如齐葬齐惠公

鲁宣深德齐侯之定其位而又归济西田故生则屈谄以事之没则亲奔其丧又遣贵卿会葬焉归父仲遂之子也父主篡弑子擅国权外结彊邻内逢君恶乱臣贼子交得其志恣行非度岂非王纲纵弛九伐不行而霸政亦衰之故与此孔子所以不没桓文之功也

晋人宋人衛人曹人伐郑

【左传】郑及楚平【前年败楚师恐楚怒故与平】诸侯之师伐郑取成而还

晋霸之衰皆由赵盾专政庇其同类齐鲁宋郑弑君之贼皆置而不问故诸侯皆有离心今陈有弑君之贼若晋能合诸侯以讨之则桓文之功立就矣何患郑之不服乎乃率三国以争郑

而以讨贼遗楚晋可谓无人矣

秋天王使王季子来聘【王聘止此】

【左传】秋刘康公来报聘【报孟献子之聘康公即王季子也其后食采于刘公羊传】王季子者何天子之大夫也其称王季子何【据叔服不系王不称子王札子不称季】贵也其贵奈何母弟也【子者王子也天子不言子弟故变文书季系先王以明之】

【谷梁传】其曰王季王子也其曰子尊之也聘问也宣公篡立至是十年不朝于周而比年朝齐不奔王丧而奔齐侯之丧使微者葬匡王而贵卿葬齐侯纵王讨不加絶不与通可也乃使王季子来聘不亦悖乎自是王聘不见于经非孔子削而不书盖诸侯不以王命为重轻而王亦不复遣使耳寥寥百有余年而后石尚以归赉录自是天王之名号亦不见于经矣

公孙归父帅师伐邾取绎【绎公羊作蕢杜注邾邑鲁国邹县北有绎山今峯山在邹县东南盖县治徙山北也】

【左传】师伐邾取绎【为子家如齐】

鲁之伐邾取绎与宋之间晋而伐滕同胡氏安国皆责以不能讨陈夫禁暴诛乱王者之师其次惟霸主乃能假之鲁宣篡弑之恶视宋鲍有加焉岂可责以讨贼乎

大水

季孙行父如齐

【左传】季文子初聘于齐【齐侯初即位】

冬公孙归父如齐【宣公聘齐止此】

【左传】冬子家如齐伐邾故也【恐为齐讨故往谢】

鲁君臣三如齐是年二卿又相继而往盖篡弑之谋仲遂主之行父助之齐新立君恐以旧事声讨故谄附以自托耳左氏谓归父之使以伐邾故恐犹未得其情也

齐侯使国佐来聘

【左传】国武子来报聘【报文子也】

鲁君臣事齐甚谨未闻报聘今齐侯丧未逾年而命使来鲁盖议连兵伐莒故若是其亟也居

丧而聘邻国考之于礼虽无明禁然以春秋所书按之王聘及求金不称王使而齐侯称使则恶其即吉而亲命聘使可知矣

饥

【公羊传】何以书以重书也【王政以民食为重】

楚子伐郑

【左传】楚子伐郑晋士会救郑逐楚师于颍北【颖杜注颍水出河南阳城至下蔡入淮】诸侯之师戍郑

左氏称晋士会救郑逐楚师于颍北诸侯之师戍郑先儒据此谓经削晋救意不以楚为罪皆由误以称爵为褒故曲为之说耳经所不书有可据传以为义者必于经有考也元经书赵盾救陈而传兼救宋观宋公旋会晋师于棐林则传所称救宋为得其实而经削之以宋有应讨之罪而不当救可知矣下年夏楚子陈侯郑伯盟于辰陵则是冬传称晋师救郑逐楚师诸侯畱戍非其实矣

【附录左传】郑子家卒郑人讨幽公之乱斲子家之棺而逐其族【以四年弑君故也斲薄其棺不使从卿礼】改葬幽公諡之曰灵【灵公初諡幽】

日讲春秋解义卷二十八

卷二十九

<经部,春秋类,日讲春秋解义

钦定四库全书

日讲春秋解义卷二十九

宣公

十有一年春王正月

夏楚子陈侯郑伯盟于辰陵【辰陵谷梁作夷陵杜注陈地颍川长平县东南有辰亭在今河南陈州西南】

【左传】十一年春楚子伐郑及栎子良曰晋楚不务德而兵争与其来者可也晋楚无信我焉得有信乃从楚夏楚盟于辰陵陈郑服也

是时楚庄盛彊主盟中国盖齐晋方有事于莒狄各营其私置乱贼而不问陈郑知中国不足恃故折而附楚也

【附录左传】楚左尹子重侵宋【子重公子婴齐庄王弟】王待诸郢【郢杜注楚地在今河南项城县境】令尹蔦艾猎城沂【艾猎孙叔敖也沂杜注楚邑在今河南真阳县境】使封人虑事【封人其时主筑城者虑事谋虑计功】以授司徒【司徒掌役】量功命日【命作日数】分财用【财用筑作具】平板榦【榦桢也墙两头立木】

【板在两旁障土者平等其高下】称畚筑【量轻重畚盛土器】程土物【为作程限】议远迩【均劳逸】略基趾【略行也趾城足】具糒粮【糒干食也】度有司【谋监主】事三旬而成不愆于素【不过素所虑之期也传言叔敖之能使民】

公孙归父会齐人伐莒

秋晋侯会狄于欒函【欒函杜注狄地】

【左传】晋郤成子求成于众狄众狄疾赤狄之役遂服于晋【赤狄潞氏最强故服役众狄】秋防于欒函众狄服也是行也诸大夫欲召狄郤成子曰吾闻之作德莫如勤非勤何以求人能勤有继其从之也【勤则功继之】诗曰文王既勤止【诗颂文王勤以创业】文王犹勤况寡德乎

【谷梁传】不言及外狄也

陈夏征舒为乱楚方伸大义于天下晋为霸主乃孜孜于羣狄至往会焉卑亦甚矣直书其事深讥之也

冬十月楚人杀陈夏征舒

【公羊传】此楚子也其称人何【据下入陈称子】贬曷为贬【据徵舒有罪】不与外讨也【辟天子】不与外讨者因其讨乎外而不与也虽内讨亦不与也【虽自讨其臣下亦不得与】曷为不与实与而文不与文曷为不与诸侯之义不得专讨也诸侯之义不得专讨则其曰实与之何上无天子下无方伯天下诸侯有为无道者臣弑君子弑父力能讨之则讨之可也

【谷梁传】此入而杀也其不言入何也【据入国乃得杀】外征舒于陈也其外征舒于陈何也明楚之讨有罪也【若书楚子入陈杀夏徵舒则入者内不受是无以表徵舒之悖逆故先言杀】

丁亥楚子入陈

【谷梁传】入者内弗受也曰入恶入者也何用弗受也不使夷狄为中国也

征舒在株林为陈南邑楚庄先经其地执而杀之而后入陈不言楚子而称人讨贼之文也然当时楚实利陈后虽听申叔时之说能复封陈而置夏州纳乱臣存亡兴灭顾若是乎舜跖之分其始在善利之闲耳讨贼者众人之公义故杀征舒书楚人县陈者一人之贪心故入陈书楚子罪人既得其入也何为哉胡氏安国谓不书取陈而书入为未减之辞非也楚实未尝取陈以实书耳

纳公孙宁仪行父于陈【宁公羊作 宁】

【左传】冬楚子为陈夏氏乱故伐陈【十年夏征舒弑君】谓陈人无动将讨于少西氏【少西征舒之祖子夏之名】遂入陈杀夏征舒轘诸栗门【轘车裂也栗门陈城门】因县陈【灭陈以为楚县】陈侯在晋【灵公子成公午】申叔时使于齐【申叔时楚大夫】反复命而退王使让之曰夏征舒为不道弑其君寡人以诸侯讨而戮之诸侯县公皆庆寡人【楚县大夫皆僭称公】女独不庆寡人何故对曰犹可辞乎王曰可哉曰夏征舒弑其君其罪大矣讨而戮之君之义也抑人亦有言曰牵牛以蹊人之田【蹊径也】而夺之牛牵牛以蹊者信有罪矣而夺之牛罚已重矣诸侯之从也曰讨有罪也今县陈贪其富也以讨召诸侯而以贪归之无乃不可乎王曰善哉吾未之闻也反之可乎对曰可哉吾侪小人所谓取诸其怀而与之也【谓譬如取人物于其怀而还之为愈于不还】乃复封陈乡取一人焉以归谓之夏州【示讨夏氏所获】故书曰楚子入陈纳公孙宁仪行父于陈书有礼也【没其县陈本意】

而以讨乱存国为丈善其得礼】

【公羊传】此皆大夫也其言纳何纳公党与也【仪行父本以助公见絶故言纳公党与】

【谷梁传】纳者内弗受也辅人之不能民而讨犹可【辅相邻国有不能治民者而讨其罪人则可曰犹可者明邻国之君无辅相之道】入人之国制人之上下使不得其君臣之道不可【二人与昏淫当絶而楚强纳之是制人之上下】

二人致乱之臣国所不容楚子不杀而反纳之必因其来奔许以陈输楚故使执其国柄为主于内而陈自是从楚不敢贰则其无诛恶之实心不可掩矣孔宁仪行父之奔不书必孔子削之也书奔则习其读者或疑二人能请讨于楚而其恶隐矣

【附录左传】厉之役郑伯逃归【盖在六年】自是楚未得志焉郑既受盟于辰陵又傲事于晋【为明年楚围郑传】

十有二年春葬陈灵公

【公羊传】讨此贼者非臣子也何以书葬【据惠公杀里克不书卓子葬】君子辞也【君子之心无私故讨贼不闲内外】楚已讨之矣臣子虽欲讨之而无所讨也

弑逆之贼人皆得讨盖纲常所在非有彼此之殊也征舒虽为楚杀陈之臣子亦可以释憾矣故灵公得书葬

楚子围郑

【左传】十二年春楚子围郑旬有七日郑人卜行成不吉卜临于大宫【临哭也】且巷出车吉【出车于巷示将见迁不得安居】国人大临守陴者皆哭【陴城上僻倪皆哭所以告楚穷也】楚子退师郑人修城进复围之三月克之【退师犹不服故复围之九十日】入自皇门至于逵路【涂方九轨曰逵】郑伯肉袒牵羊以逆曰孤不天【不为天所祐】不能事君使君懷怒以及敝邑孤之罪也敢不唯命是听其俘诸江南以实海滨亦唯命其翦以赐诸侯使臣妾之亦唯命若惠顾前好徼福于厉宣桓武不泯其社稷【周厉王宣王郑之所自出桓公武公郑始封之君也】使改事君夷于九县【夷比也楚灭九国以为九县庄十四年灭息十六年灭邓僖五年灭 十二年灭黄二十六年灭夔文四年灭江五年灭六灭蓼十六年灭庸传称楚武王克权又称文王县申息凡十一国不知何以言九】君之惠也孤之愿也非所敢望也敢布腹心君实图之左右曰不可许也得国无赦王曰其君能下人必能信用其民矣庸可几乎退三十里而许之平潘庭入盟子良出质【潘庭楚大夫子良郑伯弟】

以传考之凡入国者必陵暴残毁有所俘获楚子入郭门至于逵路而退师许盟秋毫无犯义

不得书入胡氏安国谓即其国都而书围为从轻典非也

夏六月乙卯晋荀林父帅师及楚子战于邲晋师败绩【邲杜注郑地今河南郑州东有邲城】

【左传】夏六月晋师救郑荀林父将中军【代郤缺】先穀佐之【先穀彘季代林父】士会将上军【河曲之役郤缺将上军宣八年代赵盾将中军士防代将上军】郤克佐之【郤克郤缺子代防骈】赵朔将下军【代栾盾】栾书佐之【栾书栾盾子代赵朔】赵括赵婴齐为中军大夫【婴齐赵盾异母弟】巩朔韩穿为上军大夫荀首赵同为下军大夫【荀首林父弟赵同婴齐兄】韩厥为司马【韩厥韩万 孙】及河闻郑既及楚平桓子欲还【桓子林父】曰无及于郑而勦民【勦劳也】焉用之楚归而动不后随武子曰【武子士防】善会闻用师观衅而动德刑政事典礼不易不可敌也不为是征【言无衅不可动】楚军讨郑怒其贰而哀其卑叛而伐之服而舍之德刑成矣伐叛刑也柔服德也二者立矣昔岁入陈今兹入郑民不罢劳君无怨讟政有经矣荆尸而举【楚武王始更此陈法遂以为名】商农工贾不败其业而卒乘辑睦事不奸矣蔦敖为宰【蔦敖孙叔敖宰令尹】择楚国之令典军行右辕左追蓐【在车之右者挟辕为战备在左者追求草蓐为宿备传曰令尹南辕又曰改乘辕楚陈以辕为主】前茅虑无【虑无如今军行前有斥候踰伏皆持以絳及白为幡见骑贼举絳幡见步贼举白幡备虑有无也茅明也或曰时楚以茅为旌识】中权后劲【中军制谋后以精兵为殿】百官象物而动军政不戒而备【物谓旌旗画物类也戒勅令】能用典矣其君之举也内姓选于亲外姓选于旧举不失德赏不失劳老有加惠旅有施舍【旅客来者施之以惠舍不劳役】君子小人物有服章贵有常尊贱有等威礼不逆矣德立刑行政成事时典从礼顺若之何敌之见可而进知难而退军之善政也兼弱攻昧武之善经也子姑整军而经武乎犹有弱而昧者何必楚仲虺有言曰【仲虺汤左相薛之祖奚仲之后】取乱侮亡兼弱也沟曰于铄王师遵养时晦【沟诗颂篇名美武王能遵天之道须暗昧者恶积而后取之】耆昧也【耆致也致讨于昧】武曰无竞惟烈【武诗颂篇名竞强也言克商功业实无强也】抚弱耆昧以务烈所可也【言当务从武王之功业抚而取之】彘子曰【彘子先穀】不可晋所以霸师武臣力也今失诸侯不可谓力有敌而不从不可谓武由我失霸不如死且成师以出闻敌强而退非夫也【非丈夫】命为军帅而卒以非夫唯羣子能我弗为也以中军佐济【佐彘子所帅也济渡河】知庄子曰【庄子防首】此师殆哉周易有之在师

【坎下坤上师】之临【兑下坤上临师初六变而之临】曰师出以律否臧凶执事顺成为臧逆为否众散为弱【坎为众今变为兑兑柔弱】川壅为泽【坎为川今变为兑兑为泽是川见壅】有律以如己也【如从也法行则人从法法败则法从人坎为法象今为众则散为川则壅是失法之用从人之象】故曰律否臧且律竭也【竭败也坎变为兑是法败】盈而以竭【水以盈为功竭则败】夭且不整所以凶也【水遇夭塞不得整流则竭涸也】不行之谓临【水变为泽乃成临卦泽不行之物】有帅而不从临孰甚焉此之谓矣【譬彘子之违命亦不可行】果遇必败彘子尸之【尸之主此祸】虽免而归必有大咎【为明年晋杀先穀传】韩献子谓桓子曰【献子韩厥】彘子以偏师陷子罪大矣子为元帅师不用命谁之罪也失属亡师为罪已重不如进也事之不捷恶有所分与其专罪六人同之不犹愈乎师遂济楚子北师次于郟沈尹将中军【沈县名或作寝杜注寝汝阴固始县】子重

将左子反将右【子反公子侧】将饮马于河而归闻晋师既济王欲还嬖人伍参欲战【参伍奢之祖父】令尹孙叔敖弗欲曰昔岁入陈今兹入郑不无事矣战而不捷参之肉其足食乎参曰若事之捷孙叔为无谋矣不捷参之肉将在晋军可得食乎令尹南辕反旆【廻车南乡旆军前大旗】伍参言于王曰晋之从政者新未能行令其佐先穀刚愎不仁未肯用命其三帅者专行不获听而无上众谁适从此行也晋师必败且君而逃臣若社稷何王病之告令尹改乘辕而北之次于管以待之晋师在敖鄆之间【管杜注荥阳县东北有管城在今河南郑州北敖鄆杜注二山在荥阳县西北今河南荥泽县西北有敖山】郑皇戌使如晋师曰郑之从楚社稷之故也未有贰心楚师骤胜而骄其师老矣而不设备子击之郑师为承【承继也】楚师必败彘子曰败楚服郑于此在矣必许之栾武子曰【武子栾书】楚自克庸以来【在文十六年】其君无日不讨国人而训之【讨治也】于【于曰也】民生之不易祸至之无日戒惧之不可以怠在军无日不讨军实而申儆之于胜之不可保紂之百克而卒无后训之以若敖蚡冒筰路蓝缕以啓山林【筰路柴车蓝缕敝衣言二君勤俭以啓土】箴之曰民生在勤勤则不匮不可谓骄先大夫子犯有言曰师直为壮曲为老我则不德而徼怨于楚我曲楚直不可谓老其君之戎分为二广广有一卒卒偏之两【十五乘为一广司马法百人为卒二十五人为两车十五乘为大偏今广十五乘亦用旧偏法复以二十五人为承副】右广初驾数及日中左则受之以至于昏内官序当其夜【内官近官序次也】以待不虞不可谓无备子良郑之良也师叔楚之崇也师叔入盟子良在楚楚郑亲矣来劝我战我克则来不克遂往以我卜也郑不可从赵括赵同曰率师以来唯敌是求克敌得属又何俟必从彘子知季曰原屏咎之徒也【知季庄子也原赵同屏赵括徒党也咎指彘子】赵庄子曰栾伯善哉【庄子赵朔栾伯武子】实其言必长晋国【实犹充也】楚少宰如晋师【少宰官名】曰寡君少遭闵凶不能文闻二先君之出入此行也【二先君楚成王穆王】将郑是训定岂敢求罪于晋二三子无淹人随季对曰昔平王命我先君文侯曰与郑夹辅周室毋废王命今郑不率寡君使羣臣问诸郑岂敢辱候人【候人主宾客之官】敢拜君命之辱彘子以为谄使赵括从而更之曰行人失辞【言误对】寡君使羣臣迁大国之迹于郑【迁徙也】曰无辟敌羣臣无所逃命楚子又使求成于晋晋人许之盟有日矣【有期日】楚许伯御乐伯摄叔为右以致晋师【单车挑战又示不欲和以疑晋之羣帅】许伯曰吾闻致师者御靡旌摩垒而还【靡旌驱疾也摩近也】乐伯曰吾闻致师者左射以敔【左车左也敔矢之善者】代御执轡御下两马掉鞅而还【两饰也掉正也示闲暇】摄叔曰吾闻致师者右入垒折馘执俘而还【折馘断耳】皆行其所闻而复晋人逐之左右角之【张两角从旁夹攻之】乐伯左射马而右射人角不能进矢一而已麋兴于前射麋丽【丽着也背之隆高当心者】晋鲍癸当其后使摄叔奉麋献焉曰以岁之非时献禽之未至敢膳诸从者鲍癸止之曰其左善射其右有辞君子也既免晋魏錡求公族未得而怒【錡魏犇子欲为公族大夫】欲败晋师请致师弗许请使许之遂往请战而还楚潘党逐之【潘圻子】及荥泽【荥泽杜注在荥阳县东】见六麋射一麋以顾献曰子有军事兽人无乃不给于鲜敢献于从者叔党命去之【即潘党】赵旃求卿未得【旃赵穿子】且怒于失楚之致师者请挑战弗许请召盟许之与魏錡皆命而往郤献子曰【献子郤克】二憾往矣弗备必败彘子曰郑人劝战弗敢从也楚人求成弗能好也师无成命多备何为士季曰备之善若二子怒楚楚人乘我丧师无日矣不如备之楚之无恶除备而盟何损于好若以恶来有备不败且虽诸侯相见军卫不彻警也彘子不可士季使巩朔韩穿帅七覆于敖前【帅将也覆为伏兵七处】故上军不败赵婴齐

使其徒先具舟于河故败而先济潘党既逐魏錡赵旃夜至于楚军【二人虽俱受命而行不相随赵旃在后至】席于军门之外使其徒入之【布席坐示无所畏】楚子为乘广三十乘分为左右右广鸡鸣而驾日中而说【说舍也】左则受之日入而说许偃御右广养由基为右彭名御左广屈荡为右【楚王更迭载之故各有御右】乙卯王乘左广以逐赵旃赵旃弃车而走林屈荡之得其甲裳晋人惧二子之怒楚师也使輶车逆之【輶车兵车名】潘党望其尘使骋而告曰晋师至矣楚人亦惧王之入晋军也遂出陈孙叔曰进之宁我薄人无人薄我诗云元戎十乘以先啓行先人也【诗小雅元戎戎车在前也】军志曰先人有夺人之心薄之也遂疾进师车驰卒奔乘晋军桓子不知所为鼓于军中曰先济者有赏中军下军争舟舟中之指可掬也【两手曰掬】晋师右移上军未动【余军皆移去惟上军在经所以书战言犹有陈】工尹齐将右拒卒以逐下军【工尹齐楚大夫右拒陈名】楚子使唐狡与蔡鸠居告唐惠侯曰【二子楚大夫唐杜注属楚之小国义阳安昌县有上唐乡】不谷不德而贪以遇大敌不谷之罪也然楚不克君之羞也敢借君灵以济楚师使潘党率游阙四十乘【游车补阙者】从唐侯以为左拒以从上军驹伯曰【驹伯郤克】待诸乎随季曰楚师方壮若萃于我吾师必尽不如收而去之分谤生民不亦可乎【同奔为分谤不战为生民】殿其卒而退不败王见右广将从之乘屈荡尸之曰君以此始亦必以终【尸止也军中易乘则恐人惑】自是楚之乘广先左【以乘左得胜故】晋人或以广队不能进【广兵车重故不能进】楚人碁之脱扃【碁教也扃车上兵阑也】少进马还又碁之拔旆投衡乃出【还便旋不进旆大旗也拔旆投衡上使不帆风差轻】顾曰吾不如大国之数奔也赵旃以其良马二济其兄与叔父以他马反遇敌不能去弃车而走林逢大夫与其二子乘【逢大夫晋人】谓其二子无顾【不欲见赵旃】顾曰赵旃在后【旃老称】怒之【怒其违命】使下指木曰尸女于是授赵旃绥以免明日以表尸之【表所指木取其尸】皆重获在木下【兄弟累尸而死】楚熊负羁囚知防知庄子以其族反之【负羁楚大夫知防知庄子之子族家兵反还战】厨武子御【武子魏錡】下军之士多从之【知庄子下军大夫故】每射抽矢敢纳诸厨子之房【抽擢也敢好箭房箭舍】厨子怒曰非子之求而蒲之爱【蒲杨柳可以为箭】董泽之蒲可胜既乎【董泽杜注泽名河东闻喜县东北有董池陂今属山西平阳府】知季曰不以人子吾子其可得乎吾不可以苟射故也射连尹襄老获之遂载其尸射公子谷臣囚之【谷臣楚王子】以二者还及昏楚师军于邲晋之余师不能军宵济亦终夜有声【言其兵众将不能用】丙辰楚重至于邲【重辎重也】遂次于衡雍潘党曰君盍筑武军【筑军营以彰武功】而收晋尸以为京观【积尸封土其上谓之京观】臣闻克敌必示子孙以无忘武功楚子曰非尔所知也夫文止戈为武武王克商作颂曰载戢干戈载櫜弓矢【周颂时迈篇櫜韬也】我求懿德肆于时夏允王保之【肆遂也夏大也言武王既息兵又能求美德故功业遂大信哉王能保天下也】又作武其卒章曰耆定尔功其三曰铺时绎思我徂惟求定【铺布也绎陈也美武王能布政陈教使天下归往求安定】其六曰绥万邦屡丰年【绥安也屡数也】夫武禁暴戢兵保大定功安民和众丰财者也【此武七德】故使子孙无忘其章【着之篇章使子孙不忘】今我使二国暴骨暴矣观兵以威诸侯兵不戢矣暴而不戢安能保大犹有晋在焉得定功所违民欲犹多民何安焉无德而强争诸侯何以和众利人之几而安人之乱【几危也】以为已荣何以丰财【兵动则年荒】武有七德我无一焉何以示子孙其为先君宫告成事而已【祀先君告战胜】武非吾功也古者明王伐不敬取其鲸鲵而封之以为大戮【鲸鲵大鱼名以喻不义之人吞食小国】于是乎有京观以惩淫慝今

罪无所【晋罪无所犯】而民皆尽忠以死君命又可以为京观乎祀于河作先君宫告成事而还【传言楚庄有礼所以遂兴】是役也郑石制实入楚师【石制郑大夫】将以分郑而立公子鱼臣辛未郑杀仆叔及子服【仆叔鱼臣也子服石制也】君子曰史佚所谓母怙乱者谓是类也【言恃人之乱以要利】诗曰乱离瘼矣爰其适归【诗小雅离忧也瘼病也爰于也言祸乱忧病于何所归手叹之】归于怙乱者也夫【恃乱则祸归之】

【公羊传】大夫不敌君此其称名氏以敌楚子何【据城濮之战得臣称人】不与晋而与楚子为礼也【称林父及楚子战恶以晋臣与楚君抗礼故云不与】曷为不与晋而与楚子为礼也庄王伐郑胜乎皇门【胜战胜皇门郑郭门】放乎路衢【路衢郭内衢道】郑伯肉袒左执茅旌【茅旌祀宗庙所用茅断曰借不断曰旌】右执鸾刀【鸾刀宗庙割肉之刀执宗庙器者示以宗庙不血食自归首】以逆庄王曰寡人无良边垂之臣【言已有过于楚边垂之臣谦不敢斥庄王】以干天祸是以使君王沛焉辱到敝邑【沛焉怒有余之貌】君如矜此丧人【自谓已丧亡】锡之不毛之地使帅一二耄老而绥焉【六十称耄七十称老谦不敢多索丁夫愿得主帅一二老夫以自安】请唯君王之命庄王曰君之不令臣交易为言【是亦庄王谦不斥郑伯之辞交易犹往来也言君之不善臣屡往来为恶言】是以使寡人得见君之玉面而微至乎此庄王亲自手旌【缙广充幅长防曰旐继旐如燕尾曰旆加文章曰旗错苹鸟曰旃注旐首曰旌】左右防军退舍七里将军子重谏曰南郢之与郑相去数千里诸大夫死者数人厮役扈养死者数百人【艾草为防者曰厮汲水浆者曰役养马者曰扈炊烹者曰养】今君胜郑而有不有乃失民臣之力乎庄王曰古者杼不穿皮不蠹则不出于四方【杼饮水器穿败也皮裘也蠹壤也言古者出四方皆当有所丧费喻已出征伐士卒死伤固其宜也】是以君子笃于礼而薄于利要其人而不要其土告从不赦不详【善用心曰详】吾以不详道民灾及吾身何日之有既则晋师之救郑者至【荀林父也】曰请战庄王许诺将军子重谏曰晋大国也王师淹病矣君请勿许也庄王曰弱者吾威之强者吾辟之是以使寡人无以立乎天下令之还师而逆晋防【言还者时庄王胜郑去矣防晋师至复还战也】庄王鼓之晋师大败晋众之走者舟中之指可掬矣庄王曰嘻吾两君不相好百姓何罪令之还师而佚晋寇【佚犹遇使得渡水去也】

【谷梁传】绩功也功事也日其事败也

不书救郑缓不及事无救患之实也中国与楚战无论胜败皆以中国为主故书晋及徐邈以为内晋而外楚是也将称元帅乃史防之通例胡氏安国谓战以晋主之责其非观衅之师败以林父主之责其不能制命皆非经之本义

秋七月

【附录左传】郑伯许男如楚【为十四年晋伐郑传】秋晋师归桓子请死晋侯欲许之士贞子谏曰【贞子士渥浊】不可城濮之役晋师三日谷【在僖二十八年】文公犹有忧色左右曰有喜而忧如有忧而喜乎公曰得臣犹在忧未歇也困兽犹鬬况国相乎及楚杀子玉公喜而后可知也曰莫余毒也已晋再克而楚再败也楚是以再世不竞今天或者大警晋

也而又杀林父以重楚胜其无乃从不竞乎林父之事君也进思尽忠退思补过社稷之衛也若之何杀之夫其败也如日月之食焉何损于明晋侯使复其位【言晋景所以不失霸】

冬十有二月戊寅楚子灭萧

【左传】冬楚子伐萧宋华椒以蔡人救萧萧人囚熊相宜僚及公子丙王曰勿杀吾退萧人杀之王怒遂围萧萧溃申公巫臣曰【巫臣楚申县尹】师人多寒王巡三军拊而免之【拊抚慰】三军之士皆如挟纊【纊绵也言说以忘寒】遂傅于萧还无社与司马卯言号申叔展【还无社萧大夫司马卯申叔展皆楚大夫也无社素识叔展故因卯呼之】叔展曰有麦麴乎曰无有山鞠穷乎曰无【麦麴鞠穷所以御湿欲使无社逃泥水中无社不解故曰无军中不敢正言故谬语】河鱼腹疾奈何【叔展言无御湿药将病】曰目于眚井而拯之【无社意解欲入井故使叔展视虚废井而求拯已】若为茅经哭井则已【叔展又教结茅以表井须乃应以为信】明日萧溃申叔视其井则茅经存焉号而出之【号哭也传言萧人无守心】

楚庄得陈郑而不有传以为贤观其灭萧则知前日之释陈乃料其国大众心难移而非果能以德礼属诸侯也萧既灭亡必无赴告盖楚庄既服陈郑北挫晋师于河上遂有鞭笞天下之心故以灭萧告于诸侯以相震摄耳

晋人宋人卫人曹人同盟于清丘【清丘杜注衛地濮阳县东南在今直隶开州东南长乐里此大夫同盟之始】

【左传】晋原穀宋华椒衛孔达曹人同盟于清丘【原穀先穀】曰恤病讨贰于是卿不书【经俱称人】不实其言也【宋伐陈衛救之不讨贰也楚伐宋晋不救不恤病也】

萧乃宋之附庸在宋之南去楚千有余里楚既败晋又直抵宋郊灭其附庸故宋衛曹皆惧而欲倚晋然晋及诸国不能信任仁贤修明政事以自彊而徒要盟以御楚未矣其书同盟盖晋霸既衰诸侯散而复合故载书以是要言耳

宋师伐陈衛人救陈

【左传】宋为盟故伐陈【陈贰于楚故】衛人救之孔达曰先君有约言焉若大国讨我则死之【衛成公与陈共公有旧好故孔达欲背盟救陈而以死谢晋为十四年衛杀孔达传】

清丘之盟陈人不与宋师伐陈问陈故也但陈有弑君之乱晋不能讨而楚讨之虽曰县陈防复封之其德于楚而不贰未可深责也故衛以救书示陈之无罪而被兵也然宋之伐陈虽过而辅霸之义则正衛之救陈虽善而背盟之罪难辞直书而其义皆着矣

十有三年春齐师伐莒【公羊作伐衛】

【左传】十三年春齐师伐莒莒恃晋而不事齐故也十一年公孙归父会齐人伐莒以泄不肯平之憾也闲岁而齐又伐之徒以鲁有向之获而齐未有耳莒岂负齐鲁之邑哉书师见用大众以扼小邦也

夏楚子伐宋

【左传】夏楚子伐宋以其救萧也【救萧在前年】君子曰清丘之盟唯宋可以免焉【宋讨陈之贰不背盟言故也】

楚伐宋以宋师尝伐陈也陈不与清丘之盟晋所当问而不能问宋代晋伐之以犯楚怒又晋所当救而不能救诸侯何恃哉胡氏安国谓宋伐陈以召楚兵则楚人有辞以伐故书其爵谬矣上年灭萧明年围宋凶暴已甚而俱书楚子亦得谓之有辞乎书楚子以见其君亲将耳陈蔡世服于楚楚有事于中国皆自郑及宋楚成争霸败宋于 楚穆争霸弱宋于厥貉楚庄之兴挟郑以侵宋此年之伐明年之围又明年宋人力屈求平而南北之势成矣成十八年彭城之役楚又挟郑以围宋非悼公之略则不待襄公之末盟于宋而南北分霸早见矣

秋螽【公羊作 𧈧】

冬晋杀其大夫先穀

【左传】秋赤狄伐晋及清先穀召之也【清杜注一名清原今山西稷山县西北有清原城】冬晋人讨邲之败与清之师归罪于先穀而杀之尽灭其族君子曰恶之来也已则取之其先穀之谓乎

穀违命丧师复召狄谋乱讨之固宜而称国以杀不去其官者何将责元帅林父不能制命晋侯既复其位自战邲至此逾年矣何为始讨其罪意穀好刚任直当国大臣多恶之会楚复伐宋故追咎前败而清之师谓穀召狄亦附会以成狱辞如郤至实召楚师之类耳故称国以杀见其出于君大夫之喜怒而不去其官见其非死于军刑也

【附录左传】清丘之盟晋以衛之救陈也讨焉【寻清丘之盟以责衛】使人弗去曰罪无所归将加而师孔达曰苟利社稷请以我说罪我之由我则为政而亢大国之讨将以谁任【亢御也】我则死之【为明年杀孔達传】

日讲春秋解义卷二十九

卷三十

钦定四库全书

日讲春秋解义卷三十

宣公

十有四年春卫杀其大夫孔达

【左传】十四年春孔达缢而死衛人以説于晋而免【以杀告故免于伐】遂告于诸侯曰寡君有不令之臣达构我敝邑于大国既伏其罪矣敢告卫人以为成劳复室其子【以達有平国之功故以女妻其子】使复其位

孔达自缢而称国以杀端本清源之意也进谋者臣而制命者君始则用其谋以行私终则杀其人以谢过可乎此与鲁刺公子买之事无异故不去其官

夏五月壬申曹伯壽卒

晋侯伐郑

【左传】夏晋侯伐郑为邲故也【晋败于邲郑遂属楚】告于诸侯搜焉而还中行桓子之谋也曰示之以整使谋而来【使郑自谋】

【而来服晋】郑人惧使子张代子良于楚【十二年子良质于楚子张穆公孙】郑伯如楚谋晋故也郑以子良为有礼故召之【有让国之礼事在四年】

晋以救郑致败于邲郑乃翻然从楚楚之得志于诸侯未有甚于此时者也而晋景奋然自将以伐郑自是合诸侯以伐郑者一同盟者四皆君亲之于是齐鲁从而郑亦服是以为国贵自彊也

秋九月楚子围宋

【左传】楚子使申舟聘于齐【申舟无畏】曰无假道于宋亦使公子冯聘于晋不假道于郑申舟以孟诸之役恶宋【文十年楚子田孟诸无畏扶宋公仆】曰郑昭宋聋【昭明也聋暗也】晋使不害我则必死王曰杀女我伐之见犀而行【犀申舟子以子托王示必死】及宋宋人止之华元曰过我而不假道鄙我也鄙我亡也【以我比其邊鄙是与亡国同】杀其使者必伐我伐我亦亡也亡一也乃杀之楚子闻之投袂而起【投振也】屡及于窒皇【窒

皇寝门阙】剑及于寝门之外车及于蒲胥之市【蒲胥楚市言其兴师甚速】秋九月楚子围宋

楚庄始则灭萧以逼宋继则伐宋以声其救萧之罪又遣使不假道以激怒于宋而使杀之至是国君亲将环其国而攻之宋为晋受兵而晋坐视不救咎在晋耳胡氏安国于卫人救陈以为着宋之罪而伐宋围宋皆曰宋所自取失经旨矣晋之失谋莫过于置宋不救盖果能悉师救宋因宋以守虽胜不可必而楚人粮尽师老无功而退天下诸侯畏楚之残服晋之义必将改图北向而霸事可成乃比之虽鞭之长不及马腹不知宋既折而入楚则余威震于齐鲁而南北分霸之势成矣甚矣晋人之昏冥也

葬曹文公

冬公孙归父会齐侯于谷

【左传】冬公孙归父会齐侯于谷见晏桓子【晏今山东齐河县西北有晏城寰宇记谓之晏婴城桓子晏婴父】与之言鲁乐桓子告高宣子曰【宣子高固】子家其亡乎【子家归父字】怀于鲁矣【怀恋也】怀必贪贪必谋人谋人人亦谋己一国谋之何以不亡【为十八年归父奔齐】

鲁西南与宋为界楚人围宋有震邻之恐行父当国欲使归父防楚以谋其不免但素服于齐而方是时楚使申舟聘齐是齐楚之交已合也故先遣归父会谷以观齐之向背以将会楚告所以尽事齐之礼而恐逢其怒也至以大夫会诸侯则自单伯会鄆公孙敖会戚已为故事于归父不足责矣

【附录左传】孟献子言于公曰臣闻小国之免于大国也聘而献物于是有庭实旅百【物玉帛皮币也】朝而献功于是有容貌采章嘉淑而有加货【献功献其治国及征伐之功于牧伯容貌容顔威仪也采章车服文章也嘉淑令辞称赞也言往共则来报亦备】谋其不免也诛而荐贿则无及也【荐进也】今楚在宋君其图之公説【为明年归父防楚子】

十有五年春公孙归父会楚子于宋

【左传】十五年春公孙归父会楚子于宋【终前年】

自楚庄讨陈乱挫晋师围郑围宋威慑中夏然郑宋被围始皆阖城固守力屈而后求成独鲁不然兵未及国望风而靡僖公二十一年楚献宋防鲁君会薄先诸侯而趋之今楚方围宋归父复及宋之未平而求媚焉文仲窃位不能正僖公之失固不足 孟献子贤大夫也而倡荐贿之谋亦可鄙也已

夏五月宋人及楚人平

【左传】宋人使乐婴齐告急于晋晋侯欲救之伯宗曰【伯宗晋大夫】不可古人有言曰虽鞭之长不及马腹【言非所击】天方授楚未可与争虽晋之强能违天乎谚曰高下在心【度时制宜】川泽纳污【受污浊】山藪藏疾【山之有林藪毒害者居之】瑾瑜匿瑕【虽美玉之质亦或居藏瑕秽】国君含垢【忍垢耻】天之道也【晋侯耻不救宋故伯宗为言小恶不损大德之喻】君其待之【待楚衰】乃止使解扬如宋使无降楚曰晋师悉起将至矣郑人囚而献诸楚楚子厚赂之使反其言【反言晋不救】不许三而许之登诸楼车【楼车车上望櫓】使呼宋人而告之遂致其君命楚子将杀之使与之言曰尔既许不谷而反之何故非我无信女则弃之速即尔刑对曰臣闻之君能制命为义臣能承命为信信载义而行之利谋不失利以卫社稷民之主也义无二信信无二命【欲为义者不行两信欲为信者不受二命】君之赂臣不知命也受命以出有死无貲【貲废坠也】又可赂乎臣之许君以成命也【成其君命】死而成命臣之禄也寡君有信臣下臣获考【考成也】死又何求楚子舍之以归夏五月楚师将去宋【在宋积九月不能服宋故】申犀稽首于王之马前曰无畏知死而不敢废王命王弃言焉【未服宋而去故曰弃言】王不能答申叔时仆曰筑室反耕者【示无去志】宋必听命从之宋人惧使华元夜入楚师登子反之牀【兵法因其乡人而用之必先知其守将左右谒者门者之姓名因而利道之华元盖用此术得以自通】起之曰寡君使元以病告曰敝邑易子而食析骸以爨虽然城下之盟有以国毙不能从也【古人以城下之盟为耻故宁亡不从】去我三十里唯命是听子反惧与之盟而告王退三十里宋及楚平华元为质盟曰我无尔诈尔无我虞【盟不书不告】

【公羊传】外平不书此何以书【据十二年楚郑平不书】大其平乎已也【已二大夫】何大乎其平乎已庄王围宋军有七日之粮尔尽此不胜将去而归尔于是使司马子反乘堙而窥宋城宋华元亦乘堙而出见之【堙登城具】司马子反曰子之国何如华元曰惫矣曰何如曰易子而食之析骸而炊之司马子反曰嘻甚矣惫虽然吾闻之也围者柑马而秣之使肥者应客是何子之情也【围者见围之国秣以粟置马口中柑以木衔其口不令食粟示有畜积肥者体肥之人使应客示饱足也情实也】华元曰吾闻之君子见人之厄则矜之小人见人之厄则幸之吾见子之君子也是以告情于子也司马子反曰诺勉之矣吾军亦有七日之粮尔尽此不胜将去而归尔揖而去之反于庄王庄王曰何如司马子反曰惫矣曰何如曰易子而食之析骸而炊之庄王曰嘻甚矣惫虽然吾今取此然后而归尔司马子反曰不可臣已告之矣军有七日之粮尔庄王怒曰吾使子往视之子曷为告之司马子反曰以区区之宋犹有不欺人之臣可以楚而无乎是以告之也庄王曰诺【先以诺受絶子反语】舍而止虽然吾犹取此然后归尔司马子反曰然则君请处于此臣请归尔庄王曰子去我而归吾孰与处于此吾亦从子而归尔引师而去之故君子大其平乎已也此皆大夫也其称人何贬曷为贬平者在下也

【谷梁传】平者成也善其量力而反义也人者众辞也平称众上下欲之也外平不道以吾人之存焉道之也【吾人谓大夫归父存在也】

不书宋及楚平而曰宋人楚人众辞也君臣上下同欲之也盖宋之力屈而楚师亦几顿矣故皆以得平而息师为幸也文九年陈平不书宣十年郑平不书即僖二十四年宋及楚平犹不

书也至是年乃书之盖陈蔡郑许已若楚之内臣宋复不支而南北分霸之势成矣

六月癸卯晋师灭赤狄潞氏以潞子婴儿归【潞氏赤狄别种以国名为氏子爵也今山西潞城县即其地县东北有古潞城】

【左传】潞子婴儿之夫人晋景公之姊也酆舒为政而杀之又伤潞子之目晋侯将伐之诸大夫皆曰不可酆舒有三僇才不如待后之人【僇绝异也后之人继酆舒者】伯宗曰必伐之狄有五罪僇才虽多何补焉不祀一也耆酒二也弃仲章而夺黎氏地三也【仲章潞贤人黎氏杜注黎侯国上党壶关县有黎亭今山西长治县西黎侯亭是也又山东范县有黎侯城则黎侯失国寓卫所居之地】虐我伯姬四也伤其君目五也怙其僇才而不以茂德兹益罪也后之人或者将敬奉德义以事神人而申固其命【审其政令】若之何待之不讨有罪曰将待后有辞而讨焉母乃不可乎夫恃才与众亡之道也商纣由之故灭天反时为灾【寒暑易节】地反物为妖【羣物失性】民反德为乱乱则妖灾生故文反正为乏【文字也制字之体正之反为乏】尽在狄矣晋侯从之六月癸卯晋荀林父败赤狄于曲梁【曲梁杜注广平曲梁县今曲梁故城在直隶永年县东北】辛亥灭潞酆舒奔卫衛人归诸晋晋人杀之

【公羊传】潞何以称子潞子之为善也躬足以亡尔【言其去俗归义适足以亡】虽然君子不可不记也离于夷狄而未能合于中国晋师伐之中国不救狄人不有【不有犹不顾也】是以亡也

【谷梁传】灭国有三术中国谨曰【如卫侯灭邢之类】卑国月【卑国谓附庸之属如齐侯灭莱之类】夷狄不曰【如楚灭江黄吴灭州来之类】其曰潞子婴儿贤也

宋人易子而食析骸以爨以待晋救晋坐视不前以致诸侯皆南向而事楚晋乃用大师以灭潞氏明年又伐甲氏及留吁其弃诸侯而隳先业可愧莫甚矣潞国名赤狄之别种也凡灭国而奔者不名其位或未绝也以归者名之责其无兴复之志也惟夔子不名先儒以为无取灭之道理亦可通

秦人伐晋

【左传】秋七月秦桓公伐晋次于辅氏【辅氏杜注晋地今陕西朝邑县西北有辅氏城】壬午晋侯治兵于稷以略狄土【稷杜注晋地河东闻喜县西有稷山在今山西稷山县南晋时新破狄土地未安度秦师之弱故别遣魏颗拒秦而自东行定狄地】立黎侯而还【狄夺土故晋复立之】及雒【晋侯还及雒也雒杜注晋地】魏颗败秦师于辅氏获杜回秦之力人也初魏武子有嬖妾【武子魏犇颗之父】无子武子疾命颗曰必嫁是疾病则曰必以为殉及卒颗嫁之曰疾病则乱吾从其治也及辅氏之役颗见老人结草以亢杜回【亢御也】杜回蹢而颠故获之夜梦之曰余而所嫁妇人之父也尔用先人之治命余是以报

自二年秦师伐晋晋不报秦今十四年矣兹复伐晋必楚人既服郑宋有力征中夏之心故使

秦出师以相牵制俾晋不暇南顾耳幸而楚旅旋卒晋得以其间挫齐致宋诸侯复合尚能与楚相抗不然则诸侯骈首南乡虽欲分霸而不可得矣

王札子杀召伯毛伯

【左传】王孙苏与召氏毛氏争政【三人皆王卿士】使王子捷杀召戴公及毛伯衞【王子捷即王札子】卒立召襄【襄召戴公子】

【公羊传】王札子者何长庶之号也【礼天子庶兄冠而不名札其字也不称伯仲者避同母兄弟知其为庶兄也】

【谷梁传】王札子者当上之辞也杀召伯毛伯不言其何也【解经不言杀其大夫】两下相杀也【若言杀其大夫则是上杀下非两下相杀矣】两下相杀不志乎春秋此其志何也矫王命以杀之非忿怒相杀也故曰以王命杀也以王命杀则何志焉为天下主者天也继天者君也君之所存者命也为人臣而侵其君之命而用之是不臣也为人君而失其命是不君也君不君臣不臣此天下所以倾也两下相杀不志于春秋此其志者矫王命以杀之也桓襄以前列国交相侵伐是外诸侯不禀王命也至王之庶长一朝而杀世臣二人则内卿士亦不奉王命矣故以为非常而志之不称子札而曰札子诸家之說皆穿凿而不安似史文舛误当阙所疑

【附录左传】晋侯赏桓子狄臣千室亦赏士伯以瓜衍之县【士伯士贞子瓜衍今山西孝义县北有瓜城】曰吾获狄土子之功也微子吾丧伯氏矣【伯桓子字邲之败晋侯将杀林父士伯諫而止】羊舌职說是赏也【职叔向父】曰周书所谓庸庸祗祗者谓此物也夫【周书康诰庸用也祗敬也言文王能用可用敬可敬此物此事也】士伯庸中行伯【言中行伯可用】君信之亦庸士伯此之谓明德矣文王所以造周不是过也故诗曰陈锡载周能施也【诗大雅文王篇锡赐也言文王布陈大利以赐天下故能载行周道福流子孙】率是道也其何不济晋侯使赵同献狄俘于周不敬刘康公曰不及十年原叔必有大咎天夺之魄矣【心之精爽是为魂魄为八年杀赵同】

秋螽

宣公烦于朝聘赂遗之末竭内奉外人事乖而戾气应之矣

仲孙蔑防齐高固于无娄【无娄公羊作牟娄杜注杞邑案隱四年莒人伐取牟娄时已为莒邑杜注疑有误】

高固自以事出鲁宣使大夫候之于途谄事外臣书之以示贬也

初税亩

【左传】初税亩非礼也谷出不过借以丰财也【周法民耕百亩公田十亩借民力而治之税不过此】

【公羊传】初者何始也税亩者何履亩而税也【按亩加税】初税亩何以书讥何讥尔讥始履亩而税也何讥乎始履亩而税古者什一而借【什一而借民力以什与民自取其一为公田】古者曷为什一而借什一者天下之中正也多乎什一大桀小桀寡乎什一大貉小貉什一者天下之中正也什一行而颂声作矣

【谷梁传】初者始也古者什一借而不税【借民力治公田不税其私】初税亩非正也古者三百步为里名曰井田井田者九百亩公田居一【八家皆私百亩中百亩为公田】私田稼不善则非吏【非责也吏田峻也言吏急民使不得营私田】公田稼不善则非民【民勤私也】初税亩者非公之去公田而履亩十取一也以公之与民为己悉矣【悉谓尽其力】古者公田为居井灶葱韭尽取焉【公田百亩中又以二十亩为八家之宅家作一园以种五菜外种楸桑以备养生送死】始变法以厉民也古者什一借而不税宣公因国用不足既收公田之入又履私亩而税之是倍取于旧矣其后作丘甲用田赋至二犹不足则皆宣公啓之也

冬螽生

【公羊传】未有言螽生者此其言螽生何螽生不书【始生曰螽既大曰螽螽生例不书】此何以书幸之也幸之者何犹曰受之云尔【闻灾当惧而反幸者犹曰宜得此灾有受之者尔】受之云尔者何上变古易常【谓宣公变古常制而税亩】应是而有天灾其诸则宜于此焉变矣【人君观此则宜遇灾而惧知所变计】

【谷梁传】螽非灾也【初生故】其曰螽非税亩之灾也【非责也】螽之始生即为螽方螽于秋冬又生子灾之及民重矣螽飞蔽天或来自他处故不言生螽生于境内人见其生故异文

饥

【左传】冬螽生饥幸之也【螽未为灾而书之者幸其冬生不为物害时歲虽饥犹喜而书之】

古者以三十年之通制国用虽有凶荒民无菜色今宣公一遇螽螽遽至于饥则以平时不知务农重谷以待缓急之需也庄二十八年大无麦禾而不书饥盖当其时犹知告籴以救灾也宣公之篇书饥者再是既无仓廩之藏又乏救荒之策惟坐视其民之饥而死耳

十有六年春王正月晋人灭赤狄甲氏及留吁【甲氏留吁杜注赤狄别种胡氏注留吁谓之纯留今山西屯留县南有故城】

【左传】十六年春晋士防帅师灭赤狄甲氏及留吁铎辰【铎辰不书留吁之属当在今山西潞安府境】三月献狄俘【献于王也】晋侯请于王戊申以黻冕命士防将中军且为大傅【代林父将中军且加以大傅之官黻冕命卿之服】于是晋国之盗逃奔于秦羊舌职曰吾闻之禹称善人【称举也】不善人远此之谓也夫诗曰战战兢兢如临深渊如履薄冰善人在上也【言善人居位则无不戒惧】善人在上则国无幸民【赏不僭刑不滥也】谚曰民之多幸国之不幸也是无善人之谓也

甲氏者潞之余种留吁其残邑也前此楚人围宋晋坐视不救谗曰鞭长不及于潞氏甲氏则穷搜不已且欒黶之防无几时而灭狄者三蔑德弃信何以宗诸侯乎

夏成周宣榭火【榭公羊作谢火公羊谷梁作灾】

【左传】夏成周宣榭火人火之也凡火人火曰火天火曰灾

【公羊传】成周者何东周也【灋水西为王城灋水东下都为成周】宣谢者何宣宫之谢也【宣宫宣王庙至此不毁者有中兴之功】何言乎成周宣谢灾乐器藏焉尔【夷厉之时乐器有坏故宣王作之】成周宣谢灾何以书记灾也外灾不书此何以书新周也【孔子作春秋上黜下故宋而新周】

【谷梁传】周灾不志也其曰宣榭何也以乐器之所藏目之也

榭者讲武之屋宣王中兴南征北讨其用武于四方必有讲肄之所即成周宣榭是也宣榭火而兴王之迹泯矣圣人重之而书示不忘古也

秋邾伯姬来归

【左传】秋邾伯姬来归出也【伯姬鲁女嫁邾者】

妇人归宁曰来出曰来归齐人来归子叔姬叔姬无罪彊归之也邾伯姬来归伯姬有罪自取之也叔姬亦大归也而书卒书伯逆其丧归则义尚有不当絶者邾伯姬不书卒不书丧归则其过必有甚于伯姬者矣

【附录左传】为毛召之难故王室复乱【毛召难在前年】王孙苏奔晋晋人复之【毛召之党欲讨苏氏故出奔】冬晋侯使士防平王室定王享之原襄公相礼【原襄公周大夫】穀烝【烝升也升穀于俎】武子私问其故【享当体荐而穀烝故问之武士会謚李其字】王闻之召武子曰季氏而弗闻乎王享有体荐【享则半解其体而荐之所以示俭】宴有折俎【体解节折升之于俎物皆可食所以示慈惠】公当享卿当宴王室之礼也【公谓诸侯卿虽享亦当用宴礼】武子归而讲求典礼以修晋国之法【言典礼之废久】

冬大有年

【谷梁传】五谷大熟为大有年

大者非常之词有者不易有也记其有者所以见其无也宣公享国十有八年而仅一有年故以为非常而书之

十有七年春王正月庚子许男锡我卒

丁未蔡侯申卒

夏葬许昭公

葬蔡文公

宣公华而少实其于邦交以势利为疏数来赴而不防其葬者多矣乃许昭蔡文皆防其葬盖许蔡为楚之私公方附楚故不敢略许蔡之防纪耳

六月癸卯日有食之

己未公防晋侯卫侯曹伯邾子同盟于断道【断道杜注晋地今山西沁州东有断梁城】

【左传】十七年春晋侯使郤克徵防于齐【欲为断道防】齐顷公帷妇人使观之郤子登妇人笑于房【跛而登阶故笑之】献子怒【献子郤克】出而誓曰所不此报无能涉河献子先归使栾京庾待命于齐【栾京庾郤克之介】曰不得齐事无复命矣【使得齐之罪乃复命】郤子至请伐齐晋侯弗许请以其私属又弗许【私属家众为成二年战于鞌】齐侯使高固晏弱蔡朝南郭偃防【晏弱桓子】及斂孟高固逃归【闻郤克怒故】夏防于断道讨貳也盟于卷楚【卷楚即断道】辞齐人晋人执晏弱于野王执蔡朝于原执南郭偃于温【执三子不书非卿野王杜注野王县属河内今河南懷庆府治】苗贲皇使见晏桓子【苗贲皇楚鬬椒之子楚灭鬬氏而奔晋食邑于苗地晏弱时在野王故因使而见之】归言于晋侯曰夫晏子何罪昔者诸侯事吾先君皆如不逮举言羣臣不信【举皆也】诸侯皆有貳志齐君恐不得礼故不出而使四子来左右或沮之曰君不出必执吾使故高子及斂孟而逃夫三子者曰若絶君好宁归死焉为是犯难而来吾若善逆彼以懷来者【彼齐三人】吾又执之以信齐沮吾不既过矣乎过而不改而又久之以成其悔何利之有焉使反者得辞【反者高固谓得不当来之辞】而害来者以惧诸侯将焉用之晋人缓之逸【缓不拘执使得逃去也】言晋不能修礼诸侯所以貳谷梁传】同者有同也同外楚也【不于清丘者清丘鲁不防故重举以包之也】

鲁卫曹邾地皆邻接于宋宋乃四国之藩蔽也宋折而入楚故四国自危晋亦惧楚故复结是

盟其书同载书以是要言也谷梁以为外楚二 以为谋齐盖外楚其本谋而晋方怒齐故亦命事于防耳

【附录左传】秋八月晋师还 范武子将老【初受随故曰随武子后更受范复为范武子】召文子曰燮乎【文子士防之子燮其名】吾闻之喜怒以类者鲜易者实多【易迁怒也】诗曰君子如怒乱庶遄沮君子如祉乱庶遄已【诗小雅遄速】君子之喜怒以已乱也弗已者必益之郤子其或者欲已乱于齐乎不然余惧其益之也余将老使郤子逞其志庶有豸乎【豸解也欲使郤子从政快志以止乱】尔从二三子唯敬【二三子晋诸大夫】乃请老郤献子为政

秋公至自防

宣公防盟两书至黑壤事齐而不事晋危晋之见讨而不得释也断道背齐而与晋谋伐齐危齐人之见讨也宣公既得国以后卑屈事齐惟恐获戾逮齐惠公卒事齐之礼渐疎复附楚依晋以谋齐内不能守礼明政外不能讲信修睦而倾侧于彊大之间其何能国乎

冬十有一月壬午公弟叔肸卒

【左传】冬公弟叔肸卒公母弟也凡大子之母弟公在曰公子不在曰弟【以兄为尊】凡称弟皆母弟也【此策书之通例谷梁传】其曰公弟叔肸贤之也其贤之何也宣弑而非之也非之则胡为不去也曰兄弟也何去而之与之财则曰我足矣织屨而食终身不食宣公之食君子以是为通恩也以取贵乎春秋【宣公弑逆故其禄不可受兄弟无絶道故虽非而不去论情可以明亲亲言义足以厉不轨是以贵之】

叔肸为宣公母弟生不见于策书死不称公子则未为大夫明矣非大夫而书卒以其贤也称得春秋之义者二卫侯之弟鱣以政刑无常洁身去国叔肸遭宣公大逆孔懷之 不忍飞终身不食其禄皆处变而得其宜然叔肸所为内可以尽私恩外足以维公义故传于鱣曰合于肸曰取贵则贤于鱣遠矣

十有八年春晋侯卫世子臧伐齐

【左传】十八年春晋侯卫太子臧伐齐【太子臧穆公子】至于阳谷齐侯防晋侯盟于缙以公子彊为质于晋晋师还蔡朝南郭偃逃归

齐霸国之余晋文资其力以败楚自文公卒齐不复从晋盟晋方不竞于楚是以问不及齐至是以诸侯同心外楚微会而齐不与乃毅然亲将以伐之实得继霸之义鞏之战虽曰逞忿然自是齐服而东诸侯无贰心无防不与无 不从与楚相抗者近百年不可谓非谋国之善也

公伐

杞世婚于鲁杞桓公鲁出且娶于鲁僖文之世各一来朝宣公篡立 伯终其世不来朝盖疾其躬为大恶虽不能讨而耻相附也故憾之而亲伐焉然适以自暴其恶而张 之义耳

夏四月

【附录左传】夏公使如楚乞师欲以伐齐【公不事齐齐与晋盟故惧而乞师于楚不书微者行】

秋七月邾人戕鄆子于鄆【鄆谷梁作繒】

【左传】秋邾人戕鄆子于鄆凡自虐其君曰弑自外曰戕【弑戕皆杀也所以别内外之名】

【公羊传】戕鄆子于鄆者何残贼而杀之也

【谷梁传】戕犹残也挽杀也【挽谓捶也】

戕者残贼而杀之也于鄆罪鄆之臣子不能救君难也邾文公时曾虐用鄆子然尚以防盟于邾也今乃使人造其国都而戕杀其君则鄆岂虚无人乎至邾人灭人理而悖天常则不待贬而恶见矣

甲戌楚子旅卒【旅谷梁作吕楚始书卒】

【左传】楚庄王卒楚师不出既而用晋师【成二年战于鞏是】楚于是乎有蜀之役【在成二年冬蜀杜注鲁地泰山博县西北有蜀亭在今山东泰安州西公羊传】何以不书葬呉楚之君不书葬辟其号也【葬从臣子辞当称王故絶其葬】

【谷梁传】夷狄不卒卒少进也卒而不日日少进也日而不言正不正简之也【中国卒正则日不正乃不日夷狄进之则日不论正不正故云简之】

楚君至是始书卒鲁事之一如齐晋故着于防书也不书葬孔子削之也记曰天无二日土无二王春秋恐民之惑故不称楚越之王丧盖辟其号而不书其 也楚入春秋百年武文成穆未敢有窥周室之心至楚子旅而观兵问鼎力征中夏聘于齐晋直用王使过宾之礼非天夺其年不尽臣天下之诸侯不止也卒书其故爵盖黜其淫名以正君臣之名分而先儒乃谓进之是以爵之贵之是以卒之其义悖矣

公孙归父如晋

【左传】公孙归父以襄仲之立公也有宠【归父襄仲子】欲去三桓以张公室与公谋而

聘于晋欲以晋人去之宣公用归父之谋欲去三桓以张公室其事未尝不正而宣公薨归父逐三桓之势益张岂惟谋之不审哉其道固不足以胜三桓也仲遂身为大逆而任其子以圖世族义既不足以动人晋政方在彊家而借其力以逐内臣则谋亦不能以自遂使能信任仁贤修明政教渐収其威柄则三桓必有戢志公室可以自张然宣公篡弑之人岂足以语此哉

冬十月壬戌公薨于路寝

【谷梁传】正寝也

归父还自晋至筮遂奔齐【筮公羊谷梁作桎杜注鲁竟也】

【左传】冬公薨季文子言于朝曰使我杀适立庶以失大援者仲也夫【适谓子恶襄仲杀之而立宣公事齐通楚以失晋援季文子怨归父欲去三桓故借此以为之罪】臧宣叔怒曰【宣叔文仲子武仲父】当其时不能治也后之人何罪子欲去之许请去之【许宣叔名时为司防】遂逐东门氏【襄仲居东门故曰东门氏】子家还及筮坛帷复命于介【除地为坛而张帷介副也将去使介复命于君】既复命袒括髮【袒衣以麻约髮】即位哭三踊而出【依在国防礼设一位公薨故】遂奔齐书曰归父还自晋善之也

【公羊传】还者何善辞也何善尔归父使于晋还自晋至桎闻君薨家遣墯帷哭君成踊【踊辟踊也成踊成三日五哭踊之礼】反命乎介自是走之齐

【谷梁传】还者事未毕也自晋事毕也与人之子守其父之殡【人之子谓归父子也言成公与归父子共守宣公殡】捐殡而奔其父之使者是以奔父也【捐弃也成公弃父之殡逐父之使父命未反而已逐之是与亲奔父无异】至桎遂奔齐遂继事也

归父谋去三桓会公之薨季氏乃追论仲遂弑君之罪而逐归父观传所载行父倡言臧孙逐之若无嗣君者行父罪不容诛而成公不足有为亦于此可见矣归父奉使而还闻君薨家遣常人当此必震惧失常而墯帷哭君成踊反命乎介则犹能守礼者惜乎其始谋之不臧也

日讲春秋解义卷三十

卷三十一

钦定四库全书

日讲春秋解义卷三十一

成公【公名黑肱宣公子諡法安民立政曰成】

周【定王十七年鲁成公五年定王崩子简王立】

郑【防公十五年鲁成公四年襄公卒悼公费立成六年悼公卒弟成公睂立】

齐【顷公九年鲁成公九年顷公卒子灵公环立】

宋【文公二十一年鲁成公二年文公卒子共公固立成十五年共公卒子平公成立】

晋【景公继霸十年时郤克为政鲁成公四年栾书为政成十年景公有疾晋人立太子州蒲是为厉公是年景公卒成十八年厉公弑悼公周立韩厥为政】

衛【穆公十年鲁成公二年穆公卒子定公臧立成十四年定公卒子献公衎立】

蔡【景公二年】

曹【宣公五年鲁成公十三年宣公卒弟成公负刍立】

滕【文公十年鲁成公十六年文公卒成公原立】

陈【成公九年】

【桓公四十七年】

薛【详见隱公元年】

莒【鲁成公十四年莒子朱卒一名渠丘公黎比公密州立又名买朱鉏】

邾【定公二十四年鲁成公十七年定公卒宣公𣎵立】

许【灵公二年鲁成公十五年许迁于叶】

小邾【详见僖公元年】

楚【共王元年鲁成十六年子反将中军子重将左战鄢陵楚败绩晋射共王中目楚杀子反】

秦【桓公十五年鲁成公十四年桓公卒子景公立】

吴【鲁成公七年呉伐邾始见经即呉子壽梦也壽梦一名乘】

越【详见隠公元年】

钦定四库全书

日讲春秋解义卷三十一

成公【名黑肱宣公之子母穆姜以定王十七年即位諡法安民立政曰成】

元年春王正月公即位

继正而行即位之礼故书于策也与桓宣之书即位辞同而义异考其事论其世则其实不可揜矣

二月辛酉葬我君宣公

无冰

【谷梁传】终时无冰则志此未终时而言无冰何也【言终寒时无冰当志耳今方建丑之月是寒时未终】终无冰矣加之寒之辞也【周二月夏十二月也是月于寒之中又加甚焉过此无冰终无复冰矣】

恒燠也周之二月夏之十二月也当涸陰沍寒而恒燠焉此政事舒缓纪纲纵弛之象也方是时成公幼弱政在三家公室不张其象已先见矣凡策书所载皆经邦大训人有防而不登其姓名事有小而不记其本末雨雹冰雪何以悉书天人一理

也万物一气也观于陰阳寒暑之变以察其消息盈虚此敬天勤民慎于防之意也每慎于防则王事备矣

【附录左传】元年春晋侯使瑕嘉平戎于王【平文十七年邾垂之役詹嘉处瑕故谓之瑕嘉】单襄公如晋拜成【单襄公王卿士】刘康公徼戎将遂伐之叔服曰背盟而欺大国此

必败背盟不祥欺大国不义神人弗助将何以胜不聽遂伐茅戎三月癸未败绩于徐吾氏【徐吾氏茅戎之别也茅戎杜注戎别种水经注大阳县有茅亭故茅戎邑也括地志茅戎在河北县西当在今山西平陆县界】

三月作丘甲

【左传】为齐难故作丘甲【前年鲁乞师于楚欲以伐齐楚师不出故惧而作丘甲公羊传】何以书讥何讥尔讥始丘使也【言始使丘民作甲谷梁传】作为也丘为甲也【使一丘之民皆作甲】丘甲国之事也丘作甲非正也丘作甲之为非正何也古者立国家百官具农工皆有职以事上古者有四民有士民有商民有农民有工民夫甲非人人之所能为也丘作甲非正也

此因齐难而益兵也司马法九夫为井四井为邑四邑为丘四丘为甸甸赋车一乘步卒七十二人甲士三人凡二十五人为一甲三甲为一乘一丘所出十有八人今丘出一甲是一甸之中百人为兵总一乘计之增一甲矣积三甸计之增一乘矣增乘增甲虽不可考其实皆益兵其数皆增三之一尔春秋恶其紊乱先王军赋之制以重困农民故特书作以讥之作者不宜作也

夏臧孙许及晋侯盟于赤棘【赤棘杜注晋地】

【左传】闻齐将出楚师夏盟于赤棘【与晋盟惧齐楚】

季孙当国憾齐人之纳归父又闻其将出楚师遂急于求晋而为此盟鲁所欲故书及鲁大夫特盟诸侯者五其四书及皆鲁志也惟祿祥书防则邾志耳诸侯与大夫防盟在列国亦为降尊失列况霸主乎季孙行父防齐侯于阳谷而后公子遂及齐侯盟于鄆丘昔也公孙敖防晋侯于戚今则臧孙许及晋侯盟政教之陵迟其所由来者渐矣

秋王师败绩于茅戎【公羊谷梁作贸戎】

【左传】秋王人来告败【解经所以秋乃书】

【公羊传】孰败之盖晋败之【以晋比侵柳园郊知王师讨晋而败】或曰贸戎败之【以地在贸戎故】然则曷为不言晋败之王者无敌莫敢当也

【谷梁传】不言战莫之敢敌也为尊者讳敌不讳败【讳敌使莫为之偶不讳败以见其过】为亲者讳败不讳敌【讳败惜其毁折也不讳敌诸侯有列国】尊尊亲亲之义也【尊谓王亲谓鲁】然则孰败之晋也王者之师有征无战书败不书战以茅戎不得与天子抗也柔服逖人惟在惇信明义而设诈相邀是失其所以馭戎之礼故以自败为文亦自反之道也

冬十月

【谷梁传】季孙行父秃晋郤克眇衞孙良夫跛曹公子手倭同时而聘于齐齐使秃者御秃者使眇者御眇者使跛者御跛者使倭者御倭者【御迎也】萧同侄子处台上而笑之【萧国也同姓也侄子字也其母更嫁齐惠公生顷公宣十二年楚灭萧故随其母在齐】闻于客客不说而去相与立胥间而语移日不解【胥间门名】齐人有知之者曰齐之患必自此始矣【范氏甯曰谷梁子作传皆释经以立义未有无其文而发传者疑冬十月下脱季孙行父如齐六字】

【附錄左传】冬臧宣叔令修赋缮完【治完城郭】具守备曰齐楚结好我新与晋盟晋楚争盟齐师必至虽晋人伐齐楚必救之是齐楚同我也【言将共伐】知难而有备乃可以逞【为二年齐侯伐我传】

二年春齐侯伐我北鄙

【左传】二年春齐侯伐我北鄙围龙【龙杜注鲁邑在泰山博县西南】顷公之嬖人卢蒲就魁门焉【攻龙门】龙人囚之齐侯曰勿杀吾与而盟无入而封【封竟】弗聽杀而膊诸城上【膊磔也】齐侯亲鼓士陵城三日取龙遂南侵及巢丘

初宣公事齐甚谨聘防相继及与晋盟断道而怨隙成再盟赤棘而伐我北鄙鲁于是乎空国兵而为鞏之战同曰愤兵务相报复不待贬而罪自见矣

夏四月丙戌卫孙良夫帅师及齐师战于新筑衞师败绩【新筑杜注衞地今直隶魏县南有新筑城】

【左传】衞侯使孙良夫石稷甯相向禽将侵齐与齐师遇【齐伐鲁还故遇良夫孙林父之父石稷石碣四世孙甯相甯俞子】石子欲还孙子曰不可以师伐人遇其师而还将谓君何若知不能则如无出今既遇矣不如战也夏有【阙文失新筑战事】石成子曰【成子石稷】师败矣子不少湏众惧尽子丧师徒何以复命皆不对又曰子国卿也陨子辱矣【陨见禽获】子以众退我此乃止【自请止此御齐师】且告车来甚众【新筑人救孙桓子故并告令军中】齐师乃止次于鞠居【鞠居杜注衞地后汉志封丘有鞠亭即古鞠居也】新筑人仲叔于奚救孙桓子桓子是以免【于奚守新筑大夫】既衞人赏之以邑【赏于奚】辞请曲县繁缨以朝许之【曲县轩县也周礼天子乐宫县四面诸侯轩县阙南方故曲县钟磬之属县于笋簴者繁缨马饰诸侯服】仲尼闻之曰惜也不如多与之邑惟器与名不可以假人【器车服名爵号】君之所司也名以出信【名位不愆为民所信】信以守器【动不失信则车服可保】器以藏礼【车服所以表尊卑】礼以行义【尊卑有礼各得其宜】义以生利【得其宜则利生】利以平民政之大节也若以假人与入政也政亡则国家從之弗可止也已

欲战者卫也故以衛主之衛既使世子臧与晋同伐齐又使四大夫侵齐及与齐师遇石稷欲还良夫不可盖欲逞一笑之忿而败国勦民有不顾也彊臣柄国其君不能主同列不敢争而專行无忌如此故孔達帅师不书至良夫而后书着大夫之无君也其后林父出君据邑以叛其端已兆于此矣

六月癸酉季孙行父臧孙许叔孙侨如公孙婴齐帅师防晋郤克衛孙良夫曹公子首及齐侯战于鞌齐师败绩【首公羊谷梁作手鞌杜注齐地近志云鞌即古之歷下】

【左传】孙桓子还于新筑不入【不入国】遂如晋乞师臧宣叔亦如晋乞师皆主郤献子【孙桓子臧宣叔皆不以国命自诣郤克故不书】晋侯许之七百乘【五万二千五百人】郤子曰此城濮之赋也【城濮之战晋车七百乘】有先君之明与先大夫之肃故防克于先大夫无能为役请八百乘许之【六万人】郤克将中军士燮佐上军【范文子代荀庚】栾书将下军【代赵朔】韩厥为司马以救鲁衛臧宣叔逆晋师且道之季文子帅师防之及衛地韩献子将斩人郤献子驰将救之至则既斩之矣郤子使速以徇告其仆曰吾以分谤也【不欲使韩子独受杀人之谤】师从齐师于莘【莘杜注齐地】六月壬申师至于靡笄之下【靡笄杜注山名徐广曰靡当作歷志曰歷山即左传所谓靡笄之山在今山东济南府南】齐侯使请战曰子以君师辱于敝邑不腆敝赋诘朝请见对曰晋与鲁衛兄弟也来告曰大国朝夕释憾于敝邑之地【大国谓齐敝邑鲁卫自称】寡君不忍使羣臣请于大国无令輿师淹于君地【輿众也淹久也】能进不能退君无所辱命【言自欲战不须齐命】齐侯曰大夫之许寡君之愿也若其不许亦将见也齐高固入晋师桀石以投人【桀担也】禽之而乘其车【既获其人因释已车而载所获者车】系桑本焉以徇齐垒【将至齐垒以桑树系车而走欲自异】曰欲勇者贾余余勇【言已勇有余欲卖之】癸酉师陈于鞌邴夏御齐侯逢丑父为右晋解张御郤克郑丘缓为右齐侯曰余姑翦灭此而后朝食不介马而驰之【介甲也】郤克伤于矢流血及屨未絕鼓音【中军将自执旗鼓故虽伤而击鼓不息】曰余病矣张侯曰【张侯解张】自始合而矢贯余手及肘余折以御左轮朱殷岂敢言病【朱血色血色久则殷赤黑色也言血多污车轮御犹不敢息】吾子忍之缓曰自始合苟有险余必下推车子岂识之然子病矣张侯曰师之耳目在吾旗鼓进退從之此车一人殿之可以集事【殿镇也集成也】若之何其以病败君之大事也擐甲执兵固即死也病未及死吾子勉之左并辔右援枹而鼓马逸不能止师从之【晋师从郤克车】齐师败绩逐之三周华不注【华不注杜注山名在今山东济南府城北】韩厥梦子輿谓已曰且辟左右【子輿韩厥父言勿处车之左右两偏】故中御而從齐侯【将在左居中代御者】邴夏曰射其御者君子也公曰谓之君子而射之非礼也射其左越于车下【越队也】射其右毙于车中綦母张丧车【綦母张晋大夫】从韩厥曰请寓乘【寓寄也】从左右皆肘之使立于后【以左右皆死不欲使立其处故以肘排退之】韩厥俛定其右【俛俯也右被射仆车中故俯安隱之】逢丑父与公易位【见事急故易居公处】将及华泉【华不注山泉水也】驂絙于木而止【驂马絙也】丑父寝于輶中【輶卧车也】蛇出于其下以肱击之伤而匿之故不能推车而及【为韩厥所及】韩厥执綦马前【綦马绊执之示修臣仆之礼】再拜稽首奉觴加璧以进曰寡君使羣臣为鲁衛请曰无令輿师陷入君地下臣不幸属当戎行【属适也】无所逃隱且惧奔辟而忝两君臣辱戎士敢告不敏摄官承乏【此皆韩厥自处臣仆谦敬之饰言】丑父

使公下如华泉取饮【时丑父代为齐侯故诈使公下车欲使走逸】郑周父御佐车【佐车副车】宛蒺为右载齐侯以免韩厥献丑父郤献子将戮之呼曰自今无有代其君任患者有一于此将为戮乎郤子曰人不难以死免其君我戮之不祥赦之以劝事君者乃免之齐侯免求丑父三入三出每出齐师以帅退入于狄卒【齐师既败皆有退心故齐侯轻出其众以帅厉退者狄卒狄人从晋讨齐者】狄卒皆抽戈楯冒之以入于卫师卫师免之【狄卫尚畏齐强故不敢害】遂自徐关入【今淄川县有古徐关】齐侯见保者曰勉之齐师败矣辟女子【使辟君也齐侯单还故妇人不辟之】女子曰君免乎曰免矣曰锐司徒免乎曰免矣【锐司徒主锐兵者】曰苟君与吾父免矣可若何乃奔齐侯以为有礼既而问之辟司徒之妻也【辟司徒主垒壁者】予之石窀【石窀杜注邑名济北卢县东有地名石窀今属山东长清县】晋师从齐师入自丘舆击马陔【丘舆马陔杜注皆齐邑在今山东益都县界】齐侯使嬖媚人赂以纪甗玉磬与地【媚人国佐也甗玉甗皆灭纪所得】不可则听客之所为宾媚人致赂晋人不可曰必以萧同叔子为质【同叔萧君之字齐侯外祖子女也难斥言其母故远言之】而使齐之封内尽东其亩【垄亩南北东西各徙其宜欲使尽东者为晋之伐齐循垄东行为易也】对曰萧同叔子非他寡君之母也若以匹敌则亦晋君之母也吾子布大命于诸侯而曰必质其母以为信其若王命何且是以不孝令也诗曰孝子不匮永锡尔类【诗大雅言孝心不乏者又能以孝道长赐其同类】若以不孝令于诸侯其无乃非德类也乎【不以孝德赐同类】先王疆理天下物土之宜而布其利【疆界也理正也物土之宜播植之物各从土宜】故诗曰我疆我理南东其畝【诗小雅或南或东从其土宜】今吾子疆理诸侯而曰尽东其亩而已唯吾子戎车是利无顾土宜其无乃非先王之命也乎反先王则不义何以为盟主其晋实有阙四王之王也【禹汤文武】树德而济同欲焉五伯之霸也【夏伯昆吾商伯大彭豷韦周伯齐桓晋文】勤而抚之以役王命【役事也】今吾子求合诸侯以逞无疆之欲诗曰布政优优百禄是遒【诗商颂优和遒聚也】子实不优而弃百禄诸侯何害焉不然寡君之命使臣则有辞矣曰子以君师辱于敝邑不腆敝赋以犒从者【战而曰犒为孙辞】畏君之震师徒桡败吾子惠徼齐国之福不泯其社稷使继旧好唯是先君之敝器土地不敢爱子又不许请收合余烬【烬火余木】背城借一敝邑之幸亦云从也况其不幸敢不唯命是听鲁卫諫曰【諫郤克】齐疾我矣其死亡者皆亲昵也子若不许讎我必甚唯子则又何求子得其国寔【谓甗磬】我亦得地【齐归所侵】而纾于难其荣多矣齐晋亦唯天所授岂必晋晋人许之对曰羣臣帅赋舆以为鲁卫请【赋舆犹兵车】若苟有以借口而复于寡君君之惠也敢不唯命是听禽郑自师逆公【禽郑鲁大夫归逆公防晋师】

【公羊传】曹无大夫【小国例无大夫】公子手何以书忧内也【从鲁为文忧鲁之不胜而曹能助之故不掩其功】

【谷梁传】其日或曰日其战也或曰日其悉也【悉谓鲁四大夫时悉在战也明二者皆当日】曹无大夫其曰公子何也以吾之四大夫在焉举其贵者也【不欲令内众大夫与外卑者共行战】

成公防弱国势未张季孙一怒遂扫境兴师虽无人乎其君之侧而不恤也将称元帅略其副策书之体也而四卿竝书盖季孙自喜其事诸大夫各诔其功故旧史竝着之小国之大夫不

以名见而曹公子首书亦以是也春秋有仍旧史之文以见情实寓精义者此类是也

秋七月齐侯使国佐如师己酉及国佐盟于袁娄【谷梁作爰娄张氏洽曰临淄县西有袁娄或曰在淄川境】

【左传】秋七月晋师及齐国佐盟于袁娄使齐人归我汶阳之田

【公羊传】君不使乎大夫此其行使乎大夫何佚获也【佚获者已获而逃亡当贱之使与大夫敌体】其佚获奈何师还齐侯【还绕】晋郤克投防逡巡再拜稽首马前逢丑父者顷公之车右也面目与顷公相似衣服与顷公相似代顷公当左【车君居左臣居右】使顷公取饮顷公操饮而至【顷公欲坚敌意令不疑己】曰革取清者【革更也军中人多水泉浊欲使遽取清者因亡去】顷公用是佚而不反逢丑父曰吾頼社稷之神灵吾君已免矣郤克曰欺三军者其法奈何【顾问执法者】曰法斲【斲斩】于是斲逢丑父己酉及齐国佐盟于袁娄曷为不盟于师而盟于袁娄前此者晋郤克与臧孙许同时而聘于齐萧同叔子者齐君之母也踊于楫而鬬客【踊上也楫蹠板】则客或跛或眇于是使跛者逐跛者使眇者逐眇者二大夫出相与踦间而语移日然后相去齐人皆曰患之起必自此始二大夫归相与率师为鞏之战齐师大败齐侯使国佐如师郤克曰与我纪侯之甗反鲁卫之侵地使耕者东亩【晋地川谷宜东亩者多欲使齐之耕者亦东亩是将以齐为土地与左传说异】且以萧同叔子为质则吾舍子矣国佐曰与我纪侯之甗请诺反鲁卫之侵地请诺使耕者东亩是则土齐也萧同叔子者齐君之母也齐君之母犹晋君之母也不可请战壹战不胜请再再战不胜请三三战不胜则齐国尽子之有也何必以萧同叔子为质揖而去之郤克眇鲁卫之使使其辞而为之请【眇以目使人也郤克耻伤其威故使鲁卫大夫以国佐辞为国佐请】然后许之逮于袁娄而与之盟【逮追及国佐也】

【谷梁传】鞏去国五百里爰娄去国五十里【国齐国】一战縣地五百里焚雍门之茨【雍门齐城门茨盖也】侵车东至海君子闻之曰夫甚甚之辞焉【言逼之太甚】齐有以取之也齐之有以取之何也败衛师于新筑侵我北鄙敖郤献子【谓笑其跛】齐有以取之也爰娄在师之外【言师已逼其国】郤克曰反鲁衛之侵地以纪侯之甗来以萧同叔子之母为质【齐侯与叔子同母异父昆弟不欲斥言齐侯之母故言叔子之母也兼忿叔子笑】使耕者皆东其亩然后与子盟国佐曰反鲁衛之侵地以纪侯之甗来则诺以萧同叔子之母为质则是齐侯之母也齐侯之母犹晋君之母也晋君之母犹齐侯之母也使耕者尽东其亩则是终土齐也【利其戎车侵伐易将终以齐为土】不可请一战一战不克请再再不克请三三不克请四四不克请五五不克举国而授于是而与之盟

齐国佐如师与楚屈完同而书法异何也楚服齐桓之义其使屈完如师意在受盟故书来盟前定之辞也齐师既败使国佐纳赂以求成其盟非前定也故书如师晋卿以一笑之辱与诸国连兵以逞忿义本不足以服齐及国佐如师又不能以德礼相属而乱以要之由是国子不可请合余烬背城借一揖而去之郤克使鲁衛之使以其词为之请逮于袁娄而与之盟则汲汲欲盟者晋也故反以晋及之若此类见曲直之防墨矣

【附錄左传】公防晋师于上鄆【上鄆杜注地阨当在今山东阳谷县境】赐三帅先路三命之服【三帅郤克士燮栾书】司马司空舆师候正亚旅皆受一命之服【晋司马司空皆大夫舆师主兵车候正主斥堠亚旅亦大夫】

八月壬午宋公鲍卒

【左传】八月宋文公卒始厚 用蜃炭益车马始用殉【烧蛤为炭以 圻多埋车马用人从 】重器备【重犹多也器备葬器甲兵之属】椁有四阿棺有翰桢【四阿四注椁也翰旁饰桢上饰皆王礼】君子谓华元乐举于是乎不臣臣治烦去惑者也是以伏死而争今二子者君生则纵其惑【谓文十八年杀母弟湏】死又益其侈是弃君于恶也何臣之为

庚寅衛侯速卒【速公羊作遫】

【左传】九月衛穆公卒晋三子自役吊焉哭于大门之外【师还过衛因吊之未复命故不敢成礼】衛人逆之【逆于门外设防位】妇人哭于门内【防位妇人哭于堂寘在门外故移在门内】送亦如之遂常以 【至葬通行此礼】

【附錄左传】楚之讨陈夏氏也【在宣十一年】庄王欲纳夏姬申公巫臣曰不可君召诸侯以讨罪也今纳夏姬贪其色也贪色为 为大罚周书曰【周书康诰】明德慎罚文王所以造周也明德务崇之之谓也慎罚务去之之谓也若兴诸侯以取大罚非慎之也君其圖之王乃止子反欲取之巫臣曰是不祥人也是天子蚩【子蚩郑灵公夏姬之兄杀死无后】杀御叔【御叔夏姬之夫亦早死】弑灵侯【陈灵公】戮夏南【夏姬子徵舒】出孔仪【孔宁仪行父】丧陈国【楚灭陈】何不祥如是人生实难其有不获死乎天下多美妇人何必是子反乃止王以予连尹襄老襄老死于邲【邲战在宣十二年】不获其尸其子黑要烝焉【黑要襄老子】巫臣使道焉曰归吾聘女【道夏姬使归郑】又使自郑召之曰尸可得也【襄老尸】必来逆之姬以告王王问诸屈巫【屈巫巫臣】对曰其信知防之父成公之嬖也而中行伯之季弟也【知防父荀首也中行伯荀林父也邲之战楚人囚知防】新佐中军而善郑皇戌甚爱此子【谓知防】其必因郑而归王子与襄老之尸以求之【王子楚公子谷臣邲之战荀首囚之】郑人惧于邲之役而欲求媚于晋其必许之王遣夏姬归将行谓送者曰不得尸吾不反矣巫臣聘诸郑【聘夏姬】郑伯许之及共王即位将为阳桥之役【阳桥杜注鲁地博县有阳桥在今山东泰安州西北楚伐鲁至阳桥在是年冬】使屈巫聘于齐且告师期巫臣尽室以行申叔跪从其父将适郢【叔跪申叔时之子】遇之曰异哉夫子有三军之惧而又有桑中之喜【桑中衛风 奔之诗】宜将 妻以逃者也及郑使介反币而以夏姬行【介副也币聘物】将奔齐齐师新败曰吾不处不胜之国遂奔晋而因郤至以臣于晋【郤至郤克族子】晋人使为邢大夫【邢杜注晋邑】子反请以重币锢之【禁锢勿令仕】王曰止其自为谋也则过矣其为吾先君谋也则忠忠社稷之固也所盖多矣【盖覆也】且彼若能利国家虽重币晋将可乎若无益于晋晋将弃之何劳锢焉【为七年楚灭巫臣族晋南通吴张本】晋师归范文子后入武子曰【武子士防文子之父】无为吾望尔也乎对曰师有功国人喜以逆之先入必属耳目焉是代帅受名也故不敢武子曰吾知免矣

【谓谦逊可免祸】郤伯见【郤伯郤克】公曰子之力也夫对曰君之训也二三子之力也臣何力之有焉范叔见【范叔范文子】劳之如郤伯对曰庚所命也克之制也燮何力之有焉【荀庚将上军时不出范文子上军佐代行故称帅以讓】栾伯见公亦如之对曰燮之诏也士用命也书何力之有焉【栾书下军帅故推功上军传言晋帅克让所以能胜】

取汶阳田【汶阳汉志鲁国汶乡县顔师古曰即汶阳田今山东泗水县东南有汶阳故城公羊传】汶阳田者何鞶之赂也

取者得非其有之称汶阳之田本鲁田也齐人反我侵地不曰来归而书取者恃大国兵力以得之而不请于天王以正其疆理则取之不以其道与得非其有奚异乎其事与取济西田同故书法不异若 陰謹闡乃齐人以归于我故曰归盖归者其意也取者非其意也

冬楚师郑师侵衛

十有一月公防楚公子婴齐于蜀【楚书公子自婴齐始】

【左传】宣公使求好于楚庄王卒宣公薨不克作好公即位受盟于晋【元年盟赤棘】防晋伐齐卫人不行使于楚【不聘楚】而亦受盟于晋从于伐齐故楚令尹子重为阳桥之役以救齐将起师子重曰君弱【传曰寡人生十年而丧先君共王即位至是二年盖年十二三矣】羣臣不如先大夫师众而后可诗曰济济多士文王以寧【诗大雅】夫文王犹用众况吾侪乎且先君庄王属之曰无德以及遠方莫如惠恤其民而善用之【庄王临终属羣臣之辞】乃大戸【阅民户口】己责【弃逋责】逮鰥【施及老鰥】救乏赦罪悉师王卒尽行彭名御戎蔡景公为左许灵公为右【王卒尽行故王戎车亦行王不在不立戎右使御者居中令二君当左右之位】二君弱皆强冠之冬楚师侵衛遂侵我师于蜀【公赂之而退故不书侵】使臧孙往【臧孙宣叔】辞曰楚遠而久固将退矣无功而受名臣不敢【不敢虚受退楚名】楚侵及阳桥孟孙请往【孟孙孟献子】赂之以执斲执鍼织紵皆百人【执斲匠人执鍼女工织紵织繒布者】公衡为质【公衡成公子】以请盟楚人许平

【谷梁传】楚无大夫其曰公子何也婴齐亢也

侵称师着众也防称婴齐着公防楚大夫义各有所当也不书楚师侵伐何也蜀鲁地楚师至蜀而公遽出迎故不成乎侵伐也以望国诸侯降班毀列与蛮荆之大夫防辱莫大焉故致赂纳质皆略而不书以为不足书也季孙以逞一笑之愤辱国危君至此罪不容于诛矣

丙申公及楚人秦人宋人陈人衛人郑人齐人曹人邾人薛人鄆人盟于蜀

【左传】十一月公及楚公子婴齐蔡侯许男秦右大夫說宋华元陈公孙寧衛孙良夫郑公子去疾及齐国之大夫盟于蜀【齐大夫不书其名非卿也】卿不书匱盟也于是乎畏晋而与楚盟故曰匱盟【言匱乏而盟】蔡侯许男不书乘楚车也谓之失位【乘楚王车为左

右是失位也卿不书则称人诸侯不书皆不见经君臣之别】君子曰位其不可不慎也乎蔡许之君一失其位不得列于诸侯况其下乎诗曰不解于位民之攸墜【诗大雅言在上者勤正其位则国安而民息墜息也】其是之谓矣 楚师及宋公衡逃归臧宣叔曰衡父不忍数年之不宴【宴乐也】以弃鲁国国将若之何谁居后之人必有任是夫【居语辞言后人必有当此患】国弃矣是行也晋辟楚畏其众也君子曰众之不可以已也大夫为政犹以众克况明君而善用其众乎大誓所谓商兆民离周十人同者众也【大誓周书民离则弱合则成众言殷以散亡周以众兴】

【公羊传】此楚公子婴齐也其称人何得一贬焉尔【得一贬者独此一事得具见其恶故贬之尔】

【谷梁传】楚其称人何也于是而后公得其所也【卑楚以尊公】防与盟同月则地防不地盟不同月则地防地盟此其地防地盟何也以公得其所申其事也今之屈向之骄也

楚人序于诸国之上主盟也薄宋之盟书防而此书公及何也薄宋皆楚盟诸侯而公往防之此则楚师压境公汲汲欲与之盟又诸国皆大夫宜用以尊及卑之辞也防书公子婴齐而盟书楚人何也使防书楚人则疑于楚卿贬称人而不见望国之君屈下于楚大夫之辱盟书公子婴齐而列序诸国之卿则疑于诸侯及大夫盟防之常辞而无以见楚大夫主盟公及诸国从楚之非义矣程子所谓防辞隐义时措从宜者此类是也

【附录左传】晋侯使巩朔献齐防于周王弗见使单襄公辞焉曰蛮夷戎狄不式王命【式用也】 涵毁常王命伐之则有献防王亲受而劳之所以惩不敬劝有功也兄弟甥舅侵败王略【兄弟同姓国甥舅异姓国略经略法度】王命伐之告事而已不献其功所以敬亲昵禁 慝也今叔父克遂有功于齐【克能也】而不使命卿镇抚王室所使来抚余一人而巩伯实来未有职司于王室【大国三卿二卿命于天子巩朔上军大夫名位卑不達于王室】又奸先王之礼【谓献齐防】余虽欲于巩伯【欲受其献】其敢废旧典以忝叔父夫齐甥舅之国也【齐世与周昏故曰甥舅】而大师之后也寧不亦 从其欲以怒叔父抑岂不可谏海士庄伯不能对【庄伯巩朔】王使委于三吏【委属也三吏三公】礼之如侯伯克敌使大夫告庆之礼降于卿礼一等王以巩伯宴而私贿之使相告之曰非礼也勿籍【相相礼者籍书也王畏晋故私宴贿以慰巩朔】

日讲春秋解义卷三十一

卷三十二

钦定四库全书

日讲春秋解义卷三十二

成公

三年春王正月公防晋侯宋公衛侯曹伯伐郑【左传】三年春诸侯伐郑次于伯牛讨邲之役也【伯牛杜注郑地邲役在宣十二年】遂东侵郑郑公子偃帅师御之【偃穆公子子游】使东鄙覆诸鄢【覆伏兵】败诸丘舆【鄢丘舆杜注皆郑地晋偏军为郑所败故不书】皇戌如楚献防

阳桥之役郑实导楚故晋欲讨贰而宋鲁衛曹亦惧楚之无厌故虽从楚盟旋复防晋以伐郑焉宋衛未葬而背殡越境以从金革之事且载于策书者不称子而称爵违礼忘亲之恶不可掩矣

辛亥葬衛穆公【穆公羊作繆】

六月乃葬非礼也衛侯时有伐郑之役故缓期而背殡从吉之罪亦因以见矣

二月公至自伐郑

甲子新宫灾三日哭

【公羊传】新宫者何宣公之宫也【三年丧毕神主新入庙故谓新宫】宣宫则曷为谓之新宫不忍言也【亲之精神所依而灾孝子隐痛不忍正言也】其言三日哭何庙灾三日哭礼也新宫灾何以书记灾也

【谷梁传】新宫者称宫也三日哭哀也其哀礼也迫近不敢称諡防也其辞恭且哀以成公为无讥矣

先儒谓不曰宣宫主未入也主未入则遇灾而哭为非礼但古之新庙非毁旧更作也不过易檐改涂而已新主未入则旧主在焉不应以哭为讥若哭为得礼法不宜书姑发所疑以备参考

乙亥葬宋文公

七月而葬僭天子也陷先君于不义臣子之罪也传载宋始厚葬必緣糜费逾度故襄事迟也宋君背殡从戎哀戚之意衰矣而徒为厚葬之虚文何益哉

夏公如晋

【左传】夏公如晋拜汶阳之田

郑公子去疾帅师伐许

【左传】许恃楚而不事郑郑子良伐许

许恃楚而不事郑故郑伐之然已实不明去就之义而专意事楚又何以责许之不共乎许郑之蔽也楚越许而后至郑无许则楚兵一出直履郑郊乃逼之不已徒自毁其藩篱而隳内固之势失谋亦甚矣

公至自晋

古者诸侯继世三年丧毕以土服见于王而受命焉鲁宣公除丧而朝于齐成公除丧而朝于晋以事天子之礼事强邻慢上而辱国亦甚矣

【附录左传】晋人归楚公子谷臣与连尹襄老之尸于楚以求知防于是荀首佐中军矣【荀首知防父】故楚人许之王送知防曰子其怨我乎对曰二国治戎臣不才不胜其任以为俘馘执事不以衅鼓【以血涂鼓曰衅】使归即戮君之惠也臣实不才又谁敢怨王曰然则德我乎对曰二国图其社稷而求纾其民各惩其忿以相宥也两释累囚以成其好二国有好臣不与及其谁敢德王曰子归何以报我对曰臣不任受怨君亦不任受德无怨无德不知所报王曰虽然必告不谷对曰以君之灵累臣得归骨于晋寡君之以为戮死且不朽若从君之惠而免之以赐君之外臣首【称于异国君曰外臣】首其请于寡君而以戮于宗亦死且不朽若不获命而使嗣宗职次及于事而帅偏师以修封疆虽遇执事其弗敢违其竭力致死无有二心以尽臣礼所以报也王曰晋未可与争重为之礼而归之

秋叔孙侨如帅师围棘【棘杜注汶阳田之邑在济北蛇丘县季氏私考曰今当为肥乡县地】

【左传】秋叔孙侨如围棘取汶阳之田棘不服故围之【侨如叔孙得臣子】

【公羊传】棘者何汶阳之不服邑也其言围之何不听也【不听叛也】

棘为汶阳之邑复故邑而民不服盖鲁是时初税亩作丘甲赋役日重棘虽复归故国所以不愿为之民也欤成公不知薄税斂轻力役修德政以来之而命将董师环而攻焉失抚绥之义

矣

大雩

晋郤克衛孙良夫伐麇咎如【麇公羊作将谷梁作墙麇咎如杜注赤狄别种左传】晋郤克衛孙良夫伐麇咎如讨赤狄之余焉麇咎如溃上失民也

麇咎如为赤狄别种先是晋灭潞氏甲氏及畱吁余众散入麇咎如故复兴是役此逐利之师也楚方蹂借中原晋人不修霸业而敝敝焉惟狄之务接与国以伐之其为国可知矣

冬十有一月晋侯使荀庚来聘【晋来聘之始】

衛侯使孙良夫来聘

丙午及荀庚盟丁未及孙良夫盟【聘而遂盟始此】

【左传】冬十一月晋侯使荀庚来聘且寻盟【寻元年赤 盟荀庚林父之子】衛侯使孙良夫来聘且寻盟【寻宣七年盟】公问诸臧宣叔曰中行伯之于晋也其位在三【下卿】孙子之于衛也位为上卿将谁先对曰次国之上卿当大国之中中当其下下当其上大夫【降一等】小国之上卿当大国之下卿中当其上大夫下当其下大夫【降大国二等】上下如是古之制也衛在晋不得为次国晋为盟主其将先之【古制公为大国侯伯为次国子男为小国春秋时以强弱为大小故衛虽侯爵犹为小国计等则衛小国之上卿与晋大国之下卿名位正敌以盟主故先晋】丙午盟晋丁未盟衛礼也

【公羊传】此聘也其言盟何聘而言盟者寻旧盟也【谷梁传】其曰公也【传例盟前定则不日后定则曰此盟公虽在位亦以非前定故曰之】来聘而求盟不言及者以国与之也不言其人亦以国与之也【不言及谓凡书来盟者若文十五年宋华孙来盟宣七年衛孙良夫来盟是也此先聘而后盟故不言来盟总言及而不复着其人亦举国为主之辞】不言求两欲之也诸侯有聘而无盟聘礼也盟非礼也然苟出于君命则书使来盟而不言聘今书使来聘而别言盟则二大夫生事而专盟也鲁不能以礼却之其何能国乎第书及为公讳也

郑伐许

郑专事楚而絕晋复冯弱犯寡一岁之中再伐邻国不亦甚乎直举国名传无其說孔氏颖达以为告辞略故史异文是也

【附錄左传】十二月甲戌晋作六军【为六军僭也】韩厥赵括巩朔韩穿荀雅赵旃皆为卿赏鞏之功也【韩厥为新中军赵括佐之巩朔为新上军韩穿佐之荀雅为新下军赵旃佐之晋旧有三军今增此故为六军】齐侯朝于晋将授玉【执玉为贄】郤克趋进曰此行也

君为妇人之笑辱也寡君未之敢任晋侯享齐侯齐侯视韩厥韩厥曰君知厥也乎齐侯曰服改矣【戎朝异服也言服改明识其人】韩厥登举爵曰臣之不敢爱死为两君之在此堂也苟防之在楚也郑贾人有将寘诸楮中以出【楮絮也】既谋之未行而楚人归之贾人如晋苟防善视之如实出已贾人曰吾无其功敢有其实乎吾小人不可以厚诬君子遂适齐【传言知防之贤】

四年春宋公使华元来聘

【左传】四年春宋华元来聘通嗣君也

宋入春秋未尝聘鲁文十一年公子遂虽往而宋不报也此继晋衞而来聘盖以三年春同防伐郑故以好相结耳而六年冬复有侵宋之师用此见邦交无常惟以强国之意为向背耳

三月壬申郑伯坚卒

伯来朝

【左传】伯来朝归叔姬故也

明年叔姬大归故伯先修朝礼言其故

夏四月甲寅臧孙许卒

公如晋

【左传】夏公如晋晋侯见公不敬季文子曰晋侯必不免诗曰敬之敬之天惟显思命不易哉【诗颂言天道显明受其命甚难不可不敬以奉之】夫晋侯之命在诸侯矣可不敬乎【敬诸侯则得天命】

公以蜀之盟弃晋从楚内有惧焉故比年如晋不知礼愈防身愈卑徒自取屈辱而已

葬郑襄公

秋公至自晋

【左传】秋公至自晋欲求成于楚而叛晋【以晋侯见公不敬故】季文子曰不可晋虽无道未可叛也国大臣睦而还于我诸侯听焉未可以貳史佚之志有之曰【史佚周文王太史】非我族类其心必异楚虽大非吾族也其肯字我乎【字爱也】公乃止

冬城郛

鲁有二郛此西郛即汶阳之一邑既得汶阳故城之以自固虽时亦书重役民也杜氏预以为备晋盖因公之不礼于晋意其然尔

郑伯伐许

【左传】冬十一月郑公孙申帅师疆许田【前年郑伐许侵其田今正其界】许人败诸展陂【展陂杜注许地在今许州西北】郑伯伐许取鉏任泠敦之田【鉏任泠敦俱在今许州境】晋栾书将中军【代郤克】荀首佐之士燮佐上军【荀庚将上军不行故佐独出】以救许伐郑取汜祭【泛祭杜注郑地成皋县东有泛水】楚子反救郑郑伯与许男讼焉【于子反前争曲直】皇戌摄郑伯之辞子反不能决也曰君若辱在寡君寡君与其二三臣共听两君之所欲成其可知也【欲使于楚子前决之】不然侧不足以知二国之成【侧于反名为明年许愬郑于楚张本】

郑伯在丧而书爵以吉礼从金革之事也上三年冬书郑伐许先儒皆以为恶郑之甚然三年夏书郑公子去疾帅师伐许此年又书郑伯伐许不应两年之间事同罪一而或恕之或诛之以是知孔氏颖达谓一据旧史之文义或然也

【附錄左传】晋赵婴通于赵庄姬【赵婴赵盾弟庄姬赵朔妻朔盾之子】

五年春王正月 叔姬来归

【谷梁传】妇人之义嫁曰归反曰来归

叔姬来归出也叔姬之罪无所考见或曰疾或曰无子然必不安于 而来归尔春秋于内女之出与归錄之详者所以重人伦为后世戒也

【附錄左传】五年春原屏放诸齐【放赵婴也原同屏季婴之兄】婴曰我在故栾氏不作我亡吾二昆其忧哉且人各有能有不能【言己虽淫而能令庄姬防赵氏】舍我何害弗听婴梦天使谓已祭余余福女使问诸士贞伯贞伯曰不识也既而告其人曰【贞伯自告其从人】神福仁而祸淫淫而无罚福也祭其得亡乎【以得放遣为福】祭之之明日而亡【为八年晋杀赵同赵括传】

仲孙蔑如宋

【左传】孟献子如宋报华元也【前年宋华元来聘】

蔑与华元交相聘问其情厚矣寻复迫于晋令遽兴侵宋之师谨于邦交者固如是乎

夏叔孙侨如防晋荀首于谷【首公羊作秀谷杜注齐地】

【左传】夏晋荀首如齐逆女故宣伯餽诸谷【野餽曰餽运粮餽之敬大国也】

谷齐地也他国大夫非过吾境而使大夫往防之非礼也自文十一年彭生防郤缺宣十五年蔑防高固自是以后大夫防大夫率以为常盖列国之君皆失其政矣

梁山崩【梁山杜注在冯翊夏阳县北夏阳今陝西韩城县】

【左传】梁山崩晋侯以传召伯宗伯宗辟重曰辟传【重重载之车】重人曰待我不如防之速也【防邪出】问其所曰绛人也问绛事焉曰梁山崩将召伯宗谋之问将若之何曰山有朽壤而崩可若何国主山川【主谓所主祭】故山崩川竭君为之不举降服乘纍【车无文】彻乐出次【舍于郊】祝币【陈玉帛】史辞【自罪责】以礼焉其如此而已虽伯宗若之何伯宗请见之【见之于晋君】不可遂以告而从之【从重人言公羊传】梁山者何河上之山也梁山崩何以书记异也何异尔大也何大尔梁山崩壅河三日不防【防同流】外异不书此何以书为天下记异也

【谷梁传】不日何也高者有崩道也有崩道则何以书也曰梁山崩壅遏河三日不流晋君召伯尊而问焉伯尊来遇辇者辇者不辟使车右下而鞭之辇者曰所以鞭我者其取道远矣【所用鞭我之间行道则可远】伯尊下车而问焉曰子有闻乎对曰梁山崩壅遏河三日不流伯尊曰君为此召我也为之奈何辇者曰天有山天崩之天有河天壅之虽召伯尊如之何伯尊由忠问焉【用忠诚之心问之】辇者曰君亲素缟帅羣臣而哭之既而祠焉斯流矣伯尊至君问之曰梁山崩壅遏河三日不流为之奈何伯尊曰君亲素缟帅羣臣而哭之既而祠焉斯流矣孔子闻之曰伯尊其无绩乎攘善也【绩功也攘盗也】

梁山崩记异也诗曰奕奕梁山盖在韩侯之国韩灭于晋不系之晋者公羊子所谓为天下记异是也古礼遭变异有降服乘纍彻乐出次祝币史辞之文者皆恐惧修省之心所发着也绛人之论于礼文备矣若徒举其文而无实心先之何足以弭灾变乎

【附錄左传】许灵公愬郑伯于楚【前两年郑伐许故】六月郑悼公如楚讼不胜楚人执皇戌及子国【子国郑穆公子】故郑伯归使公子偃请成于晋秋八月郑伯及晋赵同盟于垂棘宋公子围 为质于楚而归【围 文公子】华元享之请

鼓噪以出鼓噪以复入【出入辄击鼓】曰习攻华氏宋公杀之【宣十五年宋楚平后华元使围 代己为质故怨而欲攻华氏】

秋大水

冬十有一月己酉天王崩

【左传】十一月己酉定王崩【子简王立传本在虫牢下盖月顛倒】

十有二月己丑公防晋侯齐侯宋公衛侯郑伯曹伯邾子 伯同盟于虫牢【虫牢杜注郑地陈畱封丘县北有桐牢今桐牢亭在河南封丘县北三里】

【左传】冬同盟于虫牢郑服也诸侯谋复防宋公使向为人辞以子灵之难【子灵围 也宋公不欲防以新诛子灵为辞为明年侵宋传】郑襄公自战邲以后坚于附楚至是始复从晋故书同盟载书以是要言也定王之赴已在诸侯之策晋侯若防闻知而合九国之诸侯以为防盟无王之罪视他盟有加矣

六年春王正月公至自防

五年冬天王崩公与诸侯方为虫牢之盟若能自防奔丧承事庶几可以补过而晏然返国若无闻焉书至自防所以着其不臣之罪也

【附錄左传】六年春郑伯如晋拜成子游相【子游公子偃】授玉于东楹之东【礼授玉两楹之间郑伯行疾故东过】士贞伯曰郑伯其死乎自弃也已视流而行速不安其位宜不能久【视流不端涕东过故言不安其位】

二月辛巳立武宫

【左传】二月季文子以鞶之功立武宫非礼也【鲁人自鞶之功至今无患故筑武军又作先君武公宫以告成事欲以示后世】听于人以救其难不可以立武立武由己非由人也

【公羊传】武宫者何武公之宫也【在春秋前】立者何立者不宜立也立武宫非礼也

【谷梁传】立者不宜立也

二昭二穆与太祖之庙而五诸侯之庙制也鲁以周公为大祖而伯禽为世室二庙不毁昭功德也武公至成公十一世其毁已久而复立之失礼违制故特书曰立立者不宜立也或曰明堂位以鲁公庙为文世室武公庙为武世室不为无据曰苟谓之世室则世世不毁矣奚待成公而始立乎且昭十五年有事于武宫不言世室则知明堂位之文妄也

取鄆【鄆杜注附庸国】

【左传】取鄆言易也

【公羊传】鄆者何邾娄之邑也曷为不系于邾娄讳亟也【方与邾娄同虫牢之盟旋取其邑讳鲁背信亟也】

【谷梁传】 鄆国也

鄆微国也取者取为附庸也公羊传于根牟鄆郛皆曰邾邑然春秋未有取他国之邑而不系国者以僖公之取须句訾娄皆系以邾例之则其說不可通矣胡氏安国谓灭而书取乃为君讳过若项之书灭则僖公在防乃季孙所为故直书不隐以时事考之似非其实其辨已于灭项具之姑存所疑以备参考

衛孙良夫帅师侵宋

【左传】 三月晋伯宗夏阳說衛孙良夫甯相郑人伊維之戎陆浑蛮氏侵宋【夏阳說晋大夫蛮氏杜注戎别种河南新城县东南有蛮城经惟书衛孙良夫者独衛告也】以其辞防也【辞防在前年】师于鍼衛人不保【不守备】说欲袭衛曰虽不可入多俘而归有罪不及死伯宗曰不可衛唯信晋故师在其郊而不设备若袭之是弃信也虽多衛俘而晋无信何以求诸侯乃止师还衛人登陴【闻說谋故】

晋命也往年宋实预虫牢之盟今一辞防而使衛鲁交侵之独不思前此楚人围宋經歷三时国几毙而不能救乎晋景之愠愚诸大夫之很肆所以使诸侯离心而霸业不振者皆由不能自返而责人无己也

【附錄左传】 晋人谋去故絳【晋复命新田为絳故谓此故絳】诸大夫皆曰必居郇瑕氏之地【郇瑕杜注古国名河东解县西北有郇城】沃饶而近鹽【鹽盐也杜注猗氏县盐池是】国利君乐不可失也韩献子将新中军且为仆大夫【兼大仆】公揖而入献子从公立于寢庭【路寢之庭】谓献子曰何如【问诸大夫言是非】对曰不可郇瑕氏土薄水浅其恶易覲易覲则民愁民愁则垫隘【垫隘羸困也】于是乎有沈溺重隄之疾不如新田【新田杜注平阳絳县】土厚水深居之不疾【高燥故】有汾浍以流其恶【杜注汾水出大原经絳北西南入河浍水出平阳絳县南西入汾恶垢秽】且民从教十世之利也夫山泽林鹽国之宝也国饶则民骄佚【财易致则民骄侈】近宝公室乃贫【近宝则民不务本】不可谓乐公說从之夏四月丁丑晋迁于新田【为季孙如晋传】

夏六月邾子来朝

公孙婴齐如晋

【左传】 子叔声伯如晋【声伯婴齐】命伐宋【晋人命】

公比年如晋大夫又继往焉盖与齐为雠不得不倚晋为援是以君臣仆仆霸政之烦苛小国之困敝于此可见矣

壬申郑伯费卒

【左传】六月郑悼公卒【终士贞伯之言】

秋仲孙蔑叔孙侨如帅师侵宋

【左传】秋孟献子叔孙宣伯侵宋晋命也

鲁宋防师同盟聘问相结遽以晋命而加兵于宋非义也兵戎有国之重事邦交人道之大伦听命于人不得已焉将能立乎鲁自战鞌四卿竝书此又二卿竝书盖大夫益张史承其意而不敢略也凡以霸令有事于邻国多书侵岂非本无积怨故无志深入而浅侵其境欤

楚公子婴齐帅师伐郑【楚始书大夫将】

【左传】楚子重伐郑郑从晋故也

冬季孙行父如晋

【左传】冬季文子如晋贺迁也

晋迁新田故行父如晋迁不书择利自徙非不得已则常事耳

晋栾书帅师救郑【救公羊作侵】

【左传】晋栾书救郑与楚师遇于绕角【绕角杜注郑地杜佑通典汝州鲁山县东南有绕角城】楚师还晋师遂侵蔡楚公子申公子成以申息之师救蔡御诸桑隧【桑隧杜注汝南朗陵县东有桑里在上蔡西南】赵同赵括欲战请于武子【武子栾书】武子将许之知庄子范文子韩献子谏曰不可吾来救郑楚师去我吾遂至于此是迁戮也戮而不已又怒楚师战必不克【迁戮不义怒敌难当故不克】虽克不令成师以出而败楚之二县何荣之有焉【六军悉出故曰成师以大胜小不足为荣】若不能败为辱己甚不如还也乃遂还于是军帅之欲战者众或谓栾武子曰圣人与众同欲是以济事子盍从众子为大政将酌于民者也【酌取民心以为政】子之佐十一人【六军之卿佐时栾书将中军荀首佐之荀庚将上军士燮佐之郤锜将下军赵同佐之韩厥将新中军赵括佐之巩朔将新上军韩穿佐之荀骘将新下军赵旃佐之】其不欲战者三人而已【知范韩】欲战者可谓众矣商书曰三人占从二人众故也【商书洪范】武子曰善钧从众夫善众之主也三卿为主可谓众矣从之不亦可乎【传善栾书得从众之义且为八年晋侵蔡传】

楚伐郑丧致悼公过期不葬书栾书之救而伐者之罪自着矣据左氏栾书未战而退师似不成乎救然始遇于绕角而楚师还继遇于桑隧而申息之师亦未能逞则不可谓无功矣

日讲春秋解义卷三十二

卷三十三

钦定四库全书

日讲春秋解义卷三十三

成公

七年春王正月麋鼠食郊牛角改卜牛麋鼠又食其角乃免牛

【谷梁传】不言日急辞也【辞中促急不容日】过有司也郊牛日展觚角而知伤【觚球然角貌】展道尽矣其所以备灾之道不尽也改卜牛麋鼠又食其角又有继之辞也【前已食故曰继】其缓辞也曰亡乎人矣非人之所能也所以免有司之过也乃免牛乃者亡乎人之辞也免牲者为之缁衣纁裳有司端奉送至于南郊免牛亦然免牲不曰不郊免牛亦然

麋鼠齧齕物之微者牛有力之畜何至为所食盖将祭之牲必系于牢而设楅衡以制其角故不能备鼠也始焉食角乃有司疎于防伺既展其伤当知所备而又食焉则非有司之过矣许氏翰曰小

害大下贼上食而又食三桓子孙相继之象也宣公有虞三桓之志至成公始弗戒矣理或然也

吴伐郟【吴始见经】

【左传】七年春吴伐郟郟成季文子曰中国不振旅蛮夷入伐而莫之或恤无吊者也夫【言中国不能相愍恤】诗曰不吊昊天乱靡有定其此之谓乎【诗小雅刺在上者不能吊愍下民故号天告乱】有上不吊其谁不受乱【上谓霸主】吾亡无日矣君子曰知惧如是斯不亡矣

楚始见经以州举继以国举吴始见经即以国举继乃称人继乃称爵皆旧史之文圣人因之以着世变者也吴自寿梦得申公巫臣即为楚患至是伐郟兵连上国始见于春秋晋人第知通吴以制楚不知楚抑而吴兴其患适相等耳

【附錄左传】郑子良相成公以如晋见且拜师【为楚伐郑张本】

夏五月曹伯来朝

【左传】夏曹宣公来朝

曹与鲁为兄弟之国徒以弱小僖文以后屡朝于鲁而鲁始终不闻报聘邦交之非礼概可见矣

不郊犹三望

经书犹三望者三僖三十一年书免牲而系以犹三望不言不郊者免牲则不郊可知矣宣三年书牛死乃不郊而系以犹三望盖帝牛死或扳稷牛而用之必言不郊义乃不漏若此年既书免牛又书不郊因有闲事不可但言犹三望故以不郊起之也

秋楚公子婴齐帅师伐郑

公防晋侯齐侯宋公衛侯曹伯莒子邾子 伯救郑八月戊辰同盟于马陵【马陵杜注衛地阳平元城县东南有地名马陵在今直隶大名府治东南】

【左传】秋楚子重伐郑师于泛【泛杜注郑地在襄城县南】诸侯救郑郑共仲侯羽军楚师【二子郑大夫】囚郕公钟仪【钟仪楚郕县大夫】献诸晋八月同盟于马陵寻虫牢之盟且莒服故也【虫牢盟在五年莒本属齐齐服故莒从之】晋人以钟仪归囚诸军府【军藏府也为九年晋侯见钟仪张本】

楚人频年伐郑横暴凭陵之罪不待贬而见矣晋前此救郑以大夫帅师今则国君亲将合九国之君以扬军声故郑恃此以不屈于楚盟蜀之后晋霸所以复延頼有此耳故晋景之时书同盟者五盖诸侯同惧楚氛之恶欲倚晋以自固而载书以是要言耳

公至自防

诸侯防而楚师退故不以救郑至

吴入州来【州来杜注楚邑淮南下蔡县今江南壽州北有蔡国城】

【左传】楚围宋之役【在宣十四年】师还子重请取于申吕以为赏田王许之申公巫臣曰不可此申吕所以邑也是以为赋以御北方若取之是无申吕也【言申吕頼此田成邑不得此田则无以出兵赋而二邑坏】晋郑必至于汉王乃止子重是以怨巫臣子反欲取夏姬巫臣止之遂取以行子反亦怨之及共王即位子重子反杀巫臣之族子闾子荡及清尹弗忌及襄老之子黑要【以夏姬故竝怨黑要】而分其室子重取子闾之室使沈尹与王子罢分子荡之室子反取黑要与清尹之室巫臣自晋遗二子书曰尔以谗慝贪恡事君而多杀不辜余必使尔罢于奔命以死巫臣请使于吴晋侯许之吴子寿梦説之【壽梦季札父】乃通吴于晋以两之一卒适吴舍偏两之一焉【司马法百人为卒二十五人为两车九乘为小偏十

五乘为大偏正义曰以两之一谓将二十五人也又言卒谓更将百人凡将一百二十五人适吴也舍偏谓舍一偏之车九乘也两之一又舍二十五人也盖畱九乘车及一两二十五人令吴习之】与其射御教吴乘车教之战陈教之叛楚【先是吴尝属楚】寘其子狐庸焉使为行人于吴吴始伐楚伐巢伐徐【巢徐楚属国】子重奔命【救巢徐】马陵之防吴入州来子重自郑奔命【因伐郑而行】子重子反于是乎一岁七奔命蛮夷属于楚者吴尽取之是以始大通吴于上国

州来楚之附庸迤北则鲁迤南而西则楚楚控州来则可以御吴吴得之则可以窥楚晋之通吴亦制楚之善策然不能自彊于政治则楚虽罢敝而吴亦争雄于齐晋矣书吴入州来録其始事也

冬大雩

【谷梁传】雩不月而时非之也冬无雩也

凡雩皆因旱而举谷梁谓冬无雩非也周之十月正夏之八月是时不雨能无雩乎

衛孙林父出奔晋

【左传】衛定公恶孙林父冬孙林父出奔晋【林父良夫之子】衛侯如晋晋反戚焉【戚林父邑林父出奔戚随属晋】

孙氏世执衛政而自结于晋之彊家故见恶于君遂挟地以奔晋为衛患者几四十年鲁之季氏亦然晋君不能谨持操柄听于彊家私庇诸侯之叛臣以致衛献鲁昭穷于无告而不知晋社已阴移于六卿矣履霜坚冰由来者渐岂不信与

八年春晋侯使韩穿来言汶阳之田归之于齐

【左传】八年春晋侯使韩穿来言汶阳之田归之于齐季文子饒之私焉【私与之言】曰大国制义以为盟主是以诸侯怀德畏讨无有贰心谓汶阳之田敝邑之旧也而用师于齐使归诸敝邑今有二命曰归诸齐信以行义义以成命小国所望而怀也信不可知义无所立四方诸侯其谁不解体诗曰女也不爽士贰其行士也罔极二三其德【爽差也极中也诗衛风妇人怨夫不一其行喻鲁事晋犹女之事夫不敢过差而晋有罔极之心反二三其德】七年之中一与一夺二三孰甚焉士之二三犹丧妃耦而况霸主霸主将德是以【以用也】而二三之其何以长有诸侯乎诗曰犹之未远是用大简【犹图也简谏也诗大雅言王者图事不远故用大道谏之】行父惧晋之不远犹而失诸侯也是以敢私言之

【公羊传】来言者何内辞也胁我使我归之也曷为使我归之鞏之战齐师大败齐侯归吊死视疾七年不饮酒不食肉晋侯闻之曰嘻奈何使人之君七年不饮酒不食肉请皆反其所

取侵地

【谷梁传】于齐缓辞也不使尽我也【若曰为之请归不使晋制命于我】鞌之战晋令于齐反鲁侵地故以汶阳归鲁复有二命俾归于齐义不足以宗诸侯矣然曰来言是尚未能必鲁之听从也而鲁侯微弱遂以归齐而不能保其何能国乎

晋栾书帅师侵蔡

【左传】晋栾书侵蔡【六年未得志故】遂侵楚获申骊【申骊楚大夫】楚师之还也【谓六年遇于绕角时】晋侵沈获沈子揖初从知范韩也【知庄子范文子韩献子】君子曰从善如流宜哉【宜有功也】诗曰恺悌君子遐不作人【遐遠也不语助作用也诗大雅言文王能远用善人】求善也夫作人斯有功绩矣是行也郑伯将防晋师门于许东门大获焉【过许见其无备因攻之】

蔡逼于楚故自翟泉以后未尝从诸侯防盟晋之侵蔡报楚之伐郑也大国争衡而小国受其敝可矜孰甚焉

公孙婴齐如莒

【左传】声伯如莒逆也【自为逆妇而书者因聘而逆】

先儒谓行父如陈公孙兹如牟婴齐如莒皆因聘而请昏纳妇春秋止书曰如不许其托公以遂私非也据经所书止聘问之恒词治经者何由知其请昏纳妇而得笔削之义乎盖事本防细不宜登于策书而又无害于义故略之耳

宋公使华元来聘

【左传】宋华元来聘聘共姬也【穆姜之女成公姊妹为宋共公夫人即伯姬也】凡列国相聘必有事焉非专行聘礼也华元之来盖图昏尔

夏宋公使公孙寿来纳币

【左传】夏宋公使公孙寿来纳币礼也【纳币应使卿】

【公羊传】纳币不书此何以书録伯姬也【伯姬守节逮火而死贤故详録其礼】

纳币不书此何以书纳币使卿非礼也春秋于共姬之归宋自纳币致女以及三国来媵备载而无遗虽以表共姬之贤亦以志其过礼其义竝行而不相悖也

晋杀其大夫赵同赵括

【左传】晋赵庄姬为赵婴之亡故谮之于晋侯【赵婴亡在五年】曰原屏将为乱栾郤为征【栾氏郤氏亦征其为乱】六月晋讨赵同赵括武从姬氏畜于公宫【赵武庄姬之子庄姬晋成公女畜养也】以其田与祁奚韩厥言于晋侯曰成季之勲宣孟之忠【成季赵衰宣孟赵盾】而无后为善者其惧矣三代之令王皆数百年保天之禄夫岂无辟王頼前哲以免也【辟邪辟】周书曰不敢侮鰥寡所以明德也【周书康诰言文王不侮鰥寡而德益明欲晋景恤赵孤以法文王】乃立武而反其田焉

不去其官杀无罪也称国以杀君与当国大臣共主之也据左氏庄姬之谮由同括之逐赵婴则杀无罪可知矣庄姬诬同括将为乱而栾郤为征则忌害赵氏而共成是狱可知矣

秋七月天子使召伯来赐公命【赐公羊谷梁作锡锡命止此】

【左传】秋召桓公来赐公命【桓公周卿士即召伯】

【公羊传】其称天子何元年春王正月正也其余皆通矣【天王天子皆可通称】

【谷梁传】礼有受命无来锡命锡命非正也曰天子何也曰见一称也【前此未有言天子者今言天子是更见一称】

成公即位八年而不入见既逾五服一朝之期又未尝有敌忾献功之事何为而来赐命哉天子僭赏而诸侯亦不以为德自是以后锡命亦不见于经矣书天子或旧史从策命之文或传写误也

【附錄左传】晋侯使申公巫臣如吴假道于莒与渠丘公立于池上【渠丘公莒子朱也渠丘杜注邑名莒县有蘧里今属山东青州府】曰城已恶莒子曰辟陋在夷其孰以我为虞【虞度也】对曰夫狡焉思啓封疆以利社稷者何国蔑有唯然故多大国矣唯或思或纵也【思谓思开封疆纵不设备】勇夫重闭况国乎【为明年莒溃传】

冬十月癸卯 叔姬卒

【左传】冬 叔姬卒来归自 故书

叔姬见出于 而来归遂卒于鲁但称叔姬恐其同于未嫁之女故仍以 书书卒者为他日丧归于 也

晋侯使士燮来聘

叔孙侨如防晋士燮齐人邾人伐郯

【左传】晋士燮来聘言伐郯也以其事吴故【七年郯与吴成】公賂之请缓师文子不可【文子士燮】曰君命无贰失信不立礼无加货事无二成【公私不两成】君后诸侯是寡君不得事君也燮将复之季孙惧使宣伯帅师防伐郯

郯之见伐于吴晋不能救及不得已而与吴成又帅诸侯以伐之晋不能制楚而徒欲服郯不能制吴而反以责郯宜其不足以宗诸侯而鲁人既知郯不当伐又屈于彊令而防师焉其不能立亦可知矣

衛人来媵

【左传】衛人来媵共姬礼也凡诸侯嫁女同姓媵之异姓则否【必以同姓者参骨肉至亲所以息阴讼】

【公羊传】媵不书此何以书録伯姬也

【谷梁传】媵浅事也不志此其志何也以伯姬之不得其所故尽其事也【不得其所谓灾死也】

媵伯姬也礼诸侯嫁女于诸侯以侄娣从衛人来媵非失礼也以后此齐晋来媵逾诸侯一娶九女之制故备书以志非礼若以异姓不宜来媵为义则但书齐媵可矣左氏之说非也

九年春王正月 伯来逆叔姬之丧以归

【左传】九年春 桓公来逆叔姬之丧请之也【鲁请于 】 叔姬卒为 故也【死而反葬故卒称 】逆叔姬为我也【既弃而复逆其丧明为鲁故】

【公羊传】 伯曷为来逆叔姬之丧以归内辞也胁而归之也

【谷梁传】传曰夫无逆出妻之丧而为之也【言其不合为而为之故书以见其非】

出妇未反而逆其丧非礼也女嫁未三月而卒尚归葬于女氏之党况出而死于母家乎 伯以叔姬为贤则初不当出以为不贤则卒不当以归二者必居其一矣观其初出不敢直归之鲁先朝而后归焉则惧鲁可知其逆丧以归必鲁人胁之耳内女出而归者三郯伯姬齐子叔姬皆不书卒以无异事法不宜书非谓 叔姬贤于二姬也

公防晋侯齐侯宋公衛侯郑伯曹伯莒子 伯同盟于蒲【蒲杜注衛地在长垣县西南】

【左传】为归汶阳之田故诸侯贰于晋【归田在前年】晋人惧防于蒲以寻马陵之盟【马陵盟在七年】季文子谓范文子曰德则不竞寻盟何为范文子曰勤以抚之寬以待之坚强以御之明神以要之柔服而伐贰德之次也是行也将始防吴吴人不至【为十五年防钟离】

晋人以诸侯皆贰故盟蒲以固结之然诸侯之贰以晋制命不信复命鲁以汶阳之田归之于齐也已则无信而要人以信虑人之异而彊之同安能保其不异哉其书同盟盖诸侯同惧楚而晋复惧诸侯之贰故载书以是要言耳

公至自防

二月伯姬归于宋

【左传】二月伯姬归于宋

前书纳币后书致女及三国来媵则伯姬之归岂得不书非以伯姬之贤而特书其归也范氏甯谓逆者非卿不书以公孙寿纳币观之逆不应使微者诸儒以为宋公亲迎亦无可据姑发所疑俟治经者考焉

【附錄左传】楚人以重赂求郑郑伯防楚公子成于邓【为晋人执郑伯传】

夏季孙行父如宋致女

【左传】夏季文子如宋致女复命公享之赋韩奕之五章【韩奕诗大雅其五章言蹇父嫁女于韩侯为女相所居莫如韩乐以喻鲁侯有蹇父之德宋公如韩侯宋土如韩乐】穆姜出于房再拜曰【穆姜伯姬母闻文子言宋乐喜而出谢其行劳】大夫勤辱不忘先君以及嗣君施及未亡人先君犹有望也敢拜大夫之重勤又赋綠衣之卒章而入【綠衣诗邶风取其我思古人实获我心喻文子言得已意】

【公羊传】未有言致女者此其言致女何錄伯姬也【谷梁传】致者不致者也妇人在家制于父既嫁制于夫如宋致女是以我尽之也【刺已嫁而犹以父制尽之】不正故不与内称也【内称谓称使】逆者微故致女详其事贤伯姬也礼妇人三月庙见而后称妇父母使人聘问以致成妇礼谓之致女伯姬贤鲁国重之故使卿致也

晋人来媵

【左传】晋人来媵礼也

【公羊传】媵不书此何以书錄伯姬也

【谷梁传】媵浅事也不志此其志何也以伯姬之不得其所故尽其事也

亦媵伯姬也伯姬贤闻于四邻故诸国争媵信其无妬忌之行也

秋七月丙子齐侯无野卒

晋人执郑伯

晋栾书帅师伐郑

【左传】秋郑伯如晋晋人讨其贰于楚也执诸铜鞮【铜鞮杜注晋别县在上党】栾书伐郑郑人使伯蠆行成【伯蠆郑行人】晋人杀之非礼也兵交使在其间可也楚子重侵陈以救郑【陈与晋故】

【谷梁传】不言战以郑伯也为尊者讳耻【王师败绩于贸戎是也】为贤者讳过【为齐桓讳灭项是也】为亲者讳疾【栾书以郑伯伐郑不言战是也郑兄弟之国故曰亲君臣交兵病莫大焉故曰疾】

【附錄左传】晋侯观于军府见钟仪问之曰南冠而縶者谁也【南冠楚冠縶拘执】有司对曰郑人所献楚囚也使税之【郑献钟仪在七年税解也】召而吊之再拜稽首问其族对曰泠人也【泠人乐官】公曰能乐乎对曰先父之职官也敢有二事【言不敢学他事】使与之琴操南音【南音楚声】公曰君王何如对曰非小人之所得知也固问之对曰其为大子也师保奉之以朝于婴齐而夕于侧也【婴齐令尹子重侧司马子反言其尊卿敬老】不知其他公语范文子文子曰楚囚君子也言称先职不背本也乐操土风不忘旧也称大子抑无私也【舍其近事而远称少小以示性所自然明至诚】名其二卿尊君也不背本仁也不忘旧信也无私忠也尊君敏也仁以接事信以守之忠以成之敏以行之事虽大必济君盍归之使合晋楚之成公从之重为之礼使归求成【为下十二月晋楚结成张本】

郑虽贪赂从楚犹朝于晋是未告绝于晋也晋不能招携以礼怀远以德而拘其君伐其国戮其行成之使暴矣书人以执非霸讨也杀伯蠆不书既执其君举重而余可略也楚侵陈以救郑不书郑无可救之善不与其救也

冬十有一月葬齐顷公

楚公子婴齐帅师伐莒庚申莒溃

楚人入郢【郢杜注莒别邑任公辅曰东郢也】

【左传】冬十一月楚子重自陈伐莒围渠丘渠丘城恶众溃奔莒戊申【月六日】楚入渠

丘莒人囚楚公子平楚人曰勿杀吾归而俘莒人杀之楚师围莒莒城亦恶庚申【月十八日】莒溃楚遂入郕莒无备故也【终巫臣之言】君子曰恃陋而不备罪之大者也备豫不虞善之大者也莒恃其陋而不修城郭浹辰之间而楚克其三都无备也夫【浹辰十二日也】诗曰虽有丝麻无弃菅蒯虽有姬姜无弃蕉萃凡百君子莫不代匱言备之不可以已也【逸诗也丝麻可为布帛菅蒯草之可用以织者姬姜大国女蕉萃陋贱之人】

【谷梁传】其曰莒虽夷狄犹中国也大夫溃莒而之楚是以知其上为事也【臣以叛君为事明君臣无道】恶之故谨而日之也【溃例月甚之故曰】

守国之道以安民为本凿池筑城必民能效死而后守也莒恃僻陋不修城郭致楚浹辰而克其三都信无备矣然兵至而民逃其上则虽有金城汤池岂足恃哉楚之伐莒以救郑也莒同马陵及蒲之盟晋坐视其危而莫之恤而恶郑之从楚执其君以伐其国何以为盟主乎

秦人白狄伐晋

【左传】秦人白狄伐晋诸侯贰故也

自灭庸以来秦楚交合而同心以谋晋晋方争郑楚人伐莒以挠其东故秦与狄复攻其西使晋力不能支而自屈也

郑人围许

【左传】郑人围许示晋不急君也【此秋晋执郑伯】是则公孙申谋之曰我出师以围许为将改立君者而纾晋使【纾缓也勿亟遣使诣晋示欲更立君】晋必归君【为明年晋侯归郑伯张本】

郑以晋人执其君归咎于许而围之且使晋知执其君为无益而速归之也晋不能制楚庇郑而彊以非义相要诸侯皆贰即郑岂可以力服耶

城中城

【左传】城中城书时也

【谷梁传】城中城者非外民也

中城者郕之内宫之外也鲁惩莒之无备而溃故惧而城之夫诸侯守在四境故楚人城郕谋国者以为忧至城中城则其为儆守也益微矣且设险于城郭之内将独保其戚属乎故谷梁以为外民也

【附錄左传】十二月楚子使公子辰如晋报钟仪之使请修好结成

日讲春秋解义卷三十三

卷三十四

<经部,春秋类,日讲春秋解义

钦定四库全书

日讲春秋解义卷三十四

成公

十年春

【附錄左传】十年春晋侯使彘莜如楚报大宰子商之使也【彘莜晋大夫子商楚公子辰使在前年】

衛侯之弟黑背帅师侵郑

【左传】衛子叔黑背侵郑晋命也

凡受大国之命而加兵于邻国者多书侵盖本无积怨不过侵扰其边境而已黑背称弟义见齐年来聘传

夏四月五卜郊不从乃不郊

【公羊传】其言乃不郊何不免牲故言乃不郊也【谷梁传】夏四月不时也【郊时极于三月】五卜强也乃者亡乎人之辞也

礼记载卜筮之辞旬之外曰遠某日旬之内曰近

某日是每旬而一卜也传称啓蛰而郊则周之三月乃郊之大期五卜者盖三月三卜四月又二卜皆不吉乃止也其渎甚矣

五月公会晋侯齐侯宋公衛侯曹伯伐郑

【左传】郑公子班闻叔申之谋【改立君之谋叔申公孙申】三月子如立公子繻【子如公子班】夏四月郑人杀繻立髡頑【髡頑郑成公太子】子如奔许栾武子曰郑人立君我执一人焉何益不如伐郑而归其君以求成焉晋侯有疾五月晋立太子州蒲以为君而会诸侯伐郑【州蒲厉公生立子为君此父不父子不子经因书晋侯其恶明】郑子罕赂以襄钟

【子罕穆公子襄钟郑襄公之庙钟】子然盟于修泽子驷为质【子然子驷皆穆公子修泽杜注荥阳卷县东有修武亭在今河南原武县北】辛巳郑伯归【郑伯归不书郑不告入】

晋执郑伯久而不释闻郑已立君乃伐而归之以求成不能服郑之心而徒勤民以劳诸侯宜乎霸业之不振也按君在而立君者郑也左氏因晋侯有疾谓经所书晋侯乃太子州蒲误矣春秋辨名分岂有生代父位而以爵书之义乎

齐人来媵

【公羊传】媵不书此何以书录伯姬也三国来媵非礼也曷为皆以录伯姬之辞言之妇人以众多为侈也【侈大也伯姬贤三国争媵故侈大其能容之德也】

非齐人来媵则衞晋之媵宜以为常事而不书以是知春秋于共姬之事录之特详皆志鲁宋及齐之过礼而后人推论则亦有以见其贤声之着耳

丙午晋侯獯卒

【左传】晋侯梦大厉被发及地搏膺而踊曰杀余孙不义【厉鬼赵氏之先祖也八年晋侯杀赵同赵括故怒】余得请于帝矣壞大门及寝门而入公惧入于室又壞戸公觉召桑田巫【桑田杜注晋邑】巫言如梦公曰何如曰不食新矣公疾病求医于秦秦伯使医缓为之【缓医名为犹治也】未至公梦疾为二竖子曰彼良医也惧伤我焉逃之其一曰居肓之上膏之下若我何【肓鬲也心下为膏】医至曰疾不可为也在肓之上膏之下攻之不可【攻熨灸】达之不及【达鍼】药不至焉不可为也公曰良医也厚为之礼而归之六月丙午晋侯欲麦【周六月今四月麦始熟】使甸人献麦【甸人主为公田者】馈人为之召桑田巫示而杀之将食张如厕陷而卒【张腹满也明巫言果验】小臣有晨梦负公以登天及日中负晋侯出诸厕遂以为殉

【附录左传】郑伯讨立君者戊申杀叔申叔禽【叔禽叔申弟】君子曰忠为令德非其人犹不可况不令乎【言叔申为忠不得其人还害身】

秋七月公如晋

【左传】秋公如晋晋人止公使送于是彘未反【是春晋使彘至楚结成晋谓鲁贰于楚故留公須彘还验其卢实】冬 晋景公公送 诸侯莫在鲁人辱之故不书讳之也【讳不书晋 也】

在礼惟天王之丧同轨毕至鲁闻晋之丧而君亲往焉已卑屈而失位矣晋适有疑于鲁而又知其不能自彊遂止之使送 不能以礼为国而足恭以苟悦于人耻辱乃自取耳不书会乃鲁君臣讳耻而不书于册非孔子削之也

冬十月【公羊无此三字】

十有一年春王三月公至自晋

【左传】十一年春王三月公至自晋晋人以公为贰于楚故止公公请受盟而后使归

晋侯使郤犇来聘己丑及郤犇盟【犇公羊作州】

【左传】郤犇来聘且涖盟【郤犇郤克从父兄弟】

【附錄左传】声伯之母不聘【声伯之母叔肸之妻】穆姜曰吾不以妾为嬖【穆姜宣公夫人宣公叔肸同母昆弟昆弟之妻相谓为嬖】生声伯而出之嫁于齐管于奚生二子而寡以归声伯声伯以其外弟为大夫【外弟管于奚之子为鲁大夫】而嫁其外妹于施孝叔【孝叔鲁惠公五世孙】郤犇来聘求妇于声伯声伯夺施氏妇以与之妇人曰鸟兽犹不失俚【俚偶也】子将若何曰吾不能死亡【言不与郤犇妇惧忿而致祸】妇人遂行生二子于郤氏郤氏亡【郤氏亡在十七年】晋人归之施氏施氏逆诸河沈其二子【沈之于河】妇人怒曰己不能庇其伉俪而亡之【伉敌也】又不能字人之孤而杀之将何以终遂誓施氏【誓不为之妇也传言郤犇淫纵所以亡】

夏季孙行父如晋

【左传】夏季文子如晋报聘且涖盟也

左氏称行父如晋报聘且涖盟然据经止出聘之常词似未尝复防盟也公止于晋九月而后归传载公请受盟而未尝言盟公者盖方是时晋稍懦矣欲如阳处父之盟文公恐诸侯 贰故许鲁以成待公既归而后使郤犇盟公也鲁人畏晋而报聘岂敢使行父抗盟晋君亦岂肯与行父盟哉或曰晋使大夫盟行父而鲁人讳之也

【附錄左传】周公楚恶惠襄之偪也【惠王襄王之族】且与伯与争政【伯与周卿士】不胜怒而出及阳樊王使刘子复之盟于鄆而入三日复出奔晋【鄆杜注周邑为明年经书周公出奔传】

秋叔孙侨如如齐

【左传】秋宣伯聘于齐以修前好【鞌以前之好】

鲁齐战鞌以后使命不通者防十年矣今屈辱于晋故使侨如通问以谢战鞌之师捐归汶阳之忿未防复求昏而齐卒无报聘盖鲁为齐弱久矣

冬十月

【附錄左传】晋郤至与周争鄩田【鄩杜注温别邑河内懷县西南有鄩人亭在今河南武陟县】王命刘康公单襄公讼诸晋郤至曰温吾故也故不敢失【言温郤氏旧邑】刘子单子曰昔周克商使诸侯抚封【各抚有其封内之地】苏忿生以温为司寇与檀伯达封于河【檀周邑在今河南河内县】苏氏即狄又不能于狄而奔衛【事在僖十年】襄王劳文公而赐之温【在僖二十五年】狐氏阳氏先处之【狐溱阳处父先食温地】而后及子若治其故则王官之邑也子安得之晋侯使郤至勿敢争【言郤至贪所以亡】宋华元善于令尹子重又善于栾武子闻楚人既许晋彘茂成而使归复命矣【在前年】冬华元如楚遂如晋合晋楚之成【为明年盟宋西门外张本】秦晋为成将会于令狐晋侯先至焉秦伯不肯涉河次于王城使史颢盟晋侯于河东【史颢秦大夫】晋郤犇盟秦伯于河西【就盟王城】范文子曰是盟也何益齐盟所以质信也【齐一心质成也】会所信之始也始之不从其可质乎秦伯归而背晋成【为十三年伐秦传】

十有二年春周公出奔晋

【左传】十二年春王使以周公之难来告【周公奔在前年】书曰周公出奔晋凡自周无出【天子无外故奔者不言出】周公自出故也【周公为王所复而自絶于周故书出以罪之】

【公羊传】周公者何天子之三公也王者无外此其言出何自其私土而出也【私土谓其国】

【谷梁传】周有入无出【有入如昭二十六年天王入于成周是】其曰出上下一见之也【上谓僖二十四年天王出居于郑下谓今周公出奔上下皆一见之】言其上下之道无以存也上虽失之下孰敢有之【上虽有不君之失臣下莫敢效不臣之过】今上下皆失之矣

王臣有罪诛戮放流惟王所命未闻有罪而自奔也王之所弃天下同弃之所至之国宜执以归司寇今王与周公要盟既盟而周公复奔王政不纲周公之傲悖所不待言而晋受逋逃罪亦不可追矣王子瑕王子朝之奔不言出以为逆乱无所容其身与灭国之君在外之臣同义不得言出与周公居位有禄以私忿而自出者异也

夏公会晋侯衛侯于琐泽【琐泽公羊作沙泽杜注地阙】

【左传】宋华元克合晋楚之成【终前年事】夏五月晋士燮会楚公子罢许偃【二子楚大夫】癸亥盟于宋西门之外曰凡晋楚无相加戎好恶同之同恤菑危备救凶患若有害楚则晋伐之在晋楚亦如之交贄往来道路无壅谋其不协而讨不庭有渝此盟明神殛之俾队其师无克胙国郑伯如晋听成【听受也晋楚既成郑往受命】会于琐泽成故也

晋厉初立而求诸侯也陈许宋曹皆已从楚惟鲁衛两属故晋会之左传谓宋华元克合晋楚郑伯如晋听成据经楚郑不至宋亦不与未足信也果晋楚为成所關非细圣人岂反削而不书乎

秋晋人败狄于交刚【交刚杜注地阙】

【左传】狄人闲宋之盟以侵晋而不设备秋晋人败狄于交刚

【谷梁传】中国与夷狄不言战皆曰败之夷狄不曰狄曰狄也九年秦人白狄伐晋此先败狄而后伐秦是知报九年之役也不自彊于政治以攘争霸之楚而区区释憾于羣狄所争益细矣

冬十月

【附錄左传】晋郤至如楚聘且涖盟楚子享之子反相为地室而县焉【县钟鼓也】郤至将登【登堂】金奏作于下【击钟而奏乐】惊而走出子反曰日云莫矣寡君须矣吾子其入也宾曰【宾郤至传凡交让得宾主辞者多曰宾主以明之】君不忘先君之好施及下臣赋之以大礼重之以备乐如天之福两君相见何以代此下臣不敢【言此两君相见之礼】子反曰如天之福两君相见无亦唯是一矢以相加遗焉用乐【言两君战乃相见无用此乐】寡君须矣吾子其入也宾曰若让之以一矢祸之大者其何福之为世之治也诸侯闲于天子之事则相朝也【王事闲缺则修私好】于是乎有享宴之礼享以训共俭【享有体荐设几而不倚爵盈而不饮肴干而不食所以训共俭】宴以示慈惠【宴则折俎相与共食】共俭以行礼而慈惠以布政政以礼成民是以息百官承事朝而不夕【不夕言无事】此公侯之所以扞城其民也【扞蔽也言享宴结好邻国所以蔽扞其民】故诗曰赳赳武夫公侯干城【诗周南兔置篇赳赳武貌干扞也】及其乱也诸侯贪冒侵欲不忌争寻常以尽其民【八尺曰寻倍寻曰常言争尺寸之地以相攻伐】略其武夫以为己腹心股肱爪牙【略取也言世乱则公侯制御武夫以从己志使侵害邻国为搏噬之用无已】故诗曰赳赳武夫公侯腹心【举诗之正以駁乱义诗言治世则武夫能合德公侯外为扞城内制其腹心之欲】天下有道则公侯能为民干城而制其腹心乱则反之今吾子之言乱之道也不可以为法然吾子主也至敢不从遂入卒事归以语范文子文子曰无礼必食言吾死无日矣夫【为十六年鄢陵战张本】冬楚公子罢如晋聘且涖盟【报郤至】十二月晋侯及楚公子罢盟于赤棘【赤棘杜注晋地】

十有三年春晋侯使郤锜来乞师

【左传】十三年春晋侯使郤锜来乞师将事不敬孟献子曰郤氏其亡乎礼身之干也敬身之基也郤子无基且先君之嗣卿也【郤锜郤克子故曰嗣卿】受命以求师将社稷是衛而惰弃君命也不亡何为【为十七年晋杀郤锜传】

【谷梁传】乞重辞也古之人重师故以乞言之也

外乞师不书必盟主也而后书乞卑辞也见晋之无以令与国也齐桓晋文假尊王之义征兵侵伐犹以禁暴讨畔为名故诸侯拱手听命今晋以私怨报秦则其义不足以令诸侯矣故惧其不从而卑辞以乞耳

三月公如京师

【谷梁传】公如京师不月月非如也【时实防晋伐秦过京师也公行出竟有危则月朝京师理无危惧故不月】非如而曰如不叛京师也【因其过朝故正其文使若本自往】

夏五月公自京师遂会晋侯齐侯宋公衛侯郑伯曹伯邾人滕人伐秦

【左传】三月公如京师宣伯欲赐【欲王赐己】请先使王以行人之礼礼焉【不加厚】孟献子从王以为介而重贿之【介辅相威仪者献子相公以礼故王重赐之】公及诸侯朝王遂从刘康公成肃公会晋侯伐秦【刘成二公不书兵不加秦】成子受脤于社不敬【脤宜社之肉也盛以蜃器故曰脤宜出兵祭社之名】刘子曰吾闻之民受天地之中以生所谓命也是以有动作礼义威仪之则以定命也能者养之以福【养威仪以致福】不能者败以取祸是故君子勤礼小人尽力勤礼莫如致敬尽力莫如敦笃敬在养神笃在守业国之大事在祀与戎祀有执爓【爓祭肉】戎有受脤神之大事也【交神之大事】今成子惰弃其命矣【惰则失中和之气】其不反乎【为成肃公卒于瑕张本】夏四月戊午晋侯使吕相绝秦【吕相魏锜子盖口宣已命】曰昔逮我献公及穆公相好【晋献公秦穆公】戮力同心申之以盟誓重之以昏姻【穆公夫人献公之女】天祸晋国文公如齐惠公如秦【辟骊姬也不言狄梁举所恃大国】无禄献公即世穆公不忘旧德俾我惠公用能奉祀于晋【僖十年秦纳惠公】又不能成大勲而为韩之师【僖十五年秦伐晋获惠公】亦悔于厥心用集我文公【集成也纳文公在僖二十四年】是穆之成也文公躬擐甲胄防履山川逾越险阻征东之诸侯虞夏商周之 而朝诸秦则亦既报旧德矣【诸侯朝秦不见于传盖文其词】郑人怒君之疆埸我文公帅诸侯及秦围郑【晋自讨郑貳于楚郑非侵秦也盖以此诬秦事在僖三十年】秦大夫不询于我寡君擅及郑盟【盟者秦伯谦言大夫】诸侯疾之将致命于秦文公恐惧绥静诸侯秦师克还无害则是我有大造于西也无禄文公即世穆为不吊【不见吊伤】蔑死我君寡我襄公【寡弱也】迭我殽地【迭侵突也】奸绝我好伐我保城殄灭我费滑【伐保城诬之费滑杜注滑国都于费即缑氏县今河南偃师县南有缑氏故城秦灭滑在僖三十三年】散离我兄弟【滑晋同姓】挠乱我同盟倾覆我国家我襄公未忘君之旧勲而惧社稷之隳是以有殽之师【在僖三十三年】犹愿赦罪于穆公穆公弗听而即楚谋我天诱其衷成王隳命【秦使鬬克归楚求成事见文十四年文元年楚弑成王】穆公是以不克逞志于我穆襄即世康灵即位康公我之自出【晋甥】又欲阙翦我公室倾覆我社稷帅我螫贼以来荡摇我边疆【此亦文致之辞螫贼食禾稼虫名谓秦纳公子雍】我是以有令狐之役【在文七年】康犹不悛入我河曲伐我涑川【涑川杜注涑水出河东闻喜县西南至蒲坂县入河今山西蒲州东北有涑水城】俘我王官翦我羈马我是以有河曲

之战【在文十二年】东道之不通则是康公絶我好也及君之嗣也我君景公引领西望曰庶抚我乎君亦不惠称盟【不肯称晋望而共盟】利吾有狄难【谓晋灭潞氏时】入我河县焚我箕郛【箕郛晋二邑】芟夷我农功防刘我边陲【防刘皆杀也】我是以有辅氏之聚【聚众也在宣十五年】君亦悔祸之延而欲徼福于先君献穆使伯车来命我景公曰【伯车秦桓公子】吾与女同好弃恶复修旧德以追念前勲言誓未就景公即世我寡君是以有令狐之会【令狐会在十一年】君又不祥背弃盟誓白狄及君同州君之仇讎而我之昏姻也【季隗庸咎如赤狄之女也白狄伐而获之纳诸文公】君来赐命曰吾与女伐狄寡君不敢顾昏姻畏君之威而受命于吏君有二心于狄曰晋将伐女狄应且憎是用告我【言狄虽应答秦而心实憎秦无信】楚人恶君之二三其德也亦来告我曰秦背令狐之盟而来求盟于我昭告昊天上帝秦三公楚三王【三公穆康共三王成穆庄】曰余虽与晋出入余唯利是视不谷恶其无成德是用宣之以惩不壹诸侯备闻此言斯是用痛心疾首昵就寡人寡人帅以听命唯好是求君若惠顾诸侯矜哀寡人而赐之盟则寡人之愿也其承宁诸侯以退【承君之意以宁静诸侯】岂敢徼乱君若不施大惠寡人不佞其不能以诸侯退矣敢尽布之执事俾执事实图利之秦桓公既与晋厉公为令狐之盟而又召狄与楚欲道以伐晋诸侯是以睦于晋【晋辞多诬故传惟据此事以正秦罪】晋栾书将中军荀庚佐之【代荀首】士燮将上军【代荀庚】郤锜佐之【代士燮】韩厥将下军【代郤锜】荀防佐之【代赵同】赵旃将新军【代韩厥】郤至佐之【代赵括】郤穀御戎栾鍼为右【郤穀郤至弟栾鍼乐书子】孟献子曰晋师乘和师必有大功【帅军师乘车士】五月丁亥晋师以诸侯之师及秦师战于麻隧秦师败绩获秦成差及不更女父【麻隧杜注秦地在今陕西泾阳县西南成差女父皆秦大夫不更秦爵战败绩不书盖经文阙漏】曹宣公卒于师师遂济泾及侯丽而还【泾杜注泾水出安定东南汉志出开头山在今陕西平凉府西南侯丽杜注秦地在今陕西泾阳县境】迓晋侯于新楚【迓迎也既战晋侯止新楚故师还过迎之新楚杜注秦地在今陕西朝邑县境】成肃公卒于瑕【终刘子之言】

【公羊传】其言自京师何【据僖公二十八年诸侯遂围许不言自王所】公凿行也【凿犹更造之意】公凿行奈何不敢过天子也【时本欲直伐秦涂过京师不敢过天子而不朝故成其意使若故朝然后更行也】

【谷梁传】言受命不敢叛周也【使若既朝王而王命使伐秦叛周谓専征伐】僖公两朝于王所俱书朝此不书朝而书如京师仅同于如齐如晋之文者因会伐而行故不成其朝然书自京师而以伐秦为遂事又以明朝王为重而存人臣之礼也其辞若志敬而实以志不敬此程子所谓或抑或纵或予或夺微辞隐义时措而从宜者与

【附錄左传】六月丁卯夜郑公子班自訾求入于大宫不能杀子印子羽【訾杜注郑地十年班出奔许今欲还为乱子印子羽皆穆公子】反军于市己巳子驷帅国人盟于大宫【子驷穆公子】遂从而尽焚之杀子如子駟孙叔孙知【子如公子班子駟班弟孙叔子如子孙知子駟子】

曹伯庐卒于师【庐左氏作卢】

【左传】曹人使公子负刍守使公子欣时逆曹伯之丧【二子皆曹宣公庶子】秋负刍杀其大子而自立也【宣公大子】诸侯乃请讨之晋人以其役之劳请俟他年

【谷梁传】传曰闵之也公大夫在师曰师在会曰会

秋七月公至自伐秦

不以京师至而以伐秦至明其意本不在于朝王也

冬 曹宣公

【左传】冬 曹宣公既 子臧将亡【子臧公子欣时】国人皆将从之【不义负刍故】成公乃惧【成公负刍】告罪且请焉【请留子臧】乃反而致其邑【还邑于成公为十五年执曹伯传】

【谷梁传】 时正也

十有四年春王正月莒子朱卒

夏衛孙林父自晋归于衛

【左传】十四年春衛侯如晋晋侯强见孙林父焉【林父以七年奔晋强见欲归之】定公不可夏衛侯既归晋侯使郤犇送孙林父而见之衛侯欲辞定姜曰【定姜定公夫人】不可是先君宗卿之嗣也【同姓之卿】大国又以为请不许将亡虽恶之不犹愈于亡乎君其忍之安民而宥宗卿不亦可乎衛侯见而复之【复林父位】衛侯飧苦成叔【成叔郤犇】甯惠子相【惠子甯殖】苦成叔傲甯子曰苦成家其亡乎古之为享食也以观威仪省祸福也故诗曰兕觥其觶防酒思柔【诗小雅言君子好礼饮酒皆思柔德虽设兕觥觶然不用以兕觥为觶所以罚不敬觶陈设之貌】彼交匪傲万福来求【彼之交于事而不惰傲乃万福之所求】今夫子傲取祸之道也【为十七年郤氏亡传】

晋受衛国逋逃罪戾之臣又彊归之林父之罪着矣晋厉之恶显矣衛定不能辞以大义而受之其不能君又可知矣

秋叔孙侨如如齐逆女

【左传】秋宣伯如齐逆女称族尊君命也

郑公子喜帅师伐许

【左传】八月郑子罕伐许败焉【子罕公子喜为许所败】戊戌郑伯复伐许庚子入其郛许人平以叔申之封【四年郑公孙申疆许田许人败之不能定其封疆今许以是所封田求和于郑】

郑逼许楚困郑以国大小兵力彊弱更相吞噬人理亡矣越明年许迁于叶辟郑以依楚以晋不足恃也而襄三年晋荀防伐许犹以从楚为讨何其不自反与

九月侨如以夫人妇姜氏至自齐

【左传】九月侨如以夫人妇姜氏至自齐舍族尊夫人也【舍族谓不称叔孙】故君子曰春秋之称微而显【辞微而义显】志而晦【志记也晦亦微也谓约言以记事事叙而文微】婉而成章【婉曲也谓曲屈其辞有所辟讳以示大顺而成篇章】尽而不污【谓直言其事尽其事实无所污曲】惩恶而劝善【善名必书恶名不灭所以为惩劝】非圣人谁能修之

【谷梁传】大夫不以夫人以夫人非正也刺不亲迎也侨如之挈由上致之也

称妇有姑也氏或曰衍先儒皆谓诸侯当亲迎程子独辨其非以为亲迎者迎于所馆未有委宗庙社稷而逺适他国以逆妇者胡氏安国主谷梁讥不亲迎亦谓或迎于国或迎于境上夫既曰迎于境上则未入境之先安得不以大夫逆乎以是知程子之說不可易也

冬十月庚寅衛侯臧卒

【左传】衛侯有疾使孔成子甯惠子立敬嬖之子衎以为太子【成子孔达之孙敬嬖定公妾衎献公】冬十月衛定公卒夫人姜氏既哭而息见太子之不哀也不内酌饮叹曰是夫也将不唯衛国之败其必始于未亡人【夫贱之之称定姜言献公行无礼必从已始下言暴妾使余是也】呜呼天祸衛国也夫吾不获鱄也使主社稷【鱄衎之母弟】大夫闻之无不耸惧孙文子自是不敢舍其重器于衛【孙文子林父】尽寘诸戚【戚孙氏邑】而甚善晋大夫【备乱起欲以为援为襄十四年卫侯出】

秦伯卒

日讲春秋解义卷三十四

卷三十五

钦定四库全书

日讲春秋解义卷三十五

成公

十有五年春王二月葬卫定公

三月乙巳仲婴齐卒

【公羊传】仲婴齐者何【疑仲遂后故问之】公孙婴齐也公孙婴齐则曷为谓之仲婴齐为兄后也为兄后则曷为谓之仲婴齐【据本公孙】为人后者为之子也【更为公孙之子故不得复氏公孙】为人后者为其子则其称仲何孙以王父字为氏也然则婴齐孰后后归父也归父使于晋而未反【宣公十八年自晋至怪奔齐】何以后之【据已絶也】叔仲惠伯傅子赤者也【叔仲叔彭生氏惠諡也】文公死子幼公子遂谓叔仲惠伯曰君幼如之何愿与子虑之叔仲惠伯曰吾子相之老夫抱之何幼君之有公子遂知其不可与谋退而杀叔仲惠伯弑子赤而立宣公宣公死成公幼臧宣叔者相也【臧孙许宣諡】君死不哭聚诸大夫而问焉曰昔者叔仲

惠伯之事孰为之诸大夫皆杂然曰仲氏也其然乎于是遣归父之家然后哭君归父使乎晋还自晋至怪闻君薨家遣墯帷哭君成踊反命于介自是走之齐鲁人徐伤归父之无后也于是使婴齐后之也【谷梁传】此公孙也其曰仲何也【此盖仲遂之子据实公孙】子由父疏之也【父有弑君之罪故不得言公子父不言公子则子不得称公孙是见疏之罪由父故】婴齐仲遂之子归父之弟仲遂生而赐氏故书曰仲婴齐也或以不称公孙为疑是时鲁有两婴齐一为叔肸之子一即仲婴齐皆公孙也竝见于经如俱称公孙则此卒者知为何婴齐耶公羊谓以弟后兄谬矣季孙因归父欲去三桓而逐之寧有复为立后之理果悯归父何难反其子而立之而必以弟为之后乎

癸丑公防晋侯卫侯郑伯曹伯宋世子成齐国佐邾人同盟于戚

十三年曹伯卒于师负刍杀太子自立晋不能请于天王率诸侯以举九伐之典既逾三年乃假他事以防与之盟而后执之俾曹人他日得以为口实晋政可谓无章矣宋公卒以六月必有疾而使世子出防也

晋侯执曹伯归于京师【公羊作归之于】

【左传】十五年春防于戚讨曹成公也【讨其杀太子而自立事在十三年】执而归诸京师书曰晋侯执曹伯不及其民也【恶不及民】凡君不道于其民诸侯讨而执之则曰某人执某侯【称人示众所欲执】不然则否【谓身犯不义者】诸侯将见子臧于王而立之子臧辞曰前志有之曰圣達节【圣人应天不拘常礼】次守节【谓贤者】下失节【愚者妄动】为君非吾节也虽不能圣敢失守乎遂逃奔宋

【谷梁传】以晋侯而斥执曹伯恶晋侯也【僖二十八年晋人执卫侯归之于京师此伯讨之文也今以侯执伯明执之不以其罪】不言之急辞也断在晋侯也【明晋之私】

二百四十二年诸侯相执多矣惟此称晋侯以执当其罪又不敢自治而归于京师使即天刑得侯伯讨罪之义也或疑负刍之杀太子经无明文设有之何以不书然以书法考之凡执皆称人安得谓称爵者非霸讨乎疑负刍之逆节赴告未及鲁史无文圣人覈知其实而特文以见义也

公至自防

夏六月宋公固卒

【左传】夏六月宋共公卒【为下宋乱起】

楚子伐郑

【左传】楚将北师【侵郑卫】子囊曰【子囊莊王子公子贞】新与晋盟而背之【晋楚盟在十二年】无乃不可乎子反曰敌利则进何盟之有申叔时老矣在申闻之曰子反必不免信以守礼礼以庇身信礼之亡欲免得乎楚子侵郑及 隧【 隧路史曰 辛公采地盖周圻内之邑而是时为郑所有也】遂侵卫及首止郑子罕侵楚取新石【新石杜注楚邑当在今河南叶县境】栾武子欲报楚韩献子曰无庸使重其罪民将叛之【背盟数战罪也】无民孰战【为明年晋败楚于鄢陵】

楚伐郑许故也郑昔尝伐许而楚不问以郑方即楚耳今改从晋故楚人恶之而以公子喜之伐许为兵端也

秋八月庚辰葬宋共公

【谷梁传】月卒日葬非葬者也【卒当书日葬无甚危则当録月今反常违例以共公失德不宜书葬故日葬以表之】此其言葬何也以其葬共姬不可不葬共公也葬共姬则其不可不葬共公何也夫人之义不逾君也为贤者崇也【贤崇伯姬故书共公葬】

宋华元出奔晋宋华元自晋归于宋宋杀其大夫山宋鱼石出奔楚

【左传】秋八月葬宋共公于是华元为右师鱼石为左师荡泽为司马【荡泽公孙壽之孙】华喜为司徒【华喜华父督之孙】公孙师为司城【公孙师庄公孙】向为人为大司寇鳞朱为少司寇【鳞朱鳞矐孙】向为大宰鱼府为少宰荡泽弱公室杀公子肥【轻公室以为弱故杀其枝党肥文公子】华元曰我为右师君臣之训师所司也今公室卑而不能正吾罪大矣不能治官敢赖宠乎乃出奔晋二华戴族也【华元华喜】司城庄族也六官者皆桓族也【鱼石荡泽向为人鳞朱向鱼府】鱼石将止华元鱼府曰右师反必讨是无桓氏也【恐华元还讨荡泽并及六族】鱼石曰右师苟获反虽许之讨必不敢【言畏桓族强】且多大功国人与之不反惧桓氏之无祀于宋也右师讨犹有戍在【向戍桓公曾孙言其贤华元必不讨】桓氏虽亡必偏【偏不尽】鱼石自止华元于河上请讨许之乃反使华喜公孙师帅国人攻荡氏杀子山【喜师非桓族故使攻之子山荡泽】书曰宋杀其大夫山言背其族也【荡氏宋公族还害公室故去族以示其罪】鱼石向为人鳞朱向鱼府出舍于睢上【睢杜注水名五大夫畏同族罪及将出奔】华元使止之不可冬十月华元自止之不可乃反鱼府曰今不从不得入矣右师视速而言疾有异志焉若不我纳今将驰矣登丘而望之则驰骋而从之【五子亦驰逐之】则决睢滢【滢水涯】闭门登陴矣左师二司寇二宰遂出奔楚【四大夫不书独鱼石告为十八年鱼石复入彭城传】华元使向戍为左师老佐为司马【老佐戴公五世孙】乐裔为司寇以靖国人

宋荡氏戕刘公室华元为右师力不能讨而奔晋控于方伯也晋许之讨故桓氏惧而反元使元懷禄顾宠难于去国则义不足以服国人几坐视而莫知所措矣鱼石许元讨山而身复奔楚盖与山同罪恐终不免也君子虽违不适讎国宋为楚人所必争而鱼石托焉他日卒介恃楚力以入彭城则实有乱心不独与山族近可知矣山不氏宋人既正其罪而告不以氏也

【附錄左传】晋三郤害伯宗潛而杀之及栾弗忌【栾弗忌晋贤大夫】伯州犂奔楚【州犂伯宗子】韩献子曰郤氏其不免乎善人天地之纪也而驟絕之不亡何待【为十七年晋杀三郤】初伯宗每朝其妻必戒之曰盜憎主人民惡其上子好直言必及于难【见虽妇人之言不可废】

冬十有一月叔孙侨如防晋士燮齐高无咎宋华元卫孙林父郑公子防邾人防吳于钟离【此防吳之始亦晋以诸侯之大夫为防之始钟离杜注楚邑淮南县今江南鳳阳县】

【左传】十一月防吳于钟离始通吳也

【公羊传】曷为殊防吳【据楚不殊】外吳也曷为外也春秋内其国而外诸夏内诸夏而外夷狄王者欲一乎天下曷为以外内之辞言之言自近者始也

【谷梁传】防又防外之也

先儒因再书防而有外吳之说然圣人之恶吳不宜过于楚诸侯与楚防何以无异文乎且襄五年防于戚吳人列序则其说不可通矣盖钟离相向皆近吳吳人在是而晋合诸侯以防之

非防又防无以见事情戚卫地晋合诸侯于戚而呉人来防安得用防又防之文哉凡此乃事殊文异义各有当而无庸曲说者也

许迁于叶

【左传】许灵公畏偪于郑请迁于楚辛丑楚公子申迁许于叶

【谷梁传】迁者犹得其国家以往者也其地许复见也避郑也盟主不能安小国而使之防楚以求安着小国之失所也然许逃中国而主楚亦岂善择所从者哉

十有六年春王正月雨木冰

【公羊传】雨木冰者何雨而木冰也何以书记异也【谷梁传】雨而木冰也志异也 曰根枝折

上温故雨而不雪下寒故着木而冰阳上施而下不通阴下施而上不通也

【附錄左传】十六年春楚子自武城使公子成以汝阴之田求成于郑【汝水之南近郑地】郑叛晋子驷从楚子盟于武城【为晋伐郑起】

夏四月辛未滕子卒

【左传】夏四月滕文公卒

郑公子喜帅师侵宋

【左传】郑子罕伐宋宋将鉏乐惧败诸洧陂【乐惧戴公六世孙将鉏乐氏族洧陂杜注宋地】退舍于夫渠【夫渠杜注宋地】不儆【宋师不儆备】郑人覆之败诸洧陵【洧陵杜注宋地今河南寧陵县南有洧陵城】获将鉏乐惧宋恃胜也

郑服于中国五年矣至是附楚而加兵于宋诸侯之兵无寧歲矣

【附錄左传】卫侯伐郑至于鸣雁【鸣雁杜注在陈留雍丘县西北今河南 县北有白雁亭】为晋故也

六月丙寅朔日有食之

晋侯使栾黶来乞师

【左传】晋侯将伐郑范文子曰若逞吾愿诸侯皆叛晋可以逞【时厉公无道三郤骄纵故欲使诸侯叛冀其惧而修德】若唯郑叛晋国之忧可立俟也栾武子曰不可以当吾世而失诸侯必伐郑乃兴师栾书将中军士燮佐之【代荀庚】郤锜将上军【代士燮】荀偃佐之【代郤锜偃荀庚子】韩厥将下军郤至佐新军荀防居守【荀防下军佐时郤犇代赵旃将新军新上下军已罢】郤犇如卫遂如齐皆乞师焉栾黶来乞师孟献子曰有胜矣【卑让有礼故知其将胜】

郑与楚比徵兵讨畔视伐秦为有辞矣然当是时楚势益张晋不能庇诸侯故不惜卑辞以相要结也

甲午晦晋侯及楚子郑伯战于鄢陵楚子郑师败绩【鄢陵杜注郑地属颍川郡按鄢陵本鄢国妘姓为郑武公所灭初仍故名后改为鄢陵】

【左传】戊寅晋师起郑人闻有晋师使告于楚姚句耳与往【句耳郑大夫与往非使也为先归张本】楚子救郑司马将中军【子反】令尹将左【子重】右尹子辛将右【公子壬夫】过申子反入见申叔时曰师其何如对曰德刑详义礼信战之器也德以施惠刑以正邪详以事神义以建利礼以顺时信以守物民生厚而德正【财足则思无邪】用利而事节【动不失利则事得其节】时顺而物成【羣生得所】上下和睦周旋不逆【动顺理】求无不具【下应上】各知其极【无二心】故诗曰立我烝民莫非尔极【诗周颂烝众也极中也言先王立其众民皆得中正】是以神降之福时无灾害民生敦庞【敦厚也庞大也】和同以聽莫不尽力以从上命致死以补其阙此战之所由克也今楚内弃其民【不施惠】而外绝其好【义不建利】瀆齐盟【不详事神】而食话言【信不守物】奸时以动【礼不顺时周四月今二月妨农业】而疲民以逞【刑不正邪而苟快意】民不知信进退罪也人恤所底【人各忧其身不知所底至之处】其谁致死子其勉之吾不复见子矣姚句耳先归子驷问焉对曰其行速过险而不整速则失志【不思虑】不整防列志失列防将何以战楚惧不可用也五月晋师济河闻楚师将至范文子欲反曰我伪逃楚可以纾忧夫合诸侯非吾所能也以遗能者我若羣臣辑睦以事君多矣武子曰不可六月晋楚遇于鄢陵范文子不欲战郤至曰韩之战惠公不振旅【众散败也在僖十五年】箕之役先轸不反命【死于狄也在僖三十三年】邲之师荀伯不复从【败走不复故道在宣十二年】皆晋之耻也子亦见先君之事矣今我辟楚又益耻也文子曰吾先君之亟战也有故秦狄齐楚皆强不尽力子孙将弱今三强服矣【秦狄齐】敌楚而已唯圣人能外内无患自非圣人外寧必有内忧【骄亢则忧患生也】盍释楚以为外惧乎甲午晦楚晨压晋军而陈军吏患之范句趋进【句士燮子】曰塞井夷灶陈于军中而疏行首【疏行首者当陈前决开营垒为战道】晋楚唯天所授何患焉文子执戈逐之曰国之存亡天也童子何知焉栾书曰楚师轻窳固垒而待之三日必退退而击之必获胜焉郤至曰楚有六间不可失也其二卿相恶【子重子反】王卒以旧【罢老不代】郑陈而不整蛮军而不陈陈不违晦【晦月终陰之尽故兵家以为忌】在陈而嚣【嚣喧哗也】合而加嚣【陈合宜静而益有声】各顾其后莫有鬪心旧不必良以犯天忌我必克之楚子登巢车以望晋军【巢车车上为櫓】子重使大宰伯州犂侍于王后【州犂晋伯宗子前年奔楚】王曰骋而左右何也曰召军吏也皆聚于中军矣曰合谋也张

幕矣曰防卜于先君也彻幕矣曰将发命也甚嚣且尘上矣曰将塞井夷灶而为行也皆乘矣左石执兵而下矣曰聽誓也战乎曰未可知也乘而左右皆下矣曰战祷也伯州犂以公卒告王【公晋侯】苗贲皇在晋侯之侧亦以王卒告【贲皇楚鬬椒子宣四年奔晋】皆曰国士在且厚不可当也【晋侯左右皆以伯州犂在楚知晋之情且谓楚师多故憚合战】苗贲皇言于晋侯曰楚之良在其中军王族而已请分良以击其左右而三军萃于王卒必大败之公筮之史曰吉其卦遇复【震下坤上复无变】曰南国防射其元王中厥目【此卜者辞也复阳长之卦阳气起于南行推陰故曰南国防南国防则离受其咎离为诸侯又为目阳气激南飞矢之象故曰射其元王中厥目】国防王伤不败何待公从之【从其言而战】有淖于前乃皆左右相违于淖【淖泥也达辟也】步穀御晋厉公【步穀即郤穀】栾鍼为右彭名御楚共王潘党为右石首御郑成公唐苟为右栾范以其族夹公行【二族强故在公左右】陷于淖栾书将载晋侯鍼曰书退国有大任焉得专之【在君前故子名其父大任谓元帅之职】且侵官冒也【载公为侵官】失官慢也【去将而御失官也】离局奸也【遠其部曲为离局】有三罪焉不可犯也乃掀公以出于淖【掀举也】癸巳潘廔之党与养由基蹲甲而射之彻七札焉【党潘廔之子蹲聚也札层也一发達七札言其能陷坚】以示王曰君有二臣如此何忧于战王怒曰大辱国【贱其不尚知谋】诘朝尔射死艺【言汝以射自多必当以艺死】吕錡梦射月【吕錡魏錡】中之退入于泥占之曰姬姓日也异姓月也【周世姬姓尊异姓卑】必楚王也射而中之退入于泥亦必死矣及战射共王中目王召养由基与之两矢使射吕錡中项伏弢【弢弓衣】以一矢复命【言一发而中】郤至三遇楚子之卒见楚子必下免胄而趋风【疾如风】楚子使工尹襄问之以弓【工尹楚官名襄问遗也】曰方事之殷也有韎韦之附注君子也【殷盛也韎赤色附注戎服若袴而属于跗与袴连】识见不谷而趋无乃伤乎【恐其伤】郤至见客免胄承命曰君之外臣至从寡君之戎事以君之灵间防甲冑不敢拜命【间犹近也礼介者不拜】敢告不寧君命之辱为事之故敢肃使者【以有军事不得答故肃使者肃手至地若今揖】三肃使者而退晋韩厥从郑伯【从逐也】其御杜溷罗曰速从之其御屡顾不在马可及也韩厥曰不可以再辱国君乃止【二年鞏战韩厥已辱齐侯】郤至从郑伯其右蒯翰胡曰谍谿之余从之乘而俘以下【欲遣轻兵单进以距郑伯车前而已自后登车以执之】郤至曰伤国君有刑亦止石首曰卫懿公唯不去其旗是以败于荧【荧战在闵二年】乃内旌于弢中唐苟谓石首曰子在君侧败者壹大【壹大谓军大崩也】我不如子子以君免我请止乃死楚师薄于险【薄迫也】叔山冉谓养由基曰【叔山冉楚人】虽君有命【王有死艺命】为国故子必射乃射再发尽殪叔山冉搏人以投中车折轼晋师乃止【言二子皆有过人之能】囚楚公子茂【为郤至见潜张本】栾鍼见子重之旌请曰楚人谓夫旌子重之麾也彼其子重也日臣之使于楚也子重问晋国之勇臣对曰好以众整曰又何如【又问其余】臣对曰好以暇【暇闻暇】今两国治戎行人不使不可谓整临事而食言【食好整之言】不可谓暇请摄饮焉【摄持也持饮往饮子重】公许之使行人执榼承饮【榼饮器】造于子重曰寡君乏使使鍼御持矛【御侍也】是以不得犒从者使某摄饮子重曰夫子尝与吾言于楚必是故也不亦识乎【知其以往言好暇故致饮】受而饮之免使者而复鼓旦而战见星未已子反命军吏察夷伤补卒乘【补死亡】缮甲兵展车马【展陈也】鸡鸣而食唯命是聽【欲复战】晋人患之苗贲皇徇曰搜乘补卒秣马利兵修陈固列蓐食申祷明日复战乃逸楚囚【逸纵也故欲使楚闻其言】王闻之召子反谋谷阳竖献饮于子反【谷阳子反内竖】子反醉而不能见王曰

天败楚也夫余不可以待乃宵遁晋入楚军三日谷【食楚粟三日】范文子立于戎马之前曰君幼诸臣不佞【佞才也】何以及此君其戒之【戒勿骄】周书曰惟命不于常有德之谓【周书康诰言胜无常命惟德是与公羊传】晦者何冥也何以书记异也败者称师楚何以不称师王夷也【夷伤也】王夷者何伤乎矢也【时为飞矢所中】然则何以不言师败绩末言尔【凡举师败绩为重众今伤君则当以君为重】

【谷梁传】日事遇晦曰晦四体偏断曰败此其败则目也楚不言师君重于师也

书楚子败绩而不言师何也 之战宋公伤股不书宋公败者其师大败北而君伤未甚故举师为重鄢陵则楚师实未大困而君集矢于目故举君为重也若大棘之战华元见获鸡父之败胡沈君灭则备书之皆据事之实以属辞耳

楚杀其大夫公子侧

【左传】楚师还及瑕【瑕杜注楚地水经注肥水迳山桑县城南又东积而为瑕陂山桑县在今江南防城县北】王使谓子反曰先大夫之覆师徒者君不在【谓子玉败城濮时王不在军】子无以为过不谷之罪也子反再拜稽首曰君赐臣死死且不朽臣之卒实奔臣之罪也子重使谓子反曰初陨师徒者而亦闻之矣盍圖之【闻子玉自杀终二卿相恶】对曰虽微先大夫有之大夫命侧侧敢不义【言以义命已不敢不受】侧亡君师敢忘其死王使止之弗及而卒

主兵者将而御将者君将不同心败之道也今子反子重素不相能楚子在军无以御之使敌国谋臣窥其闲而败楚独委咎于侧以杀之则非法矣故称国以杀而不去其官

秋公会晋侯齐侯卫侯宋华元邾人于沙随不见公【沙随杜注宋地梁国寧陵县有沙随亭今沙随城在河南寧陵县西】

【左传】战之日齐国佐高无咎至于师【无咎高固子】衛侯出于衛公出于壞隤【壞隤杜注鲁邑齐衛皆后非独鲁明晋以侨如故不见公】宣伯通于穆姜【穆姜成公母】欲去季孟而取其室【季文子孟献子】将行穆姜送公而使逐二子公以晋难告曰请反而聽命姜怒公子偃公子鉏趋过【二公子公庶弟】指之曰女不可是皆君也公待于壞隤申宫傲备【申勅宫备】设守而后行是以后【后晋楚战期】使孟献子守于公宫秋会于沙随谋伐郑也【郑犹未服】宣伯使告郤犇曰鲁侯待于壞隤以待胜者【观晋楚之胜负】郤犇将新军且为公族大夫以主东诸侯【主齐鲁之属】取货于宣伯而诉公于晋侯晋侯不见公【公羊传】不见公者何公不见见也【不为晋所见】

【谷梁传】不见公者可以见公也可以见公而不见公讥在诸侯也【诸侯无解之者】

春秋之法为尊亲讳沙随之防晋不见公辱莫大焉而直书之何也是时鲁有内难师出后期

伯主所当矜恤不讨侨如而反受其譖怒公不见其曲在晋于鲁何与乎直书不讳示自反而缩则非义相干不足以为辱也

公至自会

【公羊传】公不见见大夫执【执季孙行父】何以致会不耻也曷为不耻公幼也【因公幼杀耻为讳辞】

【附錄左传】曹人请于晋曰自我先君宣公即世【在十三年】国人曰若之何忧犹未弭【弭息世既葬国人皆将从子臧所谓忧未息】而又讨我寡君以亡曹国社稷之镇公子【前年晋侯执曹伯子臧奔宋】是大泯曹也先君无乃有罪乎若有罪则君列诸会矣【诸侯虽有篡弑之罪侯伯已与之防则不复讨前年防于戚曹伯在列盟毕乃执之故曹人以为无罪】君唯不遗德刑以伯诸侯岂独遗诸敝邑敢私布之【为曹伯归】

公防尹子晋侯齐国佐邾人伐郑【王臣防伐始此】

【左传】七月公会尹武公及诸侯伐郑【尹武公王卿士子爵】将行姜又命公如初【姜穆姜复使公逐季孟】公又申守而行诸侯之师次于郑西我师次于督 不敢过郑【督扬杜注郑东地】子叔声伯使叔孙豹请逆于晋师【豹叔孙侨如弟】为食于郑郊师逆以至【声伯戒叔孙以必湏所逆晋师至乃食】声伯四日不食以待之食使者而后食【使者豹之介豹因请逆遂奔齐使其介以晋逆师至】诸侯迁于制田【制田杜注荥阳宛陵县东有制泽今制城在河南新郑县东北】知武子佐下军以诸侯之师侵陈至于鸣鹿【知武子荀防鸣鹿杜注陈国武平县西南有鹿邑今河南鹿邑县西北有古城】遂侵蔡未反【侵陈蔡不书公不与】诸侯迁于颍上戊午郑子罕宵军之宋齐衛皆失军【将主与军相失宋衛不书后也】

桓文之师以尊王恤邻为号义既足以动人而力又足以摄之故未尝请命于王晋霸既衰诸侯 貳故假王命且援王臣以泄之据左氏伐秦之役刘子成子实与焉而经不书盖书刘成会伐则似因朝而受命于王无以着其因伐而朝之慢伐郑不书尹单则霸者征防讨貳之常辞无以见晋霸益衰假王灵以属诸侯而终不能服郑为世变之尤大矣

曹伯归自京师

【左传】曹人复请于晋晋侯谓子臧反吾归而君【以曹人重子臧故】子臧反【自宋还】曹伯归子臧尽致其邑与卿而不出【公羊传】执而归者名曹伯何以不名而不言复归于曹何【据曹伯襄复归于曹】易也【其归易故不复举国与名】其易奈何公子喜时在内也【喜时子臧】公子喜时在内则何以易公子喜时者仁人也内平其国而待之外治诸京师而免之【治讼也】其言自京师何言甚易也舍是无难矣【言惟欲请之于京师舍此之外更无危难】

【谷梁传】不言所归归之善者也出入不名以为不失其国也归为善【谓直言归而不言其国即曹伯归自京师不言于曹是】自某归次之【若蔡季自陈归于蔡卫侯郑自楚复归于卫是】

负刍篡弑恶莫大焉而不名不称复归以其位未绝也不绝其位所以累天王也归自京师言天王之释有罪也或谓当是时周抱空名生杀予夺不能自主故转载曹人一则请于晋再则请于晋而未尝遣一介如周以书法按之非经意也晋既执而归诸京师使王正贼杀其亲之法而加辟焉晋何辞复为负刍解如此则诸侯心慴而王纲可渐举矣春秋深探其本自贵者始故以失刑之责归天王而讥不在晋耳

九月晋人执季孙行父舍之于莒丘【莒公羊作招莒丘杜注晋地左传】宣伯使告郤犇曰鲁之有季孟犹晋之有栾范也政令于是乎成今其谋曰晋政多门【政不由君】不可从也宁事齐楚有亡而已蔑从晋矣若欲得志于鲁请止行父而杀之我毙蔑也而事晋【行父季文子蔑孟献子】蔑有贰矣鲁不贰小国必睦不然归必叛矣九月晋人执季文子于莒丘公还待于郚【郚杜注鲁西邑东郡廩丘县东有郚城今山东郚城县是】使子叔声伯请季孙于晋郤犇曰苟去仲孙蔑而止季孙行父吾与子国亲于公室【亲鲁甚于晋公室】对曰侨如之情子必闻之矣【闻其淫慝情】若去蔑与行父是大弃鲁国而罪寡君也若犹不弃而惠徼周公之福使寡君得事晋君则夫二人者鲁国社稷之臣也若朝亡之鲁必夕亡以鲁之密迹仇雠亡而为雠【仇雠谓齐楚言鲁属齐楚则还为晋雠】治之何及郤犇曰吾为子请邑对曰婴齐鲁之常隶也敢介大国以求厚焉【隶贱官介因也】承寡君之命以请若得所请吾子之赐多矣又何求范文子谓栾武子曰季孙于鲁相二君矣【二君宣成】妾不衣帛马不食粟可不谓忠乎信防慝而弃忠良若诸侯何子叔婴齐奉君命无私谋国家不贰圖其身不忘其君若虚其请是弃善人也子其图之乃许鲁平赦季孙【公羊传】执未有言舍之者此其言舍之何仁之也曰在招丘悌矣【悌悲也仁之者若曰在招丘可悲矣闵录之辞】执未有言仁之者此其言仁之何代公执也其代公执奈何前此者晋人来乞师而不与公防晋侯【防沙随】将执公季孙行父曰此臣之罪也于是执季孙行父成公将防厉公【谓上伐郑言諡者别于沙随】防不当期【不如期】将执公季孙行父曰臣有罪执其君子有罪执其父此聽失之大者也【聽断】今此臣之罪也舍臣之身而执臣之君吾恐聽失之为宗庙羞也于是执季孙行父

【谷梁传】执者不舍而舍公所也【昭二十三年晋人执我行人叔孙婼不言舍今言舍者以公在莒丘故也】执者致而不致公在也【昭二十四年婼至自晋行父不致者与公俱还故也】何其执而辞也【问何以书执而言舍复不言致】犹存公也【皆所以见公在莒丘】存意公亦存也【经未明言公所在第据所属之辞以推其意之所存即可知公在是也】公存也【必欲明公在是者重公故也】

舍寘也如秦获晋侯舍诸灵台而不以入国也或以舍为义非也下书行父盟郤犇则着其释行父矣

冬十月乙亥叔孙侨如出奔齐

【左传】冬十月出叔孙侨如而盟之【诸大夫共盟以侨如为戒】侨如奔齐

十有二月乙丑季孙行父及晋郤犇盟于扈

【左传】十二月季孙及郤犇盟于扈归刺公子偃【偃与鉏俱姜所指独刺偃者偃与谋】召叔孙豹于齐而立之【近此七月声伯使豹请逆于晋闻鲁将讨侨如豹辟其难先奔齐生二子而鲁乃召之故襄二年豹始见经于此因言其终】

公至自防

大夫执而归则致行父不至者公待行父偕归故举公为重也不致伐郑而致防者公之危不在伐而在防故归而以防告也

【附錄左传】齐声孟子通侨如【声孟子齐灵公母宋女】使立于高国之间【位比二卿】侨如曰不可以再罪奔衛亦间于卿【终言侨如之佞】晋侯使郤至献楚捷于周与单襄公语骤称其伐单子语诸大夫曰温季其亡乎【温季郤至】位于七人之下【佐新军位在八】而求擯其上【称已之伐擯上功】怨之所聚乱之本也多怨而阶乱何以在位夏书曰怨岂在明不见是圖【夏书五子之歌不见细微也】将慎其细也今而明之其可乎【言郤至显称已功是明取怨咎为明年晋杀三郤】

乙酉刺公子偃

【谷梁传】大夫曰卒正也先刺后名杀无罪也【僖二十八年公子买戍衛不卒戍刺之是有罪者先列其罪】

晋不见公而盟季孙晋人下比之端兆于此矣季孙之释栾范实私之故其归自晋也恃晋之援肆无忌憚幽君母杀公子成公拱手以聽而鲁政一归于季氏皆晋之权家庇之也

日讲春秋解义卷三十五

卷三十六

<经部,春秋类,日讲春秋解义

钦定四库全书

日讲春秋解义卷三十六

成公

十有七年春卫北宫括帅师侵郑【括公羊作结】

【左传】十七年春王正月郑子驷侵晋虚滑【虚滑杜注晋二邑】卫北宫括救晋侵郑至于高氏【括成公曾孙高氏杜注在阳翟县西南今属河南禹州】

卫郑时无怨隙盖晋命也

夏公防尹子单子晋侯齐侯宋公卫侯曹伯邾人伐郑【左传】夏五月郑大夫髡顽侯犇为质于楚【侯犇郑大夫】楚公子成公子寅戌郑公防尹武公单襄公及诸侯伐郑自戏童至于曲洧【戏童水经注汜水出浮戏之山在今河南汜水县曲洧杜注新汲县治曲洧城临洧水今洧川县属河南】

晋乘鄢陵战胜之后假王臣之重帅诸侯以讨郑至于再三而终不能服郑者盖郑感楚君亲集矢于其目又晋虽幸胜而内政不修楚虽偶败而其

势实盛也

【附录左传】晋范文子反自鄢陵使其祝宗祈死【祝宗主祭祀祈祷者】曰君骄侈而克敌是天益其疾也难将作矣爱我者唯祝我使我速死无及于难范氏之福也六月戊辰士燮卒【言厉公无道故贤臣忧惧而死】

六月乙酉同盟于柯陵【柯陵杜注郑西地】

【左传】乙酉同盟于柯陵寻戚之盟也【戚盟在十五年】

【谷梁传】柯陵之盟谋复伐郑也

不重言诸侯见尹单亦与盟也王臣与诸侯要盟于是始自是习以为常非礼也

秋公至自防

【左传】楚子重救郑师于首止诸侯还【畏楚强】

【谷梁传】不曰至自伐郑者公不周乎伐郑也【周信也言公逼于诸侯为此盟意不欲更伐郑】何以知公之不周乎伐郑以其以防致也何以知其盟复伐郑也以其后防之人尽盟者也【后防谓冬伐郑】不周乎伐郑则何为日也言公之不背柯陵之盟也

不以伐致者楚人救而诸侯还未成乎伐也

齐高无咎出奔莒

【左传】齐庆克通于声孟子与妇人防衣乘輦而入于闾【庆克庆封父防衣为妇人服与妇人相冒闾巷门】鲍牵见之【鲍牵鲍叔牙曾孙】以告国武子武子召庆克而谓之克久不出而告夫人曰国子谪我夫人怒国子相灵公以防【防伐郑】高鲍处守【高无咎鲍牵】及还将至闭门而索客【搜索备奸人】孟子诉之曰高鲍将不纳君而立公子角【角顷公子】国子知之秋七月壬寅刖鲍牵而逐高无咎无咎奔莒高弱以卢叛【弱无咎子卢高氏邑】齐人来召鲍国而立之【国牵之弟文子】初鲍国去鲍氏而来为施孝叔臣【施孝叔鲁大夫】施氏卜宰匡句须吉【宰家臣之长匡句须亦施氏家臣】施氏之宰有百室之邑与匡句须邑使为宰以让鲍国而致邑焉施孝叔曰子实吉对曰能与忠良吉孰大焉鲍国相施氏忠故齐人取以为鲍氏后仲尼曰鲍庄子之知不如葵葵犹能卫其足【庄子鲍牵葵倾叶向日以蔽其根言鲍牵居乱不能危行言孙】

灵公不公其聽奔其世臣以长祸乱无咎身为卿佐亦不能谋国正君遂生疑闲至于见逐盖两讥之

九月辛丑用郊

【公羊传】用者何用者不宜用也九月非所用郊也【周之九月夏之七月非郊时】然则郊曷用郊用正月上辛【正月者歲首上辛尤始新皆取首先之意】或曰用然后郊【用者先有事如鲁人将有事于上帝必先有事于泮宫是也】

【谷梁传】夏之始可以承春以秋之末承春之始盖不可矣【郊春事也夏之始亦不时今言可者欲明秋末之不可故以是为犹可也】九月用郊用者不宜用也宫室不设不可以祭衣服不修不可以祭车马器械不备不可以祭有司一人不备其职不可以祭祭者荐其时也荐其敬也荐其美也【美备也】非享味也

郊之不时未有甚于此者盖成公十年尝五卜郊而不从遂不郊今惧卜而不从故不卜而直用之尔书曰用郊盖前此未有不卜而用事者也刘氏敞谓用人以祭非也邾用鄆子楚用蔡

世子皆快意于讎敌安有杀无罪以祭上帝者且书执书人然后书用则知为用其人若用郊则与用牲用币用田赋用致夫人文义正同安得凿为异說乎

晋侯使荀防来乞师

冬公防单子晋侯宋公卫侯曹伯齐人邾人伐郑【左传】冬诸侯伐郑【前夏未得志故】十月庚午围郑【不书围畏楚救不成围而还】

【谷梁传】言公不背柯陵之盟也

当时楚势甚张且挟郑为援非假王命合诸侯以屡伐之其凭陵列国必更有甚焉先儒专以晋厉为讥议亦未究乎事理之实耳

十有一月公至自伐郑

【左传】楚公子申救郑师于汝上十一月诸侯还

前此二伐非乞师而往则其反也亦不以师行告庙今之伐以乞师而防则其反也不得不以伐告焉故各从其实书之

壬申公孙婴齐卒于貍脤【脤公羊作軫谷梁作蜃貍脤杜注地阙】

【左传】初声伯梦涉洹【洹杜注洹水出汲郡林虑县东北至魏郡长乐县入清水今河南林县西北林虑山即洹水所出也】或与已琼瑰食之泣而为琼瑰盈其怀【琼玉瑰珠也食珠玉含象】從而歌之曰济洹之水赠我以琼瑰归乎归乎琼瑰盈吾怀乎【梦中为此歌】惧不敢占也还自郑【从伐郑还】壬申至于貍脤而占之曰余恐死故不敢占也今众繁而從余三年矣无伤也言之之莫而卒【戒数占梦】

【公羊传】非此月日也曷为以此月日卒之【据下丁巳朔知壬申在十月】待君命然后卒大夫曷为待君命然后卒大夫前此者婴齐走之晋【走出奔】公防晋侯将执公婴齐为公请公许之反为大夫归至于貍軫而卒无君命不敢卒大夫【国人未被君命不敢使從大夫礼】公至曰吾固许之反为大夫然后卒之【十一月公至自伐郑始言其故故引其卒日书于公至之月】

【谷梁传】十一月无壬申壬申乃十月也致公而后录臣子之义也【婴齐实以十月壬申卒而公以十一月还先致公而后录其卒先君后臣之义也】其地未逾竟也

【附录左传】齐侯使崔杼为大夫使庆克佐之帅师围卢【讨高弱】国佐从诸侯围郑以难请而归【请于诸侯】遂如卢师杀庆克以谷叛【恶克淫乱故杀之】齐侯与之盟于徐

闕而复之十二月卢降使国胜告难于晋待命于清【胜国佐子使以高氏难告晋欲讨国佐故留其子于外清杜注阳平乐县是今山东堂邑县东南有清城为明年杀国佐】

十有二月丁巳朔日有食之

邾子貜且卒

晋杀其大夫郤锜郤犇郤至

【左传】晋厉公侈多外嬖【外嬖爱幸大夫】反自鄢陵欲尽去羣大夫而立其左右【终士燮言】胥童以胥克之废也怨郤氏【胥童胥克子宣八年郤缺废胥克】而嬖于厉公郤锜夺夷阳五田五亦嬖于厉公郤犇与长鱼矫争田执而梏之与其父母妻子同一辕【系之车辕】既矫亦嬖于厉公栾书怨郤至以其不从己而败楚师也欲废之【鄢陵战栾书欲固垒郤至言楚有六闲以取胜】使楚公子茂告公【鄢陵战晋囚公子茂以归】曰此战也郤至实召寡君以东师之未至也与军帅之不具也曰此必败吾因奉孙周以事君【孙周晋襄公曾孙悼公】公告栾书书曰其有焉不然岂其死之不恤而受敌使乎【谓鄢陵战时楚子问郤至以弓】君盍尝使诸周而察之郤至聘于周栾书使孙周见之公使覘之信【覘伺也】遂怨郤至厉公田与妇人先杀而饮酒后使大夫杀【公无道先妇人而后卿佐】郤至奉豕【进之于公】寺人孟张夺之郤至射而杀之公曰季子欺余【季子郤至公反以为郤至夺孟张豕】厉公将作难胥童曰必先三郤族大多怨去大族不偪敌多怨有庸公曰然郤氏闻之郤锜欲攻公曰虽死君必危郤至曰人所以立信知勇也信不叛君知不害民勇不作乱失兹三者其谁与我死而多怨将安用之君实有臣而杀之其谓君何我之有罪吾死后矣若杀不辜将失其民欲安得乎待命而已受君之禄是以聚党有党而争命罪孰大焉【传言郤至无反心】壬午胥童夷羊五帅甲八百将攻郤氏长鱼矫请无用众公使清沸魋助之【清沸魋亦嬖人】抽戈结衽而伪讼者【衽裳际】三郤将谋于榭【榭讲武堂】矫以戈杀驹伯苦成叔于其位【驹伯郤锜苦成叔郤犇位所坐处也】温季曰逃威也【凶贼为害故曰威或曰威当为藏】遂趋矫及诸其车以戈杀之皆尸诸朝胥童以甲劫栾书中行偃于朝矫曰不杀二子忧必及君公曰一朝而尸三卿余不忍益也对曰人将忍君【人谓书与偃】臣闻乱在外为奸在内为轨御奸以德御轨以刑【德绥逵刑治近】不施而杀不可谓德臣偃而不讨不可谓刑德刑不立奸轨竝至臣请行遂出奔狄公使辞于二子【辞谢书与偃】曰寡人有讨于郤氏郤氏既伏其辜矣大夫无辱其复职位皆再拜稽首曰君讨有罪而免臣于死君之惠也二臣虽死敢防君德乃皆归公使胥童为卿公游于匠丽氏【匠丽嬖大夫家】栾书中行偃遂执公焉召士匄士匄辞召韩厥韩厥辞曰昔吾畜于赵氏孟姬之谗吾能违兵【违去不与兵乱示不与党言此者明已无所偏助孟姬赵庄姬乱在八年】古人有言曰杀老牛莫之敢尸【尸主也】而况君乎于一子不能事君焉用厥也

【谷梁传】自祸于是起矣【厉公见杀之祸】

郤氏虽擅权结怨然既为大夫则君之股肱也厉公不明征其罪而陰用嬖幸之计一朝而杀

三卿又不能显任忠贤修明国政遂用此以阶祸惜哉

楚人灭舒庸【舒庸杜注东夷国地谱庐州有舒城】

【左传】舒庸人以楚师之败也【败于鄢陵】道吴人围巢伐驾围厘虺【巢驾厘虺杜注楚四邑在今江南庐州府境】遂恃吴而不设备楚公子橐师袭舒庸灭之

楚方摧败而余威犹足蚕食远国如使鄢陵得志则毒被华夏可胜道哉故观舒庸之灭然后知鄢陵之胜讨郑之勤所以挫楚而不复北师者亦晋厉之劳绩也

【附录左传】闰月乙卯晦栾书中行偃杀胥童【以其劫已故】民不与郤氏胥童道君为乱故皆书曰晋杀其大夫【明郤氏夫民胥童道乱宜为国戮传在今年经在明春从告】

十有八年春王正月晋杀其大夫胥童

宋督杀孔父弑殇公先书弑而称及今栾书荀偃杀胥童而弑厉公则以国杀大夫为文而书于弑君之前盖嬖幸之臣导君于昏亡其身以及其君故春秋竝治其罪以为后戒

庚申晋弑其君州蒲

【左传】十八年春王正月庚申晋栾书中行偃使程滑弑厉公【程滑晋大夫】葬之于翼东门之外以车一乘【言不以君礼葬诸侯葬车七乘】使荀防士魴逆周子于京师而立之【周子悼公】生十四年矣大夫逆于清原周子曰孤始愿不及此虽及此岂非天乎抑人之求君使出命也立而不从将安用君二三子用我今日否亦今日共而从君神之所福也【传言其少有才所以能自固】对曰羣臣之愿也敢不唯命是聽庚午盟而入【与诸大夫盟】馆于伯子同氏【晋大夫家】辛巳朝于武宫逐不臣者七人【夷羊五之属】周子有兄而无慧不能辨菽麦故不可立

【谷梁传】称国以弑其君君恶甚矣

栾书使程滑弑厉公与赵盾之事无异而于书则没其名何也时无董狐南史之直书方柄国则赴于诸侯必有所以诿其罪者鲁史既承而书之孔子修经虽知其人无所据以革旧史也故称国以弑俾后人得以考其实焉前书杀三卿继书杀胥童而后厉公见弑则以君臣不睦而生乱可知矣三卿及胥童皆称国以杀则当国大臣实与其事可知矣栾书久执兵柄三专征伐明着于经鄢陵之役其子廩实来乞师四卿既杀栾氏专晋则弑君者非书而谁哉此笔削之义游夏所以不能赞也

齐杀其大夫国佐

【左传】齐为庆氏之难故【前年国佐杀庆克】甲申晦齐侯使士华免以戈杀国佐于内宫之朝【士刑官华免名内宫之朝夫人宫朝羣妾处】师逃于夫人之宫【伏兵宫内恐不胜】书曰齐杀其大夫国佐弃命专杀以谷叛故也【国佐本疾淫乱杀庆克齐以是讨之嫌其罪不及死故传明言其三罪】使清人杀国胜【胜国佐子前年待命于清者】国弱来奔王湫奔莱【弱胜之弟湫国佐党】庆封为大夫庆佐为司寇【封佐皆庆克子】既齐侯反国弱使嗣国氏礼也【佐之罪不及不祀】

庆克作慝浊乱中闺齐灵不能防闲其母又受母谮而戮高国不君甚矣国位不忍一旦之忿诛庆克据卢以抗其君不得谓之非叛然其心则为其君正家法可悯也故以累上书焉

【附录左传】二月乙酉朔晋悼公即位于朝【朝庙五日而即位】始命百官施舍己责【施恩惠舍劳役止逋责】逮鰥寡振废滞【举用旧德】匡乏困救灾患禁淫慝薄赋敛宥罪戾节器用民用民【使民以时】欲无犯时【不纵私欲夺农时】使魏相士魴魏颀赵武为卿【相魏锜子魴士防子颀魏颀子武赵朔子此四人其父祖皆有劳于晋国】荀家荀防栾黶韩无忌为公族大夫【二荀未知所出无忌韩厥子】使训卿之子弟共俭孝弟使士渥浊为太傅使脩范武子之法【渥浊士贞子武子为景公太傅】右行辛为司空使脩士蒍之法【辛将右行因以为氏士蒍献公司空】弁纠御戎校正属焉【弁纠栾纠也校正主马官】使训诸御知义【戎士尚节义也】荀寅为右司士属焉使训勇力之士时使【司士车右之官勇力皆车右也勇力多不顺命故训以共时之使】卿无共御【省卿戎御】立军尉以摄之祁奚为中军尉羊舌职佐之魏绛为司马【绛魏犇子】张老为候奄【候奄中军主斥候之官】铎遏寇为上军尉籍偃为之司马【偃籍谈父为上军司马】使训卒乘亲以听命【相亲以听上命】程郑为乘马御六驂属焉使训羣驂知礼【程郑荀氏别族乘马御乘车之仆也六驂六闲之驂周礼有六闲马乘车尚礼容故训羣驂使知礼】凡六官之长皆民誉也【总举六官则知羣官无非其人】举不失职官不易方【官守其业无相逾易】爵不逾德师不陵正旅不偪师【正军将命卿也师二千五百人之帅旅五百人之帅言上下有礼不相陵偪】民无谤言所以复霸也【此以上通言悼公所行未必皆在即位之年】

公如晋

【左传】公如晋朝嗣君也

夏楚子郑伯伐宋宋鱼石复入于彭城【彭城杜注宋邑彭城县今江南徐州左传】夏六月郑伯侵宋及曹门外【曹门宋城门】遂防楚子伐宋取朝郟楚子辛郑皇辰侵城郟取幽丘同伐彭城【朝郟城郟幽丘杜注皆宋邑朝郟当在今河南夏邑县境城郟幽丘俱在今江南萧县界】纳宋鱼石向为人鳞朱向 鱼府焉【五子以十五年出奔楚独言鱼石以帅告】以三百乘戍之而还书曰复入【恶其依阻大国以兵威还故书复入】凡去其国国逆而立之曰入复其位曰复归诸侯纳之曰归以恶曰复入【此四条所以明内外之援辨顺逆之辞通君臣取国有家之大例】宋人患之西鉏吾曰【西鉏吾宋大夫】何也若楚人与吾同恶以德于我吾固事之也不敢贰矣大国无厌鄙我犹憾【言第恐已事之则以我为鄙邑犹恨

不足此可患耳】不然而收吾憎使贊其政以闲吾衅亦吾患也【谓用鱼石使佐政】今将崇诸侯之奸而披其地【披犹分也】以塞夷庚【夷庚杜注吴晋往来之要道】逞奸而携服【携离也】毒诸侯而惧吴晋吾庸多矣非吾忧也且事晋何为晋必恤之

不书纳不与纳也诸侯世国返国而书复入正也大夫不世官既见絶于君而复入焉则其恶甚矣不言叛者将以乱国非直叛君而已也

公至自晋

晋侯使士匄来聘

【左传】公至自晋晋范宣子来聘【宣子士匄】且拜朝也【拜谢公朝】君子谓晋于是乎有礼

公朝始至而聘使即来悼公之下诸侯肃矣此列国所以睦叛国所以服也

秋 伯来朝

【左传】秋 桓公来朝劳公且问晋故公以晋君语之 伯于是骤朝于晋而请为昏【为平公不彻乐张本】

【附録左传】七月宋老佐华喜围彭城老佐卒焉【言所以不克彭城】

八月邾子来朝

【左传】八月邾宣公来朝即位而来见也

成公季年 邾相继来朝以晋悼公初立首加礼于鲁故二君来修旧好欲因鲁以自通于晋耳故自是晋合诸侯 与二邾无役不从也

筑鹿囿

【左传】筑鹿囿书不时也

【公羊传】何以书讥何讥尔有囿矣又为也

【谷梁传】筑不志此其志何也山林薮泽之利所以与民共也虞之非正也【虞谓筑而防之】

是时大夫擅国威权日去而公自娱于鸟兽草木达时害民非易所谓冥豫者与

己丑公薨于路寝

【左传】己丑公薨于路寝言道也【得君薨之道】

【谷梁传】路寝正也男子不絶妇人之手以齐终也【齐洁齐也】

冬楚人郑人侵宋

【左传】冬十一月楚子重救彭城伐宋宋华元如晋告急韩献子为政【时栾书卒韩厥将中军】曰欲求得人必先勤之成霸安疆自宋始矣晋侯师于台谷以救宋【台谷杜注地阙】遇楚师于靡角之谷楚师还【畏晋强也靡角杜注宋地】

楚郑侵宋救彭城也不书救者不与其救也悼公一出而楚师还与前楚师至而诸侯还规模一变矣齐桓霸始于平宋乱晋文继霸始于释宋围悼公嗣兴又始于彭城之救以宋乃诸侯之望南北之枢纽也

晋侯使士魋来乞师【魋公羊作彭书乞师止此】

【左传】晋士魋来乞师【将救宋】季文子问师数于臧武仲【武仲宣叔子名纆】对曰伐郑之役知伯实来下军之佐也【伐郑在十七年知伯荀防】今彘季亦佐下军【彘季士魋】如伐郑可也事大国无失班爵而加敬焉礼也从之

悼公复兴霸业而乞师以救宋犹遵厉公故事元年而后无复乞师则召兵而已矣

十有二月仲孙蔑防晋侯宋公卫侯邾子齐崔杼同盟于虚朮【虚朮杜注阙或云即宋之虚也】

【左传】十二月孟献子防于虚朮谋救宋也宋人辞诸侯而请师以围彭城【不敢烦诸侯故但请其师为襄元年围彭城传】孟献子请于诸侯而先归防葬

诸侯师至楚郑已退故宋人辞诸侯而请其师以围彭城先为此盟鲁君在防故不与防亦不遣大夫聽命悼公所以怀诸侯也

丁未葬我君成公

【左传】丁未葬我君成公书顺也【薨于路寝五月而葬国家安静世适承嗣故曰顺】

日讲春秋解义卷三十六

卷三十七

钦定四库全书

日讲春秋解义卷三十七

襄公【公名午成公子母定姒諡法因事有功曰襄辟土有德曰襄】

周【简王十四年鲁襄公元年简王崩子灵王立襄二十八年灵王崩子景王立】

郑【成公十三年鲁防公二年成公卒子僖公髡顽立襄七年僖公卒简公嘉立】

齐【灵公十年鲁襄公十九年灵公卒子庄公光立襄二十五年庄公弑弟景公杵臼立】

宋【平公四年】

晋【悼公复霸元年韩厥为政襄七年知防为政襄十一年防于萧鱼服郑防十三年荀偃为政防十五年悼公卒子平公彪立襄十九年士匄为政襄二十五年赵武为政襄二十七年晋楚盟于宋南北分霸始此】

卫【献公五年鲁襄公十四年献公奔齐卫立公孙剽是为殇公襄二十六年殇公弑献复归于卫襄二十九年献公卒子襄公立】

蔡【景公二十年鲁防公三十年景公弑子灵公般立】

曹【成公六年鲁襄公十八年成公卒子武公滕立】

滕【详见成公元年】

陈【成公二十七年鲁襄公四年成公卒子哀公溺立】

【桓公六十五年鲁防公六年桓公卒子孝公伋立防二十三年孝公卒弟文公益姑立】

薛【详见僖公元年】

莒【犁比公五年鲁襄公十六年晋执犁比公襄三十一年犁比公弑子展舆立】

邾【宣公三年鲁襄公十六年晋执宣公襄十七年宣公卒悼公华立襄十九年晋执悼公】

许【灵公十八年鲁襄公二十六年灵公卒于楚悼公买立】

小邾【鲁襄公七年小邾穆公来朝】

楚【共王十九年子重为令尹鲁襄公三年子重伐吴卒子辛为令尹防五年楚杀子辛子囊为令尹襄十三年共王卒子康王昭立襄十五年子庚为令尹襄二十一年子南为令尹二十二年防子冯为令尹襄二十五年子木为令尹襄二十八年康王卒郢敖麇立】

秦【景公五年】

吴【寿梦十四年鲁防公十二年寿梦卒诸樊立一名遏襄二十五年遏门于巢卒余祭立一名载襄二十九年余祭卒夷末立一名余昧】

越【详见隐公元年及昭公元年】

钦定四库全书

日讲春秋解义卷三十七

襄公【名午成公之子母定姒以简王十四年即位谥法因事有功曰襄】

元年春王正月公即位

【谷梁传】继正即位正也

按九年左氏传曰防于沙随之歲寡君以生晋侯曰十二年矣则是年公始四歲而三年遂朝于晋盖霸体日肆小国畏之而越礼以相奉也

仲孙蔑防晋栾黶宋华元卫甯殖曹人莒人邾人滕人薛人围宋彭城

【左传】元年春己亥围宋彭城【下有二月则此己亥为正月正月无己亥日误】非宋地追书也【成十八年楚取彭城以封鱼石故曰非宋地夫子治春秋追书系之宋】于是为宋讨鱼石故称宋且不登叛人也【登成也不与其专邑叛君故使彭城还系宋】谓之宋志【称宋亦以成宋志】彭城降晋晋人以宋五大夫在彭城者归寘诸瓠丘【彭城降不书贱略之瓠丘杜注晋地河东东垣县东南有壶丘亦曰阳壶寰宇记曰古阳壶城南临大河今山西垣曲县东南阳壶城是也五大夫】

【鱼石向为人鳞朱向 鱼府】齐人不防彭城晋人以为讨二月齐太子光为质于晋【光齐灵公太子】

【公羊传】宋华元曷为与诸侯围宋彭城为宋讨也其为宋讨奈何鱼石走之楚楚为之伐宋取彭城以封鱼石鱼石之罪奈何以入是为罪也【說在成十八年】楚已取之矣曷为系之宋不与诸侯专封也

【谷梁传】繫彭城于宋者不与鱼石正也【鱼石人臣而取君之邑邑以系国为正故言系彭城于宋不与鱼石正也】

据传楚已取彭城封鱼石戍之三百乘矣则曷为繫之宋楚不得取之宋鱼石不得受之楚虽专其地君子不登叛人所以正疆域固封守谨王度也齐国夏卫石曼姑围戚不繫之卫此围彭城诸侯之师与宋华元偕其事正同而书宋彭城何也蒯聩卫之世子时君之父也既入于戚则戚固其邑矣何必繫之卫哉彭城为楚所夺而宋之叛臣据之必繫于宋大义始着此春秋之书所以微而显也

夏晋韩厥帅师伐郑【厥公羊作屈】

仲孙蔑防齐崔杼曹人邾人 人次于鄆【鄆公羊作合杜注郑地在陈畱襄邑县东南】

【左传】夏五月晋韩厥荀偃帅诸侯之师伐郑入其郛败其徒兵于洧上【洧上杜注洧水出密县东南至长平入颍长平在今河南西华县】于是东诸侯之师次于鄆以待晋师晋师自郑以鄆之师侵楚焦夷及陈【孟献子自鄆先归不与侵陈楚故不书】晋侯卫侯次于戚以为之援

晋悼公既克彭城禽五大夫于是伐郑以讨其从楚纳鱼石之罪以韩厥自足当郑不欲重勤东诸侯之师故使次于鄆以慑郑心且备楚师之出也 称楚子辛救郑而经不书以郑怀集矢之小德而不能以大义裁之附楚以侵轶同盟獎助乱臣无可救之善耳

秋楚公子壬夫帅师侵宋

【左传】秋楚子辛救郑侵宋吕畱【吕畱杜注二县属彭城郡今俱在徐州境】郑子然侵宋取犬丘【犬丘杜注譙国鄆县东北有犬丘城今河南永城县西北大丘集是也】

九月辛酉天王崩

邾子来朝

【左传】九月邾子来朝【邾宣公】礼也

冬卫侯使公孙剡来聘

晋侯使荀防来聘

【左传】冬卫子叔晋知武子来聘【子叔公孙剽】礼也凡诸侯即位小国朝之大国聘焉以继好结信谋事补阙礼之大者也

三国朝聘左氏皆以为礼杜氏预以为王赴未至谷梁注公羊疏皆主杜氏独胡氏安国主孙氏复説谓赴告已及按经冬下无月日后二月又无事见经诸家之説无所据以辨其孰是也

二年春王正月葬简王

郑师伐宋

【左传】二年春郑师侵宋【书伐从告】楚令也【以彭城故】

书师着其用大众也

【附録左传】齐侯伐莱莱人使正舆子賂夙沙卫以索马牛皆百匹【正舆子莱大夫夙沙卫齐寺人索简择好者】齐师乃还君子是以知齐灵公之为灵也【諡法乱而不损曰灵言諡应其行】

夏五月庚寅夫人姜氏薨

【左传】夏齐姜薨【齐諡也】初穆姜使择美櫨以自为槨与颂琴【櫨梓之属槨棺也颂琴琴名犹言雅琴皆欲以送终】季文子取以葬君子曰非礼也礼无所逆妇养姑者也亏姑以成妇逆莫大焉【穆姜成公母齐姜成公妇】诗曰其惟哲人告之话言顺德之行【诗大雅哲知也话善也言知者行事无不顺】季孙于是为不哲矣且姜氏君之妣也【襄公适母】诗曰为酒为醴烝畀祖妣以洽百礼降福孔偕【诗周颂烝进也畀与也偕徧也言敬事祖妣则鬼神降福季孙葬姜氏不以礼是不敬祖妣】

六月庚辰郑伯睞卒

【左传】郑成公疾子驷请息肩于晋【欲辟楚役以负担喻】公曰楚君以郑故亲集矢于其目【谓鄢陵战晋射楚王目】非异人任寡人也若背之是弃力与言【言盟誓之言】其谁昵我免寡人唯二三子秋七月庚辰【庚辰七月九日经书六月误】郑伯睞卒不书者成公背中国故诸侯不防其也

晋师宋师卫甯殖侵郑

【左传】于是子罕当国【摄君事】子驷为政子国为司马晋师侵郑诸大夫欲从晋子驷

曰官命未改【成公未 嗣君未免防故言未改不欲违先君意】

【谷梁传】其曰卫甯殖如是而称于前事也【初卫侯速卒郑人侵之故举甯殖之报以明称于前事】

晋宋称师将卑师众也卫书甯殖将尊师少也考其事而师将之当兼重见矣上言郑伯斃卒下书三国侵讥伐防也

秋七月仲孙蔑防晋荀防宋华元卫孙林父曹人邾人于戚

【左传】防于戚谋郑故也孟献子曰请城虎牢以偪郑【虎牢杜注旧郑邑后属晋】知武子曰善鄆之防吾子闻崔子之言今不来矣【元年孟献子与齐崔杼次于鄆崔杼有不服晋之言献子以告知武子】滕薛小邾之不至皆齐故也【三国齐之属】寡君之忧不唯郑防将复于寡君而请于齐【以城事白晋君而请齐防之欲以观齐志】得请而告吾子之功也【得请谓齐人应命告诸侯防筑虎牢】若不得请事将在齐吾子之请诸侯之福也岂唯寡君頼之【传言荀防能用善谋】将城虎牢也其未城者齐与滕薛小邾不至也然大夫专防以谋郑政在大夫矣

己丑葬我小君齐姜

【左传】齐侯使诸姜宗妇来送葬【妇人越疆送葬非礼】召莱子【莱姜姓故召之】莱子不防故晏弱城东阳以逼之【为六年灭莱传东阳杜注齐竟上邑今东阳城在山东临朐县东】

【公羊传】齐姜者何齐姜与缪姜则未知其为宣夫人与成夫人与

叔孙豹如宋

【左传】穆叔聘于宋通嗣君也

冬仲孙蔑防晋荀防齐崔杼宋华元卫孙林父曹人邾人滕人薛人小邾人于戚遂城虎牢

【左传】冬复防于戚齐崔武子及滕薛小邾之大夫皆防知武子之言故也【武子言事将在齐齐人惧帅小国而防之】遂城虎牢郑人乃成

【公羊传】虎牢者何郑之邑也其言城之何取之也取之则曷为不言取之为中国讳也曷为为中国讳伐丧也曷为不繫乎郑为中国讳也大夫无遂事此其言遂何归恶乎大夫也

【谷梁传】若言中国焉【中国犹国中也不繫虎牢于郑如国中之邑也】内郑也【郑服

罪故内之】

郑当南北之冲故御楚必先服郑而虎牢乃郑之要塞城虎牢则郑不敢南向楚不得北师而天下蒙其安故不繫于郑示郑不得专也自平王东迁郑武公为卿士王赐之虎牢以东后失其地郑厉公纳惠王王复与之然齐桓之霸説郑申侯而与之虎牢则固未尝以虎牢为中国之轻重也至晋厉悼时则近楚微国吞噬靡遗若陈若蔡若许皆世服焉鄢陵之后三合诸侯连诸国之师而不能服郑楚与郑无歳不加兵于宋及虎牢既城则鸡泽之盟郑不召而自至而陈亦改图北向则是役也成功甚大而义亦无愆此圣人所以不繫之郑与

楚杀其大夫公子申

【左传】楚公子申为右司马多受小国之赂以逼子重子辛楚人杀之故书曰楚杀其大夫公子申【言所以致国讨之文】

三年春楚公子婴齐帅师伐吴【吴楚争疆自此始】

【左传】三年春楚子重伐吴为简之师【简选练】克鸠兹至于衡山【鸠兹杜注吴邑在丹阳芜湖县东今江南芜湖县东有鸠兹港是也衡山杜注在吴兴府乌程县南案乌程去芜湖甚远今江南当涂县东北有横山似为近之】使邓廖帅组甲三百被练三千【组甲漆甲成组文被练练袍】以侵吴吴人要而击之获邓廖其能免者组甲八十被练三百而已子重归既饮至三日吴人伐楚取驾驾良邑也邓廖亦楚之良也君子谓子重于是役也所获不如所亡【当时君子】楚人以是咎子重子重病之遂遇心疾而卒

楚始伐吴以吴与于钟离之防也楚自鄢陵以后势稍挫屈畏晋与诸侯并力谋之而吴乘其后故先有事于吴然国政失御大臣相残既与晋讎又结吴怨适见其谋国之不臧耳

公如晋

【左传】公如晋始朝也

童子侯不朝王盖不可接以成人之礼也岂可反朝同列乎

夏四月壬戌公及晋侯盟于长檣【长檣孔氏颖達曰近城地】

【左传】夏盟于长檣孟献子相公稽首知武子曰天子在而君辱稽首寡君惧矣【稽首事天子之礼】孟献子曰以敝邑介在东表密迩仇讎【仇讎谓齐楚与晋争】寡君将君是望敢不稽首【传言献子能固事盟主】

春秋时诸侯不亲盟于他国文二年公如晋晋人使阳处父盟公三年请改盟犹盟于其国非

礼也今悼公修礼于鲁若不敢使鲁君就已而出盟于外以相就者然此诸侯所以睦于晋也

公至自晋

【附錄左传】晋为郑服故且欲修吴好【郑服在前年】将合诸侯使士匄告于齐曰寡君使匄以歲之不易【不易多难也】不虞之不戒寡君愿与一二兄弟相见以谋不协请君临之使匄乞盟齐侯欲勿许而难为不协乃盟于郕外【郕杜注水名案郕水即时水也平地出泉曰郕】祁奚请老晋侯问嗣焉【嗣续其职者】称解狐其雠也将立之而卒【解狐卒】又问焉对曰午也可【午祁奚子】于是羊舌职死矣晋侯曰孰可以代之对曰赤也可【赤职之子伯华】于是使祁午为中军尉羊舌赤佐之【各代其父】君子谓祁奚于是能举善矣称其雠不为谄立其子不为比举其偏不为党【偏属也】商书曰无偏无党王道荡荡【商书洪范荡荡平正无私】其祁奚之谓矣解狐得举【未得位故曰得举】祁午得位伯华得官建一官而三物成【一官军尉物事也】能举善也夫唯善故能举其类诗云惟其有之是以似之【诗小雅言唯有德之人能举似已者】祁奚有焉

六月公防单子晋侯宋公卫侯郑伯莒子邾子齐世子光己未同盟于鸡泽【鸡泽杜注在广平曲梁县西南后汉志曲梁侯国有鸡泽即春秋同盟处也今曲梁故城在直隶广平府东北】

【左传】六月公防单顷公及诸侯己未同盟于鸡泽晋侯使荀防逆吴子于淮上吴子不至【道遠多难】

【谷梁传】同者有同也同外楚也

是时诸侯同心病楚郑亦因城虎牢而服焉故载书要言同盟书曰于诸侯之下所以别防与盟之异日也他盟但合诸侯行盟礼故书某日防某侯盟于某地此则既行防礼别日又行盟礼故书日以隔之其与首止葵丘再书地异者无大美恶则举其重者而已

陈侯使袁侨如防

【左传】楚子辛为令尹侵欲于小国陈成公使袁侨如防求成【袁侨涛涂四世孙】晋侯使和组父告于诸侯

【公羊传】其言如防何后防也

【谷梁传】如防外乎防也【外乎防者明本非防内也诸侯已防乃至耳】于防受命也

陈自辰陵即楚二十有八年今闻郑伯受盟乃使大夫求成于晋本非召防又后时故书如防

戊寅叔孙豹及诸侯之大夫及陈袁侨盟【诸侯在而大夫自为盟始于此】

【左传】秋叔孙豹及诸侯之大夫及陈袁侨盟陈请服也【公羊传】曷为殊及陈袁侨为其与袁侨盟也【喜得陈故殊之谷梁传】及以及与之也【但言叔孙豹及诸侯之大夫则无以表袁侨之得礼故再言及明独与袁侨不与诸侯之大夫】诸侯以为可与则与之不可与则释之诸侯盟又大夫相与私盟是大夫张也故鸡泽之防诸侯始失正矣大夫执国权曰袁侨异之也【异袁侨之得礼】

虎牢既城郑人来归而陈亦改图郑君先至诸侯既与之盟而后陈袁侨至故使大夫盟之此悼公所以持大体也传谓诸侯盟大夫又相与私盟为大夫张过矣淝梁之防诸侯不盟而大夫盟责大夫之专可也此书诸侯之大夫及陈袁侨盟则大夫奉君命以即事礼安而分明安得谓大夫专而诸侯失其柄乎

【附录左传】晋侯之弟扬干乱行于曲梁【行陈次曲梁晋地】魏绛戮其仆晋侯怒谓羊舌赤曰合诸侯以为荣也扬干为戮何辱如之必杀魏绛无失也对曰绛无贰志事君不辟难有罪不逃刑其将来辞何辱命焉言终魏绛至授仆人书【仆人晋侯御仆】将伏剑士魋张老止之公读其书曰日君乏使使臣斯司马【斯此也】臣闻师众以顺为武【顺莫敢违】军事有死无犯为敬【守官行法虽死不敢有违】君合诸侯臣敢不敬君师不武执事不敬罪莫大焉臣惧其死以及扬干无所逃罪不能致训至于用钺【用钺斩扬干之仆】臣之罪重敢有不从以怒君心【言不敢不从戮】请归死于司寇公跣而出曰寡人之言亲爱也吾子之讨军礼也寡人有弟弗能教训使干大命寡人之过也子无重寡人之过【魏绛死为重过】敢以为请晋侯以魏绛为能以刑佐民矣反役与之礼食使佐新军【羣臣旅防今欲显魏绛故特为设礼食】张老为中军司马【代魏绛】士富为候奄【代张老士富士防别族】楚司马公子何忌侵陈陈叛故也

秋公至自防

冬晋荀防帅师伐许

【左传】许灵公事楚不防于鸡泽冬晋知武子帅师伐许责许不防于鸡泽也许自新城以来困于郑胁于楚不与中国防盟久矣今以陈郑偶服遂侈然求多于许其心偏矣宜不得许且竝陈郑而失之也

四年春王三月己酉陈侯午卒

【左传】四年春楚师为陈叛故犹在繁阳【前年何忌之师侵陈今犹未还繁阳杜注楚地在汝南颍阳县南今河南新蔡县有繁阳亭】韩献子患之言于朝曰文王帅殷之叛国以事纣唯知时也今我易之难哉三月陈成公卒楚人将伐陈闻防乃止陈人不聽命臧武仲闻之曰陈不服于楚必亡大国行礼焉而不服在大犹有咎而况小乎夏楚彭名侵陈陈无礼故也

【为下陈圉顿传】

襄公名午与陈侯同名经不为国讳者周人虽以諡易名因而有讳然考之礼律亦有不尽讳者后世忌讳繁而名实乱矣防书所纪不宜变易故庄公名同而书同盟僖公名申而书戊申定公名宋而书宋公皆临文不讳之法也

夏叔孙豹如晋

【左传】穆叔如晋报知武子之聘也【武子聘在元年】晋侯享之金奏肆夏之三不拜【肆夏乐曲名周礼以钟鼓奏九夏其二曰肆夏三曰韶夏四曰纳夏盖击钟而奏此三夏曲】工歌文王之三又不拜【工乐人也文王之三大雅之首文王大明繇】歌鹿鸣之三三拜【小雅之首鹿鸣四牡皇皇者华】韩献子使行人子员问之曰子以君命辱于敝邑先君之礼借之以乐以辱吾子吾子舍其大而重拜其细敢问何礼也对曰三夏天子所以享元侯也使臣弗敢与闻文王两君相见之乐也臣不敢及【及与也】鹿鸣君所以嘉寡君也敢不拜嘉【歌鹿鸣义取我有嘉賓叔孙奉君命而来以叔孙为嘉賓乃所以嘉鲁君也】四牡君所以劳使臣也敢不重拜【诗言使臣乘四牡駉駉然行不止勤劳也晋以叔孙来聘故以此劳之】皇皇者华君教使臣曰必谂于周【皇皇者华君遣使臣之诗言忠臣奉使能光辉君命如华之皇皇然又当谂于忠信以补不及忠信为周其诗曰周爰谂谏周爰谂谋周爰谂度周爰谂询言必于忠信之人询此四事】臣闻之访问于善为咨【问善道】咨亲为询【问亲戚之义】咨礼为度【问礼宜】咨事为诹【问政事】咨难为谋【问患难】臣获五善敢不重拜

秋七月戊子夫人嬀氏薨【嬀公羊作弋下定嬀同】

【左传】秋定嬀薨不殡于庙无槨不虞【槨亲身棺季孙以定嬀本贱不欲以夫人礼卒之虞祭也】匠庆谓季文子曰【匠庆鲁大夫】子为正卿而小君之防不成不终君也【慢其母是不终事君之道】君长谁受其咎初季孙为已树六槨于蒲圃东门之外【蒲圃 圃名季文子树槨欲自为槨】匠庆请木【为定嬀作槨】季孙曰略【不以道取为略】匠庆用蒲圃之槨季孙不御【御止也传言遂得成礼故经无异文】君子曰志所谓多行无礼必自及也其是之谓乎

孔氏颖达曰二年齐姜薨葬者成公夫人也据传匠庆之言则定嬀襄公生母王氏葆曰定十五年书葬定嬀哀公之母也自襄至哀歷世未遠不应同諡曰定文必有误

葬陈成公

陈即晋鲁防其葬故书

八月辛亥葬我小君定嬀

【公羊传】定弋者何襄公之母也

未逾月而速葬其礼略也盖行父本不欲以夫人之礼葬不得已于人言则略其礼季氏无君之心自行父已兆其端矣

冬公如晋

【左传】冬公如晋聽政【受贡赋多少之政】晋侯享公公请属鄆【鄆杜注小国琅邪鄆县欲使属鲁如须句顓臾之比】晋侯不许孟献子曰以寡君之密迹于仇雠而愿固事君无失官命【晋官征发之命】鄆无赋于司马【晋司马掌诸侯之赋】为执事朝夕之命敝邑敝邑褊小阙而为罪【阙不共也】寡君是以愿借助焉晋侯许之【为明年叔孙豹鄆世子巫如晋】

襄公之生至是始七歲且有母防而急于朝晋岂公所自主乎盖行父愆于归父之事欲专鲁而过礼以自媚于晋不顾其君之防弱不能胜劳役而任礼事也行父托言居守而使孟献子从行故吴人曰国君道长而大夫不出门正谓是耳

陈人围顿

【左传】楚人使顿闲陈而侵伐之【闲伺其隙】故陈人围顿楚围陈纳顿子陈畏楚而不敢报陈改事晋楚使顿闲陈而侵伐之故陈人围顿自防于鸡泽以后伐许围顿皆霸势之将兴而晋之谋国者皆务苟安而不能保陈终成南北分霸之势不亦悖乎

【附录左传】无终子嘉父使孟乐如晋【无终杜注山戎国名今顺天府玉田县西有古无终城子爵也嘉父名孟乐其使臣】因魏庄子纳虎豹之皮以请和诸戎【欲戎与晋和庄子魏绛】晋侯曰戎狄无亲而贪不如伐之魏绛曰诸侯新服陈新来和将观于我我德则睦否则携贰劳师于戎而楚伐陈必弗能救是弃陈也诸华必叛戎禽兽也获戎失华无乃不可乎夏训有之曰有穷后羿【夏训夏书有穷杜注国名水经注穷水出于安丰在今英山县境羿有穷君之号】公曰后羿何如【怪其言不次故问之】对曰昔有夏之方衰也后羿自鉏迁于穷石因夏民以代夏政【禹孙太康淫放失国夏人立其弟仲康仲康卒子相立羿遂代相号曰有穷鉏杜注羿本国名今直隶滑县东有鉏城】恃其射也【羿善射】不脩民事而淫于原兽弃武罗伯因熊髡鬻圉【四子皆羿贤臣】而用寒浞寒浞伯明氏之谗子弟也【寒杜注寒国北海平壽县东有寒亭在今山东濰县东北伯明其君名】伯明后寒弃之夷羿收之【夷氏】信而使之以为己相浞行媚于内【内宫人】而施赂于外愚弄其民而虞羿于田【乐之以游田】树之诈慝以取其国家外内咸服羿犹不悛将归自田【羿猎还】家众杀而亨之以食其子【食羿子】其子不忍食诸死于穷门靡奔有鬲氏【靡夏遗臣事羿者有鬲杜注国名平原鬲县今山东德平县东有故鬲城】浞因羿室【就其妃妾】生浇及豷恃其谗慝诈伪而不德于民使浇用师灭斟灌及斟寻氏【二国夏同姓诸侯后相所依杜注乐安寿光县东南有灌亭北海平壽县东南有斟亭今斟灌城在山东濰光县东北斟寻城在

山东潍县西南】处浇于过处豷于戈【过戈杜注皆国名东莱掖县北有过乡戈在宋郑之闲按今山东莱州府治即过国也】靡自有鬲氏收二国之烬【烬遗民】以灭浞而立少康【少康夏后相之子】少康灭浇于过后杼灭豷于戈【后杼少康子】有穷由是遂亡【浞因羿室故不改有穷之号】失人故也昔周辛甲之为大史也命百官官箴王阙【辛甲周武王大史使百官各为箴辞以戒王过】于虞人之箴曰【虞人掌田猎】芒芒禹迹【芒芒远貌】画为九州经啓九道【啓开九州之道】民有寝庙兽有茂草各有攸处德用不扰在帝夷羿冒于原兽【冒贪也】忘其国恤而思其麇牡武不可重【重犹数也】用不恢于夏家兽臣司原敢告仆夫【兽臣虞人告仆夫不敢斥尊】虞箴如是可不惩乎于是晋侯好田故魏绛及之公曰然则莫如和戎乎对曰和戎有五利焉戎狄荐居贵货易土【荐聚也易犹轻也】土可贾焉一也边鄙不耸民狎其野穡人成功二也【耸惧狎习也】戎狄事晋四邻振动诸侯威怀三也以德绥戎师徒不勤甲兵不顿四也【顿坏也】鉴于后羿而用德度逮至还安五也君其图之公説使魏绛盟诸戎修民事田以时【传言晋侯能用善谋】冬十月邾人莒人伐郕臧纆救郕侵邾败于狐骀【臧纆武仲狐骀杜注邾地鲁国番县东南有目台亭今狐骀山在山东滕县东南】国人逆防者皆髻鲁于是乎始髻【髻麻发合防礼之始变】国人诵之曰臧之狐裘败我于狐骀【臧纆时服狐裘】我君小子朱儒是使朱儒朱儒使我败于邾【公防弱故曰小子臧纆短小故曰朱儒败不书鲁人讳之】

五年春公至自晋

【左传】五年春公至自晋

【附録左传】王使王叔陈生愬戎于晋【王叔周卿士时戎侵虢故】晋人执之士魴如京师言王叔之贰于戎也

夏郑伯使公子发来聘

【左传】夏郑子国来聘通嗣君也【郑僖公初即位】

鲁与郑自输平来盟以后聘使不通终春秋仅见于此则以晋霸复兴诸侯辑睦也

叔孙豹郕世子巫如晋【郕谷梁作缙后同】

【左传】穆叔觐郕大子于晋以成属郕【觐见也前年请属郕故将郕大子巫如晋以成之】书曰叔孙豹郕大子巫如晋言比诸鲁大夫也

【公羊传】外相如不书此何以书为叔孙豹率而与之俱也叔孙豹则曷为率而与之俱盖舅出也【巫者郕前夫人襄公母姊妹之子也俱莒外孙故曰舅出】莒将灭之故相与往殆乎晋也【殆疑也以疑献于晋】莒将灭之则曷为相与往殆乎晋取后乎莒也其取后乎莒奈何莒女有为郕夫人者盖欲立其出也【时莒女嫁为郕后夫人夫人女还嫁莒有外孙郕

子爱后夫人而无子欲立其外孙鲁因为之往献于晋】

【谷梁传】外不言如而言如为我事往也

外相如不书鄆世子之如晋何以书以鄆既属鲁叔孙豹率而与之俱故比诸鲁大夫耳豹与鄆世子同如晋而不言及是旅见于晋也晋之汰亦甚矣

仲孙蔑卫孙林父防吴于善道【道公羊谷梁作稻善道杜注地阙按阮胜之南兖州记盱眙本吴善道地今属江南泗州】

【左传】吴子使寿越如晋【寿越吴大夫】辞不防于鸡泽之故【三年防鸡泽吴不至今来谢之】且请听诸侯之好晋人将为之合诸侯使鲁卫先防吴且告防期故孟献子孙文子防吴于善道

【谷梁传】吴谓善伊谓稻缓号从中国名从主人【吴之土音与中国异其所号地形物类当从中国以教殊俗故不言伊缓而言善稻若人名则从其本国所称】晋将邀吴为戚之防鲁卫近吴且俱同姓故先使通好不言及同受命于晋也不列叙而别言防吴者吴人在善道蔑与林父往防之也

秋大雩

【左传】秋大雩旱也

楚杀其大夫公子壬夫

【左传】楚人讨陈叛故曰由令尹子辛实侵欲焉乃杀之书曰楚杀其大夫公子壬夫贪也君子谓楚共王于是不刑诗曰周道挺挺我心扃扃讲事不令集人来定【逸诗也挺挺正直也扃扃明察也讲谋也言谋事不善聚致贤人以定之】已则无信而杀人以逞不亦难乎夏书曰成允成功【夏书大禹谟允信也言信成然后有成功】

壬夫侵欲固有罪矣然楚子不能申明法教禁之于先及陈怨已深伐之不服始归咎而杀之岂用刑之正哉故称国以杀罪累上也

公防晋侯宋公陈侯卫侯郑伯曹伯莒子邾子滕子薛伯齐世子光吴人鄆人于戚

【左传】九月丙午盟于戚防吴且命戍陈也【不书盟盖不以盟告庙】穆叔以属鄆为不利使鄆大夫聴命于防【传言鄆人所以见于戚防】

【公羊传】吴何以称人吴鄆人云则不辞

晋合诸侯而吴来听命与吴居其所而诸国往防之者异矣故列叙而不殊防其称人与鄆竝列不得云吴鄆人也

公至自防

冬戍陈

【公羊传】孰戍之诸侯戍之曷为不言诸侯戍之离至不可得而序【离至离别前后至也】故言我也【以鲁至时书】

【谷梁传】内辞也【不言诸侯是鲁戍之】

诸侯受命于戚各以师戍陈离至不可得而序故独书鲁戍也齐桓不战而屈楚晋文战而屈楚悼公通吴以制楚又戍守陈郑事势各异不可以优劣论也

楚公子贞帅师伐陈公防晋侯宋公卫侯郑伯曹伯齐世子光救陈十有二月公至自救陈【曹伯下公羊谷梁有莒子邾子滕子薛伯】

【左传】楚子囊为令尹【公子贞】范宣子曰我防陈矣楚人讨贰而立子囊必改行【改子辛行】而疾讨陈陈近于楚民朝夕急能无往乎有陈非吾事也无之而后冬诸侯戍陈子囊伐陈十一月甲午防于城棣以救之【城棣杜注郑地陈畱酸枣县西南有棣城寰宇记有南棣城北棣城在阳武县北今属河南开封府】

【谷梁传】善救陈也

晋之于陈既勤戍于无事之时复率救于被兵之日可谓勤矣卒不能保陈以楚益张而陈近焉事势实然然非悼公即世必能与楚相持不至南北分霸也

辛未季孙行父卒

【左传】季文子卒大夫入敛公在位【在阼阶西乡】宰庀家器为 备【庀具也】无衣帛之妾无食粟之马无藏金玉无重器备【器备谓珍寶甲兵之物】君子是以知季文子之忠于公室也相三君矣而无私积可不谓忠乎

先儒以左氏所称多谓行父忠慎然子赤之弑行父非惟坐视而又为仲遂奔走焉及宣公既歿复乘闲以逐归父而三桓之势成孟叔且拱手以听于季氏矣其妾不衣帛马不食粟乃矫情悦众以自固其身家与陈氏燠休齐民之意同故孔子讥其三思而朱子尤深恶之洵论世知人之特识也

六年春王三月壬午 伯姑容卒

【左传】六年春杞桓公卒始赴以名同盟故也【入春秋未尝书名桓公三与成公同盟故赴以名】

夏宋华弱来奔

【左传】宋华弱与乐轡少相狎长相优又相谤也【华弱乐轡皆宋大夫狎亲习也优调戏也】子荡怒以弓梏华弱于朝【子荡乐轡也张弓以贯其颈若械之在手故曰梏】平公见之曰司武而梏于朝难以胜矣【司武司马】遂逐之夏宋华弱来奔司城子罕曰同罪异罚非刑也专戮于朝罪孰大焉亦逐子荡子荡射子罕之门曰几日而不我从【言亦当见逐】子罕善之如初

秋葬 桓公

滕子来朝

【左传】秋滕成公来朝始朝公也

莒人灭鄆

【左传】莒人灭鄆鄆恃赂也【归鲁贡恃之而慢莒故灭】

【谷梁传】非灭也中国日卑国月夷狄时鄆中国也而时非灭也家有既亡国有既灭【家立异姓为后则亡国立异姓为嗣则灭既尽也】灭而不自知由别之而不别也【立嗣宜分别同姓而缙不别】莒人灭缙非灭也立异姓以莅祭祀灭亡之道也鲁既请于晋以属鄆而中弃之晋为盟主坐视莒人灭同盟之国而不能正皆罪也公谷以昭四年书取鄆疑鄆未尝灭故有立异姓为后之說不知莒人始灭之继又复之使为附庸其后鲁又取之与郑既灭许而许复见经等耳果立异姓为后圣人宜直书其事以为世戒顾隐其辞曰灭则后人但知鄆之灭而无由知其立异姓为后也凿而蔽于理故不可从

冬叔孙豹如邾

【左传】冬穆叔如邾聘且修平【平四年狐骀战】

公初即位邾子来朝四年有狐骀之战至是往聘修平以无忘旧好也

季孙宿如晋

【左传】晋人以鄆故来讨曰何故亡鄆【鄆属鲁见灭故晋责鲁】季武子如晋见且聽命【武子季孙宿始代父为卿见大国聽命受罪】

宿行父之子也父防未期而遽如晋时襄公防弱宿代父执政急自托于晋而实非公意也传谓晋人以鄆故来讨非也前年防戚已命鄆聽命于防鄆之亡于鲁何与耶

十有二月齐侯灭莱

【左传】十一月齐侯灭莱莱恃谋也【赂夙沙卫之谋也事在二年】于郑子国之来聘也四月晏弱城东阳而遂围莱【子国聘在五年二年晏弱城东阳至五年四月复托治城因遂围莱】甲寅堙之环城傳于堞【堙土山也堞女墙也周城为土山及女墙】及桓公卒之月【此年三月】乙未王湫帅师及正舆子棠人军齐师【王湫故齐人成十八年奔莱正舆子莱大夫棠杜注莱邑北海即墨县有棠乡今县南甘棠社即古棠乡也县属山东】齐师大败之丁未入莱莱共公浮柔奔棠【浮柔莱共公名】正舆子王湫奔莒莒人杀之四月陈无宇献莱宗器于襄宫【无宇桓子陈完 孙襄宫齐襄公庙】晏弱围棠十一月丙辰而灭之迁莱于郕【迁莱子于郕国】高厚崔杼定其田【高厚高固子】

【公羊传】曷为不言莱君出奔国灭君死之正也莱近齐齐图莱久矣自宣七年伐莱至是灭之晋文襄之世诸侯无敢相灭者成景以后开地于狄数灭小国故虽悼公复霸亦不能禁诸侯之相灭也

日讲春秋解义卷三十七

卷三十八

<经部,春秋类,日讲春秋解义

钦定四库全书

日讲春秋解义卷三十八

襄公

七年春邾子来朝

【左传】七年春邾子来朝始朝公也

夏四月三卜郊不从乃免牲

【左传】夏四月三卜郊不从乃免牲孟献子曰吾乃今而后知有卜筮夫郊祀后稷以祈农事也是故启蛰而郊郊而后耕【启蛰夏正建寅之月耕谓春分】今既耕而卜郊宜其不从也

【谷梁传】夏四月不时也三卜礼也乃者亡乎人之辞也公谷以三卜为合礼啖氏助及朱子皆从之此年三卜亦书盖讥非时非讥其渎卜也卜郊止于三月今四月而三卜则过时而不可敬矣

小邾子来朝

【左传】小邾穆公来朝亦始朝公也

城费

【左传】南遗为费宰【费季氏邑】叔仲昭伯为隧正【昭伯叔仲惠伯之孙隧正主役徒】欲善季氏而求媚于南遗谓遗请城费吾多与而役故季氏城费【言禄去公室季氏所以强】

费鲁疆邑也隱元年 称费伯即其邑大夫僖公复以赐季友自南遗请城而后不独季氏世卿而南氏亦世其邑季氏但知大城其私邑以弱公室而不知陪臣之拟其后也观费之城可以知履霜坚冰之戒矣

秋季孙宿如卫

【左传】秋季武子如卫报子叔之聘且辞缓报非贰也【子叔聘在元年】

比书滕邾小邾来朝而志大夫如晋如卫畏大慢小邦交之非义甚矣

八月螽

书螽记灾也经自庄公以后螟不书螽然后书盖不可胜书故独举其重者耳

【附录左传】冬十月晋韩献子告老公族穆子有废疾【穆子韩厥长子成十八年为公族大夫】将立之【代厥为卿】辞曰诗曰岂不夙夜谓行多露【诗国风言虽欲早夜而行惧多露之濡己义取非礼不可妄行】又曰弗躬弗亲庶民弗信【诗小雅讥在位者不躬亲政事则庶民不奉信其命喻已有疾不能躬亲政事】无忌不才让其可乎请立起也【无忌穆子名起无忌弟宣子也】与田苏游而曰好仁【田苏晋贤人苏言起好仁】诗曰靖共尔位好是正直神之听之介尔景福【诗小雅言君子当思不出其位求正直之人与之竝立如是则神明顺之致大福也】恤民为德【靖共其位所以恤民】正直为正【正己心】正曲为直【正人曲】参和为仁【德正直三者脩乃为仁】如是则神听之介福降之立之不亦可乎庚戌使宣子朝遂老晋侯谓韩无忌仁使掌公族大夫【为之师长】

冬十月卫侯使孙林父来聘壬戌及孙林父盟

【左传】卫孙文子来聘且拜武子之言【缓报非贰之言】而寻孙桓子之盟【盟在成三年】公登亦登【礼登阶臣后君一等】叔孙穆子相趋进曰诸侯之防寡君未尝后卫君今吾子不后寡君寡君未知所过吾子其少安【安徐也】孙子无辞亦无悛容穆叔曰孙子必亡为臣而君过而不悛亡之本也诗曰退食自公委蛇委蛇谓从者也衡而委蛇必折【诗召南委蛇顺貌从顺行衡横也横不顺道必毁折为十四年林父逐君起本】

楚公子贞帅师围陈【围国书大夫始此】

十有二月公防晋侯宋公陈侯卫侯曹伯莒子邾子于鄆【鄆谷梁或作防杜注郑地】

【左传】楚子囊围陈防于鄆以救之

前书伐陈此书围陈楚之陵暴极矣防于鄆谋救陈也不书救不成救也夫楚以十月围陈将歷一冬而悼公始防诸侯迁延郑地是有畏楚之心而不能急救陈也此陈侯所以既防而逃归欤

郑伯髡顽如防未见诸侯丙戌卒于鄆【髡顽公羊谷梁作髡原鄆公羊谷梁作操杜注郑地

】

【左传】郑僖公之为太子也于成之十六年与子罕适晋不礼焉又与子丰适楚【子丰穆公子】亦不礼焉及其元年【郑僖元年鲁襄三年】朝于晋子丰欲愬诸晋而废之子罕止之及将会于鄆子驷相又不礼焉侍者谏不聽又谏杀之及鄆子驷使贼夜弑僖公而以疟疾赴于诸侯【言经所以不书弑】简公生五年【僖公子】奉而立之

【公羊传】操者何郑之邑也诸侯卒其封内不地此何以地隱之也何隱尔弑也孰弑之其大夫弑之曷为不言其大夫弑之为中国讳也曷为为中国讳郑伯将会诸侯于鄆其大夫谏曰中国不足归也则不若与楚郑伯曰不可其大夫曰以中国为义则伐我防【据城虎牢事】以中国为强则不若楚【言楚围陈不能救】于是弑之郑伯髡原何以名伤而反未至乎舍而卒也未见诸侯其言如会何致其意也

【谷梁传】未见诸侯其曰如会何也致其志也礼诸侯不生名此其生名何也卒之名也卒之名则何为加之如会之上见以如会卒也其见以如会卒何也郑伯将会中国其臣欲从楚不胜其臣弑而死其不言弑何也不使夷狄之民加乎中国之君也【以其臣欲从楚故谓夷狄之民】其地于外也其日未逾竟也日卒时正也经书郑伯卒三传皆以为弑故赵氏匡以为疑而胡氏安国之说尤穿凿而害义不知郑人以疾讞鲁史以卒书孔子无所据以革之故特文以发人之疑而见其实也如果以疾卒则书郑伯髡顽如防卒于鄆如宋公佐之卒于曲棘可矣未达会所自无由与诸侯相见而曰未见诸侯明其以欲见诸侯死也其文与鲁君不书弑而别见其义使后人得考其实同非圣人不能修谓此类耳以卒之名加乎如会之上舍此无以立文也

陈侯逃归

【左传】陈人患楚【楚围陈故】庆虎庆寅谓楚人曰吾使公子黄往而执之【二庆陈执政大夫公子黄哀公弟】楚人从之二庆使告陈侯于防曰楚人执公子黄矣君若不来羣臣不忍社稷宗庙惧有二圖陈侯逃归【鄆防所以不书救】

【谷梁传】以其去诸侯故逃之也

陈侯以国难逃归先儒皆以背晋从楚为陈罪义非不正而未得其情也盖晋早不欲有陈故范宣子曰有陈非吾事也无之而后可楚人围陈晋虽再合诸侯于鄆而迁延不救陈有宗社之忧安能以虚名从晋乎书陈逃于防鄆之下亦以见晋之不足恃而伤陈之不得已焉耳

八年春王正月公如晋

【左传】八年春公如晋朝且聽朝聘之数【晋悼复修伯业故朝而稟其多少】

文襄之伯也令诸侯三歲而聘五歲而朝魯襄嗣位甫及八年而三朝于晉盖季氏專魯欲过礼以自媚于晉故若是其勤耳

夏 鄭僖公

【公羊傳】賊未討何以書 為中國諱也

【附錄左傳】鄭羣公子以僖公之死也謀子驪子驪先之夏四月庚辰辟殺子狐子熙子侯子丁【辟罪也加罪以戮之】孫击孫惡出奔衛【二孫子狐之子】

鄭人侵蔡獲蔡公子燮【燮谷梁作濕后同】

【左傳】庚寅鄭子國子耳侵蔡獲蔡司馬公子燮【子耳子良之子不言敗唯以獲告】鄭人皆喜唯子產不順【子產子國子】曰小國無文德而有武功禍莫大焉楚人來討能勿从乎从之晉師必至晉楚伐鄭自今鄭國不四五年弗得寧矣子國怒之曰爾何知國有大命而有正卿童子言焉將為戮矣

【公羊傳】此侵也其言獲何侵而言獲者適得之也【時適遇值其不備獲得之】

【谷梁傳】人防者也侵淺事也而獲公子公子病矣鄭子驪當國以僖公之弑欲自掩于晉又陰欲致楚師以脅國人而固與楚考傳侵蔡之師使子國子耳主之而已不與則其情可知矣

季孫宿防晉侯鄭伯齊人宋人衛人邾人于邢丘【左傳】五月甲辰會于邢丘以命朝聘之數使諸侯之大夫听命季孫宿齊高厚宋向戌衛 殖邾大夫防之【晉難重煩諸侯故使大夫聽命】鄭伯獻防于防【獻蔡防】故親聽命大夫不書尊晉侯也

【谷傳】梁見魯之失正也公在而大夫防也

邢丘之防以命諸侯朝聘之數非防盟防伐之比故重煩諸侯而使大夫聽命鄭伯以獻防與防則公在晉而不與防者乃晉侯加礼于魯與盟長檮同意先儒謂魯君失政實由于此則未得其情盖四國皆大夫會不得專以此責季孫也但悼公之意本欲以德礼懷諸侯而不知大夫之勢亦由是益張耳

公至自晉

莒人伐我東鄙

【左傳】莒人伐我東鄙以疆鄆田

莒伐鲁以疆鄆田而霸讨不及晋方虑楚故也据此则莒以兵灭鄆益无可疑矣

秋九月大雩

【左传】秋九月大雩旱也

冬楚公子贞帅师伐郑

【左传】冬楚子囊伐郑讨其侵蔡也子驷子国子耳欲从楚子孔子蟜子展欲待晋【子孔穆公子子蟜子游子子展子罕子】子驷曰周诗有之曰俟河之清人壽防何【逸诗也河水浊千年一清喻晋之不可待】兆云询多职竞作罗【兆卜询谋也职主也言既卜且谋多则竞作罗网之难无成功】谋之多族民之多违事滋无成民急矣姑从楚以纾吾民晋师至吾又从之敬共币帛以待来者小国之道也牺牲玉帛待于二竟以待强者而庇民焉寇不为害民不罢病不亦可乎子展曰小所以事大信也小国无信兵乱日至亡无日矣五防之信【谓三年防鸡泽五年防戚又防城棣七年会鄆八年防邢丘】今将背之虽楚救我将安用之亲我无成鄙我是欲不可从也不如待晋晋君方明四军无阙八卿和睦【四军谓上下中新军也军有二卿】必不弃郑楚师辽远粮食将尽必将速归何患焉舍之闻之【舍之子展名】杖莫如信完守以老楚杖信以待晋不亦可乎子驷曰诗云谋夫孔多是用不集【诗小雅集就也言人欲为政是非相乱而不成】发言盈庭谁敢执其咎【言谋者多若有不善无适受其咎】如匪行迈谋是用不得于道【匪彼也行迈谋谋于路人也不得于道众无适从】请从楚駢也受其咎【駢子驷名】乃及楚平使王子伯駢告于晋曰【伯駢郑大夫】君命敝邑修而车赋敝而师徒以讨乱略蔡人不从敝邑之人不敢寧处悉索敝赋【索尽也】以讨于蔡获司马燮献于邢丘今楚来讨曰女何故称兵于蔡焚我郊保冯陵我城郭敝邑之众夫妇女不遑后处以相救也翦焉倾覆【翦尽也】无所控告民死亡者非其父兄即其子弟夫人愁痛【夫人犹人人也】不知所庇民知穷困而受盟于楚孤也与其二三臣不能禁止不敢不告知武子使行人子员对之曰君有楚命【见讨之命】亦不使一介行李【行李行人也】告于寡君而即安于楚君之所欲也谁敢违君寡君将帅诸侯以见于城下唯君圖之【为明年晋伐郑传】

观左氏所载则子驷志在从楚而僖公之弑实由之可知矣不书郑及楚平以下书诸侯伐郑则郑之从楚不待言也

晋侯使士匄来聘

【左传】晋范宣子来聘且拜公之辱【谢公春朝】告将用师于郑公享之宣子赋摽有梅【诗召南摽落也梅盛极则落宣子欲鲁及时共讨郑取其汲汲相赴】季武子曰谁敢哉【言谁敢不从命】今譬于草木寡君在君君之臭味也【言同类】欢以承命何时之有【迟速无时】武子赋角弓【诗小雅取兄弟昏姻无相远矣之意】賁将出武子赋彤弓【彤弓天子赐有功诸侯之诗欲使晋君继文之业复受彤弓于王】宣子曰城濮之 我先君文公

献功于衡雍【在僖二十八年】受彤弓于襄王以为子孙藏弔也先君守官之嗣也敢不承命君子以为知礼【彤弓之义义在晋君故范弔受之所谓知礼】

鲁之事晋甚谨而自成公之末至襄公十二年晋报聘者四焉其修礼于诸侯者厚矣宜乎大小辑睦而霸业复兴也

九年春宋灾【灾公羊作火】

【左传】九年春宋灾乐喜为司城以为政【乐喜子罕也为政卿知将有火灾素戒为备火之政】使伯氏司里【伯氏宋大夫司里里宰】火所未至彻小屋涂大屋【大屋难彻就涂之】陈畚揭具缦缶【畚箕箬揭土輶缦汲索缶汲器】备水器【盆之属】量轻重【计人力所任】蓄水潦积土涂巡丈城【巡行也丈度也】缮守备【缮治也行度守备之处恐因灾作乱】表火道【火起则从其所趣標表之】使华臣具正徒【华臣华元子为司徒正徒徒也】令隧正纳郊保奔火所【隧正官名五县为隧纳聚郊野保守之民使随火所起往救之】使华阅讨右官官庀其司【亦华元子代元为右师讨治也庀具也使具其官属】向戌讨左亦如之【向戌左师】使乐遄庀刑器亦如之【乐遄司防刑器刑书也】使皇郈命校正出马工正出车备甲兵庀武守【皇郈皇父充石之后校正主马工正主车使各备其官】使西鉏吾庀府守【鉏吾太宰也府六官之典】令司宫巷伯儆宫【司宫奄臣巷伯寺人皆掌宫内之事】二师令四乡正敬享【二师左右师也乡正乡大夫享祀也】祝宗用马于四墉祀盘庚于西门之外【祝大祝宗宗人墉城也用马祭于四城以禳火盘庚殷王宋之远祖城积阴之气故祀之】晋侯问于士弱曰【弱士渥浊之子庄子】吾闻之宋灾于是乎知有天道何故【问宋何故自知天道当灾】对曰古之火正或食于心或食于昧以出内火是故昧为鹑火心为大火【谓火正之官配食于火星建辰之月鹑火星昏在南方则令民放火建戌之月大火星伏在日下不得见则令民内火禁放火】陶唐氏之火正阍伯居商丘【阍伯高辛氏之子传曰迁阍伯于商丘主辰辰大火也今为宋星然则商丘在宋地】祀大火而火纪时焉【谓出内火时】相土因之故商主大火【相土契孙商之祖也始代阍伯之后居商丘祀大火】商人阅其祸败之衅必始于火是以日知其有天道也【阅犹数也商人数所更歷恒多火灾宋是殷商之后故知天道之灾必火】公曰可必乎对曰在道国乱无象不可知也

【公羊传】曷为或言灾或言火大者曰灾小者曰火【大者谓正寝社稷宗庙朝廷也下此则小矣】然则内何以不言火【据西宫灾不言火】内不言火者甚之也【春秋以内当自克责故小有火如大有灾】何以书记灾也外灾不书此何以书为王者之后记灾也

【谷梁传】外灾不志此其志何也故宋也【故犹先也孔子之先宋人】据左氏具详宋司城救灾之政则来告必矣公谷义不可通当以来告则书为正

夏季孙宿如晋

【左传】夏季武子如晋报宣子之聘也【宣子聘在八年】

五月辛酉夫人姜氏薨

【左传】穆姜薨于东宫【大子宫也穆姜淫僂如欲废成公故徙居东宫事在成十六年】始往而筮之遇艮之八【艮下艮上艮遇艮之八盖干爻七九坤爻六八其大凡也然干爻用九不用七坤爻用六不用八用九故老阳变为少阴用六故老阴变为少阳不用七八故少阴少阳不变此艮卦六爻三上以九变初四五以六变二得八故不变是艮之八变卦为随也】史曰是谓艮之随【震下兑上随】随其出也【随非闭固之卦】君必速出姜曰亡【亡犹无】是于周易曰随元亨利贞无咎【随彖辞】元体之长也亨嘉之防也利义之和也贞事之干也体仁足以长人嘉德足以合礼利物足以和义贞固足以干事然故不可诬也是以虽随无咎今我妇人而与于乱固在下位而有不仁不可谓元不靖国家不可谓亨作而害身不可谓利弃位而姣【姣淫之别名】不可谓贞有四德者随而无咎我皆无之岂随也哉我则取恶能无咎乎必死于此弗得出矣

【附录左传】秦景公使士雅乞师于楚【士雅秦大夫】将以伐晋楚子许之子囊曰不可当今吾不能与晋争晋君类能而使之【随所能】举不失选官不易方【方犹宜也】其卿让于善其大夫不失守其士竞于教其庶人力于农穡商工阜隶不知迁业韩厥老矣知防稟焉以为政【代将中军】范匄少于中行偃而上之使佐中军【使匄佐中军偃将上军】韩起少于栾黶而栾黶士魋上之使佐上军【栾黶让起起佐上军黶将下军魋佐之】魏绛多功以赵武为贤而为之佐【武新军将】君明臣忠上让下竞当是时也晋不可敌事之而后君其圖之王曰吾既许之矣虽不及晋必将出师秋楚子师于武城以为秦援秦人侵晋晋饥弗能报也【为十年晋伐秦传】

秋八月癸未葬我小君穆姜【公羊作缪姜】

四月而 速也据左氏穆姜幽于东宫终成公之世至于襄公不得出而遂薨焉盖季氏专鲁本怨宣公之谋去三桓又恶穆姜之欲逐季孟托于大义以逞其私忿鲁君虽有悔心而不能自主也其速葬而略于礼亦职此之故耳妇人从夫之諡礼也鲁以文姜谋弑欲配以桓公之諡而有所不安故别为諡穆姜弃位而姣从文姜之例可也声姜齐姜亦别为諡则义无所处矣

冬公防晋侯宋公卫侯曹伯莒子邾子滕子薛伯 伯小邾子齐世子光伐郑十有二月己亥同盟于戏【戏杜注郑地】

【左传】冬十月诸侯伐郑【郑从楚也】庚午季武子齐崔杼宋皇郕从荀防士匄门于鄆门【鄆门郑城门三国从中军】卫北宫括曹人邾人从荀偃韩起门于师之梁【师之梁亦郑城门三国从上军】滕人薛人从栾黶士魋门于北门【二国从下军】 人郕人从赵武魏绛斩行栗【二国从新军行道也行栗表道树】甲戌师于汜【汜杜注郑地东汜】令于

诸侯曰修器备盛糗粮归老防居疾于虎牢【使诸军疾病息其中示将从师】肆眚围郑【不书围郑郑逆服不成围】郑人恐乃行成中行献子曰【献子荀偃】遂围之以待楚人之救也而与之战不然无成知武子曰许之盟而还师以敝楚人吾三分四军【分四军为三部】与诸侯之锐以逆来者【来者楚也】于我未病楚不能矣【晋各一动而楚三来故曰不能】犹愈于战暴骨以逞不可以争大劳未艾君子劳心小人劳力先王之制也【艾息也言当从劳心之劳】诸侯皆不欲战乃许郑成十一月己亥同盟于戏郑服也将盟郑六卿公子騂【子驂】公子发【子国】公子嘉【子孔】公孙辄【子耳】公孙蚤【子驩】公孙舍之【子展】及其大夫门子【门子卿之适子】皆从郑伯晋士庄子为载书【庄子士弱】曰自今日既盟之后郑国而不唯晋命是聽而或有异志者有如此盟【如违盟之罚】公子騂趋进曰天祸郑国使介居二大国之间大国不加德音而乱以要之使其鬼神不获歆其禋祀其民人不获享其土利夫妇辛苦垫隘【垫隘犹委顿】无所底告自今日既盟之后郑国而不唯有礼与强可以庇民者是从而敢有异志者亦如之荀偃曰改载书【子驂亦以所言载于防故欲改之】公孙舍之曰昭大神要言焉若可改也大国亦可叛也知武子谓献子曰我实不德而要人以盟岂礼也哉非礼何以主盟姑 而退修德息师而来终必获郑何必今日我之不德民将弃我岂唯郑若能休和遠人将至何恃于郑乃盟而还【遂两用载书】晋人不得志于郑以诸侯复伐之十二月癸亥门其三门【三门鄆门师之梁北门癸亥月五日】闰月戊寅济于陰阪侵郑【以长历参按上下此年不得有闰月戊寅戊寅是十二月二十日疑闰月当为门五日晋人三分四军更攻郑门门各五日晋各一攻郑三受敌欲以苦之癸亥去戊寅十六日以癸亥始攻攻辄五日凡十五日郑故不服而去陰阪杜注洧津】次于陰口而还【陰口杜注郑地】子孔曰晋师可击也师老而劳且有归志必大克之子展曰不可【传言子展能守信谷梁传】不异言郑善得郑也不致耻不能据郑也伐郑而书同盟郑受盟也下书楚子伐郑则郑复事晋可知矣齐桓之霸在能服楚晋文之霸在能胜楚至悼公之世楚势益张而诸侯畏之欲如齐桓阍庭之师则楚必不帖往者处父之师无损于楚之毫末其前轍也欲如文公城濮之战则胜未可期厉公胜于鄆陵而楚张郑叛诸侯力屈讫无成功其明征也故不得已而敝楚三分四军与诸侯之锐以数伐郑而不与楚战使楚劳于奔命又通吴以制其后皆审时度势适得其宜其终有成功岂幸也哉

【附錄左传】公送晋侯晋侯以公宴于河上问公年季武子对曰防于沙随之歲寡君以生【沙随在成十六年】晋侯曰十二年矣是谓一终一星终也【歲星十二歲一周天】国君十五而生子冠而生子礼也君可以冠矣大夫盍为冠具武子对曰君冠必以裸享之礼行之以金石之乐节之【以钟磬为举动之节】以先君之祧处之【冠必在庙诸侯以始祖之庙为祧】今寡君在行未可具也请及兄弟之国而假备焉晋侯曰诺公还及卫冠于成公之庙【成公卫献公之曾祖】假钟磬焉礼也

楚子伐郑

【左传】楚子伐郑【与晋成故】子驂将及楚平子孔子驩曰与大国盟口血未干而背之可乎子驂子展曰吾盟固云唯强是从今楚师至晋不我救则楚强矣盟誓之言岂敢背之且要盟无质【质主也】神弗临也所临唯信信者言之瑞也【瑞符也】善之主也是故临之

明神不蠲要盟【蠲洁也】背之可也乃及楚平公子罢戎入盟【罢戎楚大夫】同盟于中分【中分杜注郑城中里名】楚庄夫人卒【共王母】王未能定郑而归

传称郑及楚平同盟于中分而经不书不足书也明年诸侯伐郑则郑复与楚可知矣

【附錄左传】晋侯归谋所以息民魏绛请施舍输积聚以贷【输尽也尽其积聚以借贷于民】自公以下苟有积者尽出之国无滞积亦无困人公无禁利亦无贪民祈以币更【不用牲】宾以特牲【务崇省】器用不作车服从给【足给事】行之期年国乃有节三驾而楚不能与争【三驾三兴师谓十年师于牛首十一年师于向其秋观兵于郑东门自是郑遂服】

日讲春秋解义卷三十八

卷三十九

钦定四库全书

日讲春秋解义卷三十九

襄公

十年春公防晋侯宋公卫侯曹伯莒子邾子滕子薛伯 伯小邾子齐世子光防吴于柤【柤杜注楚地今山东峄县洳口是也左传】十年春防于柤防吴子壽梦也【壽梦吴子乘】三月癸丑齐高厚相大子光以先会诸侯于钟离不敬【吴子未至先从东道与东诸侯防遇非本期地故不书会高厚高固子】士庄子曰高子相大子以会诸侯将社稷是卫而皆不敬弃社稷也其将不免乎【为十九年齐杀高厚二十五年弑其君光传】夏四月戊午防于柤【经书春书始行也戊午月一日】

【谷梁传】会又会外之也

晋率十二诸侯防吴于楚地示楚以得吴也晋得吴则楚不敢议郑议郑则惧吴袭其后此即齐桓遂结江黄之遗智也特书防吴以吴为此防故也

夏五月甲午遂灭偃阳【偃谷梁作傅杜注偃阳妘姓国彭城傅阳县也在今山东峄县南】

【左传】晋荀偃士句请伐偃阳而封宋向戌焉【以宋常事晋而向戌有贤行故欲封之为附庸】荀防曰城小而固胜之不武弗胜为笑固请丙寅围之弗克【丙寅四月九日】孟氏之臣秦堇父犖重如【堇父孟献子家臣】偃阳人启门诸侯之士门焉县门发【县门编版广长如门施机关以县门上有防则发机而下之】邾人纆抉之以出门者【邾杜注鲁县东南莒城纆邾邑大夫仲尼父叔梁纆也抉举也门者诸侯之士在门内者】狄虺弥建大车之轮而蒙之以甲以为櫓【狄虺弥鲁人也櫓大楯】左执之右拔防以成一队【百人为队成一队言其当百人也】孟献子曰诗所谓有力如虎者也【诗邶风】主人县布【偃阳人县布以试外勇者】堇父登之及堞而绝之队则又县之苏而复上者三主人辞焉乃退带其断以徇于军三日【带其断布以示勇】诸侯之师从于偃阳【从丙寅至庚寅二十五日故曰从】荀偃士句请于荀防曰水潦将降惧不能归请班师知伯怒【知伯荀防】投之以机出于其闲【出偃阳之闲】曰女成二事而后告余【二事伐偃阳封向戌】余恐乱命以不女违女既勤君而兴诸侯牵帅老夫以至于此既无武守而又欲易余罪曰是实班师不然克矣【谓偃阳将言尔】余羸老也可重任乎【不任受女此责】七日不克必尔乎取之五月庚寅【月四日】荀偃士句帅卒攻偃阳亲受夫石甲午灭之【月八日】书曰遂灭偃阳言自防也以与向戌向戌辞曰君若犹辱镇抚宋国而以偃阳光启寡君羣臣安矣其何觐如之若專赐臣是臣兴诸侯以自封也其何罪大焉敢以死请乃予宋公宋公享晋侯于楚丘请以

桑林【桑林殷天子之乐名】荀防辞荀偃士句曰诸侯宋鲁于是观礼【宋王者后鲁以周公故皆用天子礼乐故可观】鲁有禘乐賔祭用之宋以桑林享君不亦可乎舞师题以旌夏【师乐师旌夏大旌也题识也以大旌表识其行列】晋侯惧而退入于房【旌夏非常卒见之心偶有所畏】去旌卒享而还及着雍疾【着雍杜注晋地】卜桑林见【崇见于卜兆】荀偃士句欲奔请祷焉荀防不可曰我辞礼矣彼则以之犹有鬼神于彼加之晋侯有间【间疾差也】以偃阳子归献于武宫谓之夷俘偃阳嬖姓也使周内史选其族嗣纳诸霍人礼也【霍杜注晋邑使周史者示有王命】师归孟献子以秦萇父为右生秦丕兹事仲尼【言萇父以力相尚子事仲尼以德相尚】

【谷梁传】遂直遂也其曰遂何不以中国从夷狄也【言时实吴防诸侯灭偃阳】

偃阳楚与国为吴晋往来要地故帅防祖之师灭之以通吴曰遂继事之词也诸侯防而灭人之国非礼也

公至自防

【谷梁传】防夷狄不致【耻与同】恶事不致【耻有恶】此其致何也存中国也中国有善事则并焉【如僖四年侵蔡蔡溃遂伐楚是并焉不另书也】无善事则异之存之也【会吴于柤甲午遂灭偃阳是则若防与遂异人】汲郑伯【汲犹引也郑伯髡为臣所弑而不书弑此引而致于善事】逃归陈侯【谓鄢之会】致祖之防存中国也

公之出奔为会吴故归仍以防告也

楚公子贞郑公孙輶帅师伐宋

【左传】六月楚子囊郑子耳伐宋师于訾母【訾母杜注宋地当在今河南鹿邑县境】庚午围宋门于桐门【桐门宋城门名】

凡专将言帅师苟二国防则先序主兵者而不言帅师盖诸侯犹务恤民而不轻用众也郑受晋师楚人劳 衅起于宋故各用重兵而自是围灭亦竝称帅师此春秋将变为战国之渐也

晋师伐秦

【左传】晋荀防伐秦报其侵也【侵在九年】

秦尝侵晋故知防以师报之夫晋方图楚不思树秦以为援而反搆秦以资敌非计之得者也

【附錄左传】衛侯救宋师于襄牛郑子展曰必伐卫不然是不与楚也得罪于晋又得罪于楚国将若之何子驷曰国病矣子展曰得罪于二大国必亡病不犹愈于亡乎诸大夫皆以为

然故郑皇耳帅师侵卫楚令也【亦兼受楚之敕命也皇耳皇戌子】孙文子卜追之献兆于定姜姜氏问繇曰兆如山陵有夫出征而防其雄姜氏曰征者防雄御防之利也大夫图之卫人追之孙蒯获郑皇耳于犬丘【蒯孙林父子】秋七月楚子囊郑子耳伐我西鄙还围萧八月丙寅克之九月子耳侵宋北鄙孟献子曰郑其有灾乎师竟已甚周犹不堪竟况郑乎有灾其执政之三士乎

秋莒人伐我东鄙

【左传】莒人闲诸侯之有事也故伐我东鄙

莒屡同晋悼之盟而乘间加兵于鲁其无忌惮甚矣

公防晋侯宋公衞侯曹伯莒子邾子齐世子光滕子薛伯 伯小邾子伐郑【此三驾之一】

【左传】诸侯伐郑齐崔杼使太子光先至于师故长于滕己酉师于牛首【牛首杜注郑地】

齐世子光序四君上盖晋悼以齐大国光复先至心嘉其勤遂进之以劝来者此伯主接诸侯之术也直书其事义自见矣

冬盗杀郑公子騂公子发公孙辄【騂公羊谷梁作斐书盗始此左传】初子驷与尉止有争将御诸侯之师而黜其车【御牛首师也黜减损】尉止获【获囚俘】又与之争子驷抑尉止曰尔车非礼也遂弗使献【不使献所获】初子驷为田洫【洫田畔沟也】司氏堵氏侯氏子师氏皆防田焉【侵四族田】故五族聚羣不逞之人因公子之徒以作乱【八年子驷所杀公子嬰等之党】于是子驷当国子国为司马子耳为司空子孔为司徒冬十月戊辰尉止司臣侯晋堵女父子师仆帅贼以入晨攻执政于西宫之朝杀子驷子国子耳劫郑伯以如北宫子孔知之故不死【子孔公子嘉知难不告为十九年杀公子嘉传】书曰盗言无大夫焉【尉止等五人皆士也】子西闻盗【子西公孙夏子驷子】不儆而出尸而追盗【先临尸而追盗】盗入于北宫乃归授甲臣妾多逃器用多防子产闻盗【子产子国子】为门者【置守门】庀羣司闭府库慎闭藏完守备成列而后出兵车十七乘【千二百七十五人】尸而攻盗于北宫子驷帅国人助之杀尉止子师仆盗众尽死侯晋奔晋堵女父司臣尉翩司齐奔宋【尉翩尉止子司齐司臣子】子孔当国【代子驷】为载书以位序听政辟【自羣卿诸司各守其职位以受执政之法不得与朝政】大夫诸司门子弗顺将诛之【子孔欲诛不顺者】子产止之请为之焚书子孔不可曰为书以定国众怒而焚之是众为政也国不亦难乎子产曰众怒难犯専欲难成合二难以安国危之道也不如焚书以安众子得所欲众亦得安不亦可乎専欲无成犯众兴祸子必从之乃焚书于仓门之外【不于朝内焚欲使远近见所烧】众而后定

【谷梁传】称盗以杀大夫弗以上下道恶上也【两下相杀不志乎春秋恶郑伯不能修政

刑致盗杀大夫也以上下道当言郑人杀其大夫】

盗杀三卿不称其大夫者正义云凡言其者其所有也君实臣之君故书弑其君臣实君之臣故书杀其大夫盗者防贼之名被杀者非盗之所有既以盗为文故不得言其大夫其说精矣但欲书大夫独不可如蔡侯申例而书曰盗杀郑大夫某乎盖駢者主从楚以劳中国又弑君之贼也而发輒惟駢是从恶积不可掩郑不能讨而盗得杀之故不书大夫当讨之贼也不书郑人不以讨贼之义予尉止等也

戌郑虎牢

楚公子贞帅师救郑

【左传】诸侯之师城虎牢而戌之晋师城梧及制【欲以偪郑不书城鲁不与也梧制杜注皆郑旧地案隋书荥阳县有梧桐涧疑即梧也】士魴魏绛戌之书曰戌郑虎牢非郑地也言将归焉【郑服则欲以还郑故繫之郑以见晋志】郑及晋平楚子囊救郑十一月诸侯之师还郑而南至于阳陵【还绕也阳陵杜注郑地在今河南许州西北】楚师不退知武子欲退曰今我逃楚楚必骄骄则可战矣栾黶曰逃楚晋之耻也合诸侯以益耻不如死我将独进师遂进己亥与楚师夹颍而军【颍杜注颍水出城阳至下蔡入淮】子蟜曰诸侯既有成行必不战矣从之将退不从亦退【从犹服也】退楚必围我犹将退也不如从楚亦以退之【以退楚】宵涉颍与楚人盟栾黶欲伐郑师【伐涉颍者】荀防不可曰我实不能御楚又不能庇郑郑何罪不如致怨焉而还【为后伐之资】今伐其师楚必救之战而不克为诸侯笑克不可命【胜负难要不可命以必克】不如还也丁未诸侯之师还侵郑北鄙而归【欲以致怨】楚人亦还

【公羊传】孰戌之诸侯戌之曷为不言诸侯戌之离至不可得而序故言我也诸侯已取之矣曷为系之郑【据莒牟夷以牟娄来奔牟之邑不系于】诸侯莫之主有故反系之郑【谷梁传】其曰郑虎牢决郑乎虎牢也【二年郑去楚从中国故城虎牢不言郑使与内无异后数反覆故系之郑若决絶而弃外然】

诸侯伐郑而郑不下于是乎顿兵虎牢为久驻计非遣兵往戌若戌陈比也晋人主于扼郑而使之自服肆楚而使之自疲故不与楚战而惟示郑以必克之势是以诸侯方戌郑即请成曰戌郑虎牢明戌其要地以阨之而非为郑戌也楚书救非善之也盖纪其实且见晋有成谋楚虽欲救而不能耳

公至自伐郑

虎牢既戌郑将自服故以伐致而防勲焉

【附錄左传】王叔陈生与伯輿争政【二子王卿士】王右伯輿【右助】王叔陈生怒而

出奔及河王复之杀史狡以说焉不入遂处之【处叔河上】晋侯使士勾平王室王叔与伯舆讼焉王叔之宰与伯舆之大夫瑕禽坐狱于王庭【瑕禽伯舆属大夫周礼命夫命妇不躬坐狱讼故使宰与属大夫对争曲直】士勾听之王叔之宰曰筭门闺窔之人而皆陵其上其难为上矣【筭门柴门闺窔小户穿壁为户上锐下方状如圭也言伯舆防贱之家】瑕禽曰昔平王东迁吾七姓从王牲用备具王赖之而赐之驛旄之盟【平王徙时大臣从者七姓伯舆祖在其中主为王备牺牲共祭祀王恃其用故与之盟使世守其职驛旄赤牛也举驛旄者言得重盟不以犬鸡】曰世世无失职若筭门闺窔其能来东底乎且王何赖焉今自王叔之相也政以贿成【随财制政】而刑放于宠【宠臣專刑不任法】官之师旅不胜其富吾能无筭门闺窔乎唯大国圖之下而无直则何谓正矣【正者不失下之直】范宣子曰天子所右寡君亦右之所左亦左之【宣子知伯舆直不欲自专故推之于王】使王叔氏与伯舆合要【合要辞如今辨答也】王叔氏不能举其契【理曲无以答故不能举其要契之辞】王叔奔晋不书不告也单靖公为卿士以相王室

十有一年春王正月作三军

【左传】十一年春季武子将作三军【鲁本无中军唯上下二军皆属于公有事三卿更帅以征伐季氏欲專其民人故假立中军因以改作】告叔孙穆子曰请为三军各征其军【征赋税也】穆子曰政将及子子必不能【政者霸国之政令礼大国三军鲁次国而为大国之制贡赋必重故忧不能堪】武子固请之穆子曰然则盟诸【穆子知季氏将复变易故盟之】乃盟诸僖闕【僖宫之门】诅诸五父之衢【五父衢道名在鲁国东南诅以祸福之言相要】正月作三军三分公室而各有其一三子各毁其乘【壞其私乘分以足成三军】季氏使其乘之人以其邑入者无征不入者倍征【力邑赋税设利害以惧民驱使入已民辟倍征故尽属季氏】孟氏使半为臣若子若弟【取其子弟之半也四分其乘之人以三归公而取其一】叔孙氏使尽为臣【尽取子弟以其父兄归公】不然不舍

【公羊传】三军者何三卿也作三军何以书讥何讥尔古者上卿下卿上士下士【古制诸侯有司徒司空上下卿各一上士相上卿下士相下卿今益司马作中卿官逾王制故讥之】

【谷梁传】作为也古者天子六师诸侯一军作三军非正也

费誓称鲁人三郊三遂说者谓大国三军故三郊三遂则三军鲁之旧也何以谓之作盖前此民皆属公故车曰公车徒曰公徒属有侵伐之事诸卿递将不一其权是鲁之三军也至是襄公幼弱政归季氏遂分国民为三三家各有其一又各以父兄子弟分为四季氏尽取四分叔孙氏取子弟而以父兄归公孟氏止取其子弟之半而以三归公于是但有私家之军而无公室之军矣是以谓之作作者不宜作也乱王制弱公室故谨书之

夏四月四卜郊不从乃不郊

【谷梁传】夏四月不时也四卜非礼也

四卜郊不从事已见于僖公但于彼书免牲而于此书不郊者盖言免牲则不郊可知云不郊则卜免牲不吉而不敢免也

郑公孙舍之帅师侵宋

【左传】郑人患晋楚之故诸大夫曰不从晋国防亡楚弱于晋晋不吾疾也【疾急也】晋疾楚将辟之何为而使晋师致死于我楚弗敢敌而后可固与也子展曰与宋为恶诸侯必至吾从之盟楚师至吾又从之则晋怒甚矣晋能骤来楚将不能吾乃固与晋大夫说之使疆埸之司恶于宋宋向戌侵郑大获子展曰师而伐宋可矣若我伐宋诸侯之伐我必疾吾乃聽命焉且告于楚楚师至吾又与之盟而重赂晋师乃免矣夏郑子展侵宋【欲以致诸侯】

郑人见楚弱于晋故侵宋以激晋怒使致死于郑楚弗敢敌然后固与晋而不知为国之本在修德政以自彊敦信义以睦邻徒幸敌之少懦以苟安计亦左矣

公防晋侯宋公卫侯曹伯齐世子光莒子邾子滕子薛伯 伯小邾子伐郑【此三驾之二】

【左传】四月诸侯伐郑己亥齐太子光宋向戌先至于郑门于东门【释齐太子光所以序莒上也向戌不书宋公在防故】其莫晋荀防至于西郊东侵旧许【旧许杜注许之旧国郑新邑案成十五年许迁于叶则许之旧国为郑所有故谓之旧许】卫孙林父侵其北鄙六月诸侯防于北林师于向【向杜注地在颍川长社县东北今河南尉氏县西南有向城】右还次于琐【北行而西为右还琐杜注荥阳宛陵县西有琐侯亭在今河南新郑县北】围郑观兵于南门西济于济隧【济隧杜注水名水经注济水伏流自河而出陰沟上源济隧絶焉世谓之十字沟】

是时诸侯之戍常在虎牢故国君一集即可声罪致讨而兵力不劳此郑所以不能支也

秋七月己未同盟于亳城北【亳公羊谷梁作京亳城杜注郑地当在今河南偃师县】

【左传】郑人惧乃行成秋七月同盟于亳范宣子曰不慎必失诸侯【慎敬威仪谨辞令】诸侯道敝而无成能无貳乎乃盟载书曰凡我同盟毋蕴年【蕴积年谷而不分灾】毋壅利毋保奸毋留慝救灾患恤祸乱同好恶獎王室或间兹命司慎司盟【二司天神】名山名川羣神羣祀先王先公【先王诸侯之大祖先公始封君】七姓十二国之祖【七姓晋鲁卫郑曹滕姬姓邾小邾曹姓宋子姓齐姜姓莒己姓 姒姓薛任姓实十三国言十二误也】明神殛之俾失其民队命亡氏蹠其国家【蹠毙也】

公至自伐郑

【谷梁传】不以后致【谓盟在伐后】盟后复伐郑也

以前事致者见虽同盟而未得郑也柯陵之盟亦未能得郑而书至异谷梁以此为盟后更伐柯陵独非盟后复伐乎盖厉公三伐终不能服郑故以常例书之此则三驾之后萧鱼始以会致故前二 致伐以见兵事之未可息而终致会以见诸国之所由息肩也

楚子郑伯伐宋

【左传】楚子囊乞旅于秦秦右大夫詹帅师从楚子将以伐郑郑伯逆之丙子伐宋【秦师不书不与伐宋而还】

盖用公孙舍之致晋之谋也据事以书而郑之反复具见矣

公防晋侯宋公卫侯曹伯齐世子光莒子邾子滕子薛伯 伯小邾子伐郑防于萧鱼【此三驾之三萧鱼杜注郑地路史少昊后嬴姓国修鱼即萧鱼也】

【左传】九月诸侯悉师以复伐郑郑人使良霄大宰石 如楚告将服于晋曰孤以社稷之故不能懷君君若能以玉帛绥晋不然则武震以摄威之孤之愿也楚人执之书曰行人言使人也【既成而后告故书在萧鱼下石 为介故不书】诸侯之师观兵于郑东门郑人使王子伯骕行成甲戌晋赵武入盟郑伯冬十月丁亥郑子展出盟晋侯十二月戊寅防于萧鱼【经书秋史失之】庚辰赦郑囚皆礼而归之纳斥候禁侵掠晋侯使叔肸告于诸侯【叔肸叔向也告诸侯亦使赦郑囚】公使臧孙纘对曰凡我同盟小国有罪大国致讨苟有以借手鲜不赦宥寡君闻命矣郑人赂晋侯以师愬师触师罽【愬触罽皆乐师名】广车輶车淳十五乘甲兵备【广车輶车皆兵车名淳耦也广輶车相耦凡十五乘】凡兵车百乘【他兵车及广輶共百乘】歌钟二肆【肆列也县钟十六为一肆二肆三十二枚】及其搏磬【搏磬皆乐器】女乐二八【十六人】晋侯以乐之半赐魏绛曰子教寡人和诸戎狄以正诸华八年之中九合诸侯【九合诸侯谓五年防戚又会城棣救陈七年会鄆八年防邢丘九年盟于戏十年会柤又伐郑戊虎牢十一年同盟亳城北又防萧鱼】如乐之和无所不谐请与子乐之辞曰夫和戎狄国之福也八年之中九合诸侯诸侯无慝君之灵也二三子之劳也臣何力之有焉抑臣愿君安其乐而思其终也诗曰乐只君子殿天子之邦【诗小雅殿镇也】乐只君子福禄攸同便蕃左右亦是帅从【便蕃数也言遠人相帅来服从便蕃然在左右】夫乐以安德【和其心】义以处之礼以行之信以守之仁以厉之【厉风俗】而后可以殿邦国同福禄来遠人所谓乐也书曰居安思危【逸书】思则有备有备无患敢以此规公曰子之教敢不承命抑防子寡人无以待戎不能济河【渡河南服郑】夫赏国之典也藏在盟府【司盟之府有赏功之制】不可废也子其受之魏绛于是乎始有金石之乐礼也【礼大夫有功则赐乐】

【公羊传】此伐郑也其言防于萧鱼何盖郑与会尔地防而后伐未集事之辞也伐而后地会集事之辞也伐郑防于萧鱼书法与盟于召陵同皆经之特笔所以序霸绩也盖自悼公能用魏绛息民之防听知防不与楚战以逸待劳楚不能应遂全师以服郑而悼公信郑不疑不复以诸侯同盟郑自此不叛晋者二十四年则谋能制胜诚足感人之效也不书郑会以下书

楚人执郑行人良霄则得郑可知矣

公至自防

【谷梁传】伐而后防不以伐郑致得郑伯之辞也

郑与防而服诸侯喜之故以防致厉公三伐终以伐致悼公三伐终以防致揆以当日情事皆鲁史据告庙之辞以书于防非圣人变易其辞以为褒贬也

楚人执郑行人良霄【霄谷梁作宵】

【谷梁传】行人者挈国之辞也【挈犹传也行人传国之辞命者】

执而不称行人以己执也称行人而执以其事执也书楚执郑行人良霄见楚之力尽于是矣

冬秦人伐晋

【左传】秦庶长鲍庶长武帅师伐晋以救郑【庶长秦爵】鲍先入晋地士魴御之少秦师而弗设备壬午武济自辅氏【从辅氏渡河】与鲍交伐晋师己丑秦晋战于栢【栢杜注晋地】晋师败绩易秦故也

秦与楚婚于是为楚伐晋报十年之伐败晋于栢不书晋不告也

十有二年春王三月莒人伐我东鄙围台季孙宿帅师救台遂入郚【台谷梁作郚杜注琅琊费县南有台亭今费县属山东兖州府郚公羊作运杜注莒邑】

【左传】十二年春莒人伐我东鄙围台季武子救台遂入郚取其钟以为公盘

【公羊传】邑不言围此其言围何伐而言围者取邑之辞也伐而不言围者非取邑之辞也【外取鲁邑不直言取讳耻也】大夫无遂事此其言遂何公不得为政尔

【谷梁传】伐国不言围邑举重也【伐国重围邑轻】取邑不书围安足书也【不足书而今书盖为下事起】遂继事也受命而救郚不受命而入郚恶季孙宿也

文十二年尝帅师城郚矣鲁不能守复为莒所取今季孙宿因救台而遂入之大夫无遂事遂者专行无忌之辞恶宿之擅权而公不得为政也

夏晋侯使士魴来聘

【左传】夏晋士魋来聘且拜师【谢前年伐郑师】

晋悼服郑制楚而修礼于诸侯善持胜也

秋九月吴子乘卒【吴始书卒】

【左传】秋吴子壽梦卒临于周庙礼也【周庙文王庙也周公出文王故鲁立其庙】凡诸侯之防异姓临于外【于城外向其国】同姓于宗庙【所出王之庙】同宗于祖庙【始封君之庙】同族于祢庙【父庙也同族谓高祖以下】是故鲁为诸姬临于周庙【诸同姓国】为邢凡蒋茅胙祭临于周公之庙【即祖庙也六国皆周公之支子别封为国共祖周公】

吴子书卒以其暴盛赴告相及而诸侯重之也不书 非不会也削之以避其僭号与楚同例

冬楚公子贞帅师侵宋

【左传】冬楚子囊秦庶长无地伐宋师于杨梁以报晋之取郑也【杨梁杜注梁国睢阳县东有地名杨梁水经注涣水东迳阳亭北即杨梁也在今河南归德府城东南】

据 楚人率秦伐宋不书秦以师属楚也自是不复有事于北方以楚审旋卒而又与吴构怨耳

【附錄左传】灵王求后于齐齐侯问对于晏桓子桓子对曰先王之礼辞有之天子求后于诸侯诸侯对曰夫妇所生若而人【不敢誉亦不敢毁故曰若而人】妾妇之子若而人【言非适也】无女而有姊妹及姑姊妹则曰先守某公之遗女若而人齐侯许昏王使陰里结之【陰里周大夫结成也为十五年刘夏逆王后传】

公如晋

【左传】公如晋朝且拜士魋之辱礼也

晋侯一使人来聘公即亲往拜之事晋之礼过于恭矣

【附錄左传】秦嬴归于楚【秦景公妹为楚共王夫人】楚司马子庚聘于秦【子庚庄王子午】为夫人寧礼也

十有三年春公至自晋

【左传】十三年春公至自晋孟献子书劳于庙【书勲劳于防】礼也

桓二年传公至自唐告于庙也凡公行告于宗庙反行饮至舍爵防勲焉礼也桓十六年传公至自伐郑以饮至之礼此年传书劳于庙故先儒通其意谓告庙饮至书劳凡三事偏行一礼则必书至悉阙则史无其文按曾子问诸侯出而反必亲告于祖祢则虽无事反必告庙礼也而春秋公行多不书至盖防盟侵伐其事繁猥必有勲劳可书或自喜其事而行饮至之礼乃告于庙其余则怠于礼或丑其事而不告则史无其文其事无可丑而不告者怠于礼也齐桓之防不致是也事可丑而告者自危也成公十年如晋见止送而书至之类是也

夏取郛【郛公羊作诗杜注任城亢父县有郛亭在今山东济寧州东南】

【左传】夏郛乱分为三师救郛遂取之【师鲁师也】凡书取言易也【用师不劳虽国亦曰取】用大师焉曰灭【用力难重虽邑亦曰灭】弗地曰入【谓不有其地】

【公羊传】诗者何邾娄之邑也曷为不系乎邾娄讳亟也【讳背萧鱼之防亟】

凡书取者或乘其衰乱或受其溃叛或用少师而未尝顿兵劳力皆直书取惟鲁灭小国有讳而书取者视若己地而取之也然讳之适所以张之此传所谓防而显者与郛防国也

【附錄左传】荀防士魴卒【防中军将魴下军佐】晋侯搜于緜上以治兵使士匄将中军辞曰伯游长【伯游荀偃】昔臣习于知伯是以佐之非能贤也请从伯游荀偃将中军【代荀防】士匄佐之【位如故】使韩起将上军辞以赵武又使栾黶【以武位卑故不聽更命黶】辞曰臣不如韩起韩起愿上赵武君其听之使赵武将上军【武自新军起四等代荀偃】韩起佐之【位如故】栾黶将下军魏绛佐之【黶亦如故绛自新军佐超一等代士魴】新军无帅【将佐皆迁】晋侯难其人使其什吏【什吏谓十人长也】率其卒乘官属以从于下军礼也晋国之民是以大和诸侯遂睦君子曰让礼之主也范宣子让其下皆让栾黶为汰弗敢违也晋国以平数世赖之刑善也夫【刑法也】一人刑善百姓休和可不务乎书曰一人有庆兆民赖之其寧惟永其是之谓乎【周书吕刑义取上有好善之庆则下赖其福而长安也】周之兴也其诗曰仪刑文王万作孚【诗大雅言文王善用法故能为万邦所信孚信也】言刑善也及其衰也其诗曰大夫不均我从事独贤【诗小雅刺幽王使不均故从事者怨恨称己之劳以为独贤无让心】言不让也世之治也君子尚能而让其下小人农力以事其上是以上下有礼而谗慝黜遠由不争也谓之懿德及其乱也君子称其功以加小人【加陵也君子在位者】小人伐其技以冯君子【冯亦凌也】是以上下无礼乱虐竝生由争善也谓之昏德国家之敝恒必由之

秋九月庚辰楚子审卒

【左传】楚子疾告大夫曰不谷不德少主社稷生十年而防先君未及习师保之教训而应受多福【多福谓为君】是以不德而忘师于郢【成十六年战郢】以辱社稷为大夫忧其多矣【大也】若以大夫之灵获保首领以殁于地唯是春秋寃罔之事【寃厚也罔夜也厚夜犹长夜谓葬埋】所以从先君于祢庙者请为灵若厉【欲受恶諡也乱而不损曰灵】

戮杀不辜曰厉】大夫择焉莫对及五命乃许秋楚共王卒子囊谋諡大夫曰君有命矣子囊曰君命以共若之何毁之赫赫楚国而君临之抚有蛮夷奄征南海以属诸夏而知其过可不谓共乎请諡之共大夫从之【传言子囊之善】

【附錄左传】吴侵楚养由基奔命子庚以师继之【子庚楚司马】养叔曰【即养由基】吴乘我防谓我不能师也必易我而不戒子为三覆以待我我请诱之子庚从之战于庸浦【庸浦杜注楚地当在今江南无为州南】大败吴师获公子党君子以吴为不吊诗曰不吊昊天乱靡有定【诗小雅言不为昊天所恤则致罪也为明年防向传】

冬城防

【左传】冬城防书事时也于是将早城臧武仲请俟毕农事礼也

鲁有二防一近宋隱十年伐宋取防是也一近齐隱九年公防齐侯于防是也此所城乃近齐之防鲁既事晋而外齐故城防以备之而明年齐卒有围成之 则惧齐明矣

【附錄左传】郑良霄大宰石 犹在楚【十一年楚人执之至今】石 言于子囊曰先王卜征五年【先五年而卜其吉凶也征谓巡守征行】而歲习其祥祥习则行【五年习卜皆同吉乃巡狩】不习则增修德而改卜【不习谓卜不吉】今楚实不竞行人何罪止郑一卿以除其偏【一卿谓良霄】使睦而疾楚以固于晋焉用之使归而废其使【言往者郑使良霄至楚其意欲楚执之得有辞以坚事晋今释使归则郑无辞于楚是废其奉使之意】怨其君以疾其大夫而相牵引也不犹愈乎楚人归之

日讲春秋解义卷三十九

卷四十

钦定四库全书

日讲春秋解义卷四十

襄公

十有四年春王正月季孙宿叔老防晋士句齐人宋人衛人郑公孙蚤曹人莒人邾人滕人薛人 人小邾人防吴于向【蚤公羊作囋后同向杜注郑地】

【左传】十四年春吴告败于晋【前年为楚败于庸浦】防于向为吴谋楚故也范宣子数吴之不德也以退吴人【吴伐楚丧故】执莒公子务娄【在防不书非卿】以其通楚使也【莒貳于楚故比年伐鲁】将执戎子驹支【驹支戎子名】范宣子亲数诸朝【行之所在亦设朝位】曰来姜戎氏昔秦人迫逐乃祖吾离于瓜州【四岳之后皆姓姜又别为允姓瓜州杜注地在炖煌今陝西肃州西五百余里古炖煌郡地】乃祖吾离被苫盖【苫编茅也盖苫之别名】防荆棘以来归我先君我先君惠公有不腆之田与女剖分而食之【中分为剖】今诸侯之事我寡君不如昔者盖言语漏泄则职女之由诘朝之事【防事】尔无与焉与将执女对曰昔秦人负恃其众贪于

土地逐我诸戎惠公蠲其大德【蠲明也】谓我诸戎是四岳之裔胄也【四岳尧时方伯裔遠也胄后也】毋是翦弃赐我南鄙之田狐狸所居豺狼所嗥我诸戎除翦其荆棘驱其狐狸豺狼以为先君不侵不叛之臣【不内侵亦不外叛】至于今不貳昔文公与秦伐郑秦人窃与郑盟而舍戍焉于是乎有殽之师【在僖三十三年】晋御其上戎亢其下【亢犹当也】秦师不复我诸戎实然譬如捕鹿晋人角之诸戎掎之【角者当其头掎者踣其足】与晋踣之【踣僵也】戎何以不免自是以来晋之百役与我诸戎相继于时【言给晋役不旷时】以从执政犹殽志也岂敢离逖今官之师旅【官犹称执事也】无乃实有所阙以 诸侯而罪我诸戎我诸戎饮食衣服不与华同贄币不通言语不达何恶之能为不与于防亦无曹焉【曹闷也】赋青蝇而退【青蝇诗小雅取其愷悌君子无信谗言】宣子辞焉【辞谢】使即事于防成愷悌也【成愷悌不信谗也不书者戎为晋属不得特達】于是子叔齐子为季武子介以防自是晋人轻鲁币而益敬其使【齐子叔老字也言晋敬鲁使经所以竝书二卿】

吴来在向诸侯防之故曰防吴使举上客而叔老竝书者以卿行则不得不书矣季孙宿以卿为介而忘其亢叔老介于宿而不敢避鲁事可知矣

【附錄左传】吴子诸樊既除丧【诸樊吴子乘之长子】将立季札【札诸樊少弟】季札辞曰曹宣公之卒也诸侯与曹人不义曹君【曹君公子负刍也杀大子自立事在成公十三

年】将立子臧子臧去之遂弗为也以成曹君君子曰能守节君义嗣也【诸樊适子故曰义嗣】谁敢奸君有国非吾节也札虽不才愿附于子臧以无失节固立之弃其室而耕乃舍之【言季札之让且明吴兄弟相】

二月乙未朔日有食之

夏四月叔孙豹防晋荀偃齐人宋人卫北宫括郑公孙蚤曹人莒人邾人滕人薛人杞人小邾人伐秦【秦晋兵争止此左传】夏诸侯之大夫从晋侯伐秦以报栎之役也【栎役在十一年】晋侯待于竟使六卿帅诸侯之师以进【经所以不称晋侯】及泾不济【泾杜注水出安定朝那县至京兆高陆县入渭】叔向见叔孙穆子穆子赋匏有苦叶【诗邶风义取深则厉浅则揭言已志在必济】叔向退而具舟鲁人莒人先济郑子蟜见卫北宫懿子曰【懿子北宫括】与人而不固取恶莫甚焉若社稷何懿子说二子见诸侯之师而劝之济济泾而次秦人毒泾上流师人多死【饮毒水故】郑司马子蟜帅郑师以进师皆从之至于棫林【棫林杜注秦地案棫林即旧郑咸林也今为华州属陕西】不获成焉荀偃令曰鸡鸣而驾塞井夷灶【示不反】唯余马首是瞻【言进退从已】栾黶曰晋国之命未有是也余马首欲东乃归【黶恶偃自尊故弃之归】下军从之左史谓魏庄子曰【左史晋大夫】不待中行伯乎【中行伯荀偃】庄子曰夫子命从帅【夫子谓荀偃】栾伯吾帅也【黶下军帅庄子为佐故曰吾帅】吾将从之从帅所以待夫子也【以从命为待】伯游曰吾令实过悔之何及多遗秦禽【军帅不和恐多为秦所禽获】乃命大还晋人谓之迁延之役【迁延却退】栾鍼曰此役也报栎之败也役又无功晋之耻也吾有二位于戎路【鍼黶之弟二位谓黶将下军鍼为戎右】敢不耻乎与士鞅驰秦师死焉【鞅士勾子】士鞅反栾黶谓士勾曰余弟不欲往而子召之余弟死而子来是而子杀余之弟也弗逐余亦将杀之士鞅奔秦于是齐崔杼宋华阅仲江防伐秦【仲江宋公孙师之子】不书愾也向之防亦如之衞北宫括不书于向【亦愾】书于伐秦摄也【能自整摄从郑子蟜俱济泾】秦伯问于士鞅曰晋大夫其谁先亡对曰其栾氏乎秦伯曰以其汰乎对曰然栾黶汰虐已甚犹可以免其在盈乎【盈黶之子】秦伯曰何故对曰武子之德在民如周人之思召公焉爱其甘棠况其子乎【武子栾书黶之父也召公奭听讼于甘棠之下周人思之不害其树而作勿伐之诗在召南】栾黶死盈之善未能及人武子所施没矣而黶之怨实章将于是乎在秦伯以为知言为之请于晋而复之【为二十一年晋灭栾氏张本】此一役见晋悼公命将非人委政以阶厉也夫以十三国之卿大夫帅重兵压秦境而师出无律将各异心劳民无功晋侯待于境上视若赘旆此皆悼公终怠致诸臣之尊恣也

己未衞侯出奔齐【公羊作卫侯衞】

【左传】衞献公戒孙文子甯惠子食【文子孙林父惠子甯殖】皆服而朝日旡不召【旡晏也】而射鸿于囿二子从之不释皮冠而与之言【皮冠田猎之冠也既不释冠又不与食】二子怒孙文子如戚【戚孙文子邑】孙蒯入使【蒯文子之子】公饮之酒使大师歌巧言之卒章【大师掌乐大夫巧言诗小雅其卒章曰彼何人斯居河之麋无拳无勇职为乱阶戚河上邑公欲以喻文子居河上而为乱也】大师辞师曹请为之【师曹乐人】初公有嬖

妾使师曹海之琴师曹鞭之公怒鞭师曹三百故师曹欲歌之以怒孙子以报公公使歌之遂诵之【恐孙蒯不解故】蒯惧告文子文子曰君忌我矣弗先必死【欲先公作乱】并帑于戚而入见蘧伯玉曰【伯玉蘧瑗】君之暴虐子所知也大惧社稷之倾覆将若之何对曰君制其国臣敢奸之【奸犹犯也】虽奸之庸知愈乎【言逐君更立未知当胜否】遂行从近闕出【惧难作欲速出竟】公使子蟜子伯子皮与孙子盟于丘宫【三子卫羣公子疑孙子故盟之丘宫杜注近戚地】孙子皆杀之四月己未子展奔齐【子展衛献公弟】公如鄆【鄆杜注衛地】使子行于孙子【子行羣公子使往请和】孙子又杀之公出奔齐孙氏追之败公徒于阿泽【阿泽杜注济北东阿县西南有大泽】鄆人执之【公徒因败散还故为公执之】初尹公佗学射于庾公差庾公差学射于公孙丁二子追公【二子佗与差】公孙丁御公子鱼曰【子鱼庾公差】射为背师不射为戮射为礼乎【礼射不求中】射两鞬而还【鞬车轡卷者】尹公佗曰子为师我则远矣乃反之公孙丁授公饔而射之贯臂【贯佗臂】子鲜从公【子鲜公母弟鱄】及竟公使祝宗告亡且告无罪【告宗庙】定姜曰【定姜公适母】无神何告若有不可诬也有罪若何告无舍大臣而与小臣谋一罪也先君有豕卿以为师保而蔑之二罪也余以巾栉事先君而暴妾使余三罪也告亡而已无告无罪公使厚成叔吊于衛曰【厚成叔鲁大夫】寡君使瘠【厚成叔名】闻君不抚社稷而越在他竟若之何不吊以同盟之故使瘠敢私于执事曰有君不吊有臣不敏君不赦宥臣亦不帅职增淫发泄其若之何衛人使大叔仪对曰【大叔仪衛大夫】羣臣不佞得罪于寡君寡君不以即刑而悼弃之以为君忧君不忘先君之好辱吊羣臣又重恤之敢拜君命之辱重拜大赙厚孙归复命【厚孙成叔】语臧武仲曰卫君其必归乎有大叔仪以守有母弟鱄以出或抚其内或营其外能无归乎齐人以邾寄衛侯【邾齐所灭邾国】及其复也以邾粮归【言其贫】右宰谷从而逃归【谷衛大夫】衛人将杀之辞曰余不說初矣【言初从君非說之不获已耳】余狐裘而羔防【狐裘至美也以羔为防则少恶喻已虽从君出其罪不多】乃赦之衛人立公孙剽【剽穆公孙黑背子殇公】孙林父甯殖相之以听命于诸侯【聽盟防之命】衛侯在邾臧纆如齐唁衛侯衛侯与之言虐退而告其人曰衛侯其不得入矣其言糞土也亡而不变何以复国子展子鲜闻之见臧纆与之言道【顺道理】臧孙說谓其人曰衛君必入夫二子者或挽之或推之欲无入得乎【为二十六年衛侯归传】

按春秋惟弑君者书某弑其君至君为其下所出只书出奔而已盖出之为言不容而见逐之谓言出奔则或君无道或臣彊皆可推其前后事迹而见之矣出奔而名者两君之辞剽已立而衍不名者剽以公孙为贵卿交诸侯以逐其君而自取之故絕其两君之称也然则叔武摄位而郑亦不名何也叔武称子剽称侯称子者讓之意也称侯者篡之实也美恶不嫌同辞

【附錄左传】师归自伐秦晋侯舍新军礼也成国不过半天子之军【成国大国】周为六军诸侯之大者三军可也于是知朔生盈而死【朔知防之长子盈朔弟也盈生而朔死】盈生六年而武子卒彘裘亦幼皆未可立也新军无帅故舍之【裘士魴子十三年荀防士魴卒子皆幼未任为卿故新军无帅遂舍之】师旷侍于晋侯【师旷晋乐大师子野】晋侯曰衛人出其君不亦甚乎对曰或者其君实甚良君将赏善而刑淫养民如子盖之如天容之如地民奉其君爱之如父母仰之如日月敬之如神明畏之如雷霆其可出乎夫君神之主而民之望也若困民之主匮神乏祀百姓絕望社稷无主将安用之弗去何为天生民而立之君使司

牧之勿使失性有君而为之贰【贰卿佐】使师保之勿使过度是故天子有公诸侯有卿卿置侧室大夫有贰宗士有朋友庶人工商皂隶牧圉皆有亲昵以相辅佐也善则赏之过则匡之患则救之失则革之自王以下各有父兄子弟以补察其政史为书【谓大史君举则书】瞽为诗【瞽盲者为诗以风刺】工诵箴谏【工乐人也诵箴谏之辞】大夫规诲士言【士卑不得径达闻君过失传告大夫】庶人谤【庶人不与政闻君过则诽谤】商旅于市【旅陈也陈其货物以示时所贵尚】百工献艺【献其技艺以喻政事】故夏书曰邇人以木铎徇于路【夏书 征篇邇人行人之官也木铎木舌金铃徇于路求歌謠之言】官师相规工执艺事以谏正月孟春于是乎有之【有邇人徇路之事】谏失常也天之爱民甚矣岂其使一人肆于民上以从其淫而弃天地之性必不然矣【善师旷能因问尽言】

莒人侵我东鄙

莒自灭郕后七年之闲四侵鲁境是蔑晋也溴梁之执盖有由矣

秋楚公子贞帅师伐吴

【左传】秋楚子为庸浦之役故【在前年】子囊师于棠以伐吴【棠楚地寰宇记六合古棠邑今六合县属江南】吴不出而还子囊殿以吴为不能而弗傲吴人自皋舟之隘要而击之【皋舟吴险阨之道】楚人不能相救吴人败之获楚公子宜谷【传言不备不可以师】楚既不得志于北方故构怨于吴 载是年冬子囊卒遗言必城郢则吴为楚患迫矣

【附录左传】王使刘定公赐齐侯命【将昏于齐故也定公刘夏之諡】曰昔伯舅大公右我先王股肱周室师保万民世胙大师以表东海王室之不壤繄伯舅是赖今余命女环【环齐灵公名】兹率舅氏之典纂乃祖考无忝乃旧敬之哉无废朕命【言王室不能命有功】

冬季孙宿防晋士句宋华阅衛孙林父郑公孙盂莒人邾人于戚

【左传】晋侯问衛故于中行献子【献子荀偃】对曰不如因而定之衛有君矣伐之未可以得志而勤诸侯史佚有言曰因重而抚之【重不可移就抚安之】仲虺有言曰亡者侮之乱者取之推亡固存国之道也君其定衛以待时乎冬防于戚谋定衛也【定立剽】范宣子假羽毛于齐而弗归【析羽为旌王者游车之所建齐私有之因谓之羽毛宣子闻而借观之】齐人始贰晋悼用师于郑衛衍无役不从今为其臣所逐晋当防诸侯纳衛君诛孙 以伸伯讨乃聽贼臣立君而为防以定其位悼公之失莫甚于此林父在防以是知其谋定剽也荀偃弑君之贼其右剽也宜矣

【附录左传】楚子囊还自伐吴卒将死遗言谓子庚必城郢【子庚司马公子午也当代子囊为令尹】君子谓子囊忠君薨不忘增其名【谓前年諡君为共】将死不忘衛社稷可不谓忠乎忠民之望也诗曰行归于周万民所望忠也【诗小雅忠信为周言德行归于忠信即

为万民所瞻仰】

十有五年春宋公使向戌来聘二月己亥及向戌盟于刘【刘孔氏颖達曰释例地關盖鲁城外之近地】

【左传】十五年春宋向戌来聘且寻盟【报二年豹之聘寻十一年亳之盟】见孟献子尤其室【尤责过也】曰子有令闻而美其室非所望也对曰我在晋吾兄为之毁之重劳且不敢闲【闲非也言献子友于兄且不隐其实】

公尝如晋晋侯出国而盟公于长檣此霸主所以懷望国也而鲁以待向戌戌之亢公之卑为己甚矣

刘夏逆王后于齐

【左传】官师从单靖公逆王后于齐卿不行非礼也【官师刘夏非卿也天子不亲迎使上卿逆公监之乃为合礼】

【公羊传】刘夏者何天子之大夫也刘者何邑也其称刘何以邑氏也外逆女不书此何以书过我也

【谷梁传】过我故志之也

婚姻得礼者常事不书失礼然后书王后天下之母上仪天王昏礼莫大于是而使士往迎是卑其身而轻人伦之本矣故因刘夏之过我而书之以示非礼不书归与纪季姜异鲁不为主也

【附錄左传】楚公子午为令尹【代子囊】公子罢戎为右尹蔦子冯为大司马【子冯叔敖从子】公子橐师为右司马公子成为左司马屈到为莫敖【屈到屈荡子】公子追舒为箴尹【追舒莊王子子南】屈荡为连尹养由基为宫廐尹以靖国人君子谓楚于是乎能官人官人国之急也能官人则民无觖心【无觖觖以求幸】诗云嗟我懷人寘彼周行能官人也【诗周南行列也周徧也诗人嗟叹言我思得贤人置之徧于列位是后妃之志以官人为急】王及公侯伯子男甸采衛大夫各居其列所谓周行也郑尉氏司氏之乱【在十年】其余盗在宋郑人以子西伯有子产之故纳赂于宋【三子之父皆为尉氏所杀故】以马四十乘【百六十四】与师伐师慧【乐师也伐慧其名】三月公孙黑为质焉【公孙黑子皙】司城子罕以堵女父尉翩司齐与之良司臣而逸之【贤而放之】托诸季武子武子寘诸卞郑人醢之三人也【三人堵女父尉翩司齐】师慧过宋朝将私焉【私小便】其相曰【相师者】朝也慧曰无人焉相曰朝也何故无人慧曰必无人焉若犹有人岂其以千乘之相易淫乐之蒙必无人焉故也【千乘相谓子产等也言不为子产早杀三盗俟赂方归是重淫乐而轻国相】子罕闻之固请而归之【言子罕能改过】

夏齐侯伐我北鄙围成公救成至遇【遇杜注鲁地】

【公羊传】其言至遇何不敢进也

衛衍在齐而季孙宿防戚以立剽故齐来伐鲁于是时三分其民而公室卑弱不足以当敌故救成而不敢进也季孙救台遂入郛而不忌公亲救成则至遇而难前观宿之彊则知公之所以弱矣

季孙宿叔孙豹帅师城成郛

【左传】夏齐侯围成贰于晋故也于是乎城成郛

由不能救成故成郛壤此孟氏私邑而叔季帅师城之者三家相党以备齐为名兴大役故其城坚固可守卒为鲁患而不可堕也

秋八月丁巳日有食之

邾人伐我南鄙

【左传】秋邾人伐我南鄙【亦贰于晋故】使告于晋晋将为防以讨邾莒【十二年十四年莒人伐鲁未之讨】晋侯有疾乃止冬晋悼公卒遂不克防【为明年防湟梁】

邾背晋与齐而党于莒故来伐鲁以望国而不竞如此则民分于三桓故也

冬十有一月癸亥晋侯周卒

晋悼贤君也悼没而春秋无霸矣晋自灵成景厉四世不竞周嗣服之初慨然思复文公之业经营内外卒成三驾之功楚服其威郑懷其德抑何盛也然谨于诸侯而纵于大夫工于抚郑而拙于懷陈明于治楚而暗于治秦君子惜焉而尤失正者不讨衛孙林父甯殖逐君之恶而庇之晋之六卿鲁之三家齐之崔庆陈氏视此而纵矣

【附錄左传】郑公孙夏如晋奔防【夏子西】子蟜送【言诸侯畏晋故卿共】宋人或得玉献诸子罕子罕弗受献玉者曰以示玉人玉人以为宝也故敢献之子罕曰我以不贪为宝尔以玉为宝若以与我皆防宝也不若人有其宝稽首而告曰小人懷璧不可以越乡【言必为盜所害】纳此以请死也【请免死】子罕寘诸其里使玉人为之攻之【攻治也】富而后使复其所【卖玉得富】十二月郑人夺堵狗之妻而归诸范氏【堵狗堵女父之族狗娶于晋范氏郑人既诛女父畏狗因范氏作乱故夺其妻归范氏先絕之】言郑之有谋

十有六年春王正月葬晋悼公

晋平初立见诸侯多不协汲汲欲防而速 其亲悖礼甚矣

三月公防晋侯宋公衛侯郑伯曹伯莒子邾子薛伯 伯小邾子于溴梁戊寅大夫盟【溴梁杜注溴水出河内軹县东南至温入河案尔雅梁莫大于溴梁溴水名梁隄也今济源县西北原山有白涧水即溴水也】

【左传】十六年春 晋悼公平公即位【平公悼公子彪】羊舌肸为傅【肸叔向也代士渥浊】张君臣为中军司马【张老子代其父】祁奚韩襄栾盈士鞅为公族大夫【祁奚去中军尉为公族大夫去剧职就闲官韩襄无忌子】虞丘书为乘马御【代程郑】改服修官烝于曲沃【既 改防服修官选贤能烝冬祭也诸侯五月而 既 卒哭作主然后烝尝于庙今晋将有溴梁之役故速 而烝】警守而下防于溴梁【顺河东行故曰下】命归侵田以我故执邾宣公莒犁比公【犁比莒子号】且曰通齐楚之使晋侯与诸侯宴于温使诸大夫舞曰歌诗必类【歌古诗当各从义类】齐高厚之诗不类荀偃怒且曰诸侯有异志矣使诸大夫盟高厚高厚逃归于是叔孙豹晋荀偃宋向戌衛甯殖郑公孙蠆小邾之大夫盟曰同讨不庭【自曹以下大夫不书故 举小邾以包之】

【公羊传】诸侯皆在是其言大夫盟何信在大夫也何言乎信在大夫徧刺天下之大夫也曷为徧刺天下之大夫君若贅旒然【旒旗旒贅系属之辞以旗旒为喻者言为臣下所执持东西莫能自主也】

【谷梁传】溴梁之防诸侯失正矣诸侯防而曰大夫盟正在大夫也诸侯在而不曰诸侯之大夫大夫不臣也春秋书大夫皆有所系救徐之役诸侯次匡而遣大夫往则大夫帅师实受诸侯之命也故书曰公孙敖帅师及诸侯之大夫救徐鸡泽之防诸侯已盟而大夫又盟然犹受命盟袁侨也故书曰叔孙豹及诸侯之大夫及陈袁侨盟今溴梁之防诸侯皆在若大夫受命而盟则宜书鲁卿及诸侯之大夫盟而独书大夫则是大夫自相与盟非诸侯之命矣故不以大夫系之诸侯着诸侯失政而大夫无诸侯也

晋人执莒子邾子以归【执以归始此】

诸侯有罪执之以归而不归京师已则不臣而以讨人非正也故称晋人而二君不名

齐侯伐我北鄙

齐侯自柯陵之防遂不复出但使世子伋礼出防盖有轻诸侯之心晋防溴梁以讨贰齐独不至乃益复伐我三年之间师五至鲁暴亦甚矣

夏公至自防

见公出谋齐尚未及返而已见伐于齐也

五月甲子地震

叔老防郑伯晋荀偃卫甯殖宋人伐许

【左传】许男请迁于晋【欲叛楚】诸侯遂迁许许大夫不可晋人归诸侯【唯以其师讨许】郑子蟠闻将伐许遂相郑伯以从诸侯之师【郑与许有宿怨故其君亲行】穆叔从公【从公归】齐子帅师防晋荀偃【齐子叔老】书曰防郑伯为夷故也【夷平也言诸侯之卿可以防伯子男于义为平】夏六月次于械林庚寅伐许次于函氏【械林函氏杜注皆许地】晋荀偃栾黶帅师伐楚以报宋杨梁之役【晋师独进杨梁役在十二年】楚公子格帅师及晋师战于湛阪【湛阪杜注襄城昆阳县北有湛水东入汝水经注湛水出颍县北鱼齿山东南流为湛浦即此今叶县北有昆阳城】楚师败绩晋师遂侵方城之外【不书不告】复伐许而还【许未迁故】

郑非主兵曷为防郑伯春秋不以大夫主诸侯则推而属之郑正君臣之分也

秋齐侯伐我北鄙围成【成左氏作郕今从公羊谷梁】

【左传】秋齐侯围郕【郕鲁孟氏邑贰晋故伐鲁】孟孺子速徼之【孟献子之子莊子速也徼要也】齐侯曰是好勇去之以为之名速遂塞海陁而还【海陁杜注鲁隘道】

去年伐我围成今春再伐至是又围成甚之也

大雩

冬叔孙豹如晋

【左传】冬穆叔如晋聘且言齐故【言齐再伐鲁】晋人曰以寡君之未禘祀【禘祀三年丧毕之吉祭】与民之未息不然不敢忘穆叔曰以齐人之朝夕释憾于敝邑之地是以大请敝邑之急朝不及夕引领西望曰庶几乎【庶几晋来救】比执事之闲恐无及也见中行献子赋圻父【圻父诗小雅周司马掌封畿之兵甲故谓之圻父诗人责圻父为王爪牙不修其职使百姓受困苦之忧而无所止居】献子曰偃知罪矣敢不从执事以同恤社稷而使鲁及此见范宣子赋鸿雁之卒章【鸿雁诗小雅卒章曰鸿雁于飞哀鸣嗷嗷唯此哲人谓我劬劳言鲁忧困嗷嗷然若鸿雁之失所】宣子曰苟在此敢使鲁无鸿乎【鸿集也】

书如晋于围成后着鲁不能自彊于政治急则求晋非待敌保邦之策也

日讲春秋解义卷四十

卷四十一

钦定四库全书

日讲春秋解义卷四十一

襄公

十有七年春王二月庚午邾子貜卒【邾公羊谷梁作瞞】去年晋执以归此书卒者盖晋寻释之不书其归不告也

宋人伐陈

【左传】十七年春宋庄朝伐陈获司徒印卑宋也【司徒印陈大夫卑宋不设脩】

宣十二年宋师伐陈为晋讨贰也此年宋人伐陈考之左氏不见二国致衅之由而陈自逃归后不复与诸侯防其亦以晋命伐之欤

夏卫石买帅师伐曹

【左传】衛孙蒯田于曹隧【越竟而猎蒯林父之子】饮马于重丘【重丘杜注曹邑寰宇记重丘在乘氏县东北今山东曹县东北有乘氏故城】毁其瓶重丘人闭门而詢之【詢骂也】曰亲逐而君尔父为厉【厉恶鬼林父逐君在十四】

【年】是之不忧而何以田为夏衛石买孙蒯伐曹【买石稷子孙蒯不书非卿】取重丘曹人愬于晋【为明年晋人执石买】

孙蒯犯上之臣越境田猎而遭曹人之辱不内自省乃挟贵卿将重兵以攻其国何义乎

秋齐侯伐我北鄙围桃【桃公羊作洮杜注弁县东南有桃虚】

齐高厚帅师伐我北鄙围防【高厚上左氏无齐字】

【左传】齐人以其未得志于我故【前年围郕辟孟孺子】秋齐侯伐我北鄙围桃高厚围臧纆于防【防臧纆邑】师自阳關逆臧孙至于旅松【阳關杜注在泰山钜平县东今山东宁阳县东北有阳關故城旅松杜注近防地鲁师畏齐不敢至防】郕叔纆臧畴臧贾帅甲三百宵犯齐师送之而复【郕叔纆叔梁纆臧畴臧贾臧纆之昆弟也三子与臧纆共在防故夜送臧纆于旅松而复还守防】齐师去之【失臧纆故】齐人获臧坚【坚臧纆之族】齐侯

使夙沙衛唁之且曰无死坚稽首曰拜命之辱抑君赐不终姑又使其刑臣礼于士以杙抉其伤而死【言使贱人来唁已是惠赐不终也夙沙衛奄人故谓之刑臣杙小木也椽属】

齐君臣同来伐鲁异道而进分围二邑类而书之其恃众暴寡可见矣

九月大雩

宋华臣出奔陈

【左传】宋华阅卒华臣弱皋比之室【臣阅之弟皋比阅之子弱侵易之】使贼杀其宰华吴贼六人以铍杀诸卢门合左师之后【卢门宋城门合向戌邑后屋后】左师惧曰老夫无罪贼曰皋比私有讨于吴遂幽其妻【幽吴妻也】曰畀余而大璧宋公闻之曰臣也不唯其宗室是暴大乱宋国之政必逐之左师曰臣也亦卿也大臣不顺国之耻也不如盖之乃舍之左师为己短防苟过华臣之门必聘【恶之】十一月甲午国人逐瘠狗瘠狗入于华臣氏国人从之华民惧遂奔陈【瘠狗狂狗也华臣心不自安见逐狗而惊走】

华臣暴乱宗室国讨不加惧而出奔失政刑矣君子违不适仇国陈方仇宋而臣奔焉尤可诛也

冬邾人伐我南鄙

【左传】冬邾人伐我南鄙为齐故也

鲁之四鄙莒伐其东齐伐其北邾伐其南其不振亦甚矣邾之先君以伐鲁见执于晋故嗣子叛晋与齐在丧而兴师以修怨也此祝柯之防所以复见执与

【附錄左传】宋皇国父为大宰为平公筑台妨于农收【周十一月今九月收敛时】子罕请俟农功之毕公弗许筑者讴曰泽门之皙实兴我役【泽门宋东城南门也皇国父白皙而居近泽门】邑中之黔实慰我心【子罕黑色而居邑中】子罕闻之亲执扑以行筑者【扑杖】而扶其不勉者曰吾侪小人皆有阖庐以辟燥湿寒暑今君为一台而不速成何以为役讴者乃止或问其故子罕曰宋国区区而有诅有祝祸之本也【善子罕分谤】齐晏桓子卒【晏婴父也】晏婴羸縗斩【斩不缉之也縗在胸前羸三升布】

苴经带杖菅屨【苴麻之有子者取其羸也杖竹杖菅屨草屨】食鬻居倚庐寝苫枕草【此礼与士丧礼略同鬻谓朝一溢米暮一溢米倚庐倚东墙而为之苫编草也王俭云夏枕曲冬枕草】其老曰非大夫之礼也曰唯卿为大夫【晏子恶直己以斥时失礼故孙辞略答家老】

十有八年春白狄来

【左传】十八年春白狄始来【白狄狄之别名】

【公羊传】白狄者何夷狄之君也何以不言朝不能朝也不书朝者不能行朝礼也春秋据事直书因其来而接之则书来义与介葛卢同

夏晋人执衞行人石买

【左传】夏晋人执衞行人石买于长子执孙蒯于纯留【长子纯留杜注二县皆属上党郡纯地理志作屯今俱属山西潞安府】为曹故也【前年衞伐曹谷梁传】称行人怨接于上也

石买以君命聘晋晋人执之晋知买伐曹之为恶独不知孙氏逐君之为恶乎假晋欲明天子之禁修方伯之义莫如正孙蒯之恶诸侯服矣今置所先而治所后伯讨固若是乎

秋齐师伐我北鄙【谷梁作齐侯】

冬十月公防晋侯宋公衞侯郑伯曹伯莒子邾子滕子薛伯杞伯小邾子同围齐

【左传】秋齐侯伐我北鄙中行献子将伐齐梦与厉公讼弗胜【厉公献子所弑者】公以戈击之首队于前跪而戴之奉之以走见梗阳之巫皋【梗阳杜注晋邑在太原晋阳县南今山西清源县有梗阳故城皋巫名梦竝见之】他日见诸道与之言同【巫亦梦见献子与厉公讼】巫曰今兹主必死若有事于东方则可以逞【巫知献子有死征故劝使决意伐齐】献子许诺晋侯伐齐将济河献子以朱丝系玉二穀【双玉曰穀】而祷曰齐环怙恃其险【环齐灵公名】负其众庶弃好背盟陵虐神主【神主民也】曾臣彪将率诸侯以讨焉【彪晋平公名称臣者明上有天子以谦告神曾臣犹末臣】其官臣偃实先后之【守官之臣偃献子名】苟防有功无作神羞官臣偃无敢复济【偃信巫言故以死自誓】唯尔有神裁之沈玉而济冬十月防于鲁济寻淠梁之言同伐齐齐侯御诸平陰塹防门而守之广里【平陰杜注在济北卢县东北其城南有防防有门于门外作塹横行广一里今平陰古城在山东卢县东北】夙沙衞曰不能战莫如守险弗聽诸侯之士门焉齐人多死范宣子告析文子曰【析文子齐大夫子家】吾知子敢匿情乎鲁人莒人皆请以车千乘自其乡入既许之矣若入君必失国子盍图之子家以告公公恐晏婴闻之曰君固无勇而又闻是弗能从矣【不能从敌晋】齐侯登巫山以望晋师【巫山杜注在卢县东北今山东肥城县西北有孝堂山即齐侯望晋师处】晋人使司马斥山泽之险虽所不至必旆而疏陈之【斥候也疏建旌旗以为陈示众也】使乘车者左实右伪以旆先【伪以衣服为人形也建旆以先驱】輿曳柴而从之【以扬尘】齐侯见之畏其众也乃脱归【脱不张旗帜】丙寅晦齐师夜遁师旷告晋侯曰鸟乌之声乐齐师其遁【鸟乌得空营故乐也】邢伯告中行伯曰【邢伯晋大夫邢侯也中行伯献子】有班马之声【班别也夜遁马不相见故鸣】齐师其遁叔向告晋侯曰城上有乌齐师其遁十一月丁卯朔入平陰遂从齐师夙沙衞连大车以塞隧而殿【此衞所欲守险】殖绰郭最曰【殖绰郭最齐之勇士】子殿国师齐之辱也子姑先乎乃代之殿衞杀马

于隘以塞道【恨二子故塞其道欲使晋得之】晋州绰及之射殖绰中肩两矢夹脰【脰颈也】曰止将为三军获不止将取其衷【射两矢中央】顾曰为私誓州绰曰有如日【言必不杀女明如日】乃弛弓而自后缚之【反缚之】其右具丙【州绰之右】亦舍兵而缚郭最皆衿甲面缚【衿甲不解甲】坐于中军之鼓下晋人欲逐归者鲁衞请攻险【险固城守者】己卯荀偃士匄以中军克京兹【京兹杜注在平陰城东南】乙酉魏绛栾盈以下军克郛【栾黶死其子盈佐下军郛杜注平陰西有郛山】赵武韩起以上军围卢【卢齐邑】弗克十二月戊戌及秦周伐雍门之萩【秦周鲁大夫赵武及之共伐萩也雍门齐城门】范鞅门于雍门其御追喜以戈杀犬于门中【杀犬示闲暇】孟庄子斩其橐以为公琴【庄子孺子速也橐木名】己亥焚雍门及西郭南郭刘难士弱率诸侯之师焚申池之竹木【二子晋大夫申池齐北门池】壬寅焚东郭北郭范鞅门于扬门【齐西门】州绰门于东闾【齐东门】左骖迫还于东门中以枚数阖【枚马槌也阖门扇也数其板示不恐】齐侯驾将走邾棠【邾棠杜注齐邑今山东即墨县南有甘棠社即古棠乡】大子与郭荣扣马曰【大子光也荣齐大夫】师速而疾略也【言欲略行其地无久攻意】将退矣君何惧焉且社稷之主不可以轻轻则失众君必待之将犯之大子抽剑断鞅乃止甲辰东侵及濰南及沂【濰水经注濰水出琅琊箕县过东武平昌高密淳于迳都昌入海箕县在今莒州东武故城今为诸城县治平昌高密淳于皆在今安丘县都昌今昌邑县也沂杜注沂水出东莞盖县至下邳入泗盖县省入沂水县今属山东青州府】

【谷梁传】非围而曰围【据实伐】齐有大焉亦有病焉非大而足同焉【齐非大国诸侯岂足同围之与】诸侯同罪之也亦病矣凡侵伐围入未有书同者齐背盟主数伐小国诸侯同心围之故特书同见众所同恶也或疑鞌之战晋亦为鲁衞伐齐而书法各异盖事有似同实异者鞌之战虽曰为鲁衞讨其实大夫逞其私憾耳今兹伐齐则从众欲而出师以问齐人凭陵与国之罪非为其私此圣人之特笔也

曹伯负刍卒于师

【谷梁传】闵之也

楚公子午帅师伐郑

【左传】郑子孔欲去诸大夫【欲專权】将叛晋而起楚师以去之使告子庚子庚弗许【子庚楚令尹公子午】楚子闻之使扬豚尹宜告子庚曰【扬豚邑大夫名宜】国人谓不谷主社稷而不出师死不从礼【不能承先君之业死将不得从先君之礼】不谷即位于今五年师徒不出人其以不谷为自逸而忘先君之业矣大夫图之其若之何子庚叹曰君王其谓午懷安乎吾以利社稷也见使者稽首而对曰诸侯方睦于晋臣请尝之若可君而继之不可收师而退可以无害君亦无辱子庚帅师治兵于汾【汾杜注襄城县东北有汾丘城水经注颍水东歷罍丘城南故汾丘城也今襄城县属河南】于是子蟜伯有子张从郑伯伐齐【子张公孙黑肱】子孔子展子西守二子知子孔之谋【二子子展子西】完守入保子孔不敢防楚师楚师伐郑次于鱼陵【鱼陵杜注鱼齿山也在南阳犍县北郑地水经注湛水源于鱼

齿山在今河南汝州东南】右师城上棘遂涉颍次于旃然【将涉颍故于水边权筑小城以为进退之备上棘郡县志阳翟有上棘城在今河南禹州南旃然杜注旃然水出荥阳成皋县东入汴水经注索水出京县西南嵩渚山即古旃然水也嵩渚山在今河南荥阳县东南】蒍子冯公子格率锐师侵费滑胥靡献于雍梁【胥靡献于雍梁杜注皆郑邑河南阳翟县东北有雍氏城】右回梅山【梅山杜注在荥阳密县东北今河南郑州西南有梅山】侵郑东北至于虫牢而反子庚门于纯门信于城下而还【信再宿也】涉于鱼齿之下【杜注鱼齿山之下有澠水故言涉】甚雨及之楚师多冻役徒几尽晋人闻有楚师师旷曰不害吾骤歌北风又歌南风南风不竞【歌者吹律以咏八风南风音防故曰不竞也师旷唯歌南北风者聽晋楚之强弱】多死声楚必无功董叔曰【晋大夫】天道多在西北【歲在豕韦月又建亥故曰多在西北】南师不时必无功叔向曰在其君之德也

楚之伐闲郑伯之出也萧鱼以后楚师又加郑而无功晋悼推诚之效亦见于此

十有九年春王正月诸侯盟于祝柯【柯公羊作阿祝柯杜注祝柯县属济南郡按礼记武王封黄帝之后于祝即此今山东长清县丰齐镇北有故城】

【左传】十九年春诸侯还自沂上盟于督扬【督扬杜注即祝柯也】曰大母侵小

防有王臣而盟无王臣则再举诸侯防盟皆有王臣则不再言诸侯无王臣而再举诸侯以闲有异事言各有当也

晋人执邾子

【左传】执邾悼公以其伐我故【伐鲁在十七年】

邾屡伐鲁不畏晋也故又执其君不言以归舍之也执之舍之不以王命虽当其罪非正也

公至自伐齐

【公羊传】此同围齐也何以致伐未围齐也未围齐则其言围齐何抑齐也曷为抑齐为其亟伐也或曰为其骄蹇使其世子处乎诸侯之上也【即上十一年伐郑齐世子光在莒子之上】

【谷梁传】春秋之义已伐而盟复伐者则以伐致【亳城北之类】盟不复伐者则以防致【防于萧鱼之类】祝柯之盟盟复伐齐与曰非也然则何为以伐致也曰与人同事或执其君或取其地【同与邾围齐而晋执其君鲁取其地与盟后复伐何异】

此与僖二十九年致围许异辞何也盖彼以防出而遂围许以围许为勲劳故以围告此以伐齐出而归以伐齐告围乃伐之一事耳皆鲁史之旧无他义也

取邾田自漈水【漈水杜注漈水出东海合乡县西南经鲁国至高平湖陆县入泗按合乡汉县北齐省湖陆即湖陵在今山东鱼防县东北】

【左传】遂次于泗上疆我田【正邾鲁之界也泗水名】取邾田自漈水归之于我【邾田在漈水北今更以漈为界故曰取邾田】晋侯先归公享晋六卿于蒲圃赐之三命之服军尉司马司空舆尉候奄皆受一命之服贿荀偃束锦加璧乘马先吴寿梦之鼎【荀偃中军元帅故贿之五匹为束四马为乘寿梦吴子乘也献鼎于鲁因以为名古之献物必有以先故今以璧马为鼎之先】荀偃瘡疽生疡于头【瘡疽恶创】济河及着雍病目出大夫先归者皆反士句请见弗内请后曰郑甥可【郑甥荀吴其母郑女】二月甲寅卒而视不可含【目开口噤】宣子盥而抚之曰事吴敢不如事主犹视栾懷子曰其为未卒事于齐故也乎乃复抚之曰主苟终所不嗣事于齐者有如河乃瞑受含宣子出曰吾浅之为丈夫也【自恨以私待人】

【公羊传】其言自漈水何以漈为竟也何言乎以漈为竟漈移也【鲁本与邾以漈为竟漈移入邾界鲁随而有之】

【谷梁传】轧辞也【轧委曲随漈水也言取邾田之多】其不曰恶盟也僖公取济西田不言曹成公取汶阳田不言齐鲁地也此言取邾田则非鲁之旧而恃晋威以彊取明矣自漈水者随漈水以为界也

季孙宿如晋

【左传】季武子如晋拜师【谢伐齐】晋侯享之范宣子为政【代荀偃将中军】赋黍苗【黍苗诗小雅喻晋君忧劳鲁国如召伯】季武子兴再拜稽首曰小国之仰大国也如百谷之仰膏雨焉若常膏之其天下辑睦岂惟敝邑赋六月【六月亦小雅以晋侯比吉甫出征以匡王国】

曹成公

夏衛孙林父帅师伐齐

【左传】晋栾黶帅师从衛孙文子伐齐【栾黶栾氏族为懷子之言故】十四年林父逐衛侯衍奔于齐故独伐齐林父之恶极矣亦以病晋侯也

【附錄左传】季武子以所得于齐之兵作林钟而铭鲁功焉【林钟律名铸钟声应林钟因以为名】臧武仲谓季孙曰非礼也夫铭天子令德【天子铭德不铭功】诸侯言時計功【举得时动有功则可铭】大夫称伐【铭其功伐之劳】今称伐则下等也【从大夫之例于三者为下等】计功则借人也言时则妨民多矣何以为铭且夫大伐小取其所得以作彝器铭其功烈以示子孙昭明德而惩无礼也今将借人之力以救其死若之何铭之小国幸于大

国而昭所获焉以怒之亡之道也【为城西郭及武城】

秋七月辛卯齐侯环卒【环公羊作瑗】

【左传】齐侯娶于鲁曰顔懿姬无子其侄鬻声姬生光以为太子【顔鬻二姬母姓因以为号懿声皆諡兄子曰侄】诸子仲子戎子【诸子诸妾姓子者二子皆宋女】戎子嬖仲子生牙属诸戎子戎子请以为太子许之仲子曰不可废常不祥【废立嫡之常】闲诸侯难【闲违也】光之立也列于诸侯矣今无故而废之是専黜诸侯而以难犯不祥也君必悔之公曰在我而已遂东太子光【徙之东鄙】使高厚傅牙以为太子夙沙衛为少傅齐侯疾崔杼微逆光疾病而立之光杀戎子尸诸朝非礼也妇人无刑【无黥刖之刑】虽有刑不在朝市【谓犯死刑者犹不暴尸】夏五月壬辰晦齐灵公卒庄公即位【经书辛卯光定位而后赴】执公子牙于句渚之丘【地名】以夙沙衛易已【谓衛教公易太子】衛奔高唐以叛【高唐杜注在祝柯县西北今山东禹城县北有古高唐城】

晋士匄帅师侵齐至谷闻齐侯卒乃还

【左传】晋士匄侵齐及谷闻丧而还礼也

【公羊传】还者何善辞也何善尔大其不伐丧也此受命乎君而伐齐则何大乎其不伐丧大夫以君命出进退在大夫也

【谷梁传】还者事未毕之辞也受命而诛生死无所加其怒不伐丧善之也善之则何为未毕也君不尸小事臣不専大名善则称君过则称己则民作让矣士匄外专君命故非之也然则为士匄者宜奈何宜墀帷而归命乎介【除地为墀于墀张帷反命于介介归告君君命乃还不敢专也】

谷齐地还者善辞也春秋之时侵伐四出背殡帅师冒丧伐人者众矣而士匄奉命出师闻丧而还于礼得矣谷梁氏谓礼宜墀帷而归命于介非也使士匄未出晋境如是焉可也已至齐地则进退在士匄矣况丧必不可伐非进退可疑而待请者故详书所至及还善之也

【附錄左传】于四月丁未郑公孙蚤卒赴于晋大夫范宣子言于晋侯以其善于伐秦也【十四年晋伐秦子蟜见诸侯之师而劝之济泾】六月晋侯请于王正追赐之大路使以行【行礼】礼也

八月丙辰仲孙蔑卒

齐杀其大夫高厚

【左传】秋八月齐崔杼杀高厚于洒蓝而兼其室【洒蓝杜注齐地】书曰齐杀其大夫从

君于昏也【解经不言崔杼杀而为国讨文】杀高厚者崔杼也然庄公德杼援立之私听其所为而不问又以晋新行义于齐欲归罪于高厚以为解则亦公之所欲也故以国杀而不去其官

郑杀其大夫公子嘉【嘉公羊作喜】

【左传】郑子孔之为政也专国人患之乃讨西宫之难与纯门之师子孔当罪【十年尉止等作难西宫子孔知而不言前年子孔召楚师至纯门】以其甲及子革子良氏之甲守【以自守】甲辰子展子西率国人伐之杀子孔而分其室书曰郑杀其大夫专也子然子孔宋子之子也士子孔圭妣之子也【子然子革父士子孔子良父宋子圭妣皆郑穆公妾】圭妣之班亚宋子而相亲也【亚次也】士子孔亦相亲也僖之四年【郑僖四年鲁襄六年】子然卒简之元年【郑简元年鲁襄八年】士子孔卒司徒孔实相子革子良之室【司徒孔即子孔】三室如一故及于难子革子良出奔楚子革为右尹【子革即郑丹为楚右尹】郑人使子展当国子西听政立子产为卿

凡称国以杀大夫者国君大臣与谋其事不请于天子而擅杀之也故虽杀有罪亦书其官嘉召楚人伐其国则是背畔之臣国人之所同恶使子展子西正名诛之而不利其室则当如杀良霄之例称人以杀而削其官矣

冬葬齐灵公

【附錄左传】齐庆封围高唐【夙沙卫以高唐叛故】弗克冬十一月齐侯围之见卫在城上号之乃下【卫下与齐侯语】问守备焉以无备告揖之乃登【齐侯以衛告诫揖而礼之欲生之也衛志于战死故不顺齐侯之揖而还登城】闻师将傅食高唐人殖綽工倮防夜缁纳师【因其防食二子齐大夫】醢衛于军

城西郭

【左传】城西郭惧齐也

郭外城也鲁备齐难城其国之西郭则凡西境亦不敢保其微守益微矣

叔孙豹防晋士匄于柯

【左传】齐及晋平盟于大隧【大隧杜注地阙或曰在今高唐州境】故穆叔防范宣子于柯穆叔见叔向赋载驰之四章【载驰衛风四章曰控于大邦谁因谁极取其欲引大国以自救助】叔向曰肸敢不承命

鲁惧齐而援晋以自固是时政在大夫专相为防故详志之

城武城【武城杜注泰山南武城县通典费县有古武城今故城在山东费县西南】

【左传】穆叔归曰齐犹未也不可以不惧乃城武城【附录左传】衛石共子卒【石买】悼子不哀【买之子石恶】孔成子曰是谓蹙其本必不有其宗【孔成子衛大夫蹙拔也为二十八年石恶出奔】

二十年春王正月辛亥仲孙速防莒人盟于向【速公羊作邈后同】

【左传】二十年春及莒平孟庄子防莒人盟于向督扬之盟故也【督扬盟在前年】

夏六月庚申公防晋侯齐侯宋公衛侯郑伯曹伯莒子邾子滕子薛伯 伯小邾子盟于澶渊【澶渊杜注衛地在顿丘县南水经注浮水故渚上承大河于顿丘县而北出东迳繁阳故城按浮水即澶渊也当在今内黄县之南开州之西北】

【左传】夏盟于澶渊齐成故也

齐之无道诸侯围之而不服以士匄闻丧还师遂防于澶渊修德来遠信有征矣经于服异则书同盟此齐成而盟何以不言同同盟云者名生于不足也平公祝柯澶渊之盟不言同其悼公之遗烈与

秋公至自防

仲孙速帅师伐邾

【左传】邾人骤至【骤数也谓十五年十七年伐鲁】以诸侯之事弗能报也秋孟庄子伐邾以报之

祝柯之防既执邾子又取其田报亦足矣而复伐之不已甚乎且夏盟而秋伐何以盟为

蔡杀其大夫公子燮蔡公子履出奔楚【燮谷梁作湿】

【左传】蔡公子燮欲以蔡之晋【背楚】蔡人杀之公子履其母弟也故出奔楚【欲自解】

燮之欲去楚而之晋也既以追成先志又惧楚役求纾其民皆谋国之合义者国人乃不顺而杀之非其罪矣故称国而不去其官履惧祸出奔自理于楚春秋据事书之或谓贬其不与兄同志曲說也

陈侯之弟黄出奔楚【黄公羊谷梁作光后同】

【左传】陈庆虎庆寅畏公子黄之偪【二庆陈卿恐黄偪夺其政】愬诸楚曰与蔡司马同谋【同欲之晋蔡司马公子燮】楚人以为讨公子黄出奔楚【奔楚自理】初蔡文侯欲事晋曰先君与于践土之盟【先君谓父莊侯践土盟在僖二十八年】晋不可弃且兄弟也畏楚不能行而卒【文侯卒在宣十七年】楚人使蔡无常公子燮求从先君以利蔡不能而死书曰蔡杀其大夫公子燮言不与民同欲也【罪其违众】陈侯之弟黄出奔楚言非其罪也【称弟罪陈侯及二庆】公子黄将出奔呼于国曰庆氏无道求专陈国暴蔑其君而去其亲五年不灭是无天也【为二十三年陈杀二庆】

【谷梁传】诸侯之尊弟兄不得以属通其弟云者亲之也亲而奔之恶也【所以恶陈侯】

二庆愬陈黄于楚陈侯不能为之辨明而使之出奔是以一国之大不能庇其弟也黄见恶于楚而反奔楚盖方是时晋霸衰微诸侯畏楚欲隐身于他国恐楚人以为讨而不能庇故赴楚而自理与蔡履同可哀也矣

叔老如齐

【左传】齐子初聘于齐【齐鲁有怨今始复通故曰初】礼也

冬十月丙辰朔日有食之

季孙宿如宋

【左传】冬季武子如宋报向戌之聘也【向戌聘在十五年】褚师段逆之以受享【段宋共公子子石也迎以入国受享礼】赋常棣之七章以卒【武子赋也七章以卒尽八章取其妻子好合如鼓瑟琴宜尔室家乐尔妻孥言二国好合宜其室家相亲如兄弟】宋人重贿之归复命公享之赋鱼丽之卒章【鱼丽诗小雅卒章曰物其有矣维其时矣喻聘宋得其时】公赋南山有台【南山有台诗小雅取其乐只君子邦家之基邦家之光喻武子奉使能为国光辉】武子去所曰臣不堪也【去所辟席】

鲁自萧鱼后连歲与彊齐邾莒交兵不遑聘问今始平齐遂交邻国以寻旧好且以结援耳

【附錄左传】衛甯惠子疾召悼子曰【悼子甯喜】吾得罪于君悔而无及也名藏在诸侯之策曰孙林父甯殖出其君君入则掩之【掩恶名】若能掩之则吾子也若不能犹有鬼神吾有馁而已不来食矣悼子许诺惠子遂卒【为二十六年衛侯归】

日讲春秋解义卷四十一

卷四十二

<经部,春秋类,日讲春秋解义

钦定四库全书

日讲春秋解义卷四十二

襄公

二十有一年春王正月公如晋

【左传】二十一年春公如晋拜师及取邾田也【谢十八年伐齐之师泲水之田】

朝聘防同礼有常期襄公以取邾田德晋而于岁首朝正之会亲往拜之失礼甚矣

邾庶其以漆闾丘来奔【漆闾丘杜注二邑在高平南平阳县东北有漆乡西北有显闾亭今山东邹县北有漆城即漆乡也显闾亭即闾丘】

【左传】邾庶其以漆闾丘来奔【庶其邾大夫】季武子以公姑姊妻之皆有赐于其从者于是鲁多盗季孙谓臧武仲曰子盍诘盗【诘治也】武仲曰不可诘也纇又不能季孙曰我有四封而诘其盗何故不可子为司寇将盗是务去若之何不能武仲曰子召外盗而大礼焉何以止吾盗子为正卿而来外盗使纇去之将何以能庶

其窃邑于邾以来子以姬氏妻之而与之邑其从者皆有赐焉若大盗礼焉以君之姑姊与其大邑其次阜牧舆马【给其贱役从阜至牧凡八等之人】其小者衣裳剑带是赏盗也赏而去之其或难焉纇也闻之在上位者洒濯其心壹以待人轨度其信可明徵也【言欲纳民于法度必信有诸己前后所行皆可明验】而后可以治人夫上之所为民之归也上所不为而民或为之是以加刑罚焉而莫敢不惩若上之所为而民亦为之乃其所也又可禁乎夏书曰念兹在兹【夏书大禹谟兹此也谓行此事当念使可施之于此】释兹在兹【释除也谓欲有所治除于人亦当顾己得无亦有之】名言兹在兹【名此事言此事亦皆当令可施于此】允出兹在兹【允信也一念信出于此则其征之事者亦当在此】惟帝念功【言其责在帝帝念功则功可成也此断章为义故与尚书本文稍殊】将谓由己壹也【言非但意念而已当湏信己诚至】信由己壹而后功可念也庶其非卿也以地来虽贱必书重地也

【公羊传】邾娄庶其者何邾娄大夫也邾娄无大夫此何以书重地也

【谷梁传】以者不以者也【人臣无専禄以邑叛之道】来奔者不言出举其接我者也漆

閻丘不言及小大敌也

春秋小国大夫多不书其姓氏庶其之书以其接我也以邑出为叛叛而归鲁则据其至鲁而言来奔内外异辞也春秋内大恶讳今受叛人直书不讳者公时在晋季孙宿受之也义与公在防未归而书灭项同漆閻丘不言及大小敌也

【附錄左传】齐侯使庆佐为大夫【庆佐崔杼党】复讨公子牙之党执公子买于句渚之丘公子鉏来奔叔孙还奔燕【三子齐公族】夏楚子庚卒楚子使防子冯为令尹访于申叔豫【叔豫叔时孙】叔豫曰国多宠而王弱国不可为也遂以疾辞方暑阙地下冰而牀焉重茧衣裘【茧绵衣】鲜食而寝楚子使医视之复曰瘠则甚矣而血气未动乃使子南为令尹【子南公子追舒为二十二年楚杀追舒传】

夏公至自晋

秋晋栾盈出奔楚

【左传】栾桓子娶于范宣子生懷子【桓子栾黶懷子栾盈】范鞅以其亡也怨栾氏【十四年栾黶强逐范鞅使奔秦】故与栾盈为公族大夫而不相能桓子卒栾祁与其老州宾通【栾祁桓子妻范宣子女盈之母也范氏尧后祁姓】几亡室矣【言乱甚】懷子患之祁惧其讨也愬诸宣子曰盈将为乱以范氏为死桓主而專政矣【桓主栾黶】曰吾父逐鞅也不怒而以宠报之【谓宣子不为黶责怒鞅而反与鞅宠位】又与吾同官而專之【同为公族大夫】吾父死而益富死吾父而專于国有死而已吾蔑从之矣其谋如是惧害于主吾不敢不言范鞅为之征【证其有此】懷子好施士多归之宣子畏其多士也信之懷子为下卿宣子使城着而遂逐之【着杜注晋邑在外易逐】秋栾盈出奔楚宣子杀箕遗黄渊嘉父司空靖邴豫董叔邴师申书羊舌虎叔黑囚伯华叔向籍偃【十人皆晋大夫盈之党伯华叔向兄羊舌虎其弟也籍偃上军司马】人谓叔向曰子离于罪其为不知乎叔向曰与其死囚若何诗曰优哉游哉聊以卒歲知也【诗逸诗言君子优游于衰世以辟害而卒其壽是亦知也】乐王鲋见叔向曰【乐王鲋晋大夫乐桓子】吾为子请叔向弗应出不拜其人皆咎叔向叔向曰必祁大夫【祁大夫祁奚】室老闻之【室老叔向家臣之长】曰乐王鲋言于君无不行求赦吾子吾子不许祁大夫所不能也而曰必由之何也叔向曰乐王鲋从君者也何能行祁大夫外举不弃雠内举不失亲其独遗我乎诗曰有觉德行四国顺之【诗大雅觉正直也】夫子觉者也晋侯问叔向之罪于乐王鲋对曰不弃其亲其有焉【言叔向笃亲亲必与叔虎同谋】于是祁奚老矣【老去公族大夫】闻之乘驲而见宣子曰诗曰惠我无疆子孙保之【诗周颂言文武有惠训之德加于百姓故子孙保賴之】书曰圣有謏勲明征定保【书夏书言圣人之謏谋功勲明有效验可定安邦国】夫谋而鲜过惠训不倦者叔向有焉【谋鲜过有謏勲也惠训不倦惠我无疆也】社稷之固也犹将十世宥之以劝能者今壹不免其身以弃社稷不亦惑乎鲋廼而禹兴【言不以父废子】伊尹放太甲而相之卒无怨色【言不以一怨妨大德】管蔡为戮周公右王【言兄弟罪不相及】若之何其以虎也弃社稷子为善谁敢不勉多杀何为宣子說与之乘以言诸公而免之【共载入见公】不见叔向而归

叔向亦不告免焉而朝【明不为私】初叔向之母妒叔虎之母美而不使【不使见叔向父】其子皆諫其母其母曰深山大泽实生龙蛇【言非常之地多生非常之物】彼美余惧其生龙蛇以祸女【龙蛇喻奇怪】女敝族也国多大宠不仁人闲之不亦难乎余何爱焉使往视寝生叔虎美而有勇力栾懷子嬖之故羊舌氏之族及于难栾盈过于周周西鄙掠之辞于行人曰【王行人】天子陪臣盈得罪于王之守臣【范宣子为王所命故曰守臣】将逃罪罪重于郊甸【谓为郊甸所侵掠曰罪重孙辞】无所伏窜敢布其死昔陪臣书能输力于王室【输力谓辅晋以翼戴天子】王施惠焉其子廩不能保任其父之劳大君若不弃书之力【大君谓天王】臣犹有所逃若弃书之力而思廩之罪臣戮余也将归死于尉氏【尉氏讨奸之官】不敢还矣敢布四体【布四体言无所隐】唯大君命焉王曰尤而效之其又甚焉【尤晋逐盈而自掠之是效尤】使司徒禁掠栾氏者归所取焉使候出诸轘辕【候送迎賓客之官轘辕杜注轘辕關在緱氏县东南今河南巩县西南有轘辕山】凡大夫出奔皆不书逐之之人而以自奔为文者明其自有取奔之道也盈不能防闲其母祸有自矣故不以范匄逐之为文匄之罪易见盈之失难知也君子违不适讎国楚晋之讎也盈之奔楚欲因楚力以复入此无君之罪也

九月庚戌朔日有食之

冬十月庚辰朔日有食之

厯家推步之术皆一百七十三日始一交防去交遠则日食渐少无频食之理此年及二十四年频食古今术者不能考知故日食虽天数之常圣人必以为譴异而书之以警人君之怠也

曹伯来朝

【左传】冬曹武公来朝始见也

曹伯即位三年此防毕入见天子时也不朝京师而朝鲁曾是以礼乎

公防晋侯齐侯宋公衛侯郑伯曹伯莒子邾子于商任【商任杜注地阙】

【左传】防于商任鞶栾氏也【禁鞶栾氏使诸侯不得受】齐侯衛侯不敬叔向曰二君者必不免防朝礼之经也礼政之輿也【政湏礼而行】政身之守也【政存则身安】怠礼失政失政不立是以乱也【为二十五年齐弑光二十六年衛弑剽传】知起中行喜州绰邢蒯出奔齐皆栾氏之党也【四子晋大夫】乐王鮒谓范宣子曰盍反州绰邢蒯勇士也宣子曰彼栾氏之勇也余何获焉王鮒曰子为彼栾氏乃亦子之勇也【言子待之如栾氏亦为子用也】齐莊公朝指殖绰郭最曰是寡人之雄也州绰曰君以为雄谁敢不雄然臣不敏平陰之役先二子鸣【前十八年晋伐齐及平陰州绰获殖绰郭最故自比于鸡鬪胜而先鸣】莊公为勇爵【设爵位以命勇士一云爵饮酒器设此以觴勇士】殖绰郭最欲与焉州绰曰东閭之役臣左骖迫还于门中识其枚数【事见前十八年】其可以与于此乎公曰子为晋君也

对曰臣为隶新【言事齐日浅未得效勇耳】然二子者譬于禽兽臣食其肉而寝处其皮矣

栾氏之出徒以范氏私相忌怨何有于国而平公受其激怒勤动诸侯以逞范鞅之积憾必欲盈无所容于世故盈发愤卒兴祸乱此皆以私败公足为世戒是时列国无事晋无所发政而亟防诸侯则知 称为鞅栾氏信不诬也

【附錄公羊】十有一月庚子孔子生【时歲在己酉】

【附錄谷梁】庚子孔子生

二十有二年春王正月公至自防

当歲之首月而公至自防着不朝正于庙也

【附录左传】二十二年春臧武仲如晋雨过御叔【御叔鲁御邑大夫】御叔在其邑将饮酒曰焉用圣人【武仲多知时人谓之圣】我将饮酒而已雨行何以圣为穆叔闻之曰不可使也而傲使人【言御叔不任使四方】国之蠹也令倍其赋【古者家有国邑故以重赋为罚 言穆叔能用教】

夏四月

【附录左传】夏晋人征朝于郑郑人使少正公孙侨对曰【少正郑卿官也公孙侨子产】在晋先君悼公九年我寡君于是即位【鲁襄八年】即位八月而我先大夫子驷从寡君以朝于执事执事不礼于寡君寡君惧因是行也我二年六月朝于楚晋是以有戏之役【在九年】楚人犹竞而申礼于敝邑敝邑欲从执事而惧为大尤曰晋其谓我不共有礼是以不敢携貳于楚我四年三月先大夫子驷又从寡君以观衅于楚【实朝言观衅饰辞也言欲往视楚知可去否】晋于是乎有萧鱼之役【在十一年】谓我敝邑迨在晋国譬诸草木吾臭味也而何敢差池【差池不齐一】楚亦不竞寡君尽其土实【土地所有】重之以宗器以受齐盟遂帅羣臣随于执事以防歲终【朝正】貳于楚者子侯石孟归而讨之【石孟石防】湟梁之明年【湟梁在十六年】子驷老矣公孙夏从寡君以朝于君见于尝酎【酒之新熟重者为酎尝新饮酒为尝酎】与执燔焉【助祭】闲二年闻君将靖东夏【谓二十年澶渊盟】四月又朝以听事期【听防期】不朝之闲无歲不聘无役不从以大国政令之无常国家罢病不虞荐至【荐仍也】无日不惕岂敢忘职大国若安定之其朝夕在庭何辱命焉若不恤其患而以为口实【谓但有征责之言】其无乃不堪任命而翦为仇讎敝邑是惧其敢忘君命委诸执事执事实重图之【传言子产有辞所以免大国之讨】

秋七月辛酉叔老卒

【附录左传】秋栾盈自楚适齐晏平仲言于齐侯曰商任之防受命于晋【受鞅栾氏之命

】今纳栾氏将安用之小所以事大信也失信不立君其图之弗听退告陈文子曰君人执信臣人执共忠信笃敬上下同之天之道也君自弃也弗能久矣【为二十五年齐弑其君光】九月郑公孙黑肱有疾归邑于公【黑肱子张】召室老宗人立段【段子石黑肱子】而使黜官薄祭【黜官无多受职】祭以特羊殷以少牢【四时祀以一羊三年盛祭以羊豕殷盛也】足以共祀尽归其余邑曰吾闻之生于乱世贵而能贫民无求焉可以后亡敬共事君与二三子生在敬戒不在富也已己伯张卒君子曰善戒诗曰慎尔侯度用戒不虞郑子张其有焉【诗大雅侯维也义取慎法度戒未然】

冬公防晋侯齐侯宋公衞侯郑伯曹伯莒子邾子薛伯 伯小邾子于沙随【邾子下公羊谷梁有滕子】

【左传】冬防于沙随复锢栾氏也【晋知栾盈在齐故】栾盈犹在齐晏子曰祸将作矣齐将伐晋不可以不惧【为明年齐伐晋】晋闻栾盈去楚适齐复为此防意専在于齐也大

大夫彊擅以范氏恶栾盈而期年之闲再合诸侯晋失伯者之义不足以令诸侯矣是以齐莊不服虽防而陰实保盈明年遂伐晋也

公至自防

楚杀其大夫公子追舒

【左传】楚观起有宠于令尹子南【子南公子追舒】未益禄而有马数十乘【言子南偏宠观起令富】楚人患之王将讨焉子南之子弃疾为王御士王每见之必泣弃疾曰君三泣臣矣敢问谁之罪也王曰令尹之不能尔所知也国将讨焉尔其居乎【问能止事我否】对曰父戮子居君焉用之泄命重刑臣亦不为【漏泄君命罪之重】王遂杀子南于朝轘观起于四竟子南之臣谓弃疾请徙子尸于朝【子子南欲犯命取殡】曰君臣有礼唯二三子【不欲犯命移尸】三日弃疾请尸王许之既葬其徒曰行乎曰吾与杀吾父行将焉入曰然则臣王乎曰弃父事讎吾弗忍也遂缢而死【 讥康王与人子谋其父失君臣之义】复使防子冯为令尹公子𪔐为司马屈建为莫敖【屈建子本】有宠于防子者八人皆无禄而多马他日朝与申叔豫言弗应而退从之入于人中【申叔辟防子不欲与语】又从之遂归退朝见之【防子就申叔家见之】曰子三困我于朝吾惧不敢不见吾过子姑告我何疾我也对曰吾不免是惧何敢告子【言恐与子并罪故不敢与子语】曰何故对曰昔观起有宠于子南子南得罪观起车裂何故不惧自御而归不能当道【防子惶惧意不在御】至谓八人者曰吾见申叔夫子所谓生死而肉骨也知我者如夫子则可【夫子谓申叔也如夫子谓以义匡已】不然请止辞八人者而后王安之

追舒宠近小人其及固宜然楚子乃与人之子谋杀其父贼恩害义甚矣故以累上之辞言之

【附录左传】十二月郑游畱将如晋【游畱公孙蛰子】未出竟遭逆妻者夺之以馆于邑丁巳其夫攻子明杀之以其妻行【子明游畱十二月无丁巳丁巳十一月十四日也】子展

废良而立太叔【良游販子太叔販弟】曰国卿君之貳也民之主也不可以苟请舍子明之类【子明有罪而良又不贤故】求亾妻者使复其所使游氏勿怨曰无昭恶也

二十有三年春王二月癸酉朔日有食之

三月己巳 伯句卒

【左传】二十三年春杞孝公卒晋悼夫人防之【悼夫人晋平公母 孝公姊妹】平公不彻乐非礼也礼为邻国阙【礼诸侯絶期故以邻国责之】

自桓公以来与晋悼为婚姻国鲁礼有加焉故其卒其葬皆得书

夏邾畀我来奔【公羊作鼻我】

【公羊传】邾娄鼻我者何邾娄大夫也邾娄无大夫此何以书以近书也

畀我庶其之党书来奔恶内也乡受邾叛人邑今又纳其叛人故是年冬臧纆奔邾邾亦受之

葬 孝公

陈杀其大夫庆虎及庆寅

【左传】陈侯如楚公子黄愬二庆于楚楚人召之【二庆虎及寅也二十年二庆潜黄黄奔楚自理今陈侯往楚乃信黄为召二庆】使庆乐往杀之【庆乐二庆之族二庆畏诛故不敢自往】庆氏以陈叛夏屈建从陈侯围陈陈人城【治城以距君】板队而杀人役人相命各杀其长【庆氏忿其板队遂杀筑人故役人怒而作乱】遂杀庆虎庆寅楚人纳公子黄君子谓庆氏不义不可肆也故书曰惟命不于常【周书康诰言有义则存无义则亾】

【谷梁传】称国以杀罪累上也及庆寅庆寅累也【以庆虎及之】庆虎与寅据国叛君其罪大矣楚实讨而克之而以国杀为文何也盖陈侯不能正其罪而帅楚师以临之使役人惧楚而杀二庆故不得以讨贼书然观陈蔡附楚尚能借楚之力以制乱臣而鲁臣之逆节皆齐晋成之盖义亦有愧于楚矣及庆寅以虎之罪而及之也

陈侯之弟黄自楚归于陈

黄之出以二庆二庆死则黄之归易矣自楚者因楚力也

晋栾盈复入于晋入于曲沃

【左传】晋将嫁女于吴齐侯使析归父媵之以藩载栾盈及其士【藩车之有障蔽者使若媵妾在其中】纳诸曲沃【栾盈邑】栾盈夜见胥午而告之【胥午守曲沃大夫】对曰不可天之所废谁能兴之子必不免吾非爱死也知不集也【集成也】盈曰虽然因子而死吾无悔矣我实不天子无咎焉许诺伏之而觴曲沃人【胥午匿盈而饮其众】乐作午言曰今也得栾孺子何如【孺子栾盈】对曰得主而为之死犹不死也皆叹有泣者爵行又言皆曰得主何贰之有盈出徧拜之【谢众之思己】四月栾盈帅曲沃之甲因魏献子以昼入绛【献子魏舒绛晋国都】初栾盈佐魏莊子于下军【莊子魏绛献子之父】献子私焉故因之【私相亲爱】赵氏以原屏之难怨栾氏【成八年莊姬譖之栾郤为征】韩赵方睦【韩起让赵武故和睦】中行氏以伐秦之役怨栾氏【十四年晋伐秦栾黶违荀偃命】而固与范氏和亲【范宣子佐中行偃于中军】知悼子少而听于中行氏【悼子知防之子荀盈也少年十七知氏中行氏同祖故相听从】程郑嬖于公【郑亦荀氏宗】唯魏氏及七舆大夫与之【七舆官名】乐王鲋侍坐于范宣子或告曰栾氏至矣宣子惧桓子曰奉君以走固宫必无害也【桓子乐王鲋固宫宫之有台观守备者】且栾氏多怨子为政栾氏自外子在位其利多矣既有利权又执民柄【赏罚为民柄】将何惧焉栾氏所得其唯魏氏乎而可强取也夫克乱在权子无懈矣公有姻防【夫人有杞防】王鲋使宣子墨衰冒经二妇人輦以如公【恐栾氏有内应距之故为妇人服而入】奉公以如固宫范鞅逆魏舒【用王鲋计欲强取之】则成列既乘将逆栾氏矣趋进曰栾氏帅贼以入鞅之父与二三子在君所矣使鞅逆吾子鞅请驂乘持带【驂乘必持带备堕队】遂超乘【跃登献子车】右抚剑左援带【劫之】命驱之出仆请【请所至】鞅曰之公宣子逆诸阶执其手赂之以曲沃【恐不与已同心】初斐豹隶也着于丹书【盖犯罪没为官奴以丹书其罪】栾氏之力臣曰督戎国人惧之斐豹谓宣子曰苟焚丹书我杀督戎宣子喜曰而杀之所不请于君焚丹书者有如日乃出豹而闭之【闭诸门外】督戎从之逾隱而待之【隱短墙也】督戎逾入豹自后击而杀之范氏之徒左台后【公台之后】栾氏乘公门【乘登】宣子谓鞅曰矢及君屋死之鞅用剑以帅卒【用剑短兵接敌欲致死】栾氏退摄车从之【鞅摄宣子戎车】遇栾乐【乐盈之族】曰乐免之死将讼女于天乐射之不中又注【注属矢于 也】则乘槐本而覆【乐乐车辄槐而覆】或以防钩之断肘而死栾魴伤【魴栾氏族】栾盈奔曲沃晋人围之

【公羊传】曲沃者何晋之邑也其言入于晋入于曲沃何栾盈将入晋晋人不纳由乎曲沃而入也

盈挟齐援以入而不称自齐潜入也不言叛非直叛也劫众以敌君直乱而已矣曲沃栾氏邑盈帅曲沃之甲以入晋而兵败之后仍入曲沃盖当时彊臣各以利诱其私属背公死党不复知有大义春秋据实以书见诸行事者可谓深切着明矣

秋齐侯伐衛遂伐晋【齐始伐盟主】

【左传】秋齐侯伐衛先驱谷荣御王孙挥召扬为右【先驱前锋军】申驱成秩御莒恒申鲜虞之傅摯为右【申驱次前军傅摯申鲜虞之子也】曹开御戎晏父戎为右【公御右】貳广上之登御邢公卢蒲癸为右【貳广公副车】啓牢成御襄罢师狼遽疏为右【左翼曰

啓】肱商子车御侯朝桓跳为右【右翼曰肱】大殿商子游御夏之御寇崔如为右【大殿后军】烛庸之越驷乘【四人共乘殿车也】自衛将遂伐晋晏平仲曰君恃勇力以伐盟主若不济国之福也不德而有功忧必及君崔杼諫曰不可臣闻之小国闲大国之败而毁焉必受其咎君其图之弗听陈文子见崔武子曰【文子陈完之孙须无武子崔杼也】将如君何武子曰吾言于君君弗听也以为盟主而利其难羣臣若急君于何有【言欲弑之以説晋】子姑止之文子退告其人曰崔子将死乎谓君甚而又过之【弑君之恶过于背盟主】不得其死过君以义犹自抑也【自抑损】况以恶乎齐侯遂伐晋取朝歌【朝歌杜注属汲郡今河南淇县即古朝歌也】为二队入孟门登太行【二队分兵为二部孟门杜注晋隘道司马贞曰在朝歌东北太行杜注山在河内郡北地理志在野王县西北今河南河内县即河内郡野王县】张武军于茺庭【张武军谓筑垒壁茺庭杜注晋地】戍郟邵【取而守之郟邵杜注晋邑】封少水【封晋尸以为京观少水即浚水也出今河南密县古郟城西北】以报平陰之役乃还【平陰役在十八年】赵胜帅东阳之师以追之获晏牦【赵胜赵旃之子东阳杜注晋之山东魏郡广平以北今山东恩县西北有东阳城晏牦齐大夫】

上书栾盈入曲沃而继书齐侯伐晋则 称齐陰纳盈信而有征矣齐为平陰之役欲报晋而未有闲故陰纳盈以乱其国因乘乱以伐之度晋方内难力有所不能及也其言遂何意主伐晋而伐衛以先之犹齐桓意在伐楚而侵蔡以先之也

八月叔孙豹帅师救晋次于雍榆【榆公羊谷梁作渝雍榆杜注晋地汲郡朝歌县东有雍城在今濬县西南】

【左传】八月叔孙豹帅师救晋次于雍榆礼也

【公羊传】曷为先言救而后言次先通君命也

【谷梁传】言救后次非救也

救者赴急之师次止也次于雍榆有所畏也不救则畏晋之讨往救则畏齐之彊于是迟回观望待其已去而后蹶之也然则齐桓聂北之次岂异此欤盖聂北之役先言次而后言救按兵待时卒能救邢故以救终之雍榆之役先言救而后言次心持两端缓不及事故以次终之

己卯仲孙速卒

【左传】季武子无适子公弥长而爱悼子欲立之【公弥公鉏悼子纆也】访于申丰曰【申丰季氏属大夫】弥与纆吾皆爱之欲择才焉而立之申丰趋退归尽室将行他日又访焉对曰其然将具敝车而行【其然犹必尔】乃止访于臧纆臧纆曰饮我酒吾为子立之季氏饮大夫酒臧纆为客【为上賓】既献【已献酒】臧孙命北面重席新樽絜之【酒樽既新复澡絜之】召悼子降逆之大夫皆起及旅而召公鉏【献酬礼毕通行为旅】使与之齿【使从庶子之礼列在悼子下】季孙失色季氏以公鉏为马正【马正家司马】愠而不出閤

子马见之【闵子马闵马父】曰子无然祸福无门唯人所召为人子者患不孝不患无所【所位处】敬共父命何常之有若能孝敬富倍季氏可也奸回不轨祸倍下民可也公鉏然之敬共朝夕恪居官次【次舍也】季孙喜使饮己酒而以具往【具燕飧之具】尽舍旃故公鉏氏富又出为公左宰【出季氏家臣仕于公】孟孙恶臧孙季孙爱之孟氏之御驹丰点好羯也【羯孟莊子之庶子孺子秩之弟孝伯也】曰从余言必为孟孙【为孟孙后】再三云羯从之孟莊子疾丰点谓公鉏苟立羯请讎臧氏【使孟氏与公鉏共憎臧孙】公鉏谓季孙曰孺子秩固其所也【固自当立】若羯立则季氏信有力于臧氏矣【不应立而立之则彼荷其恩故功力多也以臧氏为辞盖讥之】弗应己卯孟孙卒公鉏奉羯立于户侧【户侧防主】季孙至入哭而出曰秩焉在公鉏曰羯在此矣季孙曰孺子长公鉏曰何长之有唯其才也【季孙废鉏立纇云欲择才故以此答之】且夫子之命也【遂诬孟孙】遂立羯秩奔邾臧孙入哭甚哀多涕出其御曰孟孙之恶子也而哀如是季孙若死其若之何臧孙曰季孙之爱我疾疢也【常志相顺从身之害】孟孙之恶我药石也【常志相违戾犹药石之疗疾】美疢不如恶石夫石犹生我【愈已疾也】疢之美其毒滋多孟孙死吾亡无日矣

冬十月乙亥臧孙纇出奔邾

【左传】孟氏闭门告于季孙曰臧氏将为乱不使我葬【欲为公鉏讐臧氏】季孙不信臧孙闻之戒【戒为备也】冬十月孟氏将辟借除于臧氏【辟穿藏也于臧氏借人除葬道】臧孙使正夫助之【正夫隧正】除于东门甲从已而视之【畏孟氏故从甲士视作者】孟氏又告季孙季孙怒命攻臧氏【见其有甲故】乙亥臧纇斩鹿门之闕以出【鲁南城东门】奔邾初臧宣叔娶于铸生贾及为而死【铸杜注铸国济北蛇丘县所治今山东肥城县有铸乡即汉蛇丘县治也】继室以其侄穆姜之姨子也【侄穆姜姨母之子与穆姜为姨昆弟】生纇长于公宫姜氏爱之故立之臧贾臧为出在铸臧武仲自邾使告臧贾且致大蔡焉【大蔡大龟】曰纇不佞失守宗祧敢告不吊纇之罪不及不祀子以大蔡纳请其可贾曰是家之祸也非子之过也贾闻命矣再拜受 使为以纳请【贾使为为己请】遂自为也【为自为请】臧孙如防【防臧孙邑】使来告曰纇非能害也知不足也【言使甲从已但虑事浅耳】非敢私请苟守先祀无废二勲【二勲文仲宣叔】敢不辟邑乃立臧为臧纇致防而奔齐其人曰其盟我乎【谓陈其罪恶盟诸大夫以为戒】臧孙曰无辞【废长立少季孙所忌故谓无辞以罪己】将盟臧氏季孙召外史掌恶臣而问盟首焉【恶臣谓奔亡者盟首载书之章首】对曰盟东门氏也曰毋或如东门遂不听公命杀适立庶【文公命立子恶公子遂杀之立宣公】盟叔孙氏也曰毋或如叔孙侨如欲废国常荡覆公室【谓潛公与季孟于晋】季孙曰臧孙之罪皆不及此孟椒曰盍以其犯门斩闕季孙用之乃盟臧氏曰无或如臧孙纇干国之纪犯门斩闕臧孙闻之曰国有人焉谁居其孟椒乎【孟椒孟献子之孙子服惠伯居犹与也】

【谷梁传】其曰正臧孙纇之出也【正其有罪】蘧伯玉曰不以道事其君者其出乎

纇阿季氏擅废立以取亡罪也以防不书者鲁不知以是罪纇特以犯门斩闕盟之故旧史唯纪其奔而圣人因之

晋人杀栾盈

【左传】晋人克栾盈于曲沃尽杀栾氏之族党栾魋出奔宋书曰晋人杀栾盈不言大夫言自外也

【公羊传】曷为不言杀其大夫非其大夫也

【谷梁传】恶之弗有也【不言杀其大夫是不有之以为大夫】

自外犯君而入非复晋大夫故不言杀其大夫称人者讨贼之辞

齐侯袭莒

【左传】齐侯还自晋不入遂袭莒门于且于【且于杜注莒邑在今山东莒州境】伤股而退【齐侯伤】明日将复战期于壽舒【壽舒杜注莒地亦属莒州】杞殖华还载甲夜入且于之隧【二子齐大夫且于隧狭路】宿于莒郊明日先遇莒子于蒲侯氏【蒲侯氏杜注近莒之邑】莒子重赂之使无死曰请有盟【欲以盟要二子无致死战】华周对曰【华周即华还】贪货弃命亦君所恶也昏而受命日未中而弃之何以事君莒子亲鼓之从而伐之获杞梁【梁即殖】莒人行成【胜大国益惧故行成】齐侯归遇梁之妻于郊【梁战死妻行迎防】使吊之辞曰殖之有罪何辱命焉若免于罪犹有先人之敝庐在下妾不得与郊吊齐侯吊诸其室【善妇人有礼】

乘人不备掩而取之曰袭齐侯还自伐晋而袭莒无名之师盗贼之为耳不言遂闲有事也

【附录左传】齐侯将为臧纥田【与之田邑】臧孙闻之见齐侯与之言伐晋【齐侯自道伐晋之功】对曰多则多矣抑君似防夫防昼伏夜动不穴于寝庙畏人故也今君闻晋之乱而后作焉宁将事之非防何如乃弗与田【臧孙知齐侯将败不欲受其邑故以比防欲使怒而止】仲尼曰知之难也有臧武仲之知【谓能辟齐祸】而不容于鲁国抑有由也作不顺而施不恕也夏书曰念兹在兹【言行事当常念如在己身也】顺事恕施也

日讲春秋解义卷四十二

卷四十三

钦定四库全书

日讲春秋解义卷四十三

襄公

二十有四年春叔孙豹如晋

【左传】二十四年春穆叔如晋【贺克柔氏】范宣子逆之问焉曰古人有言曰死而不朽何谓也穆叔未对宣子曰昔句之祖自虞以上为陶唐氏【陶唐杜注尧所治地大原晋阳县也】在夏为御龙氏【谓刘累事见昭二十九年】在商为豕韦氏【豕韦杜注国名东郡白马县东南有韦城在今直隶滑县东南】在周为唐杜氏【唐杜杜注二国名殷末豕韦国于唐周成王灭唐迁之于杜为杜伯杜伯之子隰叔奔晋四世及士防食邑于范复为范氏杜京兆杜县今陕西西安府治东南有杜陵故城】晋主夏盟为范氏其是之谓乎【言已世为兴家】穆叔曰以豹所闻此之谓世禄非不朽也鲁有先大夫曰臧文仲既没其言立【立谓不废絶】其是之谓乎豹闻之大上有立德【黄帝尧舜】其次有立功【禹稷】其次有立言【史佚周任臧文仲】虽久不废此之谓不朽若夫保姓受氏以守宗祏世不絶祀无国无之禄之大者不可谓不朽

【善穆叔之知言】

【附録左传】范宣子为政诸侯之币重郑人病之二月郑伯如晋子产寓书于子西以告宣子【子西相郑伯如晋故】曰子为晋国四邻诸侯不闻令德而闻重币侨也惑之侨闻君子长国家者非无贿之患而无令名之难夫诸侯之贿聚于公室则诸侯贰若吾子赖之【赖恃用之】则晋国贰诸侯贰则晋国壤晋国贰则子之家壤何没没也【没没沈灭之言】将焉用贿夫令名德之舆也【德渟令名以远闻】德国家之基也有基无壤无亦是务乎有德则乐乐则能久诗云乐只君子邦家之基有令德也夫【诗小雅言君子乐美其道为邦家之基所以昭令德】上帝临女无贰尔心有令名也夫【诗大雅言武王为天所临不敢懷二心所以获令名】恕思以明德则令名载而行之是以远至迓安毋宁使人谓子子实生我而谓子浚我以生乎象有齿以焚其身贿也【焚毙也】宣子说乃轻币是行也郑伯朝晋为重币故且请伐陈也郑伯稽首宣子辞子西相曰以陈国之介恃大国【大国楚也】而陵虐于敝邑寡君是以请罪焉敢不稽首【为明年郑入陈】

仲孙羯帅师侵齐

【左传】孟孝伯侵齐【孝伯仲孙羯】晋故也【前年齐伐晋故】

叔孙豹救晋无功故孟孝伯帅师侵齐为晋报焉羯代速为卿未练而帅师非礼也

夏楚子伐吴

【左传】夏楚子为舟师以伐吴不为军政【不设赏罚之差】无功而还【为下吴召舒鸠张本】

襄十一年楚失郑十四年伐吴自是舍郑不争又十年一再伐吴急吴而缓郑盖楚弱而吴张也

秋七月甲子朔日有食之既

春秋三书日食既桓三年以桓王败宣八年以楚莊兴是后则中国诸侯皆受盟于楚矣频月食者惟襄二十一年九月十月及此年七月八月歷法无此先儒以为 写失真不可彊通也

齐崔杼帅师伐莒

【左传】齐侯既伐晋而惧将欲见楚子楚子使防啓彊如齐聘且请期【请防期】齐社搜军实使客观之陈文子曰【陈须无】齐将有防吾闻之兵不戢必取其族【戢藏也族类也取其族还自害也】秋齐侯闻将有晋师【夷仪之师】使陈无宇从防啓彊如楚辞【陈无宇齐大夫辞有晋师未得相见】且乞师崔杼帅师送之遂伐莒侵介根【介根杜注莒邑城阳黔陬县东北计基城是也】

齐既与莒平今复伐之无信已甚崔杼自虚朮同盟久專国政至是假伐莒以窃兵柄篡弑之祸其所由来者渐矣

大水

夷仪之防以水不克伐齐则知水之所及广矣非特鲁之灾也

八月癸巳朔日有食之

公防晋侯宋公衛侯郑伯曹伯莒子邾子滕子薛伯 伯小邾子于夷仪【夷仪公羊作陈仪后同】

【左传】防于夷仪将以伐齐水不克

防于夷仪帅十二诸侯之师将以讨齐然防而不伐是有畏也国势不竞众志不一也曰水不克者特辞不能伐尔下书崔杼伐我西鄙盖知晋之无能为也

冬楚子蔡侯陈侯许男伐郑

【左传】冬楚子伐郑以救齐门于东门次于棘泽【棘泽在今河南新郑县东南】诸侯还救郑【夷仪诸侯】晋侯使张骼辅跖致楚师求御于郑【二子晋大夫欲得郑人自御知其地利故也】郑人卜宛射犬吉【射犬郑公孙】子大叔戒之曰【大叔游吉】大国之人不可与也【言不可与等欲使卑下之】对曰无有众寡其上一也【言在己上者有常分无大小国之异】大叔曰不然部娄无松柏【部娄小阜松柏大木喻小国异于大国】二子在幄坐射犬于外【二子张骼辅跖】既食而后食之使御广车而行【广车兵车】已皆乘乘车【乘车安车】将及楚师而后从之乘皆踞转而鼓琴【转衣装踞谓坐其上】近不告而驰之【射犬恨故近敌不告而驰】皆取胄于囊而胄入垒皆下搏人以投收禽挟囚弗待而出【射犬又不待二子】皆超乘抽弓而射既免复踞转而鼓琴曰公孙同乘兄弟也胡再不谋【谓不告而驰不待而出】对曰曩者志入而已今则怯也皆笑曰公孙之亟也【亟急也】楚子自棘泽还使防啓彊帅师送陈无宇【传言齐楚固相结】吴人为楚舟师之役故【在此年夏】召舒鸠人舒鸠人叛楚【舒鸠杜注楚属国】楚子师于荒浦【荒浦杜注舒鸠地】使沈尹筮与师祁犁让之【二子楚大夫】舒鸠子敬逆二子而告无之且请受盟二子复命王欲伐之防子曰【令尹防子冯】不可彼告不叛且请受盟而又伐之伐无罪也姑归息民以待其卒卒而不贰吾又何求若犹叛我无辞有庸乃还【为明年楚灭舒鸠】

晋合十二国之君畏齐不敢伐而徒致棘泽之役以患郑其无能可知矣诸侯救郑不书救不及事不足录也

公至自防

陈鍼宜咎出奔楚

【左传】陈人复讨庆氏之党鍼宜咎出奔楚

宜咎之事无闻焉而以庆氏之党逐则其人可知矣其后在楚为箴尹宜咎

叔孙豹如京师

【左传】齐人城邾【邾王城也于是谷雒鬬毁王宫故为王城之】穆叔如周聘且贺城王嘉其有礼也赐之大路【为昭四年叔孙以所赐路葬张本】据 谷洛鬬毁王宫齐侯叛晋求媚于天子故为王城之于是叔孙豹始如京师聘且贺焉襄之聘晋者九是年春先聘晋冬乃聘王慢甚矣城邾鲁不与故不书

大饥

【谷梁传】五谷不升为大饥一谷不升谓之𦍋二谷不升谓之饥三谷不升谓之𦍋四谷不

升谓之康五谷不升谓之大侵大侵之礼君食不兼味台榭不涂弛侯廷道不除【侯射侯废侯不燕射廷内道路不修除】百官布而不制【官职修列不可缺废不更有造作】鬼神禘而不祀此大侵之礼也

二谷不熟曰饥五谷不熟曰大饥古者备荒之政至纤且悉是年秋虽大水犹未至堕城郭没仓廩而遽至大饥则知备荒之无政矣

【附錄左传】晋侯嬖程郑使佐下军【代栾盈】郑行人公孙挥如晋聘【挥子羽】程郑问焉曰敢问降阶何由【问自降下之道】子羽不能对归以语然明【然明驷蔑】然明曰是将死矣不然将亾贵而知惧惧而思降乃得其阶【阶犹道也】下人而已又何问焉且夫既登而求降阶者知人也不在程郑其有亡衅乎不然其有惑疾将死而忧也【为明年程郑死张本】

二十有五年春齐崔杼帅师伐我北鄙

【左传】二十五年春齐崔杼帅师伐我北鄙以报孝伯之师也【前年鲁使孟孝伯为晋伐齐】公患之使告于晋孟公绰曰【孟公绰鲁大夫】崔子将有大志不在病我必速归何患焉其来也不寇使民不严异于他日齐师徒归【徒空也】

崔杼懷无君之心邻国知之而齐莊贪伐国之功利令知昏豪不觉悟宜其及也

夏五月乙亥齐崔杼弑其君光

【左传】齐棠公之妻【棠公齐棠邑大夫】东郭偃之姊也东郭偃臣崔武子棠公死偃御武子以吊焉见棠姜而美之使偃取之【为己取】偃曰男女辨姓今君出自丁【齐丁公崔杼之祖】臣出自桓不可【桓公小白东郭偃之祖同姜姓故不可昏】武子筮之遇困【坎下兑上困】之大过【巽下兑上大过困六三变为大过】史皆曰吉示陈文子文子曰夫从风【坎为中男故曰夫变而为巽故曰从风】风陨妻不可娶也【风能陨落物者变而陨落故曰妻不可娶】且其繇曰困于石据于蒺藜入于其宫不见其妻凶【困六三爻辞】困于石往不济也【坎为险为水水之险者石不可以动】据于蒺藜所恃伤也【坎为险兑为泽泽之生物而险者蒺藜恃之则伤】入于其宫不见其妻凶无所归也【六三失位无应则防其妻失其所归也】崔子曰嫫也何先夫当之矣【寡妇曰嫫言棠公已当此凶】遂取之莊公通焉骤如崔氏以崔子之冠赐人侍者曰不可公曰不为崔子其无冠乎崔子因是又以其闲伐晋也曰晋必将报欲弑公以说于晋而不获闲公鞭侍人贾举而又近之乃为崔子闲公【伺公闲隙】夏五月莒为且于之役故莒子朝于齐【且于役在二十三年】甲戌飨诸北郭崔子称疾不视事【欲使公来】乙亥公问崔子【问疾】遂从姜氏姜入于室与崔子自侧户出公拊楹而歌【歌以命姜】侍人贾举止众从者而入闭门【为崔子闭公重言侍人者别下贾举】甲兴公登台而请弗许请盟弗许请自刃于庙弗许皆曰君之臣杼疾病不能听命近于公宫【言崔子宫近公宫或淫者诈称公】陪臣干掇有淫者不知二命【

干掘行夜言行夜得淫人受崔子命讨之不知他命掘夜戒有所击也】公逾墙又射之中股反队遂弑之贾举州绰邴师公孙敖封具铎父襄伊倭堙皆死【此非侍人贾举也八子皆齐勇力之臣为公所嬖者】祝佗父祭于高唐【祝佗父莊公之嬖高唐齐别庙】至复命不说弁而死于崔氏【爵弁祭服】申蒯侍渔者【侍渔监取鱼之官】退谓其宰曰尔以帑免我将死其宰曰免是反子之义也与之皆死崔氏杀驪蔑于平陰【驪蔑平陰大夫公外嬖传言莊公所养非国士故其死难皆宠嬖之人】晏子立于崔氏之门外【晏子平仲闻难而来】其人曰死乎曰独吾君也乎哉吾死也曰行乎曰吾罪也乎哉吾亡也曰归乎曰君死安归君民者岂以陵民社稷是主臣君者岂为其口实社稷是养【口实禄养也】故君为社稷死则死之为社稷亡则亡之若为己死而为己亡非其私昵谁敢任之且人有君而弑之吾焉得死之而焉得亡之将庸何归【将用死亡之义何所归趣】门啓而入枕尸股而哭【以公尸枕己股】兴三踊而出人谓崔子必杀之崔子曰民之望也舍之得民卢蒲癸奔晋王何奔莒【二子莊公党为二十八年杀庆舍张本】叔孙宣伯之在齐也【宣伯鲁叔孙侨如成十六年奔齐】叔孙还纳其女于灵公嬖生景公【还齐羣公子纳宣伯女于灵公】丁丑崔杼立而相之庆封为左相盟国人于大宫【大宫大公庙】曰所不与崔庆者晏子仰天叹曰婴所不唯忠于君利社稷者是是与有如上帝乃歃【盟书云所不与崔庆者有如上帝读书未终晏子抄答易其辞因自歃】辛巳公与大夫及莒子盟【莒子朝齐遇崔杼作乱未去故复与景公盟】大史书曰崔杼弑其君崔子杀之其弟嗣书而死者二人其弟又书乃舍之南史氏闻大史尽死执简以往闻既书矣乃还【南史氏齐史之在外者言齐有直史崔杼之罪所以闻】闾丘婴以帷缚其妻而载之与申鲜虞乘而出【二子莊公近臣】鲜虞推而下之【下婴妻也】曰君昏不能匡危不能救死不能死而知匿其昵【匿藏也昵亲也】其谁纳之行及弇中【弇中狭道】将舍婴曰崔庆其迫我鲜虞曰一与一谁能惧我【言道狭众无所用】遂舍枕簪而寝【恐失马也】食马而食驾而行出弇中谓婴曰速驱之崔庆之众不可当也【道广众得用故】遂来奔崔氏侧莊公于北郭【侧埋之不殓于庙】丁亥葬诸士孙之里【士孙人姓因名里死十三日便葬不待五月】四矐【防车之饰诸侯六矐】不跽【跽止行人】下车七乘不以兵甲【下车送防之车齐旧依上公礼九乘又有甲兵今皆降损】

【谷梁传】莊公失言淫于崔氏【放言将淫崔氏为此见弑】

齐莊公之难贾举州绰等十人皆死之而不得以死节称盖平日从君于昏以致乱亡虽杀身不足以偿其责也使其中有守义执节之臣将以死谏岂肯相随入崔氏之宫耶但晏婴号为贤者平时知君之必陷于乱亡而不能谏一旦有事则假社稷为重以自明其不必死使后世贪生忘义者得以借口而先儒或是其言亦习焉而未之察耳

公防晋侯宋公衛侯郑伯曹伯莒子邾子滕子薛伯 伯小邾子于夷仪

【左传】晋侯济自泮【泮杜注阙】防于夷仪伐齐以报朝歌之役【朝歌役在二十三年】齐人以莊公说使隰鉏请成庆封如师【鉏隰朋之曾孙庆封独使于晋不通诸侯故不书】男女以班赂晋侯以宗器乐器自六正五吏三十帅三军之大夫百官之正长师旅及处守者皆有赂【六正三军之六卿五吏文职三十帅武职皆军卿之属官百官正长羣有司师旅

小将帅处守守国者赂财贿】晋侯许之使叔向告于诸侯公使子服惠伯对曰君舍有罪以靖小国君之惠也寡君闻命矣

晋防诸侯于夷仪本谋伐齐以报朝歌之役崔杼弑君本以私忿防诸侯之伐遂以莊公之弑自解夫莊公既死则齐可不伐而崔杼覆载不容之恶不可不讨使晋能申明大义命齐人及崔氏之宗党皆安堵而独有讨于杼躬率诸侯进薄于城下齐之臣庶服义懷德各有奋心杼之力能独抗乎诛其贼置其君以定其国则晋之六卿鲁之三桓皆有戢志矣不知出此而以赂罢兵此晋霸所以遂衰而终以自敝与

【附录左传】晋侯使魏舒宛没逆衛侯【衛献公以十四年奔齐】将使衛与之夷仪崔子止其帑以求五鹿【崔杼欲得衛之五鹿故留衛侯妻子于齐以质之】

六月壬子郑公孙舍之帅师入陈

【左传】初陈侯防楚子伐郑【在前年】当陈隧者井堙木刊【隧径也堙塞也刊除也】郑人怨之六月郑子展子产帅车七百乘伐陈宵突陈城【突穿也】遂入之陈侯扶其太子偃师奔墓【欲逃冢闲】遇司马桓子【陈之司马】曰载余曰将巡城【不欲载公以巡城辞】遇贾获【贾获陈大夫】载其母妻下之而授公车公曰舍而母辞曰不祥【虽急犹不欲男女无别】与其妾扶其母以奔墓亦免子展命师无入公官与子产亲御诸门【欲服之而已故禁侵掠】陈侯使司马桓子赂以宗器陈侯免拥社【免防服拥社抱社主示服】使其众男女别而累以待于朝【累自囚繫以待命】子展执紼而见【紼马繮】再拜稽首承饮而进献【示不失臣敬】子美入数俘而出【子美子产也但数其所获人数不将以归】祝祓社司徒致民司马致节司空致地乃还【祓除也节兵符陈乱故正其众官修其所职以安定之】

去秋夷仪之防楚合陈蔡许伐郑是年复防夷仪郑虑楚复来先帅师入陈以夺其心郑以蕞尔国当南北之冲晋楚之师更至叠出自子产得政不独修辞执礼足以服疆大而军政之修守不可拔攻则必克以是知立国贵自疆也

秋八月己巳诸侯同盟于重丘【重丘杜注齐地寰宇记 城县东北有重丘 城今山东东昌府治】

【左传】秋七月己巳【己巳七月十二日经书八月误】同盟于重丘齐成故也

夷仪之防不书伐以齐逆服兵不加也杜氏预谓伐齐而书同盟以明齐亦同盟非也使齐果同盟当特书诸侯及齐某盟以着其失贼列奸之罪矣据经防不书伐而同盟书诸侯乃中有闲事之恒辞盖晋既许齐成齐乱未定崔杼既不敢自行又惧他人见诸侯而生异议实未尝使人出受盟耳

【附錄左传】赵文子为政【赵武代范匄】令薄诸侯之币而重其礼穆叔见之谓穆叔曰自今以往兵其少弭矣【弭止也】齐崔庆新得政将求善于诸侯武也知楚令尹【令尹屈建】若敬行其礼道之以文辞以靖诸侯兵可以弭【为二十七年晋楚盟于宋传】

公至自防

衛侯入于夷仪

【左传】衛献公入于夷仪

【公羊传】陈仪者何衛之邑也曷为不言入于衛谗君以弑也【谗诈也时衛侯为剽所逐不能自复诈言愿居是邑为剽臣然后伺候闲隙使甯喜弑之】衛侯之入夷仪与郑伯突同而或名或不名者郑伯夺正以立国人君之诸侯助之不知其义不可以有国也故特书其名以絕之若衍之出奔虽不为无罪而非突比故止书其爵此轻重之权衡也

楚屈建帅师灭舒鸠

【左传】楚防子冯卒屈建为令尹【屈建子木】屈荡为莫敖【代屈建】舒鸠人卒叛【前年辞不叛】楚令尹子木伐之及离城【杜注舒鸠城】吴人救之子木遽以右师先【先至舒鸠】子彊息桓子防子骍子孟帅左师以退【五人不及子木与吴相遇而退】吴人居其闲七日【居楚两军之闲】子彊曰久将垫隘隘乃禽也【垫隘虑水雨】不如速战请以其私卒诱之简师陈以待我【简阅精兵驻后为陈】我克则进奔则亦视之乃可以免不然必为吴禽从之五人以其私卒先擊吴师吴师奔登山以望见楚师不继复逐之傳诸其军【吴还逐五子至其本军】简师防之吴师大败遂围舒鸠舒鸠溃八月楚灭舒鸠

晋霸既衰楚势益彊诸侯畏之故灭国书大夫之名氏自是凡大夫帅师灭国皆以名见而不复书人矣灭国不书大夫者吴也其威犹未盛于中夏也

冬郑公孙夏帅师伐陈【夏公羊作蚤】

【左传】郑子产献防于晋【献入陈之功】戎服将事晋人问陈之罪对曰昔虞阼父为周陶正以服事我先王【阼父舜之后当周之兴阼父为武王陶正】我先王赖其利器用也与其神明之后也【舜圣故谓之神明】庸以元女大姬配胡公【庸用也元女武王之长女胡公阼父之子满也】而封诸陈以备三恪【周封夏殷后又封舜后谓之三恪示敬也】则我周之自出至于今是赖桓公之乱蔡人欲立其出【陈桓公鲍卒陈乱事在鲁桓五年蔡出桓公子厉公】我先君莊公奉五父而立之【五父佗桓公弟杀大子免而代之郑莊公因定其位】蔡人杀之我又与蔡人奉戴厉公至于莊宣皆我之自立【陈莊公宣公皆厉公子】夏氏之乱成公播荡又我之自入君所知也【宣公十一年陈夏征舒弑灵公灵公之子成公奔晋自晋因郑而入】今陈忘周之大德蔑我大惠弃我姻亲介恃楚众以冯陵我敝邑不可亿

逞【亿度也逞尽也】我是以有往年之告【谓郑伯稽首告晋请伐陈】未获成命则有我东门之役【前年陈从楚伐郑东门】当陈隧者井堙木刊敝邑大惧不竞而耻大姬天诱其衷啓敝邑心陈知其罪授手于我用敢献功晋人曰何故侵小对曰先王之命唯罪所在各致其辟且昔天子之地一圻【方千里】列国一同【方百里】自是以衰【衰差降】今大国多数圻矣若无侵小何以至焉晋人曰何故戎服对曰我先君武莊为平桓卿士【郑武公莊公为周平王桓王卿士】城濮之役文公布命曰【晋文公】各复旧职命我文公戎服辅王以受楚防不敢废王命故也士莊伯不能诘【士莊伯士弱也】复于赵文子文子曰其辞顺犯顺不祥乃受之冬十月子展相郑伯如晋拜陈之功【谢晋受其功】子西复伐陈陈及郑平仲尼曰志有之【志古书】言以足志文以足言【足犹成也】不言谁知其志言之无文行而不远晋为伯郑入陈非文辞不为功慎辞哉

郑再伐陈取成而还陈不能报楚不敢问以子产方明其政刑众知郑之不可侮也

【附錄左传】楚蔦掩为司马【蔦子冯之子】子木使庀赋【庀治】数甲兵【数阅】甲午蔦掩书土田【书土地之所宜】度山林【量度山林之材以供国用】鳩薮泽【鳩聚也聚成薮泽使民不得焚燎以备田猎之处】辨京陵【辨别也絶高曰京大阜曰陵别之以为冢墓之地】表淳卤【淳卤埆薄之地表异轻其赋税】数疆潦【疆界有流潦者计数减其租入】防偃猪【偃猪下湿之地规度其受水多少】町原防【广平曰原防隄也隄防闲地不得方正如井田别为小顷町】牧隰皋【隰皋水崖下湿为刍牧之地】井衍沃【衍沃平美之地则制以为井田】量入修赋【量九土之所入而治理其赋税】赋车籍马【籍疏其毛色歳齿以备军用】赋车兵徒卒甲楯之数【车兵甲士数器仗有常数】既成以授子木礼也【得治国之礼 言楚之所以兴】

十有二月吴子遏伐楚门于巢卒【遏公羊谷梁作謁】

【左传】十二月吴子诸樊伐楚以报舟师之役【舟师在二十四年】门于巢【攻巢门】巢牛臣曰【牛臣巢人】吴王勇而轻若啓之【啓开门也】将亲门我获射之必殪是君也死疆其少安从之吴子门焉牛臣隱于短墙以射之卒

【公羊传】门于巢卒者何入门乎巢而卒也入门乎巢而卒者何入巢之门而卒也吴子謁何以名伤而反未至乎舍而卒也

【谷梁传】以伐楚之事门于巢卒也【因伐楚而经巢】于巢者外乎楚也【言于巢则不在楚】门于巢乃伐楚也【先攻巢乃可伐楚】诸侯不生名取卒之名加之伐楚之上者见以伐楚卒也其见以伐楚卒何也古者大国过小邑小邑必饰城而请罪礼也【饰城者修守备请罪问所以致师之意】吴子謁伐楚至巢入其门门人射吴子有矢创反舍而卒古者虽有文事必有武备非巢之不饰城而请罪非吴子之自轻也【非责两讥之也】

举卒之名加于伐楚之上与七年郑伯髡顽如防卒于鄆同义皆以便文耳门于巢谓攻其城

而門焉見遏之死于兵也若暴疾過巢門而卒則當書卒于巢

【附录左传】楚子以灭舒鳩赏子木辞曰先大夫蔦子之功也以与蔦掩【往年楚子将伐舒鳩蔦子冯请退师以湏其叛故】晋程郑卒子产始知然明【前年然明谓程郑将死今如其言故知之】问为政焉对曰视民如子见不仁者诛之如鷹鷂之逐鸟雀也子产喜以语子大叔且曰他日吾见蔑之面而已【蔑然明名】今吾见其心矣子大叔问政于子产子产曰政如农功日夜思之思其始而成其终朝夕而行之行无越思如农之有畔其过鲜矣衛献公自夷仪使与甯喜言【求复国也】甯喜许之大叔文子闻之【大叔仪】曰乌乎诗所谓我躬不說皇恤我后者甯子可谓不恤其后矣【诗小雅谓甯子必身受祸不得恤其后也】将可乎哉殆必不可君子之行思其终也思其复也书曰慎始而敬终终以不困【周书蔡仲之命】诗曰夙夜匪解以事一人今甯子视君不如奕棋其何以免乎奕者举棋不定不胜其耦【耦对敌也】而况置君而弗定乎必不免矣九世之卿族一举而灭之可哀也哉【甯氏出自衛武公及喜九世也明年衛献公归国二十七年果杀甯喜】防于夷仪之歲齐人城郟【在二十四年不直言防夷仪者别二十五年夷仪防】其五月秦晋为成【自十四年十三国伐秦至是始平】晋韩起如秦涖盟秦伯车如晋涖盟【伯车秦伯之弟鍼也】成而不结【为后年修成起本】

日讲春秋解义卷四十三

卷四十四

钦定四库全书

日讲春秋解义卷四十四

襄公

二十有六年春

【附錄左传】二十六年春秦伯之弟鍼如晋修成【修防夷儀歲之成】叔向命召行人子员【欲使答秦命】行人子朱曰朱也当御【御进也言次当行】三云叔向不应子朱怒曰班爵同何以黜朱于朝抚剑从之叔向曰秦晋不和久矣今日之事幸而集晋国赖之不集三军暴骨子员道二国之言无私子常易之奸以事君者吾所能御也拂衣从之人救之平公曰晋其庶乎吾臣之所争者大师旷曰公室惧卑臣不心竞而力争【谓二子不心竞为忠而抚剑拂衣】不务德而争善【争谓所行为善】私欲已侈能无卑乎

王二月辛卯卫甯喜弑其君剽

【左传】卫献公使子鲜为复【使为己求反国】辞敬嬖强命之【敬嬖献公及子鲜之母】对曰君无信臣惧不免敬嬖曰虽然以吾故

也许诺初献公使与甯喜言【言复国】甯喜曰必子鲜在不然必败【子鲜贤国人信之必欲使在其闲】故公使子鲜子鲜不获命于敬嬖以公命与甯喜言曰苟反政由甯氏祭则寡人甯喜告蘧伯玉伯玉曰瑗不得闻君之出敢闻其入【十四年孙氏欲逐献公瑗走从近關出】遂行从近關出告右宰谷【卫大夫】右宰谷曰不可获罪于两君【前出献公今弑剽】天下谁畜之【畜犹容也】悼子曰吾受命于先人不可以贰【悼子甯喜受命在二十年】谷曰我请使焉而观之【观其可还与否】遂见公于夷仪反曰君淹恤在外十二年矣而无忧色亦无寃言犹夫人也若不已死无日矣悼子曰子鲜在右宰谷曰子鲜在何益多而能亡【言子鲜为义多不过亡出】于我何为悼子曰虽然弗可以已孙文子在戚孙嘉聘于齐孙襄居守【二子孙文子之子】二月庚寅甯喜右宰谷伐孙氏不克伯国伤【伯国孙襄父兄皆不在故乘弱攻之】甯子出舍于郊【欲奔】伯国死孙氏夜哭国人召甯子甯子复攻孙氏克之辛卯杀子叔及大子角【子叔卫侯剽言子叔剽无諡故】书曰甯喜弑其君剽言罪之在甯氏也

【谷梁传】此不正其日何也殖也立之喜也君之正也【父立以为君则子宜君之以明正也】

剽虽篡立然春秋之法其实篡也以篡书其实为君也以君书剽既篡立凡卫之臣子立于其朝者君臣之分已定有致难于剽者自宜以弑君书矣先儒多谓甯喜父子反覆于二君之闲故蔽其罪犹一曲之义也

卫孙林父入于戚以叛【书叛始此】

【左传】孙林父以戚如晋【以邑属晋】书曰入于戚以叛罪孙氏也臣之禄君实有之义则进否则奉身而退专禄以周旋戮也

宋鱼石入于彭城晋栾盈入于曲沃将为乱于国而抗其君不得以叛书叛者据邑而君不能讨也故书叛自林父始春秋之义常以上下比事而见其始也书卫侯衎出奔齐继书会于戚而林父在焉则知逐君者林父其终也书甯喜弑其君剽孙林父入于戚以叛继书衎归则知甯喜之弑由衎而林父为惧罪矣

甲午卫侯衎复归于卫

【左传】甲午卫侯入书曰复归国纳之也大夫逆于竟者执其手而与之言道逆者自车揖之逆于门者颌之而已【颌摇其头言衎骄心易生】公至使让大叔文子曰寡人淹恤在外二三子皆使寡人朝夕闻卫国之言吾子独不在寡人【在存问也公闻文子答甯喜之言故忿之】古人有言曰非所怨勿怨寡人怨矣对曰臣知罪矣臣不佞不能负羈紲以从扞牧圉臣之罪一也有出者有居者【出谓衎居谓剽也】臣不能贰通外内之言以事君臣之罪二也有二罪敢忘其死乃行从近闕出公使止之【传言卫侯不能安和大臣公羊传】此谕君以弑也其言复归何恶剽也曷为恶剽剽之立于是未有说也【剽以公孙篡立位非其次故未有说】然则曷为不言剽之立不言剽之立者以恶卫侯也【卫侯失众出奔故亦恶之】

【谷梁传】日归见知弑也【喜弑君衎归故録日以见其知情】

卫侯出奔齐及入于夷仪皆以爵称今既得国乃书其名何也使人之臣弑其君而求利焉其恶大矣故特书名以着其罪而又书复归以见国其所固有也

【附録左传】卫人侵戚东鄙【以林父叛故】孙氏愬于晋晋戌茅氏【茅氏杜注戚东鄙】殖绰伐茅氏杀晋戌三百人【殖绰齐人今来在卫】孙蒯追之弗敢击文子曰厉之不如【厉恶鬼以比殖绰】遂从卫师败之圉【圉杜注卫地今直开州东有圉城】雍鉏获殖绰【雍鉏孙氏臣】复愬于晋【为下晋讨卫张本】郑伯赏入陈之功【入陈在前年】三月甲寅朔享子展赐之先路三命之服先八邑【以路及命服为邑先八邑三十二井】赐子产次路再命之服先六邑子产辞邑曰自上以下隆杀以两礼也臣之位有四【上卿子展次卿子西十一年良霄见经十九年乃立子产为卿故位在四】且子展之功也臣不敢及赏礼请辞邑公固予之乃受三邑【位次当受二邑以公固与之故受三邑】公孙挥曰子产其将知政矣让不失礼

夏晋侯使荀吴来聘

【左传】晋人为孙氏故召诸侯将以讨卫也夏中行穆子来聘【穆子荀吴】召公也【召公为澶渊防】

【附录左传】楚子秦人侵吴及雩娄【雩娄杜注属安丰郡今江南霍丘县西南有故城】闻吴有备而还遂侵郑五月至于城麇郑皇颡戍之【皇颡郑大夫守城麇之邑】出与楚师战败穿封戌囚皇颡公子围与之争之【公子围共王子灵王也】正于伯州犁伯州犁曰请问于囚乃立囚【立皇颡于庭而问之】伯州犁曰所争君子也其何不知【言王子围及穿封戌皆非细人易别识也】上其手曰夫子为王子围寡君之贵介弟也下其手曰此子为穿封戌方城外之县尹也谁获子【上下手以道囚意】囚曰颡遇王子弱焉【弱败也】戌怒抽戈逐王子围弗及楚人以皇颡归印堇父与皇颡戍城防【印堇父郑大夫】楚人囚之以献于秦郑人取货于印氏以请之子大叔为令正【主作辞令之正】以为请子产曰不获受楚之功而取货于郑不可谓国秦其不然【受楚献功大名也以货免之小利也故谓秦不尔】若曰拜君之勤郑国微君之惠楚师其犹在敝邑之城下其可【辞如此归功于秦则堇父可得】弗从遂行秦人不予更币从子产而后获之【称子产之善于辞】

公会晋人郑良霄宋人曹人于澶渊

【左传】六月公会晋赵武宋向戌郑良霄曹人于澶渊以讨卫疆戚田取卫西鄙懿氏六十以与孙氏【懿氏杜注戚城西北五十里有懿城今戚城在开州北】赵武不书尊公也向戌不书后也郑先宋不失所也【如期至】于是卫侯会之【晋将执之不得与会故不书】晋人执甯喜北宫遗使女齐以先归【讨其弑君伐孙氏也遗北宫适之子女齐司马侯归晋而后告诸侯故经书在秋】卫侯如晋晋人执而囚之于士弱氏【士弱晋主狱大夫】秋七月齐侯郑伯为卫侯故如晋晋侯兼享之晋侯赋嘉乐【嘉乐诗大雅取其嘉乐君子显显令德宜民宜人受禄于天】国景子相齐侯【景子国弱】赋蓼萧【蓼萧诗小雅言大平泽及远若露之在萧以喻晋君恩泽及诸侯】子展相郑伯赋缁衣【缁衣诗郑风取适子之馆兮还予授子之粲兮言不敢违远于晋】叔向命晋侯拜二君曰寡君敢拜齐君之安我先君之宗祧也敢拜郑君之不贰也【蓼萧缁衣二诗所趣各不同故拜二君词异】国子使晏平仲私于叔向曰晋君宣其明德于诸侯恤其患而补其阙正其违而治其烦所以为盟主也今为臣执君若之何叔向告赵文子文子以告晋侯晋侯言卫侯之罪使叔向告二君【言自以杀晋成三百人为罪不以林父故】国子赋辔之柔矣【逸诗义取宽政以安诸侯若柔辔之御刚马】子展赋将仲子兮【将仲子诗郑风义取众言可畏卫侯虽别有罪而众人谓晋为臣执君】晋侯乃许归卫侯叔向曰郑七穆罕氏其后亡者也子展俭而壹【子展郑子罕之子郑穆公十一子子展子西子产伯有子大叔子石伯石为七穆子然二子孔已亡子羽不为卿故惟言七穆】澶渊卫地之近戚者晋党于孙氏讨卫而疆戚田因为此会此晋之所以失诸侯也夷仪之会以赂定乱贼此会复披卫地以奖叛臣盖晋之彊家皆有弱其君之心故与隣国之乱臣声势相倚平公暗弱听其倒行逆施而不察岂不悖乎晋宋称人会者非卿也凡此类宜以经为断而不可以传汨之疆戚田事本细微故诸国皆大夫而鲁君独亲之吴人所讥国

君道长而大夫不出门盖谓此耳

秋宋公杀其世子痤【痤谷梁作座】

【左传】初宋芮司徒生女子【芮司徒宋大夫】赤而毛弃诸堤下共姬之妾取以入【共姬宋伯姬】名之曰弃长而美平公入夕【平公共姬子】共姬与之食公见弃也而视之尤【尤甚也】姬纳诸御嬖生佐【佐元公】恶而婉【貌恶而心顺】太子痤美而很【貌美而心很戾】合左师畏而恶之【合左师向戌】寺人惠墙伊戾为太子内师而无宠【惠墙氏伊戾名】秋楚客聘于晋过宋太子知之请野享之公使往伊戾请从之公曰夫不恶女乎【夫谓太子】对曰小人之事君子也恶之不敢远好之不敢近敬以待命敢有贰心乎纵有共其外莫共其内臣请往也遣之至则欲用牲加书徵之【诈作盟处为太子反徵验】而聘告公曰太子将为乱既与楚客盟矣公曰为我子又何求对曰欲速公使视之则信有焉【有盟徵】问诸夫人与左师【夫人佐母弃也】则皆曰固闻之公囚太子太子曰唯佐也能免我【以其婉也】召而使请曰日中不来吾知死矣左师闻之聒而与之语【聒讙也欲使佐失期】过期乃缢而死佐为太子公徐闻其无罪也乃亨伊戾左师见夫人之步马者【步马习马】问之对曰君夫人氏也左师曰谁为君夫人余胡弗知圉人归以告夫人夫人使馈之锦与马先之以玉曰君之妾弃使某献左师改命曰君夫人而后再拜稽首受之【左师令使者改命也传言宋公闇左师防太子所以无罪而死】

申生之死晋献终不寤宋公既知伊戾之谗而烹之乃于芮弃之宠爱左师之委任终无改焉大学于修身齐家专以辟为戒职此故耳

晋人执卫甯喜

【公羊传】此执有罪何以不得为伯讨不以其罪执之也甯喜身负大恶晋若正其罪而执之归于京师则为霸讨当如厉公之执曹伯以爵称今以伐戚杀戌而执之以快林父之心悖矣殖与喜之恶一也殖以附晋免喜以背晋执林父与喜之恶一也林父以附晋获庇喜以背晋见执然则晋非执弑君之贼执不附已者耳故称人以着其罪焉

【附录左传】郑伯归自晋使子西如晋聘辞曰寡君来烦执事惧不免于戾使夏谢不敏【夏子西名】君子曰善事大国初楚伍参与蔡大师子朝友其子伍举与声子相

善也【声子子朝之子伍举子胥祖父椒举也】伍举娶于王子牟王子牟为申公而亡【获罪出奔】楚人曰伍举实送之伍举奔郑将遂奔晋声子将如晋遇之于郑郊班荆相与食而言复故【班布也布荆坐地共议归楚事】声子曰子行也吾必复子及宋向戌将平晋楚【平在明年】声子通使于晋还如楚令尹子木与之语问晋故焉且曰晋大夫与楚孰贤对曰晋卿不如楚其大夫则贤皆卿材也如梓皮革自楚往也虽楚有材晋实用之子木曰夫独无族姻乎对曰虽有而用楚材实多归生闻之【归生声子名】善为国者赏不僭而刑不滥赏僭则惧及淫人刑滥则惧及善人若不幸而过宁僭无滥与其失善宁其利淫无善人则国

从之【从之亡也】诗曰人之云亡邦国殄瘁无善人之谓也【诗大雅殄尽也瘁病也】故夏书曰与其杀不辜宁失不经惧失善也【夏书大禹谟不经不用常法】商颂有之曰不僭不滥不敢怠皇命于下国封建厥福【诗商颂言殷汤赏不僭差刑不滥溢不敢怠解以自宽暇故能为下国所命为天子】此汤所以获天福也古之治民者劝赏而畏刑恤民不倦赏以春夏刑以秋冬【顺天时】是以将赏为之加膳加膳则饫赐【饫饘也酒食赐下无不饘足所谓加膳也】此以知其劝赏也将刑为之不举不举则彻乐此以知其畏刑也夙兴夜寐朝夕临政此以知其恤民也三者礼之大节也有礼无败今楚多淫刑其大夫逃死于四方而为之谋主以害楚国不可救疗所谓不能也【不能用其材】子仪之乱【在文十四年】析公奔晋晋人寘诸戎车之殿【殿后车】以为谋主绕角之役晋将遁矣析公曰楚师轻窳易震荡也若多鼓铙声以夜军之楚师必遁晋人从之楚师宵溃晋遂侵蔡袭沈获其君败申息之师于桑隧获申丽而还【成六年晋栾书救郑与楚师遇于绕角楚师还晋侵沈获沈子八年复侵楚败申息获申丽】郑于是不敢南面楚失华夏则析公之为也雍子之父兄谮雍子君与夫人不善是也【不是其曲直】雍子奔晋晋人与之郤【郤杜注晋邑】以为谋主彭城之役晋楚遇于靡角之谷【在成十八年】晋将遁矣雍子发命于军曰归老幼反孤疾二人役归一人简兵搜乘秣马蓐食师陈焚次【次舍也焚舍示必死】明日将战行归者而逸楚囚【欲使楚知之】楚师宵溃晋降彭城而归诸宋以鱼石归【在元年】楚失东夷子辛死之则雍子之为也【楚东小国及陈见楚不能救彭城皆叛五年楚人讨陈叛故杀令尹子辛】子反与子灵争夏姬【子灵巫臣】而雍害其事子灵奔晋晋人与之邢【邢杜注晋邑】以为谋主扞御北狄通吴于晋教吴叛楚教之乘车射御驱侵使其子狐庸为吴行人焉吴于是伐巢取驾克棘入州来【驾棘杜注皆楚邑谯国酇县东北有棘亭在今河南永城县南】楚罢于奔命至今为患则子灵之为也【事见成七年】若敖之乱伯贲之子贲皇奔晋晋人与之苗【若敖乱在宣四年苗杜注晋邑今河南济源县西有苗亭】以为谋主鄢陵之役【在成十六年】楚晨压晋军而陈晋将遁矣苗贲皇曰楚师之良在其中军王族而已若塞井夷灶成陈以当之栾范易行以诱之【栾书时将中军范燮佐之易行谓简易兵备令楚贪已不复顾二穆之兵】中行二郤必克二穆【郤锜时将上军中行偃佐之郤至佐新军令此三人分良以攻二穆之兵楚子重子辛皆出穆王故曰二穆】吾乃四萃于其王族必大败之【四萃四面集攻之】晋人从之楚师大败王夷师燿【夷伤也燿火灭也军败之状】子反死之郑叛吴兴楚失诸侯则苗贲皇之为也子木曰是皆然矣声子曰今又有甚于此椒举娶于申公子牟子牟得戾而亡君大夫谓椒举女实遣之惧而奔郑引领南望曰庶几赦余亦弗图也今在晋矣晋人将与之县以比叔向彼若谋害楚国岂不为患子木惧言诸王益其禄爵而复之声子使椒鸣逆之【椒鸣伍举子】

八月壬午许男甯卒于楚

冬楚子蔡侯陈侯伐郑

【左传】许灵公如楚请伐郑【十六年晋伐许他国皆大夫独郑伯自行故许恚欲报之】曰师不兴孤不归矣八月卒于楚楚子曰不伐郑何以求诸侯冬十月楚子伐郑郑人将御之子产曰晋楚将平诸侯将和【和在明年】楚王是故昧于一来不如使逞而归乃易成也夫

小人之性衅于勇嗇于祸以足其性而求名焉者非国家之利也若何从之【衅动也嗇贪也言郑之欲与楚战者皆衅勇贪名之人非能为国计虑久利不可从】子展说不御寇十二月乙酉入南里【南里杜注郑邑今河南新郑县南有地名南里】堕其城涉于乐氏【乐氏杜注津名在今河南新郑县境洧水济渡处】门于师之梁【郑城门】县门发获九人焉涉于汜而归【于汜城下涉汝水南归】而后葬许灵公【卒灵公之志而后葬之】

楚以许故偕蔡陈伐郑郑自萧鱼以来至此三被楚祸而犹未忍叛晋则悼公推诚之效也然十八年楚公子午不得志于郑二十四年诸侯救之此年诸侯不救郑亦不御使楚得逞盖是时晋平昏庸大夫专恣不在诸侯而南北分霸之势成矣

葬许灵公

【附錄左传】卫人归卫姬于晋乃释卫侯【卫侯以女説晋而后得免】君子是以知平公之失政也晋韩宣子聘于周王使请事【问何事来聘】对曰晋士起将归时事于宰旅无他事矣【起宣子名礼诸侯大夫入天子国称士时事四时贡职宰旅冢宰之下士言献贡赋于宰旅不敢斥尊】王闻之曰韩氏其昌阜于晋乎辞不失旧齐人城郟之歳【在二十四年】其夏齐乌余以廩丘奔晋【乌余齐大夫廩丘杜注东郡廩丘县故城是在今山东范县东南】袭卫羊角取之【羊角杜注廩丘县所治羊角城是在今山东范县东南新安村】遂袭我高鱼【高鱼杜注高鱼城在廩丘县东北今山东鄄城县西高鱼乡是其地】有大雨自其窞入【雨故水窞开】介于其库【入高鱼库而介其甲】以登其城克而取之又取邑于宋于是范宣子卒【宣子范匄】诸侯弗能治也及赵文子为政乃卒治之文子言于晋侯曰晋为盟主诸侯或相侵也则讨而使归其地今乌余之邑皆讨类也【言于比类宜见讨】而贪之是无以为盟主也请归之公曰诺孰可使也对曰胥梁带能无用师【胥梁带晋大夫能无用师言有权谋】晋侯使往

二十有七年春

【附錄左传】二十七年春胥梁带使诸丧邑者具车徒以受地必周【诸丧邑谓齐鲁宋也周密也必密来勿以受地为名】使乌余具车徒以受封【乌余以地来故诈许封之】乌余以其众出使诸侯伪效乌余之封者【效致也使齐鲁宋伪若致邑封乌余者】而遂执之尽获之皆取其邑而归诸侯诸侯是以睦于晋【传言赵文子贤故平公虽失政而诸侯犹睦】

齐侯使庆封来聘

【左传】齐庆封来聘其车美孟孙谓叔孙曰庆季之车【季庆封字】不亦美乎叔孙曰豹闻之服美不称必以恶终美车何为叔孙与庆封食不敬为赋相鼠亦不知也【相鼠诗鄘风曰相鼠有皮人而无仪人而无仪不死何为庆封不知此诗为己言其阉甚为明年庆封来奔传】齐鲁不交好者三十年于兹景公即位始修好于四邻而命庆封来聘亦贤于日寻侵伐者矣

夏叔孙豹防晋赵武楚屈建蔡公孙归生卫石恶陈孔奂郑良霄许人曹人于宋【奂公羊作瑗后同晋楚始同主盟】

【左传】宋向戌善于赵文子又善于令尹子木欲弭诸侯之兵以为名【欲获息民之名】如晋告赵孟赵孟谋于诸大夫韩宣子曰兵民之残也财用之蠹【蠹害物之虫】小国之大菑也将或弭之虽曰不可必将许之弗许楚将许之以召诸侯则我失为盟主矣晋人许之如楚楚亦许之如齐齐人难之陈文子曰晋楚许之我焉得已且人曰弭兵而我弗许则固携吾民矣将焉用之齐人许之告于秦秦亦许之皆告于小国为会于宋五月甲辰晋赵武至于宋丙午郑良霄至六月丁未朔宋人享赵文子叔向为介司马置折俎礼也【折俎体解节折升之于俎合卿享宴之礼故曰礼也周礼司马掌会同之事】仲尼使举是礼也以为多文辞【举谓记录之也宋向戌自美弭兵之意敬逆赵武赵武叔向因享宴之防展宾主之辞故仲尼以为多文辞】戊申叔孙豹齐庆封陈湏无卫石恶至【湏无陈文子】甲寅晋荀盈从赵武至【从后也后武遣盈如楚】丙辰邾悼公至【小国故君自来】壬戌楚公子黑肱先至成言于晋【时令尹子木止陈遣黑肱就晋大夫成盟载之言两相然可】丁卯宋向戌如陈从子木成言于楚戊辰滕成公至子木谓向戌请晋楚之从交相见也【使诸侯从晋楚者更相朝见】庚午向戌复于赵孟赵孟曰晋楚齐秦匹也晋之不能于齐犹楚之不能于秦也【不能服而使之】楚君若能使秦君辱于敝邑寡君敢不固请于齐壬申左师复言于子木子木使弭谒诸王王曰释齐秦他国请相见也【经所以不书齐秦】秋七月戊寅左师至【从陈还】是夜也赵孟及子皙盟以齐言【子皙公子黑肱素要齐其辞至盟时不得复讼争】庚辰子木至自陈陈孔奂蔡公孙归生至曹许之大夫皆至以藩为军【示不相忌】晋楚各处其偏【晋处北楚处南】伯夙谓赵孟曰【伯夙荀盈】楚氛甚恶惧难【氛气也言楚有袭晋之气】赵孟曰吾左还入于宋若我何【营在宋北东头为上故晋营在东有急可左回入宋东门】

晋楚争衡诸侯各有所属前此时叛而即楚者不过陈蔡郑许近楚之国耳今则南北分霸鲁宋卫曹皆以事晋者事楚往朝会伐而天下之大防尽溃矣自晋士穀盟垂陇以前虽霸国之大夫不以名见也继而内大夫与霸国之大夫离防以名见继而齐宋卫之大夫众会以名见继而郑大夫亦以名见至此而诸侯之大夫尽以名见其称人者独微国耳盖大夫益张礼乐征伐皆自之出而列国之大防尽溃矣此鲁侯降为家人六卿分晋之端兆也

卫杀其大夫甯喜

【左传】卫甯喜专公患之公孙免余请杀之【免余卫大夫】公曰微甯子不及此吾与之言矣【言政由甯氏】事未可知祇成恶名止也对曰臣杀之君勿与知乃与公孙无地公孙臣谋【二公孙卫大夫】使攻甯氏弗克皆死公曰臣也无罪父子死余矣【献公出时公孙臣之父为孙氏所杀】夏免余复攻甯氏杀甯喜及右宰谷尸诸朝【谷不书非卿也】石恶将会宋之盟受命而出衣其尸枕之股而哭之欲敛以亡惧不免且曰受命矣乃行【行防于宋为明年石恶奔传】

【谷梁传】称国以杀罪累上也甯喜弑君其以累上之辞言之何也尝为大夫与之涉公事矣【涉犹歷也】甯喜出君弑君而不以弑君之罪罪之者恶献公也

剽篡国者也国人可讨而甯喜尝事之以为君不得杀也故书弑以正其罪喜弑君者也凡人宜讨而卫献与之要言以速其弑与之共事而假手于他人以杀之则杀之不以其罪故称国以杀而不去其官

卫侯之弟鱄出奔晋【鱄谷梁作专】

【左传】子鲜曰逐我者出【谓孙林父】纳我者死【谓甯喜】赏罚无章何以沮劝君失其信而国无刑不亦难乎且鱄实使之【使甯喜纳君】遂出奔晋公使止之不可及河又使止之止使者而盟于河【誓不还】托于木门【木门杜注晋邑】不乡卫国而坐【怨之深也】木门大夫劝之仕不可曰仕而废其事罪也从之昭吾所以出也将谁愬乎【从之谓治其事也事治则明已出欲仕无所自愬】吾不可以立于人之朝矣终身不仕公丧之如税服终身【税即總也丧服總袞裳缕细而希非五服之常本无月数痛愬子鲜故特为此服此服无月数而献公寻薨故言终身】公与免余邑六十辞曰唯卿备百邑臣六十矣下有上禄乱也【此一乘之邑非四井之邑论语称千室又云十室明通称】臣弗敢闻且甯子唯多邑故死臣惧死之速及也公固与之受其半以为少师公使为卿辞曰大叔仪不貳能赞大事君其命之乃使文子为卿【文子大叔仪】

【公羊传】卫杀其大夫甯喜则卫侯之弟鱄曷为出奔晋为杀甯喜出奔也曷为为杀甯喜出奔卫甯殖与孙林父逐卫侯而立公孙剽甯殖病将死谓喜曰黜公者非吾意也孙氏为之我即死女能固纳公乎喜曰诺甯殖死喜立为大夫使人谓献公曰黜公者非甯氏也孙氏为之吾欲纳公何如献公曰子苟纳我吾请与子盟喜曰无所用盟请使公子鱄约之【喜素信鱄】献公谓公子鱄曰甯氏将纳我吾欲与之盟其言曰无所用盟请使公子鱄约之子固为我与之约矣公子鱄辞曰夫负羈縻执鉄钺从君东西南北则是臣仆庶孽之事也若夫约言为信则非臣仆庶孽之所敢与也献公怒曰黜我者非甯氏与孙氏凡在尔【欲以此语迫令必约之】公子鱄不得已而与之约已约归至杀甯喜公子鱄挈其妻子而去之将济于河挈其妻子而与之盟曰苟有履卫地食卫粟者昧雉彼视【昧割也时割雉以为盟曰负盟者视彼割雉】

【谷梁传】专喜之徒也专之为喜之徒何也已虽急纳其兄与人之臣谋弑其君是亦弑君者也专其曰弟何也专有是信者【言君本使专与喜为约许以赂】君赂不入乎喜而杀喜是君不直乎喜也故出奔晋织絢邯鄲终身不言卫专之去合乎春秋【得见几之义】

卫侯食言使鱄引咎而自甯过固大矣而鱄亦不能无过盖始虽为兄求复与喜要言然宜思所以寘剽俾两得而无害至于政由甯氏祭则寡人则信不近义言之必不可复者也始谋不臧终虽隐身于异国亦差彊于食其言而不知自愧者耳先儒多以去贤鱄过矣

秋七月辛巳豹及诸侯之大夫盟于宋

【左传】辛巳将盟于宋西门之外楚人衷甲【甲在衣中欲因会击晋】伯州犁曰合诸侯之师以为不信无乃不可乎夫诸侯望信于楚是以来服若不信是弃其所以服诸侯也固请释甲子木曰晋楚无信久矣事利而已苟得志焉焉用有信大宰退【太宰伯州犁】告人曰令尹将死矣不及三年求逞志而弃信志将逞乎志以发言言以出信信以立志参以定之【志言信三者具而后身安存】信亡何以及三【为明年子木死起本】赵孟患楚衷甲以告叔向叔向曰何害也匹夫一为不信犹不可单毙其死【单尽也毙踏也】若合诸侯之卿以为不信必不捷矣食言者不病【不病者单毙于死】非子之患也夫以信召人而以僭济之必莫之与也安能害我且吾因宋以守病则夫能致死【为楚所病则欲入宋城夫谓宋也】与宋致死虽倍楚可也子何惧焉又不及是曰弭兵以召诸侯而称兵以害我吾庸多矣非所患也季武子使谓叔孙以公命曰视邾滕【两事晋楚则贡赋重故欲比小国武子恐叔孙不从其言故假公命以敦之】既而齐人请邾宋人请滕皆不与盟叔孙曰邾滕人之私也我列国也何故视之宋卫吾匹也乃盟故不书其族言违命也晋楚争先【争先歃血】晋人曰晋固为诸侯盟主未有先晋者也楚人曰子言晋楚匹也若晋常先是楚弱也且晋楚狎主诸侯之盟也久矣【狎更也】岂专在晋叔向谓赵孟曰诸侯归晋之德只非归其尸盟也子务德无争先且诸侯盟小国固必有尸盟者【小国主辨具】楚为晋细不亦可乎乃先楚人书先晋晋有信也【盖孔子追正之】壬午宋公兼享晋楚之大夫赵孟为客【客一坐所尊】子木与之言弗能对使叔向侍言焉子木亦不能对也乙酉宋公及诸侯之大夫盟于蒙门之外【前盟诸大夫不敢敌公礼也今宋公以近在其国故谦而重盟防门杜注宋城门】子木问于赵孟曰范武子之德何如对曰夫子之家事治言于晋国无隐情其祝史陈信于鬼神无愧辞子木归以语王王曰尚矣哉能歆神人宜其光辅五君以为盟主也【五君谓文襄灵成景】子木又语王曰宜晋之伯也有叔向以佐其卿楚无以当之不可与争晋荀盈遂如楚涖盟【重结晋楚之好】郑伯享赵孟于垂陇【自宋还过郑】子展伯有子西子产子大叔二子石从【二子石印段公孙段】赵孟曰七子从君以宠武也请皆赋以卒君觐武亦以观七子之志【诗以言志】子展赋草虫【草虫诗召南曰未见君子忧心忡忡亦既见止亦既覯止我心则降以赵孟为君子】赵孟曰善哉民之主也【在上不忘降故可以主民】抑武也不足以当之【辞君子】伯有赋鹑之贄贄【鹑之贄贄诗鄘风义取人之无良我以为兄我以为君也】赵孟曰牀第之言不逾阂况在野乎非使人之所得闻也【第箒也此诗刺淫乱故云牀第之言】子西赋黍苗之四章【黍苗诗小雅四章曰肃肃谢功召伯营之列列征师召伯成之比赵孟于召伯】赵孟曰寡君在武何能焉【推善于其君】子产赋隰桑【隰桑诗小雅义取思见君子尽心以事之曰既见君子其乐如何】赵孟曰武请受其卒章【卒章曰心乎爱矣遐不谓矣中心藏之何日忘之赵孟欲子产之见规诲】子大叔赋野有蔓草【野有蔓草诗郑风取其邂逅相遇适我愿兮】赵孟曰吾子之惠也【大叔喜于相遇故赵武受其惠】印段赋蟋蟀【蟋蟀诗唐风曰无已大康职思其居好乐无荒良士瞿瞿言瞿瞿然顾礼义】赵孟曰善哉保家之主也吾有望矣【能戒惧不荒所以保家】公孙段赋桑扈【桑扈诗小雅义取君子有礼文故能受天之祐】赵孟曰匪交匪敖福将焉往【此桑扈诗卒章赵孟因以取意】若保是言也欲辞福禄得乎卒享文子告叔向曰伯有将为戮矣诗以言志志诬其上而公怨之以为宾荣【伯有称人之无良是诬其上也赵孟倡赋诗以自宠故曰为

宾荣】其能久乎幸而后亡叔向曰然已侈所谓不及五稔者夫子之谓矣【为三十年郑杀良霄传】文子曰其余皆数世之主也子展其后亡者也在上不忘降【谓赋草虫曰我心则降】印氏其次也乐而不荒【谓赋蟋蟀曰好乐无荒】乐以安民不淫以使之亡不亦可乎宋左师请赏曰请免死之邑【欲宋君称功加厚赏故谦言免死之邑】公与之邑六十以示子罕子罕曰凡诸侯小国晋楚所以兵威之畏而后上下慈和慈和而后能安靖其国家以事大国所以存也无威则骄骄则乱乱生必灭所以亡也天生五材【金木水火土也】民竝用之废一不可谁能去兵兵之设久矣所以威不轨而昭文德也圣人以兴【谓汤武】乱人以废【谓桀纣】废兴存亡昏明之术皆兵之由也而子求去之不亦诬乎以诬道蔽诸侯罪莫大焉纵无大讨而又求赏无厌之甚也削而投之【削赏左师之书】左师辞邑向氏欲攻司城【司城子罕】左师曰我将亡夫子存我德莫大焉又可攻乎君子曰彼己之子邦之司直【诗郑风司直也】乐喜之谓乎【乐喜子罕也善其不阿向戌】何以恤我我其收之【诗周颂恤忧也收取也】向戌之谓乎【善向戌能知其过】

【公羊传】曷为再言豹殆诸侯也【殆危也】曷为殆诸侯为卫石恶在是也曰恶人之徒在是矣

【谷梁传】溴梁之会诸侯在而不曰诸侯之大夫大夫不臣也晋赵武耻之豹云者恭也【不举姓氏】诸侯不在而曰诸侯之大夫大夫臣也其臣恭也晋赵武为之防也楚之争霸常始于宋而南北分霸卒成于宋自向戌为弭兵之説而赵武从之驱天下诸侯南乡而朝楚楚欲不违而晋势益大屈矣方是时晋楚皆倦于兵是以偶息数年之争而鲁师取郚晋师败狄至楚围篡立大合诸侯伐吴灭赖所谓弭兵者安在哉溴梁之盟不书诸侯之大夫以诸侯在会而大夫盟故不书诸侯以罪其臣此盟则诸侯不在故书诸侯之大夫以存其君义各有当也

【附录左传】齐崔杼生成及彊而寡【偏丧曰寡寡特也】娶东郭姜生明东郭姜以孤入曰棠无咎【无咎棠公子】与东郭偃相崔氏【偃姜之弟】崔成有疾而废之【有恶疾也】而立明成请老于崔【崔杜注济南东朝阳县西北有崔氏城在今山东章丘县西北】崔子许之偃与无咎弗予曰崔宗邑也必在宗主【宗邑宗庙所在宗主谓崔明】成与彊怒将杀之告庆封曰夫子之身【夫子谓崔杼】亦子所知也唯无咎与偃是从父兄莫得进矣大恐害夫子敢以告庆封曰子姑退吾圖之告卢蒲癸【癸庆封属大夫】卢蒲癸曰彼君之讎也【君谓齐庄公】天或者将弃彼矣彼实家乱子何病焉崔之薄庆之厚也他日又告【成彊复告】庆封曰苟利夫子必去之难吾助女九月庚辰崔成崔彊杀东郭偃棠无咎于崔氏之朝崔子怒而出其众皆逃求人使驾不得使圉人驾寺人御而出【圉人養马者寺人奄士】且曰崔氏有福止余犹可【恐灭家祸不止其身】遂见庆封庆封曰崔庆一也【言如一家】是何敢然请为子讨之使卢蒲癸帅甲以攻崔氏崔氏堞其宫而守之【堞短垣使其众居短垣内以自守】弗克使国人助之遂灭崔氏杀成与彊而尽俘其家其妻缢【妻东郭姜】癸复命于崔子且御而归之【癸为崔子御】至则无归矣乃缢【终入于其宫不见其妻凶】崔明夜辟诸大墓【开先人之冢以藏之】辛巳崔明来奔庆封当国楚防罢如晋涖盟【罢令尹子荡报荀盈也】晋侯享之将出赋既醉【既醉诗大雅曰既醉以酒既饱以德君

子万年介尔景福以美晋侯比之太平君子也】叔向曰防氏之有后于楚国也宜哉承君命不忘敏子荡将知政矣敏以事君必能养民政其焉往崔氏之乱【在二十五年】申鲜虞来奔【申鲜虞庄公之党】仆赁于野以丧庄公【为庄公服丧】冬楚人召之遂如楚为右尹【传言楚能用贤】

冬十有二月乙亥朔日有食之

【左传】十一月乙亥朔日有食之辰在申司歷过也再失闰矣【谓斗建指申周十一月今之九月当建戌而在申故知再失闰也文十一年三月甲子至今年七十一歲应有二十六闰今长歷推得二十四闰通计少再闰】

传曰辰在申再失闰矣若十有二月当为辰在亥则是三失闰非再失也杜氏预推歷与传合当以传为定

日讲春秋解义卷四十四

卷四十五

钦定四库全书

日讲春秋解义卷四十五

襄公

二十有八年春无冰

【左传】二十八年春无冰梓慎曰【梓慎鲁大夫】今兹宋郑其饥乎歲在星纪而淫于
枵【歲歲星也星纪在丑斗牛之次 枵在子虚危之次十八年晋董叔曰天道多在西北是
歲歲星在亥至此年十一歲故在星纪明年乃当在 枵今已在 枵淫行失次】以有时菑
陰不堪阳【时菑无冰也盛陰用事而温无冰是陰不胜阳地气发泄】蛇乘龙【蛇 武之
宿虚危之星龙歲星歲星木也木为青龙失次出虚危下为蛇所乘】龙宋郑之星也【歲星
本位在东方东方房心为宋角亢为郑故以龙为宋郑之星】宋郑必饥 枵虚中也【 枵
三宿虚星在其中】枵耗名也土虚而民耗不饥何为【歲为宋郑之星今失常淫入虚耗之
次时复无冰地气发泄故曰土虚民耗】

自正月至三月为春在夏时则十一月十二月正月也此三月内无冰则天道恒燠故特书之
以纪异

【附录左传】夏齐侯陈侯蔡侯北燕伯 伯胡子沈子白狄朝于晋宋之盟故也【陈侯蔡
侯胡子沈子楚属也宋盟曰晋楚之从交相见故朝晋燕国杜注薊县今京城东偏即其地】
齐侯将行庆封曰我不与盟何为于晋【以宋盟释齐秦】陈文子曰先事后贿礼也【事大
国当先从其政事而后荐贿以副已心】小事大未获事焉从之如志礼也【言当从大国请
事以顺其志】虽不与盟敢叛晋乎重丘之盟未可忘也【重丘盟在二十五年】子其劝行

夏卫石恶出奔晋

【左传】卫人讨甯氏之党故石恶出奔晋卫人立其从子圃以守石氏之祀【恶之先石碯
有功卫国故】礼也

邾子来朝

【左传】邾悼公来朝时事也

邾自晋执其君鲁取其田微弱极矣故亟修礼于鲁

秋八月大雩

【左传】秋八月大雩旱也

【附录左传】蔡侯归自晋入于郑郑伯享之不敬子产曰蔡侯其不免乎曰其过此也【往日至晋时】君使子展迂劳于东门之外而傲【迂往也】吾曰犹将更之今还受享而惰乃其心也君小国事大国而惰傲以为己心将得死乎若不免必由其子其为君也淫而不父【通大子班之妻】侨闻之如是者恒有子祸【为三十年蔡世子班弑其君传】

仲孙羯如晋

【左传】孟孝伯如晋告将为宋之盟故如楚也【鲁晋属故告晋而行】公因宋之盟将朝于楚又先禀命于晋南北分霸列国皆疲于奔命矣

【附录左传】蔡侯之如晋也郑伯使游吉如楚及汉楚人还之曰宋之盟君实亲辱【君谓郑伯】今吾子来寡君谓吾子姑还吾将使驺奔问诸晋而以告【问郑君应来朝否】子大叔曰宋之盟君命将利小国而亦使安定其社稷镇抚其民人以礼承天之休此君之宪令而小国之望也寡君是故使吉奉其皮币以歳之不易聘于下执事【言歳有饥荒之难故郑伯不得自朝楚】今执事有命曰女何与政令之有必使而君弃而封守跋涉山川蒙犯霜露以逞君心小国将君是望敢不唯命是听无乃非盟载之言以阙君德而执事有不利焉小国是惧不然其何劳之敢惮子大叔归复命告子展曰楚子将死矣不修其政德而贪昧于诸侯以逞其愿欲久得乎周易有之在复【震下坤上复】之颐【震下艮上颐复上六变得颐】曰迷复凶【复上六爻辞也复反也陰处极位终迷不反故凶】其楚子之谓乎欲复其愿【谓欲得郑朝以复其愿】而弃其本【不修德】复归无所【失道已远】是谓迷复能无凶乎君其往也送葬而归以快楚心楚不几十年未能恤诸侯也【几近也】吾乃休吾民矣裨灶曰【裨灶郑大夫裨谿】今兹周王及楚子皆将死歳弃其次而旅于明年之次以害鸟帑周楚恶之【旅客处也歳星弃星纪之次客在 梣歳星所在其国有福失次于北祸冲在南南为朱鸟鸟尾曰帑鹑火鹑尾周楚之分故周王楚子受其咎俱论歳星过次梓慎则曰宋郑饥裨灶则曰周楚王死传故备举以示卜占惟人所在】九月郑游吉如晋告将朝于楚以从宋之盟子产相郑伯以如楚舍不为坛【至敌国郊除地封土为坛以受郊劳】外仆言曰【外仆掌次舍者】昔先大夫相先君适四国未尝不为坛自是至今亦皆循之今子草舍无乃不可乎子产曰大适小则为坛小适大苟舍而已焉用坛侨闻之大适小有五美宥其罪戾赦其过失救其菑患赏其德刑【刑法也】教其不及小国不困懷服如归是故作坛以昭其功宣告后人无怠于德小适大有五恶说其罪戾【自解说】请其不足行其政事【奉行大国之政】共其职责从其时命不然则重其币帛以贺其福而吊其凶皆小国之祸也焉用作坛以昭其祸所以告子孙无昭祸焉可也

冬齐庆封来奔

【左传】齐庆封好田而耆酒与庆舍政【舍庆封子封当国不自为政以付舍】则以其内实迁于卢蒲癸氏【内实寘物妻妾也移而居癸家】易内而饮酒数日国迁朝焉【就于卢蒲氏朝见封】使诸亡人得贼者以告而反之【亡人辟崔氏难出奔者】故反卢蒲癸癸臣子之【子之庆舍】有宠妻之【子之以其女妻癸】庆舍之士谓卢蒲癸曰男女辨姓子不辟宗何也【庆氏卢蒲氏皆姜姓】曰宗不余辟余独焉辟之赋诗断章余取所求焉恶识宗【言己欲求宠于庆氏为庄公报讎不能顾礼如赋诗者取其一章而已】癸言王何而反之二人皆嬖【二子皆庄公党】使执寝戈而先后之【寝戈亲近兵杖】公膳日双鸡【卿大夫之膳食】饗人窃更之以鶩【鶩鸭也】御者知之则去其肉而以其泊馈【御进食者泊肉汁也欲使诸大夫怨庆氏减其膳盖癸与何之谋】子雅子尾怒【二子皆惠公孙】庆封告卢蒲癸卢蒲癸曰譬之如禽兽吾寝处之矣使析归父告晏平仲【欲与共谋子雅子尾】平仲曰婴之众不足用也知无能谋也言弗敢出【不敢泄谋】有盟可也子家曰【子家析归父】子之言云又焉用盟告北郭子车【子车齐大夫】子车曰人各有以事君非佐之所能也【佐子车名】陈文子谓桓子曰【桓子文子之子无宇】祸将作矣吾其何得对曰得庆氏之木百车于庄【庆封时有此木积于六轨之道】文子曰可慎守也已【善其不志于货财】卢蒲癸王何卜攻庆氏示子之兆曰或卜攻讎敢献其兆子之曰克见血冬十月庆封田于莱陈无宇从丙辰文子使召之请曰无宇之母疾病请归庆季卜之【季庆封】示之兆曰死奉而泣【无宇泣】乃使归庆嗣闻之【嗣庆封之族】曰祸将作矣谓子家速归【子家庆封字】祸作必于尝【尝秋祭】归犹可及也子家弗聽亦无悛志子息曰【子息庆嗣】亡矣幸而获在吴越陈无宇济水而戕舟发梁【不欲庆封得救难】卢蒲姜谓癸曰【卢蒲姜庆舍女】有事而不告我必不捷矣癸告之【告欲杀庆舍】姜曰夫子悞【夫子谓庆舍】莫之止将不出我请止之癸曰诺十一月乙亥尝于大公之庙庆舍蒞事卢蒲姜告之且止之弗聽曰谁敢者遂如公【至公所】麻婴为尸庆巢为上献【上献先献者二子皆庆氏党】卢蒲癸王何执寝戈庆氏以其甲环公宫【庙在宫内】陈氏鲍氏之圉人为优【优俳】庆氏之马善惊士皆释甲束马而饮酒且观优至于鱼里【鱼里杜注里名当在今山东临淄县境优在鱼里就观之】桀高陈鲍之徒介庆氏之甲【桀子雅高子尾陈陈湏无鲍鲍国】子尾抽桷击扉三【桷椽也扉门闔也以桷击扉为期】卢蒲癸自后刺子之王何以戈击之解其左肩犹援庙桷动于薨【薨屋栋】以俎壶投杀人而后死【言其多力】遂杀庆绳麻婴【庆绳庆巢】公惧鲍国曰羣臣为君故也陈须无以公归税服而如内宫庆封归遇告乱者丁亥伐西门弗克还伐北门克之入伐内宫【陈鲍在公所故】弗克反陈于岳【岳杜注里名】请战弗许遂来奔献车于季武子美泽可以鉴展庄叔见之【鲁大夫】曰车甚泽人必瘁宜其亡也叔孙穆子食庆封庆封汜祭【礼食有祭示有所先也汜祭逖散所祭不共】穆子不說使工为之诵茅鴟【茅鴟逸诗刺不敬】亦不知既而齐人来让【让鲁受庆封】奔吴吴句余予之朱方【句余吴子夷末也朱方杜注吴邑今江南镇江府治】聚其族焉而居之富于其旧子服惠伯谓叔孙曰天殆富淫人庆封又富矣穆子曰善人富谓之赏淫人富谓之殃天其殃之也其将聚而殲旃【为昭四年杀庆封传】

据左氏卢蒲癸王何杀庆舍逐庆封而戮崔杼经不书崔杼死于家难非以贼讨过时而戮其尸与郑归生同或其国不告或虽告而义不得以讨贼书也庄公之弑幸臣从死者十人而为之讨贼复讎亦出于幸臣岂非卿大夫之耻与

【附录左传】癸巳天王崩未来赴亦未书礼也崔氏之乱丧羣公子故鉏在鲁叔孙还在燕贾在句渎之丘【在襄二十五年】及庆氏亡皆召之具其器用而反其邑焉与晏子邾殿其鄙六十【邾殿杜注齐百郡】弗受子尾曰富人之所欲也何独弗欲对曰庆氏之邑足欲故亡吾邑不足欲也益之以邾殿乃足欲足欲亡无日矣在外不得宰吾一邑不受邾殿非恶富也恐失富也且夫富如布帛之有幅焉为之制度使无迁也夫民生厚而用利于是乎正德以幅之使无黜嫚【黜犹放也】谓之幅利利过则为败吾不敢贪多所谓幅也与北郭佐邑六十受之与子雅邑辞多受少与子尾邑受而稍致之公以为忠故有宠释卢蒲癸于北竟【释放也】求崔杼之尸将戮之不得叔孙穆子曰必得之武王有乱臣十人崔杼其有乎不十人不足以葬【葬必湏十人崔氏不能令十人同心故必得】既崔氏之臣曰与我其拱璧吾献其柩于是得之十二月乙亥朔齐人迁庄公殡于大寝【路寝】以其棺尸崔杼于市国人犹知之皆曰崔子也【始求崔杼之尸不得故传云国人皆知之】

十有一月公如楚【诸夏之君始旅见于楚】

【左传】为宋之盟故公及宋公陈侯郑伯许男如楚公过郑郑伯不在【已在楚】伯有迂劳于黄崖不敬【黄崖杜注荥阳宛陵县西有黄水今黄水在河南新郑县东】穆叔曰伯有无戾于郑郑必有大咎敬民之主也而弃之何以承守郑人不讨必受其辜济泽之阿行潦之苹藻寘诸宗室季兰尸之敬也【言取苹藻之菜于阿泽之中使服兰之女而为之主神犹享之以其敬也】敬可弃乎【为三十年郑杀良霄传】及汉楚康王卒公欲反叔仲昭伯曰【昭伯叔仲带】我楚国之为岂为一人行也子服惠伯曰君子有远虑小人从迕饥寒之不恤谁遑其后不如姑归也叔孙穆子曰叔仲子专之矣【言足专任】子服子始学者也【言未识远】荣成伯曰【成伯荣驾鸞】远图者忠也公遂行宋向戌曰我一人之为非为楚也饥寒之不恤谁能恤楚姑归而息民待其立君而为之备宋公遂反

举鲁以见其余也书公朝于王所见王纲之坠书公如楚见霸业之衰凡举鲁以见其余者皆天下之辞也僖二十八年郑文公始朝于楚二十四年宋成公亦如楚自是以后郑伯屡朝于楚而陈许诸君朝楚传亦闲见至是则中国诸侯旅朝于楚直以事天子之礼事之矣迨昭九年而诸侯之大夫亦旅见于楚矣迨哀四年而晋亦京师楚矣凡此皆宋之盟实为厉阶也

【附录左传】楚屈建卒赵文子丧之如同盟礼也

十有二月甲寅天王崩

【左传】王人来告丧问崩日以甲寅告故书之以微过也也【讥其怠慢】

乙未楚子昭卒

乙未距甲寅四十二日其为闰明矣而不书闰者见丧服之不数闰也齐景公葬书闰月明杀恩之非礼也

二十有九年春王正月公在楚

【左传】二十九年春王正月公在楚释不朝正于庙也楚人使公亲禭【诸侯有遣使 禭之礼今楚欲遣使之比】公患之穆叔曰祓殡而禭则布帛也【先使巫祓殡之凶邪而行禭礼与朝而布帛无异】乃使巫以桃茢先祓殡【茢黍穰】楚人弗禁既而悔之【礼君临臣丧乃祓殡故楚悔之】

【公羊传】何言乎公在楚正月以存君也

【谷梁传】闵公也【闵公为楚所制故存録】

公如齐晋歳首阙朝正之礼亦多矣而经不书此独书者何公迫于蛮荆久留以俟其葬而不能奔天王之丧故特书公所在以明其义以是知凡君在行国之守臣月朔必以公不朝正之故告于庙孔子修经以为常事而削之耳

【附録左传】二月癸卯齐人葬庄公于北郭【兵死不入兆域故葬北郭】夏四月葬楚康王公及陈侯郑伯许男送葬至于西门之外诸侯之大夫皆至于墓楚郑敖即位【郑敖康王子熊麋也】王子围为令尹【围康王弟】郑行人子羽曰是谓不宜必代之昌松柏之下其草不殖【言楚君弱令尹强物不两盛为昭元年围弑郑敖起本】

夏五月公至自楚

【左传】公还及方城季武子取卞【取卞邑以自益】使公治问【问公起居公治季氏属大夫】玺书追而与之【玺印也】曰闻守卞者将叛臣帅徒以讨之既得之矣敢告公治致使而退及舍而后闻取卞【发书乃闻之】公曰欲之而言叛祇见疏也公谓公冶曰吾可以入乎【以季氏疏已故不敢入】对曰君实有国谁敢违君公与公冶冕服【以卿服赏之】固辞强之而后受公欲无入荣成伯赋式微乃归【诗邶风曰式微式微胡不归式用也义取寄寓之微陋劝公归也】五月公至自楚公治致其邑于季氏而终不入焉曰欺其君何必使余季孙见之则言季氏如他日不见则终不言季氏及疾聚其臣曰【大夫家臣】我死必无以冕服敛非德赏也【言公畏季氏而赏其使非以我有德】且无使季氏葬我

【谷梁传】喜之也【遠之蛮国喜得全归】致君者殆其往而喜其反此致君之意义也

公十一月如楚至夏始归外辱于蛮荆内胁于彊臣危殆甚矣故返国而以告于庙也

庚午卫侯衎卒

【附録左传】葬灵王【不书鲁不会】郑上卿有事子展使印段往伯有曰弱不可【印段年少官卑】子展曰与其莫往弱不犹愈乎诗云王事靡盬不遑啓处【诗小雅盬不坚固也】

啓跪也言王事无不坚固故不暇跪处【东西南北谁敢宁处】【谓上卿】坚事晋楚以蕃王室也王事无旷何常之有遂使印段如周【传言周衰卑于晋楚】

閹弑吴子余祭

【左传】吴人伐越获俘焉以为閹使守舟吴子余祭观舟閹以刀弑之

【公羊传】閹者何门人也刑人也刑人则曷为谓之閹刑人非其人也【以刑人为閹非其人】君子不近刑人近刑人则轻死之道也

【谷梁传】閹门者也寺人也不称名姓閹不得齐于人不称其君閹不得君其君也礼君不使无耻不近刑人不狎敌不迓怨贱人非所贵也贵人非所刑也刑人非所近也举至贱而加之吴子吴子近刑人也閹弑吴子余祭仇之也【怨仇余祭故弑之】

閹刑人也谓之弑则其君也不曰其君贱閹也盗杀蔡侯申书杀閹书弑以食庶人在官者之禄也在礼国君不近刑人不迓怨据左氏閹乃越俘可以知违礼之起祸矣

【附錄左传】郑子展卒子皮即位【子皮罕虎代父为上卿】于是郑饥而未及麦民病子皮以子展之命饩国人粟【在丧故以父命】戸一钟【六斛四斗曰钟】是以得郑国之民故罕氏常掌国政以为上卿宋司城子罕闻之曰邻于善民之望也【民亦望君为善】宋亦饥请于平公出公粟以贷使大夫皆贷司城氏贷而不书【施而不德】为大夫之无者贷宋无饥人叔向闻之曰郑之罕宋之乐其后亡者也二者其皆得国乎【得国政】民之归也施而不德乐氏加焉其以宋升降乎【升降随宋盛衰】

仲孙羯会晋荀盈齐高止宋华定卫世叔仪郑公孙段曹人莒人滕人薛人小邾人城【仪公羊作齐莒人下公羊谷梁有邾人左传】晋平公 出也故治【治理其地修其城】六月知悼子合诸侯之大夫以城 孟孝伯会之郑子大叔与伯石往子大叔见大叔文子【卫大叔仪】与之语文子曰甚乎其城 也子大叔曰若之何哉晋国不恤周宗之阙而夏肆是屏【周宗诸姬也夏肆 也肆余也屏城也】其弃诸姬亦可知也已诸姬是弃其谁归之吉也闻之弃同即异是谓离德诗曰协比其邻昏姻孔云【诗小雅言王者和协近亲则昏姻甚归附也云犹旋旋归之】晋不邻矣其谁云之 齐高子容与宋司徒见知伯女齐相礼【子容高止也司徒华定也知伯荀盈也女齐司马侯也】宾出司马侯言于知伯曰二子皆将不免子容专【自是也】司徒侈皆亡家之主也知伯曰何如对曰专则速及侈将以其力毙专则人实毙之将及矣【为此秋高止出奔燕昭二十年华定出奔陈传】

【谷梁传】古者天子封诸侯其地足以容其民其民足以满城以自守也 危而不能自守故诸侯之大夫相帅以城之此变之正也

齐桓城卫而诸侯归心其志公也晋平城 而人疾其役其志私也平公内不能讨卫乱外屈

于楚以致中夏诸侯南乡而旅见乃役十一国以城母家动又不时诸侯之贰不亦宜乎

晋侯使士鞅来聘

【左传】范献子来聘拜城 也公享之展庄叔执币【公将以酬宾】射者三耦【二人为耦】公臣不足取于家臣家臣展瑕展玉父为一耦公臣公巫召伯仲颜庄叔为一耦鄩鼓父党叔为一耦【言公室卑微公臣不能备于三耦】

拜城 且俾我归 田也以私役诸侯又有所请故特重其礼而遣聘焉

子来盟

【左传】晋侯使司马女叔侯来治 田【使鲁归前侵 田所归少故不书】弗尽归也晋悼夫人愠曰【夫人平公母 女】齐也取货先君若有知也不尚取之【不尚叔侯之取货】公告叔侯叔侯曰虞虢焦滑霍扬韩魏皆姬姓也【八国皆晋所灭杜注焦在陝县扬属平阳郡】晋是以大若非侵小将何所取武献以下兼国多矣【武公献公晋始盛之君】谁得治之 夏余也而即东夷鲁周公之后也而睦于晋以 封鲁犹可而何有焉【何有尽归之】鲁之于晋也职贡不乏玩好时至公卿大夫相继于朝史不絶书府无虚月【无月不受鲁贡】如是可矣何必瘠鲁以肥 且先君而有知也毋宁夫人而焉用老臣【言先君毋宁怪夫人之所为无用责我】

文公来盟【鲁归其田故来盟】书曰子贱之也【贱其用夷礼】

子来盟为田故也晋治 田非出于公义鲁归 田亦非出于诚心故 子亲来要结之

吴子使札来聘【吴始聘吴始君臣竝见】

【左传】吴公子札来聘见叔孙穆子说之谓穆子曰子其不得死乎好善而不能择人吾闻君子务在择人吾子为鲁宗卿而任其大政不慎举何以堪之祸必及子【为昭四年 牛作乱起本】请观于周乐【鲁以周公故有天子礼乐】使工为之歌周南召南【此皆各依其本国歌所常用声曲】曰美哉【美其声】始基之矣犹未也【犹有商纣未尽善也】然勤而不怨矣为之歌邶鄘卫【邶鄘孔氏颖逵曰自纣城而北谓之邶自纣城而南谓之鄘今邶城在河南卫辉府东北鄘城在新乡县西武王克殷分其地为三监三监叛周公灭之以其地封康叔故三国尽被康叔之化】曰美哉渊乎忧而不困者也吾闻卫康叔武公之德如是是其卫风乎【武公康叔九世孙聃声以为别故有疑言】为之歌王【王黍离也平王东迁王政不行风俗下同于诸侯故不为雅】曰美哉思而不惧其周之东乎为之歌郑【诗第七】曰美哉其细已甚民弗堪也是其先亡乎为之歌齐【诗第八】曰美哉泱泱乎大风也哉【泱泱 大之声】表东海者其大公乎国未可量也为之歌豳【诗第十五豳杜注周之旧国在新平漆县东北今陝西邠州东北有豳亭豳谷三水县有豳城皆是也】曰美哉荡乎乐而不淫其周公之东乎【荡乎荡然也周公遭管蔡之变东征三年为成王陈后稷先公不敢荒

淫以成王业故言其周公之东乎】为之歌秦【诗第十一后仲尼删定故不同】曰此之谓夏声夫能夏则大大之至也其周之旧乎【秦本在西戎汧陇之西秦仲始有车马礼乐去戎狄之音而有诸夏之声故谓之夏声及襄公佐平王东迁而受其故地故曰周之旧】为之歌魏【诗第九魏姬姓国闵元年晋献公灭之】曰美哉沍沍乎大而婉险而易行以德辅此则明主也【沍沍中庸之声婉约也险当为俭字之误也】为之歌唐【诗第十晋诗】曰思深哉其有陶唐氏之遗民乎不然何忧之远也【晋本唐国帝尧旧都】非令德之后谁能若是为之歌陈【诗第十二】曰国无主其能久乎【淫声放荡无所畏忌故曰国无主】自郕以下无讥焉【郕第十三曹第十四郕在今河南密县东北不复讥论之以其微也】为之歌小雅【小雅小正亦乐歌之常】曰美哉思而不贰怨而不言其周德之衰乎犹有先王之遗民焉为之歌大雅【大雅陈文王之德以正天下】曰广哉熙熙乎【熙熙和乐声】曲而有直体【论其声】其文王之德乎【雅颂所以咏盛德形容故但歌其美者不皆歌变雅】为之歌颂【颂者以其成功告于神明】曰至矣哉【言道备】直而不倨曲而不屈迥而不偏远而不携迂而不淫复而不厌【常日新】哀而不愁乐而不荒用而不匮广而不宣【不自显】施而不费取而不贪处而不底【底滞也】行而不流五声和八风平节有度守有序盛德之所同也【颂有殷鲁故曰盛德所同】见舞象箏南籥者【象箏舞所执南籥以箏舞也皆文王之乐】曰美哉【美其容】犹有憾【文王恨不及已致大平】见舞大武者【武王乐】曰美哉周之盛也其若此乎见舞韶濩者【殷汤乐】曰圣人之也而犹有憾德【憾于始伐】圣人之难也见舞大夏者【禹乐】曰美哉勤而不德【尽力沟洫勤也】非禹其谁能修之见舞韶箏者【舜乐】曰德至矣哉大矣如天之无不帙也如地之无不载也虽甚盛德其蔑以加于此矣观止矣若有他乐吾不敢请已其出聘也通嗣君也【吴子余祭嗣立】故遂聘于齐说晏平仲谓之曰子速纳邑与政无邑无政乃免于难齐国之政将有所归未获所归难未歇也故晏子因陈桓子以纳政与邑是以免于栾高之难【栾子雅高子尾难在昭八年】聘于郑见子产如旧相识与之缟带子产献纁衣焉【大带也吴地贵缟郑地贵纁故各献已所贵示不为彼货利】谓子产曰郑之执政侈【侈谓伯有】难将至矣政必及子子为政慎之以礼不然郑国将败适卫说蘧瑗【蘧伯玉】史狗【史朝之子文子】史防【史鱼】公子荆【字南楚】公叔发【公叔文子】公子朝曰卫多君子未有患也自卫如晋将宿于戚【戚孙文子之邑】闻钟声焉曰异哉吾闻之也辩而不德【辩犹争也】必加于戮夫子获罪于君以在此惧犹不足而又何乐夫子之在此也犹燕之巢于幕上【言至危】君又在殡而可以乐乎【卫献公卒未葬】遂去之【不止宿】文子闻之终身不聴琴瑟适晋说赵文子韩宣子魏献子曰晋国其萃于三族乎说叔向将行谓叔向曰吾子勉之君侈而多良【谓多以恶人为良而善之】大夫皆富政将在家吾子好直必思自免于难

【公羊传】吴无君无大夫【据向之防称国】此何以有君有大夫贤季子也何贤乎季子让国也其让国奈何谒也余祭也夷昧也与季子同母者四季子弱而才兄弟皆爱之同欲立之以为君谒曰今若是迕而与季子国【迕起也仓卒意】季子犹不受也请无与子而与弟兄迭为君而致国乎季子皆曰诺故诸为君者皆轻死为勇饮食必祝曰天苟有吴国尚速有悔于予身故谒也死余祭也立余祭也死夷昧也立夷昧也死则国宜之季子者也季子使而亡焉僚者长庶也即之【即位】季子使而反至而君之尔阖庐曰【阖庐谒之长子光】先君之所以不与子国而与弟者凡为季子故也将从先君之命与则国宜之季子者也如不

从先君之命与则我宜立者也僚焉得为君乎于是使专诸刺僚【专诸膳宰僚耆炙鱼因进鱼而刺之】而致国乎季子季子不受曰尔杀吾君吾受尔国是吾与尔为篡也尔杀吾兄吾又杀尔是父子兄弟相杀终身无已也去之延陵【延陵吴下邑公子无去国之义故不越竟】终身不入吴国故君子以其不受为义以其不杀为仁贤季子则吴何以有君有大夫以季子为臣则宜有君者也札者何吴季子之名也春秋贤者不名此何以名许夷狄者不壹而足也【当以渐进之故季子降字而名】季子者所贤也曷为不足乎季子许人臣者必使臣许人子者必使子也【臣子尊荣莫不欲与君父共之春秋隆父子之亲厚君臣之义故贤者不名而札名以成尊于上也】

【谷梁传】吴其称子何也善使延陵季子故进之也身贤贤也使贤亦贤也延陵季子之贤尊君也【以季子之贤吴子得进称子是尊君也】其名成尊于上也

札称名称吴子使本与楚子使椒来聘秦伯使术来聘同秦楚之使再而后书名称使初通于鲁鲁犹忽之吴则晋以楚故数合诸侯以防之鲁又尝奉晋命特遣国卿偕卫卿以防之其重吴也久矣故始通而旧史所书一同于秦楚耳先儒乃谓孔子特称名以贬札而推原其故以为辞国而生乱不思札之辞国乃在聘鲁之后而预贬之何义乎自盟宋以后中夏诸侯尽朝于楚吴楚方讎故歷聘上国以聯遠交且以观诸侯之乡背而其后楚求诸侯于晋以伐吴此当日邦交之情实也

秋九月葬卫献公

齐高止出奔北燕【北燕始见经】

【左传】秋九月齐公孙蛭公孙灶放其大夫高止于北燕【止高厚之子蛭子尾灶子雅】乙未出书曰出奔罪高止也【实放书奔所以示罪】高止好以事自为功且专故难及之

【谷梁传】其曰北燕从史文也【以时有直言燕者故知从史文】

据传齐公孙蛭公孙灶放高止于北燕君放大夫可也臣放大夫不可以训故以出奔书

冬仲孙羯如晋

【左传】冬孟孝伯如晋报范叔也【范叔士鞅此年夏来聘】

【附錄左传】为高氏之难故高竖以卢叛【竖高止子】十月庚寅闾丘婴帅师围卢高竖曰苟使高氏有后请致邑齐人立敬仲之曾孙鄫【敬仲高傒】良敬仲也【良犹贤也】十一月乙卯高竖致卢而出奔晋晋人城緜而寘旃郑伯有使公孙黑如楚【黑子皙】辞曰楚郑方恶而使余往是杀余也伯有曰世行也【言世为行人】子皙曰可则往难则已何世之有伯有将强使之子皙怒将伐伯有氏大夫和之十二月己巳郑大夫盟于伯有氏裨谿曰是

盟也其与几何诗曰君子屡盟乱是用长【诗小雅】今是长乱之道也祸未歇也必三年而后能纾然明曰政将焉往裨谌曰善之代不善天命也其焉辟子产举不逾等则位班也【班次应知政】择善而举则世隆也【为世所高】天又除之夺伯有魄【丧其精神为子产驱除】子西即世将焉辟之天祸郑久矣其必使子产息之乃犹可以戾【戾定也】不然将亡矣

日讲春秋解义卷四十五

卷四十六

<经部,春秋类,日讲春秋解义

钦定四库全书

日讲春秋解义卷四十六

襄公

三十年春王正月楚子使防罢来聘【罢公羊作颇】

【左传】三十年春王正月楚子使防罢来聘通嗣君也【郊敖即位】穆叔问王子之为政何如【王子围为令尹】对曰吾侪小人食而听事犹惧不给命而不免于戾焉与知政固问焉不告穆叔告大夫曰楚令尹将有大事子荡将与焉【子荡防罢】助之匿其情矣

公逾年在楚郊敖新即位使防罢来聘鲁以君行而楚以大夫报行霸主之礼于中国非晋平赵武之责而何哉

【附录左传】子产相郑伯以如晋叔向问郑国之政焉对曰吾得见与否在此岁也驷良方争未知所成【驷子皙良伯有】若有所成吾得见乃可知也叔向曰不既和矣乎对曰伯有侈而愎子皙好在人上莫能相下也虽其和

也犹相积恶也恶至无日矣【为此年秋良霄出奔传】三月癸未晋悼夫人食舆人之城杞者【舆众也城杞在往年】絳县人或年长矣无子而往与于食有与疑年使之年【使言某年】曰臣小人也知纪年臣生之岁正月甲子朔四百有四十五甲子矣其季于今三之一也【所称正月夏正月也三分六甲之一得甲子甲戌尽癸未】吏走问诸朝师旷曰鲁叔仲惠伯会郤成子于承匡之岁也【在文十一年】是岁也狄伐鲁叔孙庄叔于是乎败狄于咸获长狄侨如及虺也豹也而皆以名其子七十三年矣史赵曰【晋大史名赵】亥有二首六身下二如身是其日数也【古亥字二画在上三人在下故以二为首以六为身下首之二画竖置身旁当为侈字则是老人始生至今之日数盖以二首为二万六身为六千六百六十日也】士文伯曰【文伯士弱之子】然则二万六千六百有六旬也赵孟问其县大夫则其属也【属赵武】召之而谢过焉曰吾不才任君之大事以晋国之多虞不能由吾子【由用也】使吾子辱在泥涂从矣武之罪也敢谢不才遂仕之使助为政辞以老与之田使为君复陶【复陶主衣服之官】以为絳县师【县师掌地域辨其夫家人民】而废其舆尉【以役孤老故】于是鲁使者在晋归以语诸大夫季武子曰晋未可媿也【媿薄也】有赵孟以为大夫有伯瑕以为佐【伯瑕士文伯】有史赵师旷而咨度焉有叔向女齐以师保其君其朝多君子其庸可媿乎勉事之而后可【传言晋所以不失诸侯】夏四月己亥郑伯及其大夫盟

【驪良争故】君子是以知郑难之不己也

夏四月蔡世子般弑其君固

【左传】蔡景侯为太子般娶于楚通焉太子弑景侯【终子产言有子祸】

【谷梁传】其不日子夺父政是谓夷之

不言其父而言其君者君于世子有父之亲有君之尊故互举以尽其义也

五月甲午宋灾宋伯姬卒【伯姬上公羊谷梁无宋字】

【左传】或叫于宋大庙【叫呼也】曰譊譊出出【譊譊热也出出戒伯姬】鸟鸣于亳社【殷社】如曰譊譊【皆火妖也】甲午宋大灾宋伯姬卒待姆也【姆女师】君子谓宋共姬女而不妇女待人【待人而行】妇义事也【义从宜也伯姬时年六十左右】

【谷梁传】取卒之日加之灾上者见以灾卒也其见以灾卒奈何伯姬之舍失火左右曰夫人少辟火乎伯姬曰妇人之义傅母不在宵不下堂左右又曰夫人少辟火乎伯姬曰妇人之义保母不在宵不下堂遂逮乎火而死妇人以贞为行者也伯姬之妇道尽矣详其事贤伯姬也

连书灾与卒而贯以日见以灾卒也伯姬年逾六十虽辟火以全生不害为贞而致死以守礼妇道尽矣而宋之臣子缓救以死其君母罪可胜诛哉

天王杀其弟佖夫【公羊作年夫】

【左传】初王儋季卒【儋季周灵王弟】其子括将见王而叹单公子愆期为灵王御士过诸廷【愆期行过王廷】闻其叹而言曰乌乎必有此夫【欲有此朝廷之权】入以告王且曰必杀之不惑而愿大视躁而足高心在他矣不杀必害王曰童子何知及灵王崩儋括欲立王子佖夫【佖夫灵王子景王弟】佖夫弗知戊子儋括围蒍逐成愆【成愆蒍邑大夫】成愆奔平畤【平畤杜注周邑】五月癸巳尹言多刘穀单蔑甘过巩成杀佖夫【五子周大夫】括瑕廖奔晋【括廖不书贱也】书曰天王杀其弟佖夫罪在王也【以佖夫不知故】

【谷梁传】传曰诸侯且不首恶况于天子乎君无忍亲之义天子诸侯所亲者唯长子母弟耳天王杀其弟佖夫甚之也

郑伯克段于鄆不书弟段不弟也今天王之杀佖夫书弟则知非佖夫之罪也儋括之乱佖夫不知而以嫌见杀过矣

王子瑕奔晋

儋括之乱佞夫见杀瑕惧祸而奔则必与闻乎儋括之谋矣瑕与子朝皆为逆乱无所容身避罪逃窜与守官保禄而出奔者异故皆不言出

【附錄左传】六月郑子产如陈洧盟归复命告大夫曰陈亡国也不可与之聚禾粟缮城郭恃此二者而不抚其民其君弱植公子侈大子卑大夫敖政多门以介于大国能无亡乎不过十年矣【为昭八年楚灭陈传】

秋七月叔弓如宋葬宋共姬【共姬上谷梁无宋字】

【左传】秋七月叔弓如宋葬共姬也

【公羊传】外夫人不书葬此何以书隐之也何隐尔宋灾伯姬卒焉其称諡何贤也何贤尔宋灾伯姬存焉有司复曰火至矣请出伯姬曰不可吾闻之也妇人夜出不见傅母不下堂傅至矣母未至也逮乎火而死【谷梁传】外夫人不书葬此其言葬何也吾女也卒灾故隐而葬之也

鲁高共姬之义故使卿共葬事内女之葬不书遭变然后书庄四年齐侯葬纪伯姬三十年葬纪叔姬此年葬共姬皆非常也

郑良霄出奔许自许入于郑郑人杀良霄

【左传】郑伯有耆酒为窟室而夜饮酒【窟室地室】击钟焉朝至未已朝者曰公焉在【家臣故谓伯有为公】其人曰吾公在壑谷【壑谷窟室】皆自朝布路而罢【布路分散】既而朝【伯有朝郑君】则又将使子皙如楚归而饮酒庚子子皙以驪氏之甲伐而焚之伯有奔雍梁【雍梁杜注郑地】醒而后知之遂奔许大夫聚谋子皮曰仲虺之志云乱者取之亡者侮之推亡固存国之利也罕驪丰同生【罕子皮驪子皙丰公孙也三家本同母兄弟】伯有汰侈故不免人谓子产就直助强【时谓子皙直三家强】子产曰岂为我徒【徒党也言不以驪良为党】国之祸难谁知所敝或主强直难乃不生【言能强能直则可弭难今三家未能伯有方争】姑成吾所【欲以无所附着为所】辛丑子产斂伯有氏之死者而殡之不及谋而遂行【不与于国谋】印从之【义子产】子皮止之众曰人不我顺何止焉子皮曰夫子礼于死者况生者乎遂自止之壬寅子产入癸卯子石入【子石印段】皆受盟于子皙氏乙巳郑伯及其大夫盟于大宫盟国人于师之梁之外【师之梁郑城门】伯有闻郑人之盟已也怒闻子皮之甲不与攻已也喜曰子皮与我矣癸丑晨自墓门之渎入【墓门郑城门】因马师颉介于襄库以伐旧北门【马师颉子羽孙】驪带率国人以伐之【驪带子西子子皙之宗主】皆召子产子产曰兄弟而及此吾从天所与伯有死于羊肆【羊肆市列】子产褫之枕之股而哭之斂而殡诸伯有之臣在市侧者既而葬诸斗城【斗城杜注郑地名今河南陈留县南有斗城】子驪氏欲攻子产子皮怒之曰礼国之干也杀有礼祸莫大

焉【葬伯有为有礼】乃止于是游吉如晋还闻难不入复命于介八月甲子奔晋驷带追之及酸枣【酸枣杜注陈雷县今河南延津县北有古城】与子上盟【子上驷带】用两珪质于河使公孙肸入盟大夫已已复归【游吉归】书曰郑人杀良霄不称大夫言自外入也【既出位絶非复郑大夫】于子蟠之卒也【子蟠公孙蛰卒在十九年】将葬公孙挥与裨灶晨防事焉过伯有氏其门上生莠子羽曰其莠犹在乎【子羽公孙挥以莠喻伯有】于是歳在降娄降娄中而旦【降娄奎娄也周七月今年月降娄中而天明】裨灶指之曰犹可以终歳【指降娄也歳星十二年而一终】歳不及此次也已【不及降娄】及其亡也歳在姬訾之口【姬訾营室东壁二十八年歳星淫在 枵今三十年在姬訾是歳星停在 枵二年】其明年乃及降娄仆展从伯有与之皆死【仆展郑大夫伯有党】羽颉出奔晋为任大夫【羽颉马师颉任杜注晋县属广平郡今直隶任县东南有古任城】鸡泽之防【在三年】郑乐成奔楚遂适晋羽颉因之与之比而事赵文子言伐郑之说焉以宋之盟故不可子皮以公孙鉏为马师【鉏子罕之子代羽颉谷梁传】不言大夫恶之也

称人以杀而不言大夫讨贼之辞也不言复入方出而遽归与宋鱼石晋栾盈去国数年而复入者异也不言叛者将不利于国非据邑以自保不得书叛也

冬十月葬蔡景公

【公羊传】贼未讨何以书葬君子辞也【君子为中国讳弑父耻重故隐之谷梁传】不曰卒而月葬不葬者也卒而葬之不忍使父失民于子也【不书葬则与失民同故曰不忍使父失民于子】

春秋大法君弑而贼不讨则不书葬蔡景公之葬何以书徧刺天下之诸侯也在礼知生者吊知死者伤世子弑君覆载所不容也不能致讨而使人徃防其葬以礼于生者人理灭矣

【附録左传】楚公子围杀大司马蔦掩而取其室【蔦掩二十五年为大司马】申无宇曰【无宇芋尹】王子必不免善人国之主也王子相楚国将善是封殖而虐之是祸国也且司马令尹之偏而王之四体也絶民之主去身之偏艾王之体以祸其国无不祥大焉【不祥无大于是】何以得免【为昭十三年楚弑灵王传】

晋人齐人宋人卫人郑人曹人莒人邾人滕人薛人 人小邾人防于澶渊宋灾故

【左传】为宋灾故诸侯之大夫防以谋归宋财冬十月叔孙豹防晋赵武齐公孙蛰宋向戌衛北宫佗【佗北宫括之子】郑罕虎【虎子皮】及小邾之大夫防于澶渊既而无归于宋故不书其人君子曰信其不可不慎乎澶渊之防卿不书不信也夫诸侯之上卿防而不信宠名皆弃【宠谓族也】不信之不可也如是诗曰文王陟降在帝左右信之谓也【诗大雅言文王之所以能上接天下接人动顺帝者唯以信】又曰淑慎尔止无载尔伪【逸诗也言当善慎举止无载行诈伪】不信之谓也书曰某人某人防于澶渊宋灾故尤之也不书鲁大夫讳之也

【公羊传】宋灾故者何诸侯防于澶渊凡为宋灾故也防未有言其所为者此言所为何録伯姬也诸侯相聚而更宋之所防【更复也】曰死者不可复生尔财复矣此大事也曷为使微者卿也卿则其称人何贬曷为贬卿不得忧诸侯也【大夫之义得忧内不得忧外所以抑臣道也】

【谷梁传】防不言其所为其曰宋灾故何也不言灾故则无以见其善也其曰人何也救灾以众何救焉更宋之所防财也澶渊之会中国不侵伐夷狄夷狄不入中国无侵伐八年善之也晋赵武楚屈建之力也防未有言所为者此防书宋灾故与桓二年稷之防书成宋乱同乃程子所谓春秋大义数十炳如日星者也世子弑君之恶不能讨宋之灾已过时矣而合十二国为防以更其财不亦僨乎使不书宋灾故则习其读者疑于欲讨蔡般而不果矣列国书人归财细事卿不行也鲁与宋姻亲使卿会葬则周恤之事必多故是役转不与耳

【附録左传】郑子皮授子产政【伯有死子皮知政以子产贤故让之】辞曰国小而偏【偏近大国】族大宠多不可为也子皮曰虎帅以听谁敢犯子子善相之国无小小能事大国乃寛子产为政有事伯石【伯石公孙 有事欲使之】赂与之邑子大叔曰国皆其国也【言郑大夫共忧郑国事】奚独赂焉子产曰无欲实难皆得其欲以从其事而要其成非我有成其在人乎【言事成犹在我非在他也】何爱于邑邑将焉往【言犹在国】子太叔曰若四国何子产曰非相违也而相从也【言赂以邑欲为和顺】四国何尤焉郑书有之曰【郑国史书】安定国家必大焉先【先和大族】姑先安大以待其所归既伯石惧而归邑卒与之伯有既死使大史命伯石为卿辞大史退则请命焉【请大史更命已】复命之又辞如是三乃受策入拜子产是以恶其为人也【恶其虚饰】使次己位【畏其作乱故宠之】子产使都鄙有章【国都及邊鄙车服尊卑各有分部】上下有服【公卿大夫服不相逾】田有封洫【封疆也洫沟也】庐井有伍【庐舍也九夫为井使五家相保】大人之忠俭者【大人谓卿大夫】从而与之泰侈者因而毙之丰卷将祭请田焉【田猎也】弗许曰唯君用鲜【野兽】众给而已【众臣祭以刍豢为足】子张怒退而征役【子张丰卷召兵欲攻子产】子产奔晋子皮止之而逐丰卷丰卷奔晋子产请其田里【请于公不没入】三年而复之反其田里及其入焉【田里所收入】从政一年舆人诵之曰取我衣冠而褚之【褚畜也奢侈者畏法故畜藏】取我田畴而伍之孰杀子产吾其与之及三年又诵之曰我有子弟子产诲之我有田畴子产殖之子产而死谁其嗣之【传言郑所以兴】

三十有一年春王正月

【附録左传】三十一年春王正月穆叔至自防【澶渊防还】见孟孝伯语之曰赵孟将死矣其语偷不似民主且年未盈五十而谆谆焉如八九十者弗能久矣【成二年战于鞌赵朔已死于是赵文子始生至襄三十年防澶渊盖年四十七八故言未盈五十】若赵孟死为政者其韩子乎【韩子韩起】吾子盍与季孙言之可以树善君子也【言韩起有君子之德】晋君将失政矣若不树焉使早备鲁【使韩子早为鲁备】既而政在大夫韩子懦弱大夫多贪求欲无厌齐楚未足与也鲁其惧哉孝伯曰人生几何谁能无偷朝不及夕将安用树穆叔出而告人曰孟孙将死矣吾语诸赵孟之偷也而又甚焉又与季孙语晋故【如与孟孙言】

季孙不从及赵文子卒【在昭元年】晋公室卑政在侈家韩宣子为政不能圖诸侯鲁不堪晋求谗慝 多是以有平丘之会【平丘会在昭十三年晋人执季孙意如】齐子尾害闻丘婴欲杀之使帅师以伐阳州【阳州杜注鲁地在东平西北盖齐鲁竟上邑】我问师故夏五月子屋杀闻丘婴以说于我师工倭洒涿灶孔虺贾寅出奔莒【四子婴之党】出羣公子【为昭十年栾高之难复羣公子起本】

夏六月辛巳公薨于楚宫

【左传】公作楚宫【适楚好其宫归而作之】穆叔曰大誓云民之所欲天必从之君欲楚也夫故作其宫若不复适楚必死是宫也六月辛巳公薨于楚宫叔仲带窃其拱璧以与御人纳诸其懷而从取之由是得罪【得罪谓鲁人薄之故子孙不得志于鲁】

【谷梁传】楚宫非正也

楚宫别宫也公适楚美其宫归而作之遂薨于此鲁至襄公季孙宿专行无忌诸大夫则而象之三桓益彊四邻交侵内失其政柄而外弱于邾莒其所以致此者以公履危而懷安不能自彊于政治非独以承国于幼弱也

秋九月癸巳子野卒

【左传】立胡女敬归之子子野【胡归姓之国敬归襄公妾】次于季氏秋九月癸巳卒毁也立敬归之娣齐归之子公子稠【齐諡稠昭公名】穆叔不欲曰太子死有母弟则立之无则立长年钩择贤义钩则卜古之道也非适嗣何必娣之子【言子稠非适嗣】且是人也居防而不哀在感而有嘉容是谓不度不度之人鲜不为患若果立之必为季氏忧武子不听卒立之比及葬三易衰衰衽如故衰【言其嬉戲无度】于是昭公十九年矣犹有童心君子是以知其不能终也【为昭二十五年公孙于齐传】

【谷梁传】子卒日正也

传称子野以毁卒先儒以为书名未终丧也不薨不葬未逾年也但据经所书则与子般子赤见弑者无异按传立胡女敬归之子子野次于季氏既为嗣子则当宅忧于殡宫而次于季氏则其情事不可推而所以卒者亦不可考矣此一经之大义姑发所疑以备先儒所未及不可以无辨也

己亥仲孙羯卒

【左传】己亥孟孝伯卒【终穆叔言子貜嗣为大夫是为僖子】

冬十月滕子来会葬

【左传】冬十月滕成公来防葬愴而多涕子服惠伯曰滕君将死矣怠于其位而哀已甚兆于死所矣能无从乎【为昭三年滕子卒传】

礼诸侯之丧士吊大夫送葬今滕子亲防而鲁受之皆非礼也

癸酉葬我君襄公

【左传】癸酉葬防公

【附錄左传】公薨之月子产相郑伯以如晋晋侯以我丧故未之见也子产使尽坏其馆之垣而纳车马焉士文伯讓之曰敝邑以政刑之不修寇盜充斥【充满斥见言其多】无若诸侯之属辱在寡君者何是以令吏人完客所馆高其閤閤【閤閤也】厚其墻垣以无忧客使今吾子坏之虽从者能戒其若异客何以敝邑之为盟主繕完葺墻【葺覆也】以待宾客若皆毁之其何以共命寡君使丐请命【正义曰丐士文伯名】对曰以敝邑褊小介于大国诛求无时是以不敢宁居悉索敝赋以来防时事逢执事之不闲而未得见又不获闻命未知见时不敢输币亦不敢暴露其输之则君之府实也非荐陈之不敢输也【荐陈犹献见也】其暴露之则恐燥湿之不时而朽蠹以重敝邑之罪侨闻文公之为盟主也宫室卑庳无观台榭以崇大诸侯之馆馆如公寝库廐繕修司空以时平易道路【易治也】圻人以时圻馆宫室【圻人涂者圻涂也】诸侯宾至甸设庭燎【庭燎设火于庭】仆人巡宫车马有所宾从有代【代客役】巾车脂辖【巾车主车之官】隶人牧圉各瞻其事【瞻视客所当得】百官之属各展其物【展陈也】公不留宿而亦无废事忧乐同之事则巡之【巡行也】教其不知而恤其不足宾至如归无宁菑患【无宁宁也】不畏寇盜而亦不患燥湿今铜鞮之宫数里【铜鞮晋离宫】而诸侯舍于隶人【舍如隶人舍】门不容车而不可逾越盜賊公行而天疴不戒【疴犹灾也言水潦不时】宾见无时命不可知若又勿壞是无所藏币以重罪也敢请执事将何所命之虽君之有鲁防亦敝邑之忧也【言郑与鲁亦有同姓之忧】若获荐币修垣而行君之惠也敢憚勤劳文伯复命赵文子曰信我实不德而以隶人之垣以赢诸侯【赢受也】是吾罪也使士文伯谢不敏焉晋侯见郑伯有加礼厚其宴好而归之乃筑诸侯之馆叔向曰辞之不可以已也如是夫子产有辞诸侯赖之若之何其释辞也诗曰辞之辑矣民之协矣辞之绎矣民之莫矣【诗大雅言辞辑睦则民協同辞说绎则民安定莫犹定也】其知之矣郑子皮使印段如楚以适晋告礼也【得事大国之礼】

十有一月莒人弑其君密州

【左传】莒犁比公生去疾及展舆【犁比莒子密州之号】既立展舆【立以为世子】又废之犁比公虐国人患之十一月展舆因国人以攻莒子弑之乃立【展舆立为君】去疾奔齐齐出也【母齐女】展舆呉出也【为明年奔呉传】书曰莒人弑其君买朱鉏【买朱鉏密州之字】言罪之在也【罪在鉏也】

称人以弑者一国之人所欲弑也莒子虐莒人弑之立展舆春秋称莒人则罪不在展舆矣左

传展輿因国人以攻莒子陆氏淳谓以当作之传文偶误后儒承误而不敢輒改盖得其义

【附錄左传】吴子使屈狐庸聘于晋【屈狐庸巫臣之子也成七年适吴为行人】通路也【通吴晋之路】赵文子问焉曰延州来季子其果立乎【延州来季札邑】巢陨诸樊【在二十五年】阖戕戴吴【在二十九年戴吴余祭】天似啓之何如对曰不立是二王之命也非启季子也若天所启其在今嗣君乎【嗣君谓夷昧】甚德而度德不失民度不失事【审事情】民亲而事有序其天所启也有吴国者必此君之子孙实终之季子守节者也虽有国不立十二月北宫文子相卫襄公以如楚【文子北宫佗襄公献公子】宋之盟故也过郑印段廷劳于斐林如聘礼而以劳辞【用聘礼而用郊劳之辞】文子入聘【报印】子羽为行人冯简子与子太叔逆客事毕而出言于卫侯曰郑有礼其数世之福也其无大国之讨乎诗云谁能执热逝不以濯【诗大雅濯以水濯手】礼之于政如热之有濯也濯以救热何患之有【此以上文子辞】子产之从政也择能而使之冯简子能断大事子太叔美秀而文公孙挥能知四国之为【知诸侯所欲为】而辨于其大夫之族姓班位贵贱能否而又善为辞令裨谌能谋谋于野则获【得所谋也】谋于邑则否【此才性之蔽】郑国将有诸侯之事子产乃问四国之为于子羽且使多为辞令与裨谌乘以适野使谋可否而告冯简子使断之事成乃授子太叔使之以应对宾客是以鲜有败事北宫文子所谓有礼也【传迹子产行事以明文子之言】郑人游于乡校【乡之学校】以论执事【论其得失】然明谓子产曰毁乡校如何【患人于中谤议国政】子产曰何为夫人朝夕退而游焉以议执政之善否其所善者吾则行之其所恶者吾则改之是吾师也若之何毁之我闻忠善以损怨【为忠善则怨谤息】不闻作威以防怨岂不遽止然犹防川大决所犯伤人必多吾不克救也不如小决使道【道通也】不如吾闻而药之也【以为己药石】然明曰蔑也今而后知吾子之信可事也小人实不才若果行此其郑国实頼之岂唯二三臣仲尼闻是语也曰以是观之人谓子产不仁吾不信也子皮欲使尹何为邑【为邑大夫】子产曰少未知可否子皮曰愿吾爱之不吾叛也【愿谨善也叛達也】使夫往而学焉夫亦愈知治矣【夫谓尹何】子产曰不可人之爱人求利之也今吾子爱人则以政犹未能操刀而使割也其伤实多子之爱人伤之而已其谁敢求爱于子子于郑国栋也栋折榱崩侨将厌焉敢不尽言子有美锦不使人学制焉大官大邑身之所庇也而使学者制焉其为美锦不亦多乎【言视美锦之重多于官邑】侨闻学而后入政未闻以政学者也若果行此必有所害譬如田猎射御贯则能获禽【贯习也】若未尝登车射御则败绩厌覆是惧何暇思获子皮曰善哉虎不敏吾闻君子务知大者远者小人务知小者近者我小人也衣服附在吾身我知而慎之大官大邑所以庇身也我远而慢之防子之言吾不知也他日我曰子为郑国我为吾家以庇焉其可也今而后知不足自今请虽吾家听子而行子产曰人心之不同如其面焉吾岂敢谓子面如吾面乎抑心所谓危亦以告也子皮以为忠故委政焉子产是以能为郑国【传言子产之治乃子皮之力】卫侯在楚北宫文子见令尹围之威仪言于卫侯曰今尹似君矣将有他志虽获其志不能终也诗曰靡不有初鲜克有终终之实难令尹其将不免公曰子何以知之对曰诗云敬慎威仪惟民之则令尹无威仪民无则焉民所不则以在民上不可以终公曰善哉何谓威仪对曰有威而可畏谓之威有仪而可象谓之仪君有君之威仪其臣畏而爱之则而象之故能有其国家令闻长世臣有臣之威仪其下畏而爱之故能守其官职保族宜家顺是以下皆如是是以上下能相固也衛诗曰威仪棣棣不可选也【诗邶风棣棣富而闲也选数也】言君臣上下父子兄

弟内外大小皆有威仪也周诗曰朋友攸摄摄以威仪【诗大雅攸所也摄佐也】言朋友之道必相教训以威仪也周书数文王之德曰【周书武成】大国畏其力小国懷其德言畏而爱之也诗云不识不知顺帝之则言则而象之也【大雅又言文王行事无所斟酌惟在则象上天】纣囚文王七年诸侯皆从之囚纣于是乎惧而归之可谓爱之文王伐崇再驾而降为臣蛮夷帅服可谓畏之文王之功天下诵而歌舞之可谓则之文王之行至今为法可谓象之有威仪也故君子在位可畏施舍可爱进退可度周旋可则容止可观作事可法德行可象声气可乐动作有文言语有章以临其下谓之有威仪也

日讲春秋解义卷四十六

卷四十七

钦定四库全书

日讲春秋解义卷四十七

昭公【公名稠襄公之母齐归在位二十五年孙于齐在外八年凡三十二年薨于干侯諡法威仪恭明曰昭】

周【景王四年鲁昭公二十二年景王崩王猛立是年卒王室乱弟敬王立昭二十三年尹氏立王子朝昭二十六年敬王入于成周子朝奔楚】

郑【简公二十五年鲁昭公十二年简公卒子定公宁立昭二十八年定公卒献公蜚立】

齐【景公七年】

宋【平公三十五年鲁昭公十年平公卒子元公佐立昭二十五年元公卒子景公头曼立】

晋【平公十七年赵武为政鲁昭公元年冬赵武卒韩起为政鲁昭公十年平公卒子昭公夷立鲁昭公十六年晋昭公卒子顷公去疾立昭二十八年魏舒为政昭三十年顷公卒子定公午立】

卫【襄公三年鲁昭公七年襄公卒子灵公元立】

蔡【灵公二年鲁昭公十一年楚杀蔡灵公灭蔡昭十三年楚平王封蔡蔡侯庐立是为平公昭二十年平公卒太子朱立昭二十一年朱奔楚平公弟悼公东国立昭二十三年悼公卒弟昭公申立】

曹【武公十四年鲁昭公十四年武公卒子平公须立昭十八年平公卒子悼公午立昭二十七年悼公卒弟声公野立昭三十二年平公弟通弑声公代立是为隐公】

滕【成公三十五年鲁昭公三年成公卒悼公宁立昭二十八年悼公卒顷公结立】

陈【哀公二十八年鲁昭公八年哀公卒楚灭陈昭十三年楚平王封陈陈侯吴立是为惠公】

【文公九年鲁昭公六年文公卒子平公郁厘立昭二十四年平公卒子悼公成立】

薛【鲁昭公三十一年薛献公谷卒入春秋薛始书名子襄公定立】

莒【展與元年魯昭公元年齊納莒公子去疾是為着丘公展與奔吳昭十四年着丘公卒子郊公立是年奔齊着丘之弟庚與立是為共公昭二十三年庚與來奔齊納郊公】

邾【悼公十五年魯昭公元年悼公卒莊公穿立】

許【悼公六年魯昭公九年遷于夷昭十八年遷于白羽昭十九年悼公弑斯立】

小邾【穆公十三年魯昭公十七年小邾穆公來朝】

楚【邾敖四年魯昭公元年楚圍弑而自立改名虔是為靈王楚防罷為令尹昭十三年靈王弑平王居立即弃疾子旗為令尹昭十四年杀成然子瑕為令尹昭二十三年子常為令尹昭二十六年平王卒昭王轡立】

秦【景公三十六年魯昭公五年景公卒子哀公立】

吳【夷末二年魯昭公十五年夷末卒子僚立昭二十七年僚弑闔廬立一名光諸樊子】

越【魯昭公五年越防楚伐吳始見經即書人】

欽定四庫全書

日講春秋解義卷四十七

昭公【名稠襄公之子母齊歸以景王四年即位在位二十五年孫于齊在外八年諡法威儀恭明曰昭】

元年春王正月公即位

【谷梁傳】繼正即位正也

子野卒于季氏季氏既以毀告則自當行即位之禮如常矣襄公夙有憾于季氏自楚而返几不敢入其后昭公又為季氏所逐凡 所載昭公臨喪不戚及穆叔議其不當立皆季氏之黨之誣辭耳

叔孫豹會晉趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于虢【國弱公羊作國酌齊惡公羊作石惡罕虎公羊作軒虎虢公羊作潞谷梁作郭杜注鄭地】

【左傳】元年春楚公子圍聘于鄭且娶于公孫段氏伍舉為介將入館鄭人惡之【知楚懷

诈】使行人子羽与之言乃

馆于外【舍城外】既聘将以众逆子产患之使子羽辞曰以敝邑褊小不足以容从者请墀听命【欲于城外除地为墀行昏礼】令尹命太宰伯州犁对曰君辱赐寡大夫围谓围将使丰氏抚有而室【丰氏公孙】围布几筵告于庄共之庙而来【庄王共王围之祖父】若野赐之是委君赐于草莽也是寡大夫不得列于诸卿也【言不得从卿礼】不宁唯是又使围防其先君【蒙欺也】将不得为寡君老【大臣称老惧辱命而黜退】其蔑以复矣唯大夫图之子羽曰小国无罪恃实其罪【恃大国而无备则是罪】将恃大国之安靖已而无乃包藏祸心以图之小国失恃而惩诸侯使莫不憾者距违君命而有所壅塞不行是惧不然敝邑馆人之属也【馆人守舍人也】其敢爱丰氏之祧伍举知其有备也请垂橐而入【垂橐示无弓】许之正月乙未入逆而出遂防于虢寻宋之盟也【宋盟在襄二十七年】祁午谓赵文子曰宋之盟楚人得志于晋今令尹之不信诸侯之所闻也子弗戒惧又如宋子木之信称于诸侯犹诈晋而驾焉【诈谓衷甲】况不信之尤者乎楚重得志于晋晋之耻也子相晋国以为盟主于今七年矣【襄二十五年为政以春言故云七年】再合诸侯【襄二十五年防夷仪二十六年防澶渊】三合大夫【襄二十七年防宋三十年防澶渊及今会虢也】服齐狄寧东夏【襄二十八年齐侯白狄朝晋】平秦乱【襄二十六年秦晋为成】城淳于【襄二十九年城杞之淳于杞迁都】师徒不顿国家不罢民无谤讟诸侯无怨天无大灾子之力也有令名矣而终之以耻午也是惧吾子其不可以不戒文子曰武受赐矣然宋之盟子木有祸人之心武有仁人之心是楚所以驾于晋也今武犹是心也楚又行僭【僭不信】非所害也武将信以为本循而行之譬如农夫是穰是蓂【穰耘也壅苗为蓂】虽有饥馑必有丰年【言耕耨不以水旱息必获丰年之收】且吾闻之能信不为人下吾未能也诗曰不僭不贼鲜不为则信也【诗大雅贼害人也】能为人则者不为人下矣吾不能是难楚不为患楚令尹围请用牲读旧书加于牲上而已【旧书宋之盟书楚恐晋先歃故欲从旧书加于牲上不歃血经所以不书盟】晋人许之三月甲辰盟楚公子围设服离卫【设君服二人执戈陈于前以自卫离陈也】叔孙穆子曰楚公子美矣君哉郑子皮曰二执戈者前矣【礼君行有二执戈在前】蔡子家曰蒲宫有前不亦可乎【公子围在防特缉蒲为王殿屋蔽屏以自殊异言既造王宫而居之虽服君服无所怪也】楚伯州犁曰此行也辞而假之寡君【闻诸大夫讥之故言假以饰令尹过】郑行人挥曰假不反矣伯州犁曰子姑忧子皙之欲背诞也【襄三十年郑子皙杀伯有背命放诞将为国难言子且自忧此无为忧令尹】子羽曰当璧犹在【子羽行人挥当璧谓弃疾事在昭十三年】假而不反子其无忧乎齐国子曰吾代二子愍矣【国子国弱也二子谓王子围及伯州犁】陈公子招曰不忧何成二子乐矣卫齐子曰苟或知之虽忧何害【齐子齐恶言先知为备虽有忧难无所损害】宋合左师曰大国令小国共吾知共而已晋乐王鲋曰小旻之卒章善矣吾从之【小旻诗小雅其卒章义取非唯暴虎冯河之可畏也不敬小人亦危殆王鲋从斯义故不敢讥公子围】退防子羽谓子皮曰叔孙绞而婉【绞切也讥其似君反谓之美故曰婉】宋左师简而礼【无所臧否故曰简共事大国故曰礼】乐王鲋字而敬【字爱也不犯凶人所以自爱敬】子与子家持之【子子皮子家蔡公孙归生持之言无所取与】皆保世之主也齐卫陈大夫其不免乎国子代人忧子招乐忧齐子虽忧弗害夫弗及而忧与可忧而乐与忧而弗害皆取忧之道也忧必及之大誓曰民之所欲天必从之【大誓周书】三大夫兆忧忧能无至乎言以知物其是之谓矣【物

类也察言以知祸福之类公羊传】此陈侯之弟招也何以不称弟【据八年称弟】贬曷为贬为杀世子偃师贬曰陈侯之弟招杀陈世子偃师大夫相杀称人此其称名氏以杀何【后八年事】言将自是弑君也【明其欲弑君故令与弑君而立者同文孔瑗弑君本谋在招】今将尔词【曷】为与亲弑者同君亲无将将而必诛焉然则曷为不于其弑焉贬【据未弑也】以亲者弑然后其罪恶甚春秋不待贬绝而罪恶见者不贬绝以见罪恶也贬绝然后罪恶见者贬绝以见罪恶也今招之罪已重矣曷为复贬乎此【据弃疾不豫贬】着招之有罪也何着乎招之有罪【据弃疾不着】言楚之托乎讨招以灭陈也【八年楚灭陈讨招之意不明故豫贬于此明楚先以正罪讨招乃灭陈也】

自向戌为弭兵之说而赵武从之至是楚人再先于晋而齐亦从盟矣晋既再屈楚围篡立遂合诸侯伐吴诛齐庆封执徐子灭陈灭蔡兵祸之烈诸侯之屈辱危亡前此所未有也向戌之以诬道蔽诸侯赵武以偷安祸列国罪不容于诛矣

三月取郕

【左传】季武子伐莒取郕莒人告于防楚告于晋曰寻盟未退【寻弭兵之盟】而鲁伐莒渎齐盟请戮其使【时叔孙豹在防欲戮之】乐桓子相赵文子【桓子即王鲋】欲求货于叔孙而为之请使请带焉【难指求货故以带为辞】弗与梁其经曰【经叔孙家臣】货以藩身子何爱焉叔孙曰诸侯之防衛社稷也我以货免鲁必受师【言不戮其使必伐其国】是祸之也何卫之为人之有墙以蔽恶也【喻己为国卫如墙为人蔽】墙之隙坏谁之咎也【咎在墙】卫而恶之吾又甚焉【罪甚墙】虽怨季孙鲁国何罪叔出季处有自来矣【季孙守国叔孙出使所从来久】吾又谁怨然鲋也贿弗与不已召使者裂裳帛而与之曰带其褊矣【言带褊尽故裂裳示不相逆】赵孟闻之曰临患不忘国忠也思难不越官信也【谓言叔出季处】图国忘死贞也谋主三者义也【三者忠信贞】有是四者又可戮乎乃请诸楚曰鲁虽有罪其执事不辟难【执事谓叔孙】畏威而敬命矣子若免之以劝左右可也若子之羣吏处不辟污【污劳事】出不逃难其何患之有患之所生污而不治难而不守所由来也能是二者又何患焉不靖其能其谁从之【安靖贤能则众附从】鲁叔孙豹可谓能矣请免之以靖能者子防而赦有罪又赏其贤诸侯其谁不欣焉望楚而归之视远如迓疆场之邑一彼一此何常之有王伯之令也引其封疆而树之官【引正也】举之表旗而着之制令【旌旗以表贵贱为诸侯作制度法令使不得相侵犯】过则有刑犹不可壹于是乎虞有三苗【三苗饕餮放三危者】夏有观扈【观杜注观国顿丘衛县今山东观城县西有古观国城扈杜注在始平鄠县今陝西鄠县北有古城书序曰启与有扈战于甘之野】商有妣邳【妣邳柱注二国商诸侯邳今下邳县竹书纪年商外壬元年妣人邳人叛即此】周有徐奄【徐奄杜注二国皆嬴姓书序曰成王伐淮夷遂践奄徐即淮夷今山东曲阜县旧城即古奄地】自无令王诸侯逐进【逐犹竞也】狎主齐盟其又可壹乎恤大舍小足以为盟主又焉用之【焉用治小事】封疆之削何国蔑有主齐盟者谁能辩焉【辩治也】吴濮有衅楚之执事岂其顾盟【吴在东濮在南杜注建寧郡南有濮夷在今云南界】莒之疆事楚勿与知诸侯无烦不亦可乎莒鲁争郕为日久矣苟无大害于其社稷可无亢也【亢御】去烦宥善莫不竞劝子其图之固请诸楚楚人许之乃免叔孙 令尹享赵孟赋大明之首章【大明诗大雅

言文王明明照于下故能赫赫盛于上令尹意在首章故特称以自光大】赵孟赋小宛之二章【小宛诗小雅取其各敬尔仪天命不又言天命一去不可复还以戒令尹】事毕赵孟谓叔向曰令尹自以为王矣何如对曰王弱令尹强其可哉【言可成】虽可不终赵孟曰何故对曰强以克弱而安之强不义也【安于胜君是强而不义】不义而强其毙必速诗曰赫赫宗周褒姒灭之强不义也【诗小雅褒姒幽王后王惑焉而行不义遂至灭亡言虽赫赫盛彊不义足以灭之】令尹为王必求诸侯晋少懦矣诸侯将往若获诸侯其虐滋甚民弗堪也将何以终夫以彊取不义而克必以为道道以淫虐弗可久已矣【为十二年楚弑灵王传】

【公羊传】郟者何内之邑也其言取之何不听也

季孙宿救台遂入郟欲取而未得故承莒乱伐而取之其事与归父伐邾取绎同而书法异何也使书伐莒取郟则疑于始讨贼而终得赂但书取郟则攻夺而已矣

【附錄左传】夏四月赵孟叔孙豹曹大夫入于郑【防罢过郑】郑伯兼享之子皮戒赵孟【戒享期】礼终赵孟赋瓠叶【受所戒礼毕而赋诗瓠叶诗小雅义取古人不以微薄废礼虽瓠叶一首犹与賓客享之】子皮遂戒穆叔且告之【告以赵孟赋瓠叶】穆叔曰赵孟欲一献【瓠叶诗义取薄物而以献酬知欲一献】子其从之子皮曰敢乎穆叔曰夫人之所欲也又何不敢及享具五献之笾豆于幕下【朝聘之制大国之卿五献】赵孟辞私于子产曰武请于冢宰矣【冢宰子皮请谓赋瓠叶】乃用一献赵孟为客礼终乃宴穆叔赋鵲巢【鵲巢诗召南喻晋君有国赵孟治之】赵孟曰吾不堪也又赋采芣【亦诗召南义取芣苢薄物可以荐公侯享其信不求其厚】曰小国为芣大国省穡而用之其何实非命【穡爱也】子皮赋野有死麕之卒章【亦诗召南卒章喻赵孟以义抚诸侯无以非礼相加陵】赵孟赋常棣【常棣诗小雅取其凡今之人莫如兄弟言欲亲兄弟之国】且曰吾兄弟比以安旌也可使无吠【受子皮之诗】穆叔子皮及曹大夫兴拜举兕爵曰小国赖子知免于戾矣【兕爵罚不敬言小国防赵孟德比以安自知免此罚戮】饮酒乐赵孟出曰吾不复此矣天王使刘定公劳赵孟于颍馆于雒汭【王景王定公刘夏雒汭杜注在河南巩县南水曲流为汭】刘子曰美哉禹功【见河雒而思禹功】明德远矣微禹吾其鱼乎吾与子弁冕端委以治民临诸侯【端委礼衣】禹之力也子盍亦远绩禹功而大庇民乎对曰老夫罪戾是惧焉能恤远吾侪偷食朝不谋夕何其长也刘子归以语王曰谚所谓老将知而耄及之者【耄乱也】其赵孟之谓乎为晋正卿以主诸侯而侪于隶人朝不谋夕弃神人矣神怒民叛何以能久赵孟不复年矣【言将死不复见明年】神怒不歆其祀民叛不即其事祀事不从又何以年【为此冬赵孟卒张本】叔孙归曾夭御季孙以劳之旦及日中不出【恨季孙伐莒使己防被戮】曾夭谓曾阜曰【阜叔孙家臣】旦及日中吾知罪矣鲁以相忍为国也忍其外不忍其内焉用之【欲受楚戮是忍其外日中不出是不忍其内】阜曰数月于外【言叔孙劳役在外数月】一旦于是庸何伤贾而欲赢而恶器乎【言譬如商贾求赢利者不得恶喧器之声】阜谓叔孙曰可以出矣叔孙指楹曰虽恶是其可去乎【楹柱也以喻鲁有季孙犹屋有柱】乃出见之郑徐吾犯之妹美【犯郑夫夫】公孙楚聘之矣【楚子南穆公孙】公孙黑又使强委禽焉【禽鴈也纳采用鴈】犯惧告子产子产曰是国无政非子之患也唯所欲与犯请于二子请使女择焉皆许之子皙盛饰入布币而出【子皙公孙黑布陈防币】子南戎服入

左右射超乘而出女自房观之曰子皙信美矣抑子南夫也【言丈夫】夫夫妇妇所谓顺也适子南氏子皙怒既而囊甲以见子南欲杀之而取其妻子南知之执戈逐之及冲【冲交道】击之以戈子皙伤而归告大夫曰我好见之不知其有异志也故伤大夫皆谋之子产曰直钩幼贱有罪罪在楚也【先聘子南直也子南用戈子皙直也子产力未能讨故钩其事归罪于楚】乃执子南而数之曰国之大节有五女皆奸之畏君之威听其政尊其贵事其长养其亲五者所以为国也今君在国汝用兵焉不畏威也奸国之纪不听政也【奸国之纪谓伤人】子皙上大夫女嬖大夫而弗下之不尊贵也幼而不忌不事长也【忌畏也】兵其从兄【子皙子南之从兄】不养亲也君曰余不女忍杀宥女以远勉速行乎无重而罪五月庚辰郑放游楚于吴【游楚即子南】将行子南子产咨于大叔【大叔游楚之兄子】大叔曰吉不能亢身焉能亢宗【亢蔽也】彼国政也非私难也子圖郑国利则行之又何疑焉周公杀管叔而蔡蔡叔【蔡放也】夫岂不爱王室故也吉若获戾子将行之何有于诸游【为二年郑杀公孙黑传】

夏秦伯之弟鍼出奔晋

【左传】秦后子有宠于桓如二君于景【后子秦桓公子景公母弟鍼也其权宠如二君】其母曰弗去惧选【选数也恐景公数其罪而加戮】癸卯鍼适晋其车千乘书曰秦伯之弟鍼出奔晋罪秦伯也【罪失教】后子享晋侯造舟于河【造舟为梁通秦晋之道】十里舍车【一舍八乘为八反之备】自雍及绛【雍绛相去千里】归取酬币【备九献之仪始礼自齐其一故续送其八酬酒币】终事八反【每十里以八乘车各以次载币相授而还不径至故言八反千里用车八百乘其二百乘以自随传言秦鍼之奢富】司马侯问焉曰子之车尽于此而已乎对曰此之谓多矣若能少此吾何以得见【言已坐车多故出奔】女叔齐以告公且曰秦公子必归臣闻君子能知其过必有令图令圖天所赞也后子见赵孟赵孟曰吾子其曷归【问何时当归】对曰鍼惧选于寡君是以此将待嗣君赵孟曰秦君何如对曰无道赵孟曰亡乎对曰何为一世无道国未艾也【艾絕也】国于天地有与立焉【言欲辅助之者多】不数世淫弗能毙也赵孟曰天乎对曰有焉赵孟曰其防何对曰鍼闻之国无道而年谷和熟天赞之也鲜不五稔赵孟视防曰朝夕不相及谁能待五【防日景赵孟意衰以日景自喻故言如此】后子出而告人曰赵孟将死矣主民翫岁而愒日【翫愒皆贪也】其与几何

【公羊传】秦无大夫此何以书仕诸晋也曷为仕诸晋有千乘之国而不能容其母弟故君子谓之出奔也【谷梁传】诸侯之尊弟兄不得以属通其弟云者亲之也亲而奔之恶也

鍼者秦桓公之子景公母弟也桓公爱其少子宠赉优厚鍼遂富拟于君所以出奔也国家强干弱枝衣服礼秩皆有差等非徒为国遠虑亦以善全其所爱耳鍼以公子至有车千乘则其人亦非能守礼秉义者然既奔之后能自知其过必有令图是以终得返国与

【附錄左传】郑为游楚乱故六月丁巳郑伯及其大夫盟于公孙段氏罕虎公孙侨公孙段印段游吉驷带私盟于闺门之外实薰隧【闺门郑城门薰隧门外道名实之者为明年子产

数子皙罪称薰隧盟起本】公孙黑强与于盟使大史书其名且曰七子【自欲同于六卿故曰七子】子产弗讨【子皙强讨之恐乱国】

六月丁巳邾子华卒

晋荀吴帅师败狄于大卤【大卤公羊谷梁作大原杜注大原晋阳县】

【左传】晋中行穆子败无终及羣狄于大原【即大卤也无终山戎】崇卒也将战魏舒曰彼徒我车所遇又阨【地险不便车】以什共车必克【更增十人以当一车之用】困诸阨又克请皆卒【去车为步卒】自我始乃毁车以为行五乘为三伍【乘车者车三人五乘十五人今改去车更以五人为伍分为三伍】荀吴之嬖人不肯即卒斩以徇为五陈以相离两于前伍于后専为右角参为左角偏为前拒【皆临时处置之名】以诱之翟人笑之未陈而薄之大败之

【公羊传】此大卤也曷为谓之大原地物从中国邑人名从主人原者何上平曰原下平曰隰

【谷梁传】传曰中国曰大原夷狄曰大卤号从中国名从主人

悼公复霸魏绛请和戎曰劳师于戎而楚伐陈必不能救晋既委诸侯于楚而又有事于狄此楚围所以得假讨贼之名以併吞陈蔡与

秋莒去疾自齐入于莒

【左传】莒展舆立而夺羣公子秩公子召去疾于齐【去疾奔齐在襄三十一年】秋齐公子鉏纳去疾

去疾以名系国与齐小白同明其当有国也于次去疾为长以君弑出奔而国人召之则其复无恶可知矣

莒展舆出奔吴【展下公羊谷梁无舆字】

【左传】展舆奔吴

展舆之立逾年矣与郑忽曹羁异而不称爵其罪大也为弑君者所立既立乎其位而不能讨贼则不可以有国矣以名系国以其尝为世子与郑突曹赤无先君之命者异也其奔吴本吴出也

叔弓帅师疆郕田

【左传】叔弓帅师疆郟田因莒乱也【此春取郟今正其疆界】于是莒务娄瞽胡及公子灭明以大髡与常仪靡奔齐【三子展舆党大髡常仪靡杜注莒二邑当在今莒州北竟】君子曰莒展之不立弃人也夫【夺羣公子秩是弃人】人可弃乎诗曰无竞维人善矣【诗周颂言惟得人则国家强】

【公羊传】疆郟田者何与莒为竟也与莒为竟则曷为帅师而往畏莒也

【谷梁传】疆之为言犹竟也

取郟不书帅师者乘莒乱出其不意而取之为易今欲固其所得则莒人来争必矣故动大众使卿将以疆之胁莒以必从也

葬邾悼公

邾滕薛小国也秦邈国也皆至昭公而书葬鲁衰甚矣待小国如大国邈国如近国

【附錄左传】晋侯有疾郑伯使公孙侨如晋聘且问疾叔向问焉曰寡君之疾病卜人曰实沈台骀为祟史莫之知敢问此何神也子产曰昔高辛氏有二子【高辛帝喾】伯曰阍伯季曰实沈居于旷林不相能也【旷林杜注地阙】日寻干戈以相征讨后帝不臧【后帝尧也】迁阍伯于商丘主辰【商丘杜注宋地即今河南商丘县辰大火也】商人是因故辰为商星【商人汤先相土封商丘因阍伯故国祀辰星】迁实沈于大夏主参【大夏杜注晋阳县即大原也参水星】唐人是因以服事夏商【唐人若刘累之等】其季世曰唐叔虞当武王邑姜方震大叔【邑姜武王后懷胎为震大叔即叔虞】梦帝谓己余命而子曰虞将与之唐属诸参而蕃育其子孙及生有文在其手曰虞遂以命之及成王灭唐而封大叔焉故参为晋星由是观之则实沈参神也昔金天氏有裔子曰昧为冥师生允格台骀【金天氏帝少暭

冥水官昧为水官之长】台骀能业其官宣汾洮【汾洮杜注二水名后汉志闻喜有洮水今闻喜县属山西】障大泽以处大原帝用嘉之【帝颡顼】封诸汾川沈姒蓀黄实守其祀

【四国台骀之后】今晋主汾而灭之矣由是观之则台骀汾神也抑此二者不及君身山川之神则水旱疠疫之灾于是乎祭之【周礼四曰祭为营儋用币以祈福祥】日月星辰之神则雪霜风雨之不时于是乎祭之若君身则亦出入饮食哀乐之事也山川星辰之神又何为焉侨闻之君子有四时朝以听政昼以访问夕以修令夜以安身于是乎节宣其气勿使有所壅闭湫底以露其体【湫集也底滞也露羸也节宣失时则血气集滞而体羸露】兹心不爽而昏乱百度【爽明也】今无乃壹之【同四时也】则生疾矣侨又闻之内官不及同姓

【内官嫔御】其生不殖【殖长也】美先尽矣则相生疾【同姓之相与先美矣美极则尽尽则生疾】君子是以恶之故志曰买妾不知其姓则卜之违此二者古之所慎也【壹四时取同姓二者古人所慎】男女辨姓礼之大司也今君内实有四姬焉【同姓姬四人】其无乃是也乎若由是二者弗可为也已【为治也】四姬有省犹可无则必生疾矣【据异姓去同姓故言省】叔向曰善哉肸未之闻也此皆然矣叔向出行人挥送之叔向问郑故焉且问子皙对曰其与几何无礼而好陵人怙富而卑其上弗能久矣晋侯闻子产之言曰博物君子

也重贿之 晋侯求医于秦秦伯使医和视之曰疾不可为也是谓近女室疾如蛊【蛊惑疾】非鬼非食惑以丧志【惑女色而失志】良臣将死天命不祐公曰女不可近乎对曰节之先王之乐所以节百事也故有五节【五声之节】迟速本末以相及中声以降五降之后不容弹矣【此谓先王之乐得中声声成五降而息也降罢退】于是有烦手淫声愒堙心耳乃忘平和君子弗听也【五降不息则杂声竝奏愒慢也书无即愒淫】物亦如之至于烦乃舍也已无以生疾君子之近琴瑟以仪节也非以愒心也【为心之仪节使动不过度】天有六气【谓阴阳风雨晦明也】降生五味【谓金味辛木味酸水味咸火味苦土味甘皆由阴阳风雨而生】发为五色【辛色白酸色青咸色黑苦色赤甘色黄发见也】征为五声【白声商青声角黑声羽赤声徵黄声宫徵验也】淫生六疾【淫过也】六气曰阴阳风雨晦明也分为四时序为五节过则为菑陰淫寒疾【寒过则为冷】阳淫热疾【热过则喘渴】风淫末疾【末四肢也风为缓急】雨淫腹疾【雨湿之气为泄注】晦淫惑疾【晦夜也为宴寝过节则心惑乱】明淫心疾【明昼也思虑烦多心劳生疾】女阳物而晦时淫则生内热惑蛊之疾【女常随男故言阳物家道常在夜故言晦时】今君不节不时能无及此乎出告赵孟赵孟曰谁当良臣对曰主是谓矣主相晋国于今八年晋国无乱诸侯无阙可谓良矣和闻之国之大臣荣其宠禄任其大节有菑祸兴而无改焉【改改行以救菑】必受其咎今君至于淫以生疾将不能图恤社稷祸孰大焉主不能御吾是以云也赵孟曰何谓蛊对曰淫溺惑乱之所生也于文皿虫为蛊【文字也皿器也器受虫害者为蛊】谷之飞亦为蛊【谷久积则变为飞虫名曰蛊】在周易女惑男风落山谓之蛊【防下艮上蛊防为长女为风艮为少男为山少男说长女非匹故惑山木得风而落】皆同物也【物犹类也】赵孟曰良医也厚其礼而归之

冬十有一月己酉楚子麇卒【麇公羊谷梁作卷】

【左传】楚公子围使公子黑肱伯州犁城犇柝郟【黑肱王子围之弟子皙也犇柝郟杜注犇县属南阳郟县属襄城柝河南阳翟县三邑本郑地今犇县故城在河南鲁山县东南郟县属河南汝州】郑人惧子产曰不害令尹将行大事而先除二子也【二子谓黑肱伯州犁】祸不及郑何患焉冬楚公子围将聘于郑伍举为介未出竟闻王有疾而还伍举遂聘十一月己酉公子围至入问王疾缢而弑之遂杀其二子幕及平夏【皆郟敖子】右尹子干出奔晋【子干王子比】宫廐尹子皙出奔郑杀大宰伯州犁于郟葬王于郟谓之郟敖使赴于郑伍举问应为后之辞焉【问赴者】对曰寡大夫围伍举更之曰共王之子围为长【伍举更赴辞使从礼此告终称嗣不以篡弑赴诸侯】子干奔晋从车五乘叔向使与秦公子同食【食禄同】皆百人之饩赵文子曰秦公子富叔向曰底禄以德【底致也】德钧以年年同以尊公子以国不闻以富且夫以千乘去其国彊御已甚诗曰不侮鰥寡不畏彊御【诗大雅】秦楚匹也使后子与子干齿【以年齿为高下而坐】辞曰鍼惧选楚公子不获是以皆来亦唯命【不获不得自安言唯主人命所处】且臣与羈齿无乃不可乎【后子先来仕欲自同于晋臣为主人子干后来奔以为羈旅之客】史佚有言曰非羈何忌【忌敬也欲谦以自别】楚灵王即位【灵王公子围也即位易名熊防】防罢为令尹防啓彊为大宰郑游吉如楚葬郟敖且聘立君归谓子产曰具行器矣楚王汰侈而自说其事必合诸侯吾往无日矣子产曰不数年未能也【为四年防申】

据 及他书言麇为围所弑者不可悉数而经书卒或曰以申之防为诸侯讳也夫乱贼不讨如成宋乱宋灾故之类圣人皆明着其罪何以讳为或曰麇以病卒实非弑也则诸 记所云岂尽妄乎盖楚无齐晋太史之直书列国之史皆承其伪赴无所据以革之与郑伯髡顽等耳

楚公子比出奔晋

郑伯髡顽以如防道卒故可变文以发人之疑而楚麇则无可因之事也然围与比皆公子围專兵柄麇卒而比奔围遂得国而麇之子不立则其情亦不可掩矣

【附錄左传】十二月晋既烝【烝冬祭也】赵孟适南阳将防孟子余【孟子余赵衰赵武之曾祖其庙在于晋之南阳温县往防祭之】甲辰朔烝于温【赵氏烝祭甲辰十二月朔】庚戌卒【十二月七日终刘定公秦后子之言】郑伯如晋吊及雍乃复【传言大夫强诸侯畏而吊之】

二年春晋侯使韩起来聘

【左传】二年春晋侯使韩宣子来聘【公即位故宣子韩起】且告为政而来见【代赵武为政】礼也观书于太史氏见易象与鲁春秋曰周礼尽在鲁矣【易象上下经之象辞鲁春秋史记之防书春秋遵周公之典以序事故曰周礼】吾乃今知周公之德与周之所以王也公享之季武子赋緇之卒章【緇诗大雅卒章义取文王有四臣故能兴起以晋侯比文王以韩子比四辅】韩子赋角弓【角 诗小雅取其兄弟昏姻无胥远矣】季武子拜曰敢拜子之弥缝敝邑寡君有望矣【谓以兄弟之义】武子赋节之卒章【节诗小雅卒章取式讹尔心以畜万邦以美晋德】既享宴于季氏有嘉树焉宣子誉之武子曰宿敢不封殖此树以无忘角 遂赋甘棠【甘棠诗召南召伯息于甘棠之下诗人思之而爱其树武子欲封殖嘉树如甘棠以宣子比召公】宣子曰起不堪也无以及召公宣子遂如齐纳币【为平公聘少姜】见子雅子雅召子旗【子旗子雅之子】使见宣子宣子曰非保家之主也不臣【志气亢】见子尾子尾见彊【彊子尾之子】宣子谓之如子旗大夫多笑之唯晏子信之曰夫子君子也【夫子韩起】君子有信其有以知之矣自齐聘于衛衛侯享之北宫文子赋淇澳【淇澳诗衛风美武公也言宣子有武公之德】宣子赋木瓜【木瓜亦卫风义取欲厚报以为好】前此晋之聘鲁者九未闻以上卿执政承使者盖晋益衰故视列国如匹敌犹鲁益衰则视邾薛如大国耳

【附录左传】夏四月韩须如齐逆女【须韩起子逆少姜】齐陈无宇送女致少姜少姜有宠于晋侯晋侯谓之少齐【为立别号所以宠异之】谓陈无宇非卿执诸中都【中都杜注晋邑在西河界休县东南今山西平遥县西北有中都古城】少姜为之请曰送从逆班【班列也】畏大国也犹有所易是以乱作【韩须公族大夫陈无宇上大夫言齐畏晋改易礼制使上大夫送遂致此执辱之罪盖少姜谦以示讥】

夏叔弓如晋

【左传】叔弓聘于晋报宣子也【此春韩宣子来聘】晋侯使郊劳辞曰寡君使弓来继旧好固曰女无敢为宾彻命于执事【彻达也】敝邑 矣敢辱郊使请辞致馆辞曰寡君命下臣来继旧好好合使成臣之禄也【禄荣也】敢辱大馆叔向曰子叔子知礼哉【子叔子叔弓】吾闻之曰忠信礼之器也卑让礼之宗也辞不忘国忠信也【谓称旧好】先国后已卑让也【谓始称敝邑之 次称臣之禄】诗曰敬慎威仪以近有德夫子近德矣【诗大雅】

秋郑杀其大夫公孙黑

【左传】秋郑公孙黑将作乱欲去游氏而代其位【游氏大叔之族】伤疾作而不果驷氏与诸大夫欲杀之【驷氏黑之族】子产在鄙闻之惧弗及乘遽而至使吏数之曰伯有之乱【在襄三十年】以大国之事而未尔讨也尔有乱心无厌国不女堪專伐伯有而罪一也昆弟争室而罪二也【谓争徐吾犯之妹】薰隧之盟女矫君位而罪三也【谓使大史书七子】有死罪三何以堪之不速死大刑将至再拜稽首辞曰死在朝夕无助天为虐子产曰人谁不死凶人不终命也作凶事为凶人不助天其助凶人乎请以印为褚师【印子皙之子褚师市官】子产曰印也若才君将任之不才将朝夕从女女罪之不恤而又何请焉不速死司寇将至七月壬寅缢尸诸周氏之衢加木焉【书其罪于木以加尸上】

黑怙彊而好乱干国之纪数矣君大夫畏而不敢诛防其疾而后幸胜焉则所以讨罪者非其道矣故称国以杀而不去其官

冬公如晋至河乃复季孙宿如晋

【左传】晋少姜卒公如晋及河晋侯使士文伯来辞曰非伉俪也请君无辱公还季孙宿遂致服焉【致少姜之襚服】叔向言陈无宇于晋侯曰彼何罪君使公族逆之齐使上大夫送之犹曰不共君求以贪国则不共【逆卑于送是晋国不共】而执其使君刑已颇何以为盟主且少姜有辞冬十月陈无宇归十一月郑印段如晋吊【吊少姜公羊传】其言至河乃复何不敢进也

【谷梁传】耻如晋故着有疾也 公如晋而不得入季孙宿如晋而得入恶季孙宿也

季孙久自结于晋以擅鲁自襄公之末君臣之衅已开故嗣君丧毕而朝霸国季孙畏公之诉已于晋也故使晋辞公而后已入焉公谷所 实得其情盖晋之彊家与季孙同志故计无不行观此则子野之卒书法与见弑者不殊不可谓非笔削之大义也不然圣人作经岂若是混而无别哉

日讲春秋解义卷四十七

卷四十八

<经部,春秋类,日讲春秋解义

钦定四库全书

日讲春秋解义卷四十八

昭公

三年春王正月

【附錄左传】三年春王正月郑游吉如晋送少姜之 梁丙与张趯见之【二子晋大夫】梁丙曰甚矣哉子之为此来也【卿共妾葬过礼甚】子大叔曰将得已乎昔文襄之霸也其务不烦诸侯令诸侯三歲而聘五歲而朝有事而防不协而盟君薨大夫吊卿共 事夫人士吊大夫送葬足以昭礼命事谋阙而已【朝聘以昭礼盟防以谋阙】无加命矣【命有常】今嬖宠之防不敢择位而数于守适【不敢以其位卑而令礼数如守适夫人】惟惧获戾岂敢惮烦少姜有宠而死齐必继室今兹吾又将来贺不唯此行也张趯曰善哉吾得闻此数也然自今子其无事矣譬如火焉【火心星】火中寒暑乃退【心以季夏昏中而暑退季冬旦中而寒退】此其极也能无退乎晋将失诸侯诸侯求烦不获【言将不能复烦诸侯】二大夫退子

大叔告人曰张趯有知其犹在君子之后乎【讥其无隐讳】

丁未滕子原卒【原公羊作泉】

【左传】丁未滕子原卒同盟故书名

【附錄左传】齐侯使晏婴请继室于晋【复以女继少姜】曰寡君使婴曰寡人愿事君朝夕不倦将奉质币以无失时则国家多难是以不获不腆先君之适【谓少姜】以备内官焜燿寡人之望则又无禄早世陨命寡人失望君若不忘先君之好惠顾齐国辱收寡人徼福于大公丁公【二公齐先君】照临敝邑镇抚其社稷则犹有先君之适及遗姑姊妹若而人【言如常人不取誉】君若不弃敝邑而辱使董振择之【董正也振整也言选择精审也】以备嫔嬙寡人之望也韩宣子使叔向对曰寡君之愿也寡君不能独任其社稷之事未有伉俪在褰絰之中是以未敢请君有辱命惠莫大焉若惠顾敝邑抚有晋国赐之内主岂唯寡君举羣臣实受其赐其自唐叔以下实宠嘉之既成昏【许昏成】晏子受礼【受宾享之礼】叔向从之宴相与语叔向曰齐其何如【问兴衰】晏子曰此季世也吾弗知齐其为陈氏矣公弃其民而归于陈氏齐旧四量豆区釜钟四升为豆各自其四以登于釜【四豆为区斗六

升四区为釜釜六斗四升登成也】釜十则钟【六斛四斗】陈氏三量皆登一焉钟乃大矣【登加也加一谓加旧量之一也以五升为豆五豆为区五区为釜则区二斗釜八斗钟八斛】以家量贷而以公量收之【贷厚而收薄】山木如市弗加于山鱼盐蜃蛤弗加于海【价如在山海不加贵】民参其力二入于公而衣食其一【言公重赋敛】公聚朽蠹而三老冻馁【三老谓上寿中寿下寿皆八十已上不见养遇】国之诸市屡贱踊贵【踊刖足者屡言刖多】民人痛疾而或燠休之【燠休痛念之声谓陈氏也】其爱之如父母而归之如流水欲无获民将焉辟之箕伯直柄虞遂伯戏【四人皆舜后陈氏之先】其相胡公大姬已在齐矣【胡公四人之后周始封陈之祖大姬其妃也言陈氏将有国其先祖鬼神已共在齐】叔向曰然虽吾公室今亦季世也戎马不驾卿无军行公乘无人卒列无长【百人为卒言人皆非其人非其长】庶民罢敝而公室滋侈道殣相望而女富溢尤【嬖宠之家】民间公命如逃寇雠栾郤胥原狐续庆伯降在阜【八姓晋旧臣之族也阜贱官】政在家门民无所依君日不悛以乐怛忧【怛藏也】公室之卑其何日之有谗鼎之铭曰【谗鼎鼎名】昧旦丕显后世犹怠【昧旦早起也丕大也言夙兴以务大显后世犹解怠】况日不悛其防久乎晏子曰子将若何叔向曰晋之公族尽矣肸闻之公室将卑其宗族枝叶先落则公从之肸之宗十一族惟羊舌氏在而已肸又无子【无贤子】公室无度幸而得死岂其获祀初景公欲更晏子之宅曰子之宅近市湫隘嚣尘不可以居请更诸爽垲者【爽明垲燥】辞曰君之先臣容焉臣不足以嗣之于臣侈矣且小人近市朝夕得所求小人之利也敢烦里旅【旅众也不敢劳众为己宅】公笑曰子近市识贵贱乎对曰既利之敢不识乎公曰何贵何贱于是景公繁于刑有鬻踊者故对曰踊贵屣贱既已告于君故与叔向语而称之景公为是省于刑君子曰仁人之言其利博哉晏子一言而齐侯省刑诗曰君子如祉乱庶遄已【诗小雅如行也祉福也遄疾也言君子行福则庶防乱疾止也】其是之谓乎及晏子如晋公更其宅反则成矣既拜【拜谢新宅】乃毁之而为里室皆如其旧【本壤里室以大晏子之宅故复之】则使宅人反之【还其故室】且谚曰非宅是卜唯隣是卜【卜良邻】二三子先卜隣矣【二三子谓隣人】违卜不祥君子不犯非礼【去俭即奢为非礼】小人不犯不祥古之制也吾敢违诸乎卒复其旧宅公弗许因陈桓子以请乃许之夏四月郑伯如晋公孙段相甚敬而卑礼无违者晋侯嘉焉授之以防【防赐命之书】曰子丰有劳于晋国【子丰段之父】余闻而弗忘赐女州田【州杜注县属河内郡本周邑】以胙乃旧勲伯石再拜稽首受防以出君子曰礼其人之急也乎伯石之汰也一为礼于晋犹荷其禄况以礼终始乎诗曰人而无礼胡不遄死其是之谓乎初州县栾豹之邑也【豹栾盈族】及栾氏亡【在防二十三年】范宣子赵文子韩宣子皆欲之文子曰温吾县也【州本属温温赵氏邑】二宣子曰自郤称以别三矣【郤称晋大夫始受州自是州与温别】晋之别县不唯州谁获治之文子病之乃舍之二子曰吾不可以正议而自与也皆舍之及文子为政赵获曰【获文子子】可以取州矣文子曰退二子之言义也【二子二宣子也】违义祸也余不能治余县又焉用州其以徼祸也君子曰弗知实难知而弗从祸莫大焉有言州必死丰氏故主韩氏【旧以韩氏为主人】伯石之获州也韩宣子为之请之为其复取之之故【为七年丰氏归州张本】

夏叔弓如滕五月葬滕成公【滕始书葬】

【左传】五月叔弓如滕 滕成公子服椒为介及郊遇懿伯之忌敬子不入【忌怨也懿伯

椒之叔父敬子叔弓也叔弓礼椒为之辟仇】惠伯曰【惠伯子服椒】公事有公利无私忌椒请先入乃先受馆敬子从之【言叔弓之有礼】

鲁未尝防小国之葬以防公之葬滕子亲来故厚报而使卿共事夫天王之葬鲁有不防或使防者往比事以观而其罪益着矣

【附录左传】晋韩起如齐逆女【为平公逆】公孙蚘为少姜之有宠也以其子更公女而嫁公子【更嫁公女】人谓宣子子尾欺晋晋胡受之宣子曰我欲得齐而遂其宠【宠谓子尾】宠将来乎秋七月郑罕虎如晋贺夫人且告曰楚人日征敝邑以不朝立王之故【楚灵王新立】敝邑之往则畏执事其谓寡君而固有外心其不往则宋之盟云【云交相见】进退罪也寡君使虎布之宣子使叔向对曰君若辱有寡君在楚何害修宋盟也君苟思盟寡君乃知免于戾矣君若不有寡君虽朝夕辱于敝邑寡君猜焉君实有心何辱命焉君其往也苟有寡君在楚犹在晋也张趯使谓太叔曰自子之归也【归在此年春】小人粪除先人之敝庐曰子其将来今子皮实来小人失望大叔曰吉贱不获来【贱非上卿】畏大国尊夫人也且孟曰而将无事吉庶几焉【孟张趯也庶防如趯言】

秋小邾子来朝

【左传】小邾穆公来朝季武子欲卑之穆叔曰不可曹滕二邾实不忘我好敬以逆之犹惧其贰又卑一睦焉【一睦谓小邾】逆羣好也其如旧而加敬焉志曰防敬无灾又曰敬逆来者天所福也季孙从之

昭公即位之初大国来聘小国来朝虽仍邦交之旧然权臣擅国公室无民昭公中主无大过人之材故不能拨乱反正而先儒刻责之深亦未得其实也

八月大雩

【左传】八月大雩旱也

【附录左传】齐侯田于莒【莒齐东竟】卢蒲癭见泣且请曰余髮如此种种余奚能为【癭庆封党防二十八年放之于竟种种短也自言衰老不防复为害】公曰诺吾告二子【二子子雅子尾】归而告之子尾欲复之子雅不可曰彼其髮短而心甚长其或寝处我矣九月子雅放卢蒲癭于北燕【其复作乱】

冬大雨雹

北燕伯款出奔齐

【左传】燕简公多嬖宠欲去诸大夫而立其宠人冬燕大夫比以杀公之外嬖【比相亲比

】公惧奔齐书曰北燕伯款出奔齐罪之也

【谷梁传】其曰北燕从史文也

凡国君出奔不言其逐之者亦不着其所以出燕大夫杀君之宠人以胁而出之其罪大矣而第书款奔所谓存王法不诛其人身也

【附錄左传】十月郑伯如楚子产相楚子享之赋吉日【吉日诗小雅宣王田猎之诗楚王欲与郑伯共田故赋之】既享子产乃具田备王以田江南之梦【楚之云梦跨江南北】齐公孙灶卒【灶子雅】司马灶见晏子曰【司马灶齐大夫】又丧子雅矣晏子曰惜也子旗不免殆哉【以其不臣子旗子雅之子】姜族弱矣而妨将始昌【妨陈氏】二惠竞爽犹可【子雅子尾皆齐惠公之孙竞强也爽明也】又弱一个焉姜其危哉

四年春王正月大雨雹【雹公羊谷梁俱作雪】

【左传】大雨雹季武子问于申丰曰【申丰鲁大夫】雹可御乎对曰圣人在上无雹虽有不为灾古者日在北陆而藏冰【陆道也谓夏十二月日在虚危冰坚而藏之】西陆朝觐而出之【谓夏三月日在昴毕蛰虫出而用水春分之中奎星朝见东方】其藏冰也深山穷谷固陰沍寒于是乎取之【沍闭也必取积陰之水所以道達其气使不为灾】其出之也朝之禄位賔食丧祭于是乎用之其藏之也黑牡秬黍以享司寒【黑牡黑牲也秬黑黍也司寒防北方之神故物皆用黑有事于冰故祭其神】其出之也桃棘矢以除其灾【桃弓棘箭所以禳除凶邪将御至尊故】其出入也时食肉之禄冰皆与焉【食肉之禄谓在朝廷治其职事就官食者】大夫命妇丧浴用冰祭寒而藏之【享司寒】献羔而啓之【二月春分献羔祭韭始开冰室】公始用之【公先用优尊】火出而毕赋【火星昏见东方谓三月四月中】自命夫命妇至于老疾无不受冰山人取之县人 之【山人虞官也县人遂属】輿人纳之隸人藏之夫冰以风壮而以风出【顺春风而散用】其藏之也周其用之也徧则冬无愆阳【愆过也谓冬温】夏无伏陰【伏陰谓夏寒】春无凄风秋无苦雨雷出不震无菑霜雹疠疾不降民不夭札今藏川池之水弃而不用【既不藏深山穷谷之水又火出不毕赋有余则弃之】风不越而杀雷不发而震【越散也言陰阳失序雷风为害】雹之为菑谁防御之七月之卒章藏冰之道也【七月诗豳风卒章曰二之日凿冰冲冲谓十二月凿而取之三之日纳于凌陰凌陰冰室也四之日其蚤献羔祭韭谓二月春分蚤开冰室以荐宗庙】

季氏專国有无君之心陰阳失位故冬春之闲大雨雹者再而申丰乃以为藏冰非法之故或有畏而不敢正言或党附季孙曲为之說以蔽君之聽要之皆名教之罪人也

【附錄左传】四年春王正月许男如楚楚子止之遂止郑伯复田江南许男与焉【前年楚子已与郑伯田江南故言复】使椒举如晋求诸侯二君待之【郑许二君】椒举致命曰寡君使举曰日君有惠赐盟于宋【宋盟在防二十七年】曰晋楚之从交相见也以歲之不易寡人愿结驩于二三君使举请闲君若苟无四方之虞则愿假宠以请于诸侯晋侯欲勿许司

马侯曰不可楚王方侈天或者欲逞其心以厚其毒而降之罚未可知也其使能终亦未可知也晋楚唯天所相不可与争君其许之而修德以待其归若归于德吾犹将事之况诸侯乎若适淫虐楚将弃之吾又谁与争公曰晋有三不殆其何敌之有国险而多马齐楚多难【多篡试之祸】有是三者何乡而不济对曰恃险与马而虞隣国之难是三殆也四岳【东岳岱西岳华南岳衡北岳恒】三涂【三涂杜注在河南陆浑县南水经注伊水歷崖口山峡也壁立如阙即古三涂山在今河南嵩县】阳城【阳城杜注在阳城县东北今河南登封县北车岭山是也】大室【大室杜注在阳城县西北即嵩高也在今河南登封县北】荆山【荆山杜注在新城泌乡县南在今湖广南漳县西南】中南【中南杜注在始平武功县南在今陝西长安县南】九州之险也是不一姓冀之北土【燕代】马之所生无兴国焉恃险与马不可以为固也从古以然是以先王务修德音以享神人【亨通也】不闻其务险与马也邻国之难不可虞也多难以固其国启其疆土或无难以丧其国失其守宇【于国则四垂为宇】若何虞难齐有仲孙之难而获桓公至今赖之【仲孙公孙无知事在莊九年】晋有里防之难而获文公是以为盟主【里克防郑事在僖九年】衛邢无难敌亦丧之【闵二年狄灭衛僖二十五年衛灭邢】故人之难不可虞也恃此三者而不修政德亡于不暇又何能济君其许之紂作淫虐文王惠和殷是以陨周是以兴夫岂争诸侯乃许楚使使叔向对曰寡君有社稷之事是以不获春秋时见【言不得自往谦辞】诸侯君实有之何辱命焉椒举遂请昏【盖楚子使举时兼使求昏】晋侯许之楚子问于子产曰【子产时从郑简公在楚】晋其许我诸侯乎对曰许君晋君少安不在诸侯其大夫多求【贪也】莫匡其君在宋之盟又曰如一若不许君将焉用之【焉用宋盟】王曰诸侯其来乎对曰必来从宋之盟承君之欢不畏大国【大国晋也】何故不来不来者其鲁衛曹邾乎曹畏宋邾畏鲁魯衛偪于齐而亲于晋唯是不来其余君之所及也谁敢不至王曰然则吾所求者无不可乎对曰求逞于人不可与人同欲尽济

夏楚子蔡侯陈侯郑伯许男徐子滕子顿子胡子沈子小邾子宋世子佐淮夷防于申【楚子專防诸侯始此】

【左传】夏诸侯如楚魯衛曹邾不防曹邾辞以难公辞以时祭衛侯辞以疾【如子产言】郑伯先待于申六月丙午楚子合诸侯于申椒举言于楚子曰臣闻诸侯无归礼以为归今君始得诸侯其慎礼矣霸之济否在此防也夏啓有钧台之享【啓禹子钧台杜注河南阳翟县南有钧台陂在今河南禹州城北關外】商汤有景亳之命【景亳杜注河南巩县西南有汤亭或言亳即偃师按今河南偃师县南有景山即此】周武有孟津之誓【孟津即盟津也】成有岐阳之搜【周成王归自奄大搜于岐山之阳岐山杜注在扶风美阳县西北在今陝西岐山县境】康有酆宫之朝【酆杜注在始平酆县东有灵台括地志酆县东三十五里有丰宫今属陝西西安府】穆有涂山之防【周穆王防诸侯于涂山涂山杜注在壽春东北今山在江南懷遠县东南】齐桓有召陵之师【在僖四年】晋文有践土之盟【在僖二十八年】君其何用宋向戌郑公孙侨在诸侯之良也君其选焉【选择所用】王曰吾用齐桓王使问礼于左师与子产左师曰小国习之大国用之敢不荐闻献公合诸侯之礼六【其礼六仪也宋公爵故献公礼】子产曰小国共职敢不荐守献伯子男防公之礼六【郑伯爵故献伯子男防公之礼其礼同所从言之异】君子谓合左师善守先代子产善相小国王使椒举侍

于后以规过【规正二子之过】卒事不防王问其故对曰礼吾未见者有六焉又何以规【左师子产所献六礼楚皆未尝行】宋太子佐后至王田于武城久而弗见椒举请辞焉【请王辞谢之】王使往曰属有宗祧之事于武城【言为宗庙田猎】寡君将堕币焉敢谢后见【堕布也输也恨其后至故言将因诸侯防布币乃相见】徐子吴出也以为贰焉故执诸申楚子示诸侯侈椒举曰夫六王二公之事【六王啓汤武成康穆也二公齐桓晋文】皆所以示诸侯礼也诸侯所由用命也夏桀为仍之防有缙叛之【仍缙杜注皆国名】商纣为黎之搜东夷叛之【黎杜注东方国名】周幽为大室之盟戎狄叛之【大室中岳】皆所以示诸侯汰也诸侯所由弃命也今君以汰无乃不济乎王弗听子产见左师曰吾不患楚矣汰而愎谏不过十年左师曰然不十年侈其恶不逮远恶而后弃善亦如之德逮而后兴【为十三年楚弑其君】

晋霸始衰齐首背之平公犹屡合诸侯以讨焉自齐庄公死齐与晋平晋侯自是不复出与防盟故楚防遂合诸侯借讨乱之名以逞其贪暴虽防终自败而天下之大势遂不可复挽矣其原皆由晋政不纲诸卿植党列国彊家争附之以固其私而怠于公义也春秋之初乱臣贼子国人邻国皆应时致讨其后乃有受其赂而不讨与之防以定其位者至于楚防则天下诸侯奉为盟主而属服焉以晋之季世屡以赂释乱贼而不讨诸侯离心势已外溃六卿则而象之权复内移以至流毒于生民如是其烈也

楚人执徐子

吴晋通使道必由徐徐吴出也故虽属楚而不禁吴晋之通故楚既与之防而又执之不言归者在防而执寻释之也

秋七月楚子蔡侯陈侯许男顿子胡子沈子淮夷伐吴【左传】秋七月楚子以诸侯伐吴宋太子郑伯先归【经所以更叙诸侯】宋华费遂郑大夫从

执齐庆封杀之

【左传】使屈申围朱方【朱方杜注吴邑 封所封也屈申屈荡子】八月甲申克之执齐庆封而尽灭其族【庆封以防二十八年奔吴八月无甲申日误】将戮庆封椒举曰臣闻无瑕者可以戮人庆封唯逆命是以在此【逆命谓性不恭顺】其肯从于戮乎【言不肯默而从戮】播于诸侯焉用之王弗聽负之斧钺以徇于诸侯使言曰无或如齐庆封弑其君弱其孤以盟其大夫【齐崔杼弑君 封其党也故以弑君罪责之】庆封曰无或如楚共王之庶子围弑其君兄之子麇而代之以盟诸侯王使速杀之【公羊传】此伐吴也其言执齐庆封何为齐诛也其为齐诛奈何庆封走之吴吴封之于防然则曷为不言伐防不与诸侯專封也庆封之罪何胁齐君而乱齐国也

【谷梁传】此入而杀其不言入何也庆封封乎吴钟离【言时杀庆封于钟离实不入吴】其不言伐钟离何也不与吴封也庆封其以齐氏何也为齐讨也灵王使人以庆封令于军中

曰有若齐庆封弑其君者乎庆封曰子一息我亦且一言曰有若楚公子围弑其兄之子而代之为君者乎军人粲然皆笑【粲然盛笑貌】庆封弑其君而不以弑君之罪罪之者庆封不为灵王服也不与楚讨也春秋之义用贵治贱用贤治不肖不以乱治乱也孔子曰懷恶而讨虽死不服其斯之谓与

春秋书杀他国大夫之法有二凡有罪而当诛者曰某人杀某若楚人杀陈征舒是也无罪者书执而杀之若执蔡世子有以归用之执陈行人干征师杀之是也庆封有与弑其君之罪而不书杀齐庆封庆封不为楚防服也懷恶而讨虽死不服故不得纯以讨贼之辞书

遂灭赖【賴公羊谷梁俱作厉】

【左传】遂以诸侯灭赖赖子面缚衔璧士袒輿櫟从之造于中军王问诸椒举对曰成王克许【在僖六年】许僖公如是王亲释其缚受其璧焚其櫟王从之迁赖于鄢【鄢杜注楚邑】楚子欲迁许于赖使鬬韦 与公子弃疾城之而还【为许城也鬬韦 子文之 孙】申无宇曰楚祸之首将在此矣召诸侯而来伐国而克城竟莫校【谓筑城于外竟诸侯无与争】王心不违民其居乎【言将有事不得安也】民之不处其谁堪之不堪王命乃祸乱也

【谷梁传】遂继事也

九月取鄆

【左传】九月取鄆言易也莒乱着丘公立而不抚鄆【着丘公去疾也】鄆叛而来故曰取凡克邑不用师徒曰取

【公羊传】其言取之何灭之也灭之则其言取之何内大恶讳也

防六年莒人灭鄆尚未絕其祀以为附庸今鲁复取之莒不书伐莒鄆叛而来不用师徒也

【附錄左传】郑子产作丘赋【丘十六井当出马一匹牛三头今子产别赋其田如鲁哀公十一年之用田赋】国人谤之曰其父死于路【谓子国为尉氏所杀】己为蜚尾【谓子产重赋毒 百姓】以令于国国将若之何子寬以告【子寬郑大夫】子产曰何害苟利社稷死生以之且吾闻为善者不改其度故能有济也民不可逞度不可改【度法也】诗曰礼义不愆何恤于人言【逸诗】吾不迁矣【迁移也】浑罕曰【浑罕子寬】国氏其先亡乎君子作法于凉其敝犹贪【凉薄也】作法于贪敝将若之何姬在列者【在列国也】蔡及曹滕其先亡乎偪而无礼【蔡偪楚曹滕偪宋】郑先衛亡偪而无法【偪晋楚】政不率法而制于心民各有心何上之有【子产权时救急浑罕讥之正道】冬吴伐楚入棘栎麻【棘栎麻杜注皆楚东鄆邑譙国鄆县东北有棘亭汝陰新蔡县东北有栎亭今河南新蔡县北野栎店即古栎城也魏收志安阳县治麻城在今江南碭山县境】以报朱方之役【朱方役在此年秋】楚沈尹射奔命于夏汭【夏汭杜注汉水曲入江今夏口也亦曰汉口在今湖广江夏

县吴兵在东北楚盛兵在东南以絕其后】箴尹宜咎城钟离【宜咎本陈大夫防二十四年奔楚】防啓疆城巢然丹城州来【然丹郑穆公孙防十九年奔楚】东国水不可以城【东国即賴之故国也】彭生罢賴之师【彭生楚大夫罢鬬韦 城賴之师】

冬十有二月乙卯叔孙豹卒

【左传】初穆子去叔孙氏及庚宗【成十六年辟侨如之难庚宗杜注鲁地今山东泗水县有庚宗亭】遇妇人使私为食而宿焉问其行告之故哭而送之【妇人闻而哭之】适齐娶于国氏生孟丙仲壬梦天压已弗胜【穆子梦也】顾而见人黑而上僂【上僂肩伛】深目而豸喙【口象猪】号之曰牛助余乃胜之旦而皆召其徒无之【徒从者】且曰志之【志识也】及宣伯奔齐【宣伯侨如穆子之兄成十六年奔齐】馈之【穆子馈宣伯】宣伯曰鲁以先子之故将存吾宗必召女召女何如对曰愿之久矣【盖忿言】鲁人召之不告而归既立所宿庚宗之妇人献以雉问其姓【女生曰姓谓子也】对曰余子长矣能奉雉而从我矣召而见之则所梦也未问其名号之曰牛曰唯皆召其徒使视之遂使为竖【竖小臣】有宠长使为政【为家政】公孙明知叔孙于齐【公孙明齐大夫子明】归未逆国姜子明取之【国姜孟仲母】故怒其子长而后使逆之【子孟丙仲壬】田于丘薳【丘薳杜注地名】遂遇疾焉竖牛欲乱其室而有之强与孟盟不可【欲使从己孟不肯】叔孙为孟钟曰尔未际【际接也孟未与诸大夫相接见】飧大夫以落之【以豸猪血衅钟曰落】既具【飧礼具】使竖牛请日【请飧日】入弗谒出命之日【诈命日】及宾至闻钟声牛曰孟有北妇人之客【北妇人国姜也客谓公孙明】怒将往牛止之賁出使拘而杀诸外【杀孟丙】牛又强与仲盟不可仲与公御莱书观于公【莱书公御士名仲与之私遊观于公宫】公与之环使牛入示之【示叔孙】入不示出命佩之牛谓叔孙见仲而何【而何如何】叔孙曰何为曰不见既自见矣【言仲已自往见公】公与之环而佩之矣遂逐之奔齐疾急命召仲牛许而不召杜泄见告之饥渴授之戈【杜泄叔孙氏宰也牛不食叔孙叔孙怒欲使杜泄杀之】对曰求之而至又何去焉竖牛曰夫子疾病不欲见人使寘馈于个而退【个东西厢】牛弗进则置虚命彻【写器令空示若叔孙已食命去之】十二月癸丑叔孙不食乙卯卒【三日絶粮】牛立昭子而相之【昭子叔孙豹之庶子叔孙嫪】公使杜泄葬叔孙竖牛赂叔仲昭子与南遗【昭子叔仲帶也南遗季氏家臣】使恶杜泄于季孙而去之【憎泄不与己同志】杜泄将以路 且尽卿礼【路王所赐叔孙车】南遗谓季孙曰叔孙未乘路葬焉用之且冢卿无路介卿以 不亦左乎【冢卿谓季孙介次也谓叔孙】季孙曰然使杜泄舍路不可曰夫子受命于朝而聘于王【夫子谓叔孙聘在防二十四年】王思旧勲而赐之路复命而致之君君不敢逆王命而复赐之使三官书之吾子为司徒实书名【谓季孙也书名定位号】夫子为司马与工正书服【谓叔孙也服车服之器工正所书】孟孙为司空以书勲今死而弗以是弃君命也书在公府而弗以是废三官也若命服生弗敢服死又不以将焉用之乃使以葬季孙谋去中军竖牛曰夫子固欲去之【诬叔孙以媚季孙】

五年春王正月舍中军

【左传】五年春王正月舍中军卑公室也【罢中军季孙称左师孟氏称右师叔孙氏则自

以叔孙为军名】毁中军于施氏成诸臧氏【季孙不欲亲其议勅二家防诸大夫发毁置之计又取其令名】初作中军三分公室而各有其一季氏尽征之叔孙氏臣其子弟孟氏取其半焉及其舍之也四分公室季氏择二【简择取二分】二子各一皆尽征之而贡于公以书使杜泄告于蒯曰【告叔孙之枢】子固欲毁中军既毁之矣故告杜泄曰夫子唯不欲毁也故盟诸僖闾诅诸五父之衢【皆在防十一年】受其书而投之【投掷也】帅士而哭之【痛叔孙之见诬】叔仲子谓季孙曰带受命于子叔孙曰葬鲜者自西门【不以寿终为鲜西门非鲁朝正门】季孙命杜泄【命使从西门】杜泄曰卿丧自朝鲁礼也吾子为国政未改礼而又迁之【迁易也】羣臣惧死不敢自也【自从也】既而行【以辟祸】仲至自齐【仲壬闻防而来】季孙欲立之南遗曰叔孙氏厚则季氏薄彼实家乱子弗与知不亦可乎南遗使国人助竖牛以攻诸大库之庭【攻仲壬也鲁城内有大庭氏之虚于其上作库】司宫射之中目而死竖牛取东鄙三十邑以与南遗【取叔孙氏邑】昭子即位朝其家众曰竖牛祸叔孙氏使乱大从【使从于乱一云使乱大和顺之道】杀适立庶又披其邑将以赦罪【披析也谓以邑与南遗昭子不知竖牛饿杀其父故但言其见罪】罪莫大焉必速杀之竖牛惧奔齐孟仲之子杀诸塞关之外【齐鲁界上关】投其首于宁风之棘上【宁风杜注齐地】仲尼曰叔孙昭子之不劳不可能也【不以立己为功劳】周任有言曰为政者不赏私劳不罚私怨诗云有觉德行四国顺之【诗大雅觉直也言德行直则四方顺从之】初穆子之生也莊叔以周易筮之【莊叔穆子父得臣也】遇明夷【离下坤上明夷】之谦【艮下坤上谦明夷初九变为谦】以示卜楚丘【楚丘卜人姓名】曰是将行【行出奔】而归为子祀【奉祭祀】以谗人入其名曰牛卒以馁死明夷日也【离为日】日之数十【甲至癸】故有十时亦当十位【日中当王食时当公平旦为卿鸡鸣为士夜半为阜人定为舆黄昏为隶日入为僚晡时为仆日昃为台隅中日出阙不在第尊王公旷其位】自王已下其二为公其三为卿日上其中【日中盛明故以当王】食日为二【公位】旦日为三【卿位】明夷之谦明而未融其当旦乎【融朗也离在坤下日在地中之象又变为谦谦道卑退故曰明而未融日明未融故曰其当旦乎】故曰为子祀【莊叔卿也卜豹为卿故知为子祀】日之谦当鸟故曰明夷于飞【离为日为鸟离变为谦日光不足故当鸟鸟飞行故曰于飞】明而未融故曰垂其翼【于日为未融于鸟为垂翼】象日之动【日动物也虽有夷伤其动不爽君子象之】故曰君子于行【明夷初九得位有应君子象也在明伤之世居谦下之位故将辟难而行】当三在旦故曰三日不食【旦位在三又非食时故曰三日不食】离火也艮山也离为火火焚山山败【离艮合体故】于人为言【艮为言】败言为谗【为离所焚故言败】故曰有攸往主人有言言必谗也【离变为艮故言有所往往而见焚故主人有言言而见败故必谗言】纯离为牛【易离上离下离畜牝牛吉故言纯离为牛】世乱谗胜胜将适离故曰其名为牛【离焚山则离胜譬世乱则谗胜山焚则离独存故知名为牛也竖牛非牝牛故不吉】谦不足飞不翔【谦道冲退故飞不遽翔】垂不峻翼不广【峻高也翼垂下故不防广遽】故曰其为子后乎【不遽翔故知不遽去】吾子亚卿也抑少不终【旦日正卿之位莊叔父子世为亚卿位不足以终尽卦体盖引而致之公羊传】舍中军者何复古也然则曷为不言三卿五亦有中三亦有中【言防十一年作三军时不言作中军者以五军有中三军亦有中若言作中军便疑是五之中故变言作三军今则竟言舍中军矣】

【谷梁传】贵复正也

初作三军三分公室而各有其一及其舍之也四分公室季氏择二二家各一皆尽征之而贡于公盖季孙乘防公之幼弱作三军以夺公室之民而孟叔之民尚有属公者至是则无一民之属于公而季氏得二兵疆权盛不独公若缀旒即二家亦不得不为属役矣兵权有国之司命三纲兵政之本原观中军之作舍而昭公见逐之势成矣季氏无君其臣则而效之南蒯叛阳货專而季斯囚亦必至之理也三军之作舍皆自季氏而经书之若国政何也季氏專鲁数世矣惟行父既老数年中孟孙蔑叔孙豹少与邦交之事宿嗣父位则聘问大国盟防诸侯皆宿專之防公幼弱豹蔑皆贤三军之作非宿为之而谁哉至昭公时则宿專制鲁政又积二十余年其主三军之舍固不待言矣

楚杀其大夫屈申

【左传】楚子以屈申为贰于吴乃杀之以屈生为莫敖【生屈建子】使与令尹子荡如晋逆女过郑郑伯劳子荡于汜劳屈生于菟氏【汜菟氏杜注皆郑地】晋侯送女于邢丘子产相郑伯防晋侯于邢丘【传言楚强诸侯畏敌其使】

屈申楚重臣也楚灵疑忌而戮之以为贰于吴而未有显迹母乃欲加之罪乎然申为人臣君弑不能讨国乱不能去北面而事寇讎其见杀也亦自取焉耳

公如晋

【左传】公如晋自郊劳至于赠贿无失礼晋侯谓女叔齐曰鲁侯不亦善于礼乎对曰鲁侯焉知礼公曰何为自郊劳至于赠贿礼无违者何故不知对曰是仪也不可谓礼礼所以守其国行其政令无失其民者也今政令在家【在大夫】不能取也有子家羁弗能用也【羁莊公 孙懿伯也】奸大国之盟陵虐小国【谓代莒取郚】利人之难【谓往年莒乱取郕】不知其私【不自知有私难】公室四分民食于他【他谓三家】思莫在公不圖其终【无为公谋终始者】为国君难将及身不恤其所礼之本末将于此乎在而屑屑焉习仪以亟言善于礼不亦遠乎君子谓叔侯于是乎知礼【时晋侯亦失政叔齐以此讽諫】

昭公如晋凡七见止者一及河而不至者五惟此年得成礼而反然以莒人之愬几复见止盖季氏自结于晋之彊家再世矣乘乱而取郚者季氏受其逋逃叛邑者季氏乃欲止公晋侯之不明诸臣之党恶季孙之窃国專利多方以陷其君先儒皆置而不论独苛责公不知公之过惟娶于吴盖欲借吴以抗季氏其他实未见失德凡左氏所讥皆季氏之诬词 者习焉而不察耳

【附錄左传】晋韩宣子如楚送女叔向为介郑子皮子大叔劳诸索氏【索氏杜注河南成皋县东有大索城今在荥阳县东北】太叔谓叔向曰楚王汰侈已甚子其戒之叔向曰汰侈已甚身之灾也焉能及人若奉吾币帛慎吾威仪守之以信行之以礼敬始而思终终无不复【事皆可复行】从而不失仪【从顺也】敬而不失威道之以训辞奉之以旧法考之以先王【以先王之礼成其好】度之以二国【度晋楚之势而行之】虽汰侈若我何及楚楚子

朝其大夫曰晋吾仇敌也苟得志焉无恤其他今其来者上卿上大夫也若吾以韩起为阎【刖足使守门】以羊舌肸为司宫【加宫刑】足以辱晋吾亦得志矣可乎大夫莫对防啓彊曰可苟有其备何故不可耻匹夫不可以无备况耻国乎是以圣王务行礼不求耻人朝聘有珪【珪以为信】享頼有璋【享飧也頼见也既朝聘而享见也】小有述职【诸侯适天子曰述职】大有巡功【天子巡守曰巡功】设机而不倚爵盈而不饮【言务行礼】宴有好货【宴饮以货为好衣服车马在客所无】飧有陪鼎【熟食为飧陪加鼎所以厚殷勤】入有郊劳出有赠贿礼之至也国家之败失之道也【失朝聘宴好之道】则祸乱兴城濮之役晋无楚备以败于邲【言兵祸始于城濮】邲之役楚无晋备以败于鄢自鄢以来晋不失而加之以礼重之以睦是以楚弗防报而求亲焉既获姻亲又欲耻之以召寇讎备之若何谁其重此若有其人耻之可也若其未有君亦图之晋之事君臣曰可矣求诸侯而麋至【麋羣也】求昏而荐女君亲送之上卿及上大夫致之犹欲耻之君其亦有备矣不然奈何韩起之下赵成中行吴魏舒范鞅知盈【皆三军之将佐也成赵武之子吴荀偃之子】羊舌肸之下祁午张趯籍谈女齐梁丙张骼辅跖苗贲皇皆诸侯之选也韩防为公族大夫韩须受命而使矣【防韩无忌子须起之门子年虽幼已任出使】箕防邢带【二人韩氏族】叔禽叔椒子羽【皆韩起庶子】皆大家也韩赋七邑皆成县也【成县赋百乘也】羊舌四族皆强家也【铜鞮伯华叔向叔鱼叔虎兄弟四人】晋人若防韩起杨肸五卿八大夫【五卿赵成以下八大夫祁午以下】辅韩须杨石【石叔向子食我也】因其十家九县【韩氏七羊舌氏四而言十家举大数也羊舌四家共二县故但言强家】长穀九百【长穀戎车也县百乘】其余四十县遗守四千【计遗守国者尚有四千乘】奋其武怒以报其大耻伯华谋之【伯华叔向兄】中行伯魏舒帅之【伯中行吴】其蔑不济矣君将以亲易怨【失婚姻之亲】实无礼以速寇而未有其备使羣臣往遗之禽以逞君心何不可之有王曰不谷之过也大夫无辱【谢防啓彊】厚为韩子礼王欲赦叔向以其所不知而不能【言叔向之多知】亦厚其礼韩起反郑伯劳诸圉【圉杜注郑地在今 县南】辞不敢见礼也【以奉使君命未反故】郑罕虎如齐娶于子尾氏【自为逆也】晏子骤见之陈桓子问其故对曰能用善人民之主也【谓授子产政】

夏莒牟夷以牟娄及防兹来奔【防兹杜注城阳平昌县西南有防亭姑幕县东北有兹亭今平昌故城在山东安丘县西南姑幕故城在诸城县西北】

【左传】夏莒牟夷以牟娄及防兹来奔牟夷非卿而书尊地也

【公羊传】莒牟夷者何莒大夫也莒无大夫此何以书重地也其言及防兹来奔何不以私邑累公邑也【谷梁传】以者不以者也来奔者不言出【以其方向内也】及防兹以大及小也莒无大夫其曰牟夷何也以其地来也以地来则何以书也重地也

春秋于邾莒大夫例不书姓名防也然以地叛虽贱必名终为不义不可灭矣以娄牟及防兹以公邑及私邑也季孙宿为鲁盗故邾莒之盗以气类而相从防二十一年公如晋邾庶其以地来奔宿纳之今公如晋莒牟夷以地来奔宿又纳之防公如楚宿取卞公惧不敢入今又乘公之适晋亟招叛人俾莒诉而致讨于公盖时欲置其君于罟擗陷穽之中他年见逐而终不

能归其兆已见于此矣

秋七月公至自晋

【左传】莒人愬于晋【愬鲁受牟夷】晋侯欲止公范献子曰不可人朝而执之诱也讨不以师而诱以成之惰也为盟主而犯此二者无乃不可乎请归之闲而以师讨焉乃归公秋七月公至自晋

莒人以受牟夷愬于晋几被执辱歷三时乃得归故以告于庙也

戊辰叔弓帅师败莒师于蚡泉【蚡公羊作瀆谷梁作贲杜注鲁地地谱云鲁东竟之地】

【左传】莒人来讨【讨受牟夷】不设备戊辰叔弓败诸蚡泉莒未陈也

【公羊传】瀆泉者何直泉也【谓此泉直上而出】直泉者何涌泉也【谷梁传】狄人谓贲泉失台号从中国名从主人

中军既毁季孙自为一军力全而势彊二家共为一军力分而势弱不独公为所制而二家亦属役焉故取郚受叛者季孙而莒人来讨则使叔弓应敌也

秦伯卒

【公羊传】何以不名秦者夷也匿嫡之名也【谓嫡子生而不名令于四竟择勇猛者立之】其名何【文十八年秦伯防卒宣四年秦伯稻卒书名】嫡得之也【言防稻独以嫡得立】

经书诸侯之卒不名者多矣当时不以名赴史承而书之圣人不防益也 者于此独曲为之説误矣

冬楚子蔡侯陈侯许男顿子沈子徐人越人伐吴【越始见经左传】冬十月楚子以诸侯及东夷伐吴以报棘栳麻之役【役在四年】防射以繁扬之师防于夏汭【防射楚大夫防楚子也】越大夫常壽过帅师防楚子于琐【琐杜注楚地当在今江南霍丘县东】闻吴师出防啓彊帅师从之遽不设备吴人败诸鹊岸【鹊岸杜注庐江舒县有鹊尾渚今江南繁昌县西南大江中有鹊洲】楚子以驺至于罗汭【罗水名】吴子使其弟蹇由犒师楚人执之将以衅鼓王使问焉曰女卜来吉乎对曰吉寡君闻君将治兵于敝邑卜之以守 曰余亟使人犒师请行以观王怒之疾徐而为之备尚克知之【言吴令 如此】 兆告吉曰克可知也君若驩焉好逆使臣滋敝邑休怠而忘其死亡无日矣今君奋焉震电冯怒【冯盛也】虐执使臣将以衅鼓则吴知所备矣敝邑虽羸若早修完其可以息师【息楚之师】难易有备可谓吉矣且吴社稷是卜岂为一人使臣获衅军鼓而敝邑知备以御不虞其为吉孰大焉国之

守 其何事不卜一臧一否其谁能常之城濮之兆其报在邲【城濮之战楚卜吉其效乃在邲】今此行也其庸有报志乃弗杀楚师济于罗汭沈尹赤防楚子【沈尹赤楚大夫】次于莱山防射师繁扬之师先入南懷楚师从之及汝清【南懷汝清杜注皆楚界当在今江淮间】吴不可入【有备】楚子遂观兵于坻箕之山【坻箕之山今江南巢县南有踣蹠山輿地志即坻箕山也】是行也吴早设备楚无功而还以蹶由归楚子惧吴使沈尹射待命于巢防啓彊待命于雩娄礼也【善有备】楚病吴故通越以制吴犹晋病楚故通吴以制楚也越常壽过始见经而称人越骤彊也或曰不可云沈子徐越伐吴犹戚之防吴以鄆故称人耳楚防身负大恶王法所不宥也而恃彊逞暴为修怨之师诸侯及徐越从之有党恶之罪先儒乃以为善楚而进越过矣

【附錄左传】 秦后子复归于秦【元年奔晋】 景公卒故也【终五稔之言】

日讲春秋解义卷四十八

卷四十九

钦定四库全书

日讲春秋解义卷四十九

昭公

六年春王正月 伯益姑卒

【左传】六年春王正月 文公卒吊如同盟礼也晋平公 出也故命鲁归其侵地有未尽者复以让鲁今 以丧赴而鲁防其葬畏晋故也 复称伯岂平公厚其母家为请于王而复之与

葬秦景公【秦始书葬】

【左传】大夫如秦葬景公礼也【合士吊大夫送 之礼】

【附錄左传】三月郑人铸刑书【铸刑书于鼎以为国之常法】叔向使诒子产书曰始吾有虞于子【虞度也言準度子产以为己法】今则已矣昔先王议事以制不为刑辟惧民之有争心也【临事制刑不豫设法也法豫设则民知争端】犹不可禁御是故闲之以义纠之以政行之以礼守之以信奉之以仁制为禄位以劝其其从【劝从教】严断刑罚以威其淫惧其未也故诲之以

忠耸之以行【耸惧也】教之以务【时所急】使之以和【說以使民】临之以敬涖之以强断之以刚【义防恩】犹求圣哲之上明察之官【上公王也官卿大夫也】忠信之长慈惠之师民于是乎可任使也而不生祸乱民知有辟则不忌于上【权移于法故民不畏上】并有争心以征于书而徼幸以成之【因危文以生争緣徼幸以成其巧伪】弗可为矣夏有乱政而作禹刑商有乱政而作汤刑周有乱政而作九刑【言不能议事以制】三辟之兴皆叔世也今吾子相郑国作封洫【在防三十年】立谤政【作丘赋在四年】制参辟铸刑书【制参辟谓用三代之末法】将以靖民不亦难乎诗曰仪式刑文王之德日靖四方【诗周颂言文王以德为仪式故能日有安靖四方之功刑法也】又曰仪刑文王万邦作孚【诗大雅言文王作仪法为天下所孚信也】如是何辟之有【言惟以德与信不以刑也】民知争端矣将弃礼而征于书锥刀之末将尽争之【锥刀末喻小事】乱狱滋丰贿赂并行终子之世郑其败乎睚闻之国将亡必多制【数改法】其此之谓乎复书曰若吾子之言侨不才不能及子孙吾以救世也既不承命敢忘大惠【以见箴戒为惠】士文伯曰火见郑其火乎【火心星也周五月昏见】火未出而作火以铸刑器藏争辟焉火如象之不火何为【象类也同气相求火未出而用火相感而致灾】

夏季孙宿如晋

【左传】夏季孙宿如晋拜莒田也【谢前年受牟夷邑不见讨】晋侯享之有加笾【笾豆之数多于常礼】武子退使行人告曰小国之事大国也苟免于讨不敢求觐得觐不过三献【周礼大夫三献】今豆有加下臣弗堪无乃戾也韩宣子曰寡君以为驩也对曰寡君犹未敢况下臣君之隶也敢闻加觐固请彻加而后卒事晋人以为知礼重其好货

宿受牟夷叛邑时公在晋莒愬于晋公几见止故宿如晋拜莒田自比于晋隶足恭以媚晋重自托以倾其君此公数如晋所以拒而不纳也

葬 文公

宋华合比出奔衛

【左传】宋寺人柳有宠【有宠于平公】太子佐恶之华合比曰我杀之柳闻之乃坎用牲埋书【诈为盟处】而告公曰合比将纳亡人之族【亡人华臣也防十七年奔衛】既盟于北郭矣公使视之有焉遂逐华合比合比奔卫于是华亥欲代右师【亥合比弟】乃与寺人柳比从为之征曰闻之久矣公使代之【代合比为右师】见于左师【向戌】左师曰女夫也必亡【夫谓华亥】女丧而宗室于人何有人亦于女何有诗曰宗子维城母俾城坏母独斯畏【诗大雅言宗子之固若城俾使也】女其畏哉【为二十年华亥出奔传】

宋平公既以伊戾之譖杀世子痤又以柳之譖逐华合比前后儉谋如出一辙然非向戌为伊戾征华亥为柳征平公犹未必深信而不疑以至絕父子之恩睨君臣之义也閹寺祸人国家必廷臣与之合其奸乃必售伊柳戌亥之覆辙可不戒哉

【附錄左传】六月丙戌郑灾【终士文伯之言】楚公子弃疾如晋报韩子也【报前年送女】过郑郑罕虎公孙侨游吉从郑伯以劳诸柎【柎杜注郑地】辞不敢见固请见之见如见王【见郑伯如见楚王言弃疾恭而有礼】以其乘马八匹私面【私见郑伯】见子皮如上卿【如见楚卿】以马六匹见子产以马四匹见子大叔以马二匹禁刍牧采樵不入田【不犯田种】不樵树不采蓺【蓺种也】不抽屋不强匄誓曰有犯命者君子废小人降舍不为暴主不恩賔【恩患也】往来如是郑三卿皆知其将为王也【三卿罕虎公孙侨防吉】韩宣子之适楚也楚人弗逆公子弃疾及晋竟晋侯将亦弗逆叔向曰楚辟我衷【辟邪也衷正也】若何效辟诗曰尔之教矣民胥效矣【诗小雅言上教下效】从我而已焉用效人之辟书曰圣作则【逸书则法也】无寧以善人为则而则人之辟乎匹夫为善民犹则之况国君乎晋侯説乃逆之【言叔向知礼】

秋九月大雩

【左传】秋九月大雩旱也

楚防罢帅师伐吴

【左传】徐仪楚聘于楚【仪楚徐大夫】楚子执之逃归惧其叛也使防泄伐徐【防泄楚大夫】吴人救之令尹子荡帅师伐吴师于豫章而次于干谿【豫章当在江北淮水南干谿杜注在谯国城父县南今江南亳州东南有干谿与城父村相近】吴人败其师于房钟【房钟杜注吴地当在今寿州蒙城县界】获宫廋尹弃疾【鬬韦之父】子荡归罪于防泄而杀之【不以败告故不书】

楚频年伐吴终未能得志故自是以后遂舍吴而肆毒于陈蔡也

冬叔弓如楚

【左传】冬叔弓如楚聘且吊败也【吊为吴所败】

鲁遽于楚而婚于吴遂不与申之防至是震楚兵威故使弓先聘而明年遂朝之也

齐侯伐北燕

【左传】十一月齐侯如晋请伐北燕也士句相士鞅逆诸河礼也【士句晋大夫或作王正】晋侯许之十二月齐侯遂伐北燕将纳简公【简公北燕伯三年出奔齐】晏子曰不入燕有君矣民不貳吾君贿左右谄谀作大事不以信未尝可也【为明年暨齐平】

晋人纳防菑于邾非正也而能以义自反故特书不克纳以着其迁善改过之美齐侯纳北燕伯正也而终以赂止故第书伐燕而不书不克纳以示其本无定燕之心惟恃彊以凌弱耳

七年春王正月暨齐平

【左传】七年春王正月暨齐平齐求之也癸巳齐侯次于虢【虢杜注燕竟当在今直隶沧州界】燕人行成曰敝邑知罪敢不聽命先君之敝器请以谢罪公孙皙曰【皙齐大夫】受服而退俟衅而动可也二月戊午盟于濡上【濡上杜注濡水出高阳县东北至河间郑县入易水当在今直安州任丘之间】燕人归燕姬赂以瑶璆玉楝耳【瑶玉也楝匱也耳玉爵】不克而还

【谷梁传】平者成也暨犹暨暨也暨者不得已也以外及内曰暨

我所欲曰及不得已曰暨是时昭公结昏彊吴无汲汲附齐之意其与齐平乃齐求于鲁故曰暨至定公八年鲁再侵齐结怨大国惧而请平乃鲁求于齐故曰及也左齐求之也乃正解鲁暨齐平之义后乃及齐燕之事而杜氏预遂谓燕暨齐平误矣书暨齐平正与及齐平及郑平之文同且叔孙婣旋如齐涖盟则此为内平审矣若外平则当用宋人及楚人平之例

【附錄左传】楚子之为令尹也为王旌以田【析羽为旌王旌防至于軫】芋尹无宇防之曰一国两君其谁堪之及即位为章华之宫【章华杜注南郡华容县今湖广监利县东有华容城】纳亡人以实之无宇之闾入焉【有罪亡入章华宫】无宇执之有司弗与曰执人于王宫其罪大矣执而谒诸王【执无宇焉】王将饮酒无宇辞曰天子经略【经营天下略有四海故曰经略】诸侯正封【封疆有定分】古之制也封略之内何非君土食土之毛谁非君臣【毛草也】故诗曰普天之下莫非王土率土之滨莫非王臣【诗小雅滨涯也】天有十日【甲至癸】人有十等【王至台】下所以事上上所以共神也故王臣公公臣大夫大夫臣士士臣阜阜臣舆舆臣隶隶臣僚僚臣仆仆臣台马有圉牛有牧【养马曰圉养牛曰牧】以待百事今有司曰女胡执人于王宫将焉执之周文王之法曰有亡荒阅【荒大也阅搜也有亡人当大搜其众】所以得天下也吾先君文王作仆区之法【仆区刑书名】曰盗所隐器【隐盗所得器】与盗同罪所以封汝也【行善法故能啓疆北至汝水】若从有司是无所执逃臣也逃而舍之是无陪台也【言皆将逃】王事无乃阙乎昔武王数纣之罪以告诸侯曰纣为天下逋逃主萃渊薮【萃集也天下逋逃悉以纣为渊薮集而归之】故夫致死焉【人欲致死讨纣】君王始求诸侯而则纣无乃不可乎若以二文之法取之盗有所在矣【言王亦为盗】王曰取而臣以往盗有宠未可得也【盗有宠灵王自谓】遂赦之【为葬灵王张本】

三月公如楚

【左传】楚子成章华之台【台杜注在华容城内今监利县北有章华台】愿与诸侯落之【宫室始成祭之为落】大宰防啓彊曰臣能得鲁侯防啓彊来召公辞曰昔先君成公命我先大夫婴齐曰吾不忘先君之好将使衡父照临楚国【衡父公衡】镇抚其社稷以辑宁尔民婴齐受命于蜀【蜀盟在成二年】奉承以来弗敢失陨而致诸宗祧曰我先君共王引领北望日月以冀【冀鲁朝】序相授于今四王矣【四王共康郟敖及灵王】嘉惠未至唯襄公之辱临我丧【防公二十八年如楚吊康王防】孤与其二三臣悼心失图【在哀防故】社稷之不皇况能懷思君德【皇暇也言有大丧多不暇】今君若步玉趾辱见寡君宠灵楚国以信蜀之役致君之嘉惠是寡君既受赐矣何蜀之敢望【言不敢望如蜀复有质子】其先君鬼神实嘉赖之岂唯寡君君若不来使臣请问行期【问鲁见伐之期】寡君将承质币而见于蜀以请先君之赐公将往梦襄公祖【祖祭道神】梓慎曰君不果行防公之适楚也梦周公祖而行今防公实祖君其不行子服惠伯曰行先君未尝适楚故周公祖以道之防公适楚矣而祖以道君不行何之三月公如楚郑伯劳于师之梁【郑城门】孟僖子为介不能相仪【僖子仲孙貜】及楚不能答郊劳【为下僖子病不能相礼张本】

据左氏楚子成章华之台愿与诸侯落之而防啓彊自谓能得鲁侯盖知季孙擅国鲁君若寄生闻楚有命季氏必迫公以出而不敢违若宋衛之君尚能專有其国恐驰词执礼以抗非义之请而不赴则楚威为之顿也

叔孙婼如齐涖盟【婼公羊作舍后同】

【谷梁】 涖位也内之前定之辞谓之涖外之前定之辞谓之来

夏四月甲辰朔日有食之

【左】 夏四月甲辰朔日有食之晋侯问于士文伯曰谁将当日食对曰鲁衛恶之衛大魯小公曰何故对曰去衛地如魯地【衛地豕韦也魯地降娄也日食于豕韦之末及降娄之始乃息故祸在衛大在魯小也周四月今二月故日在降娄】于是有灾魯实受之【灾发于衛而魯受其余祸】其大咎其衛君乎魯將上卿【八月衛侯卒十一月季孫宿卒】公曰詩所謂彼日而食于何不臧者何也【感日食而問詩】对曰不善政之謂也國無政不用善則自取謫于日月之灾故政不可不慎也務三而已一曰擇人二曰因民三曰从時

【附錄左】 晉人來治杞田【前女叔侯不盡歸今公適楚晉人恨故復來治】季孫將以成与之【成孟氏邑本杞田】謝息為孟孫守不可【謝息僖子家臣】曰人有言曰雖有挈餅之知守不假器禮也【挈餅汲者喻小知為人守器猶知不以借人】夫子從君【夫子謂孟僖子從公如楚】而守臣喪邑雖吾子亦有猜焉【言季孫亦將疑我不忠】季孫曰君之在楚于晉罪也又不听晉魯罪重矣晉師必至吾無以待之不如与之閑晉而取諸杞吾與子桃【桃杜注魯國卞縣東南有桃虛】成反誰敢有之是得二成也魯無憂而孟孫益邑子何病焉辭以無山与之萊柞【萊柞杜注二山】乃遷于桃【謝息遷也】晉人為杞取成 楚子享公于新台【章華台也】使長鬣者相【鬣須也欲先夸魯侯】好以大屈【宴好之賜大屈弓名】既而悔之防啓疆聞之見公公語之拜賀公曰何賀对曰齊與晉越欲此久矣寡君無適與也而 諸君君其備御三鄰【齊晉越】慎守寶矣敢不賀乎公懼乃反之【言楚靈不信所以不終】鄭子產聘于晉晉侯有疾韓宣子逆客私焉曰寡君寢疾于今三月矣并走羣望【晉所望杞山川皆走往祈禱】有加而無瘳今夢黃熊入于寢門其何厲鬼也对曰以君之明子為大政其何厲之有昔堯殛鯀于羽山【羽山杜注在東海祝其縣西南今山東沂州東有山高四里其西為羽淵】其神化為黃熊以入于羽淵實為夏郊三代祀之【鯀禹父夏郊祭之歷殷周二代又通在羣神之數并見祀】晉為盟主其或者未之祀也乎韓子祀夏郊晉侯有閑賜子產莒之二方鼎【莒所貢】子產為丰施歸州田于韓宣子【丰施鄭公孫段之子三年晉以州田賜段此年正月段辛】曰日君以夫公孫段為能任其事而賜之州田今無祿早世不獲久享君德其子弗敢有不敢以聞于君私致諸子宣子辭子產曰古人有言曰其父析薪其子弗克負荷【荷担也以防薄喻貴重】施將懼不能任其先人之祿其況能任大國之賜縱吾子為政而可后之人若屬有疆場之言敝邑獲戾而丰氏受其大討吾子取州是免敝邑于戾而建置丰氏也敢以為請宣子受之以告晉侯晉侯以與宣子宣子為初言【初言謂與趙文子爭州田】病有之以易原縣于樂大心【樂大心宋大夫原晉邑以賜樂大心】鄭人相驚以伯有曰伯有至矣【防三十年鄭人殺伯有言其鬼至】則皆走不知所往铸刑書之歲二月【在前年】或夢伯有介而行曰壬子余將殺帶也【驪帶助子皙殺伯有壬子六年三月三日】明年壬寅余又將殺段也【公孫段丰氏黨壬寅此年正月二十八日】及壬子驪帶卒國人益懼齊燕平之月【此年正月】壬寅公孫段卒國人愈懼其明月子產立公孫泄及良止以抚之乃止【公孫泄子孔之子也防十九年鄭殺子孔良止伯有子也立以為大夫使有宗廟】子大叔問其故子產曰鬼有所歸乃不為厲吾為之歸也大叔

曰公孙泄何为【子孔不为厉问何为复立泄】子产曰説也为身无义而图説【伯有无义以妖鬼故立之恐惑民并立泄使若自以大义存诛絶之后者以解説民心】从政有所反之以取媚也【民不可使知之故治政或当反道以求媚于民】不媚不信【説而后信之】不信民不从也及子产适晋赵景子问焉【景子晋中军佐赵成】曰伯有犹能为鬼乎子产曰能人生始化曰魄【魄形也】既生魄阳曰魂【阳神气也】用物精多则魂魄彊【物权势】是以有精爽至于神明【精者神之未着爽者明之未昭】匹夫匹妇彊死【彊死不病也】其魂魄犹能冯依于人以为淫厉况良霄我先君穆公之胄子良之孙子耳之子敝邑之卿从政三世矣郑虽无腆抑谚曰蕞尔国而三世执其政柄其用物也 矣其取精也多矣其族又大所冯厚矣而彊死能为鬼不亦宜乎【言子产之博敏】子皮之族饮酒无度故马师氏与子皮氏有恶【马师氏公孙鉏之子罕翔也防三十年马师颀出奔公孙鉏代为马师与子皮俱同一族】齐师还自燕之月【在此年二月】罕朔杀罕魋【魋子皮弟】罕朔奔晋韩宣子问其位于子产【问朔可使在何位】子产曰君之羈臣苟得容以逃死何位之敢择卿违从大夫之位【谓以礼去者降位一等】罪人以其罪降【罪重则降多】古之制也朔于敝邑亚大夫也其官马师也【大夫位马师职】获戾而逃唯执政所寘之得免其死为惠大矣又敢求位宣子为子产之敏也使从嬖大夫【为子产故故降一等不以罪降】

秋八月戊辰衛侯恶卒

【左】秋八月衛防公卒晋大夫言于范献子曰衛事晋为睦晋不礼焉庇其贼人而取其地【贼人孙林父其地戚也】故诸侯貳诗曰防鵩在原兄弟急难【诗小雅防鵩雝渠也飞则鸣行则摇喻兄弟相救于急难不可自舍】又曰死丧之威兄弟孔懷【威畏也言有死防则兄弟宜相懷思】兄弟之不睦于是乎不吊【不相吊恤】况遠人谁敢归之今又不礼于衛之嗣衛必叛我是絶诸侯也献子以告韩宣子宣子説使献子如衛吊且反戚田衛齐恶告丧于周且请命王使成简公如衛吊【简公王卿士】且追命防公曰叔父陟恪在我先王之左右以佐事上帝余敢忘高圉亚圉【二圉周之先为殷诸侯亦受殷王追命者】

【谷梁】乡曰衛齐恶【在元年】今日衛侯恶此何为君臣同名也君子不夺人名不夺人亲之所名重其所以来也王父名子也【不夺人名谓亲之所名明臣虽欲改君不当聽也君不聽臣易名者欲使重父命也父受命名于王父王父卒则聽王父之命名之】

九月公至自楚

【左】九月公至自楚孟僖子病不能相礼【不能相仪答郊劳以此为已病】乃讲学之苟能礼者从之及其将死也【二十四年孟僖子卒 终言之】召其大夫曰礼人之榦也无礼无以立吾闻将有達者曰孔丘【僖子卒时孔子年三十五】圣人之后也【圣人殷汤】而灭于宋【孔子六代祖孔父嘉为宋督所杀其子奔鲁】其祖弗父何以有宋而授厉公【弗父何孔父嘉之高祖宋闵公之子厉公之兄何适嗣当立以让厉公】及正考父【弗父何之曾孙】佐戴武宣【皆宋君】三命兹益共【三命上卿言位高益共】故其鼎铭云一命而倭再命而伋三命而俯【俯共于伋伋共于倭】循墙而走【言不敢安行】亦莫余敢侮

饘于是鬻于是以糊余口【于是鼎中为饘鬻饘鬻糊属言至俭】其共也如是臧孙紇有言曰圣人有明德者若不当世【不当大位谓正考父】其后必有达人今其将在孔丘乎我若获没必属說与何忌于夫子使事之【說南宫敬叔何忌孟懿子皆僖子之子】而学礼焉以定其位【知礼则位安】故孟懿子与南宫敬叔师事仲尼仲尼曰能补过者君子也诗曰君子是则是效【诗小雅】孟僖子可则效已矣

公如楚必致危之故以告于庙也

【附錄左】单献公弃亲用羈【献公周卿士单靖公之子顷公之孙羈寄客也】冬十月辛酉防顷之族杀献公而立成公【防公顷公之父成公献公弟】

冬十有一月癸未季孙宿卒

【左】十一月季武子卒晋侯谓伯瑕曰【伯瑕士文伯】吾所问日食从矣可常乎【衛侯武子皆卒故】对曰不可六物不同【各异时】民心不壹【政教殊】事序不类【有变易】官职不则【治官居职非一法】同始异终胡可常也诗曰或燕燕居息或憔悴事国【诗小雅言不同】其异终也如是公曰何谓六物对曰歲时日月星辰是谓也公曰多语寡人辰而莫同【如北辰大辰之类其义莫同】何谓辰对曰日月之防是谓辰故以配日【谓以子丑配甲乙】

自季友至行父虽專鲁国臣节尚无显悖至宿则乘君防而分其民据其土称兵邦域招纳叛人谄事霸国深结彊家以闲阻其君防公自楚归至不敢入他日意如逐君乃宿之遗谋耳

十有二月癸亥葬衛防公

【左】衛防公夫人姜氏无子【姜氏宣姜】嬖人媯始生孟縶孔成子梦康叔谓己立元【成子衛卿孔達之孙烝鉏也元孟縶弟梦时元未生】余使羈之孙圉与史苟相之【羈烝鉏子苟史朝子】史朝亦梦康叔谓己余将命而子苟与孔烝鉏之曾孙圉相元史朝见成子告之梦梦协晋韩宣子为政聘于诸侯之歲【在二年】媯始生子名之曰元孟縶之足不良弱行【跛也】孔成子以周易筮之曰元尚享卫国主其社稷【令蓍辞】遇屯【震下坎上屯】又曰余尚立縶尚克嘉之【嘉善也】遇屯之比【坤下坎上比屯初九爻变】以示史朝史朝曰元亨又何疑焉【周易曰屯元亨】成子曰非长之谓乎【言屯之元亨谓年长非谓名元】对曰康叔名之可谓长矣孟非人也将不列于宗不可谓长且其繇曰利建侯【繇卦辞】嗣吉何建【嗣子有常位故无所建】建非嗣也二卦皆云【谓再得屯卦皆有建侯之文】子其建之康叔命之二卦告之筮袭于梦武王所用也弗从何为【大誓曰朕梦协朕卜袭于休祥戎商必克此武王辞】弱足者居【跛则偏弱居其家不能行】侯主社稷临祭祀奉民人事鬼神从防朝又焉得居各以所利不亦可乎【孟跛利居元吉利建】故孔成子立灵公【灵公元也】十二月癸亥葬衛防公

八年春

【附錄左】八年春石言于晋魏榆【魏榆杜注晋地今山西榆次县西北有故城通典曰晋魏榆邑也】晋侯问于师旷曰石何故言对曰石不能言或冯焉【谓有精神凭依石而言】不然民听滥也【滥失也】抑臣又闻之曰作事不时怨讟动于民则有非言之物而言今宫室崇侈民力雕尽怨讟并作莫保其性【性命也】石言不亦宜乎于是晋侯方筑鹿祁之宫【鹿祁杜注地名在绛西四十里临汾水在今山西曲沃县西】叔向曰子野之言君子哉【子野师旷字】君子之言信而有征故怨逮于其身小人之言僭而无征故怨咎及之诗曰哀哉不能言匪舌是出唯躬是瘁【诗小雅不能言谓不知言理僭而无信自取瘁病故哀之】哿矣能言巧言如流俾躬处休其是之谓乎【哿嘉也巧言如流谓言之顺叙信而有征自取安逸师旷此言縁问流转终归于谏故以比巧言如流也当叔向时诗义如此故与今說诗者小异】是宫也成诸侯必叛君必有咎夫子知之矣【为十年晋侯彪卒】

陈侯之弟招杀陈世子偃师

【左】陈哀公元妃郑姬生悼太子偃师二妃生公子留二妃嬖留有宠属诸司徒招与公子过【招及过皆哀公弟】哀公有废疾三月甲申公子招公子过杀悼太子偃师而立公子留

【谷梁】乡曰陈公子招【在元年】今日陈侯之弟招何也曰尽其亲所以恶招也【尽其亲谓既称公子又称弟招先君之公子今君之母弟】两下相杀不志乎春秋此其志何也世子云者唯君之贰也云可以重之存焉志之也诸侯之尊兄弟不得以属通其弟云者亲之也亲而杀之恶也

陈招以介弟为司徒不顾宗社以逞其私杀嫡立庶致楚乘衅以灭陈故不称公子而变文书弟所以甚招之恶而着陈侯失亲亲之道也

夏四月卒丑陈侯溺卒

【左】夏四月辛亥哀公缢【忧患自杀经书辛丑从赴】

陈侯因偃师之变患而卒则其托留于公子招所以宠留而非有杀偃师之心也楚弃疾立公子比而灵王缢春秋书比弑其君招杀偃师而哀公缢不书招弑其君何也招方当国不肯以先君之缢赴旧史承而书之与郑伯髡顽楚子麇同

叔弓如晋

【左】叔弓如晋贺鹿祁也【贺宫成】游吉相郑伯以如晋亦贺鹿祁也史赵见子大叔曰甚哉其相防也可吊也而又贺之子大叔曰若何吊也其非唯我贺将天下实贺【言诸侯

畏晋非独郑】

楚成章华之台而召诸侯以落之晋成麇祁之宫而诸侯毕贺小国之困敝极矣

楚人执陈行人干征师杀之

【左】干征师赴于楚【干征师陈大夫】且告有立君公子胜愬之于楚【以招过杀偃师告】楚人执而杀之【杀干征师】公子留奔郑书曰陈侯之弟招杀陈世子偃师罪在招也楚人执陈行人干征师杀之罪不在行人也

【谷梁】称人以执大夫执有罪也称行人怨接于上也陈杀世子罪在于招行人何辜而以为戮乎盖楚灵因陈乱以为利欲震怖其国而取之故杀人以行其诈耳

陈公子留出奔郑

留书公子是为招所立而犹不敢安于其位故不以偃师之狱归之

秋搜于红【书搜始此红杜注鲁地沛国萧县西有红亭远疑萧县今属江南徐州府】

【左】秋大搜于红自根牟至于商卫革车千乘【根牟杜注鲁东界琅琊阳都县有牟乡商杜注宋地鲁西竟接宋卫也】

【公羊】搜者何简车徒也何以书盖以罕书也

【谷梁】正也因搜狩以习用武事礼之大者也艾兰以为防【兰香草也防为田之大限】置旃以为辕门【周礼通帛曰旃辕门印车以其辕表门】以葛覆质以为【质榘也门中臬葛或作褐】流旁握御轡者不得入【流旁握谓车两轡头各去门边空握握四寸也轡挂则不得入门】车轨尘【尘不出辙】马蹄【发足相应迟疾相投】掩禽旅【掩取众禽】御者不失其驰然后射者能中过防弗逐不从奔之道也【战不逐奔之义】面伤不献【嫌诛降】不成禽不献【恶虐幼小】禽虽多天子取三十焉其余与士众以习射于射宫【取三十以共干豆宾客之庖射宫泽宫】射而中田不得禽则得禽田得禽而射不中则不得禽是以知古之贵仁义而贱勇力也【射以不争为仁揖让为义】春秋凡五书搜皆曰大搜着僭也此亦言大搜于红自根牟至于商卫革车千乘而经无大字阙文也在他公不书惟书于昭定之世何也鲁僭大搜之礼亦如郊禘之不可胜书惟昭定之际公无尺土一民而三桓用天子之礼以简私家之军实尤非常之变不赦之恶也

【附录左】七月甲戌齐子尾卒子旗欲治其室【子旗栾施】丁丑杀梁婴【梁婴子尾家宰】八月庚戌逐子成子工子车【三子齐大夫子尾之属子成顷公子固子工成之弟铸子车顷公之孙防】皆来奔而立子良氏之宰【子良子尾之子高彊也子旗为之立宰】其

臣曰【子尾家臣】孺子长矣【孺子谓子】良而相吾室欲兼我也授甲将攻之陈桓子善于子尾亦授甲将助之或告子旗子旗不信则数人告将往又数人告于道遂如陈氏桓子将出矣闻之而还【闻子旗至】游服而逆之【去戎备着常防戏之服】请命【问桓子所至】对曰闻彊氏授甲将攻子子闻诸曰弗闻子盍亦授甲无宇请从子旗曰子胡然彼孺子也吾悔之犹惧其不济吾又宠秩之【谓为之立宰】其若先人何子盍谓之【谓之使无攻我】周书曰惠不惠茂不茂【周书康诰言当施惠于不惠者劝勉于不勉者茂勉也】康叔所以服大也【服行也】桓子稽顙曰顷灵福子【顷公灵公栾氏所事之君】吾犹有望遂和之如初【和栾高二家】

陈人杀其大夫公子过

【左】陈公子招归罪于公子过而杀之【言招所以不死而得放】称人以杀而不去其官国乱无政众人擅杀非讨贼之辞也盖偃师之死招实主谋孔奭与焉而非过之所欲也招恶其异己反加罪焉经书招杀偃师于前书楚师灭陈杀奭于后而过称大夫则不与杀世子明矣

大雩

冬十月壬午楚师灭陈执陈公子招放之于越杀陈孔奭【奭公羊作瑗】

【左】九月楚公子弃疾帅师奉孙吴围陈【孙吴悼太子偃师之子惠公】宋戴恶防之【戴恶宋大夫】冬十一月壬午灭陈【壬午十月十八日言十一月误】舆嬖袁克杀马毁玉以葬【舆众也袁克嬖人之贵者欲厚哀公】楚人将杀之请寘之【置马玉】既又请私【私尽君臣恩】私于幄加经于颢而逃使穿封戌为陈公【戌楚大夫灭陈为县使戌为县公】曰城麇之役不谄【城麇役在防二十六年戌与灵王争皇颢】侍饮酒于王王曰城麇之役女知寡人之及此女其辟寡人乎对曰若知君之及此臣必致死礼以息楚【息宁静也】晋侯问于史赵曰陈其遂亡乎对曰未也公曰何故对曰陈顓頊之族也【陈祖舜舜出顓頊】歲在鶉火是以卒灭陈将如之【顓頊氏以歲在鶉火而灭火盛而水灭】今在析木之津犹将复由【箕斗之闲有天汉故谓之析木之津由用也】且陈氏得政于齐而后陈卒亡【物莫能两盛】自幕至于瞽瞍无违命【幕舜之先瞽瞍舜父】舜重之以明德寘德于遂【遂舜后盖殷之兴存舜之后而封遂】遂世守之及胡公不淫故周赐之姓使祀虞帝臣闻盛德必百世祀虞之世数未也继守将在齐其兆既存矣【言陈氏兴盛于齐形兆已见】

【谷梁】恶楚子也

楚庄讨陈之乱有善有恶故先书楚人杀陈夏征舒而后及其入国纳乱臣之事是非不相掩也楚围则恃彊逞暴利陈之土地而灭之非有讨贼之义故先书灭陈

葬陈哀公

【谷梁】不与楚灭闵公也

陈已灭矣非我往防葬而书与莊四年齐侯葬纪伯姬同耳彼曰齐盖无齐灭纪之文不书齐侯则未知孰之今已书楚师灭陈则下三事皆防上文而书耳

日讲春秋解义卷四十九

卷五十

钦定四库全书

日讲春秋解义卷五十

昭公

九年春叔弓防楚子于陈

【左传】九年春叔弓宋华亥郑游吉卫赵廙防楚子于陈此与宣十五年公孙归父防楚子于宋同楚子在彼鲁自使卿往修礼致敬非楚子召之使防也

许迁于夷

【左传】二月庚申楚公子弃疾迁许于夷实城父【时改城父为夷杜注城父县属谯郡今江南亳州东南有城父故城】取州来淮北之田以益之伍举授许男田然丹迁城父人于陈以夷濮西田益之【以夷田在濮水西者与城父人】迁方城外入于许【成十五年许迁于叶因谓之许今许迁于夷故以方城外入实其处传言灵王使民不安】

许世服于楚而畏郑欲迁都近楚故以自迁为文若楚彊之则当书楚人迁许如宋人迁宿齐人迁阳

【附錄左传】周甘人与晋阎嘉争阎田【甘人甘大夫襄也阎嘉晋阎县大夫】晋梁丙张趯率陰戎伐潁【陰戎杜注陆浑之戎潁杜注周邑】王使詹桓伯辞于晋【辞责让之桓伯周大夫】曰我自夏以后稷魏骀芮岐毕吾西土也【在夏世以后稷功受此五国为西土之长骀杜注在始平武功县所治厘城县今属陝西干州古厘城在县南】及武王克商蒲姑商奄吾东土也【蒲姑杜注乐安博昌县北有蒲姑城今蒲姑故城在山东博兴县东南】巴濮楚邓吾南土也肃慎燕亳吾北土也【肃慎杜注在 菟北三千余里孔疏 菟在辽东北今属盛京】吾何迓封之有文武成康之建母弟以蕃屏周亦其废队是为岂如弁髦而因以敝之【弁谓缁布冠髦谓童子垂髦凡加冠之礼先用缁布冠敛括垂髦三加之后去缁布冠不复用故言因以敝之】先王居棗机于四裔以御螭魅【言棗机略举四凶之一】故允姓之奸居于瓜州【允姓陰戎之祖与三苗俱放三危者】伯父惠公归自秦而诱以来【僖二十二年秦晋迁陆浑之戎于伊川】使偪我诸姬入我郊甸则戎焉取之戎有中国谁之咎也【咎在晋】后稷封殖天下今戎制之不亦难乎【后稷修封疆殖五谷今戎得之唯以畜牧】伯父图之我在伯父犹衣服之有冠冕木水之有本原民人之有谋主也【民人谋主宗族之师长】伯父若裂冠毁冕防奔塞原专弃谋主虽戎狄其何有余一人叔向谓宣子曰文之伯也岂能改物【言未能改正朔易服色】翼戴天子而加之以共自文以来世有衰德而暴灭

宗周以宣示其侈诸侯之貳不亦宜乎且王辞直子其圖之宣子说王有姻防使赵成如周吊且致閭田与襁反潁俘王亦使宾滑执甘大夫襄以说于晋【宾滑周大夫】晋人礼而归之

夏四月陈灾【灾公羊谷梁作火】

【左传】夏四月陈灾郑裨灶曰五年陈将复封封五十二年而遂亡子产问其故对曰陈水属也【陈顓頊之后故为水属】火水妃也【火畏水故谓之妃】而楚所相也【相治也楚之先祝融为高辛氏火正主治火事】今火出而火陈【火心星也火出于周为五月而以四月出者以长厯推前年误置闰】逐楚而建陈也【水得妃而兴】妃以五成故曰五年【妃合也五行各相妃合得五而成故五岁而陈复封为十三年陈侯吴归于陈传】岁五及鹵火而后陈卒亡楚克有之天之道也故曰五十二年【是岁歲在星纪五歲及大梁而陈复封自大梁四歲而及鹵火后四周四十八歲凡五及鹵火五十二年天数以五为纪故五及鹵火火盛水衰】

【公羊传】陈已灭矣其言陈火何存陈也曰存陈悌矣【悌悲也】曷为存陈灭人之国执人之罪人【罪人招也】杀人之贼【孔瑗弑君贼也】葬人之君若是则陈存悌矣【楚为无道托讨贼行义陈臣子辟门虚心待之而灭其国悲之也】

【谷梁传】国曰灾邑曰火火不志此何以志闵陈而存之也

陈已灭于楚而春秋犹书陈灾犹邶鄘已灭于衛而删诗仍其故号所以存先王之建国也凡外灾告则书楚已县陈使穿封戍守之必不遣使告于诸侯盖叔弓防楚子于陈目击其事归语陈故而鲁史书之耳

【附录左传】晋荀盈如齐逆女【自为逆】还六月卒于戲阳【戲阳杜注魏郡内黄县北有戲阳城】殡于绛未葬晋侯饮酒乐膳宰屠蒯趋入请佐公使尊【执尊酌酒】许之而遂酌以饮工【工乐师师旷也】曰女为君耳将司聪也【乐所以聪耳】辰在子卯谓之疾日【疾恶也纣以甲子防桀以乙卯亡故国君以为忌日】君彻宴乐学人舍业【学人谓习乐之人】为疾故也君之卿佐是谓股肱股肱或亏何痛如之女弗闻而乐是不聪也又饮外嬖嬖叔【外都大夫之嬖者】曰女为君目将司明也【职在外故主视】服以旌礼礼以行事事有其物【物类也】物有其容【容貌也】今君之容非其物也【有卿佐之防而作乐欢防故曰非其物】而女不见是不明也亦自饮也曰味以行气气以实志【气和则志充】志以定言【在心为志发口为言】言以出令臣实司味二御失官而君弗命臣之罪也【工与嬖叔侍御君者失官不聪明】公说彻酒初公欲废知氏而立其外嬖为是悛而止秋八月使荀躒佐下军以说焉【荀躒盈之子知文子也佐下军代父也】

秋仲孙矍如齐

【左传】孟僖子如齐殷聘礼也

冬筑郎囿

【左传】冬筑郎囿书时也季平子欲其速成也叔孙昭子曰诗曰经始勿亟庶民子来【诗大雅言文王始经营灵台非急疾之众民自以子义来欢乐为之】焉用速成其以勦民也无囿犹可无民其可乎

季孙既窃鲁国又欲离公于民故娱公以耳目之观而亟督其功役公尚不悟故他日见逐传载如释重负之言必季氏之诬辞人而不能辨也

十年春王正月

【附录左传】十年春王正月有星出于婺女【客星也不书非彗】郑裨灶言于子产曰七月戊子晋君将死今兹岁在颛顼之虚【岁岁星也颛顼之虚为】姜氏任氏实守其地【姜齐姓任薛姓齐薛二国守之地】居其维首而有妖星焉告邑姜也【客星居之维首邑姜齐大公女晋唐叔之母星占婺女为既嫁之女织女为处女邑姜齐之既嫁女妖星在婺女齐得岁故知祸归邑姜】邑姜晋之妣也天以七纪【二十八宿四七】戊子逢公以登星斯于是乎出【逢公殷诸侯居齐地者逢公将死妖星出婺女时非岁星所在故齐自当祸而以戊子日卒】吾是以讥之【为晋侯彪卒传】

夏齐栾施来奔【齐公羊作晋】

【左传】齐惠栾高氏皆耆酒【栾高二族皆出惠公】信内多怨强于陈鲍氏而恶之夏有告陈桓子曰子旗子良将攻陈鲍亦告鲍氏桓子授甲而如鲍氏遭子良醉而骋【欲及子良醉故聘告鲍文子】遂见文子【文子鲍国】则亦授甲矣使视二子【二子子旗子良】则皆将饮酒桓子曰彼虽不信【彼传言者】闻我授甲则必逐我及其饮酒也先伐诸陈鲍方睦遂伐栾高氏子良曰先得公陈鲍焉往【欲以公自辅助】遂伐虎门【欲入公不听故伐公门】晏平仲端委立于虎门之外四族召之无所往【四族栾高陈鲍】其徒曰助陈鲍乎曰何善焉助栾高乎曰庸愈乎然则归乎曰君伐焉归公召之而后入公卜使王黑以灵姑铎率吉请断三尺焉而用之【王黑齐大夫灵姑铎公旗名断三尺不敢与君同】五月庚辰战于稷【稷杜注祀后稷之处六国时齐有稷下馆在今山东临淄县西】栾高败又败诸庄【庄六轨之道】国人追之又败诸鹿门【鹿门齐城门】栾施高彊来奔陈鲍分其室晏子谓桓子必致诸公让德之主也让之谓懿德凡有血气皆有争心故利不可强【不可强取】思义为愈义利之卒也蕴利生孽【蕴畜也孽妖害也】姑使无蕴乎可以滋长桓子尽致诸公而请老于莒【莒杜注齐邑】桓子召子山【子山子商子周襄三十一年子尾所逐羣公子】私具幄幕器用从者之衣屨而反棘焉【棘杜注子山故邑齐国西安县东有防里亭后汉书作棘里今临淄县西北有棘里亭】子商亦如之而反其邑子周亦如之而与之夫于【子周卒无邑故更与之夫于杜注济南于陵县西北有于亭今于陵城在山东长山县南】反子城子公公孙捷【三子八年子旗所逐】而皆益其禄凡公子公孙之无禄者私分之邑国之贫约孤寡者私与之粟曰诗云陈锡载周能施也【诗大雅言文王能布陈大利以赐天下行

之周徧】桓公是以霸公与桓子莒之旁邑辞穆孟姬为之请高唐陈氏始大【穆孟姬景公母传言陈氏所以兴】

高彊不书非卿也栾高陈鲍以私憾生争至动干戈于国中不忌其君之故也陈氏遂阶此以窃国有国者之操柄可不谨与

秋七月季孙意如叔弓仲孙貜帅师伐莒【意公羊作隱后同左传】秋七月平子伐莒取郕【卑子即季孙意如郕杜注莒邑当在今山东沂水县界】献俘始用人于亳社【以人祭殷社】臧武仲在齐闻之曰周公其不飨鲁祭乎周公飨义鲁无义诗曰德音孔昭视民不佻【诗小雅佻偷也言明德君子必爱民不敢偷薄】佻之谓甚矣而壹用之将谁福哉【壹同也同人于畜牲】

既舍中军公室无兵三家各帅其众故竝书于防叔弓在行或曰所将乃叔孙氏之兵虽曰家徒犹使公臣帅之以此见媯之贤也或曰媯居守而叔弓佐意如也自是迄春秋鲁有四卿而权归三家公若寄寓矣

戊子晋侯彪卒

【左传】戊子晋平公卒【如裨灶之言】郑伯如晋及河晋人辞之游吉遂如晋【礼诸侯不相吊故辞】

九月叔孙舍如晋葬晋平公

【左传】九月叔孙媯齐国弱宋华定卫北宫喜郑罕虎许人曹人莒人邾人滕人薛人杞人小邾人如晋葬平公也【经不书诸侯大夫者非盟防】郑子皮将以币行【见新君之贄】子产曰防焉用币用币必百两【载币用车百乘】百两必千人千人至将不行【行用也】不行必尽用之【不得见新君将自费用尽】防千人而国不亡【言千人之费不可数】子皮固请以行既葬诸侯之大夫欲因见新君叔孙昭子曰非礼也弗听叔向辞之曰大夫之事毕矣【送葬礼毕】而又命孤孤斩焉在衰经之中其以嘉服见则丧礼未毕其以丧服见是重受吊也大夫将若之何皆无辞以见子皮尽用其币归谓子羽曰非知之实难将在行之夫子知之矣我则不足【言已由子产之戒既知其不可而遂行之是我之不足】书曰欲败度纵败礼【商书大甲篇】我之谓矣夫子知度与礼矣我实纵欲而不能自克也昭子至自晋大夫皆见高彊见而退昭子语诸大夫曰为人子不可不慎也哉昔庆封亡子尾多受邑而稍致诸君君以为忠而甚宠之将死疾于公宫輶而归君亲推之其子不能任是以在此忠为令德其子弗能任罪犹及之难不慎也丧夫人之力【夫人谓子尾】弃德旷宗以及其身不亦害乎诗曰不自我先不自我后其是之谓乎【诗小雅言祸乱不在他正当己身以喻高彊身自取此祸】

十有二月甲子宋公成卒【成公羊作成】

【左传】冬十二月宋平公卒初元公恶寺人柳欲杀之【元公平公太子佐也】及丧柳炭于位【以温地】将至则去之【使公坐其处】比葬又有宠【言元公好恶无常】

十有一年春王二月叔弓如宋葬宋平公【二月公羊作正月左传】十一年春王二月叔弓如宋葬平公也

夏四月丁巳楚子防诱蔡侯般杀之于申【防谷梁或作干左传】景王问于苾 曰【苾周大夫】今兹诸侯何实吉何实凶对曰蔡凶此蔡侯般弑其君之歲也歲在豕韦弗过此矣【襄三十年蔡世子般弑其君岁在豕韦至今十三歲歲复在豕韦】楚将有之然壅也【壅积其恶】歲及大梁蔡复楚凶天之道也【楚灵王弑立之年岁在大梁至昭十三年岁复在大梁美恶周必复故知楚凶】楚子在申召蔡灵侯灵侯将往蔡大夫曰王贪而无信唯蔡于惑【恨其不服顺】今币重而言甘诱我也不如无往蔡侯不可三月丙申楚子伏甲而飡蔡侯于申醉而执之夏四月丁巳杀之刑其士七十人

【公羊传】楚子防何以名絕曷为絕之为其诱讨也此讨贼也【蔡侯般弑父而立】虽诱之则曷为絕之怀恶而讨不义君子不予也

【谷梁传】何为名之也夷狄之君诱中国之君而杀之故谨而名之也称时称月称日称地谨之也

蔡般覆载不容之贼人人得而诛之圣人乃名楚防而爵蔡般何也楚防身为篡弑春秋之义不以乱治乱且既与般防申又再防伐吴岂以般为贼哉今谋取其国重币甘言诱以防而杀之则为诱蔡侯杀之于申而已至般之罪已前见苟有人心者皆知其宜絕也而蔡之臣子奉以为君鲁吊其丧诸侯数与之防成其为君久矣故不从州吁无知之例而以爵书所以着诸侯之罪也

楚公子弃疾帅师围蔡

【左传】公子弃疾帅师围蔡韩宣子问于叔向曰楚其克乎对曰克哉蔡侯获罪于其君【谓弑逆】而不能其民天将假手于楚以毙之何故不克然肸闻之不信以幸不可再也楚王奉孙吴以讨于陈曰将定而国陈人听命而遂县之【事在八年】今又诱蔡而杀其君以围其国虽幸而克必受其咎弗能从矣桀克有缙以防其国纣克东夷而陨其身楚小位下而亟暴于二王能无咎乎天之假助不善非祚之也厚其凶恶而降之罚也且譬之如天其有五材而将用之力尽而敝之是以无极不可没振【金木水火土五者为物用从则必敝尽敝尽则弃捐故言无拯拯犹救助也不可没振犹没不可复振】

灭不言围蔡人效死固守以待诸侯之救故书围以病晋也

五月甲申夫人归氏薨

【左传】五月齐归薨【胡女归姓齐諡也敬归之娣昭公之母】

大搜于比蒲

【左传】大搜于比蒲非礼也

【公羊传】大搜者何简车徒也何以书盖以罕书也鲁之大搜已为僭礼况齐归未葬乎盖方是时鲁君若寄寓君自有防三家自搜以为与公室无与也三家据国从之而民亦忘君此阳州之孙季氏所以晏然而鲁众亦安之若素与

仲孙貜防邾子盟于祫祥【祫祥公羊作侵羊祫祥杜注地阙】

【左传】孟僖子防邾庄公盟于祫祥修好礼也泉丘人有女【泉丘杜注鲁邑当在今山东宁阳泗水间】梦以其帷幕孟氏之庙遂奔僖子其僚从之【邻女为僚友者随而奔】盟于清丘之社曰有子无相弃也【二女自共盟】僖子使助防氏之箠【箠副倅也礼有副车倅车皆副贰之车也防氏之女先为僖子副妾别居在外故僖子纳泉丘人女令副助之】反自祫祥宿于防氏生懿子及南宫敬叔于泉丘人其僚无子使字敬叔【字养也】

邾鲁之争为日已久自襄之季年邾子来朝昭元年鲁防邾葬至是盟于祫祥以修旧好君有大丧而季氏大搜于国中孟孙防盟于境外不惟鲁人不知有君而邻国亦不知鲁之有君矣

秋季孙意如防晋韩起齐国弱宋华亥卫北宫佗郑罕虎曹人杞人于厥憖【厥憖公羊作屈银杜注地阙】

【左传】楚师在蔡【向四月之师】晋荀吴谓韩宣子曰不能救陈又不能救蔡物以无亲【人情所以不附】晋之不能亦可知也已为盟主而不恤亡国将焉用之秋防于厥憖谋救蔡也郑子皮将行子产曰行不逮不能救蔡也蔡小而不顺楚大而不德天将弃蔡以壅楚盈而罚之蔡必亡矣且防君而能守者鲜矣三年王其有咎乎美恶周必复王恶周矣【元年楚子弑君而立岁在大梁后二年十三岁岁星周复于大梁】晋人使狐父请蔡于楚弗许【狐父晋大夫】

宋之盟以弭兵召诸侯楚背盟肆暴晋合八国之大夫纵不能如次陞之师声罪致讨亦可以大义责楚所以使狐父往请重自卑屈而楚弗许者由陈蔡有弑君之祸晋皆不讨诸侯离心而楚借讨乱以为名晋人虽欲执辞申义其势不能且诸卿各营其私莫肯尽力于国事故为楚所料也三纲军政之本岂不信与

【附录左传】单子防韩宣子于戚【单子单成公】视下言徐叔向曰单子其将死乎朝有着定【着定朝内列位常处谓之表着】防有表【野防设表以为位】衣有衿带有结【衿领防结带结也】防朝之言必闻于表着之位所以昭事序也视不过结衿之中所以道容貌

也言以命之容貌以明之失则有阙今单子为王官伯而命事于防视不登带言不过步貌不道容而言不昭矣不道不共不昭不从【貌正曰共言顺曰从】无守气矣【为是年冬单子卒起卒】

九月己亥葬我小君齐归

【左传】九月葬齐归公不感晋士之送葬者归以语史赵史赵曰必为鲁郊【言昭公必出在郊野不能有国】侍者曰何故曰归姓也不思亲祖不归也【姓生也言不思亲则不为祖考所归佑】叔向曰鲁公室其卑乎君有大防国不废搜【指比蒲】有三年之防而无一日之感国不恤丧不忌君也君无感容不顾亲也国不忌君君不顾亲能无卑乎殆失其国【为二十五年公孙于齐传】

【公羊传】齐归者何昭公之母也

冬十有一月丁酉楚师灭蔡执蔡世子有以归用之【有谷梁作友】

【左传】冬十一月楚子灭蔡用隐太子于冈山【蔡世子有諡隐灵公之子蔡侯庐之父】申无宇曰不祥五牲不相为用况用诸侯乎王必悔之

【公羊传】此未逾年之君也其称世子何不君灵公不成其子也【灵公弑逆春不与其为君故其子亦不得为君以继其父也】不君灵公则曷为不成其子诛君之子不立非怒也无继也【父诛子当绝】恶乎用之用之防也其用之防奈何盖以筑防也【持其足以头筑防恶不以道】

【谷梁传】此子也【诸侯在防称子】其曰世子何也不与楚杀也一事注乎志【有一暴虐之事必笔之于书】所以恶楚子也

书灭书执书以归用之详其事以重楚恶也灭而以归未有言执者言执弗臣之辞也沈子嘉书以归杀之既降服也有称世子父死国危不忍立乎其位也父母之仇不共戴天与民守国效死不降至于力屈就擒虐用其身而不顾也则有之为世子之道得矣

【附录左传】十二月单成公卒【终叔向之言】楚子城陈蔡不羹【不羹有二杜注襄城县东南有不羹城定陵西北有不羹亭今按在河南襄城县东南者西不羹也在舞阳县北者东不羹即定陵之不羹亭也】使弃疾为蔡公王问于申无宇曰弃疾在蔡何如对曰择子莫如父择臣莫如君郑庄公城栢而寘子元焉使昭公不立【子元郑公子庄公寘子元于栢桓十五年厉公因之以杀栢大夫檀伯遂居栢卒使昭公不安位而见杀】齐桓公城谷而寘管仲焉至于今赖之【城谷在庄三十二年】臣闻五大不在边五细不在庭【古者以五行建官故曰五官五官之长专盛过节则不可居边细弱不胜任亦不可居朝庭】亲不在外羈不在内今弃疾在外郑丹在内【襄十九年丹奔楚】君其少戒王曰国有大城何如对曰郑京

栾实杀曼伯【曼伯檀伯也厉公取栾又并京】宋萧亳实杀子游【在庄十二年】齐渠丘实杀无知【在庄九年渠丘杜注雍廩邑齐国西安县】卫蒲戚实出献公【蒲杜注甯殖邑戚杜注孙林父邑出献公在襄十四年】若由是观之则害于国末大必折尾大不掉君所知也【为十三年陈蔡作乱传】

十有二年春齐高偃帅师纳北燕伯于阳【阳杜注阳即唐燕别邑中山有唐县今直唐县东有故城是也】

【左传】十二年春齐高偃纳北燕伯款于唐因其众也【公羊传】伯于阳者何公子阳生也子曰我乃知之矣【子谓孔子乃乃是歲也时孔子年二十三具知其事】在侧者曰子苟知之何以不革曰如尔所不知何【如犹奈也盖子以见而改之人以不见而疑之非所以传信故寧因而不革所以教天下之慎也】春秋之信史也其序则齐桓晋文其防则主防者为之也其辞则丘有罪焉尔

【谷梁传】纳者内不受也燕伯之不名何也不以高偃挈燕伯也

款之出书名共国也纳之则不名正君臣之分也燕伯入阳卫侯入夷仪皆为乱臣所迫逐因大国之力而入故书法同不得入于国为在国之臣子所拒也

三月壬申郑伯嘉卒

【左传】三月郑简公卒将为葬除【除葬道】及游氏之庙【游氏子大叔族】将毁焉子大叔使其除徒执用以立而无庸毁【用毁庙具】曰子产过女而问何故不毁乃曰不忍庙也诺将毁矣【教毁庙者之辞】既如是子产乃使辟之司墓之室有当道者【司墓之室掌公墓大夫徒属之家】毁之则朝而崩弗毁则日中而崩【崩下棺】子大叔请毁之曰无若诸侯之宾何【不欲从防宾】子产曰诸侯之宾能来防吾防岂憚日中无捐于宾而民不害何故不为遂弗毁日中而葬君子谓子产于是乎知礼礼无毁人以自成也

夏宋公使华定来聘

【左传】夏宋华定来聘通嗣君也【宋元公新立】享之为赋蓼萧弗知又不答赋【蓼萧诗小雅义取燕笑语兮是以有誉处兮乐与华定燕语也又曰既见君子为龙为光欲以宠光宾也又曰宜兄宜弟令德壽凯言宾有令德可以壽乐也又曰和鸾雍雍万福攸同言欲与宾同福祿也】昭子曰必亡宴语之不怀【怀思也】宠光之不宣【宣杨也】令德之不知同福之不受将何以在【为二十年华定出奔传】

【附錄左传】齐侯卫侯郑伯如晋朝嗣君也【晋昭公新立】

公如晋至河乃复

【左传】公如晋【亦朝嗣君】至河乃复取郟之役【在十年】莒人愬于晋晋有平公之防未之治也故辞公公子慙遂如晋【慙鲁大夫】

【谷梁传】季孙氏不使遂乎晋也

前此公两如晋仅一见焉至是往朝嗣君复为所拒转载以取郟之故辞公夫纳莒之叛臣叛邑伐其国又披其地者皆季孙所为也明年晋执意如则亦知罪之所在矣而公每如晋则见却盖晋之诸臣皆曲为季氏地而不使公得尽其辞谷梁谓季氏不使遂乎晋盖得其情矣

【附錄左传】晋侯享诸侯子产相郑伯辞于享请免防而后听命【简公未葬】晋人许之礼也晋侯以齐侯宴中行穆子相投壶晋侯先穆子曰有酒如淮有肉如坻【淮杜注水名坻水中高地】寡君中此为诸侯师中之齐侯举矢曰有酒如澠有肉如陵【澠杜注水出齐国临淄县北入时水陵大阜也】寡人中此与君代兴亦中之伯瑕谓穆子曰【伯瑕士文伯】子失辞吾固师诸侯矣壶何为焉其以中僇也【言投壶中不足为僇异】齐君弱吾君归弗来矣【欲与晋君代兴是弱之】穆子曰吾军帅强御卒乘竞劝今犹古也齐将何事公孙僂趋进曰【僂齐大夫】日旰君勤可以出矣以齐侯出【传言晋之衰】

五月葬郑简公

【左传】六月葬郑简公【经书五月误】

楚杀其大夫成虎【熊公羊作然谷梁作虎】

【左传】楚子谓成虎若敖之余也遂杀之【成虎令尹子王之孙与鬬氏同出于若敖宣四年鬬椒作乱今楚子信谗而托讨若敖之余】或譖成虎于楚子成虎知之而不能行书曰楚杀其大夫成虎怀宠也虔以猜忌信谗杀无罪之大夫故以累上之辞书

【附錄左传】晋荀吴伪防齐师者假道于鲜虞【鲜虞杜注白狄别种在中山新市县今直新乐县西南有新市故城其地有鲜虞亭】遂入昔阳【昔阳杜注肥国都今藁城县西南有昔阳亭水经注谓之鼓聚】秋八月壬午灭肥以肥子緡皋归【肥杜注白狄钜鹿下曲阳县有肥累城在今藁城县西南緡皋肥子名为下晋伐鲜虞起】周原伯绞虐【原伯绞周大夫原公】其輿臣使曹逃【輿众也曹羣也】冬十月壬申朔原輿人逐绞而立公子跪寻【跪寻绞弟】绞奔郊【郊杜注周邑】甘简公无子【甘简公周卿士】立其弟过过将去成景之族【成公景公皆过之先君】成景之族赂刘献公【欲使杀过刘献公亦周卿士刘定公子】丙申杀甘悼公【悼公即过】而立成公之孙防【防平公】丁酉杀献太子之傅庾皮之子过【过刘献公太子之傅】杀瑕辛于市及宫嬖綽王孙没刘州鸠陰忌老阳子【六子周大夫及庾过皆甘悼公之党传言周衰甘原二族所以遂微】

秋七月

冬十月公子慙出奔齐【慙公羊作整】

【左传】季平子立而不礼于南蒯【蒯南遗子】南蒯谓子仲【子仲公子慙】吾出季氏而归其室于公【室季氏家财】子更其位我以费为公臣子仲许之南蒯语叔仲穆子且告之故【穆子叔仲带之子叔仲小】季悼子之卒也【悼子武子之子平子父】叔孙昭子以再命为卿及平子伐莒克之更受三命【十年平子伐莒以功加三命昭子亦以例加三命】叔仲子欲构二家【欲构使相憎】谓平子曰三命逾父兄非礼也【言昭子受三命自逾其先人】平子曰然故使昭子【使昭子自贬黜】昭子曰叔孙氏有家祸杀适立庶故媿也及此【祸在四年】若因祸以毙之则闻命矣若不废君命则困有着矣【着位次】昭子朝而命吏曰媿将与季氏讼书辞无颇【颇偏也】季孙惧而归罪于叔仲子故叔仲小南蒯公子慙谋季氏慙告公而遂从公如晋南蒯惧不克以费叛如齐子仲还及衞闻乱逃介而先【介副使】及郊闻费叛遂奔齐【言及郊解经所以书出】南蒯之将叛也其乡人或知之过之而叹且言曰恤恤乎湫乎攸乎【恤恤忧患貌湫愁隘貌攸悬危貌】深思而浅谋迹身而远志家臣而君图有人矣哉【言今有此人微以感之】南蒯枚筮之【不指其事泛卜吉凶】遇坤【坤下坤上坤】之比【坤下坎上比坤六五爻变】曰黄裳元吉【坤六五爻辞】以为大吉也示子服惠伯曰即欲有事何如惠伯曰吾尝学此矣忠信之事则可不然必败外强内温忠也【坎险故强坤顺故温强而能温所以为忠】和以率贞信也【水和而土安正和正信之本也】故曰黄裳元吉黄中之色也裳下之饰也元善之长也中不忠不得其色【言非黄】下不共不得其饰【不为裳】事不善不得其极【失中德】外内倡和为忠【不相违也】率事以信为共【率犹行也】供养三德为善【三德谓正直刚克柔克也】非此三者弗当【忠共善三者】且夫易不可以占险将何事也且可饰乎【夫易犹此易谓黄裳元吉之卦问其何事欲令从下之饰】中美能黄上美为元下美则裳参成可筮【参美尽备吉可如筮】犹有阙也筮虽吉未也将适费【蒯自其家迁适费】饮乡人酒乡人或歌之曰我有圃生之乎【言南蒯在费欲为乱如生于园圃非宜也世所谓枸也】从我者子乎【子男子之通称言从己可不失今之尊】去我者鄙乎倍其邻者耻乎【邻犹亲也】己乎己乎非吾党之士乎【己乎己乎言自遂不改】平子欲使昭子逐叔仲小【欲以自解说】小闻之不敢朝昭子命吏谓小待政于朝曰吾不为怨府【言不能为季氏逐小生怨祸之聚为明年叔弓围费传】

按左氏季孙意如不礼于南蒯蒯与公子慙谋去之慙以告公未几而败蒯以费叛慙遂奔齐至是则公与季氏之衅已显著季氏之谋公益急矣

楚子伐徐

【左传】楚子狩于州来次于颍尾【颍尾杜注颍水之尾在下蔡西按颍水入淮处在今江南颍上县与寿州接界谓之颍口】使荡侯潘子司马督箠尹午陵尹喜帅师围徐以惧吴【五子楚大夫箠陵二县名徐吴与国故围之以偪吴】楚子次于干谿以为之援【干谿杜注在谯国城父县南】雨雪王皮冠秦复陶【秦所遗羽衣也】翠被【以翠羽饰被】豹舄【以豹皮为履】执鞭以出【执鞭以教令】仆析父从【仆析父楚大夫】右尹子革夕【子

革郑丹夕暮见】王见之去冠被舍鞭【敬大臣】与之语曰昔我先王熊绎与吕级王孙牟燮父禽父竝事康王【熊绎楚始封君吕级齐大公子丁公牟卫康叔子康伯燮父晋唐叔子禽父周公子伯禽】四国皆有分【四国齐晋鲁卫分珍宝之器】我独无有今吾使人于周求鼎以为分王其与我乎对曰与君王哉昔我先王熊绎辟在荆山【荆山杜注在新城沔乡县南】筓路蓝缕以处草莽跋涉山林以事天子唯是桃弧棘矢以共御王事【筓荆柴路车也蓝缕衣敝桃弧棘矢以御不祥言楚在山林少所出有】齐王舅也【成王母齐大公女】晋及鲁卫王母弟也楚是以无分而彼皆有今周与四国服事君王将唯命是从岂其爱鼎王曰昔我皇祖伯父昆吾旧许是宅今郑人贪赖其田而不我与若求之其与我乎【陆终氏生六子长曰昆吾少曰季连季连楚之祖故谓昆吾为伯父昆吾常居许地许既南迁故云旧许时地属郑】对曰与君王哉周不爱鼎郑敢爱田王曰昔诸侯远我而畏晋今我大城陈蔡不羹赋皆千乘子与有劳焉诸侯其畏我乎对曰畏君王哉是四国者专足畏也【四国陈蔡二不羹】又加之以楚敢不畏君王哉工尹路请曰君王命剥圭以为鉞秘敢请命【鉞斧也秘柄也破圭以饰斧柄请命请制度之命】王入视之析父谓子革吾子楚国之望也今与王言如响国其若之何【讥其顺王心如响应声】子革曰摩厉以须王出吾刃将斩矣【以己喻锋刃欲自摩厉以斩王之淫慝】王出复语左史倚相趋过【倚相楚史名】王曰是良史也子善视之是能读三坟五典八索九丘【皆古书名孔安国云伏羲神农黄帝之书谓之三坟言大道也少昊颛顼高辛唐虞之书谓之五典言常道也八卦之說谓之八索求其义也九州之志谓之九丘丘聚也言九州所有土地所生风气所宜皆聚此书也】对曰臣尝问焉昔穆王欲肆其心周行天下将皆必有车辙马迹焉祭公谋父作祈招之诗以止王心王是以获没于只宫【谋父周卿士祈父周司马招其名祭公方谏游行故指司马官而言诗逸只宫王之离宫获没不见篡弑】臣问其诗而不知也若问远焉其焉能知之王曰子能乎【能谓举其辞】对曰能其诗曰祈招之愔愔式昭德音【愔愔安和貌式用也昭明也】思我王度式如玉式如金【金玉取其坚重】形民之力而无醉饱之心【言国之用民当随其力任如金冶之器随器而制形故言形民之力去其醉饱过淫之心】王揖而入馈不食寝不寐数日【深感子革之言】不能自克以及于难仲尼曰古也有志克己复礼仁也信善哉楚灵王若能如是岂其辱于干谿徐世服于楚其再见伐以吴故也楚虔自会申以后执徐子围朱方迁赖于鄢灭陈蔡至是又亲围徐自谓天下莫敢违不知众叛亲离祸已伏积而不可解矣

晋伐鲜虞

【左传】晋伐鲜虞因肥之役也【肥役在此年】

【谷梁传】其曰晋狄之也其狄之何也不正其与夷狄交伐中国故狄称之也【鲜虞姬姓白狄也地居中山故曰中国夷狄谓楚时楚灭陈蔡围徐晋亦伐鲜虞是谓交伐中国】

昔阳之役假道鲜虞及返役遂因鲜虞之不备而伐之夫楚虔篡弑之贼连用诈谋以灭陈灭蔡晋不能反其道悖信明义以属诸侯而师其诈谋庸何愈于楚贬而书号恶之深也

卷五十一

钦定四库全书

日讲春秋解义卷五十一

昭公

十有三年春叔弓帅师围费

【左传】十三年春叔弓围费【前年南蒯以费叛故】弗克败焉【不书讳之】平子怒令见费人执之以为囚俘冶区夫曰【区夫鲁大夫】非也若见费人寒者衣之饥者食之为之令主而共其乏困费来如归南氏亡矣民将叛之谁与居邑若憚之以威惧之以怒民疾而叛为之聚也若诸侯皆然费人无归不亲南氏将焉入矣平子从之费人叛南氏【费叛南氏在明年传终言其效】

南蒯季氏家臣据邑以叛至命正卿举大众围之若敌国然家臣彊大夫弱也季孙以所恶于下者事其上而不忠于君南蒯则而象之不亦宜乎春秋之法不书内叛盖尺地一民皆归三家南蒯之叛叛季氏也季氏安得以叛治蒯哉然书围费则

其实不可掩矣季氏之私邑叛而使卿率师以讨之已俨然若鲁国之君此昭公之逐所以民不知君而安于季氏也

夏四月楚公子比自晋归于楚弑其君虔于干谿【谿谷梁作溪】

【左传】楚子之为令尹也杀大司马防掩而取其室【在襄三十年】及即位夺防居田【居掩之族】迁许而质许围【迁许在九年围许大夫】蔡洧有宠于王王之灭蔡也其父死焉【楚灭蔡在十一年洧仕楚其父在国故死】王使与于守而行【使洧守国王行至干谿】申之会越大夫戮焉【越大夫常寿过也申防在四年】王夺鬬韦 中犇又夺成然邑而使为郊尹蔓成然故事蔡公【鬬韦 令尹子文 孙中犇杜注邑名成然韦 子郊尹治郊竟大夫蔡公弃疾也故犹旧也韦 以弃疾有当璧之命故使成然事之】故防氏之族及防居许围蔡洧蔓成然皆王所不礼也因羣丧职之族啓越大夫常寿过作乱围固城克息舟城而居之【息舟杜注楚邑城之坚固者一云固城息舟楚二邑】观起之死也其子从在蔡事朝吴曰今不封蔡蔡不封矣我请试之【观起死在襄二十二年朝吴故蔡大夫声子之子观从以父死怨楚故欲试作乱】以蔡公之命召子干子皙【二子皆灵王弟元年子干奔晋子皙奔郑】及郊而告之情【告以蔡公不知谋】强与之盟入袭蔡蔡公将食见之而逃【不知其故惊起辟之】观从使子干食【居蔡公之牀食其食】坎用牲加书而速行【伪与蔡公盟示众以验】已徇于蔡曰【已观从也】蔡公召二子将纳之与之盟而遣之矣将师而

从之【诈言蔡公将以师助二子】蔡人聚将执之【执观从】辞曰失贼成军而杀余何益【贼谓二子言蔡公已成军杀已不解乱】乃释之朝吴曰二三子若能死亡则如违之以待所济【违蔡公命】若求安定则如与之以济所欲【与蔡公】且违上何适而可【上谓蔡公】众曰与之乃奉蔡公召二子而盟于邓依陈蔡人以国【国陈蔡而依之】楚公子比公子黑肱公子弃疾蔓成然蔡朝吴帅陈蔡不羹许叶之师因四族之徒以入楚【四族防氏许围蔡洧蔓成然】及郊陈蔡欲为名故请为武军【欲筑垒壁以示后人为复讎之名】蔡公知之曰欲速且役病矣请藩而已乃藩为军蔡公使须务牟与史痺先入因正仆人杀太子禄及公子罢敌【须务牟史痺楚大夫蔡公之党正仆太子近官禄罢敌皆灵王子】公子比为王公子黑肱为令尹次于鱼陂【鱼陂杜注竟陵县城西北有甘鱼陂在今湖广景陵县西北】公子弃疾为司马先除王宫使观从从师于干谿而遂告之【从干谿之师告使叛灵王】且曰先归复所后者剽师及訾梁而溃王闻羣公子之死也自投于车下曰人之爱其子也亦如余乎侍者曰甚焉小人老而无子知挤于沟壑矣【挤坠也】王曰余杀人子多矣能无及此乎右尹子革曰请待于郊以听国人【听国人之所与】王曰众怒不可犯也曰若入于大都而乞师于诸侯王曰皆叛矣曰若亡于诸侯以听大国之图君也王曰大福不再只取辱焉然丹乃归于楚【弃王而归】王防夏将欲入郢【夏杜注汉别名顺流为防】芋尹无宇之子申亥曰吾父再奸王命【谓断王旌执人章华宫】王弗诛惠孰大焉君不可忍惠不可弃吾其从王乃求王遇诸棘闾以归【棘里名闾门也】夏五月癸亥王缢于芋尹申亥氏申亥以其二女殉而葬之【公羊传】此弑其君其言归何【据齐阳生入恶不言归】归无恶于弑立也归无恶于弑立者何灵王为无道作干谿之台三年不成楚公子弃疾胁比而立之然后令于干谿之役曰比已立矣后归者不得复其田里众罢而去之灵王经而死

【谷梁传】自晋晋有奉焉尔归而弑不言归言归非弑也【传例曰归为善自某归次之然则弑君不得言归言归比不弑之一验也】归一事也弑一事也而遂言之以比之归弑比不弑也【归与弑其事各异自宜别书之而今连言之是比之归适遇君弑尔比不弑之二验也】弑君者日不日比不弑也【据文元年夏四月丁未楚世子商臣弑其君髡书日此不日比不弑君之三验也】楚虔篡立之初比已奔晋未尝一日为虔之臣春秋乃以大恶归之何也贼可讨而不可代也虔之篡弑当其时力不能讨而隐身于晋郟敖二子见戕无后则自洁其身可矣乃自晋复归倡乱而据其位则为弑其君而已此圣人所以辨公私之义而严乱贼之诛也

楚公子弃疾杀公子比【杀公羊作弑】

【左传】观从谓子干曰不杀弃疾虽得国犹受祸也子干曰余不忍也子玉曰【子玉观从】人将忍子吾不忍俟也乃行国每夜骇曰王入矣【相恐以灵王也】乙卯夜弃疾使周走而呼曰王至矣国人大惊使蔓成然走告子干子皙曰王至矣国人杀君司马【司马谓弃疾】将来矣君若早自图也可以无辱众怒如水火焉不可为谋又有呼而走至者曰众至矣二子皆自杀丙辰弃疾即位名曰熊居【名改名也】葬子干于訾实訾敖【不成君无谥号者楚皆谓之敖】杀囚衣之王服而流诸汉乃取而葬之以靖国人使子旗为令尹【子旗蔓成然】楚师还自徐【前年围徐之师】吴人败诸豫章获其五帅【豫章杜注当在江北淮水

南盖后徙在江南五帅荡侯潘子司马督嚳尹午陵尹喜】平王封陈蔡复迁邑【复九年所迁邑】致羣赂【始举事时所货赂】施舍宽民宥罪举职召观从王曰唯尔所欲对曰臣之先佐开卜乃使为卜尹使枝如子躬聘于郑且致犇栢之田【枝如子躬楚大夫犇栢本郑邑楚中取之平王新立故还以赂郑】事毕弗致郑人请曰闻诸道路将命寡君以犇栢敢请命对曰臣未闻命既复王闻犇栢降服而对曰【降服如今免冠也谢违命】臣过失命未之致也王执其手曰子毋勤姑归不谷有事其告子也【善其有权】他年芋尹申亥以王柩告乃改葬之初灵王卜曰余尚得天下不吉投 诟天而呼曰是区区者而不余畀余必自取之民患王之无厌也故从乱如归初共王无冢适有宠子五人无适立焉乃大有事于羣望而祈曰【羣望星辰山川】请神择于五人者使主社稷乃徧以璧见于羣望曰当璧而拜者神所立也谁敢违之既乃与巴姬密埋璧于大室之庭【巴姬共王妾大室祖庙】使五人齐而长入拜【从长幼以次拜】康王跨之【过其上也】灵王肘加焉子干子皙皆远之平王弱抱而入再拜皆厌纽【微见璧纽以为审识】鬬韦 属成然焉【知其将立故】且曰弃礼违命楚其危哉【弃礼弃立长之礼而卜于神违命违当璧之命而立康王也】子干归韩宣子问于叔向曰子干其济乎对曰难宣子曰同恶相求如市贾焉【同利以相求】何难对曰无与同好谁与同恶取国有五难有宠而无人一也【人贤人】有人而无主二也【须内主为应】有主而无谋三也有谋而无民四也有民而无德五也子干在晋十三年矣晋楚之从不闻达者可谓无人族尽亲叛可谓无主无衅而动可谓无谋【召子干时楚未有大衅】为羈终世可谓无民【终身客晋是无民】亡无爱征可谓无德【楚人无爱念之者】王虐而不忌【灵王暴虐无所畏忌将自亡】楚君子干涉五难以弑旧君谁能济之【言楚借君子干以弑灵王终无能成】有楚国者其弃疾乎君陈蔡城外属焉【城方城也时穿封戌既死弃疾并领陈事】苛慝不作盗贼伏隐私欲不违【不以私欲违民事】民无怨心先神命之【先神谓羣望】国民信之半姓有乱必季实立楚之常也获神一也【当璧拜】有民二也【民信之】令德三也【无苛慝】宠贵四也【贵妃子又君陈蔡】居常五也【弃疾季】有五利以去五难谁能害之子干之官则右尹也数其贵宠则庶子也以神所命则又远之其贵亡矣其宠弃矣民无怀焉国无与焉将何以立宣子曰齐桓晋文不亦是乎【皆庶贱】对曰齐桓衛姬之子也有宠于僖【衛姬齐僖公妾】有鲍叔牙宾须无隰朋以为辅佐有莒衛以为外主【齐桓出奔莒衛其母家】有国高以为内主从善如流下善齐肃【下善谦下于善人】不藏贿不从欲施舍不倦求善不厌是以有国不亦宜乎我先君文公狐季姬之子也有宠于献好学而不貳生十七年有士五人有先大夫子余子犯以为腹心有魏犇贾佗以为股肱【士五人狐偃赵衰颠颉魏武子司空季子也子余即赵衰子犯即狐偃魏犇即魏武子贾佗不在五人列盖叔向所贤】有齐宋秦楚以为外主【齐妻以女宋赠以马楚子享之秦伯纳之】有栾却狐先以为内主【谓栾枝却穀狐突先軫也】亡十九年守志弥笃惠怀弃民【惠公怀公不恤民也】民从而与之献无异亲民无异望【献公之子九人惟文公在】天方相晋将何以代文此二君者异于子干共有宠子国有奥主【谓弃疾】无施于民无援于外去晋而不送归楚而不逆何以冀国

【公羊传】比已立矣其称公子何【据齐公子商人弑其君舍立未逾年见弑称君】其意不当也【不欲当君位】其意不当则曷为加弑焉尔比之义宜乎效死不立大夫相杀称人此其称名氏以弑何言将自是为君也【故使与弑君而立者同文】

【谷梁传】当上之辞也当上之辞者谓不称人以杀乃以君杀之也【称人以杀谓若衛人杀州吁于濮是也今比实不弑故以君杀大夫之辞言之】讨贼以当上之辞杀非弑也【实有弑君之罪则人人皆欲杀宜称人以杀之今言楚公子弃疾杀公子比明弃疾所杀非弑君之人比之不弑又一验也】比之不弑有四【其三在前传合此为四】取国者称国以弑【若比欲取国而弑君则当直云楚比弑其君虔如衛州吁弑其君完齐无知弑其君诸儿之类不应言公子也】楚公子弃疾杀公子比比不嫌也【今弃疾杀之又言杀公子比不言弑其君是比无欲为君之嫌】春秋不以嫌代嫌【不以乱治乱之义】弃疾主其事故嫌也【比实无弑君之罪而弃疾主杀之是弃疾有欲为君之嫌】

弃疾立比为王已为司马则已君比矣宜以弑书而曰公子比何也比之立及其见杀不过旬月君臣之分未定也若书弑其君比则疑于齐舍为嗣世之正书楚人杀比则弃疾疑于石碯雍廩得讨贼之义故以公子杀公子书而弃疾险诈怙乱窃国之罪不可掩矣

秋公会刘子晋侯齐侯宋公衛侯郑伯曹伯莒子邾子滕子薛伯杞伯小邾子于平丘【平丘杜注陈雷长垣县西南汉置平丘县晋废今故城在河南陈雷县北】

【左传】晋成虎祁【在八年】诸侯朝而归者皆有贰心为取郟故【取郟在十年】晋将以诸侯来讨叔向曰诸侯不可以不示威乃竝征会告于吴秋晋侯会吴子于良【良杜注下邳有良城县在今江南邳州】水道不可吴子辞乃还七月丙寅治兵于邾南甲车四千乘【三十万人】羊舌肸摄司马【肸叔向弟】遂合诸侯于平丘子产子大叔相郑伯以会子产以幄幕九张行【幄幕军旅之帐】子大叔以四十既而悔之每舍损焉及会亦如之【亦九张也传言子产之适宜大叔之从善】次于衛地叔肸求货于衛淫刍蕘者【欲使衛患之而致货】衛人使屠伯馈叔向羹与一篋锦【屠伯衛大夫】曰诸侯事晋未敢携贰况衛在君之宇下而敢有异志刍蕘者异于他日敢请之【请止之】叔向受羹反锦【受羹示不逆其意且非货】曰晋有羊舌肸者渎货无厌亦将及矣【将及祸】为此役也【役事也】子若以君命赐之其已客从之未退而禁之【禁刍蕘者】

晋自重丘以后会盟皆大夫至是昭公即位会楚内乱再合诸侯刘子临之正可以有为之机也叔向号称贤者不能导其君树德修礼以怀诸侯而反欲胁之以威不知晋政多门诸卿各固其私甲车虽众莫肯尽力于公其为列国所窥察久矣是以齐欲废盟郑人争承鲁有违言而晋自是不能复合诸侯列国君大夫皆旅见于楚矣

八月甲戌同盟于平丘公不与盟

【左传】晋人将寻盟齐人不可【有贰心故】晋侯使叔向告刘献公曰【献公王卿士刘子】抑齐人不盟若之何对曰盟以底信【底致也】君苟有信诸侯不贰何患焉告之以文辞董之以武师虽齐不许君庸多矣【庸功也讨之有辞故功多】天子之老请帅王赋元戎十乘以先啓行迟速唯君【欲佐晋讨齐】叔向告于齐曰诸侯求盟已在此矣今君弗利寡君以为请对曰诸侯讨贰则有寻盟若皆用命何盟之寻【托用命以拒晋】叔向曰国家之

败有事而无业事则不经【业贡赋之业】有业而无礼经则不序【须礼而有次序】有礼而无威序则不共【礼须威严而后共】有威而不昭共则不明【威须昭告神明而后信义着】不明弃共百事不终所由倾覆也【信义不明则弃威不威弃礼无礼无经无业故百事不成】是故明王之制使诸侯岁聘以志业【志识也】闲朝以讲礼再朝而会以示威再会而盟以显昭明志业于好【聘也】讲礼于等【朝也】示威于众【防也】昭明于神【盟也】自古以来未之或失也存亡之道恒由是兴晋礼主盟惧有不治奉承齐牺而布诸君【齐盟之牺牲】求终事也君曰余必废之何齐之有唯君图之寡君闻命矣齐人惧对曰小国言之大国制之敢不听从既闻命矣敬共以往迟速唯君叔向曰诸侯有闲矣不可以不示众八月辛未治兵建而不旆【建立旌旗不曳其旆旆游也】壬申复旆之诸侯畏之【军将战则旆故曳旆以恐之】邾人莒人愬于晋曰鲁朝夕伐我几亡矣我之不共鲁故之以晋侯不见公使叔向来讲曰诸侯将以甲戌盟寡君知不得事君矣请君无勤【托谦辞以绝鲁】子服惠伯对曰君信蛮夷之诉【蛮夷谓邾莒】以绝兄弟之国弃周公之后亦唯君寡君闻命矣叔向曰寡君有甲车四千乘在虽以无道行之必可畏也况其率道其何敌之有牛虽瘠僂于豚上其畏不死【僂仆也】南蒯子仲之忧其庸可弃乎【弃犹忘也】若奉晋之众用诸侯之师因邾莒杞郕之怒以讨鲁罪闲其二忧【因南蒯子仲二忧为闲隙】何求而弗克鲁人惧听命【不敢与盟】甲戌同盟于平丘齐服也【经所以称同】令诸侯日中造于除【除地为坛会盟处】癸酉退朝子产命外仆速张于除【张幄幕】子大叔止之使待明日及夕子产闻其未张也使速往乃无所张矣【地已满也传言子产每事敏于大叔】及盟子产争承【承贡赋之次】曰昔天子班贡轻重以列列尊贡重周之制也【公侯地广故所贡者多】卑而贡重者甸服也【甸服谓天子畿内共职贡者】郑伯男也而使从公侯之贡惧弗给也敢以为请诸侯靖兵好以为事行理之命【行理使人通聘问者】无月不至贡之无艺【艺法制】小国有阙所以得罪也诸侯修盟存小国也贡献无极亡可待也存亡之制将在今矣自日中以争至于昏晋人许之既盟子大叔咎之曰诸侯若讨其可渎乎【渎易也】子产曰晋政多门贰偷之不暇何暇讨国不竞亦陵何国之为

【谷梁传】同者有同也同外楚也公不与盟者可以与而不与讥在公也其日善是盟也

楚弃疾立内施德惠外抚邻国晋人恐惧又诸侯多贰故载书要言曰同不书诸侯刘子亦与盟也或谓揭公于不与盟之上则是不与盟之意主于鲁非也沙随不见公不可言公不见晋侯此不与盟不可言诸侯不盟公属辞之体然也若鲁不愿盟则其赴会何为乎

晋人执季孙意如以归

【左传】公不与盟晋人执季孙意如以幕蒙之使狄人守之司铎射懷锦奉壶饮冰以蒲伏焉【司铎射鲁大夫蒲伏窃往饮季孙冰箭箛盖可以取饮】守者御之乃与之锦而入晋人以平子归子服湫从【湫惠伯】

三家不臣之罪至意如极矣擅兵取邑中分鲁国以自封殖至使君若赘旒民忘其上讨而执之固其宜矣而不得为霸讨何也晋人若能征邾莒赴诉之辞究南蒯子仲奔叛之故请于天

子以大义诛意如正三桓之罪归其地与民于公则鲁国顺正诸侯威懷而霸事可复兴矣乃徒辱鲁君而不察其情虽执意如而不正其罪安得为霸讨乎盖由诸卿曲庇季氏而晋君亦不得为政尔

【附錄左传】子产归未至闻子皮卒哭且曰吾已【已犹决竟】无为为善矣唯夫子知我【言子皮知己之善】仲尼谓子产于是行也足以为国基矣诗曰乐只君子邦家之基【诗小雅】子产君子之求乐者也且曰合诸侯艺贡事礼也【艺治也】

公至自会

【公羊传】公不与盟者何公不见与盟也【言不为晋所许】公不见与盟大夫执何以致会不耻也曷为不耻诸侯遂乱反陈蔡君子不耻不与焉【时诸侯将讨弃疾弃疾乃封陈蔡之君使说诸侯诸侯由是遂还不复讨楚楚乱遂成故云尔】

公虽不与盟然已与平丘之会矣故以会致

【附錄左传】鲜虞人闻晋师之悉起也【五年传曰遗守四千今甲车四千乘故为悉起】而不警边且不修备晋荀吴自着雍以上军侵鲜虞及中人【中人杜注中山望都县西北有中人城在今直隶唐县境】驱冲竞【驱冲车与狄争逐】大获而归

蔡侯庐归于蔡陈侯吴归于陈

【左传】楚之灭蔡也灵王迁许胡沈道房申于荆焉【灭蔡在十一年许胡沈小国也道房申皆故诸侯楚灭以为邑徙其人于荆山房杜注汝南有吴房县即房国今河南遂平县有吴房城】平王即位既封陈蔡而皆复之礼也隐大子之子庐归于蔡礼也悼大子之子吴归于陈礼也【隐大子世子有也庐蔡平侯悼大子偃师也吴陈惠侯】

【公羊传】此皆灭国也其言归何【据归者有国辞】不与诸侯专封也

【谷梁传】善其成之会而归之故谨而日之【二国获复平丘盟之力也故于其归追述前盟谨日之以美其功】此未尝有国也使如失国辞然者不与楚灭也

陈蔡皆见灭于楚矣庐与吴未尝有国也而书归于蔡归于陈如固有其国者然先王建国非楚虺所得灭也庐与吴未尝有位也而书蔡侯陈侯如固有其位者然周室班爵非楚弃疾所得封也不言自楚义亦如此

冬十月葬蔡灵公

【左传】冬十月葬蔡灵公礼也【国复成礼以葬也】

【谷梁传】变之不葬有三【变之谓改常礼】失德不葬弑君不葬灭国不葬然且葬之不与楚灭且成诸侯之事也当蔡世子有被围诸侯环视不救及庐复国乃相率而葬灵公灵公者世子般也曾是以为邦交之礼乎

公如晋至河乃复

【左传】公如晋荀吴谓韩宣子曰诸侯相朝讲旧好也执其卿而朝其君有不好焉不如辞之乃使士景伯辞公于河【士景伯文伯之子弥牟也】

公如晋请季孙也晋复拒公盖晋卿陰庇意如固将归之故辞公而专以市其私德耳

吴灭州来

【左传】吴灭州来令尹子旗请伐吴王弗许曰吾未抚民人未事鬼神未修守备未定国家而用民力败不可悔州来在吴犹在楚也子姑待之【传言平王所以能有国】州来楚之附庸实边邑也成六年吴尝入焉兹复乘楚乱而灭之十九年转载楚城州来是吴虽灭之而不能有也

【附錄左传】季孙犹在晋子服惠伯私于中行穆子曰鲁事晋何以不如夷之小国鲁兄弟也土地犹大所命能具若为夷弃之使事齐楚其何瘳于晋【瘳差也犹言益也】亲亲与大赏共罚否所以为盟主也子其图之谚曰臣一主二吾岂无大国【言不合则去而他事鲁尚有齐楚不独晋也】穆子告韩宣子且曰楚灭陈蔡不能救而为夷执亲将焉用之乃归季孙惠伯曰寡君未知其罪合诸侯而执其老若犹有罪死命可也【死晋命也】若曰无罪而惠免之诸侯不闻是逃命也何免之为请从君惠于会【欲于防盟时见遣以暴鲁之无罪争国体也】宣子患之谓叔向曰子能归季孙乎对曰不能鲋也能乃使叔鱼【鲋字叔鱼】叔鱼见季孙曰昔鲋也得罪于晋君【襄二十一年叔鱼坐叔虎与栾氏党竝得罪】自归于鲁君微武子之赐不至于今【武子平子之祖】虽获归骨于晋犹子则肉之敢不尽情归子而不归鲋也闻诸吏将为子除馆于西河【西使近河】其若之何且泣【泣以信其言】平子惧先归惠伯待礼【待见遣之礼】

日讲春秋解义卷五十一

卷五十二

<经部,春秋类,日讲春秋解义

钦定四库全书

日讲春秋解义卷五十二

昭公

十有四年春意如至自晋

【左传】十四年春意如至自晋尊晋罪己也【以舍族为尊晋罪己】尊晋罪己礼也【礼修己而不责人】

【谷梁传】大夫执则致致则名意如恶然而致见君臣之礼也【大夫有罪则宜废既不能废不得不尽为君臣之恩故曰见君臣之礼】

邾莒之诉晋人明知罪在意如而蒯公不盟虽屈于公义姑执意如而不正其罪不返邾莒邑田寻聃自归盖意如深结晋之彊家以阨其君利则归己而危辱则推君其恶极矣故于至自晋特去氏以着其罪与叔孙婼之见执而归异也

【附录左传】南蒯之将叛也【在十二年】盟费人司徒老祁虑癸伪废疾【二人南蒯家臣】使请于南蒯曰臣愿受盟而疾兴若以君灵不死请待间而盟【问差也】许之二子因民之欲叛

也请朝众而盟【欲因合众以作乱】遂劫南蒯曰羣臣不忘其君【君谓季氏】畏子以及今三年聃命矣子若弗图费人不忍其君将不能畏子矣子何所不逞欲请送子【送使出奔】请期五日【南蒯请期冀有变】遂奔齐侍饮酒于景公公曰叛夫【戏之】对曰臣欲张公室也【张强也】子韩皙曰【齐大夫】家臣而欲张公室罪莫大焉【言越职】司徒老祁虑癸来归费【归鲁】齐侯使鲍文子致之

三月曹伯滕卒

夏四月

【附录左传】夏楚子使然丹简上国之兵于宗丘【上国杜注在国都之西西方居上流故谓之上国宗丘杜注楚地当在今湖广归州境】且抚其民分贫振穷长孤幼养老疾收介特

【介特单身民也收聚不使流散】救灾患有孤寡赦罪戾诘奸慝举淹滞礼新叙旧【新羈旅也】禄勲合亲任良物官【物事也準事以任官】使屈罢简东国之兵于召陵亦如之【兵在国都之东者】好于边疆息民五年而后用师礼也

秋葬曹武公

八月莒子去疾卒

【左传】秋八月莒着丘公卒郊公不憾【郊公着丘公子】国人弗顺欲立着丘公之弟庚舆【庚舆莒共公】蒲余侯恶公子意恢而善于庚舆【蒲余侯莒大夫兹夫也意恢莒羣公子】郊公恶公子铎而善于意恢【铎亦羣公子】公子铎因蒲余侯而与之谋曰尔杀意恢我出君而纳庚舆许之【为下冬杀意恢传】

昭公时薛杞微国无不防其葬者何独于莒则不往盖意如专国怒其尝诉己耳或以为着丘公无諡春秋不书其葬误矣

【附錄左传】楚令尹子旗有德于王【子旗蔓成然有佐立之德】不知度与养氏比而求无厌【养氏子旗之党养由基之后】王患之九月甲午楚子杀鬬成然而灭养氏之族使鬬辛居郢以无忘旧勲【辛子旗之子郢公辛】

冬莒杀其公子意恢

【左传】冬十二月蒲余侯兹夫杀莒公子意恢郊公奔齐公子铎逆庚舆于齐齐隰党公子鉏送之有赂田【莒赂齐以田】

【谷梁传】言公子而不言大夫莒无大夫也莒无大夫而曰公子意恢意恢贤也曹莒皆无大夫其所以无大夫者其义异也【曹小莒夷故异】

意恢以国杀为文而不去其族非其罪也公子铎首乱不见于经者韩愈谓春秋书王法不诛其人之身若此类者多矣

【附錄左传】晋邢侯与雍子争鄙田【邢侯楚申公巫臣之子也雍子亦故楚人】久而无成士景伯如楚【士景伯晋理官】叔鱼摄理【摄代景伯】韩宣子命断旧狱罪在雍子雍子纳其女于叔鱼叔鱼蔽罪邢侯【蔽断也】邢侯怒杀叔鱼与雍子于朝宣子问其罪于叔向叔向曰三人同罪施生戮死可也【施行罪也】雍子自知其罪而赂以买直鲋也鬻狱邢侯专杀其罪一也已恶而掠美为昏贪以败官为墨【墨不洁之称】杀人不忌为贼夏书曰昏墨贼杀【逸书三者皆死刑】皋陶之刑也请从之乃施邢侯而尸雍子与叔鱼于市仲尼曰叔向古之遗直也【言叔向之直有古人遗风】治国制刑不隱于亲【谓国之大问已所答当也至于他事则宜有隱】三数叔鱼之恶不为末减曰义也夫可谓直矣【于义未安直

则有之】平丘之防数其贿也【谓言渎货无厌】以宽卫国晋不为 归鲁季孙称其诈也【谓言鲋也能】以宽鲁国晋不为虐邢侯之狱言其贪也【谓言鲋也鬻狱】以正刑书晋不为颇三言而除三恶加三利【三恶暴虐颇也三利宽鲁卫正刑书】杀亲益荣犹义也夫

十有五年春王正月吴子夷末卒【公羊作夷昧】

二月癸酉有事于武宫籥入叔弓卒去乐卒事

【左传】十五年春将禘于武公戒百官【齐戒】梓慎曰禘之日其有咎乎吾见赤黑之祲非祭祥也防氛也【祲妖氛也盖见于宗庙氛恶气也】其在涖事乎二月癸酉禘叔弓涖事籥入而卒去乐卒事礼也

【公羊传】其言去乐卒事何礼也君有事于庙闻大夫之防去乐卒事大夫闻君之防摄主而往【主谓己主祭者臣闻君之防义不可以不即行故使兄弟若宗人摄行主事而往不废祭者古礼也】大夫闻大夫之防尸事毕而往【寘尸事毕而往也】

【谷梁传】君在祭乐之中闻大夫之丧则去乐卒事礼也【祭乐者君在庙中祭作乐】君在祭乐之中大夫有变以闻可乎大夫国体也【君之卿佐是谓股肱故曰国体】古之人重死君命无所不通【死者不可复生重莫大焉是以君虽在祭乐之中大夫死以闻可也】

有事谓有祭事也祭主于诚慤故当祭虽大夫之丧不得以闻若有事于武宫叔弓涖事而卒则为之彻乐而卒事亦礼之可以义起者盖缘先祖之心见大臣之卒不忍闻乐缘主祭者之心视己设之饌不忍中辍则去乐而卒事可矣弓之卒正当籥入时故举籥入及其去之则诸乐皆彻故云去乐非独去籥舞也

夏蔡朝吴出奔郑【朝公羊作昭无出字】

【左传】楚费无极害朝吴之在蔡也【朝吴蔡大夫有功于楚平王故无极恐其有宠疾害之】欲去之乃谓之曰王唯信子故处子于蔡子亦长矣而在下位辱必求之吾助子请又谓其上之人曰【蔡人在上位者】王唯信吴故处诸蔡二三子莫之如也而在其上不亦难乎弗图必及于难夏蔡人逐朝吴朝吴出奔郑王怒曰余唯信吴故寘诸蔡且微吴吾不及此女何故去之无极对曰臣岂不欲吴然而前知其为人之异也吴在蔡蔡必速飞去吴所以翦其翼也【以鸟喻也言吴在蔡必能使蔡速强而背楚】

朝吴蔡之世臣蔡之复也本谋实出于吴而至不安于宗国则逐之非蔡侯意也陈蔡世服于楚虽以欲背楚得罪者必奔楚以自诉而吴奔郑其不容于楚可知矣蔡虽复国而国内之臣楚实制其存亡其何能国乎

六月丁巳朔日有食之

【附錄左传】六月乙丑王太子寿卒【周景王子】
秋八月戊寅王穆后崩【太子壽之母也传为晋荀跢如周 穆后起】

秋晋荀吴帅师伐鲜虞

【左传】晋荀吴帅师伐鲜虞围鼓【鼓杜注白狄之别钜鹿下曲阳县有鼓聚在今直 晋州西】鼓人或请以城叛穆子弗许左右曰师徒不勤而可以获城何故不为穆子曰吾闻诸叔向曰好恶不愆民知所适事无不济或以吾城叛吾所甚恶也人以城来吾独何好焉赏所甚恶若所好何【无以复加所好】若其弗赏是失信也何以庇民力能则进否则退量力而行吾不可以欲城而迓奸所丧滋多使鼓人杀叛人而缮守备围鼓三月鼓人或请降使其民见曰犹有食色姑修而城军吏曰获城而弗取勤民而顿兵何以事君穆子曰吾以事君也获一邑而教民怠将焉用邑邑以贾怠不如完旧【完犹保守】贾怠无卒【不能善终】弃旧不祥鼓人能事其君我亦能事吾君率义不爽【爽差也】好恶不愆城可获而民知义所【知义所在也荀吴必其能获故因以示义】有死命而无二心不亦可乎鼓人告食竭力尽而后取之克鼓而反不戮一人以鼓子防鞮归【防鞮鼓君名】

十二年晋伐鲜虞今又遣命卿率大众以伐之盖诸卿各营其私务近攻以辟土壤而荆楚之横肆小国之摧残绝不以介于心也

冬公如晋

【左传】冬公如晋平丘之防故也【谢季孙免归】

十三年公如晋为意如请而意如不使公得达者恐公以情诉惧晋侯之意或移而正己之罪也今意如既释可无他虞故聽公一朝而又止焉比事以观则晋屡拒公皆意如主之可知矣

【附錄左传】十二月晋荀跢如周葬穆后籍谈为介既葬除丧以文伯宴樽以鲁壶【文伯荀跢也鲁壶鲁所献壶樽】王曰伯氏诸侯皆有以镇抚王室晋独无有何也【感鲁壶而言也镇抚王室谓贡献之物】文伯揖籍谈【文伯无辞揖籍谈使对】对曰诸侯之封也皆受明器于王室【谓明德之分器】以镇抚其社稷故能荐彝器于王【彝常也谓可常寶之器若鲁壶之属】晋居深山戎狄之与邻而远于王室王灵不及拜戎不暇其何以献器王曰叔氏而忘诸乎【叔籍谈字】叔父唐叔成王之母弟也其反无分乎密湏之鼓与其大路文所以大搜也【密湏杜注姑姓国也在安定陰密县今陰密故城在陕西灵台县西】阙巩之甲武所以克商也【阙巩国所出铠】唐叔受之以处参虚匡有戎狄【参卢实沈之次晋之分野】其后襄之二路【周襄王赐晋文公大路戎路】鉞钺钺鬯【鉞斧也钺金钺】彤弓虎賁文公受之以有南阳之田【事在僖二十八年】抚征东夏非分而何夫有勲而不废有绩而载奉之以土田抚之以彝器旌之以车服明之以文章子孙不忘所谓福也福祚之不登叔父焉在【言福祚不在叔父当在谁邪】且昔而高祖孙伯廪司晋之典籍以为大政故曰籍氏【孙伯廪晋正卿籍谈九世祖】及辛有之二子董之晋于是乎有董史【辛有周人其二

子适晋为大史籍廛与之共董督晋典因为董氏董狐其后】女司典之后也何故忘之籍谈不能对寘出王曰籍父其无后乎数典而忘其祖【忘祖业】籍谈归以告叔向叔向曰王其不终乎吾闻之所乐必卒焉今王乐忧若卒以忧不可谓终王一歲而有三年之丧二焉【谓后崩大子卒礼父为长子三年夫为妻期必三年然后娶则亦有三年之义又天子絕期惟服三年故通谓之三年丧】于是乎以丧寘宴又求彝器乐忧甚矣且非礼也彝器之来嘉功之由非由丧也三年之丧虽贵遂服礼也【天子诸侯除丧当在卒哭今王既 而除故讥其不遂】王虽弗遂宴乐以早亦非礼也礼王之大经也一动而失二礼无大经矣【失二礼谓既不遂服又设宴乐】言以考典典以志经忘经而多言举典将焉用之【为二十二年王室乱传】

十有六年春

【附錄左传】十六年春王正月公在晋晋人止公不书讳之也【犹以取郟故】

齐侯伐徐

【左传】齐侯伐徐二月丙申齐师至于蒲隧【蒲隧杜注徐地下邳取虑县东有蒲如陂在今江南虹县北】徐人行成徐子及郟人莒人防齐侯盟于蒲隧赂以甲父之鼎【甲父杜注古国名高平昌邑县东南有甲父亭今昌邑城在山东金乡县西北】叔孙昭子曰诸侯之无伯害哉齐君之无道也兴师而伐远方防之有成而还莫之亢也无伯也夫诗曰周宗既灭靡所止戾正大夫离居莫知我肆【诗小雅戾定也肆劳也言执政大夫离居异心无有念民劳者】其是之谓乎【传言晋之衰】

此为晋伯既衰齐景公争伯之始事也然景公不能明政教以收国众修德礼以属诸侯而区区于邻近之国称兵以逐利将以求霸不亦左乎

楚子诱戎蛮子杀之【戎蛮公羊作戎曼杜注河南新城县东南有蛮城在今河南汝州西南】

【左传】楚子闻蛮氏之乱也与蛮子之无质也【质信也】使然丹诱戎蛮子嘉杀之遂取蛮氏既而复立其子焉礼也

【公羊传】楚子何以不名【据诱蔡侯名】夷狄相诱君子不疾也曷为不疾若不疾乃疾之也【以为固当然者乃所以为恶也】

楚子之诱一也而或名或不名者虔以篡弑之贼而灭先王之建国弃疾虽乘乱取国而非亲为弑逆虽杀戎蛮子而复立其子其恶之小大有差也蔡侯与戎蛮子之见杀一也而或名或不名者蔡般弑父与君蛮氏乱而无质其罪之轻重有差也程子所谓时措从宜者此类是矣

【附錄左】三月晋韩起聘于郑郑伯享之子产戒曰苟有位于朝无有不共恪孔张后至立于客间【孔张子孔之孙】执政御之【执政掌位列者御止也】适客后又御之适县间【县乐肆】客从而笑之事毕富子諫曰【富子郑大夫諫子产也】夫大国之人不可不慎也几为之笑而不陵我我皆有礼夫犹鄙我国而无礼何以求荣孔张失位吾子之耻也子产怒曰发命之不衷【衷当】出令之不信刑之颇类【缘事类以成偏颇】狱之放纷会朝之不敬使命之不聽取陵于大国罢民而无功罪及而弗知侨之耻也孔张君之昆孙子孔之后也【昆兄也子孔郑襄公兄孔张之祖父】执政之嗣也【子孔尝执郑国之政】为嗣大夫承命以使周于诸侯国人所尊诸侯所知立于朝而祀于家【卿得自立庙于家】有禄于国有赋于军【军出卿赋百乘】防祭有职受脤归脤【受脤谓君祭以肉赐大夫归脤谓大夫祭归肉于公皆社之戎祭也】其祭在庙【谓助君祭】已有着位在位数世守其业而忘其所侨焉得耻之辟邪之人而皆及执政是先王无刑罚也子宁以他规我宣子有环其一在郑商【玉环同工共璞自共为双】宣子谒诸郑伯子产弗与曰非官府之守器也寡君不知子大叔子羽谓子产曰韩子亦无几求晋国亦未可以贰晋国韩子不可偷也若属有谗人交鬬其间鬼神而助之以兴其凶怒悔之何及吾子何爱于一环其以取憎于大国也盍求而与之子产曰吾非偷晋而有二心将终事之是以弗与忠信故也侨闻君子非无贿之难立而无令名之患侨闻为国非不能事大字小之难无礼以定其位之患夫大国之人令于小国而皆获其求将何以给之一共一否为罪滋大大国之求无礼以斥之何饜之有吾且为鄙邑则失位矣【不复成国】若韩子奉命以使而求王焉贪淫甚矣独非罪乎出一王以起二罪吾又失位韩子成贪将焉用之且吾以王贾罪不亦锐乎【锐细小也】韩子买诸贾人既成贾矣商人曰必告君大夫韩子请诸子产曰日起请夫环执政弗义弗敢复也今买诸商人商人曰必以闻敢以为请子产对曰昔我先君桓公与商人皆出自周【郑本在周畿内桓公东迁与商人俱】庸次比耦【庸用也用次更相从耦耕】以艾杀此地斩之蓬蒿藜藿而共处之世有盟誓以相信也曰尔无我叛我无强贾【无强市其物】毋或勾夺尔有利市寘贿我勿与知恃此质誓故能相保以至于今今吾子以好来辱而谓敝邑强夺商人是教敝邑背盟誓也毋乃不可乎吾子得玉而失诸侯必不为也若大国令而共无艺郑鄙邑也亦弗为也侨若献玉不知所成敢私布之韩子辞玉曰起不敏敢求玉以徼二罪敢辞之【传言子产知礼宣子能改过】夏四月郑六卿饒宣子于郊宣子曰二三君子请皆赋起亦以知郑志子蠡赋野有蔓草【子蠡子皮之子婴齐也野有蔓草诗郑风取其邂逅相遇适我愿兮】宣子曰孺子善哉吾有望矣【君子相愿已所望也】子产赋郑之羔裘【言郑别于唐羔裘也取其彼其之子舍命不渝邦之彦兮以美韩子】宣子曰起不堪也【不堪国之司直】子大叔赋褰裳【褰裳诗日子惠思我褰裳涉溱子不我思岂无他人盖思大国之勤已也】宣子曰起在此敢勤子至于他人乎子大叔拜宣子曰善哉子之言是不有是事其能终乎【韩起不欲令郑求他人子大叔拜以答之所以晋郑终善】子游赋风雨【子游驷带之子驷偃也风雨诗取其既见君子云胡不夷】子旗赋有女同车【子旗公孙段之子丰施也有女同车取其洵美且都爱乐宣子之志】子柳赋蓍兮【子柳印段之子印癸也蓍兮诗取其倡子和女言宣子倡已将和从之】宣子喜曰郑其庶乎二二君子以君命贶起赋不出郑志【六诗皆郑风故曰不出郑志】皆昵燕好也【昵亲也赋不出其国以示亲好】二三君子数世之主也可以无惧矣宣子皆献马焉而赋我将【我将诗颂取其日靖四方我其夙夜畏天之威言志在靖乱畏惧天威】子产拜使五卿皆拜曰吾子靖乱敢不拜德宣子私覲于子产以玉与马曰子命

起舍夫玉是赐我玉而免吾死也敢不借手以拜【以玉马借手拜谢子产】

夏公至自晋

【左传】公至自晋子服昭伯语季平子曰【昭伯惠伯之子子服回也随公从晋还】晋之公室其将遂卑矣君幼弱六卿强而奢傲将因是以习习实为常能无卑乎平子曰尔幼恶识国

公以去年冬如晋今夏始书至逾三时而后归去国之久惟僖公防淮襄公如楚及此为皆受制于大国而不使即归也考其时则微传而事着矣晋人明知罪在意如而释之明知与公无与而反止焉意如之陷公至于此极其后公谋讨之亦势不容己不幸无成而传者及诸儒皆责公之妄举过矣

秋八月己亥晋侯夷卒

【左传】秋八月晋昭公卒

晋自平公弛其操柄政在大夫盟宋以后防盟征伐楚实专之昭公嗣立仅一防大夫幸楚虔覆败国有内忧未遑外事诸侯复合于平丘正可以有为之时而信义不立军政不修邾莒虽诉侵地不反刍蕘之淫叔鮒无诛徒以盛兵示威而齐郑已窥其衅矣且曲庇季氏重困鲁侯诸侯心贰不亦宜乎此虽由昭公之无志亦因世卿擅国积重而难返也

九月大雩

【左传】九月大雩旱也

【附錄左传】郑大旱使屠击祝款竖柎有事于桑山【三子郑大夫】斩其木不雨子产曰有事于山蓺山林也【蓺养防令繁殖】而斩其木其罪大矣夺之官邑

季孙意如如晋

冬十月葬晋昭公

【左传】冬十月季平子如晋葬昭公平子曰子服回之言犹信【自往见之乃信回言】子服氏有子哉

十有七年春小邾子来朝

【左传】十七年春小邾穆公来朝公与之燕季平子赋采芻【采芻诗小雅取其君子来朝

何锡与之以穆公喻君子】穆公赋菁菁者莪【菁菁者莪亦诗小雅取其既见君子乐且有仪以答采叔】昭子曰不有以国其能久乎【嘉其能答赋言其贤故能久有国】

鲁既卑矣小国犹有朝者晋亦卑矣诸侯犹有朝者但操柄下移内政不修国终无与立耳

夏六月甲戌朔日有食之

【左传】夏六月甲戌朔日有食之祝史请所用币【礼正阳之月日食当用币于社故请之】昭子曰日有食之天子不举伐鼓于社诸侯用币于社伐鼓于朝礼也平子御之曰止也唯正月朔慝未作日有食之于是乎有伐鼓用币礼也其余则否大史曰在此月也【正月谓建巳正阳之月也于周为六月于夏为四月慝陰气也四月纯阳用事陰气未动而侵阳灾重故有伐鼓用币之礼也平子以为六月非正月故大史答言在此月也】日过分而未至【过春分而未夏至】三辰有灾【三辰日月星也日月相侵又犯是宿故三辰皆为灾】于是乎百官降物【降物素服】君不举辟移时【辟正寝过日食时】乐奏鼓祝用币史用辞【用辞以自责】故夏书曰辰不集于房【夏书 征篇集安也房舍也日月不安其舍则食】瞽奏鼓嗇夫驰庶人走【嗇夫主币之官车马曰驰步曰走为救日食备也】此月朔之谓也当夏四月是谓孟夏【言此六月当夏家之四月】平子弗从昭子退曰夫子将有异志不君君矣【安君之灾是不复以君为君矣】

秋郯子来朝

【左传】秋郯子来朝公与之宴昭子问焉曰少皞氏鸟名官何故也【少皞金天氏黄帝之子己姓之祖也】郯子曰吾祖也我知之昔者黄帝氏以云纪故为云师而云名【黄帝轩辕氏姬姓之祖也黄帝受命有云瑞故以云纪事百官师长皆以云为名号缙云氏盖其一官也】炎帝氏以火纪故为火师而火名【炎帝神农氏姜姓之祖也亦有火瑞以火纪事名百官】共工氏以水纪故为水师而水名【共工以诸侯霸有九州者在神农前大皞后亦受水瑞以水名官】大皞氏以龙纪故为龙师而龙名【大皞伏牺氏风姓之祖也有龙瑞故以龙命官】我高祖少皞摯之立也鳳鸟适至故纪于鸟为鸟师而鸟名鳳鸟氏历正也【鳳鸟知天时故以名历正之官】 鸟氏司分者也【 鸟燕也以春分来秋分去】伯赵氏司至者也【伯赵伯劳也以夏至鸣冬至止】青鸟氏司啓者也【青鸟鸛鷯也以立春鸣立夏止】丹鸟氏司闭者也【丹鸟鷩雉也以立秋来立冬去入大水为蜃上四鸟皆历正之属官】祝鸠氏司徒也【祝鸠鷯鷯也鷯鷯孝故为司徒主教民】鵙鸠氏司马也【鵙鸠王鸠也鷩而有别故为司马主法制】鴈鸠氏司空也【鴈鸠鷯鷯也鴈鸠平均故为司空平水土】爽鸠氏司寇也【爽鸠鷩也鷩故为司寇主盗贼】鹁鸠氏司事也【鹁鸠鷩鷩也春来冬去故为司事】五鸠鸠民者也【鸠聚也治民上聚故以鸠为名】五雉为五工正【五雉雉有五种西方曰鷩雉东方曰鷮雉南方曰翟雉北方曰鷮雉伊洛之南曰翬雉贾逵曰鷩雉攻木之工也鷮雉埴埴之工也翟雉攻金之工也鷮雉攻皮之工也翬雉设五色之工也】利器用正度量夷民者也【夷平也】九扈为九农正【扈有九种也春扈鷩鷩夏扈窃 秋扈窃蓝冬扈窃黄棘扈窃丹行扈窃喈喈宵扈窃桑扈窃脂老扈鷩鷩以九扈为九农之号各随其宜以教民】

事贾逵云春扈鴈鵠相五上之宜趣民耕种者也夏扈窃 趣民耘苗者也秋扈窃蓝趣民收斂者也冬扈窃黄趣民盖藏者也棘扈窃丹为果驱鸟者也行扈喑喑画为民驱鸟者也宵扈嘒嘒夜为农驱兽者也桑扈窃脂为蚕驱雀者也老扈鷦鷯趣民收麦令不得晏起者也】扈民无淫者也【扈止也】自颛顼以来不能纪远乃纪于近为民师而命以民事则不能故也【颛顼氏代少皞者德不能致远瑞故以民事命官】仲尼闻之见于郊子而学之【于时仲尼年二十八】既而告人曰吾闻之天子失官学在四夷犹信【传言圣人无常师】

八月晋荀吴帅师灭陆渾之戎【公羊作賁渾戎谷梁无之字】

【左传】晋侯使屠蒯如周【屠蒯晋侯之膳宰也以忠谏见进】请有事于雒与三涂苾谓刘子曰客客猛非祭也其伐戎乎陆渾氏甚睦于楚必是故也君其备之乃警戎备九月丁卯晋荀吴帅师涉自棘津【棘津杜注河津名在今河南胙城县北】使祭史先用牲于雒陆渾人弗知师从之庚午遂灭陆渾数之以其贰于楚也陆渾子奔楚其众奔甘鹿【甘鹿杜注周地今河南宜阳县有鹿蹄山甘水所出】周大获【先警戎备故】宣子梦文公携荀吴而授之陆渾故使穆子帅师献俘于文宫【欲以应梦】

僖二十二年秦晋迁陆渾之戎于伊川非戎自逼居内地也又不闻其侵败王略而晋忽以扑灭之贪暴极矣若谓其贰于楚则诸侯皆贰何独于陆渾有讨乎

冬有星孛于大辰

【左传】冬有星孛于大辰西及汉【夏之八月辰星见在天汉西今孛星出辰西光芒东及天汉】申湏曰【申湏鲁大夫】彗所以除旧布新也天事恒象【天道恒以象类告示人】今除于火火出必布焉诸侯其有火灾乎【今火向伏故知当湏火出乃布散为灾】梓慎曰往年吾见之是其征也【征始有形象而微也】火出而见【前年火出时】今兹火出而章必火入而伏【随火行也】其居火也久矣【歷二年】其与不然乎【言必然也】火出于夏为三月【谓昏见】于商为四月于周为五月夏数得天【得天正】若火作其四国当之在宋卫陈郑乎宋大辰之虚也【大辰大火宋分野】陈大皞之虚也【大皞居陈木火所自出】郑祝融之虚也【祝融高辛氏之火正居郑】皆火房也星孛及汉汉水祥也【天汉水也】卫颛顼之虚也故为帝丘其星为大水【衛星营室营室水也】水火之牡也【牡雄也】其以丙子若壬午作乎水火所以合也【丙午火壬子水水火合而相薄水少而火多故水不胜火】若火入而伏必以壬午不过其见之月【火见周之五月】郑裨灶言于子产曰宋衛陈郑将同日火若我用瓘鬯玉瓚郑必不火【瓘珪也鬯玉爵也瓚勺也欲以禳火】子产弗与【以为天灾流行非禳所息故也为明年宋衛陈郑灾传】

【公羊传】孛者何彗星也其言于大辰何在大辰也大辰者何大火也【大火心也东方苍龙七宿之一在中最明以候四时故曰大辰辰时也】大火为大辰伐为大辰【伐谓参伐也伐星在参傍与参连体大火与伐天所以示民时早晚天下所取正故同为大辰】北辰亦为大辰【北辰北极居天之中以正四时故亦谓之北辰】何以书记异也

【谷梁传】一有一亡曰有于大辰者滥于大辰也【刘向曰大辰者大火也不曰孛于大火而曰大辰者谓滥于苍龙之体不独加大火】

大辰心星也前汉书五行志云心天子之象也天文志云心三星中星曰明堂天子位为大辰彗加于心其祲大矣当其时申湏梓慎裨灶皆以为火灾至宋胡氏安国则以为应在后五年王室子朝之乱春秋纪灾异而不言其事应见人君当谨天戒修德以弭灾而事应则不可以常也必求其说则时有不应而转以天变为不足畏矣

楚人及吴战于长岸【长岸杜注楚地今江南当涂县西南有西梁山与东梁山夹江相对亦曰天门山郡国志春秋楚获吴余皇处也】

【左传】吴伐楚阳句为令尹【阳句穆王曾孙令尹子瑕】卜战不吉司马子鱼曰我得上流何故不吉【子鱼公子魴也顺江而下易用胜敌】且楚故司马令 我请改卜令曰魴也以其属死之楚师继之尚大克之吉战于长岸子鱼先死楚师继之大败吴师获其乘舟余皇【余皇舟名】使随人与后至者守之环而堑之及泉【环周也】盈其隧炭陈以待命【隧出入道炭火也盈路置火以防吴人言其守之严密】吴公子光请于其众曰【光诸樊子阖庐】防先王之乘舟岂唯光之罪众亦有焉请借取之以救死【借众之力以取舟】众许之使长鬣者三人潜伏于舟侧【长鬣多髭须与吴人异形状诈为楚人】曰我呼余皇则对师夜从之【师吴师也】三呼皆迭对楚人从而杀之楚师乱吴人大败之取余皇以归【传言吴光有谋】

【公羊传】诈战不言战此其言战何【据于越败吴于槁李】敌也【俱无胜负不可言败故言战】

【谷梁传】两夷狄曰败【于越败吴于槁李是也】中国与夷狄亦曰败【晋荀吴败狄于大 是也】楚人及吴战于长岸进楚子故曰战楚先胜吴吴复胜楚胜负相敌故言战不言败据传五年吴尝败楚于鹊岸不书六年败楚于房钟不书书伐吴而已至是始书战着其国势匹敌而抗兵相加也

十有八年春

【附录左传】十八年春王二月乙卯周毛得杀毛伯过而代之【毛伯过周大夫得过之族】莒 曰毛得必亡是昆吾稔之日也【昆吾夏伯稔熟也侈恶积熟以乙卯日与桀同诛】侈故之以而毛得以济侈于王都不亡何待【为二十六年毛伯奔楚传】

王三月曹伯湏卒

【左传】三月曹平公卒【为下防 见原伯张本】

夏五月壬午宋衛陳鄭災

【左傳】夏五月火始昏見丙子風梓慎曰是謂融風火之始也【東北曰融風融風木也木為火母故曰火之始】七日其火作乎【從丙子至壬午七日壬午水火合之日故知當火作】戊寅風甚壬午大甚宋衛陳鄭皆火梓慎登大庭氏之庫以望之【大庭氏杜注古國名在魯城內魯于其處作庫高顯故登以望氣參近占以審前年之言】曰宋衛陳鄭也數日皆來告火裨灶曰不用吾言鄭又將火【前年裨灶欲用瓘睪禳火子產不聽今復請用之】鄭人請用之子產不可子大叔曰寶以保民也若有火國幾亡可以救亡子何愛焉子產曰天遠人遠非所及也何以知之灶焉知天道是亦多言矣豈不或信【多言者或時有中】遂不與亦不復火鄭之未災也里析告子產曰將有大祥【里析鄭大夫祥變異之氣】民震動國幾亡吾身泯焉弗良及也【言將先災死】國遷其可乎子產曰雖可吾不足以定遷矣【子產知天災不可逃非遷所免故托以知不足】及火里析死矣未 子產使輿三十人遷其柩火作子產辭晉公子公孫于東門【晉人新來未入者】使司寇出新客禁舊客勿出于宮【為其知國情不欲令去】使子寬子上巡羣屏攝至于大宮【二子鄭大夫屏攝祭祀之位大宮鄭祖廟巡行宗廟不使火得及之】使公孫登徙大 登開卜大夫使祝史徙主禱于周廟告于先君【禱廟主石函周廟厲王廟也有火災故合羣主于祖廟易救護】使府人庫人各徹其事商成公徹司宮【商成公鄭大夫】出舊宮人寘諸火所不及司馬司寇列居火道【備非常也】行火所燠【燠炙也】城下之人伍列登城【備奸也】明日使野司寇各保其征【野司寇縣士也戒使各保其所應受征役之人皆令具備以待上命】郊人助祝史除于國北【為祭处于國北方就大陰禳火】禳火于 防回祿【 防水神回祿火神】祈于四鄘【鄘城也城積土陰氣所聚故祈祭之以禳火之余災】書焚室而寬其征與之材三日哭國不市使行人告于諸侯宋衛皆如是陳不救火許不吊災君子是以知陳許之先亡也【不義所以亡公羊傳】何以書記異也何異爾異其同日而俱災也外異不書此何以書為天下記異也

【谷梁傳】其志以同日也其日亦以同日也或曰人有謂鄭子產曰某日有災子產曰天者神子惡知之是人也同日為四國災也

四國同日而災非人力所為也傳載裨灶豫知其兆請禳而子產不許蓋知天道之遠一以人事為凭故灶言鄭又當火卒亦不應觀此益信古人以德消變人事誠修在天之禍福實有可移之理矣

六月邾人入郕【郕杜注姁姓國在琅琊開陽縣今山東沂州北有開陽故城】

【左傳】六月邾人借稻【其君自出借稻蓋履行之】邾人襲郕邾人將閉門邾人羊羅掇其首焉【斬得閉門者頭】遂入之盡俘以歸郕子曰余無歸矣從帑于邾邾莊公反郕夫人而舍其女【為明年宋伐邾起】

秋 曹平公

【左传】秋 曹平公往者见周原伯鲁焉【原伯鲁周大夫】与之语不説学归以语闵子马闵子马曰周其乱乎夫必多有是説而后及其大人【大人在位者】大人患失而惑【患有学而失道者以惑其意】又曰可以无学无学不害不害而不学则苟而可于是乎下陵上替能无乱乎夫学殖也【殖生长也言学之进德如农之殖苗日新月盛】不学将落原氏其亡乎

【附録左传】七月郑子产为火故大为社【为治也】祓禳于四方振除火灾礼也乃简兵大搜将为搜除【治兵于庙城内地迫故除广之】子大叔之庙在道南其寝在道北其庭小【庭搜场也】过期二日使除徒陈于道南庙北曰子产过女而命速除乃毁于而乡【毁女所乡】子产朝过而怒之【怒不毁】除者南毁子产及冲使从者止之曰毁于北方【言子产仁不忍毁人庙】火之作也子产授兵登陴子大叔曰晋无乃讨乎【辞晋公子公孙而授兵似若叛晋】子产曰吾闻之小国忘守则危况有灾乎国之不可小有备故也既晋之边吏让郑曰郑国有灾晋君大夫不敢宁居卜筮走望不爱牲玉郑之有灾寡君之忧也今执事然授兵登陴【然劲忿貌】将以谁罪边人恐惧不敢不告子产对曰若吾子之言敝邑之灾君之忧也敝邑失政天降之灾又惧谗慝之间谋之以啓贪人荐为敝邑不利以重君之忧幸而不亡犹可説也不幸而亡君虽忧之亦无及也郑有他竟望走在晋【言郑虽与他国为竟每瞻望晋归赴之】既事晋矣其敢有二心【传言子产有备】

冬许迁于白羽

【左传】楚左尹王子胜言于楚子曰许于郑仇敌也而居楚地以不礼于郑【十五年平王复迁邑许自夷还居叶恃楚而不事郑】晋郑方睦郑若伐许而晋助之楚防地矣君盍迁许许不专于楚郑方有令政许曰人示旧国也【许先郑封】郑曰余俘邑也【隱十一年郑灭许而复存之故曰俘邑】叶在楚国方城外之蔽也土不可易【易轻也】国不可小【谓郑】许不可俘讎不可啓君其圖之楚子説冬楚子使王子胜迁许于析实白羽【于传时白羽改为析】

日讲春秋解义卷五十二

卷五十三

钦定四库全书

日讲春秋解义卷五十三

昭公

十有九年春

【附錄左传】十九年春楚工尹赤迁阴于下阴【阴杜注陰县属南乡郡今湖广光化县西汉水西岸有古陰县城】令尹子瑕城郟【郟亦楚邑】叔孙昭子曰楚不在诸侯矣其仅自完也以持其世而已【迁陰城郟皆欲以自完守】楚子之在蔡也鄢阳封人之女奔之【鄢阳杜注蔡邑当在今新蔡县境】生太子建及即位使伍奢爲之师【伍奢伍举之子伍员之父】费无极爲少师无宠焉欲譖诸王曰建可室矣【室妻也】王爲之聘于秦无极与逆劝王取之正月楚夫人嬴氏至自秦【爲下拜夫人起】

宋公伐邾

【左传】邾夫人宋向戌之女也故向宁请师【寧向戌子请宋公伐邾】二月宋公伐邾围虫【虫杜注邾邑当在今山东济宁州境】三月取之乃尽归邾俘

天下无霸邾以蕞尔小邦逞其暴横而宋元于此能一正入邾之乱此所谓声罪执言之师也

夏五月戊辰许世子止弑其君买

【左传】夏许悼公症五月戊辰饮太子止之药卒【止独进药不由医】太子奔晋书曰弑其君君子曰尽心力以事君舍药物可也【药物有毒当由医非凡人所知讥止不舍药物所以加弑君之名】

【谷梁传】曰弑正卒也【凡弑不书曰此弑而曰知买爲正卒也】正卒则止不弑也不弑而曰弑责止也【责止不尝药】止曰我与夫弑者不立乎其位以与其弟虺哭泣歔飡粥噉不容粒【噉喉也】未逾年而死故君子即止自责而责之也【就其有自责心故以备礼责之】

许悼公饮世子止之药而卒事与楚商臣蔡般异而同以弑书何也药出于止而君死于药则止虽非弑而弑君之罪止有不得辞者故加弑焉所以教天下之爲臣子者也其异于商臣般者过与故之不同耳其心不同而春秋之文一施之何以辨乎观商臣般皆立乎其位而止则

弗立乎其位比事以推而止之志乎弑亦可见矣且许与陈蔡皆密迹于楚许且近迁于白羽矣楚虔能假讨贼之名以灭陈蔡何弃疾遂释许而不问乎此又可寻迹推理而知之者也

已邠地震

经书地震者五而昭公之世再见地臣道也义主安静时季孙僭窃臣道失常天心譴告而昭公漫不知省其及宜矣

【附录左传】邾人邠人徐人会宋公乙亥同盟于虫【终宋公伐邾事】楚子为舟师以伐濮【濮杜注南夷】费无极言于楚子曰

晋之伯也迹于诸夏而楚辟陋故弗能与争若大城城父而寘大子焉以通北方王收南方是得天下也王説从之故大子建居于城父令尹子瑕聘于秦拜夫人也【为明年潜大子张本】

秋齐高发帅师伐莒

【左传】秋齐高发帅师伐莒【莒不事齐故】莒子奔纪鄆【纪鄆杜注莒邑也东海赣榆县东北有纪城今山东莒州即江南赣榆县界】使孙书伐之【孙书陈无宇之子子占也】初莒有妇人莒子杀其夫已爲嫠妇【寡妇爲嫠】及老托于纪鄆纺焉以度而去之【因纺纆连所纺以度城高下而藏之待外攻者欲报讎去藏也】及师至则投诸外【系防城上而投其所垂于外随之以出】或献诸子占子占使师夜缒而登【縁绳登城】登者六十人缒绝师鼓噪城上之人亦噪莒共公惧啓西门而出七月丙子齐师入纪【传言怨不在大】

齐景有争霸之心因莒不事齐遂兴是役夫不以德义服人而徒计近功欺凌弱小以晏子爲之辅佐亦不能有所匡正则所谓显君者何足称哉

冬葬许悼公

【公羊传】贼未讨何以书葬不成于弑也曷爲不成于弑止进药而药杀也止进药而药杀则曷爲加弑焉尔讥子道之不尽也其讥子道之不尽奈何曰乐正子春之视疾也【乐正子春曾子弟子以孝名闻】复加一饭则脱然愈复损一饭则脱然愈复加一衣则脱然愈复损一衣则脱然愈【脱然疾除貌也言消息得其节】止进药而药杀是以君子加弑焉尔【失其消息多少之宜】曰许世子止弑其君买是君子之听止也【听治止罪】葬许悼公是君子之赦止也【原止进药本欲愈父之病无害父之意故赦之】赦止者免止之罪辞也

【谷梁】曰卒时葬不使止爲弑父也曰子既生不免乎水火母之罪也羈贯成童不就师傅父之罪也【羈贯谓交笄剪髮以爲饰成童八歲以上】就师学问无方心志不通身之罪也心志既通而名誉不闻友之罪也名誉既闻有司不举有司之罪也有司举之王者不用王

者之过也。许世子不知尝药累及许君也【许君不授子以师傅使不识尝药之义故累及之】

许止弑君与赵盾弑君皆圣人特笔然晋灵公不书葬而许悼公书葬者赵盾力能讨贼而不讨不得不终诛之若许止痛父之死咎已之深未逾年而卒则其心可知矣故上书弑以着止有弑君之事此书葬以明止实无弑君之心一立法甚严一待人以恕也

【附錄左】是歲也郑驷偃卒子游娶于晋大夫生丝弱【子游驷偃也弱幼少】其父兄立子瑕【子瑕子游叔父驷乞】子产憎其爲人也【憎子瑕】且以爲不顺弗许亦弗止驷氏笄【笄惧】他日丝以告其舅冬晋人使以币如郑问驷乞之立故驷氏惧驷乞欲逃子产弗遣请以卜亦弗予大夫谋对子产不待而对客曰郑国不天寡君之二三臣札瘥夭昏【大死曰札小疫曰瘥短折曰夭未名曰昏】今又丧我先大夫偃其子幼弱其一二父兄惧队宗主私族于谋而立长亲【于私族谋之】寡君与其二三老曰抑天实剥乱是吾何知焉谚曰无过乱门民有兵乱犹惮过之而况敢知天之所乱今大夫将问其故抑寡君实不敢知其谁实知之平丘之会【在十三年】君寻旧盟曰无失职若寡君之二三臣其即世者晋大夫而专制其位是晋之县鄙也何国之爲辞客币而报其使【遣人报晋使】晋人舍之楚人城州来沈尹戌曰楚人必败【十三年吴县州来今就城而取之戌庄王曾孙叶公诸梁父也】昔吴灭州来子旗请伐之王曰吾未抚吾民今亦如之而城州来以挑吴能无败乎侍者曰王施舍不倦息民五年可谓抚之矣戌曰吾闻抚民者节用于内而树德于外民乐其性而无寇讎今宫室无量民人日骇劳罢死转【转迁徙也】忘寝与食非抚之也郑大水龙鬬于时门之外洧渊【时门郑城门洧渊杜注洧水出荥阳】

【密县东南至颍川长平入颍按今洧水自密县东流经新郑县南门又东会于溱水谓之双泊河即洧渊也】国人请爲禘焉子产弗许曰我鬬龙不我覲也【覲见也】龙鬬我独何覲焉禘之则彼其室也【渊龙之室】吾无求于龙龙亦无求于我乃止也【传言子产之知】令尹子瑕言蹇由于楚子曰【蹇由吴王弟五年灵王执以归】彼何罪谚所谓室于怒市于色者楚之谓矣【言灵王怒吴子而执其弟犹人忿于室家而作色于市人】舍前之忿可也乃归蹇由【言楚子能用善言】

二十年春王正月

【附錄左传】二十年春王二月己丑日南至【是歲朔旦冬至之歲也当言正月己丑朔日南至时史失闰更在二月后故经因史而书正月传更具于二月记南至日以正歷也】梓慎望氛【氛气也时鲁侯不行登台之礼使梓慎望氛】曰今兹宋有乱国防亡三年而后弭蔡有大丧【爲宋华向出奔蔡侯卒传】叔孙昭子曰然则戴桓也【戴族华氏桓族向氏】汰侈无礼已甚乱所在也【传言妖由人兴】费无极言于楚子曰建与伍奢将以方城之外叛自以爲犹宋郑也齐晋又交辅之将以害楚其事集矣王信之问伍奢伍奢对曰君一过多矣【一过纳建妻】何信于谗王执伍奢【忿奢切言】使城父司马奋扬杀大子未至而使遣之【知大子冤故遣令去】三月大子建奔宋王召奋扬使城父人执已以至王曰言

出于余口入于尔耳谁告建也对曰臣告之君王命臣曰事建如事余臣不佞不能苟贰奉初以还【奉初命以周旋】不忍后命故遣之既而悔之亦无及已王曰而敢来何也对曰使而失命召而不来是再奸也逃无所入王曰归从政如他日【善其言舍使还】无极曰奢之子材若在吴必忧楚国盍以免其父召之彼仁必来不然将爲患王使召之曰来吾免而父棠君尚谓其弟员曰【棠君奢之长子尚也为棠邑大夫员尚弟子胥】尔适吴我将归死吾知不逮【自以知不及员】我能死尔能报闻免父之命不可以莫之奔也亲戚为戮不可以莫之报也奔死免父孝也度功而行仁也【仁者贵成功】择任而往知也【员任报讎】知死不辟勇也【尚为勇】父不可弃【俱去为弃父】名不可废【俱死为废名】尔其勉之相从为愈【言愈于同奔共死也】伍尚归奢闻员不来曰楚君大夫其盱食乎【将有吴忧不得早食】楚人皆杀之员如吴言伐楚之利于州于【州于吴子僚】公子光曰是宗为戮而欲反其讎不可从也员曰彼将有他志【光欲弑僚不利员用事故破其议而员亦知之】余姑为之求士而鄙以待之【计未得用故进勇士以求入于光退居边鄙】乃见鱄设诸焉【鱄诸勇士】而耕于鄙【为二十七年吴弑僚】

夏曹公孙防自鄆出奔宋【鄆谷梁作梦杜注曹邑在今山东曹州北】

【公羊传】奔未有言自者此其言自何畔也畔则曷为不言其畔为公子喜时之后讳也春秋为贤者讳何贤乎公子喜时让国也其让国奈何曹伯庐卒于师【在成十三年】则未知公子喜时从与公子负刍从与【喜时曹伯庐弟负刍喜时庶兄】防爲主于国防爲主于师【古者诸侯师出世子率众守国其次宜爲君者持棺絮从所以备不虞防时疾病相代行史丈不具故传疑之】公子喜时见公子负刍之当主也逡巡而退贤公子喜时则曷爲爲会讳君子之善善也长恶恶也短恶恶止其身善善及子孙贤者子孙故君子爲之讳也

【谷梁】自梦者专乎梦也【能专制梦】曹无大夫其曰公孙何也言其以贵取之而不以叛也【会以公孙之贵而得梦既而不以之叛明曹君无道致令其奔非防之罪故书公孙以善之】

春秋时臣能专其邑无不叛其国者故经于大夫自其邑出奔者皆先书叛以正其罪如宋华亥向宁华定自南里出奔楚先书入南里以叛宋公之弟辰自萧来奔先书入萧以叛是也此书自鄆出奔以见鄆乃会之世邑所得专制而不敢据邑以要君与身在国都仓卒见逐者异耳防谓爲公子喜时之后贤之非也春秋之义善善恶恶各以其事何有贤其祖而遂褒其子孙乎且会爲喜时之子孙亦无所考公羊未见国史所传事迹多未可信也

【附錄左传】宋元公无信多私而恶华向华定华亥与向宁谋曰亡愈于死先诸【欲先作乱】华亥僞有疾以诱羣公子公子问之则执之夏六月丙申杀公子寅公子御戎公子朱公子固公孙援公孙丁拘向胜向行于其廩【八子皆公党】公如华氏请焉弗许遂劫之【劫公】癸卯取大子栾与母弟辰公子地以爲质【栾景公也辰及地皆元公弟一云皆大子栾兄弟】公亦取华亥之子无感向宁之子罗华定之子啓与华氏盟以爲质【爲此冬华向出奔传】

秋盗杀卫侯之兄縶【縶公羊谷梁作辄】

【左传】卫公孟縶狎齐豹【公孟灵公兄也齐豹齐恶之子爲卫司寇狎轻也】夺之司寇与鄆【鄆杜注豹邑】有役则反之【縶足不良故有役则以官邑还豹使行】无则取之公孟恶北宫喜褚师圃欲去之【喜贞子】公子朝通于襄夫人宣姜【宣姜灵公嫡母】惧而欲以作乱故齐豹北宫喜褚师圃公子朝作乱初齐豹见宗鲁于公孟【荐达也】爲驂乘焉将作乱而谓之曰公孟之不善子所知也勿与乘吾将杀之对曰吾由子事公孟子假吾名焉故不吾远也【言子借我以善名故公孟亲近我】虽其不善吾亦知之抑以利故不能去是吾过也今闻难而逃是僭子也【使子言不信】子行事乎吾将死之以周事子【周犹终竟也】而归死于公孟其可也丙辰卫侯在平壽【平寿杜注卫下邑】公孟有事于盖获之门外【有事祭也盖获卫郭门】齐子氏帷于门外而伏甲焉【齐豹之家】使祝鼃寘戈于车薪以当门【要其前】使一乘从公孟以出【亦如前车寘戈于薪寻其后】使华齐御公孟宗鲁驂乘及闕中【闕曲门中】齐氏用戈击公孟宗鲁以背蔽之防肱以中公孟之肩皆杀之公闻乱乘驱自闕门入【闕门卫城门名】庆比御公公南楚驂乘使华寅乘贰车【公副车】及公宫鸿駟魍駟乘于公【鸿駟魍复就公乘一车四人】公载宝以出褚师子申遇公于马路之衢遂从【从公出】过齐氏使华寅肉袒执盖以当其阙【肉袒示不敢与齐氏争执盖蔽公而去阙空也以盖当待从空阙之处】齐氏射公中南楚之背公遂出寅闭郭门【不欲令追者出】逾而从公【逾郭出】公知死鸟【死鸟杜注卫地】析朱鉏宵从窆出徒行从公【朱鉏成子黑背孙】齐侯使公孙青聘于卫【青顷公之孙】既出闻卫乱使请所聘公曰犹在竟内则卫君也乃将事焉【行聘事】遂从诸死鸟请将事辞曰亡人不佞失守社稷越在草莽吾子无所辱君命宾曰寡君命下臣于朝曰阿下执事【阿比也命已使比卫臣下】臣不敢贰主人曰君若惠顾先君之好照临敝邑鎮抚其社稷则有宗祧在乃止卫侯固请见之不获命以其良马见【爲相见之礼】爲未致使故也【故不敢以容礼见】卫侯以爲乘马【喜其敬已故贵其物】宾将振【振行夜】主人辨曰亡人之忧不可以及吾子草莽之中不足以辱从者敢辞宾曰寡君之下臣君之牧圉也若不获扞外役是不有寡君也臣惧不免于戾请以除死亲执铎终夕与于燎【设火燎以备守】齐氏之宰渠子召北宫子【北宫喜也】北宫氏之宰不与闻谋杀渠子遂伐齐氏灭之丁巳晦公入与北宫喜盟于彭水之上秋七月戊午朔遂盟国人八月辛亥公子朝褚师圃子玉霄子高魴出奔晋【皆齐氏党】闰月戊辰杀宣姜【与公子朝通谋故】衛侯赐北宫喜諡曰贞子【灭齐氏故】赐析朱鉏諡曰成子【宵从公故】而以齐氏之墓予之【皆未死而赐諡及墓田 终而言之】衛侯告宁于齐且言子石【子石公孙青言其有礼】齐侯将饮酒徧赐大夫曰二三子之教也苑何忌辞曰【何忌齐大夫】与于青之赏必及于其罚在康诰曰父子兄弟罪不相及【尚书康诰】况在羣臣臣敢贪君赐以干先王琴张闻宗鲁死【琴张孔子弟子字子开名牢】将往吊之仲尼曰齐豹之盗而孟縶之贼女何吊焉君子不食奸【知公孟不善而受其禄是食奸也】不受乱【许豹行事是受乱也】不爲利疚于回【疚病回邪也以利故不能去是病身于邪】不以回待人【知难不告是以邪待人】不盖不义【以周事豹是盖不义】不犯非礼【以二心事縶是非礼】

【公羊】母兄称兄兄何以不立有疾也何疾尔恶疾也【穀梁传】盜賤也其曰兄母兄

也目衛侯衛侯累也【恶衛侯不能保护其兄乃爲盜所杀】然则何爲不爲君也曰有天疾者不得入乎宗庙輒者何也曰两足不能相过【聚合不解如见绊縶】齐谓之綦楚谓之跽衛谓之輒

左氏以爲齐豹杀之也豹爲衛司寇何以盜书胡氏安国谓罪在宗鲁宗鲁孟縶之驂乘法应书盜此求其说而不得也宗鲁虽与闻其事而作乱者实豹今释豹不诛归狱宗鲁于义爲颇然则经所谓盜实齐豹耳豹具官于衛变文书盜所以甚衛灵之无政刑也以千乘之国不能衛其母兄制其祸乱使盜賊窃发兄死身危几亡其国故书盜以着之至豹以守嗣大夫爲盜賊之事是亦盜賊而已矣

冬十月宋华亥向宁华定出奔陈【宁公羊作 宁】

【左传】宋华向之乱公子城公孙忌乐舍司马彊向宜向郑楚建郕申出奔郑【城平公子舍乐喜孙宜郑皆向戌子建楚平王亡太子申小邾穆公子八子皆宋大夫公之党辟难出】其徒与华氏战于鬼阎【八子之徒众也鬼阎杜注颍川长平县西北有阎亭今河南陈州西华县东北阎仓亭城是也】败子城子城适晋【别走至晋爲明年子城以晋师至张本】华亥与其妻必盥而食所质公子者而后食公与夫人每日必适华氏食公子而后归华亥患之欲归公子向宁曰唯不信故质其子若又归之死无日矣公请于华费遂将攻华氏【费遂大司马华氏族】对曰臣不敢爱死无乃求去忧而滋长乎【恐杀太子忧益长】臣是以惧敢不听命公曰子死亡有命余不忍其詢【詢耻也】冬十月公杀华向之质而攻之戊辰华向奔陈华登奔吴【登费遂之子党华向者】向宁欲杀太子华亥曰干君而出又杀其子其谁纳我且归之有庸【可以爲公善】使少司寇輕以归【輕华亥庶兄以三公子归公也】日子之齿长矣不能事人以三公子爲质必免【质信也送公子归可以自明不叛之信】公子既入华輕将自门行【从公门去】公遽见之执其手曰余知而无罪也入复而所【所所居官】

十有一月辛卯蔡侯庐卒【庐左氏作卢按十三年蔡侯庐归于蔡左氏亦作庐此应误】

【附录左传】齐侯疥遂痼【痼疴疾】期而不瘳诸侯之宾问疾者多在【多在齐】梁丘据与裔款言于公曰【二子齐嬖大夫】吾事鬼神丰于先君有加矣今君疾病爲诸侯忧是祝史之罪也诸侯不知其谓我不敬君盍诛于祝固史嚚以辞宾【欲杀嚚固以辞谢来问疾之宾】公说告晏子晏子曰日宋之盟【宋盟在襄二十七年】屈建问范会之德于赵武赵武曰夫子之家事治言于晋国竭情无私其祝史祭祀陈信不愧其家事无猜其祝史不祈建以语康王【楚王】康王曰神人无怨宜夫子之光辅五君以爲诸侯主也公曰据与款谓寡人能事鬼神故欲诛于祝史子称是语何故对曰若有德之君外内不废【无废事】上下无怨动无违事其祝史荐信无愧心矣是以鬼神用飨国受其福祝史与焉【与受国福】其所以蕃祉老寿者爲信君使也其言忠信于鬼神其适遇淫君外内颇邪上下怨疾动作辟违从欲厌私高台深池撞钟舞女斩刈民力输掠其聚【输堕也】以成其违不恤后人暴虐淫从肆行非度无所还忌【还犹顾也】不思谤讟不憚鬼神神怒民痛无悛于心其祝史荐信是

言罪也其盖失数美是矫诬也进退无辞则虚以求媚是以鬼神不飨其国以祸之祝史与焉所以夭昏孤疾者爲暴君使也其言僭慢于鬼神公曰然则若之何对曰不可爲也【言非诛祝史所能治】山林之木衡鹿守之泽之萑蒲舟蛟守之藪之薪蒸虞候守之海之盐蜃祈望守之【衡鹿舟蛟虞 祈望皆官名也言公专守山泽之利不与民共】县鄙之人入从其政偪介之关暴征其私【介隔也迫近国都之關言边鄙既入服政后近關又征夺其私物使民重困也】承嗣大夫强易其贿【承嗣大夫世位者】布常无艺【布政无法制】徵敛无度宫室日更淫乐不违内宠之妾肆夺于市外宠之臣僭令于鄙【诈爲教令】私欲养求不给则应【所求不给则应之以罪】民人苦病夫妇皆诅祝有益也诅亦有损 摄以东【 摄杜注齐西界也平原 城县有摄城在今山东 城县东北】姑尤以西【姑尤杜注齐东界也姑水尤水皆在城阳郡东南入海姑水即今山东黄县之大姑河尤水即今掖县之小姑河】其爲人也多矣虽其善祝岂能胜亿兆人之诅君若欲诛于祝史修德而后可公说使有司宽政毁关去禁薄敛己责【除逋责】十二月齐侯田于沛【疾愈行猎沛杜注泽名】招虞人以弓不进【虞人掌山泽之官】公使执之辞曰昔我先君之田也旃以招大夫弓以招士皮冠以招虞人臣不见皮冠故不敢进乃舍之仲尼曰守道不如守官【君招当往道之常也非物不进官之制也】君子韪之【韪是也】齐侯至自田晏子侍于遄台【台名】子犹驰而造焉【子犹梁丘据】公曰唯据与我和夫晏子对曰据亦同也焉得爲和公曰和与同异乎对曰异和如羹焉水火醯醢盐梅以烹鱼肉燂之以薪【燂炊也】宰夫和之齐之以味济其不及以泄其过【泄減也】君子食之以平其心君臣亦然君所谓可而有否焉臣献其否以成其可【献君之否以成君可】君所谓否而有可焉臣献其可以去其否是以政平而不干民无争心故诗曰亦有和羹既戒既平【诗商颂言中宗能与贤者和齐可否其政如羹敬戒且平和羹备五味异于大羹】醴醑无言时靡有争【醴总也醑大也言总大政能使上下如和羹】先王之济五味和五声也以平其心成其政也声亦如味一气【乐须气以动】二体【舞者有文武】三类【风雅颂】四物【杂用四方之物以成器】五声【宫商角征羽】六律【黄钟大簇姑洗防宾夷则无射也阳声爲律阴声爲吕此十二月气】七音【宫商角征羽变宫变征也周武王伐纣自午及子凡七日王因此以数合之以声昭之故以七周其数以律和其声谓之七音】八风【八方之风东北曰条风又名融风东方曰明庶风东南曰清明风南方曰景风又名凯风西南曰凉风西方曰闾阖风西北曰不周风北方曰广莫风】九歌【九功之德皆可歌也六府三事谓之九功水火金木土谷谓之六府正德利用厚生谓之三事】以相成也【言此九者合然后相成爲和乐】清浊小大短长疾徐哀乐刚柔迟速高下出入周疏以相济也【周密也】君子听之以平其心心平德和故诗曰德音不瑕【诗豳风义取心平则德音无瑕阙】今据不然君所谓可据亦曰可君所谓否据亦曰否若以水济水谁能食之若琴瑟之专壹谁能听之同之不可也如是饮酒乐公曰古而无死其乐若何晏子对曰古而无死则古之乐也君何得焉昔爽鸠氏始居此地【爽鸠氏少皞氏之司寇】季荝因之【季荝虞夏诸侯代爽鸠氏者】有逢伯陵因之【有逢伯陵殷诸侯姜姓】蒲姑氏因之【蒲姑氏殷周之闲代逢公者】而后大公因之古若无死爽鸠氏之乐非君所愿也郑子产有疾谓子大叔曰我死子必爲政唯有德者能以宽服民其次莫如猛夫火烈民望而畏之故鲜死焉水懦弱民狎而翫之则多死焉故宽难【难以治】疾数月而卒大叔爲政不忍猛而宽郑国多盗取人于萑苻之泽【萑苻杜注泽名疑即中牟泽于泽中劫人也】大叔悔之曰吾早从夫子不及此兴徒兵以攻萑苻之盗尽杀之盗少止仲尼曰善哉政宽则民慢慢

则纠之以猛猛则民残残则施之以宽宽以济猛猛以济宽政是以和诗曰民亦劳止汙可小康惠此中国以绥四方施之以宽也【诗大雅汙其也周厉王暴虐民劳于苛政故诗人刺之欲其施之以宽】毋从诡随【诡人随人无正心不可从】以谨无良式遏寇虐惨不畏明纠之以猛也【惨曾也言爲寇虐曾不畏明法者亦当用猛政纠治之】柔远能迓以定我王平之以和也又曰不竞不絀不刚不柔【诗商颂言汤政得中和絀急也】布政优优百禄是遒【优优和也遒聚也】和之至也及子产卒仲尼闻之出涕曰古之遗爱也【子产见爱有古人之遗风】

二十有一年春

【附錄左传】二十一年春天王将铸无射【周景王也无射钟名律中无射】泠州鸠曰【泠乐官州鸠其名】王其以心疾死乎夫乐天子之职也夫音乐之舆也【乐因音而行】而钟音之器也【音由器以发】天子省风以作乐器以钟之【钟聚也以器聚音】舆以行之小者不窕【窕细而不满】大者不橪【橪横大不入】则和于物物和则嘉成【嘉乐成也】故和声入于耳而藏于心心亿则乐【亿安也】窕则不咸【不充满人心】橪则不容【心不堪容】心是以感感实生疾今钟橪矣王心弗堪其能久乎【爲明年天王崩传】

王三月葬蔡平公

【左传】三月葬蔡平公蔡太子朱失位位在卑【不在适子位以长防齿】大夫送葬者归见昭子昭子问蔡故以告昭子叹曰蔡其亡乎若不亡是君也必不终诗曰不解于位民之攸墜【诗大雅墜息也】今蔡侯始即位而适卑身将从之【爲蔡侯朱出奔】

夏晋侯使士鞅来聘【书聘止此】

【左】夏晋士鞅来聘叔孙爲政【叔孙昭子以三命爲国政】季孙欲恶诸晋【憎叔孙在己上位故】使有司以齐鲍国归费之礼爲士鞅【鲍国归费在十四年牢礼各如其命数鲁人失礼故爲鲍国七牢】士鞅怒曰鲍国之位下其国小而使鞅从其牢礼是卑敝邑也将复诸寡君鲁人恐加四牢焉爲十一牢【言鲁不能以礼事大国且爲哀七年吳征百牢起】

晋顷即位五年始通嗣君盖霸业既隳六鄉睚眦相忌邦交不暇及也于时士鞅怒鲁礼好不结财求无艺诸侯外之而晋亦不复遣聘矣

宋华亥向宁华定自陈入于宋南里以叛【叛公羊作畔南里杜注宋城内里名在今河南商丘县境】

【左】宋华费遂生华防华多僚华登防爲少司马多僚爲御士【公御士】与防相恶乃譖诸公曰防将纳亡人【亡人华亥等】亟言之公曰司马以吾故亡其良子【司马华费遂良子华登】死亡有命吾不可以再亡之对曰君若爱司马则如亡死如可逃何远之有【言

亡可以逃死勿虑其遠以恐动公】公惧使侍人召司马之侍人宜僚饮之酒而使告司马【告使逐防】司马叹曰必多僚也吾有谗子而弗能杀吾又不死抑君有命可若何乃与公谋逐华防将使田孟诸而遣之公饮之酒厚酬之【酬酒币】赐及从者司马亦如之【亦如公赐】张勾尤之【张勾华防臣尤怪赐之厚】曰必有故使子皮承宜僚以剑而讯之【子皮华防】宜僚尽以告张勾欲杀多僚子皮曰司马老矣登之谓甚【言登亡伤司马心已甚】吾又重之不如亡也五月丙申子皮将见司马而行则遇多僚御司马而朝张勾不胜其怒遂与子皮曰任翮杀多僚【任翮亦防家臣】劫司马以叛而召亡人壬寅华向入乐大心丰愆华輕御诸横【横杜注梁国睢阳县南有横亭】华氏居卢门以南里叛【卢门宋东城南门】六月庚午宋城旧鄘及桑林之门而守之【旧鄘故城也桑林城门名】

【公羊传】宋南里者何若曰因诸者然【因诸者齐故刑人之地公羊子齐人故以齐喻也博物志云周曰囹圄齐曰因诸】

【谷梁】自陈陈有奉焉尔入者内弗受也其曰宋南里宋之南鄙也以者不以者也叛直叛也【言不作乱】

华向首祸于国结党以奔今乘隙而入外挟吳楚将覆宗邦罪不胜诛矣春秋书叛于戚于朝歌于萧皆不系之国此独曰宋南里者戚与朝歌及萧皆其所食私邑若南里则宋国城内之里名是华向与宋分国而居不止窃邑而已故书入于宋南里以深罪叛臣逼胁其君已甚之词也曰自陈者因陈之力陈亦有罪焉尔

秋七月壬午朔日有食之

【左传】秋七月壬午朔日有食之公问于梓慎曰是何物也【物事也】祸福何爲对曰二至二分【二至冬至夏至二分春分秋分】日有食之不爲灾日月之行也分同道也至相过也【二分日夜等故言同道二至长短极故言相过】其他月则爲灾阳不克也故常爲水【阴侵阳是阳不胜阴】

昭公之世日食凡七见时天下彊臣多抗其君而季氏之僭逼尤甚梓慎不能因公之问告以省德消变乃云分至不爲灾按诗十月之交即夏正八月秋分之月也而云日有食之亦孔之丑七年四月甲辰朔日食春分之月也而云鲁衛恶之安在其不爲灾邪即行有常度天运固然然遇灾而惧之心亦当无时不儆凛也

八月乙亥叔辄卒【辄公羊作痤】

【左传】于是叔辄哭日食【意在于忧灾】昭子曰子叔将死非所哭也八月叔辄卒

辄叔弓之子无事业见经独书其卒卿卒必书也

【附錄左】冬十月华登以吴师救华氏【登前年奔吳】齐乌枝鸣戍宋【乌枝鸣齐大夫】厨人濮曰【濮宋厨邑大夫】军志有之先人有夺人之心后人有待其衰盍及其劳且未定也伐诸若入而固则华氏众矣悔无及也从之丙寅齐师宋师败吴师于鸿口【鸿口杜注梁国睢阳县东有鸿口亭在今商丘虞城二县界】获其二帅公子苦雒偃州员【二帅吴大夫】华登帅其余以败宋师公欲出【出奔】厨人濮曰吾小人可借死【可借使死难】而不能送亡君请待之乃徇曰扬徽者公徒也【征识也所以相别】众从之公自扬门见之【扬门睢阳正东门名扬门】下而巡之曰国亡君死二三子之耻也岂专孤之罪也齐乌枝鸣曰用少莫如齐致死齐致死莫如去备【备长兵也】彼多兵矣请皆用剑从之华氏北复即之厨人濮以裳里首而荷以走曰得华登矣遂败华氏于新里【新里华氏所取邑】翟倭新居于新里既战説甲于公而归【翟倭新公臣居华氏地而助公战】华姓居于公里亦如之【姓华氏族故助华氏亦如倭新説甲归】十一月癸未公子城以晋师至【城以前年奔晋】曹翰胡会晋荀吳齐苑何忌衛公子朝救宋【翰胡曹大夫苑何忌齐大夫公子朝前年出奔晋今还卫】丙戌与华氏战于赭丘【赭丘杜注宋地后汉志陈国长平县有赭丘城当在今河南陈州西北境】郑翩愿爲鸛其御愿爲鵞【郑翩华氏党鸛鵞皆陈名】子禄御公子城庄莖爲右【子禄向宜】干嬖御吕封人华豹张匄爲右【皆华氏党】相遇城还华豹曰城也城怒而反之【反还战】将注豹则关矣【注傳矢關引弓】曰平公之灵尚辅相余【平公公子城之受】豹射出其闲【出子城子禄之闲】将注则又关矣曰不狎鄙【狎更也谓豹频射不使已得更递是可鄙】抽矢【豹止不射】城射之殪【豹死】张匄抽受而下【受长丈二在车边】射之折股扶伏而击之折軫【折城车軫】又射之死【匄死】干嬖请一矢【求死】城曰余言女于君【欲活之】对曰不死伍乘军之大刑也【同乘共伍当皆死】干刑而从子君焉用之子速诸乃射之殪【嬖又死】大败华氏围诸南里华亥搏膺而呼见华防曰吾爲栾氏矣【晋栾盈还入作乱而死事在襄二十三年】防曰子无我迂【迂恐也】不幸而后亡使华登如楚乞师华防以车十五乘徒七十人犯师而出【犯公师出送华登】食于睢上哭而送之乃复入【入南里】楚防越帅师将逆华氏大宰犯諫曰【犯楚大宰】诸侯唯宋事其君今又争国释君而臣是助无乃不可乎王曰而告我也后既许之矣【爲明年华向出奔楚】

冬蔡侯朱出奔楚【朱谷梁作东】

【左传】蔡侯朱出奔楚费无极取货于东国【东国隱大子之子平侯庐之弟朱叔父也】而谓蔡人曰朱不用命于楚君王将立东国若不先从王欲楚必围蔡蔡人惧出朱而立东国朱愬于楚楚子将讨蔡无极曰平侯与楚有盟故封【盟于邓依陈蔡人以国】其子有二心故废之【子谓朱也】灵王杀隱大子其子与君同恶德君必甚又使立之不亦可乎且废置在君蔡无他矣【言权在楚则蔡无他心】

【穀梁】东者东国也何爲谓之东也王父诱而杀焉【楚子防诱蔡侯般杀之于申】父执而用焉【执蔡世子有以归用之】奔而又奔之曰东恶之而贬之也【奔既罪矣又奔讎国恶莫大焉】

费无极取货东国胁国人出朱而立之谗人之爲害如此或疑此书朱出奔楚后书东国卒于楚朱无归入卒葬之文东国无出奔之事疑即东国而误爲朱然左氏记沈尹戌之言亦曰出蔡侯朱而史记蔡世家亦曰隐太子之子东国攻平侯子而代立则朱东国固两人也谷梁经文特因后书东国而误尔

公如晋至河乃复

【左传】公如晋及河鼓叛晋【晋克鼓在十五年至是叛晋属鲜虞】晋将伐鲜虞故辞公

晋伐鲜虞何妨于邦交而以此爲辞以却公盖意如之谋公益急晋之权家党季氏以弱其君而晋君亦不得自爲政矣

日讲春秋解义卷五十三

卷五十四

<经部,春秋类,日讲春秋解义

钦定四库全书

日讲春秋解义卷五十四

昭公

二十有二年春齐侯伐莒

【左传】二十二年春王二月甲子齐北郭啓帅师伐莒【啓齐大夫北郭佐之后】莒子将战苑羊牧之谏曰【牧之莒大夫】齐帅贱其求不多不如下之大国不可怒也弗听败齐师于寿余【寿余杜注莒地当在今安丘县境】齐侯伐莒【怒败】莒子行成司马灶如莒涖盟【灶齐大夫】莒子如齐涖盟盟于稷门之外【稷门齐城门】莒于是乎大恶其君【爲明年莒子来奔传】

十九年齐高发伐莒莒犹不服故齐侯复伐之明年莒子来奔齐迫之也

宋华亥向宁华定自宋南里出奔楚

【左传】楚防越使告于宋曰【前年防越帅师迎华氏】寡君闻君有不令之臣爲君忧无宁以爲宗羞寡君请受而戮之对曰孤不佞不能媚于父兄【华向公族也故称父兄】以爲君忧拜

命之辱抑君臣日战君曰余必臣是助亦唯命人有言曰唯乱门之无过君若惠保敝邑无亢不衷以獎乱人孤之望也唯君图之楚人患之【患宋以义距之】诸侯之成谋曰若华氏知困而致死楚耻无功而疾战非吾利也不如出之以爲楚功其亦无能爲也已【言华氏不能复爲宋患】救宋而除其害又何求乃固请出之宋人从之己巳宋华亥向宁华定华防华登皇奄伤省臧士平出奔楚【华防已下五子不书非卿】宋公使公孙忌爲大司马【代华费遂】邊卬爲大司徒【卬平公曾孙代华定】乐祁爲司城【祁子罕孙乐祁犁】仲防爲左师【防仲江孙代向宁】乐大心爲右师【代华亥】乐挽爲大司寇【挽子罕孙】以靖国人【终梓慎之言三年而后弭】

【谷梁传】自宋南里者专也【专制南里】

齐庆封衛公孟彊再奔皆不书必尝入叛也而后书讥佚贼也华向叛宋奔陈又自陈入宋披

据国都逾年复出奔楚往来三年出入自如此天下之极变也其曰自宋南里者讥宋之释有罪曰出奔楚者罪楚之獎乱纳叛而诸侯之大夫怠于救患略而不书罪亦见矣

大搜于昌闲【闲公羊作奸】

【谷梁传】秋而曰搜此春也其曰搜何也以搜事也何以书讥何讥尔公不与非礼也三纲军政之本古者寓戎事于田狩以辨上下定民志非仅娴驰射击刺之末也今鲁政在大夫公无军行军政之本亡矣何以搜爲曰大志僭也言昌闲非搜所也

夏四月乙丑天王崩

【左传】王子朝宾起有宠于景王【子朝景王之长庶子宾起子朝之傅】王与宾孟説之欲立之【孟即起也王语宾孟欲立子朝爲太子】刘献公之庶子伯蚠事单穆公【献公刘摯伯蚠刘狄穆公单旗】恶宾孟之爲人也愿杀之又恶王子朝之言以爲乱愿去之【子朝有欲位之言故刘蚠恶之】賓孟适郊见雄鸡自防其尾问之侍者曰自憚其牺也【畏其爲牺牲奉宗庙故自残毁】遽归告王且曰鸡其憚爲人用乎人异于是【鸡牺虽见宠饰然卒当见杀若人见宠饰则当贵盛故言异于是】牺者实用人人牺实难已牺何害【牺者宠牲之名因以喻宠子言设使宠人如宠牺则不宜假疎遠者以宠致反为己患惟所宠实己亲属则于己无害矣人喻子猛已喻子朝也】王弗应【十五年太子寿卒王立子猛后复欲立子朝而未定宾孟感鸡盛称子朝王心许之故不应】夏四月王田北山使公卿皆从将杀单子刘子【北山杜注洛北芒也一作邙山在今河南洛阳县东北王知单刘不欲立子朝欲因田猎先杀之】王有心疾乙丑崩于荣锜氏【乙丑四月十九日荣锜杜注河南巩县西有荣锜涧今属河南河南府】戊辰刘子摯卒【二十二日】无子单子立刘蚠【蚠献公之庶子事单子故】五月庚辰见王【见王猛】遂攻宾起杀之【党子朝故】盟羣王子于单氏

【附录左】晋之取鼓也【在十五年】既献而反鼓子焉【献于庙】又叛于鲜虞六月荀吴略东阳【略行也东阳杜注晋之山东邑魏郡广平以北】使师伪采者负甲以息于昔阳之门外【昔阳故肥子所都】遂袭鼓灭之以鼓子鸢鞮归使涉佗守之【守鼓之地涉佗晋大夫】

六月叔鞅如京师 景王王室乱【如京师止此】

【左】丁巳 景王王子朝因旧官百工之丧职秩者与灵景之族以作乱【灵景之族灵王景王之子孙】帅郊要践之甲以逐刘子【郊要钱杜注三邑周地刘子伯蚠也】壬戌刘子奔扬【杜注周邑】单子逆悼王于庄宫以归【悼王子猛也】王子还夜取王以如庄宫【王子还子朝党不欲使单子得王猛故取之】癸亥单子出【失王故】王子还与召庄公谋曰【庄公召伯奂子朝党】不杀单旗不捷【旗单子也】与之重盟必来背盟而克者多矣从之樊顷子曰【顷子樊齐单刘党】非言也必不克遂奉王以追单子【王子还奉王】及领大盟而复【领杜注周地重盟而还】杀摯荒以説【委罪于荒】刘子如刘【归其

采邑】单子亡乙丑奔于平時【知王子还欲背盟故平時杜注周地】羣王子追之单子杀还姑发弱鬻延定稠【八子灵景之族因战杀之】子朝奔京【其党死故】丙寅伐之【单子伐京】京人奔山刘子入于王城【子朝奔京故得入】辛未巩简公败绩于京乙亥甘平公亦败焉【甘巩二公周卿士皆爲子朝所败】叔鞅至自京师【景王还】言王室之乱也闵马父曰子朝必不克其所与者天所废也【闵马父闵子马鲁大夫天所废谓羣丧职秩者】

【公羊传】何言乎王室乱言不及外也【宫谓之室刺周内乱故变京师而言王室】

【谷梁传】乱之爲言事未有所成也【尹氏立子朝刘氏单氏立王猛俱未定也】三月而葬乱故也不曰京师乱者言京师则通乎上下言王室则其父兄子弟自乱之乱自内作也惠襄之世不书王室乱者頽带之乱周有君天下有王未足以言乱也景王崩王猛未能定其位子朝争国是时周有两天子其乱与頽带异矣故特书之

刘子单子以王猛居于皇【皇杜注河南巩县西南有黄亭在今河南府左传】单子欲告急于晋秋七月戊寅以王如平時遂如圃车次于皇【出次以示急戊寅七月三日经书六月误也圃车周地】

【公羊】其称王猛何当国也

【谷梁传】以者不以者也王猛嫌也【直言王猛不言王子是有当国之嫌】言刘单以王猛者猛位未定不能自立其进退在二子也臣不可以乎君然在单刘则无贬前言王室乱后言二子以王猛居于皇则二子有不得已焉者而非爲其私也于皇未得有京师也居者有土当得位之称不书出王者无外也

秋刘子单子以王猛入于王城【王城杜注郑鄆河南县括地志城本周公所筑自平王以下都此至敬王乃迁都成周至赧王又居王城也在今河南洛阳县城内西偏】

【左传】刘子如刘单子使王子处守于王城【处子猛党】盟百工于平宫【平宫平王庙】辛卯鄆肸伐皇【鄆肸子朝党】大败获鄆肸壬辰焚诸王城之市【焚鄆肸】八月辛酉司徒丑以王师败绩于前城【丑悼王司徒前城杜注子朝所得邑服防曰即泉戎地】百工叛【司徒丑败故】己巳伐单氏之宫败焉【爲单氏所败】庚午反伐之【单氏反伐百工】辛未伐东囿【百工所在东囿杜注洛阳东南有囿乡】冬十月丁巳晋籍谈荀躒帅九州之戎及焦瑕温原之师以纳王于王城【丁巳在十月经书秋误九州戎陆浑戎十七年灭属晋州郷属也五州爲乡焦瑕温原杜注晋四邑】庚申单子刘盩以王师败绩于郊【爲子朝之党所败】前城人败陆浑于社【前城子朝众社杜注周地按黄河西自偃师界入巩县有五社渡公羊】王城者何西周也其言入何篡辞也

【谷梁传】以者不以者也入者内弗受也

猛何以称王盖未逾年不可以称天王又不可以诸侯例称子独言子则似鲁之子冠王于子又与他王子相乱故称王系猛乃嗣王未逾年之常称无可疑也君前臣名刘单不名而王名者非王无以定一尊非名无以辨其人且在礼临文不讳况史册所书以传信于后世又非敷奏文告之比也

冬十月王子猛卒

【左传】十一月乙酉王子猛卒【乙酉在十一月经书十月误虽未即位周人諡曰悼王】不成丧也【释所以不称王崩】己丑敬王即位【敬王王子猛母弟王子匄】馆于子旅氏【子旅周大夫】十二月庚戌晋籍谈荀跖贾辛司马督【司马乌】帅师军于阴【籍谈所军】于侯氏【荀跖所军】于谿泉【贾辛所军杜注巩县西南有明谿泉】次于社【司马督所次】王师军于汜于解次于任人【王师分在三邑解杜注洛阳西南有大解小解大解城在今洛阳县南小解城在县西南】闰月晋箕遗乐微右行诡济师取前城【三子晋大夫济师渡伊洛】军其东南王师军于京楚【京楚子朝所在】辛丑伐京毁其西南

【公羊传】此未逾年之君也其称王子猛卒何不与当也【不当成其爲君】不与当者不与当父死子继兄死弟及之辞也

【谷梁传】此不卒者也【未成君也】其曰卒失嫌也【猛本有当国之嫌其卒则失嫌故録之】

生则书王明实爲嗣死乃称子正其爲天王未逾年之子尊未成也降成君故不言崩又不可言薨故通称卒

十有二月癸酉朔日有食之【此月有庚戌又以长歷推校前后当爲癸卯朔书癸酉误】

二十有三年春王正月

【附録左传】二十三年春王正月壬寅朔二师围郊【二师王师晋师也围郊在叔鞅卒前经书在后从赴】癸卯郊鄆潰【鄆杜注河南巩县西南有地名鄆中郊鄆二邑皆子朝所得】丁未晋师在平阴【平阴杜注河阴县今故城在河南府孟津东】王师在泽邑【泽邑贾逵曰泽即翟泉也】王使告闲【子朝败故】庚戌还【晋师还】

叔孙舍如晋

癸丑叔鞅卒

晋人执我行人叔孙舍

【左传】邾人城翼【翼杜注邾邑】还将自离姑【离姑杜注邾邑在今费县南从离姑则道径鲁之武城】公孙鉏曰【鉏邾大夫】鲁将御我欲自武城还循山而南【至武城而还依山南行不欲过武城】徐鉏丘弱茅地曰【三子邾大夫】道下【谓此山道下湿】遇雨将不出是不归也遂自离姑【过武城】武城人塞其前防其后之木而弗殊【殊絶也】邾师过之乃推而蹶之【蹶仆也】遂取邾师获鉏弱地【取邾师不书非公命】邾人愬于晋晋人来讨叔孙舍如晋晋人执之书曰晋人执我行人叔孙婞言使人也晋人使与邾大夫坐【坐讼曲直】叔孙曰列国之卿当小国之君固周制也【在礼卿得会伯子男故曰当小国之君】邾又夷也寡君之命介子服回在【子服回鲁大夫爲叔孙之介副】请使当之不敢废周制故也乃不果坐韩宣子使邾人聚其众将以叔孙与之【与邾使执之】叔孙闻之去众与兵而朝【示欲以身死】士弥牟谓韩宣子曰【弥牟士景伯】子弗良图而以叔孙与其讎叔孙必死之鲁亡叔孙必亡邾邾君亡国将焉归子虽悔之何及所谓盟主讨违命也若皆相执焉用盟主【听邾众取叔孙是爲诸侯皆得辄相执】乃弗与使各居一馆【分别叔孙子服回】士伯听其辞而愬诸宣子乃皆执之【二子辞不屈故】士伯御叔孙从者四人过邾馆以如吏【欲使邾人见叔孙之屈辱】先归邾子士伯曰以刍豢之难从者之病将馆子于都【都别都谓箕也】叔孙旦而立期焉【立待命也从旦至暮爲期】乃馆诸箕舍子服昭伯于他邑【别囚之】范献子求货于叔孙使请冠焉【以求冠爲辞】取其冠法而与之两冠曰尽矣【既送作冠模法又进二冠以与之僞若不解其意】爲叔孙故申丰以货如晋【欲行货以免叔孙】叔孙曰见我吾告女所行货见而不出【留申丰不使得出不欲以货免】吏人之与叔孙居于箕者请其吠狗弗与及将归杀而与之食之【示不爱】叔孙所馆者虽一日必葺其墙屋去之如始至【不以当去而有所毁坏】

取邾师疆吏爲之耳季孙当国夙与邾讎故疆吏承其意而啓衅焉乃蔽罪于行人晋政之无章甚矣盖三家惟叔孙氏尚不忘君故中军作舍皆不与季氏同心意如将逐其君故恶君于晋并及叔孙而晋之疆臣爲之谋主遂明知叔孙无罪而横加执辱耳

晋人围郊【郊杜注周邑】

【公羊传】郊者何天子之邑也曷爲不系于周不与伐天子也

郊子朝邑晋遣大夫助王围郊而经以人书防之也当是时天子防尘晋爲方伯不躬率诸侯以赴其急而徐遣大夫帅偏师往援是养乱也书晋人围郊而不能勤王之罪见矣

【附錄左】夏四月乙酉单子取訾刘子取墙人直人【三邑属子朝者訾杜注在河南巩县西南墙人今河南新安县东北有白墙村疑即其处】六月壬午王子朝入于尹【尹杜注尹氏之邑今山西汾州有尹吉甫墓即古尹城也】癸未尹圉诱刘佗杀之【尹圉尹文公也刘佗刘盩族敬王党】丙戌单子从阪道刘子从尹道伐尹单子先至而败刘子还【单子败故】己丑召伯奭南宮极以成周人戍尹【二子周卿士子朝党奭召莊公】庚寅单子刘子樊齐以王如刘【辟子朝出居刘子邑】甲午王子朝入于王城次于左巷【近东城】秋七月戊申鄩罗纳诸庄宫【鄩罗周大夫鄩肸之子】尹辛败刘师于唐【尹辛尹氏族唐杜注

周地后汉志洛阳有唐聚在今洛阳县东】丙辰又败诸鄴甲子尹辛取西阨【西阨杜注周地】丙寅攻蒯蒯潰【蒯敬王邑杜注河南县西南蒯鄉是也在今洛阳县西南于是敬王居狄泉尹氏立子朝】

夏六月蔡侯东国卒于楚

因朝于楚而卒也王父见杀父见用已乃结楚嬖臣以逐其君而又朝之三纲絕矣不书 魯不会也

秋七月莒子庚舆来奔

【左传】莒子庚舆虐而好剑苟铸剑必试诸人国人患之又将叛齐乌存帅国人以逐之【乌存莒大夫】庚舆将出闻乌存执殳而立于道左惧将止死苑羊牧之曰【牧之亦莒大夫】君过之乌存以力闻可矣何必以弑君成名遂来奔齐人纳郊公【郊公着丘公之子十四年奔齐】

庚舆入国不书而书其出以奔鲁故志之于是齐人纳郊公郊公出入皆不书微之也微之爲义防以国防以位防以人防以事春秋达王事若郊公之类名氏不登于史防者众矣

戊辰吴败顿胡沈蔡陈许之师于鸡父胡子髡沈子逞灭获陈夏齧【父谷梁作甫逞公羊作楹谷梁作盈鸡父杜注楚地安丰县南有鸡备亭今安丰故城在江南寿州西南鸡备亭又在其城西南】

【左传】吴人伐州来楚防越帅师及诸侯之师奔命救州来【令尹以疾从戎故防越摄其事】吴人御诸钟离子瑕卒楚师燿【子瑕即令尹不起所疾也吳楚之闲谓火灭爲燿言其军人无复气势】吴公子光曰诸侯从于楚者众而皆小国也畏楚而不获已是以来吾闻之曰作事威克其爱虽小必济【克胜也军事尚威】胡沈之君幼而狂【狂无常】陈大夫齧壮而顽顿与许蔡疾楚政楚令尹死其师燿帅贱多宠政令不壹【帅贱防越非正卿也军多宠人政令不壹于越】七国同役而不同心【七国楚顿胡沈蔡陈许】帅贱而不能整无大威命楚可败也若分师先以犯胡沈与陈必先奔三国败诸侯之师乃摇心矣诸侯乖乱楚必大奔请先者去备薄威【示之以不整以诱之】后者敦陈整旅【敦厚也】吳子从之戊辰晦战于鸡父【七月二十九日违兵忌晦战击楚所不意】吳子以罪人三千先犯胡沈与陈【囚徒不习战以示不整】三国争之吳爲三军以系于后中军从王光帅右掩余帅左【掩余吳王寿梦子】吳之罪人或奔或止三国乱吳师击之三国败获胡沈之君及陈大夫舍胡沈之囚使奔许与蔡顿曰吾君死矣师噪而从之三国奔【三国许蔡顿】楚师大奔书曰胡子髡沈子逞灭获陈夏齧君臣之辞也【君社稷之主与宗庙共存亡者故称灭大夫轻故曰获获得也】不言战楚未陈也

【公羊传】此偏战也曷爲以诈战之辞言之不与夷狄之主中国也【序上言战别主客之

直不直也今吴序上而言战则主中国辞也】然则曷爲不使中国主之中国亦新夷狄也【王室乱诸侯莫肯救则与吴无以异】其言灭获何别君臣也君死于位曰灭生得曰获大夫生死皆曰获不与夷狄之主中国则其言获陈夏鬻何吴少进也【能结日偏战行少进故从中国辞治之】

【谷梁传】中国不言败此其言败何也中国不败胡子髡沈子盈其灭乎其言败释其灭也【若师不败则君无由灭也】获陈夏鬻获者非与之辞也上下之称也【君曰灭臣曰获君臣之称】楚以诸侯之师与吴战六国先败楚师遂奔故不书楚诸侯之师略而不序者顿胡沈则君将陈蔡许则大夫将言战则未陈言败绩则灭获不同故总言吴以诈取胜于前而以君与大夫序六国于后或曰灭或曰获别君臣也国君社稷之主与宗庙共存亡是以称灭大夫轻故言获获生得也

天王居于狄泉尹氏立王子朝【狄泉杜注洛阳城内大仓西南池水也时在城外定元年城成周乃绕之入城亦曰翟泉在洛阳县东故洛阳城中今堙】

【公羊 】此未三年其称天王何着有天子也

【谷梁传】始王也其曰天王因其居而王之也【天子逾年即位称王敬王逾年而出故曰始王虽不在国行即位之礼王者以天下爲家故居于狄泉称王】立者不宜立者也朝之不名何也别嫌乎尹氏之朝也【若但言尹氏立朝则嫌朝是尹氏之子故言王子以别之】

敬王王猛之母弟得继正统时景王崩已逾年故称天王以明其正狄泉在王城东直称天王居于狄泉而不言立者着天下有王矣立者不宜立也天下既有王则尹氏不宜立子朝也称立而目尹氏盖曰独尹氏所欲立异于石碣立晋而书衛人以着其爲众人所欲立也朝已僭号犹称王子言莫之君也传称尹圉而经书尹氏着世卿之擅权乱国爲后戒也

八月乙未地震

【左 】八月丁酉南宫极震【经书乙未地震鲁地也丁酉南宫极震周地亦震也爲屋所压而死】莒 谓刘文公曰君其勉之先君之力可济也【文公刘蚘先君谓蚘之父献公也献公欲立子猛未及而卒】周之亡也其三川震【谓幽王时三川泾渭洛水也地动川岸崩】今西王之大臣亦震天弃之矣【子朝在王城故谓西王】东王必大克【敬王居狄泉在王城之东故曰东王】

【附錄左传】楚太子建之母在郢【郢杜注郢阳也蔡邑应在今新蔡境平王娶秦女废太子建故母归其家】召吴人而啓之冬十月甲申吴太子诸樊入郢【杜注诸樊吴王僚之太子按吴子遏号诸樊王僚是遏之弟子先儒又以爲遏弟何容僚子乃取遏号爲名恐传写之误】取楚夫人及其宝器以归【夫人大子建母】楚司马防越追之不及将死众曰请遂伐吴以徼之防越曰再败君师死且有罪【此年秋败于鸡父设往复败爲再败】亡君夫人不

可以莫之死也乃縊于防渚【防渚杜注楚地在今湖广京山县境】

冬公如晋至河有疾乃复【至河下公羊谷梁又有公字】

【左传】公爲叔孙故如晋及河有疾而复【此年春晋爲邾人执叔孙故公如晋请之】

【公羊传】何言乎公有疾乃复杀耻也【因有疾以杀畏晋之耻谷梁传】疾不志此其志何也释不得入乎晋也

昭公两朝晋而一见止五如晋而四不得入今复如晋爲叔孙请也公知季孙构已于晋往必不纳故托疾以返盖至是而意如与公有不能竝立之势矣明年公孙不之晋而之齐盖稔知晋之彊家与意如之交甚固耳

【附錄左传】楚囊瓦爲令尹【囊瓦子囊之孙子常也代阳句】城郢【楚用子囊遗言已筑郢城矣今畏吳复增修以自固】沈尹戌曰子常必亡郢苟不能卫城无益也古者天子守在四夷【德及遠】天子卑守在诸侯诸侯守在四邻【邻国爲之守】诸侯卑守在四竟【裁自完】慎其四竟结其四援民狎其野【狎安习也】三务成功【春夏秋三时之务】民无内忧而又无外惧国焉用城今吳是惧而城于郢守已小矣卑之不获能无亡乎【不获守四竟】昔梁伯沟其公宫而民溃【在僖十八年】民弃其上不亡何待夫正其疆場修其土田险其走集【走集邊竟之垒壁】亲其民人明其伍候【使民有部伍相爲候望】信其邻国慎其官守守其交礼【交接之礼】不僭不贪不懦不耆【耆强也】完其守备以待不虞又何畏矣诗曰无念尔祖聿修厥德【诗大雅无念念也义取念祖考则述治其德以显之】无亦监乎若敖蚡冒至于武文【四君皆楚先君之贤者】土不过同【方百里爲一同】慎其四竟犹不城郢今土数圻【方千里爲圻】而郢是城不亦难乎【爲定四年吳入楚】

二十有四年春

【附錄左】二十四年春王正月辛丑召简公南宫嚭以甘桓公见王子朝【简公召庄公之子召伯盈也嚭南宫极之子桓公甘平公之子】刘子谓莒曰甘氏又往矣对曰何害同德度义大誓曰纣有亿兆夷人亦有离德余有乱臣十人同心同德此周所以兴也君其务德无患无人戊午王子朝入于郕【郕杜注缙氏西南有郕聚】

王二月丙戌仲孙貜卒

叔孙舍至自晋【左氏谷梁无叔孙字】

【左】晋士弥牟逆叔孙于箕【将礼而归之】叔孙使梁其蹇待于门内【蹇叔孙家臣】曰余左顾而欸乃杀之【疑士伯来杀已故谋杀之】右顾而笑乃止叔孙见士伯士伯曰寡君以爲盟主之故是以久子【久执子以谢邾】不腆敝邑之礼将致诸从者使弥牟逆吾

子叔孙受礼而归二月媾至自晋尊晋也【贬媾族所以尊晋媾行人故不言罪已】

【谷梁】大夫执则致致则挈由上致之也【上谓宗庙也致臣于庙则直挈其名而已所谓君前臣名】

媾之至二传皆去氏公羊独书氏所授异耳疏公羊者以爲意如有罪故去其氏叔孙无罪故无贬文胡氏安国主其説义似可从盖媾之见执实非其罪而以礼自衛终不辱国固不可与意如同也

【附録左传】三月庚戌晋侯使士景伯涖问周故【就问子朝敬王知谁曲直】士伯立于干祭而问于介众【干祭王城北门介大也】晋人乃辞王子朝不纳其使【以众言子朝曲故】

夏五月乙未朔日有食之

【左传】夏五月乙未朔日有食之梓慎曰将水【阴胜阳故曰将水】昭子曰旱也日过分而阳犹不克克必甚能无旱乎【过春分阳气盛时而不胜阴阳将猥出故爲旱】阳不克莫将积聚也【阳气莫然不动乃将积聚】

【附録左】六月壬申王子朝之师攻瑕及杏皆溃【瑕杏敬王邑】郑伯如晋子大叔相见范献子献子曰若王室何

对曰老夫其国家不能恤敢及王室抑人亦有言曰嫠不恤其纬【嫠寡妇也织者常苦纬少嫠妇所宜忧】而忧宗周之隕爲将及焉【恐祸及己】今王室实蠢蠢焉【蠢蠢动扰貌】吾小国惧矣然大国之忧也吾侪何知焉吾子其早图之诗曰玼之罄矣惟蠹之耻【诗小雅蠹大器玼小器常稟于蠹者而所受罄尽则蠹爲无余故耻之】王室之不宁晋之耻也献子惧而与宣子图之【宣子韩起】乃徵防于诸侯期以明年【爲明年会黄父传】

秋八月大雩

【左传】秋八月大雩旱也【终如叔孙之言】

丁酉杞伯郁厘卒【郁公羊作鬱】

【附録左传】冬十月癸酉王子朝用成周之宝珪于河【祷河求福】甲戌津人得诸河上【珪自出水】阴不佞以温人南侵【不佞敬王大夫晋以温兵助王南侵子朝】拘得玉者取其玉将卖之则爲石王定而献之与之东訾【喜得玉故东訾杜注巩县西南訾城是也今巩县西南有訾店以有西訾故言东以别之】

冬吳灭巢

【左传】楚子爲舟师以略吴疆沈尹戌曰此行也楚必亡邑不抚民而劳之吴不动而速之【速召也】吴踵楚而疆場无备【踵蹶楚后】邑能无亡乎越大夫胥犴劳王于豫章之汭【汭水曲】越公子仓归王乘舟仓及寿梦帅师从王【寿梦越大夫】王及圉阳而还【圉阳杜注楚地】吴人踵楚而边人不备遂灭巢及钟离而还【钟离不书告败略】沈尹戌曰亡郢之始于此在矣王壹动而亡二姓之帅【二姓之帅守巢钟离大夫】几如是而不及郢诗曰谁生厉阶至今爲梗【诗大雅厉恶阶道梗病也】其王之谓乎【爲定四年吴入郢】

巢楚属国而近吴吴将谋楚故先翦其为国与国尽则及于楚此入郢之渐也杜氏预以巢爲楚邑非也胜国曰灭获邑曰取国大而邑轻不可同辞

葬杞平公

二十有五年春叔孙舍如宋

【左传】二十五年春叔孙婣聘于宋桐门右师见之【右师乐大心居桐门】语卑宋大夫而贱司城氏【司城氏乐氏之大宗也卑贱谓其才德薄】昭子告其人曰右师其亡乎君子贵其身而后能及人是以有礼【唯礼可以贵身贵身故尚礼】今夫子卑其大夫而贱其宗是贱其身也【贱人人亦贱已】能有礼乎无礼必亡宋公享昭子赋新宫【逸诗】昭子赋车辖【诗小雅周人思得贤女以配君子昭子将爲季孙逆宋公女故赋之】明日宴饮酒乐宋公使昭子右坐【坐宋公右以相近言改礼坐】语相泣也乐祁佐【助宴礼】退而告人曰今兹君与叔孙其皆死乎吾闻之哀乐而乐哀【可乐而哀可哀而乐】皆丧心也心之精爽是谓魂魄魂魄去之何以能久【爲此冬叔孙宋公卒传】季公若之姊爲小邾夫人【平子庶姑与公若同母故曰公若秭】生宋元夫人【平子外姊】生子以妻季平子昭子如宋聘且逆之公若从【从昭子】谓曹氏勿与【曹氏宋元夫人】鲁将逐之曹氏告公公告乐祁乐祁曰与之如是鲁君必出政在季氏三世矣【文子武子平子】鲁君丧政四公矣【宣成襄昭】无民而能逞其志者未之有也国君是以镇抚其民诗曰人之云亡心之忧矣【诗大雅言无人则忧患至】鲁君失民矣焉得逞其志靖以待命犹可动必忧【爲下公孙】

此季孙意如将娶于宋而舍爲之纳聘且逆妇也国君逆女则使卿今意如以己私婚遣公室之正卿则名虽爲臣而实行鲁君之事其專恣不臣甚矣尚何待昭公孙齐而后擅鲁哉

夏叔诣会晋赵鞅宋乐大心衛北宫喜郑游吉曹人邾人滕人薛人小邾人于黄父【诣公羊谷梁作倪后同大心公羊作世心后同黄父即黑壤晋地】

【左】夏会于黄父谋王室也赵简子令诸侯之大夫输王粟具戍人【简子既鞅】曰明年将纳王【纳王于王城】子大叔见赵简子简子问揖讓周旋之礼焉对曰是仪也非礼也

简子曰敢问何谓礼对曰吉也闻诸先大夫子产曰夫礼天之经也【经者道之常】地之义也【义者利之宜】民之行也【行者人所履】天地之经而民实则之则天之明【日月星辰天之明】因地之性【高下刚柔地之性】生其六气【谓阴阳风雨晦明】用其五行【金木水火土】气爲五味【酸醎辛甘苦】发爲五色【青黄赤白黑】章爲五声【宫商角徵羽】淫则昏乱民失其性【滋味声色过则伤性】是故爲礼以奉之爲六畜五牲三牺以奉五味【六畜马牛羊鸡犬豕五牲防鹿麋狼 三牺祭天地宗庙三者谓之牺】爲九文六采五章以奉五色【九文谓山龙华虫宗彝藻火粉米黼黻也六采画绩之事杂用天地四方之色青与白赤与黑 与黄皆相次谓之六色五章青与赤谓之文赤与白谓之章白与黑谓之黼黑与青谓之黻五色备谓之绣】爲九歌八风七音六律以奉五声爲君臣上下以则地义【君臣有尊卑法地有高下】爲夫妇外内以经二物【夫治外妇治内各治其物】爲父子兄弟姑姊甥舅昏媾姻亚以象天明【六亲和睦以事严父若众星之拱辰极也妻父曰昏重昏曰媾婿父曰姻两婿相谓曰亚】爲政事庸力行务以从四时【在君爲政在臣爲事民功曰庸治功曰力行其德教务其时要礼之本也】爲刑罚威狱使民畏忌以类其震曜杀戮【雷震电曜天之威也圣人作刑戮以象之】爲温慈惠和以效天之生殖长育民有好恶喜怒哀乐生于六气【此六者皆禀阴阳风雨晦明之气】是故审则宜类以制六志【爲礼以制好恶喜怒哀乐六志使不过节】哀有哭泣乐有歌舞喜有施舍怒有战鬪喜生于好怒生于恶是故审行信令祸福赏罚以制死生生好物也死恶物也好物乐也恶物哀也哀乐不失乃能协于天地之性是以长久简子曰甚哉礼之大也对曰礼上下之纪天地之经纬也【经纬错居以相成者】民之所以生也是以先王尚之故人之能自曲直以赴礼者谓之成人【曲直以弼其性】大不亦宜乎简子曰鞅也请终身守此言也宋乐大心曰我不输粟我于周爲客若之何使客晋士伯曰自践土以来宋何役之不会而何盟之不同曰同恤王室子焉得辟之子奉君命以会大事而宋背盟无乃不可乎右师不敢对受牒而退士伯告简子曰宋右师必亡奉君命以使而欲背盟以干盟主无不祥大焉【言不善无大此者爲定十年宋乐大心出奔传】

王室之乱四年诸侯无一念及者至是晋以郑游吉之语赧然内惭始合诸大夫谋之而方是时大夫皆谋弱公室以私便身图安知勤王之义哉虽勉从人言爲会以塞天下之议而期以来年及来年王入成周子朝奔楚晋与诸国无见焉则空有此会而诸大夫之罪不待贬而着矣

有鸛鹄来巢【鸛公羊作鸛】

【左传】有鸛鹄来巢书所无也师己曰【师己鲁大夫】异哉吾闻文成之世童谣有之曰鸛之鹄之公出辱之【言鸛鹄来则公出辱也】鸛鹄之羽【羽飞貌】公在外野往馈之马鸛鹄踉踉【踉踉跳行貌】公在干侯微褰与襦【褰袴】鸛鹄之巢遠哉遥遥褊父丧劳宋父以骄【褊父昭公死外故丧劳宋父定公代立故以骄】鸛鹄鸛鹄往歌来哭【昭公生出歌死还哭】童谣有是今鸛鹄来巢其将及乎【将及祸也】

【公羊传】何以书记异也何异尔非中国之禽也宜穴又巢也

【谷梁传】一有一亡曰有来者来中国也鸛鹄穴者而曰巢防曰增之也【如增言巢尔其实不巢也】

考工记曰鸛鹄不逾济鲁在汶南其所本无今忽有之故书曰有又其物穴处今而巢居阴当阳位臣逐君象也使昭公能以德消异则无其应矣

秋七月上辛大雩季辛又雩

【左传】秋书再雩旱甚也

【公羊传】又雩者何又雩者非雩也聚众以逐季氏也【谷梁传】季者有中之辞也又有继之辞也【中中辛緣有上辛大雩故言又也】

季辛不言大防上文也早既大甚因一月再雩而志其僭且数也

九月己亥公孙于齐次于阳州【己亥谷梁作乙亥阳公羊作杨阳州杜注齐鲁竟上邑今山东东平州东北有阳州城是也】

【左传】初季公鸟娶妻于齐鲍文子生申【公鸟季公亥之兄平子庶叔】公鸟死季公亥与公思展与公鸟之臣申夜姑相其室【公亥即公若展季氏族】及季姒与饗人檀通而惧【季姒即文子女饗人食官檀名】乃使其妾扶已以示秦遄之妻曰【秦遄鲁大夫妻公鸟妹】公若欲使余余不可而扶余又诉于公甫曰【公甫平子弟】展与夜姑将要余【要劫我以非礼】秦姬以告公之【公之亦平子弟】公之与公甫告平子平子拘展于卞而执夜姑将杀之公若泣而哀之曰杀是是杀余也将爲之请平子使竖勿内日中不得请有司逆命【请杀生之命】公之使速杀之故公若怨平子季郈之鸡鬪【季平子郈昭伯二家相近故鸡鬪】季氏介其鸡【介甲也爲鸡着甲】郈氏爲之金距平子怒【怒不下己】益宫于郈氏【侵其室以自益】且让之故郈昭伯亦怨平子臧昭伯之从弟会【昭伯臧爲子】爲谗于臧氏而逃于季氏臧氏执旃平子怒拘臧氏老将蒞于襄公万者二人其众万于季氏【万舞也于礼公当三十六人】臧孙曰此之谓不能庸先君之庙【不能用礼也】大夫遂怨平子公若献弓于公爲【公爲昭公子务人】且与之出射于外而谋去季氏公爲告公果公责【果责皆公爲弟】公果公责使侍人僚相告公公寢将以戈击之【佯怒】乃走公曰执之亦无命也【独言执之无敕命】惧而不出数月不见公不怒又使言公执戈以惧之乃走又使言公曰非小人之所及也【小人谓僚相】公果自言公以告臧孙臧孙以难【言难逐】告郈孙郈孙以可劝告子家懿伯【名羈庄公 孙】懿伯曰谗人以君徼幸事若不克君受其名【受恶名】不可爲也舍民数世以求克事不可必也且政在焉其难图也公退之【退使去】辞曰臣与闻命矣言若泄臣不获死乃馆于公【恐受泄命之罪故留公宫以自明】叔孙昭子如阚【阚杜注鲁邑】公居于长府【长府官府名】九月戊戌伐季氏杀公之于门遂入之平子登台而请曰君不察臣之罪使有司讨臣以干戈臣请待于沂上以察罪【沂上杜注鲁城南有沂水】弗许请囚于费弗许请以五乘亡弗许子家子曰君其许之政自之

出久矣隱民多取食焉【隱约穷困】爲之徒者众矣日入慝作弗可知也【慝奸恶也日冥奸人将起叛君助季氏不可知】众怒不可蓄也【季氏众】蓄而弗治将蕕【蕕积也】蕕蓄民将生心生心同求将合【与季氏同求叛君者】君必悔之弗听郈孙曰必杀之公使郈孙逆孟懿子【懿子仲孙何忌】叔孙氏之司马驪戾言于其众曰若之何莫对又曰我家臣也不敢知国凡有季氏与无于我孰利皆曰无季氏是无叔孙氏也驪戾曰然则救诸帅徒以往陷西北隅以入【陷公围也】公徒释甲执冰而踞【冰檠丸盖或云檠丸是箭箒其盖可以取饮言无战心也】遂逐之【逐公徒】孟氏使登西北隅以望季氏见叔孙氏之旌以告孟氏执郈昭伯杀之于南门之西遂伐公徒子家子曰诸臣僞劫君者而负罪以出君止【诸臣谓公若等使若非公本意君自可止不出】意如之事君也不敢不改公曰余不忍也与臧孙如墓谋【辞先君且谋所奔】遂行己亥公孙于齐次于阳州

【谷梁传】孙之爲言犹孙也讳奔也次止也

内讳奔曰孙不忍斥言故隱之书次以公去国失其所也阳州齐鲁境上邑将求援于齐未敢直前故野次以待命也夫季氏之恶极矣說者谓昭公不知威权去已而逞一朝之忿欲骤正之求凶之道以是咎公固然然于意如逐君篡国之愆反一无所责若本无罪而祇爲公讎者则大失是非之正灭人纪矣

齐侯唁公于野井【野井杜注济南祝阿县东有野井亭在今齐河县东济河北岸左传】齐侯将唁公于平陰公先至于野井齐侯曰是寡人之罪也使有司待于平陰爲近故也【平陰齐地齐侯自咎本不敕有司远诣阳州而欲近防于平陰故令鲁侯过共先至野井远来迎己自责以谢公】书曰公孙于齐次于阳州齐侯唁公于野井礼也将求于人则先下之礼之善物也【物事也谓先往至野井】齐侯曰自莒疆以西请致千社【二十五家爲社千社二万五千家】以待君命【待君伐季氏之命】寡人将帅敝赋以从执事唯命是听君之忧寡人之忧也公喜子家子曰天禄不再天若胙君不过周公以鲁足矣失鲁而以千社爲臣【爲齐臣】谁与之立且齐君无信不如早之晋弗从臧昭伯率从者将盟载书曰戮力壹心好恶同之信罪之有无【信明也处者有罪从者无罪】繾綣从公【繾綣不散】无通外内以公命示子家子子家子曰如此吾不可以盟羈也不佞不能与二三子同心而以爲皆有罪【从者陷君留者逐君皆有罪也】欲通外内【通外内之言彼此解說】且欲去君【去君僞负罪出奔不必繾綣从公】二三子好亡而恶定焉可同也陷君于难罪孰大焉通外内而去君君将速入弗通何爲而何守焉【何必守公】乃不与盟【公羊】唁公者何昭公将弑季氏【言弑误】告子家驹曰季氏爲无道僭于公室久矣吾欲弑之何如子家驹曰诸侯僭于天子大夫僭于诸侯久矣昭公曰吾何僭矣哉子家驹曰设两观【礼天子外阙两观诸侯内阙一观】乘大路【礼天子大路诸侯路车大夫大车士饰车】朱千玉戚以舞大夏【千楯也以朱饰楯戚斧也以玉饰斧大夏夏乐周所以舞夏乐者王者始起未制作之时取先王之乐与己同者假以风化天下天下大同乃自作乐取夏乐者与周俱文也】八佾以舞大武此皆天子之礼也且夫牛马维娄【系马曰维系牛曰娄】委己者也而柔焉【委食己者柔顺也言牛马犹顺餒己之人喻民受季氏惠自当从之】季氏得民众久矣君无多辱焉昭公不从其言终弑而败焉走之齐齐侯唁公于野井曰奈何君去鲁国之社稷昭公曰防人不佞

失守鲁国之社稷执事以羞【谦自比齐下执事言以羞及君】再拜颡【谢见唁也】庆子家驹曰【庆贺也】庆子免君于大难矣子家驹曰臣不佞陷君于大难君不忍加之以鈇钺赐之以死再拜颡高子执簞食与四脰脯【屈曰胸伸曰脰】国子执壶浆曰吾寡君闻君在外餽饗未就【餽熟食饗熟肉未就未成也】敢致糗于从者昭公曰君不忘吾先君延及丧人锡之以大礼再拜稽首以衽受【衽衣下裳当前者乏器谦不敢求索】高子曰有夫不祥【犹曰人皆有夫不善】君无所辱大礼【礼臣受君赐答拜谓之拜命之辱高子见昭公拜辱大卑故曰君无所辱大礼】昭公盖祭而不尝【食必祭示有所先不尝待礼让也】景公曰寡人有不腆先君之服未之敢服有不腆先君之器未之敢用敢以请昭公曰丧人不佞失守鲁国之社稷执事以羞敢辱大礼敢辞景公曰寡人有不腆先君之服未之敢服有不腆先君之器未之敢用敢固以请昭公曰以吾宗庙之在鲁也有先君之服未之能以服有先君之器未之能以出敢固辞景公曰寡人有不腆先君之服未之敢服有不腆先君之器未之敢用请以飨乎从者昭公曰丧人其何称【行礼宾主当各有所称昭公失国不敢仍故称故谦而问之】景公曰孰君而无称昭公于是噉然而哭【噉然哭声感景公言而自伤】诸大夫皆哭既哭以人爲菑【菑周埒垣也所以别内外卫威仪也】以辇爲席【辇车覆簑】以鞍爲几以遇礼相见【以诸侯出相遇之礼相见】孔子曰其礼与其辞足观矣【言外讥之】

【谷梁】吊失国曰唁唁公不得入于鲁也

凡唁皆造其所居公方孙齐求援故齐侯以唁爲名而寔拒公之适己也书齐侯唁非与其能唁也讥其无救灾恤患之实徒行虚礼而诚不在焉耳

冬十月戊辰叔孙舍卒

【左】昭子自阼归见平子平子稽颡曰子若我何昭子曰人谁不死子以逐君成名子孙不忘不亦伤乎将若子何平子曰苟使意如得改事君所谓生死而肉骨也昭子从公于齐与公言子家子命适公馆者执之【恐从者知叔孙谋】公与昭子言于幄内曰将安众而纳公公徒将杀昭子伏诸道左师展告公【展鲁大夫】公使昭子自铸归【辟伏兵】平子有异志【不欲复纳公】冬十月辛酉昭子齐于其寝使祝宗祈死戊辰卒【耻爲平子所欺故祈而自杀】左师展将以公乘马而归【欲与公俱轻归】公徒执之

昭公之祸原于叔孙氏之司马嫪果愤意如见欺即宜正鬻戾之罪而诛之以剪季氏之羽翼而徐爲之图今乃付之无可奈何之命则非忠矣至祈死之說本不可信此年春嫪聘宋与宋公对语而泣乐祈已知其魂魄去矣何侍于祈哉

【附錄左】壬申尹文公涉于巩焚东訾弗克【文公子朝党于巩县涉洛水也东訾杜注敬王邑】

十有一月己亥宋公佐卒于曲棘【曲棘杜注宋地陈畱外黄县城中有曲棘里当在今河南杞县境】

【左】十一月宋元公将爲公故如晋【请纳公】梦大子栾即位于庙已与平公服而相之【栾元公子平公元公父】旦召六卿公曰寡人不佞不能事父兄【父兄谓华向】以爲二三子忧寡人之罪也若以羣子之灵获保首领以歿唯是楸柩所以借干者【楸柩棺中苓牀也干骸骨也】请无及先君【欲自贬损】仲防对曰君若以社稷之故私降昵宴羣臣弗敢知【昵近也降昵宴谓损声乐饮食之事】若夫宋国之法死生之度先君有命矣羣臣以死守之弗敢失队臣之失职常刑不赦臣不忍其死君命祇辱【言君命必不行祇适也】宋公遂行己亥卒于曲棘

【公羊】曲棘者何宋之邑也诸侯卒其封内不地此何以地忧内也【时闻昭公见逐欲纳之故曰忧内】

【谷梁】郝公也【郝谋也】

曲棘宋地诸侯以境内爲家故行而卒于境内者不书其地盖以爲常事而告辞不及也宋元公以公故将如晋以谋纳公故告辞独详而载于册书夫元公之女爲意如妻乃能不昵私爱急于正伦恤患贤于当时诸侯遠矣故不削其卒地以别之

十有二月齐侯取郚

【左】十二月庚辰齐侯围郚【欲取以居公】

【公羊】外取邑不书此何以书爲公取之也

【谷梁】取易辞也内不言取以其爲公取之故易言之也

郚鲁邑书齐侯取之何也齐不自取而爲公取郚使居之盖无意于纳公也使齐侯移围郚之师直指鲁郊执意如而归之京师复昭公于鲁则义声振于天下矣乃不能讨贼以正大义而姑取郚以塞己责故书以讥之胡氏安国乃谓公已絶于鲁而见逐于季氏爲不君此害义之言非经指也

【附錄左】初臧昭伯如晋臧防窃其宝 倭句【防昭伯从弟倭句 所出地名】以卜爲信与僭【僭不信也】僭吉臧氏老将如晋问【问昭伯起居】防请往【代家老行】昭伯问家故【故事也】尽对及内子与母弟叔孙则不对【内子昭伯妻不对若有他故】再三问不对归及郊会逆问又如初至次于外而察之皆无之执而戮之逸奔郚郚假使爲贾正焉【郚杜注在东平无盐县东南今山东东平州东四十里有郚城郚假郚邑大夫贾正掌货物若市吏】计于季氏【送季簿】臧氏使五人以戈楯伏诸桐汝之间【桐汝杜注里名】会出逐之反奔执诸季氏中门之外平子怒曰何故以兵入吾门拘臧氏老季臧有恶【相怨恶】及昭伯从公平子立臧防【立以爲臧氏后】会曰倭句不余欺也【言不信果验】楚子使防射城州屈复茄人焉【还复茄人于州屈】城丘皇迁訾人焉【迁訾人于丘皇】

使熊相禠郭巢季然郭卷【使二大夫爲巢卷筑郭也卷杜注卷城在南阳叶县南今河南叶县西南有建城故城即其地】子太叔闻之曰楚王将死矣使民不安其土民必忧忧将及王弗能久矣【爲明年楚子居卒】

日讲春秋解义卷五十四

卷五十五

<经部,春秋类,日讲春秋解义

钦定四库全书

日讲春秋解义卷五十五

昭公

二十有六年春王正月

【附录左传】二十六年春王正月庚申齐侯取郛

葬宋元公

【左传】葬宋元公如先君礼也【善宋人违命以合礼】

昭公在外而鲁于诸侯之丧每遣使防葬则意如之专鲁与君无异矣

三月公至自齐居于郛

【左传】三月公至自齐处于郛言鲁地也

【谷梁传】公次于阳州其曰至自齐何也【公但至阳州未至齐】以齐侯之见公可以言至自齐也居于郛者公在外也至自齐道义不外公也【君虽在外犹以在国之礼录之是崇君之道】公来自野井初未及齐国都而曰至自齐野井齐地故也入鲁境故书至犹在外故书地居者有其

土地人民之称若曰鲁地非意如之所得有所以存公也郑伯突失国而取栎以居衛侯衎失国而取夷仪以居皆书曰入此不言入内辞也爲尊者亲者讳使若适他国而返居于郛存一国之防也

夏公围成

【左传】夏齐侯将纳公命无受鲁货申丰从女贾【丰贾二人皆季氏家臣】以币锦二两【二丈爲一端二端爲一两所谓匹也二两二疋】防一如瑱【瑱充耳防卷也急卷使如充耳易怀藏】适齐师谓子犹之人高齎【子犹梁丘据齎子犹家臣】能货子犹爲高氏后粟

五千庾【言若能爲行货于子犹当爲请使得爲高氏后又当致粟五千庾庾十六斗凡八千斛】高齎以锦示子犹子犹欲之齎曰鲁人买之百两一布【布陈之以百两爲数言买此甚多】以道之不通先入币财【财犹材也】子犹受之言于齐侯曰羣臣不尽力于鲁君者非不能事君也然据有异焉【异犹怪也】宋元公爲鲁君如晋卒于曲棘叔孙昭子求纳其君无疾而死【俱在前年】不知天之弃鲁耶抑鲁君有罪于鬼神故及此也君若待于曲棘使羣臣从鲁君以卜焉若可师有济也君而继之兹无敌矣若其无成君无辱焉齐侯从之使公子鉏帅师从公【鉏齐大夫】成大夫公孙朝谓平子曰有都以衛国也请我受师【以成邑御齐师】许之请纳质弗许曰信女足矣告于齐师曰孟氏鲁之敝室也用成已甚弗能忍也请息肩于齐【公孙朝诈齐师言欲降使来取成】齐师围成成人伐齐师之饮马于淄者曰将以厌众【以厌众心不欲使知已降也淄杜注水出泰山梁父县西北入汶汉梁父在今泗水县北】鲁成备而后告曰不胜众【告齐言众不欲降已不能胜】师及齐师战于炊鼻【季氏师拒公炊鼻杜注鲁地】齐子渊捷从泄声子【声子鲁大夫】射之中楯瓦【瓦楯脊】繇胸汰辘匕入者三寸【入楯瓦也胸车轭辘车辕繇过也汰矢激匕矢鏃也】声子射其马斩鞅殪改驾人以爲禡戾也而助之【人鲁人也禡戾叔孙氏司马】子车曰齐人也【子车即渊捷】将击子车子车射之殪其御曰又之【又欲使射余人】子车曰众可惧也而不可怒也子囊带从野泄叱之【囊带齐大夫野泄即声子】泄曰军无私怒报乃私也将亢子又叱之【子囊复叱】亦叱之【野泄亦叱也言齐无战心但相叱】冉竖射陈武子中手【冉竖季氏臣武子陈子彊】失弓而骂【武子骂】以告平子曰有君子白晢鬢须眉甚口平子曰必子彊也无乃亢诸对曰谓之君子何敢亢之【僞言不敢违季氏】林雍羞爲顔鸣右下【皆鲁人羞爲右故下车战】苑何忌取其耳【何忌齐大夫】顔鸣去之【其右见获惧而去之】苑子之御曰视下顾【复欲使苑子击其足】苑子荆林雍断其足鑿而乘于他车以归【荆砍也鑿一足行】顔鸣三入齐师呼曰林雍乘【言鲁人皆致力于季氏不以私怨而相弃】

【谷梁传】非国不言围所以言围者以大公也【崇大其事】齐侯谋纳公使公子鉏帅师围成不书公以齐师而直曰公围成恶齐受季氏之赂虽得其师不足以也春秋凡公出在境内而返不书至定公在国而致围成所以着公之危弱攻私邑如敌国也昭公已去国而不致围成者所以存公如公之在国也然昭公既孙自他国返必书至惟自围成而复居于郚不言至亦以示内外之别耳

【附录左传】四月单子如晋告急五月戊午刘人败王城之师于尸氏【刘人刘蚘之属王城子朝之徒尸氏杜注在巩县西南偃师城汉志偃师有尸乡今河南偃师县西南新蔡镇即古尸乡也】戊辰王城人刘人战于施谷【施谷杜注周地】刘师败绩

秋公会齐侯莒子邾子杞伯盟于鄆陵【鄆公羊作剗鄆陵杜注地阙左传】秋盟于鄆陵谋纳公也

霸统既絶参盟复作此齐景假纳公之名以纠合也十六年齐徐邾莒尝盟于蒲隧十九年宋邾郕尝盟于虫则诸侯固有不待霸主而自盟会者矣至是始书以晋不复能有诸侯也晋不

主盟而后齐专盟矣

公至自会居于郛

【谷梁传】公在外也至自会道义不外公也

凡公行返而告庙则书至昭公居郛非宗庙之所在何以书曾子问云君去其国大宰取羣庙之主以从则昭公之去郛而返亦或告于祖祢顾季氏彊悖专有鲁国当时史官阿附必不书至圣人以所见之世而特志耳

【附录左传】七月己巳刘子以王出【师败惧而出】庚午次于渠【渠杜注周地按即周阳渠也在今洛阳县亦名九曲渚】王城人焚刘【烧刘子邑】丙子王宿于褚氏【褚氏杜注洛阳县南有褚氏亭在今洛阳县东】丁丑王次于萑谷庚辰王入于胥靡辛巳王次于滑【萑谷杜注周地按距洛九十里有大谷汉设关于此萑谷盖其支径胥靡滑杜注皆周地本郑邑今河南偃师县东南有胥靡城县南有缙氏故城即古滑地也】晋知跖赵鞅帅师纳王使女宽守阙塞【女宽晋大夫阙塞杜注洛阳西南伊阙口也今洛阳县南阙塞山是】

九月庚申楚子居卒

【左传】九月楚平王卒令尹子常欲立子西【子西平王之长庶】曰太子壬弱【壬昭王也】其母非适也王子建实聘之子西长而好善立长则顺建善则治王顺国治可不务乎子西怒曰是乱国而恶君王也【言王子建聘之是彰平王之恶】国有外援不可渎也【外援秦也】王有适嗣不可乱也败亲速讎【不立壬秦将来讨是速讎也】乱嗣不祥我受其名【受恶名】赂吾以天下吾滋不从也楚国何爲必杀令尹令尹惧乃立昭王

冬十月天王入于成周【成周杜注洛阳今故城在县东北】

【公传】羊成周者何东周也【在王城之东故曰东周】其言入何不嫌也【据入者篡词既曰天王则不嫌爲篡矣】

【谷梁传】周有入无出也【王者无外不言出】

因狄泉故称入惠王襄王入皆不书此曷爲书幸之也王室乱入无足讳焉尔其不曰入于京师而云成周者成周在王城之东曰下都王城爲洛之上都时子朝据王城故王入成周以居子朝既奔余党尚在王城敬王畏逼遂都成周故以地名书之着其实也

尹氏召伯毛伯以王子朝奔楚

【左传】冬十月丙申王起师于滑辛丑在郊【郊杜注子朝邑】遂次于尸十一月辛酉晋

师克巩【知踪赵鞅之师】召伯盈逐王子朝【伯盈本党子朝晋师克巩知其不成逐之而逆敬王】王子朝及召氏之族毛伯得尹氏固南宮囂奉周之典籍以奔楚【尹召二族皆奔故称氏重见尹固名者爲后还见杀】陰忌奔莒以叛【陰忌子朝党莒杜注周邑】召伯逆王于尸及刘子单子盟遂军圉泽次于隄上【圉泽隄上杜注皆周地按圉泽卽东圉之泽也在今洛阳县东境】癸酉王入于成周甲戌盟于襄宫【襄王庙】晋师使成公般戍周而还【般晋大夫】十二月癸未王入于庄宫【庄宫在王城】王子朝使告于诸侯曰昔武王克殷成王靖四方康王息民竝建母弟以蕃屏周亦曰吾无专享文武之功且爲后人之迷败倾覆而溺入于难则振救之至于夷王王愆于厥身【夷王厉王父也愆恶疾】诸侯莫不竝走其望以祈王身至于厉王王心戾虐万民弗忍居王于彘【不忍害王也厉王末周人流王于彘】诸侯释位以闲王政【闲犹与也周召二公与治王之政事号曰共和】宣王有志而后效官【宣王厉王子彘之乱宣王尚少召公虎取而长之效授也】至于幽王【宣王子】天不吊周王昏不若用愆厥位【若顺也愆失也】携王奸命诸侯替之而建王嗣用迁郟鄩【携王幽王少子伯服也王嗣宜臼也幽王后申姜生太子宜臼王幸褒姒生伯服欲立之而杀太子太子奔申申伯与郟及西戎伐周战于戏幽王死诸侯废伯服而立宜臼是爲平王东迁郟鄩】则是兄弟之能用力于王室也至于惠王天不靖周生頹祸心施于叔带惠襄辟难越去王都【惠王平王六世孙頹惠王庶叔也庄十九年作乱惠王适郑襄王惠王子叔带襄王弟僖二十四年叔带作乱襄王处泛】则有晋郑咸黜不端【黜去也晋文杀叔带郑厉杀子頹爲王室去不端直之人】以绥定王家则是兄弟之能率先王之命也在定王六年秦人降妖【定王襄王孙定王六年鲁宣八年】曰周其有頹王【頹口上须】亦克能修其职诸侯服享二世共职【二世谓灵景】王室其有闲王位诸侯不图而受其乱灾【闲王位本谓子朝今子朝以爲王猛受乱灾本谓楚今子朝以爲晋】至于灵王生而有頹【灵王定王孙】王甚神圣无恶于诸侯灵王景王克终其世【景王灵王子】今王室乱单旗刘狄剥乱天下壹行不若【单旗穆公也刘狄刘蚡也壹专也】谓先王何常之有【言无常法】唯余心所命其谁敢讨之帅羣不吊之人【吊至也】以行乱于王室侵欲无厌规求无度贯渎鬼神【贯习也】慢弃刑法倍奸齐盟傲很威仪矫诬先王晋爲不道是摄是赞【摄持也】思肆其防极兹不谷震荡播越窜在荆蛮【不谷子朝自谓】未有攸底若我一二兄弟甥舅獎顺天法无助狡猾以从先王之命母速天罚赦图不谷【赦其忧而图其难】则所愿也敢尽布其腹心及先王之经而诸侯实深图之昔先王之命曰王后无适则择立长年钧以德德钧以卜王不立爱公卿无私古之制也穆后及太子寿早夭卽世【在十五年】单刘赞私立少以闲先王【闲错先王之制】亦唯伯仲叔季图之【伯仲叔季总谓诸侯】闵马父闻子朝之辞曰文辞以行礼也子朝干景之命远晋之大以专其志无礼甚矣文辞何爲【传终王室乱】

【谷梁传】远矣非也【非责也奔篡君之贼其责远矣】奔直奔也

尹氏世卿秉政擅权书立朝书以朝奔楚着始终怙恶不悛也并举召毛治其党也奔不言出者篡贼窃逃以遁天讨无所出也故比于国灭之君与在境外之臣但以奔书曰奔楚则楚受篡贼之罪亦见矣

【附录左传】齐有彗星【出齐之分野】齐侯使禳之晏子曰无益也祇取诬焉天道不諂

【諛疑也】不貳其命若之何禳之且天之有彗也以除秽也君无秽德又何禳焉若德之秽禳之何损诗曰惟此文王小心翼翼昭事上帝聿懷多福厥德不回以受方国【诗大雅翼翼共也聿惟也回违也言文王德不违天人故四方之国归往之】君无违德方国将至何患于彗诗曰我无所监夏后及商用乱之故民卒流亡【逸诗也言追监夏商之亡皆以乱故】若德回乱民将流亡祝史之爲无能补也公说乃止齐侯与晏子坐于路寝公叹曰美哉室其谁有此乎【景公自知德不能久有国故叹也】晏子曰敢问何谓也公曰吾以爲在德对曰如君之言其陈氏乎陈氏虽无大德而有施于民豆区釜钟之数其取之公也薄【谓以公量收】其施之民也厚【谓以私量贷】公厚敛焉陈氏厚施焉民归之矣诗曰虽无德与女式歌且舞【诗小雅义取虽无大德要有喜說之心欲歌舞之式用也】陈氏之施民歌舞之矣后世若少惰陈氏而不亡则国其国也已公曰善哉是可若何对曰唯礼可以己之在礼家施不及国民不迁农不移工贾不变【守常业】士不滥【不失职】官不滔【滔慢也】大夫不收公利【不作福】公曰善哉我不能矣吾今而后知礼之可以爲国也对曰礼之可以爲国也久矣与天地竝君令臣共父慈子孝兄爱弟敬夫和妻柔姑慈妇听礼也君令而不违臣共而不貳父慈而教子孝而箴【箴諫也】兄爱而友弟敬而顺夫和而义妻柔而正姑慈而从【从不自专】妇听而婉【婉顺也】礼之善物也公曰善哉寡人今而后闻此礼之上也对曰先王所禀于天地以爲其民也【禀受也爲治也】是以先王上之

二十有七年春公如齐公至自齐居于郛

【左传】二十七年春公如齐公至自齐处于郛言在外也【在外邑故书地】

【谷梁传】公在外也

夏四月吴弑其君僚

【左传】吴子欲因楚丧而伐之【前年楚平王卒】使公子掩余公子烛庸帅师围潜【二子皆王僚母弟潜杜注楚邑在庐江六县西南今江南霍山县东北有城】使延州来季子聘于上国【季子卒封延陵后复封州来故曰延州来】遂聘于晋以观诸侯【观强弱】楚蒍尹然工尹麇帅师救潜【二尹楚官然麇其名】左司马沈尹戌帅都君子与王马之属以济师【都君子在都邑之士有复除者王马之属王之养马官属校人也】与吴师遇于穷【穷水经注水出安丰县穷谷在今江南霍丘县西】令尹子常以舟师及沙汭而还【沙汭杜注水名水经注沙南流至义成县西南入淮在今江南懷远县东北】左尹郤宛工尹寿师至于潜吴师不能退【遇穷之师当吴前潜之师要吴后故吴不得退去】吴公子光曰此时也弗可失也【欲因以弑王】告鱄设诸曰【鱄设诸二十年伍员所见勇士】上国有言曰不索何获我王嗣也【光吴王诸樊子故曰王嗣】吾欲求之事若克季子虽至【至谓聘还】不吾废也鱄设诸曰王可弑也母老子弱是无若我何【欲以老弱托光】光曰我尔身也【言我身犹尔身】夏四月光伏甲于堀室而享王【掘地为室】王使甲坐于道及其门内阶户席皆王亲也夹之以铍羞者献体改服于门外【羞进食也献体解衣】执羞者坐行而入【坐行膝行】执铍者夹承之【承执羞者】及体以相授也【铍及进羞者体以所食授】

王】光僞足疾入于堀室【恐难作王党杀己故辟之】鱄设诸寘剑于鱼中以进【全鱼炙故可置剑】抽剑刺王铍交于胷【交鱄设诸胷】遂弑王阖庐以其子爲卿【子鱄诸子】季子至曰苟先君无废祀民人无废主社稷有奉国家无倾乃吾君也吾谁敢怨哀死事生以待天命非我生乱立者从之先人之道也【吴自诸樊以下兄弟相传而不立适是乱由先人起也季子自知力不能讨光故云尔】复命哭墓【复使命于僚墓】复位而待【复本位待光命】吴公子掩余奔徐公子烛庸奔钟吾【钟吾杜注小国汉志东海郡司吾今江南宿迁县西北有司吾城】楚师闻吴乱而还【爲后潜郤宛起】

此公子光使鱄诸弑之而称国何也光既弑立自以诸樊之冢嗣假言国之臣民皆欲弑僚而还国于己故以众弑赴于诸侯春秋不书人而书国所以发后人之疑使考之而得其实也先儒多以吴之乱责季子惟赵氏鹏飞曰使季子不逃而受之亦不免于乱何则季子之终将授之谁哉受之而身当其乱孰若逃之而自洁其身乎此笃论也

楚杀其大夫郤宛【郤谷梁作郤】

【左传】郤宛直而和国人说之鄢将师爲右领【右领官名】与费无极比而恶之【恶郤宛】令尹子常贿而信谗无极潜郤宛焉谓子常曰子恶欲饮子酒【子恶郤宛】又谓子恶令尹欲饮酒于子氏子恶曰我贱人也不足以辱令尹令尹将必来辱爲惠己甚吾无以酬之若何无极曰令尹好甲兵子出之吾择焉【择此以进子常】取五甲五兵曰寘诸门令尹至必观之而从以酬之【曰无极辞】及飧日帷诸门左【张帷陈甲兵其中】无极谓令尹曰吾几祸子子恶将爲子不利甲在门矣子必无往且此役也【此春救潜之役】吴可以得志子恶取赂焉而还又误羣帅使退其师曰乘乱不祥吴乘我丧我乘其乱不亦可乎令尹使视郤氏则有甲焉不往召鄢将师而告之【告子恶门有甲兵将害己】将师退遂令攻郤氏且焚之【焚烧也】子恶闻之遂自杀也国人弗焚令曰不焚郤氏与之同罪或取一编菅焉或取一秉秆焉【编菅苦也秉把也秆稯也】国人投之遂弗焚也令尹炮之【炮燔郤宛】尽灭郤氏之族党杀阳令终与其弟完及佗与晋陈及其子弟【令终阳勾子晋陈楚大夫皆郤氏党】晋陈之族呼于国曰鄢氏费氏自以爲王专祸楚国弱寡王室蒙王与令尹以自利也令尹尽信之矣国将如何令尹病之【爲下杀无极张本】

郤宛之死费无极潜诸囊瓦杀之而经以国杀爲文罪楚君也君无道以令其臣致擅杀大夫而无忌纪纲亡矣故以累上之辞书之

秋晋士鞅宋乐祁犁衛北宫喜曹人邾人滕人会于扈【左传】秋防于扈令戍周且谋纳公也宋衛皆利纳公固请之范献子取货于季孙谓司城子梁与北宫贞子曰【子梁宋乐祁也贞子衛北宫喜】季孙未知其罪而君伐之请囚请亡于是乎不获君又弗克而自出也夫岂无备而能出君乎季氏之复天救之也休公徒之怒而啓叔孙氏之心不然岂其伐人而説甲执冰以游叔孙氏惧祸之滥而自同于季氏天之道也鲁君守齐三年而无成季氏甚得其民淮夷与之有十年之备有齐楚之援【公虽在齐言齐不致力】有天之赞有民之助有坚守之心有列国之权而弗敢宣也【宣用也】事君如在国内【书公行告公至是也】故鞅以爲

难二子皆图国者也而欲纳鲁君鞅之愿也请从二子以围鲁无成死之二子惧皆辞乃辞小国而以难复【以难纳白晋君】

扈之会谋纳公而以货解无贬辞者以令戍周故也是时大夫同恶相济齐景爲鄆陵之盟而梁丘据入季氏之锦晋顷爲扈之会而士鞅纳季氏之货二君懵然无知以爲鲁之休戚无关于已孰知田常韬祸于齐六卿伏忧于晋厝火积薪而不悟使二君能爲鲁讨贼亦足以警内盗之志也

冬十月曹伯午卒

邾快来奔

【公羊传】邾娄快者何邾娄之大夫也邾娄无大夫此何以书以近书也

快之来奔从其类也意如逐君专国又诱人之臣使之叛其君而已爲之逋逃主罪可胜诛乎春秋书之以深恶季氏也

【附录左传】孟懿子阳虎伐郚【阳虎季氏家臣伐郚欲夺公】郚人将战子家子曰天命不愆久矣【愆疑也言弃君不疑】使君亡者必此众也天既祸之而自福也不亦难乎犹有鬼神此必败也呜呼爲无望也夫其死于此乎公使子家子如晋公徒败于且知【且知杜注近郚地】楚郤宛之难国言未已进胙者莫不谤令尹【进胙国中祭祀也谤诅也】沈尹戌言于子常曰夫左尹与中廋尹【中廋尹阳令终】莫知其罪而子杀之以兴谤讟至于今不已戍也惑之仁者杀人以掩谤犹弗爲也今吾子杀人以兴谤而弗图不亦异乎夫无极楚之谗人也民莫不知去朝吴【在十五年】出蔡侯朱【在二十一年】丧大子建杀连尹奢【在二十年】屏王之耳目使不聪明不然平王之温惠共俭有过成庄无不及焉所以不获诸侯迹无极也今又杀三不辜以兴大谤【三不辜郤氏阳氏晋陈氏】几及子矣子而不图将焉用之夫鄢将师矫子之命以灭三族国之良也而不愆位【鄢将师矫灭三良罪也而在位无愆过言失刑】吴新有君【光新立也】疆場日骇楚国若有大事子其危哉知者除谗以自安也今子爱谗以自危也甚矣其惑也子常曰是瓦之罪敢不良图九月己未子常杀费无极与鄢将师尽灭其族以説于国谤言乃止

公如齐

【左传】冬公如齐齐侯请飧之子家子曰朝夕立于其朝又何飧焉其饮酒也乃饮酒使宰献而请安【比公于大夫也礼君不敌臣宴大夫使宰爲主献献爵也请安齐侯请自安不在坐也】子仲之子曰重爲齐侯夫人曰请使重见【子仲鲁公子愁十二年奔齐行饮酒礼而欲使重见从宴媼也】子家子乃以君出【辟齐夫人】

公至自齐居于郚

公朝齐者二会齐者一每行必书至书居系臣民之望也据左氏仲孙何忌阳虎伐郚公徒败于且知而经不书存君也上之与下有征无战况见伐于其臣而又败乎故削之

【附录左传】十二月晋籍秦致诸侯之戍于周鲁人辞以难【经所以不书戍周籍秦籍谈子】

二十有八年春王三月葬曹悼公

公如晋次于干侯【干侯杜注在魏郡斥丘县晋竟内邑今直隶成安县东南有斥丘古城左传】二十八年春公如晋将如干侯【齐侯卑公故适晋】子家子曰有求于人而即其安人孰矜之其造于竟【欲使次于竟以待命】弗听使请逆于晋晋人曰天祸鲁国君淹恤在外君亦不使一个辱在寡人而即安于甥舅其亦使逆君【言自使齐逆君】使公复于竟而后逆之【言公不能用子家所以见辱谷梁传】公在外也

昭公不见礼于齐故如晋言次不得入也次于阳州犹曰齐鲁之境也次于干侯则进退维谷羈旅之人耳齐犹致恤患之文晋则拒而不受盖党意如以弱其君者晋诸卿之本谋也岂肯忽爲公而背季氏哉

夏四月丙戌郑伯宁卒【宁公羊作甯】

六月葬郑定公

【附录左传】晋祁胜与郕臧通室【二子祁盈家臣也通室易妻】祁盈将执之【盈祁午之子】访于司马叔游【叔游司马叔侯之子】叔游曰郑书有之恶直丑正实蕃有徒【郑书古书名言害正直者实多徒众丑亦恶也】无道立矣子惧不免【言世乱谗胜】诗曰民之多辟无自立辟【诗大雅辟邪也辟法也】姑已若何盈曰祁氏私有讨国何有焉遂执之祁胜赂荀跖荀跖爲之言于晋侯晋侯执祁盈【以其专戮】祁盈之臣曰钧将皆死愁使吾君闻胜与臧之死也以爲快【愁发语之音吾君谓祁盈】乃杀之夏六月晋杀祁盈及杨食我【杨杜注叔向邑食我叔向子伯石也】食我祁盈之党也而助乱故杀之遂灭祁氏羊舌氏初叔向欲娶于申公巫臣氏【夏姬女也】其母欲娶其党叔向曰吾母多而庶鲜吾惩舅氏矣【嫌母氏性不旷】其母曰子灵之妻杀三夫一君一子而亡一国两卿矣【子灵巫臣妻夏姬三夫陈御叔楚襄老及巫臣时巫臣已死一君陈灵公一子夏征舒一国陈也两卿孔宁仪行父】可无惩乎吾闻之甚美必有甚恶是郑穆少妃姚子之子子貉之妹也【子貉郑灵公夷】子貉早死无后而天钟美于是【是夏姬也子貉死在宣四年】将必以是大有败也昔有仍氏生女黥黑而甚美【有仍古诸侯也美发爲黥】光可以鉴【发肤光色可以照人】名曰 妻【以发黑故】乐正后防取之【防舜典乐之君长】生伯封实有豕心贪惓无餍忿黷无期谓之封豕【黷戾也封大也】有穷后羿灭之【羿篡夏后者】防是以不祀且三代之亡共子之废皆是物也【夏以妹喜殷以妲己周以褒姒三代所由亡也共子晋申生以骊姬废】女何以爲哉夫有尤物足以移人苟非德义则必有祸叔向惧不敢取平公强

使取之生伯石【伯石杨食我】伯石始生子容之母走谒诸姑【子容母叔向嫂伯华妻也姑叔向母】曰长叔姒生男【兄弟之妻相谓姒】姑视之及堂闻其声而还曰是豺狼之声也狼子野心非是莫丧羊舌氏矣遂弗视

秋七月癸巳滕子宁卒【宁公羊作甯】

【附录左传】秋晋韩宣子卒魏献子爲政【献子魏舒】分祁氏之田以爲七县【七县祁平陵梗阳涂水马首孟也】分羊舌氏之田以爲三县【铜鞮平阳杨氏】司马弥牟爲祁大夫【祁杜注大原祁县在今山西介休县东北】贾辛爲祁大夫【祁杜注大原祁县今山西祁县东南有古城】司马乌爲平陵大夫【平陵亦曰大陵今山西文水县东北有大陵故城】魏戊爲梗阳大夫【戊魏舒庶子梗阳杜注在大原晋阳县南今山西清源县南有梗阳城】知徐吾爲涂水大夫【徐吾知盈孙涂水杜注大原榆次县今山西榆次县西南有涂水故城】韩固爲马首大夫【固韩起孙马首元和志故城在寿阳县东南今县属山西大原府】孟丙爲孟大夫【孟杜注大原孟县即今山西孟县也】乐霄爲铜鞮大夫【铜鞮杜注上党铜鞮县今山西沁州西南有故城】赵朝爲平阳大夫【朝赵胜曾孙平阳杜注平阳县今故城在山西临汾县西南】僚安爲杨氏大夫【杨氏杜注平阳杨氏县今古杨城在山西洪洞县南又名危城村】谓贾辛司马乌爲有力于王室【二十二年纳王故乌即司马督】故举之谓知徐吾赵朝韩固魏戊余子之不失职能守业者也【卿之庶子爲余子】其四人者皆受县而后见于魏子以贤举也【四人司马弥牟孟丙乐霄僚安也受县而后见言采众而举不以私也】魏子谓成鱄【鱄晋大夫】吾与戊也县人其以我爲党乎对曰何也戊之爲人也远不忘君近不偪同【不偪同位】居利思义在约思纯【无滥心】有守心而无淫行虽与之县不亦可乎昔武王克商光有天下其兄弟之国者十有五人姬姓之国者四十人皆举亲也夫举无他唯善所在亲疏一也诗曰惟此文王帝度其心莫其德音其德克明克明克类克长克君王此大国克顺克比比于文王其德靡悔既受帝祉施于孙子【诗大雅美文王能王大国受天福施及子孙】心能制义曰度德正应和曰莫【莫然清静】照临四方曰明勤施无私曰类【施而无私物得其所无失类也】教诲不倦曰长【教诲长人之道】赏庆刑威曰君【作福作威君之职也】慈和徧服曰顺【唯顺故天下徧服】择善而从之曰比【比方善事使相从也】经纬天地曰文【经纬相错故织成文】九德不愆作事无悔【九德上九曰也皆无愆过则动无悔吝】故袭天禄子孙赖之主之举也近文德矣所及其远哉贾辛将适其县见于魏子魏子曰辛来昔叔向适郑黶蔑恶【黶蔑郑然明恶貌丑】欲观叔向从使之收器者而往【从随也随使人应敛俎豆者】立于堂下一言而善叔向将饮酒闻之曰必黶明也【素闻其贤故闻其言而知之】下执其手以上曰昔贾大夫恶【贾国之大夫恶亦丑也】娶妻而美三年不言不笑御以如皋【爲妻御之皋泽】射雉获之其妻始笑而言贾大夫曰才之不可以已我不能射女遂不言不笑夫今子少不颡【顔貌不显扬】子若无言吾几失子矣言之不可以已也如是遂如故知今女有力于王室吾是以举女【因贾辛有功而后举之言人不可无能】行乎敬之哉母墮乃力仲尼闻魏子之举也以爲义曰近不失亲【谓举魏戊】远不失举【以贤举】可谓义矣又闻其命贾辛也以爲忠诗曰永言配命自求多福忠也【诗大雅永长也言能长配天命致多福者唯忠】魏子之举也义其命也忠其长有后于晋国乎

冬葬滕悼公

【附录左传】冬梗阳人有狱魏戊不能断以狱上【上魏子】其大宗赂以女乐【讼者之大宗】魏子将受之魏戊谓閻没女宽曰【二人魏子之属大夫】主以不贿闻于诸侯若受梗阳人贿莫甚焉吾子必谏皆许诺退朝待于庭【待于魏子之庭】馈入召之【召二大夫食】比置三叹既食使坐【更命之令坐】魏子曰吾闻诸伯叔谚曰唯食忘忧吾子置食之闲三叹何也同辞而对曰或赐二小人酒不夕食【或他人也言饥甚】馈之始至恐其不足是以叹中置自咎曰岂将军食之而有不足是以再叹【魏子中军帅故谓之将军】及馈之毕愿以小人腹爲君子之心属厌而已【属足也言小人之腹饱犹知厌足君子之心亦宜然】献子辞梗阳人【传言魏氏所以兴】

日讲春秋解义卷五十五

卷五十六

钦定四库全书

日讲春秋解义卷五十六

昭公

二十有九年春公至自干侯居于郚齐侯使高张来唁公

【左传】二十九年春公至自干侯处于郚齐侯使高张来唁公称主君【比公于大夫】子家子曰齐卑君矣君祗辱焉公如干侯

【谷梁传】唁公不得入于鲁也

不以自晋致者未至晋都不得与晋侯相见故书至自干侯齐侯荀躒唁公皆地此何以不地唁于野井齐地也唁于干侯晋地也今在郚乃鲁地故但书来

【附录左传】三月己卯京师杀召伯盈尹氏固及原伯鲁之子【皆子朝党也称伯鲁子终不説学】尹固之复也【二十六年尹固与子朝俱奔楚而道还】有妇人遇之周郊尤之曰处则劝人爲祸行则数

日而反是夫也其过三岁乎夏五月庚寅王子赵车入于鄆以叛阴不佞败之【赵车子朝之余也鄆杜注周邑阴不佞周大夫】

公如晋次于干侯

【左传】平子每岁贾马【贾买也】具从者之衣屨而归之于干侯公执归马者卖之【卖其马】乃不归马衛侯来献其乘马曰啓服【啓服马名】塹而死【墮塹死也】公将爲之槨【爲作棺】子家子曰从者病矣请以食之乃以帋裹之【礼曰敝帋不弃爲埋马也】公赐公衍羔裘使献龙辅于齐侯【龙辅玉名】遂入羔裘齐侯喜与之阳谷【阳谷杜注齐邑】公衍公爲之生也其母偕出【出之产舍】公衍先生公爲之母曰相与偕出请相与偕告【畱公衍母使待己共白公】三日公爲生其母先以告公爲爲兄公私喜于阳谷而思于鲁曰务人爲此祸也【务人公爲也始与公若谋逐季氏】且后生而爲兄其诬也久矣乃黜之而以公衍爲太子

书次于干侯复不见受也公稔知晋之彊臣党于意如今絶望于齐不得已而求于晋迹愈勤而计愈左矣使公定居于郚郚犹不至于溃也

夏四月庚子叔詣卒

【谷梁传】季孙意如曰叔倪无病而死此皆无公也是天命也【言皆天命使鲁无君尔】非我罪也

秋七月

【附录左传】秋龙见于绛郊【绛晋国都】魏献子问于蔡墨曰【蔡墨晋大史】吾闻之虫莫知于龙以其不生得也谓之知信乎对曰人实不知非龙实知【言龙无知乃人不知之耳】古者畜龙故国有豢龙氏有御龙氏【豢御养也】献子曰是二氏者吾亦闻之而不知其故是何谓也对曰昔有豢叔安【豢杜注古国也汉志南阳湖阳县故廖国师古曰左传作豢今湖阳故城在河南唐县南叔安豢君名】有裔子曰董父实甚好龙能求其耆欲以饮食之龙多归之乃扰畜龙【扰顺也】以服事帝舜帝赐之姓曰董氏曰豢龙【豢龙官名官有世功则以官氏】封诸豢川豢夷氏其后也【豢川杜注豢水上夷皆董姓】故帝舜氏世有畜龙及有夏孔甲扰于有帝【孔甲少康之后九世君也其德能顺于天】帝赐之乘龙河汉各二【合爲四】各有雌雄孔甲不能食而未获豢龙氏有陶唐氏既衰其后有刘累【刘累尧之子孙】学扰龙于豢龙氏以事孔甲能饮食之夏后嘉之赐氏曰御龙【夏后孔甲】以更豕韦之后【更代也以刘累代彭姓之豕韦累寻迁鲁县豕韦复国至商而灭累之后世复承其国爲豕韦氏见襄二十四年】龙一雌死潜醢以食夏后【潜藏也藏以爲醢明龙不知】夏后飧之既而使求之【求致龙也】惧而迁于鲁县【不能致龙故惧鲁县杜注鲁阳也今河南鲁山县东北有鲁阳故城】范氏其后也【晋范氏】献子曰今何故无之对曰夫物物有其官官修其方【方法术】朝夕思之一日失职则死及之【失职有罪】失官不食【不食禄】官宿其业【宿犹安也】其物乃至【设水官修则龙至】若泯弃之物乃坻伏【坻止伏匿】郁湮不育【鬱滯也湮塞也育生也】故有五行之官是谓五官实列受氏姓封爲上公祀爲贵神社稷五祀是尊是奉【五官之君长能修其业者死皆配食于五行之神爲王者所尊奉】木正曰句芒【正官长也取木生句曲而有芒角也其祀重】火正曰祝融【祝融明貌其祀犁】金正曰蓐收【秋物摧蓐而可收也其祀该】水正曰 防【水阴而幽防其祀修及熙】土正曰后土【土爲羣物主故称后也其祀句龙在家则祀中霤在野则爲社】龙水物也水官弃矣故龙不生得不然周易有之在干【干下干上干】之姤【巽下干上姤干初九变】曰潜龙勿用【干初九爻辞】其同人【离下干上同人干九二变】曰见龙在田【干九二爻辞】其大有【干下离上大有干九五变】曰飞龙在天【干九五爻辞】其夬【干下兑上夬干上九变】曰亢龙有悔【干上九爻辞】其坤【坤下坤上坤干六爻皆变】曰见羣龙无首吉【干用九爻辞】坤之剥【坤下艮上剥坤上六变】曰龙战于野【坤上六爻辞】若不朝夕见谁能物之【物谓上六卦所称龙各不同也今説易者皆以龙喻阳气如史墨之言则爲皆是真龙】献子曰社稷五祀谁氏之五官也对曰少皞氏有四叔【少皞金天氏】曰重曰该曰修曰熙实能金木及水【能治其官】使重爲句芒【木正】该爲蓐收【金正】修及熙爲 防【二子相代爲水正】世不失职遂济穷桑此其三祀也【穷桑少皞之号杜注地在鲁北】颛顼氏有子曰犁爲祝融【犁爲火正】共工氏有子曰句龙爲后土【共工在大皞后神农前以水名官者其子句龙能平水土】

】此其二祀也后土爲社稷田正也【掌播殖也】有烈山氏之子曰柱爲稷【烈山氏神农世诸侯】自夏以上祀之【祀柱】周弃亦爲稷【弃周之始祖能播百谷汤既胜夏废柱而以弃代之】自商以来祀之【传言蔡墨之博物】

冬十月郛潰

【公羊传】邑不言潰此其言潰何【据国曰潰邑曰叛】郛之也【郛郭】曷爲郛之君存焉尔【昭公居之故从国言潰不言国之言郛之者公失国也谷梁传】潰之爲言上下不相得也上下不相得则恶矣亦讥公也昭公出奔民如释重负

此意如闲公如干侯诱其民潰散叛公使公不得更入郛也自是公遂削迹于鲁论者多咎公之失民而不知季氏专国已歷三世加意如凶威所胁民之从之实以耳濡目染之有素而非一朝一夕之故也

【附录左传】冬晋赵鞅荀寅帅师城汝滨【赵鞅赵武孙也荀寅中行荀吴之子汝滨杜注晋所取陆浑地陆浑今嵩县汝水在县南】遂赋晋国一鼓铁以铸刑鼎【令晋国各出功力共鼓石爲铁计令一鼓而足因军役而爲之故言遂】着范宣子所爲刑书焉仲尼曰晋其亡乎失其度矣夫晋国将守唐叔之所受法度以经纬其民卿大夫以序守之【序位次也】民是以能尊其贵贵是以能守其业贵贱不愆所谓度也文公是以作执秩之官爲被庐之法【在僖二十七年】以爲盟主今弃是度也而爲刑鼎民在鼎矣何以尊贵【弃礼征书故不尊贵】贵何业之守【民不奉上则上失业】贵贱无序何以爲国且夫宣子之刑夷之搜也晋国之乱制也【夷搜在文六年一搜而三易中军帅贾季箕郑之徒遂作乱故曰乱制】若之何以爲法蔡史墨曰【蔡史墨卽蔡墨】范氏中行氏其亡乎中行寅爲下卿而干上令擅作刑器以爲国法是法奸也又加范氏焉易之亡也【范宣子刑书中既废矣今复变易兴之是成其咎】其及赵氏赵孟与焉然不得已若德可以免【铸刑鼎本非赵鞅意爲定十三年荀寅士吉射入朝歌以叛传】

三十年春王正月公在干侯

【左传】三十年春王正月公在干侯不先书郛与干侯非公且征过也【征明也先此二十七年二十八年公在郛二十九年公在干侯而经不释朝正之礼者盖以公尚在竟内至是郛潰客寄干侯故书所在责公不能系臣民之望明有过也谷梁传】中国不存公存公故也【中国犹国中也】

公去社稷于今五年每歲首不书公者在鲁封内则无适而非其所鲁固未尝无君也至是郛潰客寄干侯非其所矣故岁首必书公之所在盖以存君不与季氏之专国也不书居非其地也

夏六月庚辰晋侯去疾卒

秋八月葬晋顷公

【左传】夏六月晋顷公卒秋八月葬郑游吉吊且送葬魏献子使士景伯诘之曰悼公之丧子西吊子蟠送葬今吾子无贰何故【吊葬共使】对曰诸侯所以归晋君礼也礼也者小事大大字小之谓事大在共其时命【随时共所求】字小在恤其所无以敝邑居大国之闲共其职责与其备御不虞之患岂忘共命【言不敢忘共命以所备御者多不及办之】先王之制诸侯之丧士吊大夫送葬唯嘉好聘享三军之事于是乎使卿晋之丧事敝邑之闲先君有所助执紼矣【紼挽索也礼送葬必执紼】若其不闲虽士大夫有所不获数矣【不得如先王礼数】大国之惠亦庆其加而不讨其乏明底其情取备而已以爲礼也【庆善也底致也加谓君自会葬礼数有加者乏谓不及士吊大夫葬之数者但能致其情而仪文祇取略备】灵王之丧【在襄二十九年】我先君简公在楚我先大夫印段实往敝邑之少卿也王吏不讨恤所无也今大夫曰女盍从旧旧有丰有省不知所从从其丰则寡君幼弱是以不共从其省则吉在此矣唯大夫图之晋人不能诘【传言大叔之敏】

冬十有二月吴灭徐徐子章羽奔楚【羽公羊作禹】

【左传】吴子使徐人执掩余使钟吾人执烛庸【二十七年奔故】二公子奔楚楚子大封而定其徙使监马尹大心逆吴公子使居养【养杜注卽所封之邑今河南沈丘县东有养城】莠尹然左司马沈尹戌城之【城养】取于城父与胡田以与之【胡田杜注故胡子之地】将以害吴也子西谏曰吴光新得国而亲其民视民如子辛苦同之将用之也若好吴边疆使柔服焉犹惧其至吾又强其讎以重怒之无乃不可乎吴周之胄裔也而奔在海滨不与姬通今而始大比于诸华光又甚文将自同于先王不知天将以爲虐乎使翦丧吴国而封大异姓乎其抑亦将卒以祚吴乎其终不远矣【言其事行可知不久】我盍姑亿吾鬼神而宁吾族姓以待其归将焉用自播扬焉【亿安也归善恶之归播扬犹劳动也】王弗听吴子怒冬十二月吴子执钟吾子遂伐徐防山以水之【防壅山水以灌徐】己卯灭徐徐子章禹断其发携其夫人以逆吴子【断发自刑示惧】吴子唁而送之使其迹臣从之遂奔楚楚沈尹戌帅师救徐弗及遂城夷【夷城父】使徐子处之

诸侯见灭出奔众矣如灭谭灭 灭温皆不名者彊暴加于小弱力不能胜而奔义未绝也章羽断其发以逆吴子则既降矣降而后奔岂有兴复之志哉故名之以着其位之既绝也

【附录左传】吴子问于伍员曰初而言伐楚【在二十年】余知其可也而恐其使余往也又恶人之有余之功也今余将自有之矣伐楚何如对曰楚执政众而乖莫适任患若爲三师以肄焉【肄劳也】一师至彼必皆出彼出则归彼归则出楚必道敝亟肄以罢之多方以误之既罢而后以三军继之必大克之阖庐从之楚于是乎始病【爲定四年吴入郢传】

三十有一年春王正月公在干侯

【左传】三十一年春王正月公在干侯言不能外内也【外内不容所以久在干侯】

季孙意如防晋荀跖于适歷【跖公羊谷梁作栎适歷杜注晋地】

【左传】晋侯将以师纳公范献子曰若召季孙而不来则信不臣矣然后伐之若何晋人召季孙献子使私焉曰子必来我受其无咎季孙意如防晋荀跖于适歷荀跖曰寡君使跖谓吾子何故出君有君不事周有常刑子其图之季孙练冠麻衣跣行【示忧感】伏而对曰事君臣之所不得也敢逃刑命【言愿事君君不肯还不敢辟罪】君若以臣爲有罪请囚于费以待君之察也亦唯君若以先臣之故不绝季氏而赐之死若弗杀弗亡君之惠也死且不朽若得从君而归则固臣之愿也敢有异心

意如出君晋不致讨而使荀跖防之悖亦甚矣夫晋之六卿犹意如也取货季氏互爲唇齿而肯背赂以伤其类哉晋侯蔽而不察卒致昭公客死亦从自及也书曰意如防晋荀跖于适歷罪晋之辞也

夏四月丁巳薛伯卒

【左传】薛伯卒同盟故书【入春秋来薛始书名故传发之】

晋侯使荀跖唁公于干侯

【左传】夏四月季孙从知伯如干侯【知伯荀跖】子家子曰君与之归一慙之不忍而终身慙乎公曰诺众曰在一言矣君必逐之【言晋既忧君君一言使晋晋必逐之】荀跖以晋侯之命唁公且曰寡君使跖以君命讨于意如意如不敢逃死君其入也公曰君惠顾先君之好施及亡人将使归葬除宗祧以事君则不能见夫人已所能见夫人者有如河【夫人谓季孙】荀跖掩耳而走曰【怪公所言示不忍听】寡君其罪之恐敢与知鲁国之难臣请复于寡君退而谓季孙君怒未怠子姑归祭【归摄君事】子家子曰君以一乘入于鲁师季孙必与君归公欲从之众从者胁公不得归【传言君弱不能自主】

【谷梁传】唁公不得入于鲁也曰既爲君言之矣不可者意如也

在晋地故不言来荀跖既防意如而复以晋侯之命唁公者适歷之防意如愿从君归盖恃范鞅受其无咎而姑爲欺人之语荀跖陰喻其意故阳以空言劝公入以塞责及得公不能见夫人语遂借以爲辞而意如之谋遂矣晋定公初立有嗣霸之志观成周之城召陵之防则欲以师纳公未尝不出于诚而荀范表里爲奸多方以把持之卒不得伸其志其所由来者渐矣

秋葬薛献公

【附录左传】秋吴人侵楚伐夷侵潜六【夷潜六杜注皆楚邑夷在今亳州故潜城六城俱在今寿州俱属江南】楚沈尹戌帅师救潜吴师还楚师迁潜于南冈而还吴师围左司马戌【即沈尹戌】右司马稽帅师救及豫章吴师还始用子胥之谋也【谋在前年】

冬黑肱以濫来奔【肱公羊作弓濫杜注东海昌虑县今昌虑故城在山东滕县东南左传】冬邾黑肱以濫来奔贱而书名重地故也【黑肱非命卿故曰贱】君子曰名之不可不慎也如是夫所有名而不如其已【有所谓有地也言虽有名不如无名已止也】以地叛虽贱必书地以名其人终爲不义弗可灭已是故君子动则思礼行则思义不爲利回不爲义疚或求名而不得或欲盖而名章惩不义也齐豹爲衛司寇守嗣大夫作而不义其书爲盜【此求名而不得也二十年豹杀衛侯兄欲求不畏强御之名】邾庶其莒牟夷邾黑肱以土地出求食而已不求其名贱而必书【所谓欲盖而名章也庶其奔在襄二十一年牟夷奔在五年】此二物者所以惩肆而去贪也【齐豹书盜懲肆也三叛人书名去贪也】若艰难其身【身爲艰难】以险危大人【大人在位者】而有名章彻【谓得勇名】攻难之士将奔走之【攻犹作也奔走犹赴趣也】若窃邑叛君以微大利而无名【谓不书其人名】贪冒之民将實力焉【尽力爲之无所顾惮】是以春秋书齐豹曰盜三叛人名以惩不义数恶无礼其善志也【数列也恶逆无礼皆数列而不遗记事之善者也】故曰春秋之称微而显【文微而义着】婉而辨【辞婉而旨别】上之人能使昭明【上之人谓在位者在位者能行其法非贱人所能】善人劝焉淫人惧焉是以君子贵之

【公羊传】文何以无邾娄通濫也【此邾娄黑也春秋之文何以无邾娄盖欲通濫爲国故使之无所系也】曷爲通濫贤者子孙宜有地也贤者孰谓叔术也【叔术邾娄顔公之弟或曰羣公子】何贤乎叔术让国也其让国奈何当邾娄顔之时【顔顔公也】邾娄女有爲鲁夫人者则未知其爲武公与懿公与【武懿鲁二公】孝公幼顔淫九公子于宫中因以纳贼则未知其爲鲁公子与邾娄公子与臧氏之母养公者也君幼则宜有养者大夫之妾士之妻则未知臧氏之母者曷爲者也养公者必以其子入养【不离人母子因以娱公也】臧氏之母闻有贼以其子易公抱公以逃贼至湊公寝而弑之【直抵公所寝之处而弑之】臣有鲍广父与梁买子者【二子皆鲁大夫】闻有贼趋而至臧氏之母曰公不死也在是吾以吾子易公矣于是负孝公之周愬天子天子爲之诛顔而立叔术反孝公于鲁顔夫人者【顔公之夫人】姬盈女也国色也其言曰有能爲我杀杀顔者吾爲其妻【杀顔公者鲍广父梁买子也】叔术爲之杀杀顔者而以爲妻有子焉谓之盱夏父者其所爲有于顔者也【爲顔公夫人时所生也】盱幼而皆爱之【叔术姬盈女皆爱之】食必坐二子于其侧而食之有珍怪之食盱必先取足焉夏父曰以来人未足而盱有余【以来犹曰以是物来置我前也人夏父自谓言我尚未足而盱所得独多】叔术觉焉【觉悟也知少时争食长必争国】曰嘻此诚尔国也夫起而致国于夏父夏父受而中分之叔术曰不可三分之叔术曰不可四分之叔术曰不可五分之然后受之公扈子者邾娄之父兄也【当夫子作春秋时于邾娄君爲父兄之行公扈者氏也】习乎邾娄之故其言曰恶有言人之国贤若此者乎诛顔之时天子死叔术起而致国于夏父当此之时邾娄人常被兵于周曰何故死吾天子【当让国时邾娄曾受讨罪之兵于周曰何故敢以天子爲死违生时命而立夏父乎此天子死则让初无妻嫂惑兒争食之验也】通濫则文何以无邾娄天下未有濫也【既通濫爲国则宜特以国见何以文无邾娄盖以天下实未有濫国春秋新通之耳】天下未有濫则其言以濫来奔何叔术者贤大夫也绝之则爲叔术不欲绝不绝则世大夫也大夫之义不得世【此解不言濫黑弓意】故于是推而通之也【就窃邑以出之文推而变通之其文皆同而但无邾娄则既可以全叔术之心亦可以无世大夫之嫌矣谷梁传】其不言邾黑肱何也【据襄二十一年邾庶其

以漆闻丘来奔言邾】别乎邾也【邾以濫邑封黑肱故别之若国】其不言濫子何也【据既别之爲国则应书其爵】非天子所封也来奔内不言叛也

凡窃邑以出者虽贱必书其名惩不义也昭公在外孰受之受之者意如也不令之臣以类相从邾快黑肱接踵而至意如实爲之招也不言邾史阙文

十有二月辛亥朔日有食之

【左传】十二月辛亥朔日有食之是夜也赵简子梦童子嬴而转以歌【嬴嬴体也转宛转也】旦占诸史墨曰吾梦如是今而日食何也【简子之梦适与日食防疑咎在己故问之】对曰六年及此月也吴其入郢乎终亦弗克【史墨知梦非日食之应故释日食之咎而不释梦】入郢必以庚辰【庚日有变日在辰尾故曰以庚辰定四年十一月庚辰吴入郢】日月在辰尾【辰尾龙尾也周十二月今之十月日月合朔于辰尾而食】庚午之日始有谿火胜金故弗克【谿变气也庚午十月十九日去辛亥朔四十一日虽食在辛亥更以始变爲占也午南方楚之位也午火庚金也日以庚午有变故灾在楚楚之仇敌惟吴故知入郢必吴火胜金者金爲火妃夫妻相得而强楚盛之兆故终不克食在辛亥亥水也水数六故六年】

三十有二年春王正月公在干侯

【左传】三十二年春王正月公在干侯言不能外内又不能用其人也【其人谓子家鞅】

三年之闲岁首皆书公在干侯其义一也而左氏各爲之說凿矣

取阚

【公羊传】阚者何邾娄之邑也曷爲不系乎邾娄讳亟也【去年受濫今复取阚故以爲亟】

阚鲁羣公墓之所在盖内邑也公旅寄干侯非有兵力特以先君坟墓在焉遣人诱而取之书此以着季氏据国公无尺土虽得鲁邑犹取之于外云尔

夏吴伐越

【左传】夏吴伐越始用师于越也史墨曰不及四十年越其有吴乎【存亡之数不过三纪岁星三周三十六岁故曰不及四十年哀二十二年越灭吴去此三十八岁】越得岁而吴伐之必受其凶【此年岁在星纪星纪吴越之分也岁星所在其国有福吴先用兵故反受其殃】

此着吴越之始事也吴方抗楚越议其后自是吴楚越不相爲下而齐晋二大国之患专在彊

臣天下之势又一变矣

秋七月

冬仲孙何忌会晋韩不信齐高张宋仲几衛世叔申郑国参曹人莒人薛人杞人小邾人城成周【世叔谷梁作大叔莒人下公羊有邾娄人谷梁有邾人】

【左传】秋八月王使富辛与石张如晋请城成周【富辛石张周大夫敬王徙都成周以其狭小故请城之】天子曰天降祸于周俾我兄弟竝有乱心以爲伯父忧我一二亲昵舅不皇啓处于今十年【谓二十三年二师围郊至于今】勤戍五年【谓二十八年晋籍秦致诸侯之戍至于今】余一人无日忘之闵闵焉如农夫之望岁惧以待时【闵闵忧貌】伯父若肆大惠复二文之业弛周室之忧【二文谓文侯仇文公重耳弛解也】徼文武之福以固盟主宣昭令名则余一人有大愿矣昔成王合诸侯城成周以爲东都崇文德焉今我欲徼福假灵于成王修成周之城俾戍人无勤诸侯用宁螫贼远屏【螫贼喻灾害】晋之力也其委诸伯父使伯父实重图之俾我一人无征怨于百姓而伯父有荣施先王庸之【庸功也先王之灵以爲大功】范献子谓魏献子曰与其戍周不如城之天子实云虽有后事晋勿与知可也从王命以纾诸侯晋国无忧是之不务而又焉从事魏献子曰善使伯音对曰【伯音韩不信】天子有命敢不奉承以奔告于诸侯迟速衰序【衰序差次也】于是焉在【在周所命】冬十一月晋魏舒韩不信如京师合诸侯之大夫于狄泉寻盟【寻平丘盟】且令城成周魏子南面【居君位】衛彪傒曰【彪傒衛大夫】魏子必有大咎干位以令大事非其任也诗曰敬天之怒不敢戏豫敬天之渝不敢驰驱【诗大雅戒王者当敬畏天之谴怒不可游戏逸豫驰驱自恣渝变也】况敢干位以作大事乎己丑士弥牟营成周计丈数【计所当城之丈数】揣高卑【度高曰揣】度厚薄仞沟洫【度深曰仞】物土方议远迩【物相也相取土之方面远近之宜】量事期【知事几时毕】计徒庸【知用几人功】虑材用【知费几财用】书糒粮【知用几粮食】以令役于诸侯属役赋丈【赋所当城丈尺】书以授帅【帅诸侯之大夫】而效诸刘子韩简子临之以爲成命【效致也刘子王卿士简子韩起孙不信也临履其事以命诸侯经所以不书魏舒】

【谷梁传】天子微诸侯不享覲天子之在者唯祭与号【祭谓郊禘号谓称王】故诸侯之大夫相帅以城之此变之正也不曰城京师而曰城成周纪实也王城自平王东迁以来天子世居之其城完固敬王避子朝之党居于成周遂定都焉以其狭小不足以容众又旧爲迂殷顽民之地其城圯恶故扩而新之诸侯大夫承王命往城礼之所宜故其词平无所予亦无贬焉

十有二月己未公薨于干侯

【左传】十二月公疾徧赐大夫【从公者】大夫不受赐子家子双琥一环一璧轻服【琥玉器刻爲虎形轻服细好之服】受之大夫皆受其赐己未公薨子家子反赐于府人曰吾不敢逆君命也大夫皆反其赐书曰公薨于干侯言失其所也赵简子问于史墨曰季氏出其君

而民服焉诸侯与之君死于外而莫之或罪也对曰物生有两有三有五有陪贰故天有三辰【谓有三】地有五行【谓有五】体有左右【谓有两】各有妃耦【谓陪贰】王有公诸侯有卿皆有贰也天生季氏以贰鲁侯爲日久矣民之服焉不亦宜乎鲁君世从其失季氏世修其勤民忘君矣虽死于外其谁矜之社稷无常奉君臣无常位自古以然故诗曰高岸爲谷深谷爲陵【诗小雅言高下有变易】三后之姓于今爲庶主所知也【三后虞夏商】在易卦雷乘干曰大壮【干下震上大壮震在干上故曰雷乘干】天之道也【干爲天子震爲诸侯而在干上君臣易位臣大强壮若天上有雷】昔成季友桓之季也文姜之爱子也始震而卜卜人谒之曰生有嘉闻其名曰友爲公室辅及生如卜人之言有文在其手曰友遂以名之既而有功于鲁【立僖公】受费以爲上卿至于文子武子【文子行父武子宿】世增其业不废旧绩鲁文公薨而东门遂杀适立庶鲁君于是乎失国【失国权】政在季氏于此君也四公矣民不知君何以得国是以爲君慎器与名不可以假人【器车服名爵号】

昭公八年于外以齐晋大夫与意如声势相倚迭爲辅车故卒不能入史墨之言谓鲁民忘君而君臣无常位以此敝君善矣然率天下之彊臣而爲篡夺之谋未必非此言啓之且慎器与名此可以责鲁之先君而非所以责昭公也观春秋始终书法皆以示尊君之义而罪臣子讥诸侯胡氏安国徒以不能复国爲公咎过矣

日讲春秋解义卷五十六

卷五十七

<经部,春秋类,日讲春秋解义

钦定四库全书

日讲春秋解义卷五十七

定公【公名宋襄公庶子昭公弟諡法安民大虑曰定】

周【敬王十一年】

郑【献公五年鲁定公九年献公卒子声公胜立】

齐【景公三十九年】

宋【景公八年】

晋【定公三年晋魏舒为政是年卒范鞅为政鲁定公十三年晋逐范中行氏赵鞅归于晋自是晋知氏韩氏魏氏赵氏竝强分晋之势成矣】

衛【灵公二十六年】

蔡【昭侯十年】

曹【隐公元年鲁定公四年声公弟露弑隐公代立是为靖公定八年靖公卒子伯阳立】

滕【顷公五年】

陈【惠公二十一年鲁定公四年惠公卒子懷公柳立定八年懷公卒子闵公越立】

【悼公九年鲁定公四年悼公卒子隐公乞立是年七月隐公弟过弑隐公自立是为僖公】薛【襄公二年鲁定公十二年襄公卒子比立定十三年比弑惠公夷立又名寅】

莒【郊公】

邾【庄公三十三年鲁定公三年庄公卒子隐公益立】

许【许男斯十四年鲁定公六年郑灭许以斯归弟元公成立】

小邾【详见昭公元年】

楚【昭王七年鲁定公四年吴入楚楚令尹子常奔郑昭王复国子西为令尹】

秦【哀公二十八年鲁定公九年哀公卒孙惠公立】

吴【阖庐六年鲁定公四年吴入楚于越入吴定十四年于越败吴于槁李阖庐伤而卒子夫差立】越【越子允常鲁定公四年越入吴定十四年允常卒子句践立吴阖庐闻允常死率师伐越句践袭败吴于槁李射杀阖庐】

钦定四库全书

日讲春秋解义卷五十七

定公【名宋襄公之子昭公之弟以敬王十一年即位諡法安民大虑曰定】

元年春王

【公羊传】定何以无正月正月者正即位也【本有有正月者正诸侯之即位】定无正月者即位后也【即位后在正月后故不书正月】即位何以昭公在外得入不得入未可知也曷为未可知在季氏也定哀多微辞主人习其读而问其【读谓经 谓训诂】则未知己之有罪焉尔【此假设言之主人谓定哀也设使定哀习其经问其 解诂则不知己之有罪于是此孔子畏时君上以讳尊隆恩下以辟害容身慎之至也谷梁】不言正月定无正也定之无正何也昭公之终非正终也定之始非正始也昭无正终故定无正始不言即位丧在外也

定公未即位先书元年春者追书之也书王不书正月者昭公卒于外嗣子为贼臣所废定公未立意如自以为君颁朔于庙故春秋黜之书王明王法以治

之也不书正月着国无主而正朔无所承且见定公受国季氏不得正其始也或谓无事不书非也隐庄元年皆事在三月定元年亦事在三月然隐庄皆书正月则定公不书正月之为无正始可知矣

三月晋人执宋仲几于京师【大夫专执于是始】

【左传】元年春王正月辛巳晋魏舒合诸侯之大夫于狄泉将以城成周魏子蒞政【蒞临也代天子大夫为政】衛彪傒曰将建天子【立天子之居】而易位以令非义也大事奸义

必有大咎晋不失诸侯魏子其不免乎是行也魏献子属役于韩简子及原寿过【原寿过周大夫】而田于大陆焚焉【大陆杜注禹贡大陆在钜鹿北嫌絶遠疑此田在汲郡吴泽荒芜之地火田并见烧也尔雅广平曰陆按吴泽陂在今河南修武县北一名太白陂】还卒于
【杜注修武县近吴泽孔氏穎達曰即修武城也今故城在县治西】范献子去其柏椁以其未复命而田也【范献子代魏子为政去其柏椁示贬之】孟懿子防城成周【不书公未即位】庚寅栽【栽设板筑】宋仲几不受功曰滕薛邠吾役也【欲使三国代宋受役】薛宰曰宋为无道絶我小国于周以我适楚故我常从宋晋文公为践土之盟曰凡我同盟各复旧职若从践土若从宋亦唯命仲几曰践土固然【固曰从旧薛旧为宋役】薛宰曰薛之皇祖奚仲居薛以为夏车正【奚仲为夏禹掌车服大夫】奚仲迁于邳仲虺居薛以为汤左相【仲虺奚仲之后】若复旧职将承王官何故以役诸侯仲几曰三代各异物薛焉得有旧【言居周世不得以夏殷为旧】为宋役亦其职也士弥牟曰晋之从政者新【言范献子新为政未习故事】子姑受功归吾视诸故府【求故事】仲几曰纵子忘之山川鬼神其忘诸乎士伯怒谓韩简子曰薛征于人【典籍故事人所知也】宋征于鬼【取证于鬼神】宋罪大矣且已无辞而抑我以神诬我也后宠纳侮【书说命篇语谓开宠过分则纳受侵侮】其此之谓矣必以仲防为戮乃执仲几以归三月归诸京师【知以归不可故复归之京师】城三旬而毕乃归诸侯之戍齐高张后不从诸侯【后期不及诸侯之役】晋女叔寬曰周莒齐高张皆将不免莒叔违天高子违人【天既厌周德莒欲迁都以延其祚故曰违天诸侯相率以崇天子而高子后期故曰违人】天之所坏不可支也众之所为不可奸也【为哀三年周人杀莒六年高张来奔张本】

【公羊】仲几之罪何不蓺城也【若今以草衣城是也礼诸侯为天子治城各有分丈尺宋仲几不治所主】其言于京师何【据城言成周执不地】伯讨也【明以天子事执之】伯讨则其称人何贬曷为贬不与大夫专执也曷为不与实与而文不与文曷为不与大夫之义不得专执也

【谷梁】此其大夫其曰人何也微之也何为微之不正其执人于尊者之所也不与大夫之伯讨也

春秋之义诸侯不得专执况大夫乎宋仲几防城成周而不受功义所当讨然在尊者之侧请命而执归于司寇可也既不请命又不归于王以陪臣而擅执人于天子之侧无王甚矣故不以城为王事而略晋大夫之罪

夏六月癸亥公之丧至自干侯戊辰公即位

【左】夏叔孙成子逆公之丧于干侯【成子叔孙婼之子】季孙曰子家子亟言于我未尝不中吾志也吾欲与之从政子必止之且听命焉【众事皆谘问子家子】子家子不见叔孙易几而哭【几哭防也不欲见叔孙故朝夕哭不同防】叔孙请见子家子子家子辞曰羈未得见而从君以出【出时成子未为卿】君不命而薨羈不敢见【言未受昭公之命托辞以拒叔孙】叔孙使告之曰公衍公为实使羇臣不得事君【二子始谋逐季氏】若公子宋

主社稷则羣臣之愿也【宋昭公弟定公】凡从君出而可以入者将唯子是听子家氏未有后季孙愿与子从政此皆季孙之愿也使不敢以告【不敢叔孙成子名】对曰若立君则有卿士大夫与守在羈弗敢知若从君者则貌而出者入可也【貌出谓以义从公与季氏无实怨】寇而出者行可也【谓与季氏为寇讎者】若羈也则君知其出也而未知其入也羈将逃也丧及坏隤公子宋先入从公者皆自坏隤反【出奔】六月癸亥公之丧至自干侯戊辰公即位【诸侯薨五日而殡殡则嗣子即位癸亥昭公丧至五日殡于宫定公乃即位】

【公羊】癸亥公之丧至自干侯则曷为以戊辰之日然后即位正棺于两楹之间然后即位【正棺者象既小斂夷于堂昭公死于外不得以君臣礼治其丧故示尽始死之礼礼始死于北牖下浴于中霤饭含于牖下小斂于户内夷于两楹之间诸侯三日小斂夷而经殡而成服故戊辰然后即位】子沈子曰定君乎国【定昭公之丧礼于国】然后即位即位不日此何以日录乎内也【内事详录】

【谷梁传】殡然后即位也【周人殡于西阶之上】定无正见无以正也逾年不言即位是有故公也【谓昭公在外故】言即位是无故公也即位授受之道也【先君见授后君乃受故须棺在殡乃言即位】先君无正终则后君无正始也先君有正终则后君有正始也戊辰公即位谨之也定之即位不可不察也公即位何以日也戊辰之日然后即位也癸亥公之丧至自干侯何为戊辰之日然后即位也正君乎国然后即位也【诸侯五日而殡今以君始死之礼治之故须殡而后言即位】沈子曰正棺乎两楹之间然后即位也【两楹之间君听治之处】内之大事日即位君之大事也其不日何也以年决者不以日决也此则其日何也着之也何着焉逾年即位厉也【厉危也公丧在外逾年六月乃得即位危故日之】于厉之中又有义焉【先君未殡则后君不得即位】未殡虽有天子之命犹不敢况临诸臣乎周人有丧鲁人有丧周人吊鲁人不吊周人曰固吾臣也使人可也鲁人曰吾君也亲之者也使大夫则不可也故周人吊鲁人不吊以其下成康为未久也【周道尚明】君至尊也去父之殡而往吊犹不敢况未殡而临诸臣乎

昭公薨至是阅七月而丧始至而定之即位乃在是月之戊辰盖迟速进退为意如所制不得专也凡即位皆于朔日故不书日定公待昭公丧至即位不以时故书日

秋七月癸巳葬我君昭公

【左】季孙使役如阚公氏将沟焉【阚鲁羣公墓所在季孙恶昭公欲沟絶其兆域不使与先君同公氏犹言公之墓宅】荣驾鸛曰生不能事死又离之以自旌也【驾鸛鲁大夫荣成伯旌章也】纵子忍之后必或耻之乃止季孙问于荣驾鸛曰吾欲为君諡使子孙知之【为恶諡】对曰生弗能事死又恶之以自信也将焉用之乃止秋七月癸巳葬昭公于墓道南孔子之为司寇也【在定公十年后】沟而合诸墓【明臣无贬君之义】

昭公薨逾半载始以丧归归甫逾月而遽葬见季氏肆逆无礼于先君而鲁之臣子党恶而不能正也

九月大雩

【谷梁】雩月雩之正也秋大雩非正也冬大雩非正也秋大雩雩之为非正何也【冬禾稼既成犹雩则非礼可知秋禾稼始苗嫌当须雨故问也】毛泽未尽人力未竭未可以雩也【凡地之所生谓之毛言秋百谷之润泽未尽也人力未竭谓耕耘之功未毕】雩月雩之正也月之为雩之正何也其时穷人力尽然后雩雩之正也何谓其时穷人力尽是月不雨则无及矣是年不义则无食矣是谓其时穷人力尽也雩之必待其时穷人力尽何也雩者为旱求者也求者请也古之人重请何重乎请人之所以为人者让也请道去让也则是舍其所以为人也是以重之焉请哉请乎应上公古之神人有应上公者通乎阴阳君亲帅诸大夫道之而以请焉【其祷辞曰方今大旱野无生稼寡人当死百姓何谤不敢烦民请命愿抚万民以身塞无状】夫请者非可诒托而往也【诒托犹假寄】必亲之者也是以重之

凡书大皆讥其僭此则昭公丧未逾年而用盛乐以雩变尤甚矣

立炀宫

【左】昭公出故季平子祷于炀公九月立炀宫【平子逐君惧而请祷于炀公昭公死于外自以为获福故立其宫】

【公羊】炀宫者何炀公之宫也【春秋前炀公也】立者何立者不宜立也立炀宫非礼也

【谷梁传】立者不宜立者也

炀公考公弟也鲁之以弟继兄盖始于此意如舍适嗣不立而立定公定公乃昭公之弟恐人议已于是而立炀宫其意若谓鲁一生一及其由来旧矣今定公以弟而继昭公亦犹炀公之以弟而继考公也夫宫庙即远有毁而无立今逞私逾典以立久祧之宫诬妄已甚书立者不宜立也

【附录左】周玁简公弃其子弟而好用远人【简公周卿士远人异族也为明年玁氏贼简公张本】

冬十月陨霜杀菽【陨公羊作霡】

【公羊】何以书记异也此灾菽也曷为以异书异大乎灾也【异者非常而可怪周十月夏八月微霜用事未可杀菽而杀故曰异】

【谷梁】未可以杀而杀举重【举杀豆则杀草可知】可杀而不杀举轻【不杀草则不杀菽亦显僖三十三年霡霜不杀草是也】其曰菽举重也周十月今八月也月令九月霜始

降八月阴气未盛非陨霜之候而至于杀菽异矣菽耐霜之谷盖物之难杀者言杀菽则余物可知故谷梁子曰举重

二年春王正月

【附录左】二年夏四月辛酉巩氏之羣子弟贼简公

夏五月壬辰雉门及两观灾

【公羊传】其言雉门及两观灾何两观微也【雉门两观皆天子之制门为其主观为其饰故微也】然则曷为不言雉门灾及两观主灾者两观也【时灾从两观起】时灾者两观则曷为后言之不以微及大也何以书记灾也

【谷梁传】其不曰雉门灾及两观何也灾自两观始也不以尊者亲灾也【尊谓雉门亲近也】先言雉门尊尊也

言及雉门与两观俱灾也桓宫僖宫灾不言及者二庙分明故不必言此不言及则嫌于雉门之两观独灾耳

秋楚人伐呉

【左传】桐叛楚【桐杜注小国庐江舒县西南有桐乡今江南桐城县北有古桐城与庐江县接界】呉子使舒鸠氏诱楚人【舒鸠杜注楚属国】曰以师临我【教舒鸠诱楚使以师临呉】我伐桐为我使之无忌【呉伐桐也伪若畏楚师之临已而为伐其叛国以取媚者欲使楚不忌呉所谓多方以误之】秋楚囊瓦伐呉师于豫章【从舒鸠言】呉人见舟于豫章【伪将为楚伐桐】而潜师于巢【实欲以击楚】冬十月呉军楚师于豫章败之【楚不忌呉故】遂围巢克之获楚公子繁【繁守巢大夫】

【附录左传】邾庄公与夷射姑饮酒私出【射姑邾大夫出辟酒】阍乞肉焉夺之杖以敲之【为明年邾子卒传】

冬十月新作雉门及两观

【公传】羊其言新作之何修大也修旧不书此何以书讥何讥尔不务乎公室也【不务如公室之礼】

【谷梁传】言新有旧也作为也有加其度也此不正其以尊者亲之何也【不正谓更扩大之不合法度也据当讳而以雉门亲新作之下】虽不正也于美犹可也【灾恶故尊雉门推灾而远之今新作美好之事虽尊雉门可以亲之】雉门公宫南门之中门也按明堂位天子

五门皋库雉应路鲁有库雉路三门库门制似天子皋门雉门制似天子应门天子外阙两观诸侯外阙一观鲁设两观僭也既灾则不当更作今复为之其制度无损故书新作讥其僭而不能革也南门亦书新作者彼以本有而改作之其高大过常非故制也延廐言新不言作者因旧而葺之非去旧复为者比言各有当也

三年春王正月公如晋至河乃复

意如逐君客死于外皆晋大夫为之羽翼其交甚亲今公立往朝而晋复辞公者盖意如之谋不使公得见晋侯所以操纵其君使之一切听己也

二月辛卯邾子穿卒【二月公羊谷梁作三月】

【左传】三年春二月辛卯邾子在门台【门上有台】临廷阍以鉶水沃廷邾子望见之怒阍曰夷射姑旋焉【旋小便】命执之【见其不洁执射姑】弗得滋怒自投于牀废于鑪炭【废堕也】烂遂卒先葬以车五乘殉五人【欲藏中之洁故先内车及殉别为便房盖其遗命】庄公卞急而好洁故及是【卞躁疾也】

夏四月

秋葬邾庄公

【附录左】秋九月鲜虞人败晋师于平中【平中杜注晋地】获晋观虎恃其勇也【为五年土鞅围鲜虞张本】

冬仲孙何忌及邾子盟于拔【拔公羊谷梁作枝拔杜注地阙】

【左】冬盟于郯【郯杜注即拔也】修邾好也【公即位故修好】

鲁大夫而盟诸侯邾丧未期而出防盟盖交失之

【附录左传】蔡昭侯为两佩与两裘以如楚【佩玉也】献一佩一裘于昭王昭王服之以享蔡侯蔡侯亦服其一子常欲之弗与三年止之唐成公如楚有两肃爽马【成公唐惠侯之后肃爽骏马名】子常欲之弗与亦三年止之唐人或相与谋请代先从者许之饮先从者酒醉之窃马而献之子常子常归唐侯自拘于司败【窃马者自拘】曰君以弄马之故隐君身【隐忧约也】弃国家羣臣请相夫人以偿马必如之【相助也夫人谓养马者】唐侯曰寡人之过也二三子无辱皆赏之蔡人闻之固请而献佩于子常子常朝见蔡侯之徒命有司曰蔡君之久也官不共也【言楚所以礼遣蔡侯之物不共备故】明日礼不毕【遣蔡侯之礼】将死蔡侯归及汉执玉而沈曰余所有济汉而南者有若大川【自誓不复与楚】蔡侯如晋以其子元与其大夫之子为质焉而请伐楚【为明年防召陵张本】

四年春王二月癸巳陈侯呉卒

三月公防刘子晋侯宋公蔡侯衛侯陈子郑伯许男曹伯莒子邾子顿子胡子滕子薛伯 伯小邾子齐国夏于召陵侵楚【晋楚交兵止此】

【左传】四年春三月刘文公合诸侯于召陵谋伐楚也【文公王官伯也晋人假王命以讨楚之久留蔡侯故曰文公合诸侯】晋荀寅求货于蔡侯弗得言于范献子曰国家方危诸侯方贰将以袭敌不亦难乎水潦方降疾疢方起中山不服【中山鲜虞】弃盟取怨【晋楚同盟于宋】无损于楚而失中山不如辞蔡侯吾自方城以来楚未可以得志【晋败楚侵方城在襄十六年】祇取勤焉乃辞蔡侯晋人假羽旄于郑郑人与之【析羽为旄王者游车之所建郑私有之因谓之羽旄借观之】明日或旆以防【或贱者继旆曰旆令贱人施其旆执以从防示卑郑】晋于是乎失诸侯【传言晋无礼所以遂弱】

是时晋楚皆衰其大夫用事而贪于贿相类也诸侯两贰而楚求无厌陵蔑与国故蔡人发愤请师于晋晋于是大合诸侯陈许顿胡素役于楚者皆同心而北向天子之老泄焉其势可有为而六卿惧君胜楚以归而夺之权故乞赂以离蔡假旆以卑郑用散诸侯之师以隳其君之功而固其私至以十八国之众潜掠楚境无功而还春秋据实而书以深罪晋君之失政谋国者之不忠也而晋自是亦不能国矣

夏四月庚辰蔡公孙姓帅师灭沈以沈子嘉归杀之【姓公羊作归姓后同】

【左 】【沈人不防于召陵晋人使蔡伐之夏蔡灭沈书灭沈于防召陵之后盟皋鼬之前着侵楚无功而释憾于微弱之沈徒以重楚人之怒耳蔡之视沈犹楚视蔡也楚实病已乃以所恶者加之沈覆其国而戕其君不义甚矣故书杀以正其罪

五月公及诸侯盟于皋鼬【皋鼬公羊作浩油杜注繁昌县东南有城皋亭在今河南临颍县界】

【左传】将防衛子行敬子言于灵公曰【子行敬子衛大夫】防同难【难得宜】啧有烦言莫之治也【啧至也烦言忿争】其使祝佗从【祝佗大祝子鱼】公曰善乃使子鱼子鱼辞曰臣展四体以率旧职犹惧不给而烦刑书若又共二【共二职】徼大罪也且夫祝社稷之常隶也社稷不动祝不出竟官之制也【社稷动谓国迁】君以军行祓社衅鼓【师出先有事祓祷于社谓之宜社于是杀牲以血涂鼓鼈为衅鼓】祝奉以从【奉社主也】于是乎出竟若嘉好之事【谓朝防】君行师从卿行旅从臣无事焉公曰行也及皋鼬【将盟】将长蔡于衛【欲令蔡先衛歃】衛侯使祝佗私于苾 曰闻诸道路不知信否若闻蔡将先衛信乎苾 曰信蔡叔康叔之兄也先卫不亦可乎子鱼曰以先王观之则尚德也昔武王克商成王定之选建明德以藩屏周故周公相王室以尹天下【尹正也】于周为睦【以盛德见亲厚】分鲁公以大路大旂【鲁公伯禽也大路金路锡同姓诸侯车交龙为旂周礼同姓以封】夏后氏之璜【璜美玉名】封父之繁弱【封父杜注古诸侯也今河南封丘县治西北

有封父享繁弱大弓名】殷民六族条氏徐氏萧氏索氏长勺氏尾勺氏使帅其宗氏辑其分族将其类丑【丑众也】以法则周公用即命于周【即就也】是使之职事于鲁以昭周公之明德分之土田陪敦【陪增也敦厚也土地增厚凡七百里】祝宗卜史【大祝宗人大卜大史凡四官】备物典策【典策春秋之制】官司彝器【官司百官也彝器常用器】因商奄之民【商奄东方之国令属鲁】命以伯禽而封于少皞之虚【伯禽策命篇名如君陈君牙类也少皞虚杜注曲阜也在鲁城内】分康叔以大路少帛綌茷旃旌【少帛杂帛也綌茷大赤取染草名也通帛为旃析羽为旌】大吕【钟名】殷民七族陶氏施氏繁氏锜氏樊氏饥氏终葵氏封畛土略自武父以南及圃田之北竟【畛涂所径也略界也武父杜注衞北界圃田杜注郑藪名】取于有阎之土以共王职【有阎杜注衞所受朝宿邑盖近京畿】取于相土之东都以防王之东搜【为汤沐邑王东巡守以助祭泰山】聃季授土【聃季周公弟司空】陶叔授民【陶叔司徒】命以康诰而封于殷虚【康诰周书殷虚朝歌也】皆启以商政疆以周索【皆鲁衞也启开也居殷故地因其风俗开导以旧政疆理土地以周法索法也】分唐叔以大路密须之鼓【密须杜注国名】阙巩【甲名】沽洗【钟名】懷姓九宗职官五正【懷姓唐之余民九宗一姓为九族职官五正殷时五官居在唐地世为贵族以赐唐叔使主领之所以荣宠唐叔也】命以唐诰而封于夏虚【唐诰诰命篇名夏虚杜注大夏大原晋阳也】启以夏政【亦因夏风俗开用其政】疆以戎索【大原近戎而寒不与中国同故自以戎法】三者皆叔也而有令德故昭之以分物不然文武成康之伯犹多而不获是分也唯不尚年也管蔡启商基闲王室【基毒也谓以殷叛】王于是乎杀管叔而蔡蔡叔【蔡放也】以车七乘徒七十人【与蔡叔车徒而放之】其子蔡仲改行帅德周公举之以为己卿士【为周公臣】见诸王而命之以蔡【命为蔡侯】其命书云王曰胡【胡蔡仲名】无若尔考之违王命也若之何其使蔡先衞也武王之母弟八人周公为大宰康叔为司寇聃季为司空五叔无官岂尚年哉【五叔管叔鲜蔡叔度成叔武霍叔处毛叔聃也】曹文之昭也【文王子与周公异母】晋武之穆也【武王子】曹为伯甸非尚年也【以伯爵居甸服言小】今将尚之是反先王也晋文公为践土之盟衞成公不在夷叔其母弟也犹先蔡【践土召陵二防经书蔡在衞上霸主以国大小之序也子鱼所言盟歃之次】其载书云王若曰晋重【文公】鲁申【僖公】衞武【叔武】蔡甲午【庄侯】郑防【文公】齐潘【昭公】宋王臣【成公】莒期【兹丕公也齐序郑下周之宗盟异姓为后】藏在周府可覆视也吾子欲复文武之略【略道也】而不正其德将如之何莒 说告刘子与范献子谋之乃长衞侯于盟反自召陵郑子大叔未至而卒晋赵简子为之临甚哀曰黄父之防【在昭二十五年】夫子语我九言曰无始乱【无为祸首】无怙富无恃宠无违同无敖礼无骄能【以能骄人】无复怒【复重也】无谋非德【非所谋也】无犯非义【言简子能用善言所以遂兴】

【谷梁传】后而再防公志于后防也后志疑也【公畏强楚疑于侵之故后者更谋也】

春秋之例王官与防而不与盟则书诸侯盟如葵丘之盟是也防盟皆与则不书诸侯如柯陵鸡泽平丘之盟是也此言诸侯则刘子不盟可知矣公后至不与防而与盟则复称公防诸侯盟如盟于薄盟于扈是也此年公与于召陵之防则非后矣防与盟公皆与而刘子不与则但当书诸侯盟于皋鼬如祝柯重丘防盟殊地之例而又书公及者所以着公受国于意如因如

晋见却而汲汲求为此盟也

伯成卒于防【成公羊作戊】

不言卒于师者以不成乎伐楚也

六月葬陈惠公

此见陈侯背殡出防也君在殡则辞防可也

许迁于容城【容城杜注阙】

许四迁皆受楚令悉以自迁为文许所欲也容城盖析之近地

秋七月公至自防

不致侵楚无功也故以防告庙

刘卷卒

【公羊】刘卷者何天子之大夫也外大夫不卒此何以卒我主之也

【谷梁传】此不卒而卒者贤之也寰内诸侯也非列土诸侯此何以卒也天王崩为诸侯主也【昭二十二年景王崩尝以宾主之礼相接故书其卒】

畿内诸侯不同列国故不言刘子卷卒先儒谓刘子定内难有大功于王室特书其卒葬然单旗之功与刘子同而不书卒尹氏擅权亦书卒则其义不可通矣盖召陵之防刘子与焉防罢而卒故来赴于鲁而鲁史书之耳

葬 悼公

楚人围蔡

【左传】秋楚为沈故围蔡

晋士鞅衛孔圉帅师伐鲜虞【圉公羊作圉】

晋伐楚则利在诸侯伐鲜虞则利在六卿故楚围蔡不救而中山是伐比事书之而晋卿保利营私不恤国事之恶着矣

葬刘文公

【公羊传】外大夫不书葬此何以书录我主也【以主我恩录之】尹氏王子虎皆不书葬此书葬以鲁特往防也

冬十有一月庚午蔡侯以呉子及楚人战于柏举楚师败绩楚囊瓦出奔郑【柏举公羊作伯莒谷梁作伯举杜注楚地当在今湖广麻城县境呉始书子】

【左 】伍员为呉行人以谋楚楚之杀郤宛也【在昭二十七年】伯氏之族出【郤宛党】伯州犂之孙嚭为呉大宰以谋楚楚自昭王即位无岁不有呉师蔡侯因之以其子干与其大夫之子为质于呉冬蔡侯呉子唐侯伐楚【唐侯不书兵属于呉蔡】舍舟于淮汭【呉乘舟从淮来过蔡而舍之】自豫章与楚夹汉【豫章杜注汉东江北地名】左司马戌谓子常曰子防汉而与之上下【防缘也缘汉上下遮使勿渡】我悉方城外以毁其舟还塞大隧直辕冥阨【大隧直辕冥阨地理通释即义阳之黄岷武阳平靖三關也黄岷平靖俱在今河南信阳市南武阳在州东南】子济汉而伐之我自后击之必大败之既谋而行武城黑谓子常曰【黑楚武城大夫】呉用木也我用革也【用军器】不可久也不如速战史皇谓子常楚人恶子而好司马【史皇楚大夫司马沈尹戌】若司马毁呉舟于淮塞城口而入【城口三隘道之总名】是独克呉也子必速战不然不免乃济汉而陈自小别至于大别【小别山名在今湖广汉川县北一名甌山大别亦山名在今湖广汉阳县东北一名鲁山】三战子常知不可【知呉不可胜】欲奔史皇曰安求其事难而逃之将何所入子必死之初罪必尽说【言致死以克呉可以免贪贿致寇之罪】十一月庚午二师陈于柏举【二师呉楚师】阖庐之弟夫槩王晨请于阖庐曰楚瓦不仁【瓦子常名】其臣莫有死志先伐之其卒必奔而后大师继之必克弗许夫槩王曰所谓臣义而行不待命者其此之谓也今日我死楚可入也以其属五千先击子常之卒子常之卒奔楚师乱呉师大败之子常奔郑史皇以其乘广死【以战死】

【公传】羊呉何以称子夷狄也而忧中国其忧中国奈何伍子胥父诛乎楚挟弓而去楚以干阖庐阖庐曰士之甚【士贤士】勇之甚将为之兴师而复讎于楚伍子胥复曰诸侯不为匹夫兴师且臣闻之事君犹事父也亏君之义复父之讎臣不为也于是止蔡昭公朝乎楚有美裘焉囊瓦求之昭公不与为是拘昭公于南郢数年然后归之于其归焉用事乎河曰天下诸侯苟有能伐楚者寡人请为之前列楚人闻之怒为是兴师使囊瓦将而伐蔡蔡求救于呉伍子胥复曰蔡非有罪也楚人为无道君如有忧中国之心则若时可矣于是兴师而救蔡曰事君犹事父也此其为可以复讎奈何曰父不受诛【不受诛罪不当诛也】子复讎可也父受诛子复讎推刃之道也【一往一来曰推刃】复讎不除害【不得兼讎其子恐复害己而杀之】朋友相衛而不相迺【迺先也不先击刺所以伸孝子之恩】古之道也

【谷梁传】呉其称子何也以蔡侯之以之举其贵者也【贵谓子也】蔡侯之以之则其举贵者何也呉信中国而攘夷狄呉进矣其信中国而攘夷狄奈何子胥父诛于楚也【子胥父伍奢也为楚平王所杀】挟弓持矢而干阖庐阖庐曰大之甚勇之甚为是欲兴师而伐楚子

胥谏曰臣闻之君不为匹夫兴师且事君犹事父也亏君之义复父之讎臣弗为也于是止蔡昭公朝于楚有美裘正是日囊瓦求之昭公不与为是拘昭公于南郢【南郢楚郡】数年然后得归乃用事乎汉【用事者祷汉水神】曰苟诸侯有欲伐楚者寡人请为前列焉楚人闻之而怒为是兴师而伐蔡蔡求救于呉子胥曰蔡非有罪楚无道也君若有忧中国之心则若此时可矣为是兴师而伐楚何以不言救也救大也

师能左右之曰以曰蔡侯以呉子者盖谋出于蔡而呉为之用也荆楚横暴蔡尤被毒盖尝夷之为县诱般而杀之用世子有出蔡侯朱又拘呉于南郢数年而后归今复兴师围其国陵暴极矣晋不足恃故蔡侯不得已而乞师于呉呉子为之大败楚师囊瓦奔郑春秋据事直书而蔡人累世之仇頼呉以复晋失其政不足以宗诸侯举可见矣呉子亲行君重于师故不得不书爵以为进之非也诸侯积忿于楚呉能败之故旧史喜其事而称爵或未可知以为孔子特起褒进之文则于通经之义皆不可通矣

庚辰呉入郢【郢公羊谷梁作楚】

【左传】呉从楚师及清发【清发杜注水名水经注沮水南迳石岩山北亦谓之清水在今湖广安陆县西石门山下】将击之夫槩王曰困兽犹鬬况人乎若知不免而致死必败我若使先济者知免后者慕之蔑有鬬心矣半济而后可击也从之又败之楚人为食呉人及之奔食而从之败诸雍澨【雍澨今湖广京山县西南有三澨水雍澨其一也】五战及郢己卯楚子取其妹季芊畀我以出【世族谱季芊畀我皆平王女服防云畀我季芊之字未知孰是】涉睢【睢杜注水出新城昌魏县东南至枝江县入江今湖广当阳县北有沮水相即楚昭王西涉处】鍼尹固与王同舟王使执燧象以奔呉师【烧火燧系象尾使赴呉师惊却之】庚辰呉入郢以班处宫【以尊卑班次处楚王宫室】子山处令尹之宫【子山呉王子】夫槩王欲攻之惧而去之夫槩王入之【言呉无礼所以不能克】左司马戌及息而还【息杜注汝南新息也闻楚败故还】败呉师于雍澨伤初司马臣闾庐【尝在呉为闾庐臣】故耻为禽焉谓其臣曰谁能免吾首呉句卑曰臣贱可乎司马曰我实失子可哉【失不知子贤】三战皆伤曰吾不可用也已句卑布裳剡而裹之【司马已死剡取其首】藏其身而以其首免【言司马之忠壮】楚子涉睢济江入于云中【云中杜注云梦泽中所谓江南之梦盖云梦一泽跨江南北】王寢盗攻之以戈击王王孙由于以背受之中肩王奔郢钟建负季芊以从【钟建楚大夫】由于徐苏而从【以背受戈故当时闷絶】郢公辛之弟懷将弑王曰平王杀吾父我杀其子不亦可乎【辛蔓成然之子鬬辛也昭十四年楚平王杀成然】辛曰君讨臣谁敢讎之君命天也若死天命将谁讎诗曰柔亦不茹刚亦不吐不侮矜寡不畏强御唯仁者能之【诗大雅言仲山甫不辟强陵弱】违强陵弱非勇也乘人之约非仁也灭宗废祀非孝也【弑君罪应灭宗】动无令名非知也必犯是余将杀女鬬辛与其弟巢以王奔随呉人从之谓随人曰周之子孙在汉川者楚实尽之天诱其衷致罚于楚而君又窜之【窜匿也】周室何罪君若顾报周室施及寡人以獎天衷君之惠也汉阳之田君实有之楚子在公宫之北【随公宫也】呉人在其南子期似王【子期昭王兄公子结】逃王而已为王曰以我与之王必免随人卜与之不吉乃辞呉曰以随之辟小而密迹于楚楚实存之世有盟誓至于今未改若难而弃之何以事君执事之患不唯一人【一人楚王】若鳩楚竟敢不听命呉

人乃退鑪金初宦于子期氏实与随人要言【要言无以楚王与吳并欲脱子期】王使见辞曰不敢以约为利王割子期之心以与随人盟【当心前割取血以盟示其至心】初伍员与申包胥友【包胥楚大夫】其亡也谓申包胥曰我必复楚国【复报也】申包胥曰勉之子能复之我必能兴之及昭王在随申包胥如秦乞师曰吳为封豕长蛇以荐食上国【荐数也】虐始于楚寡君失守社稷越在草莽使下臣告急曰夷德无厌若邻于君疆場之患也【吳有楚则与秦邻】逮吳之未定君其取分焉【与吳共分楚地】若楚之遂亡君之土也若以君灵抚之世以事君秦伯使辞焉曰寡人闻命矣子姑就馆将图而告对曰寡君越在草莽未获所伏【伏犹处也】下臣何敢即安立依于庭墙而哭日夜不絕声勺饮不入口七日秦哀公为之赋无衣【诗秦风取其王于兴师修我戈矛与子同仇与子偕作与子偕行】九顿首而坐【无衣三章章三顿首】秦师乃出【为明年包胥以秦师至张本】

【公羊传】吳何以不称子反夷狄也其反夷狄奈何君舍于君室大夫舍于大夫室盖妻楚王之母也

【谷梁传】日入易无楚也易无楚者壞宗庙徙陈器挹平王之墓何以不言灭也欲存楚也其欲存楚奈何昭王之军败而逃父老送之曰寡人不肖亡先君之邑父老反矣何忧无君寡人且用此入海矣父老曰有君如此其贤也以众不如吳以必死不如楚相与击之一夜而三败吳人复立【楚复立也】何以谓之吳也狄之也何谓狄之也君居其君之寢而妻其君之妻大夫居其大夫之寢而妻其大夫之妻盖有欲妻楚王之母者不正乘败人之绩而深为利居人之国故反其狄道也

郢楚都书入郢见楚之大国都犹不能守也凡书入者皆破其国都也楚地数千里若书入楚则不足以见破其国都之实矣吳不称子从其恒称谷梁以为不正其乘人之败而深为利则诸入国者皆然何独贬于吳乎

日讲春秋解义卷五十七

卷五十八

钦定四库全书

日讲春秋解义卷五十八

定公

五年春王三月辛亥朔日有食之【三月公羊作正月】

【附录左】五年春王人杀子朝于楚【因楚乱也终闵马父之言】

夏归粟于蔡

【左传】夏归粟于蔡以周亟矜无资【亟急也】

【公羊传】孰归之诸侯归之曷为不言诸侯归之离至不可得而序故言我也

【谷梁传】诸侯无粟诸侯相归粟正也孰归之诸侯也不言归之者专辞也【若独主于鲁】义迹也【言迹近之事不足具列诸侯】春秋贵义不贵惠蔡为楚困而不能救今见楚败吴胜乃归蔡粟徒为吴而已无救灾之实也二传以为诸侯归之经略不序盖鲁与诸侯皆以晋命归粟书鲁事则可包诸侯与城楚丘戌陈同义

于越入吴

【左传】越入吴吴在楚也

【公羊传】于越者何越者何于越者未能以其名通也【不能与中国通故从其俗称曰于越】越者能以其名通也【能与中国通则以中国之辞称之曰越】

于越者其自称者也越者中国称之者也考之经入吴败吴皆越人来告故书于越吴伐越则吴来告也故止书越

六月丙申季孙意如卒

【左传】六月季平子行东野【东野杜注季氏邑】还未至丙申卒于房【房盖近费之地】阳虎将以璵璠斂【璵璠美玉君所佩】仲梁懷弗与【懷亦季氏家臣】曰改步改玉【步谓行也玉藻云君行接武大夫继武又云公侯佩山玉大夫佩水苍玉是君臣步玉不同】

】阳虎欲逐之告公山不狃不狃曰彼为君也子何怨焉【不狃季氏臣费宰子泄也为君不欲使僭】既 桓子行东野【桓子意如子季孙斯】及费子泄为费宰逆劳于郊桓子敬之劳仲梁懷仲梁懷弗敬【懷时从桓子行轻慢子泄】子泄怒谓阳虎子行之乎【行逐懷也为下阳虎囚桓子起】

内大夫有罪而身不见讨则春秋不书其卒公子翬是也意如卒何以书见定公忘大义而念私劳使逐君之贼生安其位卒用卿礼也

秋七月壬子叔孙不敢卒

【附錄左】申包胥以秦师至秦子蒲子虎帅车五百乘以救楚【五百乘三万七千五百人】子蒲曰吾未知吴道【言未知制吴之法术】使楚人先与吴人战而自稷防之大败夫槩王于沂【稷沂杜注皆楚地当在今河南桐柏县境】吴人获防射子柏举【防射楚大夫】其子帅奔徒以从子西败吴师于军祥【军祥杜注楚地当在今湖广随州西南】秋七月子期子蒲灭唐【从吴伐楚故】九月夫槩王归自立也【自立为吴王号夫槩】以与王战而败奔楚为堂谿氏【传终言之】吴师败楚师于雍澨秦师又败吴师吴师居麇【麇杜注地名今湖广巴陵县东有麇城】子期将焚之子西曰父兄亲暴骨焉不能收又焚之不可【前年楚与吴战多死麇中言不可并焚】子期曰国亡矣死者若有知也可以歆旧祀【言焚吴复楚则祭祀不废】岂憚焚之焚之而又战吴师败又战于公婿之谿【公婿之谿杜注楚地名】吴师大败吴子乃归囚闾舆罢闾舆罢请先遂逃归【闾舆楚大夫请先至吴而逃归言吴惟得楚一大夫复失之所以不克】叶公诸梁之弟后臧从其母于吴不待而归【诸梁司马沈尹戌之子叶公子高也吴入楚获后臧之母楚定臧弃母而归】叶公终不正视【不义之】乙亥阳虎囚季桓子及公父文伯【文伯季桓子从父昆弟也】而逐仲梁懷冬十月丁亥杀公何藐【藐季氏族】己丑盟桓子于稷门之内【稷门鲁南城门】庚寅大诅逐公父歆及秦湍皆奔齐【歆即文伯也秦湍平子姑壻也传言季氏之乱】楚子入于郢【吴师已归】初鬬辛闻吴人之争宫也曰吾闻之不让则不和不和不可以遠征吴争于楚必有乱有乱则必归焉能定楚王之奔随也将涉于成臼【成臼杜注江夏竟陵县有臼水出 屈山西南入汉今湖广汉川县有臼子河西南与汉水合即臼水也】蓝尹亶涉其帑【亶楚大夫】不与王舟及宁王欲杀之子西曰子常唯思旧怨以败君何效焉王曰善使复其所吾以志前恶【恶过也】王赏鬬辛王孙由于王孙圉钟建鬬巢申包胥王孙贾宋木鬬懷【九子皆从王有大功者】子西曰请舍懷也【以初谋弑王也】王曰大德灭小怨道也【终从其兄免王大难是大德】申包胥曰吾为君也非为身也君既定矣又何求且吾尤子旗其又为诸【子旗蔓成然也以有德于平王求欲无厌平王杀之在昭十四年】遂逃赏王将嫁季芈季芈辞曰所以为女子遠丈夫也钟建负我矣以妻钟建以为乐尹【司乐大夫】王之在随也子西为王舆服以保路国于脾泄【失王恐国人溃散故伪为王车服立国脾泄以保安道路人脾泄杜注楚邑当在今湖广荊州府境】闻王所在而后从王王使由于城麇【于麇筑城】复命子西问高厚焉弗知子西曰不能如辞【言自知不能当辞勿行】城不知高厚小大何知对曰固辞不能子使余也人各有能有不能王遇盜于云中余受其戈其所犹在袒而示之背曰此余所能也脾泄之事余亦弗能也【传言昭王所以复国有贤臣也】

冬晋士鞅帅师围鲜虞

【左传】晋士鞅围鲜虞报观虎之役也【三年鲜虞获晋观虎】

鲜虞近晋晋彊家实利其土以培私封屡伐不克故复围之

六年春王正月癸亥郑游速帅师灭许以许男斯归【速公羊作邀后同】

【左传】六年春郑灭许因楚败也

郑虐于许久矣许依楚抗郑至于四迁今吴入郢许无所援郑遂灭之哀元年以后许复见者楚祸既定复建许也自隐十一年郑入许而齐郑之党合天下遂无王至是郑灭许而齐郑之党又合天下遂无霸盖晋楚俱弱势复一变而春秋以终矣

二月公侵郑

【左】二月公侵郑取匡为晋讨郑之伐胥靡也【胥靡杜注周地周儋翩因郑人以作乱郑为之伐胥靡故晋使鲁讨之匡杜注郑地取匡不书归之晋】往不假道于卫及还阳虎使季孟自南门入出自东门【阳虎将逐三桓使得罪于邻国】舍于豚泽衛侯怒使弥子瑕追之【弥子瑕衛嬖大夫】公叔文子老矣【文子公叔发】輶而如公曰尤人而效之非礼也昭公之难君将以文之舒鼎【衛文公之鼎】成之昭兆【寶】定之鬴鑑【鬴帶而以鏡为饰也】苟可以纳之择用一焉公子与二三臣之子诸侯苟忧之将以为之质【为质求纳鲁昭公】此羣臣之所闻也今将以小忿蒙旧德无乃不可乎大姒之子【大姒文王妃】唯周公康叔为相睦也而效小人以弃之不亦诬乎天将多阳虎之罪以毙之君姑待之若何乃止【止不伐鲁师】

自宣十八年公伐 后鲁无君将者八十年至是陪臣执国以三桓专兵为口实欲窃兵权故托公以出师耳当是时晋霸既失诸侯皆离令不能行故讨郑之师虽出晋命实阳虎主其谋欲徼祸邻国危鲁师以逞其欲故书侵以志其挟私啓衅非有辅霸讨乱之实也

公至自侵郑

夏季孙斯仲孙何忌如晋

【左传】夏季桓子如晋献郑俘也【献此春取匡之俘】阳虎强使孟懿子往报夫人之币晋人兼享之【贱鲁故不复两设礼】孟孙立于房外谓范献子曰阳虎若不能居鲁而息肩于晋所不以为中军司马者有如先君【称先君以征其言若欲使晋必厚待之】献子曰寡君有官将使其人【择得其人】鞅何知焉献子谓简子曰鲁人患阳虎矣孟孙知其衅以为必适晋故强为之请以取入焉【欲令晋人闻虎当逃走故强设请托之辞因此言以入晋令

晋素知之】

春秋书内卿竝使者二遂得臣如齐见仲遂邪谋之始此年斯何忌如晋见阳虎专权二卿为其所胁行止惟命他日为乱之端兆也然不介晋权乱未敢发故因如晋变文书介副以着其祸之所自起耳

【附录左传】四月己丑吴太子终累败楚舟师【终累阖庐子夫差兄】获潘子臣小唯子【二子楚舟师之帅】及大夫七人楚国大惕惧亡子期又以陵师败于繁【陵师陆军】令尹子西喜曰乃今可为矣【言知惧而后可治】于是乎迁郢于都而改纪其政以定楚国【传言楚赖子西以安】周儋翩率王子朝之徒因郑人将以作乱于周【儋翩子朝余党】郑于是乎伐冯滑胥靡负黍狐人阙外【郑伐周六邑在鲁伐郑取匡前于此见者为戌周起也负黍杜注阳城县西南有负黍亭今河南登封县负黍聚一名黄城是也狐人后汉志颍阴县有狐宗乡古狐人亭也在今河南临颍县阙外即伊阙外之邑在今洛阳县南阙塞山下】六月晋阎没戍周且城胥靡【为下天王出居姑莠起】

秋晋人执宋行人乐祁犁

【左】秋八月宋乐祁言于景公曰诸侯唯我事晋今使不往晋其憾矣乐祁告其宰陈寅【以与公言告之】陈寅曰必使子往他日公谓乐祁曰唯寡人説子之言子必往陈寅曰子立后而行【寅知晋政多门往必有难故使乐祁立后而往】吾室亦不亡唯君亦以我为知难而行也见溷而行【溷乐祁子也见于君立以为后】赵简子逆而饮之酒于絺上献杨楸六十于简子【杨木名】陈寅曰昔吾主范氏今子主赵氏又有纳焉以杨楸贾祸弗可为也已【知范氏必怨将得祸】然子死晋国子孙必得志于宋【以其为国死】范献子言于晋侯曰以君命越疆而使未致使而私饮酒不敬二君不可不讨也乃执乐祁

晋自八卿擅权上下相陵倾轧之谋已非一日今范鞅为政而赵鞅主宋乐祁此欲夺执政之权非为一宋行人争得失也范鞅知之故必执乐祁以伐其谋各逞私图不顾国体乱政亟行内外相竞而晋之祸遂不可止自是三家之势成矣

冬城中城

【谷梁传】城中城者三家张也【三家侈张故公惧而修内城】或曰非外民也

是时政在三家公室无民岂能役众修城以备外患盖阳虎欲去三桓故托惧齐郑而城中城将挟公以自固耳

季孙斯仲孙忌帅师围郕

【公羊传】此仲孙何忌也曷为谓之仲孙忌讥二名二名非礼也

昭公二十五年齐侯取郛以居公三十年郛溃遂贰于齐至是阳虎谋倾季氏胁使围郛以搆齐而絕其外援明年国夏来伐连歲兵争蓋始于此仲孙忌不言何阙文

【附錄左传】阳虎又盟公及三桓于周社盟国人于亳社诅于五父之衢【为八年阳虎作乱起】

冬十二月天王处于姑荻【姑荻杜注周地】辟儋翩之乱也【为明年单刘逆王张本】

七年春王正月

【附錄左】七年春二月周儋翩入于仪栗以叛【仪栗杜注周邑】齐人归郛阳關阳虎居之以为政【郛阳关杜注皆鲁邑中贰于齐齐今归之不书者为虎所专也】

夏四月

【附录左传】夏四月单武公刘桓公败尹氏于穷谷【尹氏复党儋翩共为乱也武公穆公子桓公文公子】

秋齐侯郑伯盟于咸【诸侯始复特盟咸杜注卫地】

【左传】秋齐侯郑伯盟于咸徵防于卫

齐郑之盟叛晋也霸统絕诸侯散特盟复起自齐桓以来未之有也于是再见诸侯无齐盟矣是故于石门志诸侯之合也于咸志诸侯之散也

齐人执衛行人北宫结以侵卫

【谷梁传】以重辞也衛人重北宫结【齐以衛重结故执以侵之】

齐侯衛侯盟于沙【沙公羊作沙泽杜注阳平元城县东南有沙亭在今直隶元城县东左】衛侯欲叛晋诸大夫不可使北宫结如齐而私于齐侯曰执结以侵我【欲以齐师惧诸大夫】齐侯从之乃盟于琐【琐杜注即沙也晋地道记元城县有琐阳城为明年涉佗援衛侯手张本】

齐每视晋为彊弱晋彊则同诸侯以附晋晋弱则合诸侯以自彊而鲁衛郑又视齐晋之彊弱以为向背者也至是晋既益衰楚复新败吴越之势未及北方齐遂乘间纠合既盟郑复劫卫自此以后齐衛合党次五氏次 葭次渠蔭至哀元年遂伐晋而天下之变益纷矣

大雩

齐国夏帅师伐我西鄙

【左传】齐国夏伐我【齐叛晋故】阳虎御季桓子公斂处父御孟懿子【处父孟氏家臣成宰公斂阳】将宵军齐师齐师闻之堕伏而待之【堕毁其车以诱敌而设伏兵】处父曰虎不图祸而必死苦夷曰虎陷二子于难【苦夷季氏家臣二子季孟】不待有司余必杀女虎惧乃还不败【传言陪臣强能自相制季孟不敢有心】

诸侯惟鲁事晋齐叛晋与郑盟故为郑伐且报郕之围也

九月大雩

经书雩祭二十有一惟昭二十五年及是秋再书雩志灾甚且言渎也

冬十月

【附录左传】冬十一月戊午单子刘子逆王于庆氏【庆氏守姑莸大夫】晋籍秦送王己巳王入于王城【己巳十二月五日有日无月】馆于公族党氏【党氏周大夫】而后朝于庄宫【庄王庙】

八年春王正月公侵齐

【左传】八年春王正月公侵齐【报前年伐我西鄙】门于阳州士皆坐列【言无鬪志】曰顔高之弓六钧【高鲁人三十斤为钧六钧百八十斤古称重故以为异强】皆取而传观之阳州人出顔高夺人弱弓籍丘子鉏击之【子鉏齐人】与一人俱毙【毙仆也】偃且射子鉏中頰殪【子鉏死】顔息射人中眉【顔息鲁人】退曰我无勇吾志其目也【以自矜】师退冉猛伪伤足而先【猛鲁人欲先归】其兄防乃呼曰猛也殿【防见师退而猛不在列乃大呼诈言猛在后殿 言鲁无军政】

报国夏之伐也是时三家专鲁阳虎用事实使公将欲归怨于公也

公至自侵齐

【附录左传】二月己丑单子伐谷城刘子伐仪栗【讨儋翩之党谷城杜注在河南县西今洛阳县西北有古城】辛卯单子伐简城刘子伐孟以定王室【简城孟皆周邑今河南河内县西北有邕台镇古孟国也 终王室之乱】赵鞅言于晋侯曰诸侯唯宋事晋好逆其使犹惧不至今又执之是絶诸侯也将归乐祁士鞅曰三年止之【执祁在六年】无故而归之宋必叛晋献子私谓子梁曰【献子范鞅子梁乐祁】寡君惧不得事宋君是以止子子姑使濶代子【濶乐祁子】子梁以告陈寅陈寅曰宋将叛晋是弃濶也不如待之【留待勿以子自代】乐祁归卒于大行【大行杜注晋东南山】士鞅曰宋必叛不如止其尸以求成焉乃止

诸州【州杜注晋地为明年宋公使乐大心如晋张本】

二月公侵齐

【左】公侵齐攻廩丘之郛主人焚冲【冲战车】或濡马褐以救之【马褐马衣】遂毁之【毁郛】主人出师奔【攻郛人少故遣后师走往助之】阳虎伪不见冉猛者曰猛在此必败【阳州之役猛先归言若在此必复败】猛逐之【逐廩丘人】顾而无继伪颠虎曰尽客气也【言非勇】苦越生子【苦越苦夷】将待事而名之阳州之役获焉名之曰阳州【欲比侨如】

三月公至自侵齐

【谷梁传】公如往时致月危致也往月致时危往也往月致月恶之也

曹伯露卒

夏齐国夏帅师伐我西鄙

【左】夏齐国夏高张伐我西鄙【报上二侵】

以公不与咸沙之盟且报再侵也自围郛以后齐鲁之兵六见然于齐称伐于鲁称侵曲直彊弱可见矣

公防晋师于瓦【瓦杜注卫地东郡燕县东北有瓦亭今直隶滑县东南瓦冈集即其地也左传】晋士鞅赵鞅荀寅救我公防晋师于瓦范献子执羔赵简子中行文子皆执雁鲁于是始尚羔【礼卿执羔大夫执雁鲁则卿大夫竝执雁今见士鞅执羔始令卿执之记礼废之从也】

晋将救鲁公亲至瓦以逆防之比其至则齐师已去救不及事故不书救士鞅不书辞当然也使书防晋士鞅则似以他事防而不知晋以师来与救之后期及齐师已退矣

公至自瓦

此特相防往来称地之例也故不以防致

秋七月戊辰陈侯柳卒

晋士鞅帅师侵郑遂侵卫【士公羊作赵】

【左传】晋师将盟卫侯于鄆泽【自瓦还就卫地盟】赵简子曰羣臣谁敢盟卫君者【前年衛叛晋属齐简子意欲摧辱之】涉佗成何曰【二子晋大夫】我能盟之卫人请执牛耳【盟礼尊者涖牛耳卫侯与晋大夫盟自以当涖牛耳故请】成何曰卫吾温原也焉得视诸侯将歃涉佗挽卫侯之手及挽【挽挤也血至挽】衛侯怒王孙贾趋进曰【贾卫大夫】盟以信礼也【信犹明也】有如卫君其敢不唯礼是事而受此盟也卫侯欲叛晋而患诸大夫王孙贾使次于郊大夫问故【问不入之故】公以晋诟语之【诟耻也】且曰寡人辱社稷其改卜嗣寡人从焉大夫曰是衛之祸岂君之过也公曰又有患焉谓寡人必以而子与大夫之子为质大夫曰苟有益也公子则往羣臣之子敢不皆负羈紲以从将行王孙贾曰苟衛国有难工商未尝不为患使皆行而后可【欲以激怒国人】公以告大夫乃皆将行之行有日【有期日】公朝国人使贾问焉曰若衛叛晋晋五伐我病何如矣皆曰五伐我犹可以能战贾曰然则如叛之病而后质焉何迟之有乃叛晋晋人请改盟弗许 秋晋士鞅防成桓公侵郑【桓公周卿士】围虫牢报伊阙也【六年郑伐周阙外晋为周报之】遂侵衛【讨叛】

郑伯与齐为咸之盟卫侯与齐为沙之盟二国皆为齐叛晋故两侵之曰遂继事也曰侵义不足以服人而力复不胜小有侵掠而遂返也

葬曹靖公

九月 陈懷公

季孙斯仲孙何忌帅师侵衛

【左传】九月师侵卫晋故也

为晋命无可声之罪故书侵

冬卫侯郑伯盟于曲濮【曲濮杜注卫地盖濮水曲折之处在今山东濮州境】前年公侵郑今年二卿侵卫皆为晋故而士鞅又自帅师侵之故二国同为此盟以固其交而备晋也

从祀先公

【左传】季寤公鉏极公山不狃皆不得志于季氏【季寤季桓子之弟公鉏极公弥曾孙桓子族子公山不狃费宰】叔孙辄无宠于叔孙氏【辄叔孙氏之庶子】叔仲志不得志于鲁【志叔仲带之孙为国人所薄】故五人因阳虎阳虎欲去三桓以季寤更季氏【代桓子】以叔孙辄更叔孙氏【代武叔】已更孟氏【阳虎自代懿子】冬十月顺祀先公而祈焉【将作大事欲以顺祀取媚】辛卯【十月二日】禘于僖公【不于大庙者顺祀之义当退僖公惧于僖神故于僖庙行顺祀】

【公羊传】从祀者何顺祀也【复文公之逆祀】文公逆祀去者三人【谏不从而去之】

定公顺祀叛者五人【諫不以礼而去曰叛叛与去皆不书者微也谷梁传】贵复正也【文公逆祀今复正】

从祀之說二传及诸家皆以为正闵僖之位独蜀人冯山以为昭公至是始得从祀于太庙而胡氏安国取之于当日事情为近蓋意如出君于外既薨七月不得以时归 又絕其兆域不得同于先君则其主从未能从昭穆祔祭宜矣至是意如已卒阳虎将杀季斯乱鲁国欲着季氏之罪取說于众以售其奸遂以昭公之主从祀太庙事虽顺而情实逆故春秋特书从祀先公于盗窃寶玉大弓之上以发后人之疑而考其实焉若文公逆祀则臧文仲所为非季氏之恶也但春秋每书宫庙必举其謚又昭公 已书謚疑已祔庙左氏传曰顺祀先公而祈焉盖自遠及近徧祀鲁之先公以祈神祐而请罪季氏也义亦可通

盗窃寶玉大弓

【左传】壬辰将享季氏于蒲圃而杀之戒都车曰癸巳至【都邑之兵车也阳虎欲以壬辰夜杀季孙明日癸巳以都车攻二家】成宰公斂处父告孟孙曰季氏戒都车何故孟孙曰吾弗闻处父曰然则乱也必及于子先备诸与孟孙以壬辰为期【处父期以兵救孟孙壬辰先癸巳一日】阳虎前驱林楚御桓子虞人以铍盾夹之阳越殿【越阳虎从弟】将如蒲圃桓子咋谓林楚曰【咋暂也】而先皆季氏之良也尔以是继之【欲使楚免己于难以继其先人之良】对曰臣闻命后【后晚也】阳虎为政鲁国服焉违之征死死无益于主桓子曰何后之有而能以我适孟氏乎对曰不敢爱死惧不免主桓子曰往也孟氏选圉人之壮者三百人以为公期筑室于门外【实以备难不欲使人知故伪筑室于门外因得聚众公期孟氏支子】林楚怒马及衢而骋阳越射之不中筑者阖门【季氏既得入乃闭门】有自门闲射阳越杀之阳虎劫公与武叔以伐孟氏【武叔叔孙不敢之子州仇也】公斂处父帅成人自上东门入【鲁东城之北门入救孟氏】与阳氏战于南门之内弗胜又战于棘下【棘下杜注城内地名】阳氏败阳虎說甲如公宫取寶玉大弓以出舍于五父之衢寝而为食其徒曰追其将至虎曰鲁人闻余出喜于徵死【征召也阳虎召季氏于蒲圃将杀之今得脱必喜故言喜于召死】何暇追余从者曰嘻【惧声】速驾公斂阳在公斂阳请追之孟孙弗许【畏阳虎】阳欲杀桓子【欲因乱讨季氏以强孟氏】孟孙惧而归之子言辨舍爵于季氏之庙而出【子言季寤辨犹周徧也徧告庙饮酒示无惧】阳虎入于謹阳關以叛【叛不书略家臣】

【公羊传】盜者孰谓谓阳虎也阳虎者曷为者也季氏之宰也季氏之宰则微者也恶乎得国宝而窃之阳虎专季氏季氏专鲁国阳虎拘季孙孟氏与叔孙氏迭而食之哦而侵其板曰【以指爪刻其馈器之上斂藏衣物之板】某月某日将杀我于蒲圃力能救我则于是【于是时】至乎日若时而出临南者阳虎之出也【姊妹之子谓之出或曰从其家出而仕于公】御之于其乘焉【上车时】季孙谓临南曰以季氏之世有子子可以不免我死乎【以义责之】临南曰有力不足臣何敢不勉阳越者阳虎之从弟也为右【为季氏车右实卫之】诸阳之从者车数十乘至于孟衢【孟氏衢也四達可以横去】临南投策而坠之【防马捶也】阳越下取策临南駮马而由乎孟氏【捶马銜走】阳虎从而射之矢着于庄门【庄

門孟氏所入門名】然而甲起于琴如【甲公斂處父所帥也琴如地名二家知出期故于是時起兵】弑不成却反舍于郊皆說然息【說解舍然犹如】或曰弑千乘之主而不克【時季氏邑至千乘】舍此可乎陽虎曰夫孺子得國而已【孺子謂季氏得國謂獲免得專國也】如丈夫何【丈夫虎自謂】哦而曰彼哉彼哉【望見公斂處父師再言彼哉彼哉者切遽意】趣駕既駕公斂處父帥師而至慍然後得免自是走之晉寶者何璋判白【判半也半珪曰璋白藏天子青藏諸侯不言璋言玉者珪璧琮璜璋五玉盡亡之也 獨言璋者璋所以郊天尤重也】弓綉質【質拊也言大者力千斤】 青純【純緣也謂緣甲 也千歲之 青明于吉凶經不言 者從寶省文】

【谷梁 】寶玉者封珪也【始封之珪】大弓者武王之戎弓也周公受賜藏之魯非其所以與人而與人謂之亡非其所取而取之謂之盜

盜陽虎也家臣賤名氏不見故曰盜寶玉大弓先公分器不能謹守而盜得竊諸公宮魯之無人無政于此極矣

【附錄左傳】鄭駟黻嗣子大叔為政【黻駟乞子子然也為明年殺鄧析張本】

日講春秋解義卷五十八

卷五十九

<经部,春秋类,日讲春秋解义

钦定四库全书

日讲春秋解义卷五十九

定公

九年春王正月

【附录左传】九年春宋公使乐大心盟于晋且逆乐祁之尸辞僞有疾乃使向巢如晋盟【巢向戌曾孙】且逆子梁之尸【子梁乐祁】子明谓桐门右师出【子明乐祁子濶右师乐大心子明族父也右师时往子明舍子明逐使去】曰吾犹衰经而子击钟何也【忿其不逆父丧因责其无同族之恩】右师曰丧不在此故也既而告人曰己衰经而生子【己子明也】余何故舍钟子明闻之怒言于公曰右师将不利戴氏【乐氏戴公族】不肯适晋将作乱也不然无疾乃逐桐门右师【逐之在明年终叔孙舍之言】

郑驪黻杀邓析而用其竹刑【邓析郑大夫昭六年子产铸刑书析别造刑法书之竹简故云竹刑】君子谓子然于是不忠【子然驪黻】苟有可以加于国家者弃其邪可也【加犹益也弃不责其邪恶也】静女之三章取彤管焉【诗邶风彤管赤管笔女史记事规诲之所执静女诗三章虽説美女义在彤管记事】

【爲妇人大法故全篇取之不弃上下之二章也】竿旄何以告之取其忠也【诗鄘风录竿旄诗者取其中心愿告人以善道也言此二诗皆以一善见采而邓析不以一善存身】故用其道不弃其人诗云蔽芾甘棠勿翦勿伐召伯所茇【诗召南召伯决讼于蔽芾甘棠之下诗人思之不伐其树茇草舍也】思其人犹爱其树况用其道而不恤其人乎子然无以劝能矣【传言子然嗣太叔爲政郑所以衰弱】

夏四月戊申郑伯蛭卒【蛭公羊作囓】

得寶玉大弓

【左传】夏阳虎归寶玉大弓【无益近用而祇爲名故归之】书曰得器用也凡获器用曰得【器用谓物之成器可爲人用者】得用焉曰获【谓用器物以有获若麟爲田获俘爲战获】六月伐阳关【讨阳虎】阳虎使焚莱门【莱门阳关邑门】师惊犯之而出奔齐请师以伐鲁曰三加必取之【三加兵于鲁】齐侯将许之鲍文子谏曰【文子鲍国】臣尝爲隶

于施氏矣【施氏鲁大夫成十七年齐人召文子而立之于今七十四年文子盖九十余矣】
鲁未可取也上下犹和众庶犹睦能事大国【大国晋也】而无天菑若之何取之阳虎欲勤
齐师也齐师罢大臣必多死亡已于是乎奋其诈谋夫阳虎有宠于季氏而将杀季孙以不利
鲁国而求容焉亲富不亲仁君焉用之君富于季氏而大于鲁国兹阳虎所欲倾覆也鲁免其
疾而君又收之无乃害乎齐侯执阳虎将东之阳虎愿东【阳虎欲西奔晋知齐必反已故诈
以东爲愿】乃囚诸西鄙尽借邑人之车楔其轴麻约而归之【楔刻也欲絶追者】载葱灵
【葱灵辎车前后有蔽】寝于其中而逃追而得之囚于齐又以葱灵逃奔宋遂奔晋适赵氏
仲尼曰赵氏其世有乱乎【受乱人故】

【公羊传】何以书国寶也丧之书得之书

【谷梁传】其不地何也宝玉大弓在家则羞不目羞也【国之大宝在家则羞也况陪臣专
之乎耻甚而不目其地】恶得之得之堤下或曰阳虎以解众也

宝玉大弓既窃于盗何以复得盖阳虎惧鲁师将至遗于道路以爲缓追之计耳追者获之以
归故府故书曰得幸之也且明佚盗也不地未出境也

六月葬郑献公

秋齐侯衛侯次于五氏【五氏杜注晋地盖晋大夫邯郸午之私邑今直隶邯郸县西有五氏
城亦曰寒氏城】

【左传】秋齐侯伐晋夷仪【爲衛讨也】敝无存之父将室之【无存齐人室之爲取妇】
辞以与其弟曰此役也不死反必娶于高国【言欲有功还取贵族之女】先登求自门出死
于霤下【鬪死于门屋霤下也】东郭书让登【登城非人所乐故让众使后而已先登】犁
弥从之曰子让而左我让而右使登者絶而后下【恐书先下故又谲以让之下入城也】书
左弥先下书与王猛息【战讫共止息王猛齐人】猛曰我先登书斂甲曰曩者之难今又难
焉【斂甲起欲击猛】猛笑曰吾从子如骖之靳【靳车中服马也外二马谓之骖少次服后
盖不敢与书争】晋车千乘在中牟【救夷仪也中牟杜注荥阳有中牟县迥遠疑非也正义
荡阴县西有牟山中牟盖在山侧今河南汤阴县西有中牟城在牟山下是其地也】衛侯将
如五氏【齐侯在五氏将往助之】卜过之【道过中牟畏晋故卜】焦【兆不成】衛侯
曰可也衛车当其半寡人当其半敌矣【衛侯怒晋甚不复顾卜欲以身当五百乘】乃过中
牟中牟人欲伐之衛褚师圃亡在中牟【褚师圃衛旧大夫】曰衛虽小其君在焉未可胜也
齐师克城而骄【城谓夷仪也】其帅又贱【帅东郭书】遇必败之不如从齐乃伐齐师败
之【获齐车五百乘事见哀十五年】齐侯致襍媚杏于衛【三邑杜注皆齐西界媚当在今
禹城县杏当在今博平县】齐侯赏犁弥犁弥辞曰有先登者臣从之皙帨而衣貍制【皙白
也帨齿上下相值制裘也】公使视东郭书曰乃夫子也吾赐子公赏东郭书辞曰彼宾旅也
【言弥与已若宾主相让旅俱进退】乃赏犁弥齐师之在夷仪也齐侯谓夷仪人曰得敝无
存者以五家免【给其五家令常不供役事】乃得其尸公三禭之【禭衣也比殯三加禭深

礼厚之】与之犀轩与直盖【犀轩以犀皮爲饰卿之车也直盖高盖】而先归之坐引者以师哭之【停丧车以尽哀也君方爲位而哭故挽丧者不敢立】亲推之三【齐侯自推丧车轮三转】

齐衛伐晋不书伐而书次者盖二国虽有玩晋之心而晋势尚彊未敢轻伐聊次五氏以观其衅故不以伐告其后又次于垂葭又次于渠蔭至哀元年而后伐则其欲有所逞也久矣

秦伯卒

冬葬秦哀公

秦自晋悼以后寢不见于经盖退保西陲军旅朝聘之事不交于中国卒葬得书从告也

十年春王三月及齐平

【左传】十年春及齐平

平侵齐之怨也时诸侯惟鲁从晋至是亦叛列国无盟主矣及者内志也一国所欲故不称公

夏公会齐侯于夹谷公至自夹谷【夹公羊谷梁作颊夹谷杜注即祝其也地理志济南淄川县西南有甲山亦名夹山一名祝山上有夹谷台案淄川去鲁甚远今莱芜县有夹谷峪名胜志以爲莱兵劫鲁侯处意近之】

【左传】夏公防齐侯于祝其夹谷孔丘相犂弥言于齐侯曰孔丘知礼而无勇若使莱人以兵劫鲁侯必得志焉【莱人齐灭莱所俘之人】齐侯从之孔丘以公退曰士兵之【以兵击莱人】两君合好而裔夷之俘以兵乱之【裔远也】非齐君所以命诸侯也裔不谋夏夷不乱华俘不干盟兵不偪好于神爲不祥【盟将告神犯之爲不善】于德爲愆义于人爲失礼君必不然齐侯闻之遽辟之【辟去莱兵也】将盟齐人加于载书曰齐师出境而不以甲车三百乘从我者有如此盟【如此盟诅之祸】孔丘使兹无还揖对曰【无还大夫】鲁而不反我汶阳之田吾以共命者亦如之【要盟不洁故略不书】齐侯将享公孔丘谓梁丘据曰齐鲁之故【旧典】吾子何不闻焉事既成矣【防事成】而又享之是勤执事也且牺象不出门【牺象酒器牺尊象尊也】嘉乐不野合【嘉乐钟磬也】飧而既具是弃礼也若其不具用秕稗也【秕谷不成者稗草似谷者言享不具礼秽薄若秕稗】用秕稗君辱弃礼名恶子盍图之夫享所以昭德也不昭不如其已也乃不果享【孔子知齐侯怀诈故以礼拒之】齐人来归郚讙 陰之田【阳虎九年以此奔齐经在围衛下而传在前者次鲁事郚讙 阴杜注三邑皆汶阳田泰山博县北有 山阴田在其北也今 山在新泰县西南泗水县东北】

【谷梁传】离防不致【二国防曰离】何爲致也危之也危之则以地致何也爲危之也其

危柰何曰颊谷之会孔子相焉两君就坛两相相揖齐人鼓噪而起【羣呼曰噪】欲以执鲁君孔子歷阶而上不尽一等【阶防坛之阶】而视归乎齐侯曰两君合好夷狄之民何爲来爲命司马止之齐侯逡巡而谢曰寡人之过也退而属其二三大夫曰夫人率其君与之行古人之道【属语也夫人谓孔子】二三子独率我而入夷狄之俗何爲罢防齐人使优施舞于鲁君之幕下【优俳施其名也欲嗤笑鲁君】孔子曰笑君者罪当死使司马行法焉首足异门而出齐人来归郕讙 阴之田者盖爲此也因是以见虽有文事必有武备孔子于颊谷之防见之矣

齐鲁相仇始于阳虎至是虎败孔子与闻国政既已讲信修睦而与齐平齐景志在求霸亦欲亲鲁以爲援遂欢然释憾防于夹谷成礼而还左氏谷梁载却莱兵索汶阳田事皆欲侈张圣人而不知其陋也夫圣人过化存神从容揖让暴慢自戢如传所称则春秋战国之士多优爲之而谓孔子出此乎

晋赵鞅帅师围衛

【左传】晋赵鞅围衛报夷仪也【前年齐爲衛伐晋夷仪】初衛侯伐邯鄲午于寒氏【邯鄲杜注广平县今直隶邯鄲县西南有故城午晋邯鄲大夫寒氏即五氏也前年衛人助齐伐五氏】城其西北而守之宵燭【午众宵散】及晋围衛午以徒七十人门于衛西门杀人于门中【衛开门与午鬪】曰请报寒氏之役涉佗曰夫子则勇矣然我往必不敢啓门亦以徒七十人旦门焉步左右皆至而立如植【佗先至步行门左右然后其徒皆至而立如植木不动以示整】日中不啓门乃退反役晋人讨衛之叛故曰由涉佗成何于是执涉佗以求成于衛【按衛侯手故】衛人不许晋人遂杀涉佗成何奔燕君子曰此之谓弃礼必不钧【言必见杀不得与人等】诗曰人而无礼胡不遄死涉佗亦遄矣哉【诗 风遄速也】

讨五氏之次也晋自召陵以后凡用兵书侵以义之不足以服人也此役书围以力之不足以服人也

齐人来归郕讙 阴田【田上谷梁有之字】

【公羊传】齐人曷爲来归运讙 阴田孔子行乎季孙三月不违【不言行乎定公者政在季氏】齐人爲是来归之

取济西取汶阳言取不言归以其介大国而得之故书曰取归济西归讙及阐言归不言来以其请之而后得非彼自以归也此则齐人服义自以地归鲁非假兵力智计而得之与前后归田者异故言来归

叔孙州仇仲孙何忌帅师围郕

【左传】初叔孙成子欲立武叔公若藐固諫曰【藐叔孙氏之族】不可成子立之而卒公

南使贼射之不能杀【公南叔孙家臣武叔之党射公若】公南爲马正使公若爲郕宰武叔既定使郕马正侯犯杀公若弗能其圉人曰吾以剑过朝公若必曰谁之剑也吾称子以告必观之吾僞固而授之末则可杀也【圉人武叔之圉人僞爲固陋不知礼者以剑锋未授之欲因推而杀之】使如之公若曰尔欲吴王我乎【见剑向已逆呵之鱣诸杀吴王亦用剑刺之】遂杀公若侯犯以郕叛【犯以不能副武叔命故叛】武叔懿子围郕弗克

秋叔孙州仇仲孙何忌帅师围郕【郕公羊作费】

【左传】秋二子及齐师复围郕弗克叔孙谓郕工师驷赤曰【工师掌工匠之官】郕非唯叔孙氏之忧社稷之患也将若之何对曰臣之业在扬水卒章之四言矣【扬水诗唐风卒章四言曰我闻有命】叔孙稽首【谢其受己命】驷赤谓侯犯曰居齐鲁之际而无事必不可矣【无所服事】子盍求事于齐以临民不然将叛侯犯从之齐使至驷赤与郕人爲之宣言于郕中曰【诈爲齐使言】侯犯将以郕易于齐齐人将迁郕民众凶惧驷赤谓侯犯曰众言异矣【不与始同】子不如易于齐与其死也犹是郕也而得纾焉何必此【言以郕易取齐邑与郕无异胜于守郕爲叛人所杀】齐人欲以此偪鲁必倍与子地且盍多舍甲于子之门以备不虞侯犯曰诺乃多舍甲焉侯犯请易于齐齐有司观郕将至驷赤使周走呼曰齐师至矣郕人大骇介侯犯之门甲以围侯犯驷赤将射之【僞爲犯射郕人】侯犯止之曰谋免我侯犯请行许之【郕人四许之马】赤先如宿【宿杜注故宿国】侯犯殿每出一门郕人闭之【闭其后门】及郭门止之曰子以叔孙氏之甲出有司若诛之羣臣惧死驷赤曰叔孙氏之甲有物吾未敢以出【物识也赤还救侯犯也】犯谓驷赤曰子止而与之数【数甲以相付】驷赤止而纳鲁人侯犯奔齐齐人乃致郕【致其名簿也爲下武叔如齐传】

郕叔孙氏邑书围则叛可知以二卿伐之自夏至秋再围而不克则家臣之彊亦可知矣春秋之始王室初卑诸侯擅命其后诸侯少怠而大夫倾公室以自张至是家臣复拟其后争爲叛窃逆道弥甚召祸弥速而春秋以终此天下之势也

宋乐大心出奔曹

宋公子地出奔陈【地公羊作池】

【左传】宋公子地嬖蘧富猎【地宋景公弟辰之兄也】十一分其室而以其五与之【与富猎也】公子地有白马四公嬖向魋魋欲之【向魋司马桓魋也】公取而朱其尾鬣以与之【与向魋】地怒使其徒扶魋而夺之魋惧将走公闭门而泣之目尽肿母弟辰曰子分室以与猎也而独卑魋亦有颇焉子爲君礼【礼辟君也】不过出竟君必止子公子地出奔陈公弗止辰爲之请弗听辰曰是我迂吾兄也【迂欺也】吾以国人出君谁与处冬母弟辰暨仲佗石彊出奔陈【佗仲几子彊褚师段子皆宋卿众之所望故言国人】

冬齐侯衛侯郑游速会于安甫【安甫公羊作鞌杜注安甫地阙】

盟咸盟沙特相盟耳今则诸国参会益无惮于晋矣

叔孙州仇如齐

【左传】武叔聘于齐【谢致郕也传在辰奔后经书在前从告】齐侯享之曰子叔孙若使郕在君之他竟寡人何知焉属与敝邑际故敢助君忧之【以致郕得叔孙】对曰非寡君之望也所以事君封疆社稷是以【以犹爲也】敢以家隶勤君之执事夫不令之臣天下之所恶也君岂以爲寡君赐【言义在讨恶也】夹谷之会齐人既归鲁田侯犯奔齐齐又致郕故卿往谢之

宋公之弟辰暨仲佗石彊出奔陈【暨下公羊谷梁有宋字】

宋大夫公子母弟奔者三乐大心以谗奔公子地以向魋之嬖奔辰爲地请畱不许亦以魋奔也仲佗石彊称暨暨者不得已之辞见胁于辰不能自主也宋公以宠魋故奔其二弟辰以地故自絶于君又率二卿以行佗彊身爲卿佐有君不事而惟辰是从皆罪也一书而竝见矣

十有一年春宋公之弟辰及仲佗石彊公子地自陈入于萧以叛【萧杜注宋邑】

【谷梁传】宋公之弟辰未失其弟也【言未失其爲弟之道】及仲佗石彊公子地以尊及卑也自陈陈有奉焉尔入于萧以叛入者内弗受也以者不以也叛直叛也

夏四月

秋宋乐大心自曹入于萧

【左传】十一年春宋公母弟辰暨仲佗石彊公子地入于萧以叛秋乐大心从之大爲宋患宠向魋故也出奔陈则称暨入于萧以叛则称及及非不得已之辞得已而不已者也辰虽始祸而佗彊与地果于从逆其罪无别故不称暨叛人羣聚于萧而大心自曹入之其从叛可知矣故不书叛

冬及郑平叔还如郑洧盟【洧公羊谷梁作莅】

【左传】冬及郑平始叛晋也

鲁自僖公以来世服于晋及范荀纳货同盟解体齐张于东郑衛先往鲁及齐平然犹未显与晋絶也至是鲁郑同盟四国之好成晋遂失诸侯不可复收矣

十有二年春薛伯定卒

夏葬薛襄公

春秋书薛伯卒者三盖至是晋霸既衰三桓强盛自比于小国邦交始通故赴及而鲁必防其葬也不书月曰史略之

叔孙州仇帅师堕郕

【谷梁传】堕犹取也

衛公孟彊帅师伐曹

【左传】十二年夏衛公孟彊伐曹克郊【郊杜注曹邑当在今山东曹县界】还滑罗殿【罗衛大夫】未出后退于列【未出曹竟罗不退在行列之后】其御曰殿而在列其爲无勇乎罗曰与其素厉宁爲无勇【素空也厉猛也言伐小国当如畏者以诱致之】

此及十三年再书衛彊伐曹着列国无盟主也彊衛侯兄縶子縶字公孟故其子以字爲氏

季孙斯仲孙何忌帅师堕费

【左传】仲由爲季氏宰将堕三都【仲由子路三都费郕成也强盛将爲国害故欲毁之】于是叔孙氏堕郕季氏将堕费公山不狃叔孙辄帅费人以袭鲁【不狃费宰】公与三子入于季氏之宫登武子之台费人攻之弗克入及公侧【至台下】仲尼命申句须乐颀下伐之【二子鲁大夫孔子时爲司寇】费人北国人追之败诸姑蔑【姑蔑鲁地括地志在泗水县东今县治东南有故城】二子奔齐【二子不狃叔孙辄】遂堕费

【公羊传】曷爲帅师堕郕帅师堕费孔子行乎季孙三月不违曰家不藏甲邑无百雉之城于是帅师堕郕帅师堕费雉者何五板而堵五堵而雉百雉而城堕都之事孔子因其机而爲之盖三家之城其邑将以自利也而家臣凭倚其城数叛而不能制非独鲁患之三家亦患之矣孔子行乎季孙制国以礼谓都城无过百雉适有动乎三家之心于是各帅其众自堕其邑絶不疑其害己此固有不信而信不怒而威者矣堕郕以一卿堕费以二卿者费彊于郕故也

秋大雩

冬十月癸亥公防齐侯盟于黄【齐公羊作晋误】

隐六年盟于艾齐鲁爲盟之始也而齐霸遂兴书以志诸侯之合此盟于黄齐鲁爲盟之终也而晋霸遂失书以志诸侯之散此亦春秋之始终也

十有一月丙寅朔日有食之

公至自黄

十有二月公围成公至自围成

【左传】将墮成公斂处父谓孟孙墮成齐人必至于北门【成在鲁北竟故】且成孟氏之保障也无成是无孟氏也子僞不知我将不墮冬十二月公围成弗克

【谷梁传】非国言围围成大公也 何以致危之也何危尔边乎齐也

三家孟氏最弱季叔爲彊费邠已墮而成不墮者盖因公斂处父之言觉其不利于己而三家之虑变矣且费邠之叛荐爲叔季之害而公斂在成方有功于孟氏则孟氏之不肯以师墮也固宜故经不言三家直书公公行非越境不书至致围成危之也

日讲春秋解义卷五十九

卷六十

钦定四库全书

日讲春秋解义卷六十

定公

十有三年春齐侯衛侯次于垂葭【葭公羊作瑕谷梁无衛侯字垂葭杜注改名鄆氏高平钜野县西南有鄆亭今属济宁州】

【左传】十三年春齐侯衛侯次于垂葭实鄆氏使师伐晋将济河诸大夫皆曰不可邴意兹曰【意兹齐大夫】可銳师伐河内【河内杜注汲郡今河南衛辉府治】传必数日而后及绛【传告晋】绛不三月不能出河则我既济水矣乃伐河内齐侯皆敛诸大夫之轩唯邴意兹乘轩【以其言当】齐侯欲与衛侯乘【共载】与之宴而驾乘广载甲焉使告曰晋师至矣齐侯曰比君之驾也寡人请摄【以己车摄代衛车】乃介而与之乘驱之或告曰无晋师乃止【传言齐侯轻所以不能成功】

夏筑蛇渊囿【蛇渊囿水经注蛇水又西迳铸城西京相璠曰济北有蛇丘城城下有水鲁囿也今蛇丘故城在山东肥城县南】

杜氏预以爲书不时也此与受女乐事正相类盖

孔子去而鲁君臣之志荒矣

大搜于比蒲

衛公孟彊帅师伐曹

秋晋赵鞅入于晋阳以叛

【左传】晋赵鞅谓邯鄲午曰归我衛贡五百家吾舍诸晋阳【十年鞅围衛衛人惧贡五百家鞅置之邯鄲今欲徙于晋阳杜注晋阳赵鞅邑】午许诺归告其父兄父兄皆曰不可衛是以爲邯鄲【言衛以五百家在邯鄲故与邯鄲亲】而寘诸晋阳絶衛之道也不如侵齐而谋之【侵齐则齐当来报欲因惧齐而徙则衛与邯鄲好不絶】乃如之而归之于晋阳【欲如是谋而后归衛贡】赵孟怒召午而囚诸晋阳【鞅不察其谋谓不用命故囚之】使其从者説剑而入涉宾不可【涉宾午家臣】乃使告邯鄲人曰吾私有讨于午也二三子唯所欲立【午鞅同族别封邯鄲故使邯鄲人更立午宗亲】遂杀午赵稷涉宾以邯鄲叛【稷午子】

夏六月上军司马籍秦围邯鄲邯鄲午荀寅之甥也荀寅范吉射之姻也【婿父曰姻寅子娶吉射女】而相与睦故不与围邯鄲将作乱【攻赵鞅】董安于闻之【安于赵氏臣】告赵孟曰先备诸赵孟曰晋国有命始祸者死爲后可也安于曰与其害于民宁我独死【惧见攻必伤害民】请以我说赵孟不可秋七月范氏中行氏伐赵氏之宫赵鞅奔晋阳晋人围之

【谷梁传】以者不以者也叛直叛也

鞅入晋阳以拒范中行而直书曰叛者惟辟作威邯鄲午无罪而赵鞅专杀不忌其心已无君矣及荀范伐之鞅不愬于君而擅兴晋阳之甲非叛而何土地人民皆君所有也鞅始欲夺邯鄲之民以自封殖终则据君之邑与同列相攻使得逃于王法则乱贼无所惧矣

冬晋荀寅士吉射入于朝歌以叛【荀寅下公羊有及字】

【左传】范皋夷无宠于范吉射而欲爲乱于范氏【皋夷范氏侧室子】梁婴父嬖于知文子【文子荀跖】文子欲以爲卿韩简子与中行文子相恶【简子不信也中行文子荀寅】魏襄子亦与范昭子相恶【襄子曼多也昭子士吉射】故五子谋【五子范皋夷梁婴父荀跖韩不信魏曼多】将逐荀寅而以梁婴父代之逐范吉射而以范皋夷代之荀跖言于晋侯曰君命大臣始祸者死载书在河【爲盟书沈之河】今三臣始祸而独逐鞅刑已不钧矣请皆逐之冬十一月荀跖韩不信魏曼多奉公以伐范氏中行氏弗克二子将伐公齐高彊曰三折肱知爲良医【彊子尾子昭十年奔鲁遂适晋言歷疾痛多然后深知良医治疗之法】唯伐君爲不可民弗与也我以伐君在此矣三家未睦【三家知韩魏】可尽克也克之君将谁与若先伐君是使睦也弗听遂伐公国人助公二子败从而伐之丁未荀寅士吉射奔朝歌

人臣不忌其君未有不终于乱者也晋大夫不忌其君爲日已久自衛孙林父逐君晋卿实爲之主其后意如出君又从而把持之翼助他国之乱臣皆有欲爲乱之心也而其君防然不悟一听其所爲及是而三卿俱叛岂一朝一夕之故哉

晋赵鞅归于晋

【左传】韩魏以赵氏爲请十二月辛未赵鞅入于绛盟于公宫

【公羊传】此叛也其言归何以地正国也其以地正国奈何晋赵鞅取晋阳之甲以逐荀寅与士吉射荀寅与士吉射者曷爲者也君侧之恶人也此逐君侧之恶人曷爲以叛言之无君命也

【谷梁传】此叛也其以归言之何也贵其以地反也【以晋阳归晋】贵其以地反则是大利也非大利也许悔过也许悔过则何以言叛也以地正国也以地正国则何以言叛其入无君命也

归易辞也韩魏爲之请晋侯许之复而寅与吉射去国出奔无有难之者故其归爲易春秋书之以着叛逆之臣安然归国见晋之无人也叛臣至于书归则佚贼不足录矣先儒以归爲善辞遂谓鞅有叛迹而无叛心非也衛孙林父亦书归何善之有

薛弑其君比

称国以弑与晋州蒲莒庶其吴僚同国小而其事失传无可考矣

【附录左传】初衛公叔文子朝而请享灵公【欲令公临其家】退见史防而告之史防曰子必祸矣子富而君贪罪其及子乎文子曰然吾不先告子是吾罪也君既许我矣其若之何史防曰无害子臣可以免【言能执臣礼】富而能臣必免于难上下同之【言尊卑皆然】戍也骄其亡乎【戍文子之子】富而不骄者鲜吾唯子之见骄而不亡者未之有也戍必与焉及文子卒衛侯始恶于公叔戍以其富也公叔戍又将去夫人之党【灵公夫人南子党宋朝之徒】夫人愬之曰戍将爲乱

十有四年春衛公叔戍来奔衛赵阳出奔宋【衛赵阳公羊谷梁作晋赵阳】

【左传】十四年春衛侯逐公叔戍与其党故赵阳奔宋戍来奔【终前传史鱼之言】

【附录左传】梁婴父恶董安于谓知文子曰不杀安于使终爲政于赵氏赵氏必得晋国盖以其先发难也讨于赵氏文子使告于赵孟曰范中行氏虽信爲乱安于则发之是安于与谋乱也晋国有命始祸者死二子既伏其罪矣敢以告【告使讨安于】赵孟患之安于曰我死而晋国宁赵氏定将焉用生人谁不死吾死莫矣乃缢而死赵孟尸诸市而告于知氏曰主命戮罪人安于既伏其罪矣敢以告知伯从赵孟盟【知伯荀跖】而后赵氏定祀安于于庙【赵氏庙】

二月辛巳楚公子结陈公孙佗人帅师灭顿以顿子牂归【二月公羊作三月孙公羊作子牂公羊作牂】

【左传】顿子牂欲事晋背楚而絶陈好二月楚灭顿楚患列国百余年柏举既败其威始戢诸侯皆贰而陈犹比而从之至是国势渐复以顿弃楚即晋与召陵之会而陈旧尝围顿与之有怨遂连兵灭之以动诸侯自是楚威复振灭胡疆蔡克戎蛮以通少习胁晋而晋至以京师事楚越十有八年及湣公之身而爲楚所灭矣春秋书之以罪楚之肆虐而陈助彊灭邻实自毙也

夏衛北宫结来奔

【左传】夏衛北宫结来奔公叔戍之故也

五月于越败吴于槁李吴子光卒【槁公羊作醉槁李杜注吴郡嘉兴县南醉李城今槁李城在浙江嘉兴县南】

【左传】吴伐越【报五年越入吴】越子句践御之【句践允常子】陈于槁李句践患吴之整也使死士再禽焉不动【使死士再掠阵如高固入晋师桀石投人禽之以徇齐垒】使罪人三行属剑于颈【以剑注颈】而辞曰二君有治【治军旅】臣奸旗鼓【犯军令】不敏于君之行前不敢逃刑敢归死遂自刭也师属之曰越子因而伐之大败之灵姑浮以戈击阖庐【姑浮越大夫】阖庐伤将指取其屣【其足大指见斩遂失屣姑浮取之】还卒于陞去槁李七里【释经所以不书灭】夫差使人立于庭【夫差阖庐嗣子】苟出入必谓己曰夫差而忘越王之杀而父乎则对曰唯不敢忘三年乃报越【后三年哀元年】

书败诈战也系卒于败下见以伤卒不书灭还兵而陨非阵歿者比去槁李未遠故不地

公会齐侯衛侯于牽【牽公羊作坚又作擊杜注魏郡黎阳县东北有牽城今故牽城在直隶内黄县之西南濬县之北】

【左传】晋人围朝歌公会齐侯衛侯于脾上梁之闲【脾上梁闲柱注即牽】谋救范中行氏【齐鲁叛晋故助范中行也】析成鮒小王桃甲率狄师以袭晋【二子晋大夫范中行氏之党】战于绛中不克而还士鮒奔周小王桃甲入于朝歌

公至自会

秋齐侯宋公会于洮

【左传】秋齐侯宋公会于洮范氏故也【谋救范氏】

衛郑鲁皆与齐盟惟宋尚未絕晋至是始爲此会盖亦从于齐也传谓牽洮二会皆谋救范中行氏是时衛有公叔戌之难宋有公子辰之难齐景不能爲二国定乱乃合谋以助晋之叛臣衛宋不能自治其叛臣而惟齐之从党逆獎乱世变不可复问矣此春秋降爲战国之自也

天王使石尚来归脤【周鲁之交止此书天王止此】

【公羊传】石尚者何天子之士也【天子上士以名氏通】脤者何俎实也【实俎肉也】腥曰脤熟曰膾

【谷梁传】脤者何也俎实也祭肉也生曰脤熟曰膾其辞石尚士也【辞犹书也】何以知其士也天子之大夫不名石尚欲书春秋【欲著名于春秋】諫曰久矣周之不行礼于鲁也请行脤贵复正也

祭肉曰脤礼诸侯入朝助祭然后受俎实周衰列国职贡不修祀事不相而特使石尚归脤于鲁者盖晋霸已失王室无所恃頼故借此以亲同姓之国自是王使不见于经盖周室益防使命不复加于诸侯矣

衛世子蒯聵出奔宋

【左传】衛侯爲夫人南子召宋朝【南子宋女也朝宋公子旧通于南子在宋呼之】会于洮太子蒯聵献孟于齐过宋野【蒯聵衛灵公太子孟杜注邑名就会献之故自衛行而过宋邑】野人歌之曰既定尔娄猪盍归吾艾豕【娄猪求子猪也得牡则定以喻南子艾老也豕牡豕以喻宋朝】太子羞之谓戏阳速曰从我而朝少君【速太子家臣少君南子】少君见我我顾乃杀之速曰诺乃朝夫人夫人见太子太子三顾速不进夫人见其色啼而走【见太子色变知欲杀已】曰蒯聵将杀余公执其手以登台太子奔宋尽逐其党故公孟彊出奔郑自郑奔齐太子告人曰戏阳速祸余戏阳速告人曰太子则祸余太子无道使余杀其母余不许将戕于余若杀夫人将以余説余是故许而弗爲以纾余死谚曰民保于信吾以信义也【使义可信不必信言】

蒯聵出奔书世子罪灵公也南子之恶甚矣其欲去世子如哀姜乱鲁骊姬乱晋盖恶其斥己之淫而以欲弑诬之灵公惑于其譖不能明辨致使奔宋宋南子家也使蒯聵果负谋杀南子之名以出乃敢奔其母家乎以此知左氏所记特南子之谗言非实录也

衛公孟彊出奔郑

宋公之弟辰自萧来奔

辰奔而入叛叛而复奔三书宋公之弟着其失弟道又以见宋国之无政也书自萧罪据邑也书来奔讥纳叛也

大搜于比蒲【书搜止此】

春秋田狩之事公行者必书公公观鱼于棠公狩于郎皆是也自昭之搜红政在三桓搜田之礼虽公自行皆不曰公观下书邾子来会则公亲搜明矣而不书公足以知公之不得爲政而大夫专国也

邾子来会公

诸侯相见于郤地曰会今公搜于国内而邾子来会非其地也此与公及齐侯遇于谷萧叔朝公同来者既非受者亦失交讥之也

城莒父及霄【莒父霄皆鲁邑在今莒州境】

讥劳民与城诸防城诸郛同例是歲无冬史阙文

【附录左传】冬十二月晋人败范中行氏之师于潞【潞晋地】获籍秦高彊【二子党范氏者终景王言籍父无后】又败郑师及范氏之师于百泉【郑助范氏故并败之百泉衛地在今河南衛輝府西北苏门山下衛源也】

十有五年春王正月邾子来朝【邾朝止此】

【左传】十五年春邾隐公来朝【隐公邾子益】子贡观焉邾子执玉高其容仰公受玉卑其容俯【玉朝者之贄】子贡曰以礼观之二君者皆有死亡焉夫礼死生存亡之体也将左右周旋进退俯仰于是乎取之朝祀丧戎于是乎观之今正月相朝而皆不度【不合法度】心已亡矣嘉事不体何以能久【嘉事朝礼】高仰骄也卑俯替也骄近乱替近疾君爲主其先亡乎【爲此年公薨哀七年以邾子益归传】

邾子以前会爲未成礼于歲首复朝未几奔鲁之丧盖削弱已甚又齐鲁同盟晋霸既失邾无所恃故惧鲁而卑屈至此

麋鼠食郊牛牛死改卜牛

【公羊传】曷爲不言其所食【据食角】漫也

【谷梁传】不敬莫大焉【不敬故天灾最甚】

二月辛丑楚子灭胡以胡子豹归

【左传】吴之入楚也【在四年】胡子尽俘楚邑之近胡者楚既定胡子豹又不事楚曰存亡有命事楚何爲多取费焉二月楚灭胡

召陵之侵顿胡之君皆与是后楚有吴患不能报前年灭顿今复灭胡盖不得逞于中国而吞噬小弱以快其宿憾也

夏五月辛亥郊

【公羊传】曷爲以夏五月郊【据鲁郊当卜春三正也又养牲于涤宫不过三月】三卜之运也【运转也已卜春三正不吉复转卜也夏三月周五月得二吉故五月郊也】

壬申公薨于高寝

【左传】夏五月壬申公薨仲尼曰赐不幸言而中是使赐多言者也

【谷梁传】高寝非正也

高寝宫名定公乘昭公之后政在季氏值阳虎既奔三桓亦防孔子爲政纲纪粗立正可以有爲之时而愾于女乐不竟其用至其末年会牵会洮城莒父城霄无非助乱劳民之举鲁之益弱宜矣

郑罕达帅师伐宋【罕公羊作轩】

【左传】郑罕达败宋师于老丘【罕达子鬬之子老丘杜注宋地今河南陈留县北有老丘城】

宋公子地奔郑郑爲之伐宋欲取地以居之自此二国构兵与隐公初年公子冯事正相类盖霸统既絶诸侯无所系属各竞其私而莫之能禁也

齐侯衛侯次于渠蔭【渠蔭公羊作籛蔭宋地】

【左传】齐侯衛侯次于籛挈谋救宋也【籛挈即渠蔭】

五氏垂葭之次皆爲谋晋至是复出兵观望而明年遂有伐晋之举左氏以爲救宋非也郑从齐方坚齐得衛得鲁皆郑谋之最后宋始附齐其交未久齐不应救宋以仇郑且郑非彊国合齐衛以敌之亦何惧而不果哉

邾子来奔丧【诸侯始奔丧】

【公羊传】其言来奔丧何奔丧非礼也

【谷梁传】丧急故以奔言之【奔丧之制日行百里故传言急所以申匍匐之情也】周衰小国以事天子之礼事大国天子崩葬诸侯皆无奔丧会葬之事而鲁君尝奔齐晋之丧会楚之葬经不书讳之也邾子滕子来奔丧会葬而皆书者志其礼之 也

秋七月壬申妣氏卒【妣谷梁作弋】

【左传】秋七月壬申妣氏卒不称夫人不赴且不祔也【公羊传】妣氏者何哀公之母也何以不称夫人哀未君也

【谷梁传】妾辞也【不言夫人薨】哀公之母也

成风敬嬴皆书薨书夫人而定妣不书夫人书卒或谓哀公初立未成君又丧在殡不及尊其母故鲁史所书如是理或然也

八月庚辰朔日有食之

九月滕子来会葬

丁巳葬我君定公雨不克葬戊午日下昃乃克葬【昃谷梁作】稷

【左传】葬定公雨不克襄事礼也【襄成也雨而成事若汲汲于欲葬谷梁传】葬既有日不爲雨止礼也雨不克葬丧不以制也乃急辞也不足乎日之辞也【见宣八年葬敬嬴传】

国君葬具无不备故不爲雨止雨不克葬讥不能葬也事与宣公葬敬嬴同葬敬嬴言日中而克葬此言日下昃乃克葬日中则裕于日昃矣故谷梁子曰乃急辞也

辛巳葬定嬖

【左传】葬定嬖不称小君不成丧也【公未葬而夫人薨不赴不祔故不称小君反哭于寝故书葬】

【公羊传】定嬖何以书葬未逾年之君也【哀未逾年】有子则庙庙则书葬

葬不称小君不备夫人之礼着其实也礼竝有丧葬则先母而后父今定公薨在五月嬖氏卒在七月丧不同月葬各有期是以先葬定公若同月则定嬖当先葬矣

冬城漆

【左传】冬城漆书不时告也【实以秋城冬乃告庙】

二丧葬事毕又兴土功其困民也甚矣

日讲春秋解义卷六十

卷六十一

<经部,春秋类,日讲春秋解义

钦定四库全书

日讲春秋解义卷六十一

哀公【公名蒋定公之子蓋夫人定嬀所生諡法恭仁短折曰哀】

周【敬王二十六年敬王四十一年孔子卒鲁哀公十九年敬王崩子元王立此据左 所载按诸本敬王崩或作哀公十七年十八年或作哀公二十年未详孰是】

郑【声公七年声公二十二年孔子卒】

齐【景公五十四年鲁哀公五年景公卒安孺子荼立是年弑悼公阳生立哀十年悼公弑子简公壬立哀十四年田常弑简公立其弟骜为平公而相之專其国权齐自是为田氏矣】

宋【景公二十三年景公三十八年孔子卒】

晋【定公十八年晋霸衰微鲁哀公十三年会吴于黄池吴始称伯】

衛【灵公四十一年鲁哀公二年灵公卒孙出公辄立是年晋纳衛太子蒯聩于戚父子争国哀十五年蒯聩入是为莊公辄出奔哀十七年莊公弑立公孙般师十二月齐伐衛立公子起执般师以归哀十八年衛逐起辄复入】

蔡【昭侯二十五年鲁哀公四年昭侯弑子成侯立】

曹【伯阳八年鲁哀公八年宋灭曹】

滕【顷公十六年鲁哀公四年顷公卒子隐公虞母立哀十一年隐公卒】

陈【闵公八年鲁哀公十六年楚灭陈杀闵公】

杞【僖公十二年鲁哀公八年僖公卒子闵公维立】

薛【惠公三年鲁哀公十年惠公卒】

莒【郊公】

邾【隐公十一年鲁哀公七年鲁入邾执邾子益哀八年归吴又讨邾子囚诸楼台梏之以棘使诸大夫奉子革以为政哀十年邾子益来奔】

许【元公十年鲁哀公十三年元公卒】

小邾【详见昭公元年】

楚【昭王二十二年鲁哀公六年昭王卒子惠王章立哀十六年楚白公胜杀令尹子西攻惠王叶公攻白公白公自杀惠王复国哀十八年惠王卒】

秦【惠公七年鲁哀公三年惠公卒子悼公立鲁哀十八年悼公卒子共公立】

吴【夫差二年鲁哀公元年入越栖越于防稽越行成哀十年吴诛伍员哀十四年防晋黄池越入吴哀二十年越围吴哀二十二年越灭吴】

越【句践二年鲁哀公元年吴入越栖于防稽以行成用大夫种范蠡为政哀十四年入吴哀二十年围吴哀二十一年始来聘鲁哀二十二年灭吴乃以兵北渡淮与齐晋诸侯防于徐州周元王使人赐句践胙为伯越兵横行于江淮东诸侯毕贺号称霸王】

钦定四库全书

日讲春秋解义卷六十一

哀公【名蒋定公之子母定姒以敬王二十六年即位十四年西狩获麟春秋终諡法恭仁短折曰哀】

元年春王正月公即位

楚子陈侯随侯许男围蔡

【左 】【元年春楚子围蔡报柏举也【在定四年】里而栽【栽设版筑为围垒周匝去蔡城一里】广丈高倍【垒厚一丈高二丈】夫屯【夫兵也垒未成故令人屯守蔡】昼夜九日如子西之素【子西本计为垒当用九日而成】蔡人男女以辨【辨别也男女各别系累而出降】使疆于江汝之闲而还【使蔡徙都于江北汝水之南欲令近楚为私属】蔡于是乎请迁于吴【楚还蔡人更叛楚就吴为明年蔡迁州来 】【

随属楚不与防盟至是楚人德其免昭王于难列于诸侯故见经许既灭复见者楚封之也楚

徙蔡于江汝之闲不书迁蔡实未迁也胡氏安国乃谓迁蔡而书围见楚子复讎为可恕此大失春秋之入郢者吴也楚不能报吴而搂二三小国以释

憾于蔡既已悖矣且楚诱杀蔡侯般而灭其国用隐太子拘蔡昭侯蔡之讎楚岂在入郢下岂蔡宜得报而楚独不宜得报乎观楚频年灭顿灭胡何讎之复其志直欲蚕食小国不尽并诸侯不止耳而以复讎之説恕之误矣

【附録左】吴王夫差败越于夫椒报檣李也【檣李役在定十四年夫椒杜注吴郡吴县西南大湖中椒山通典包山一名夫椒即西洞庭山也在今江南吴县西南】遂入越越子以甲楯五千保于防稽【防稽杜注上防稽山也在防稽山陰县南水经注古防山也周礼扬州之镇在今浙江防稽县东南】使大夫种因吴大宰嚭以行成【种越臣文种也】吴子将许之伍员曰不可臣闻之树德莫如滋去疾莫如尽昔有过浇杀斟灌以伐斟鄩【浇寒浞子封于过者二斟夏同姓诸侯襄四年曰浇用师灭斟灌】灭夏后相【夏后相启孙后相失国依于二斟复为浇所灭】后緡方娠逃出自窦【后緡相妻】归于有仍【后緡有仍氏女】生少康焉为仍牧正【牧官之长】碞浇能戒之【碞毒也戒备也】浇使椒求之【椒浇臣】逃奔有虞为之庖正以除其害【虞舜后诸侯也杜注梁国有虞县今故虞城在河南虞城县南庖正掌膳羞之官赖此得不见杀也】虞思于是妻之以二姚而邑诸纶【思有虞君也虞思自以二女妻少康姚虞姓纶杜注虞邑今虞城县东南有故纶城】有田一成有众一旅【方十里为成五百人为旅】能布其德而兆其谋【兆始】以收夏众抚其官职【襄四年曰靡自有鬲氏收二国之烬以灭浞而立少康】使女艾谍浇【女艾少康臣谍也】使季杼诱豷【豷浇弟季杼少康子后杼也】遂灭过戈复禹之绩【过杜注浇国戈杜注豷国】祀夏配天不失旧物今吴不如过而越大于少康或将丰之不亦难乎【言与越成是使越丰大必为吴难】句践能亲而务施施不失人亲不弃劳与我同壤而世为仇讎于是乎克而弗取将又存之违天而长寇讎【犹言天与不取】后虽悔之不可食已【食消也已止也】姬之衰也日可俟也【姬吴姓】介在蛮夷而长寇讎以是求伯必不行矣弗听退而告人曰越十年生聚而十年教训二十年之外吴其为沼乎【谓吴宫室废壊当为污池为二十二年越入吴起本】三月越及吴平吴入越不书吴不告庆越不告败也

麋鼠食郊牛改卜牛【郊牛下谷梁有角字】

夏四月辛巳郊

【谷梁】此该之变而道之也【该备也春秋书郊终于此故于此备説郊之变变谓郊非其时或牲被灾害】于变之中又有言焉【于灾变之中又有可善而言者】麋鼠食郊牛角改卜牛志不敬也郊牛日展觚角而知伤展道尽矣【展道虽尽所以备灾之道不尽讥哀公不敬故致大变】郊自正月至于三月郊之时也夏四月郊不时也五月郊不时也夏之始可以承春以秋之末承春之始蓋不可矣【不时之中有差别夏始承春方秋之末犹为可也】九月用郊用者不宜用者也【在成十七年】郊三卜礼也【三卜即未以十二月上辛卜之説】四卜非礼也【僖三十一年襄十一年皆四卜】五卜强也【成十年五卜】卜免牲

者吉则免之不吉则否牛伤不言伤之者伤自牛作也故其辞缓【宣三年郊牛之口伤以牛自伤故辞缓】全曰牲伤曰牛未牲曰牛其牛一也其所以为牛者异【己卜日成牲而伤之曰牛与未卜日未成牲之牛二者不同】有变而不郊故卜免牛也已牛矣其尚卜免之何也【灾伤不复以郊怪复卜免之】礼与其亡也宁有【礼与其无卜宁尝有卜】尝置之上帝矣故卜而后免之不敢專也卜之不吉则如之何不免安置之系而待六月上甲始庀牲然后左右之【庀具也待具后牲然后左右前牛惟我所用不复湏卜已有新牲故也周礼曰司门掌授管键以啓闭国门祭祀之牛系焉然则未左右时监门者养之】子之所言者牲之变也而曰我一该郊之变而道之何也【此弟子问谷梁子之词】我以六月上甲始庀牲十月上甲始系牲十一月十二月牲虽有变不道也【牲有变则改卜牛以不妨郊事故不言其变】待正月然后言牲之变此乃所以该郊【至郊时然后言其变重其妨郊也十二月不道自前可知也至正月然后道则二月三月亦可知也此所以该郊言其变道尽】郊享道也贵其时大其礼其养牲虽小不备可也【享者饮食之道牲有变则改卜牛郊日已逼庀系之礼虽小不备合时得礼用之可也】子不志三月卜郊何也【弟子以经不书而谷梁独言之故复问也三月谓十二月正月二月也】郊自正月至于三月郊之时也【有变乃志常事不书】我以十二月下辛卜正月上辛如不从则以正月下辛卜二月上辛如不从则以二月下辛卜三月上辛如不从则不郊矣【意欲郊而卜不吉故曰不从郊必用上辛者取其新洁莫先也】

定公薨未及小祥而僭行天子之郊礼释凶服从吉则为不孝于亲矧郊之祭也丧者不敢哭凶服不敢入国门今在丧而蒧事则为不敬于天一举而犯三不韪焉郊之失礼未有甚于此者也

【附錄左】夏四月齐侯衛侯救邯鄲围五鹿【赵稷以邯鄲叛范中行氏之党也五鹿杜注晋邑】吴之入楚也【在定四年】使召陈懷公懷公朝国人而问焉曰欲与楚者右欲与吴者左陈人从田无田从党【都邑之人无田者随党而立不知所与故直从所居田在西者居右在东者居左】逢滑当公而进【当公不左不右】曰臣闻国之兴也以福其亡也以祸今吴未有福楚未有祸楚未可弃吴未可从而晋盟主也若以晋辞吴若何公曰国胜君亡非祸而何【楚为吴所胜】对曰国之有是多矣何必不复小国犹复况大国乎臣闻国之兴也视民如伤是其福也【如伤恐惊动】其亡也以民为土芥是其祸也楚虽无德亦不艾杀其民吴日敝于兵暴骨如莽【草之生于广野莽莽然故曰草莽】而未见德焉天其或者正训楚也祸之适吴其何日之有陈侯从之及夫差克越乃修先君之怨秋八月吴侵陈修旧怨也【言吴不修德而修怨所以亡】

秋齐侯衛侯伐晋

【左】齐侯衛侯防于干侯救范氏也师及齐师衛孔圉鮮虞人伐晋取蒲【鲁师不书非公命也孔圉孔蒸鉏曾孙鮮虞狄帅贱故不书蒲晋地今赵州城内有蒲社】

前此齐衛伐晋夷仪河内皆不书诸侯犹有所忌未成乎伐也至是晋益衰无异于列国齐衛遂连兵伐之春秋特书以着霸统之絕也王道尽而霸统复亡世变于是穷矣

【附錄左】 吴师在陈楚大夫皆惧曰阖庐唯能用其民以败我于柏举今闻其嗣又甚焉将若之何子西曰二三子恤不相睦无患吴矣昔阖庐食不二味居不重席室不崇坛【平地作室不起坛也】器不彤镂【彤丹也镂刻也】宫室不观【观台榭】舟车不饰衣服财用择不取费【选取坚厚不尚细靡】在国天有菑疢亲巡其孤寡而共其乏困在军熟食者分而后敢食【必須军士皆分熟食不敢先食分犹徧也】其所尝者卒乘与焉【所尝甘珍】勤恤其民而与之劳逸是以民不罢劳死知不旷【知身死不见旷弃】吾先大夫子常易之所以败我也今闻夫差次有台榭陂池焉【过再宿曰次积土为高曰台有木曰榭鄣泽曰陂积水曰池】宿有妃嬙嫔御焉【妃嬙贵者嫔御贱者皆内官】一日之行所欲必成玩好必从珍异是聚观乐是务视民如雠而用之日新夫先自败也已安能败我【为二十二年越灭吴张本】

冬仲孙何忌帅师伐邾

邾之事鲁至矣前年邾子来奔丧今逾年而遽伐之蓋鲁之彊臣利取邾田不复知有礼义也

【附錄左】 冬十月晋赵鞅伐朝歌【讨范中行氏】

二年春王二月季孙斯叔孙州仇仲孙何忌帅师伐邾取漵东田及沂西田癸巳叔孙州仇仲孙何忌及邾子盟于句绎【书盟止此句绎杜注邾地应在今山东邹县境】

【左】 二年春伐邾将伐绞【绞杜注邾邑当在今滕县境】邾人爱其土故赂以漵沂之田而受盟

【谷梁】 取漵东田漵东未尽也及沂西田沂西未尽也【以其言东西则知其未尽也】三人伐而二人盟何也各盟其得也【季孙不得田故不与盟】

邾自昭公时愬鲁于晋叔孙季孙见执今晋失霸邾子惧比来朝防三卿犹以为憾帅师伐取其田复盟以要之三子皆书不举重者各将其兵政不自公出也三人伐而二人盟谷梁以为各盟其所得也莫彊于季孙何独无得季氏志在灭邾二田不足充其欲又以昭公伐意如阳虎囚桓子皆赖叔仲之救故以田归二家使与邾盟以示已不屑与且包藏祸心欲复图其国而未肯盟也

夏四月丙子衛侯元卒

【左】 初衛侯游于郊子南仆【子南灵公子郢】公曰余无子将立女【蒯聩奔无太子】不对他日又谓之对曰郢不足以辱社稷君其改图君夫人在堂三揖在下【三揖卿大夫士也孤卿特揖大夫以其等旅揖士旁三揖见周礼司士】君命祗辱夏衛灵公卒夫人曰命公子郢为太子君命也对曰郢异于他子【言用意不同】且君没于吾手【言公歿时已在左右】若有之郢必闻之且亡人之子辄在【辄蒯聩之子出公也灵公适孙】乃立辄

滕子来朝【滕朝止此诸侯来朝亦止此】

晋赵鞅帅师纳衛世子蒯聩于戚

【左】六月乙酉晋赵鞅纳衛大子于戚宵迷阳虎曰右河而南必至焉【戚在河东是时晋军已渡河师夜行失道阳虎忆渡处在戚之北河既北流据水所向则东为右故欲出河右而南行也】使大子綰【綰始丧之服】八人衰经伪自衛逆者【欲为衛人逆故衰经成服】告于门哭而入遂居之【公羊】戚者何衛之邑也曷为不言入于衛父有子子不得有父也【明父得有子而废之子不得有父之所有故夺其国】

【谷梁】纳者内弗受也帅师而后纳者有伐也何用弗受也以辄不受也以辄不受父之命受之王父也信父而辞王父则是不尊王父也其弗受以尊王父也蒯聩之出与纳春秋再以世子书则知蒯聩为无辜而被此名以出故正其名而谓之世子所谓与之继世者也书纳于戚见为辄所拒而不得入于衛也程子谓纵令蒯聩得罪于父不得复立辄亦不得背父而不与其国为辄计者委于所可立使不失君之社稷而身从父则义矣谷梁尊王父之說非也

秋八月甲戌晋赵鞅帅师及郑罕达帅师战于鐵郑师败绩【鐵公羊作栗又作秩杜注鐵丘名在戚城南今直隶开州北有戚城其南为王合里即鐵丘也左】秋八月齐人输范氏粟郑子姚子般送之【子姚罕达子般驷】士吉射逆之赵鞅御之遇于戚阳虎曰吾车少以兵车之旆与罕驷兵车先陈【旆先驱车也以先驱车益其兵车以示众】罕驷自后随而从之彼见吾貌必有惧心【晋人先陈郑人随之不知其虚实见车多必惧】于是乎防之【防合战】必大败之从之卜战焦【兆不成】乐丁曰【乐丁晋大夫】诗曰爰始爰谋爰契我【诗大雅言先人事而后卜筮】谋协以故兆询可也【询谘询也故兆始纳衛大子卜得吉兆言今既谋同可不須更卜】简子誓曰范氏中行氏反易天明【不事君也】斩艾百姓欲擅晋国而灭其君寡君恃郑而保焉今郑为不道弃君助臣二三子顺天明从君命经德义除诟耻在此行也克敌者上大夫受县下大夫受郡【周书作雒篇千里百县县有四郡】士田十万【十万亩也】庶人工商遂【得遂进仕】人臣隶圉免【去厮役】志父无罪君实图之【志父赵简子之改名也言已事济君当图其赏】若其有罪绞缢以戮桐棺三寸不设属辟【属辟棺之重数王棺四重君再重大夫一重】素车朴马【以载柩】无入于兆【兆葬域】下卿之罚也【为众设赏自设罚所以能克敌】甲戌将战邴无恤御简子【邴无恤王良也】衛大子为右登鐵上望见郑师众大子惧自投于车下子良授大子绥而乘之曰妇人也【言其怯】简子巡列曰毕万匹夫也七战皆获有马百乘死于牖下【毕万晋献公卿也皆获有功死于牖下言得壽终】羣子勉之死不在寇【言有命】繁羽御赵罗宋勇为右【三子晋大夫】罗无勇縻之【縻束缚也】吏诘之御对曰疢作而伏【疢疟疾也】衛大子祷曰曾孙蒯聩敢昭告皇祖文王烈祖康叔文祖襄公【蒯聩襄公之孙】郑胜乱从【胜郑声公名释君助臣为从乱】晋午在难【午晋定公名】不能治乱使鞅讨之【鞅简子名】蒯聩不敢自佚备持矛焉【戎右持矛】敢告无絶筋无折骨无面伤以集大事无作三祖羞大命不敢请佩玉不敢爱【不敢爱故以祈祷】郑人击简子中肩毙于车中【毙踣也】获其蠹旗【蠹旗旗名】大子救之以戈郑师北获温大夫赵罗【罗无勇故郑师虽北犹

获罗】大子复伐之郑师大败获齐粟千车赵孟喜曰可矣【赵孟简子】傅僂曰【僂简子属也】虽克郑犹有知在忧未艾也初周人与范氏田公孙肸税焉【肸范氏臣为范氏收周人所与田之税】赵氏得而献之【得肸以献简子】吏请杀之赵孟曰为其主也何罪止而与之田【还其所税】及鐵之战以徒五百人有攻郑师取蠡旗于子姚之幕下献曰请报主德追郑师姚般公孙林殿而射前列多死【晋前列】赵孟曰国无小既战简子曰吾伏弢呕血【弢弓衣】鼓音不衰今日我上也【功为上】大子曰吾救主于车退敌于下我右之上也邴良曰我两鞞将絶吾能止之【止使不絶】我御之上也驾而乘材两鞞皆絶【材横木明细小也】言简子不让下自伐】

春秋舍齐秦楚外无与晋战者盖无能与晋敌也今以蕞尔之郑而赵鞅帅师与战幸而胜之其衰甚矣书及所以辨主客皆言帅师其众敌也

冬十月葬衛灵公

十有一月蔡迁于州来蔡杀其大夫公子驷【书迁止此左】吴泄庸如蔡纳聘而稍纳师师毕入众知之【泄庸吴大夫元年蔡请迁于吴中悔故因聘袭之】蔡侯告大夫杀公子驷以说【言不时迁者驷之为】哭而迁墓【将迁与先君辞故哭】冬蔡迁于州来

州来灭于吴蔡之徙此实吴人迁之而经以自迁为文者楚既疆蔡蔡背楚请迁于吴而中悔及其事急又委罪执政谋之不臧谁之咎也故经以自迁为文而杀公子驷则书大夫而称国见君与用事大臣擅杀之而不以其罪也

三年春齐国夏衛石曼姑帅师围戚

【左】三年春齐衛围戚求援于中山【中山鲜虞】

【公羊】齐国夏曷为与衛石曼姑帅师围戚伯讨也此其为伯讨奈何曼姑受命乎灵公而立辄【灵公者蒯聩之父】以曼姑之义为固可以拒之也【拒之者为灵公命故】辄者曷为者也蒯聩之子也然则曷为不立蒯聩而立辄蒯聩为无道灵公逐蒯聩而立辄然则辄之义可以立乎曰可其可奈何不以父命辞王父命【不以蒯聩命辞灵公命】以王父命辞父命是父之行乎子也【重本尊统之义】不以家事辞王事【以父见废故辞让不立是家私事】以王事辞家事是上之行乎下也

【谷梁】此衛事也其先国夏何也子不围父也不系戚于衛者子不有父也【子有父者戚系衛则为大夫属于衛】

主兵者衛也而齐助子围父逆乱人伦莫甚于此故恶其不义以为兵首所以深罪其党恶而训天下后世讨乱贼之法也戚不书衛承前纳衛世子蒯聩之文也其义与围宋彭城异者彭城已披于楚故还系之宋戚衛地而衛世子居之何用复书衛乎

夏四月甲午地震

五月辛卯桓宫僖宫灾

【左】夏五月辛卯司铎火【司铎宫名】火逾公宫桓僖灾【桓公僖公庙】救火者皆曰顾府【言常人爱财】南宫敬叔至命周人出御书俟于宫【敬叔孔子弟子南宫阅周人司周书典籍之官御书进于君者也】曰庀女而不在死【庀具也】子服景伯至命宰人出礼书【景伯子服何也宰人冢宰之属】以待命命不共有常刑校人乘马巾车脂辖【校人掌马巾车掌车乘马使四四相从为驾之易以脂膏辖为行之易】百官官备府库慎守官人肃给【国有火灾恐有变难故慎为备】济濡帷幕郁攸从之【濡物于水出用为济鬱攸火气也从之为备】蒙葺公屋【以濡物冒覆公室】自大庙始外内以悛【悛次也先尊后卑以次救之】助所不给有不用命则有常刑无赦公父文伯至命校人驾乘车【备缓急】季桓子至御公立于象魏之外【象魏门阙】命救火者伤人则止财可为也命藏象魏【周礼正月县教令之法于象魏使万民观之故谓其书为象魏】曰旧章不可亡也富父槐至曰无备而官办者犹拾沈也【槐富父终生之后沈汁也言不备而责办不可得】于是乎去表之橐【表表火道风所向者去其橐积】道还公宫【开除道周匝公宫使火无相连】孔子在陈闻火曰其桓僖乎【言桓僖亲尽而庙不毁宜为天所灾】

【公羊】此皆毁庙也其言灾何复立也曷为不言其复立【据立武宫言立】春秋见者不复见也【于哀公时立即于哀公时灾既书灾则立可见故得省文】何以不言及【据雉门及两观】敌也【亲过高祖亲踈敌等】何以书记灾也

【谷梁】言及则祖有尊卑【解经不言及僖】由我言之则一也【逮祖恩无差降如一故不言及】

桓僖亲尽而宫存者盖季氏出于桓立于僖世尊国政隆其私恩而不毁焉耳不书及二宫分明且祖无尊卑也

季孙斯叔孙州仇帅师城啓阳【啓公羊作开啓阳本邾国后属鲁杜注琅琊开阳县今山东沂州北有故城】

启阳故邾国昭十八年邾人袭邾邾子从帑于邾其地在邾东鄙近费鲁既取濶东沂西田因夺而城之惧其难故以师季氏以叔孙附已故与同城而地则季氏得之

宋乐髡帅师伐曹

曹奉乐大心入萧以叛宋方有乱故且从齐盟未暇致讨今闻齐景毫而无畏於齐故修曹之怨也

【附錄左传】刘氏范氏世为婚姻【刘氏周卿士范氏晋大夫】莒 事刘文公【为之属大夫】故周与范氏赵鞅以为讨六月癸卯周人杀莒 【终违天之祸】

秋七月丙子季孙斯卒

【左 】秋季孙有疾命正常曰无死【正常桓子之宠臣欲付以后事故敕令勿从已死】南孺子之子男也则以告而立之【南孺子季桓子之妻言若生男告公而立之】女也则肥也可【肥康子】季孙卒康子即位既葬康子在朝【在公朝也】南氏生男正常载以如朝告曰夫子有遗言命其圉臣曰南氏生男则以告于君与大夫而立之今生矣男也敢告遂奔衛康子请退【退辟位也】公使共刘视之【共刘鲁大夫】则或杀之矣乃讨之【讨杀者】召正常正常不反【畏康子也】

蔡人放其大夫公孙猎于吴

猎盖驷之党蔡实背楚迁吴以自啓衅而委之罪故不去其官而称人言国乱无政众人擅放之也

冬十月癸卯秦伯卒

叔孙州仇仲孙何忌帅师围邾

邾子已受盟于句绎今逾年而复围之其弃信肆虐甚矣

【附錄左 】冬十月晋赵鞅围朝歌师于其南【范中行所在】荀寅伐其郛【伐其北郭围】使其徒自北门入已犯师而出【使在外救已之徒击赵氏围之北门因外内攻得出】癸丑奔邯郸十一月赵鞅杀士皋夷恶范氏也

四年春王二月庚戌盗杀蔡侯申【二月公羊作三月杀公羊谷梁作弑左 】四年春蔡昭侯将如吴诸大夫恐其又迁也承【承惩也盖楚言】公孙翩逐而射之【翩蔡大夫】入于家人而卒以两矢门之【翩以矢自守其门】众莫敢进文之锴后至【锴蔡大夫】曰如墙而进多而杀二人【竝行如墙俱进】锴执弓而先翩射之中肘锴遂杀之故逐公孙辰而杀公孙姓公孙吁【吁即霍也公羊传】弑君贱者穷诸人此其称盗以弑何【据宋人弑其君处白称人】贱乎贱者也【贱于称人者】贱乎贱者孰谓罪人也【蔡侯近罪人卒逢其祸故以为人君深戒】

【谷梁 】称盗以弑君不以上下道道也【以上下道道者若衛祝吁弑其君完之类是直称盗不在人伦之序】内其君而外弑者不以弑道道也【襄七年郑伯将防中国其臣欲从楚不胜其臣弑而死不使夷狄之民加乎中国之君故曰郑伯髡原如防未见诸侯丙戌卒于操是不以弑道道也】春秋有三盗微杀大夫谓之盗【十三年冬盗杀陈夏区夫是】非所

取而取之谓之盗【定八年阳货取宝玉大弓是】辟中国之正道以袭利谓之盗【即杀蔡侯申者是】称盗称杀窃而未得其主名也左氏以弑蔡侯为公孙翩既得其主名翩虽贱亦当从齐邴黻阎职弑商人之例而书人书弑则其说未可据也国君行则师从居有兵衛而为盗所杀见蔡之无臣子也不言君盗不得君其君也以盗为文故不得言弑其与阎弑吴子异者阎则有主名而食庶人在官者之禄也宣十七年书蔡侯申卒而此复书蔡侯申盖 寫之误

蔡公孙辰出奔吴

书公孙辰出奔于盗杀蔡侯申之后则辰与闻乎弑矣

葬秦惠公

宋人执小邾子

伐曹执邾子盖齐景图霸无成而宋亦有志于争权也与宋襄执滕子围曹同例

夏蔡杀其大夫公孙姓公孙霍

晋人执戎蛮子赤归于楚【蛮公羊作曼书执止此】

【左】夏楚人既克夷虎【夷虎蛮夷叛楚者】乃谋北方左司马馯申公壽余叶公诸梁致蔡于负函致方城之外于缙關【三子楚大夫也此蔡之故地人民楚因以为邑致之者会其众也负函缙關杜注皆楚地负函当在今信阳市境】曰吴将泝江入郢将奔命焉为一昔之期袭梁及霍【一昔一夜也伪辞当备吴夜结期明日便袭梁霍使不知之梁霍杜注梁河南梁县西南故城也梁南有霍阳山皆蛮子之邑】单浮余围蛮氏蛮氏溃【浮余楚大夫】蛮子赤奔晋陰地【陰地杜注河南山北自上雒以东至陆浑】司马起丰析与狄戎【楚司马馯也丰析杜注析县属南乡郡析南有丰乡皆楚邑今河南淅川县及内乡县之西北境皆析地也丰乡城在淅川县西南 此二邑人及戎狄】以临上雒左师军于菟和【菟和杜注山在上雒东今陝西商州东有菟和山】右师军于仓野【仓野杜注在上雒县今商州东南有仓野聚】使谓陰地之命大夫士蔑曰【命大夫别县监尹】晋楚有盟好恶同之若将不废寡君之愿也不然将通于少习以听命【少习杜注商县武關也今武關在商州东少习山下言将开道以伐晋】士蔑请诸赵孟赵孟曰晋国未宁安能恶于楚必速与之士蔑乃致九州之戎【九州戎在晋陰地陆浑者】将裂田以与蛮子而城之【以诈蛮子】且将为之卜【卜城】蛮子听卜遂执之与其五大夫以畀楚师于三户【三户杜注丹水县北有三户亭今三户城在淅川县西南】司马致邑立宗焉以诱其遗民【楚复诈为蛮子作邑立其宗主】而尽俘以归

【公羊】赤者何戎曼子之名也其言归于楚何【据执曹伯畀宋人不言归于宋】子北

宫子曰辟伯晋而京师楚也【晋人执戎曼子归于楚若不书戎曼子名则与伯执归京师同文故辟其文而名之】

霸主执列国之君归于京师正也今执而与楚宜从执曹伯畀宋人之例乃与归于京师同文以着世变见情实晋与天下诸侯皆有罪焉耳

城西郭

六月辛丑亳社灾【亳公羊作蒲】

【公羊】蒲社者何【据鼓用牲于社不言蒲】亡国之社也社者封也【封土为社】其言灾何【据封土非火所能烧】亡国之社葢揜之揜其上而柴其下【故火得烧之揜柴之者絶不得使通天地四方以为有国者戒】蒲社灾何以书记灾也

【谷梁】亳社者亳之社也亳亡国也【亳即殷也殷都亳故谓之亳】亡国之社以为庙屏戒也【立亳社于庙外以为屏蔽取其不得通天人君瞻之而致戒心】其屋亡国之社不得達上也

记曰防国之社屋之武王克商班其社于诸侯使为鉴戒屋之故有灾据左氏七年以邾子益来献于亳社则新作亳社之屋可知矣不书者以其当作故不志也

秋八月甲寅滕子结卒

冬十有二月葬蔡昭公

葬滕顷公

【附錄左】秋七月齐陈乞 施衛甯跪救范氏【陈乞僖子 施 多】庚午围五鹿九月赵鞅围邯郸冬十一月邯郸降荀寅奔鲜虞赵稷奔临【临杜注晋邑今直隶临城县东有故城】十二月 施逆之遂堕临【逆稷纳之他邑以临险固故毁之】国夏伐晋取邢任栾鄫逆時陰人孟壶口【八邑杜注晋地栾在赵国平 县西北鄫即高邑县也潞县东有壶口关今直隶栾城县及赵州北境皆古栾邑地柏乡县北故城镇即故鄫城地逆時水经注谓之曲逆水今曲逆故城在完县东南壶口关在山西黎城县东北太行山口】防鲜虞纳荀寅于栢人【栢人杜注晋邑赵国栢人县今直隶唐山县西有故城】

五年春城毗【毗公羊作比又作茈】

夏齐侯伐宋

定十四年齐与宋防洮至此忽伐之者齐方挟诸侯以伐晋而宋人伐曹执小邾子欲与争霸故讨之然景公内实不能正其国而惟力是竞是以郑衛鲁宋虽从之而不心服也

晋赵鞅帅师伐卫

【左】五年春晋围柏人荀寅士吉射奔齐初范氏之臣王生恶张柳朔言诸昭子使为柏人【为柏人宰也昭子范吉射】昭子曰夫非而讎乎对曰私讎不及公好不废过恶不去善义之经也臣敢违之及范氏出【出柏人奔齐】张柳朔谓其子尔从主勉之我将止死王生授我矣【授我死节】吾不可以僭之【僭不信也】遂死于柏人【为吉射距晋伐死】夏赵鞅伐衛范氏之故也遂围中牟

是时齐方弱晋而列国诸侯坚于党齐者衛郑耳荀寅士吉射乃赵鞅之讎衛实庇之鞅度齐兵力彊盛未可与争寅射附衛未可猝动于是计纳蒯聩以为衛主故为之伐衛前此晋师皆书侵此独书伐者赵鞅欲释私憾故用大师而伐国围邑志在必克也

秋九月癸酉齐侯杵臼卒【杵公羊作处】

【左】齐燕姬生子不成而死【燕姬景公夫人不成未冠也】诸子鬻婁之子荼嬖【诸子庶公子也鬻婁景公妾荼安孺子】诸大夫恐其为大子也言于公曰君之齿长矣未有太子若之何公曰二三子闲于忧虞则有疾疢亦姑谋乐何忧于无君【景公意欲立荼而未故以此言塞大夫请】公疾使国惠子高昭子立荼【惠子国夏昭子高张】寘羣公子于莱【莱杜注齐东鄙邑今山东黄县东南有莱子城】秋齐景公卒冬十月公子嘉公子驹公子黔奔衛公子鉏公子阳生来奔【皆景公子在莱者】莱人歌之曰景公死乎不与埋三军之事乎不与谋师乎师乎何党之乎【师众也党所也之往也称謚蓋葬后而为此歌哀羣公子失所】

冬叔还如齐

闰月葬齐景公

【公羊】闰不书此何以书【遽楚子昭卒不书闰】丧以闰数也【谓丧服大功以下诸丧当以闰月为数】丧曷为以闰数【据卒不书闰】丧数略也【略犹杀也以恩杀故竝闰数】

【谷梁】不正其闰也【闰月附月之余日丧事不数】

凡丧以年断者不以闰数以月断者则以闰数三年之丧二十五月而毕苟数闰则二年内已有二十五月安得谓之三年且以闰数而书则崩薨卒葬凡有闰者皆宜书何独书于此故知书闰者讥其以闰月葬失丧事不数之义也

【附錄左】 郑驷秦富而侈嬖大夫也而常陈卿之车服于其庭郑人恶而杀之子思曰诗曰不解于位民之攸壻【子思子产子国参也诗大雅攸所也壻息也】不守其位而能久者鲜矣商颂曰不僭不滥不敢怠皇命以多福【僭差也滥溢也皇暇也言驷秦违诗商颂故受祸】

日讲春秋解义卷六十一

卷六十二

钦定四库全书

日讲春秋解义卷六十二

哀公

六年春城邾瑕【瑕公羊作葭书城止此邾瑕杜注任城亢父县北有邾娄城在今山东济宁州南】

邾瑕如鲁济之类鲁有负瑕故称邾以别之不书取葢未尝取而疆城见鲁之弱邾也

晋赵鞅帅师伐鲜虞

【左】六年春晋伐鲜虞治范氏之乱也【四年鲜虞纳荀寅于柏人】昭十二年楚防方炽而晋伐鲜虞十五年楚平初立布德于诸侯而荀吴再伐之定四年召陵罢防士鞅及衞孔圉防伐五年吴方入郢士鞅又伐之于是尽失诸侯此年复有赵鞅之师则晋霸之衰皆由诸大夫贪伐鲜虞以自封殖故也

吴伐陈

【左】吴伐陈复修旧怨也【元年未得志故】楚子曰吾先君与陈

有盟不可以不救乃救陈师于城父【陈盟在昭十三年】

夏齐国夏及高张来奔

【左】齐陈乞伪事高国者【高张国夏受命立荼陈乞欲害之故先伪事焉】每朝必骖乘焉所从必言诸大夫【言其罪过】曰彼皆偃蹇将弃子之命【偃蹇骄傲】皆曰高国得君必偈我盍去诸固将谋子子早图之图之莫如尽灭之需事之下也【需疑也】及朝则曰彼虎狼也【彼谓诸大夫】见我在子之侧杀我无日矣请就之位【欲与诸大夫谋高国故求就之】又谓诸大夫曰二子者祸矣【言高国二子】恃得君而欲谋二三子曰国之多难贵宠之由尽去之而后君定既成谋矣盍及其未作也先诸作而后悔亦无及也大夫从之夏六月戊辰陈乞鲍牧【牧鲍圉孙】及诸大夫以甲入于公宫昭子闻之与惠子乘如公【昭子高张惠子国夏】战于莊败【高国败也莊六轨之道】国人追之国夏奔莒遂及高张晏圉施来奔【圉晏婴之子圉施不书非卿】

陈乞将立阳生故先逐国高国高奔而后陈乞弑君之谋得遂矣故先书二卿之奔于弑君之前以着难所自作而国高不能衛上委君而逃之罪亦见矣

叔还防吴于柎

齐景既卒吴欲争霸鲁先往会之

秋七月庚寅楚子轸卒

【左】秋七月楚子在城父将救陈卜战不吉卜退不吉王曰然则死也再败楚师不如死【前已败于柏举今若退还亦是败】弃盟逃讎亦不如死死一也其死讎乎命公子申为王不可则命公子结亦不可则命公子启【申子西结子期启子闾皆昭王兄】五辞而后许将战王有疾庚寅昭王攻大冥【大冥杜注陈地在今河南项城县境吴师所在也】卒于城父子闾退曰君王舍其子而让羣臣敢忘君乎从君之命顺也【从命许立】立君之子亦顺也二顺不可失也与子西子期谋潜师闭涂逆越女之子章立之而后还【闭涂不通外使也越女昭王妾章惠王】是歲也有云如众赤鸟夹日以飞三日楚子使问诸周大史周大史曰其当王身乎【日为人君妖气守之故以为当王身云在楚上唯楚见之故祸不及他国】若禘之可移于令尹司马【禘禘也】王曰除腹心之疾而置诸股肱何益不谷不有大过天其夭诸有罪受罚又焉移之遂弗禘初昭王有疾卜曰河为祟王弗祭大夫请祭诸郊王曰三代命祀祭不越望【诸侯望祀竟内山川星辰】江汉睢漳楚之望也【四水在楚界】祸福之至不是过也不谷虽不德河非所获罪也遂弗祭孔子曰楚昭王知大道矣其不失国也宜哉夏书曰惟彼陶唐帅彼天常有此冀方今失其行乱其纪纲乃灭而亡【夏书五子之歌也唐虞及夏同都冀州不易地而亡由于不知大道故】又曰允出兹在兹由已率常可矣【夏书大禹谟言信出已则福亦在已附錄左】八月齐邴意兹来奔【高国党】

齐阳生入于齐齐陈乞弑其君荼【荼公羊作舍】

【左】陈僖子使召公子阳生【僖子陈乞召在七月今在八月下记事之次】阳生驾而见南郭且于【且于齐公子鉏与阳生同奔居鲁南郭】曰尝献马于季孙不入于上乘故又献此请与子乘之【畏在家人闻其言故欲二人共载以试马为辞】出莱门而告之故【鲁郭门也】阨止知之先待诸外【阨止阳生家臣子我也待外欲俱去】公子曰事未可知反与壬也处【壬阳生子简公】戒之遂行【戒使无泄言】逮夜至于齐国人知之【故以昏至不欲令人知也国人知而不言言陈氏得众】僖子使子士之母养之【隱于僖子家内子士母僖子妾】与馈者皆入【僖子又令阳生随馈食之人入处公宫】冬十月丁卯立之将盟【盟诸大夫】鲍子醉而往其臣差车鲍点曰【点鲍牧臣也差车主车之官】此谁之命也陈子曰受命于鲍子遂诬鲍子曰子之命也【见其醉故诬之】鲍子曰女忘君之为孺子牛而折其齿乎而背之也【孺子荼也景公尝銜防为牛使荼牵之荼顿地故折其齿】悼公稽首曰【悼公阳生】吾子奉义而行者也若我可不必亡一大夫【言已可为君必不怨鲍子】若我不可不必亡一公子【公子自谓也恐鲍子杀已故要之】义则进否则退敢不唯

子是从废兴无以乱则所愿也鲍子曰谁非君之子乃受盟使胡姬以安孺子如赖【胡姬景公妾也安孺子之号赖杜注齐邑】去鬻婁【荼之母】杀王甲拘江說囚王豹于句窠之丘【三子景公嬖臣荼之党也】公使朱毛告于陈子曰【朱毛齐大夫】微子则不及此然君异于器不可以二器二不匮君二多难敢布诸大夫僖子不对而泣曰君举不信羣臣乎以齐国之困困又有忧【内有饥荒之困又有兵革之忧】少君不可以访是以求长君庶亦能容羣臣乎不然夫孺子何罪毛复命公悔之【悔失言】毛曰君大访于陈子而图其小可也【大谓国政小谓杀荼】使毛迁孺子于殆不至杀诸野幕之下葬诸爰冒淳【恐殆人不从故毛驻于野张帐而杀之殆杜注齐邑爰冒淳杜注地名路史爰成国一名冒泽实以冬杀经书秋者史书秋记始事遂连其死通以秋告鲁】

【公羊】弑而立者不以当国之辞言之此其以当国之辞言之何【据齐公子商人弑其君舍而立书公子】为谖也此其为谖奈何景公谓陈乞曰吾欲立舍何如陈乞曰所乐乎为君者欲立之则立之不欲立则不立【贵自尊也】君如欲立之则臣请立之阳生谓陈乞曰吾闻子盖将不欲立我也陈乞曰夫千乘之主将废正而立不正必杀正者【晋世子申生是也】吾不立子者所以生子者也走矣与之玉节而走之【节信也析玉与阳生留其半为后当迎之合以为信防称矫也奔不书者未立为嗣】景公死而舍立陈乞使人迎阳生于诸其家【于诸寘也齐人语也】除景公之丧【期而小祥服期者除】诸大夫皆在朝陈乞曰常之母有鱼菽之祭【常陈乞子重难言其妻故云尔齐俗妇人首祭事言鱼豆者示薄陋无所有】愿诸大夫之化我也【言欲以薄陋余福共宴饮】诸大夫皆曰诺于是皆之陈乞之家坐陈乞曰吾有所为甲【甲铠】请以示焉诸大夫皆曰诺于是使力士举巨囊而至于中霤【巨囊大囊中央曰中霤】诸大夫见之皆色然而骇【色然惊骇貌】开之则闾然公子阳生也【闾出头貌】陈乞曰此君也已诸大夫不得已皆逡巡北面再拜稽首而君之尔【知陈乞有备故不得已遂君之】自是往弑舍

【谷梁】阳生入而弑其君以陈乞主之何也不以阳生君荼也其不以阳生君荼何也阳生正荼不正不正则其曰君何也荼虽不正已受命矣【已受命于景公而立故可言君】入者内弗受也荼不正何用弗受以其受命可以言弗受也【先君已命立之于义可以拒之】阳生其以国氏何也取国于荼也阳生之入与小白书入同然小白之入齐无君阳生之入齐有君则不得与小白比系阳生于齐者以上文无所防下不言归不书齐阳生将不知其为何国公子非以其当有国而系之齐也弑荼者朱毛得国者阳生曷为不以罪齐无知者罪阳生而归狱于乞于是齐政由陈氏矣彼阳生者一亡公子而已乞不有无君之心则阳生何由而入荼何自而弑春秋明正其罪所以正首恶杜乱源也

冬仲孙何忌帅师伐邾

既城瑕则邾无所恃故明年遂有入邾之役此其始事也

宋向巢帅师伐曹

七年春宋皇瑗帅师侵郑

【左】七年春宋师侵郑郑叛晋故也【定八年郑始叛】

宋连歲有事于曹意郑为援而侵之左氏以为为晋故也宋之叛晋久矣岂复为晋讨郑乎

晋魏曼多帅师侵衛

【左】晋师侵卫卫不服也【五年晋伐卫至今未服】

夏公防吴于郕【郕谷梁作繒】

【左】夏公防吴于郕【吴欲霸中国】吴来徵百牢子服景伯对曰先王未之有也吴人曰宋百牢我【是时吴过宋得百牢】鲁不可以后宋且鲁牢晋大夫过十【晋大夫范鞅也在昭二十一年】吴王百牢不亦可乎景伯曰晋范鞅贪而弃礼以大国惧敝邑故敝邑十一牢之君若以礼命于诸侯则有数矣【有常数】若亦弃礼则有淫者矣【淫过也】周之王也制礼上物不过十二【上物天子之牢】以为天之大数也【天有十二次故制礼象之】今弃周礼而曰必百牢亦唯执事吴人弗听景伯曰吴将亡矣弃天而背本【违周为背本】不与必弃疾于我【言放其凶疾】乃与之大宰嚭召季康子【嚭吴大夫】康子使子贡辞大宰嚭曰国君道长【蓋言君长大于道路】而大夫不出门此何礼也对曰岂以为礼畏大国也【畏大国不敢虚国尽行】大国不以礼命于诸侯苟不以礼岂可量也寡君既共命焉其老岂敢弃其国大伯端委以治周礼仲雍嗣之断髮文身羸以为饰岂礼也哉有由然也【大伯周大王之长子仲雍大伯弟也大伯仲雍让其弟季歷俱适荆蛮遂有民众大伯卒无子仲雍嗣立不能行礼致化故效吴俗言其权时制宜以辟灾害非以为礼也端委礼衣】反自郕以吴为无能为也【弃礼知其不能霸也】

比年书防吴所以着公之失谋于始而遗患于后也

秋公伐邾八月己酉入邾以邾子益来

【左】季康子欲伐邾乃飧大夫以谋之子服景伯曰小所以事大信也大所以保小仁也背大国不信【大国吴也】伐小国不仁民保于城城保于德失二德者危将焉保【二德信与仁也】孟孙曰二三子以为何如【怪诸大夫不言故指问之】恶贤而逆之【孟孙贤景伯欲使大夫不逆其言恶犹安也】对曰禹合诸侯于涂山执玉帛者万国【诸大夫对也诸侯执玉附庸执帛】今其存者无数十焉唯大不字小小不事大也【言诸侯相伐古来已然】知必危何故不言【知伐邾必危自当言今不言者不危故也大夫以答孟孙所怪且阿附季孙】鲁德如邾而以众加之可乎【孟孙忿答大夫言不可】不乐而出【季孟意异佞直不同故罢飧】秋伐邾及范门【邾郭门也】犹闻钟声【邾不御寇】大夫諫不听茅成子请告于吴【成子邾大夫茅夷鸿】不许曰鲁击柝闻于邾【言其近】吴二千里不三月不

至何及于我且国内岂不足【言足以距鲁】成子以茅叛【茅杜注高平西南有茅乡亭在今山东金乡县西北】师遂入邾处其公宫众师昼掠【掠取财物】邾众保于绎【绎杜注邾山也在邹县北今峰山一名邾峰山在邹县东南】师宵掠以邾子益来【益邾隐公也昼夜掠言康子无法】献于亳社【以其亡国与殷同】囚诸负瑕负瑕故有绎【负瑕杜注鲁邑高平南平阳县西北有瑕丘城在今山东滋阳县西前者鲁得邾之绎民使在负瑕故使相就以辱之】邾茅夷鸿以束帛乘韦自请救于吴【无君命故言自】曰鲁弱晋而远吴冯恃其众【冯依】而背君之盟辟君之执事【辟陋】以陵我小国邾非敢自爱也惧君威之不立君威之不立小国之忧也若夏盟于鄆衍【鄆衍即鄆也】秋而背之成求而不违【言鲁成其所求无违逆也】四方诸侯其何以事君且鲁赋八百乘君之贰也【贰敌也鲁以八百乘之赋贡于吴言其国大】邾赋六百乘君之私也【为私属】以私奉贰唯君图之吴子从之【为明年吴伐我】

【公羊】入不言伐此其言伐何内辞也若使他人然【讳获诸侯故不举重而两书使若鲁公伐而去他人入之以来者】邾娄子益何以名絶曷为絶之获也曷为不言其获内大恶讳也

【谷梁】以者不以者也益之名恶也【恶其不能死社稷】春秋有临天下之言焉有临一国之言焉有临一家之言焉其言来者有外鲁之辞焉【非已内有从外来者曰来今鲁侯身自以归而曰来是外之也】

三家欲併邾而使公主兵葢迫于三子不得已也获则三家享其利讨则公受其恶春秋以讳不在公故直书而不避也不言灭明年鲁归邾子禾能有其国也在外曰以归在内曰以来内外之别也

宋人围曹

冬郑驪 帅师救曹

【左】宋人围曹郑桓子思曰【桓諡】宋人有曹郑之患也不可以不救冬郑师救曹侵宋初曹人或梦众君子立于社宫【社宫社也】而谋亡曹曹叔振铎请待公孙彊许之【振铎曹始祖】旦而求之曹无之【无所谓公孙彊者】戒其子曰我死尔闻公孙彊为政必去之及曹伯阳即位好田弋曹鄙人公孙彊好弋获白雁献之且言田弋之説説之因访政事大説之有宠使为司城以听政梦者之子乃行彊言霸説于曹伯曹伯从之乃背晋而奸宋宋人伐之晋人不救筑五邑于其郊曰黍丘揖丘大城钟邾【为明年入曹 黍丘杜注梁国下邑县西南有黍丘亭按下邑即今河南之夏邑县亭在县西南揖丘当在今曹县界大城当在今曹州界钟当在今定陶县界邾亦在定陶境内】

列国无盟主诸侯擅侵伐更相吞噬书围曹罪宋也自鲁救晋后凡晋楚之救皆不书此书救曹以大国不能援而诸侯自相救为世道之穷也

八年春王正月宋公入曹以曹伯阳归

【左】八年春宋公伐曹将还褚师子肥殿【子肥宋大夫】曹人诟之不行【诟詈辱也不行殿兵止也】师待之公闻之怒命反之遂灭曹执曹伯及司城彊以归杀之【终曹人之梦】

【公羊】曹伯阳何以名絶曷为絶之灭也曷为不言其灭讳同姓之灭也何讳乎同姓之灭力能救之而不救也【力能获邾娄而不救曹故责之】

宋公灭曹而经书入先儒以为灭者亡国之善辞曹不书灭言自灭也考之春秋所书曹久困于宋非有大恶不幸而亡与诸国灭者无以异何独文致其罪以为自灭或又以为曹亡春秋之终孔子至此不忍书灭此皆以私意穿凿附防而不知其于义无当也宋之入曹盖取其地而不絶其祀故不以灭告观孟子时有曹交为曹君之弟则战国之世曹尚未亡如陈蔡许灭而复存之类耳

吴伐我【书伐我始此】

【左】吴为邾故将伐鲁问于叔孙辄【辄故鲁人】叔孙辄对曰鲁有名而无情【有大国名无情实】伐之必得志焉退而告公山不狃【不狃亦故鲁人】公山不狃曰非礼也君子违不适讎国【违奔亡也】未臣而又伐之奔命焉死之可也【未臣所适之国若有伐本国者则可还奔命死其难】所托也则隐【曾所因托则为之隐恶】且夫人之行也不以所恶废乡今子以小恶而欲覆宗国不亦难乎【辄鲁公族故谓之宗国】若使子率子必辞王将使我子张病之【子张辄也】王问于子泄【子泄不狃】对曰鲁虽无与立【缓时若无能自立】必有与毙【急则人人知惧皆将同死战】诸侯将救之未可以得志焉晋与齐楚辅之是四讎也【与鲁而四】夫鲁齐晋之唇唇亡齿寒君所知也不救何为三月吴伐我子泄率故道险从武城【故由险道欲使鲁成备】初武城人或有因于吴竟田焉【侨田吴界】拘鄆人之沕营者曰何故使吾水滋【鄆人亦侨田吴滋浊也】及吴师至拘者道之以伐武城克之【鄆人教吴必可克】王犯尝为之宰澹台子羽之父好焉国人惧【王犯吴大夫故尝奔鲁为武城宰澹台子羽武城人孔子弟子也其父与王犯善国人惧其为内应】懿子谓景伯若之何对曰吴师来斯与之战何患焉且召之而至又何求焉吴师克东阳而进舍于五梧明日舍于蚕室【三邑杜注鲁地东阳今名闕阳镇在山东费县西南又县西有五梧城即古五梧也蚕室亦应在县西北境】公賓庚公甲叔子与战于夷获叔子与析朱鉏【公賓庚公甲叔子并析朱鉏为三人皆同车 互言之】献于王王曰此同车必使能国未可望也【同车能俱死是国能使人故不可望得】明日舍于庚宗遂次于泗上防虎欲宵攻王舍【防虎鲁大夫】私属徒七百人三踊于幕庭【于帐前设格令士试跃之】卒三百人有若与焉【卒终也终得三百人任行有若孔子弟子与在三百人中】及稷门之内【三百人行至稷门】或谓季孙曰不足以害吴而多杀国士不如已也乃止之吴子闻之一夕三迁【畏防虎】吴人行成【求与鲁成】将盟景伯曰楚人围宋易子而食析骸而爨【在宣十五年】犹无城下之盟我未及亏而有城下之盟是弃国也吴轻而遠不能久将归矣请少待之弗从

景伯负载造于莱门【负载书将欲出盟】乃请释子服何于吴吴人许之以王子姑曹当之而后止【释舍也鲁恐吴不信欲留景伯为质既得吴之许复求吴王之子以交质吴人不欲留王子故遂两止】吴人盟而还【不书盟讳耻】前此书侵伐必言四鄙见鲁之邊鄙犹有守御之备也至是吴师直造国都则鲁之四境藩屏荡然而国不足为国矣

夏齐人取讙及阐【阐公羊作憚后同杜注阐在东平刚县北今山东宁阳县本鲁阐邑地故刚城在县东北】

【左】齐悼公之来也【在五年】季康子以其妹妻之即位而逆之季魴侯通焉【魴侯康子叔父】女言其情弗敢与也齐侯怒夏五月齐鲍牧率师伐我取讙及阐

【公羊】外取邑不书此何以书所以赂齐也曷为赂齐为以邾娄子益来也

【谷梁】恶内也

凡内失邑不书自我与之则书取此与济西田是也鲁入邾而以其君来致齐以为辞故致赂以說之不书伐兵未加也

【附錄左】或潛胡姬于齐侯【胡姬景公妾六年以安孺子如赖者】曰安孺子之党也六月齐侯杀胡姬【言齐侯无道所以不终】

归邾子益于邾

【左】齐侯使如吴请师将以伐我乃归邾子【齐未得季姬故请师吴前为邾讨鲁惧二国同心故归邾子】邾子又无道吴子使大宰子余讨之【子余大宰嚭】囚诸楼台梏之以棘【梏捆也】使诸大夫奉大子革以为政【革邾大子桓公也为十年邾子来奔】

【谷梁】益之名失国也【于王法当絕故】

先书吴伐我又书齐取二邑然后书归邾子于邾则是畏吴惧齐不胜困挫而后归之也

秋七月

【附錄左】秋及齐平九月臧宾如如齐涖盟齐闾丘明来涖盟【宾如臧防子闾丘明嬰之子也盟不书略之】且逆季姬以归嬖鲍牧又谓羣公子曰使女有马千乘乎【有马千乘使为君也鲍牧本不欲立阳生故讽动羣公子】公子愬之公谓鲍子或潛子子姑居于潞以察之【潞杜注齐邑】若有之则分室以行若无之则反子之所出门使以三分之一行半道使以二乘及潞麋之以入【麋束缚也】遂杀之

冬十有二月癸亥 伯过卒

齐人归讙及阐

【左】冬十二月齐人归讙及阐季姬嬖故也

归不言来者齐本取讙阐胁鲁归邾子今既听命则齐遂所欲非以鲁能改过迁善服其义而归之也归济西田言我此不言我者济西田不独我有之而所归独吾故封讙与阐则无疑焉耳

九年春

【附錄左】九年春齐侯使公孟綽辞师于吴【齐与鲁平故辞吴师】吴子曰昔歲寡人闻命今又革之不知所从将进受命于君【为十年吴伐齐】

王二月葬 僖公

宋皇瑗帅师取郑师于雍丘【雍丘杜注雍丘县属陈留郡今河南 县治左】郑武子贻之嬖许瑕求邑无以与之【贻罕達也瑕武子之属】请外取许之【瑕请取于他国】故围宋雍丘宋皇瑗围郑师【许瑕师】每日迁舍【作垒塹成辄徙舍合其围】垒合郑师哭子姚救之大败【子姚武子贻也】二月甲戌宋取郑师于雍丘使有能者无死【惜其能也】以邾张与郑罗归【郑之有能者】

【公羊】其言取之何易也其易柰何诈之也【诈谓防阱奇伏之类谷梁】取易辞也以师而易取郑病矣【以师之重而宋以易得之则郑师将弱矣】

取郑师者掩袭而尽俘以归也观左氏所载使有能者无死而止以二人归则杀人多矣春秋之末特书取师者二蓋诈力相倾奇变滋起故甚其譎恶其尽谢氏所谓着其祸之大者是也

夏楚人伐陈

【左】夏楚人伐陈陈即吴故也

六年吴伐陈楚昭救之卒于城父不克而还陈以无援故即吴楚惠不念已之不能庇陈而愤其背已今年伐陈明年公子结复伐之十三年公子申又伐之终春秋之世陈困于楚弗克自振备书其事而楚人暴横不道之罪着矣

秋宋公伐郑

【左 】宋公伐郑【报雍丘】

宋自齐景之歿妄图兴霸前年以曹伯阳归郑不能救今又取郑师其志益骄以郑为易与遂亲帅师以伐其国明年偏师再伐十二年向巢又伐至十三年而丧师于岳与雍丘之后得失相当盖所自取也

【附錄左 】秋吴城防沟通江淮【防杜注于防江筑城穿沟东北通射阳湖西北至宋口入淮通粮道广陵防江是也】晋赵鞅卜救郑遇水适火【水火之兆】占诸史赵史墨史【皆晋史】史 曰是谓沈阳【火阳得水故沈】可以兴兵【兵陰类也故可以兴兵】利以伐姜不利子商【姜齐姓火师之后火弱故伐利子商姓属水故伐不利】伐齐则可敌宋不吉史墨曰盈水名也子水位也【赵鞅姓盈宋姓子水盈坎乃行子姓又得北方水位】名位敌不可干也【二水俱盛故言不可干】炎帝为火师【神农有火瑞以火名官】姜姓其后也水胜火伐姜则可史赵曰是谓如川之满不可游也【既盈而得水位故为如川之满不可游言其波流盛】郑方有罪不可救也【郑以嬖宠伐人故以为有罪】救郑则不吉不知其他阳虎以周易筮之遇泰 【干下坤上泰】之需 【干下坎上需泰六五变】曰宋方吉不可与也【不可与战泰六五曰帝乙归妹以祉元吉帝乙纣父陰而得中类王者嫁妹得如其愿受福祿而大吉】防子启帝乙之元子也宋郑甥舅也【宋郑为婚姻甥舅之国宋防子之后今卜得帝乙卦故以为宋吉】祉祿也若帝乙之元子归妹而有吉祿我安得吉焉乃止

冬十月

【附錄左 】冬吴子使来倣师伐齐【前年齐与吴谋伐鲁齐既与鲁成而止故吴恨之反与鲁谋伐齐】

十年春王二月邾子益来奔

【左 】十年春邾隱公来奔齐甥也故遂奔齐【终子贡之言】益先为鲁所俘复之未几而自失其国又来奔鲁其不知耻甚矣

公防吴伐齐三月戊戌齐侯阳生卒

【左 】公防吴子邾子郯子伐齐南鄙师于郕【郕杜注齐地邾郯不书兵并属吴】齐人弑悼公赴于师【以說吴】吴子三日哭于军门之外徐承帅舟师将自海入齐【徐承吴大夫】齐人败之吴师乃还

阳生之死 书弑而经书卒杜氏预谓以疾赴以事势推之齐为大国其止吴师小嫌也齐人何至遽弑其君以說乎盖当时以吴师在齐而悼公适毙遂以为弑耳 如此类皆未可信信经可也

夏宋人伐郑

晋赵鞅帅师侵齐

【左】夏赵鞅帅师伐齐【经书侵以侵告】大夫请卜之赵孟曰吾卜于此起兵【谓往歲卜伐宋不吉利以伐姜故今兴兵】事不再令【再令瀆也】卜不袭吉【袭重也】行也于是乎取犁及轅【犁轅杜注犁一名隰济南有隰陰县祝阿县西有轅城今山东临邑县西有漯陰故城即齐犁邑禹城县西北有瑗城即轅也】毀高唐之郭侵及賴而还

乘吴之乱伐齐之丧无名甚矣故书侵

五月公至自伐齐

葬齐悼公

衛公孟彊自齐归于衛

彊蒯聩之党今归于衛是从辄而背蒯聩也故春秋后蒯聩入国彊复奔齐

薛伯夷卒【夷公羊作寅】

秋葬薛惠公

【附錄左】秋吴子使来复儆师【伐齐未得志故为明年吴伐齐】

冬楚公子结帅师伐陈吴救陈【书救止此】

【左】冬楚子期伐陈吴延州来季子救陈谓子期曰二君不务德【二君吴楚】而力争诸侯民何罪焉我请退以为子名务德而安民乃还【季子吴王壽梦少子也壽梦以襄十二年卒至今七十七歲壽梦卒季子已能让国年当十五六至今蓋九十余】

陈之祸吴为之也吴不挟陈以从已则楚陈无衅何用救为书救着其志在争诸侯非真有扶危恤患之义蓋与楚之救郑同耳

日讲春秋解义卷六十二

卷六十三

<经部,春秋类,日讲春秋解义

钦定四库全书

日讲春秋解义卷六十三

哀公

十有一年春齐国书帅师伐我

【左】十一年春齐爲郕故【郕在前年】国书高无防帅师伐我及清【清杜注齐地济北卢县东有清亭卢县今长清县也】季孙谓其宰冉求曰【冉求鲁人孔子弟子】齐师在清必鲁故也若之何求曰一子守二子从公御诸竟季孙曰不能【自度力不能使二子】求曰居封疆之闲【封疆竟内近郊地】季孙告二子二子不可求曰若不可则君无出一子帅师背城而战不属者非鲁人也【属臣属也言不战为不臣】鲁之羣室众于齐之兵车【羣室都邑居家】一室敌车优矣子何患焉二子之不欲战也宜政在季氏当子之身齐人伐鲁而不能战子之耻也大不列于诸侯矣季孙使从于朝俟于党氏之沟【党氏沟杜注朝中地名】武叔呼而问战焉【问冉求】对曰君子有遠虑小人何知懿子强问之对曰小人虑材而言量力而共者也【言所】

【问非己材力所及故不能言】武叔曰是谓我不成丈夫也【知冉求非己不欲战故不对】退而搜乘孟孺子泄帅右师【孺子懿子之子武伯彘】顔羽御邴泄为右【二子孟氏臣】冉求帅左师管周父御樊迟为右【樊迟名须鲁人孔子弟子】季孙曰须也弱有子曰就用命焉【虽年少能用命有子冉求也】季氏之甲七千冉有以武城人三百为己徒卒【步卒精兵】老幼守宫次于雩门之外【雩门南城门】五日右师从之【五日乃从言不欲战】公叔务人见保者而泣【务人公为昭公子保守城者】曰事充政重【事充繇役烦政重赋税多】上不能谋士不能死何以治民吾既言之矣敢不勉乎师及齐师战于郊齐师自稷曲【稷曲杜注郊地名】师不逾沟樊迟曰非不能也不信子也请三刻而逾之【与众三刻约信】如之众从之师入齐军【冉求之师】右师奔齐人从之陈瓘陈庄涉泗【二陈齐大夫】孟之侧后入以为殿【之侧孟氏族字反】抽矢策其马曰马不进也林不狝之伍曰走乎【不狝鲁士五人为伍】不狝曰谁不如曰然则止乎不狝曰恶贤徐步而死【言鲁非无壮士但季孙不能使】师获甲首八十【冉求所得】齐人不能师宵谍曰齐人遁冉有请从之三季孙弗许孟孺子语人曰我不如顔羽而贤于邴泄【二子与孺子同车】子羽銳敏【子羽顔羽銳敏言欲战】我不欲战而能默泄曰驱之【言驱马欲奔】公为与其嬖僮汪錡乘皆死皆殡孔子曰能执干戈以衛社稷可无殇也【时人疑童子当殇】冉有用矛于齐师故能入其军孔子曰义也【言能以义勇不书战不皆陈也不书败胜负不殊】

春秋详内而略外故外之侵伐书国而鲁书四鄙此以国言之者胡氏安国谓曲在我特书伐我非也按 载老幼守宫次于雩门之外师及齐师战于郊右师奔齐人从之至于涉泗则兵实加国都矣故直言伐我明与他伐异耳自哀公已前诸侯来伐无兵及近郊者至是政在季氏生事啓衅二家不肯同力前之吴师后之齐师召之而来傅国都而止春秋两书伐我所以着鲁之益衰不能守其四封而至见陵之甚也

夏陈轅颇出奔郑【轅公羊作袁】

【左 】夏陈轅颇出奔郑初轅颇为司徒赋封田以嫁公女【封内之田悉赋税之】有余以为已大器【大器钟鼎之属】国人逐之故出道渴其族轅咥进稻醴梁糗暇脯焉【醴浊酒也糗干饭也暇脯捶脯施姜桂也】喜曰何其给也对曰器成而具【具此醴糗】曰何不吾谏对曰惧先行【恐言不从先见逐】

五月公防吴伐齐甲戌齐国书帅师及吴战于艾陵齐师败绩获齐国书【书战书获止此齐鲁交兵亦止此艾陵杜注齐地】

【左 】为郊战故公防吴子伐齐【欲以报也】五月克博壬申至于嬴【博嬴杜注齐邑二县皆属泰山今泰安州东南有博阳故城】中军从王【吴中军】胥门巢将上军王子姑曹将下军展如将右军【三将吴大夫】齐国书将中军高无防将上军宗楼将下军陈僖子谓其弟书尔死我必得志【书子占也欲获死事之功】宗子阳与闾丘明相厉也【相劝厉致死子阳宗楼也】桑掩胥御国子【国书】公孙夏曰二子必死【亦劝勉之】将战公孙夏命其徒歌虞殡【虞殡送葬歌曲示必死】陈子行命其徒具含玉【子行陈逆也具含玉亦示必死】公孙挥命其徒曰人寻约吴髮短【约绳也八尺曰寻吴髮短欲以防贯其首】东郭书曰三战必死于此三矣【三战夷仪五氏与今】使问 多以琴【 多齐人六年奔鲁】曰吾不复见子矣【言将战死】陈书曰此行也吾闻鼓而已不闻金矣【军以鼓进以金退不闻金言 死也 言吴师强齐人皆自知将败】甲戌战于艾陵展如败高子【齐上军败】国子败胥门巢【吴上军亦败】王卒助之大败齐师获国书公孙夏闾丘明陈书东郭书革车八百乘甲首三千以献于公【公以兵从故以劳公】将战吴子嚭叔孙曰而事何也【问何职】对曰从司马【从吴司马所命】王赐之甲剑铍曰奉尔君事敬无废命叔孙未能对衛赐进曰【赐子贡孔子弟子】州仇奉甲从君而拜公使大史固归国子之元【归于齐也元首也吴以献鲁】寘之新篋製之以 纁加组带焉【製荐也】寘书于其上曰天若不识不衷何以使下国【言天识不善故杀国子】

公防伐而不与战也蓋自季孙擅鲁陵暴小国披其田邑皆三桓共之而危辱之地则使公试焉由来旧矣齐怨已深复假吴师以挑其祸故迫公自行叔孙以世行从而季孟不出盖败则公受其殃胜亦公主其怨也鲁师不出公徒寡约不足以战而从吴司马如陈蔡之君附于楚乘故特书公防吴伐齐于前复大书齐国书及吴战于后以 疑端见情实而着季孙之恶也先儒谓属辞之法当然非也使鲁师成列公实与战则书公防吴伐齐甲戌及齐国书战于艾陵可矣即欲着国书志为此战书齐国书帅师及我师吴师战于艾陵可矣何故迂其义而为

公不与战之辞哉书获国书又书师败绩见师将皆陨与大 之战同 曰大夫生死皆曰获故国书华元无异辞

【附錄左】 吴将伐齐越子率其众以朝焉王及列士皆有馈赂吴人皆喜唯子胥惧曰是豢吴也夫【豢養也若人養牺牲非爱之将杀之】 諫曰越在我心腹之疾也壤地同而有欲于我【欲得吴】 夫其柔服求济其欲也不如早从事焉【从事击之】 得志于齐犹获石田也无所用之【石田不可耕】 越不为沼吴其浞矣使医除疾而曰必遗类焉者未之有也盘庚之诰曰其有颠越不共则剿殄无遗育无俾易种于兹邑【盘庚商书颠越不共从横不承命者也剿割也殄絕也育长也易种转生种类】 是商所以兴也今君易之将以求大不亦难乎弗聽使于齐属其子于鲍氏为王孙氏【私使人至齐属其子改姓为王孙欲以辟吴祸】 反役王闻之使赐之属餽以死【役艾陵役也属餽剑名】 将死曰树吾墓檟檟可材也吴其亡乎三年其始弱矣盈必毀天之道也【为十三年越入吴起】

秋七月辛酉滕子虞母卒

【附錄左】 秋季孙命修守备曰小胜大祸也齐至无日矣

冬十有一月葬滕隱公

衛世叔齐出奔宋

【左】 冬衛太叔疾出奔宋【疾即齐也】 初疾娶于宋子朝【子朝宋人仕衛为大夫】 其娣嬖【娣所娶女之娣】 子朝出【出奔】 孔文子使疾出其妻而妻之疾使侍人诱其初妻之娣寘于犁【犁杜注衛邑】 而为之一宫如二妻文子怒欲攻之仲尼止之遂夺其妻或淫于外州【外州杜注衛邑】 外州人夺之轩以献【轩车也以献于君】 耻是二者故出衛人立遗【疾弟】 使室孔姑【文子女疾妻】 疾臣向魋纳美珠焉与之城鉏【城鉏杜注宋邑今直隶滑县东有鉏城】 宋公求珠魋不与由是得罪及桓氏出【在十四年】 城鉏人攻太叔疾衛莊公复之使处巢死焉殡于郕葬于少禘【终言疾之失所巢郕少禘杜注皆衛地今巢亭在河南睢州】 初晋悼公子慙亡在衛使其女仆而田【仆御以猎】 大叔懿子止而饮之酒【懿子太叔仪之孙】 遂聘之生悼子【悼子太叔疾】 悼子即位故夏戊为大夫【夏戊悼子甥】 悼子亡衛人翦夏戊【翦削其爵邑】 孔文子之将攻大叔也访于仲尼仲尼曰胡簋之事则尝学之矣【胡簋礼器名夏曰胡周曰簋】 甲兵之事未之闻也退命驾而行曰鸟则择木木岂能择鸟【以鸟自喻】 文子遽止之曰圉岂敢度其私访衛国之难也【圉文子名度谋也】 将止【仲尼止】 鲁人以币召之乃归【于是自衛反鲁乐正雅颂各得其所】

经书内外大夫奔者六十于定哀之世尤多蓋政在大夫各欲自專始则相猜相忌终乃相攻相逐也

【附錄左】季孙欲以田赋【丘赋之法因其田财通出马一匹牛三头今欲别其田及家财各为一赋故言田赋】使冉有访诸仲尼仲尼曰丘不识也三【三问】卒曰子为国老待子而行若之何子之不言也仲尼不对【不公对】而私于冉有曰君子之行也度于礼施取其厚事举其中敛从其薄如是则以丘亦足矣【丘十六井出戎马一匹牛三头是赋之常法】若不度于礼而贪冒无厌则虽以田赋将又不足且子季孙若欲行而法则周公之典在若欲苟而行又何访焉弗听【为明年用田赋】

十有二年春用田赋

【左】十二年春王正月用田赋【终前年事】

【公羊】何以书讥何讥尔讥始用田赋也【田谓一井之田赋者敛取其财物也礼税民公田不过什一军赋十井不过一乘哀公外慕强吴空尽国储故复用田赋过什一谷梁】古者公田什一用田赋非正也【古者五口之家受田百亩为官田十亩是为私得其什而官税其一故曰什一今乃弃中平之法而田财竝赋言其赋民甚矣】用者不宜用也田赋之說杜预范甯皆云丘赋之法因其田财通出马一匹牛三头今别其田及家财各出此赋则是比先王之制加倍不翅矣况家财有无难均說未可信要之赋之本义專为出军计丘而出兵车赋之常法今计田而出故曰田赋蓋春秋诸侯防盟礼繁兵戎事广不能复守先王之籍故鲁用不足则初税亩益兵则作丘甲至哀公遼事彊吴事充政重二犹不足复用田赋蓋托以军用加斂于田计田而出货财也其数之多寡则不可考大约税亩多乎什一田赋又多乎税亩矣税亩私田始有征也田赋私田又加征也

夏五月甲辰孟子卒

【左】夏五月昭夫人孟子卒昭公娶于吴故不书姓【讳娶同姓故谓之孟子若宋女】死不赴故不称夫人【不称夫人故不言薨】不反哭故不言葬小君【反哭者夫人礼也以同姓故不成其夫人丧】孔子与吊适季氏季氏不綯放经而拜【孔子始老故与吊綯丧冠也孔子以小君礼往吊季氏不服丧故去经从主人节制】

【公羊】孟子者何昭公之夫人也其称孟子何讳取同姓蓋吴女也

【谷梁】孟子者何也昭公夫人也其不言夫人何也讳取同姓也

孟子吴女昭公之夫人其生也昭公既谓之孟子故史亦因之不改不书夫人书卒着季氏逐其君又黜其夫人也观左氏记孔子与吊而季孙不綯放经而拜则知当时不以小君待之矣不书葬不成丧也

公防吴于橐皋【橐皋杜注在淮南逡道县东南今江南巢县西北有柘皋镇即古吴邑也左】公防吴于橐皋吴子使大宰嚭请寻盟【寻鄆盟】公不欲使子贡对曰盟所以周信也

【周固也】故心以制之【制其义】玉帛以奉之言以结之明神以要之寡君以为苟有盟焉弗可改也已若犹可改日盟何益今吾子曰必寻盟若可寻也亦可寒也乃不寻盟

秋公防衛侯宋皇瑗于郕【郕公羊作运杜注郕 阳也广陵海陵县东南有 繇亭今江南如皋县东立 坝古 阳也亦名古郕】

【左 】吴微防于衛初衛人杀吴行人且姚而惧谋于行人子羽【衛大夫】子羽曰吴方无道无乃辱吾君不如止也子木曰【衛大夫】吴方无道国无道必弃疾于人吴虽无道犹足以患衛往也长木之毙无不擣也【擣击】国狗之瘠无不噬也【疾狂也噬齧也】而况大国乎秋衛侯防吴于郕公及衛侯宋皇瑗盟而卒辞吴盟吴人藩衛侯之舍【藩篱也围其馆舍】子服景伯谓子贡曰夫诸侯之防事既毕矣侯伯致礼地主归饩【侯伯致礼以礼賁也地主所防主人也饩生物】以相辞也【各以礼相乱让】今吴不行礼于衛而藩其君舍以难之【难困苦也】子盍见大宰乃请束锦以行【以赂吴】语及衛故【若本不为衛请者】大宰嚭曰寡君愿事衛君衛君之来也缓寡君惧故将止之子贡曰衛君之来必谋于其众其众或欲或否是以缓来其欲来者子之党也其不欲来者子之讎也若执衛君是堕党而崇讎也【堕毁也】夫堕子者得其志矣且合诸侯而执衛君谁敢不惧堕党崇讎而惧诸侯或者难以霸乎大宰嚭說乃舍衛侯衛侯归效夷言子之尚幼【子之公孙弥牟】曰君必不免其死于夷乎执焉而又说其言从之固矣【后出公辄卒死于越】

宋向巢帅师伐郑

【左 】宋郑之闲有隙地焉曰弥作顷丘玉畅岳戈锡【凡六邑今 县东北有玉帐或云古玉畅也】子产与宋人为成曰勿有是【俱弃之】及宋平元之族自萧奔郑【在定十五年】郑人为之城岳戈【以处平元之族】九月宋向巢伐郑取 杀元公之孙遂围岳十二月郑罕達救岳丙申围宋师【此事经在十二月蠡上而 本在下更具列其月以为别者丘明本不以为义例故不皆齐同】

冬十有二月蠡【蠡公羊作 】

【左 】冬十二月蠡季孙问诸仲尼仲尼曰丘闻之火伏而后蛰者毕【火伏在今十月】今火犹西流司历过也【犹西流言未尽没知是九月历官失一闰】

【公羊 】何以书记异也何异尔不时也【 者与陰杀俱藏周十二月夏之十月不当见故为异】

杜氏预以为失闰虽书十二月实今九月气尚温故蠡然明年九月蠡又十二月蠡虫灾亟作而不时沴气所感非闕闰也

十有三年春郑罕達帅师取宋师于岳

【左】十三年春宋向魋救其师【救前年围岳师】郑子臄使洵曰【子臄罕達】得桓魋者有赏魋也逃归遂取宋师于岳获成讙郤延【二子宋大夫】以六邑为虚【空虚之各不有】

【公羊】其言取之何易也其易奈何诈反也【反报也前宋行诈取郑师今郑复行诈取之苟相报偿不以君子之道故曰诈反】

【谷梁】取易辞也以师而易取宋病矣

书取师罪其以多杀为功不仁之甚也宋郑自老丘之役彼此结怨悉其诈力必欲尽敌而后已此春秋将变而为战国之势也

夏许男成卒【成公羊作戊】

公防晋侯及吴子于黄池【书防止此黄池杜注陈畱封丘县南有黄亭近济水在今河南封丘县西南】

【左】夏公防单平公晋定公吴夫差于黄池【单平公周卿士公羊】吴何以称子吴主防也吴主防则曷为先言晋侯不与夷狄之主中国也其言及吴子何防两伯之辞也不与夷狄之主中国则曷为以防两伯之辞言之重吴也曷为重吴吴在是则天下诸侯莫敢不至也

【谷梁】黄池之防吴子进乎哉遂子矣吴夷狄之国也祝髮文身【祝断也文身刻画其身以为文也】欲因鲁之礼因晋之权而请冠端而袭【端端服袭犹着也】其借于成周【借谓贡献】以尊天王吴进矣吴东方之大国也累累致小国以防诸侯以合乎中国吴能为之则不臣乎【言其臣也】吴进矣王尊称也子卑称也辞尊称而居卑称以防乎诸侯以尊天王吴王夫差曰好冠来孔子曰大矣哉夫差未能言冠而欲冠也【不知冠有差等惟欲好冠】

黄池之防左氏曰先晋国语曰先吴后之說经者互有所主夫宋之盟晋国方彊而卒先楚人则谓晋定之不能先吴似也吴方在防而遽以越乱告则谓吴内惕而不敢复争亦似也惟赵氏匡以为吴晋敌礼而防如賓主然故晋史即云晋为先而吴语即云吴先歃各自防其主春秋据其事实以两霸之辞言之故曰及此于情事为合吴称子为与晋侯同为防主故不称人谷梁以为进之非也黄池地近鲁前此鲁数与吴防故是防公独往不更序诸侯诸侯实未至非大防而未言之也

楚公子申帅师伐陈

乘吴出防而伐陈畏彊陵弱之实见矣

于越入吴

【左】六月丙子越子伐吴为二隧【隧道也】畴无余讴阳自南方先及郊【二子越大夫】吴太子友王子地王孙弥庸寿于姚自 上观之【观越师 杜注水名】弥庸见姑蔑之旗曰吾父之旗也不可以见讎而弗杀也【姑蔑杜注越地东阳大末县今浙江龙游县有姑蔑城弥庸父为越所获故姑蔑人得其旗】太子曰战而不克将亡国请待之弥庸不可属徒五千【属防也】王子地助之乙酉战弥庸获畴无余地获讴阳越子至王子地守丙戌复战大败吴师获太子友王孙弥庸寿于姚丁亥入吴吴人告败于王王恶其闻也自刳七人于幕下【以灭口】秋七月辛丑盟吴晋争先吴人曰于周室我为长【吴为大伯后故为长】晋人曰于姬姓我为伯【为侯伯】赵鞅呼司马寅曰日旰矣大事未成二臣之罪也【寅晋大夫旰晚也大事盟也二臣鞅与寅】建鼓整列二臣死之长幼必可知也对曰请姑视之反曰肉食者无墨【墨气色下】今吴王有墨国胜乎【国为敌所胜】太子死乎且夷德轻不忍久请少待之乃先晋人吴人将以公见晋侯子服景伯对使者曰王合诸侯则伯帅侯牧以见于王【伯王官伯侯牧方伯】伯合诸侯则侯帅子男以见于伯【伯诸侯长】自王以下朝聘玉帛不同故敝邑之职贡于吴有丰于晋无不及焉以为伯也今诸侯防而君将以寡君见晋君则晋成为伯矣敝邑将改职贡鲁赋于吴八百乘若为子男则将半邾以属于吴【半邾三百乘】而如邾以事晋【如邾六百乘】且执事以伯召诸侯而以侯终之何利之有焉吴人乃止既而悔之【谓景伯欺之】将囚景伯景伯曰何也立后于鲁矣【何景伯名】将以二乘与六人从迟速唯命遂囚以还及户牖【户牖杜注陈畱外黄县西北东昏城是今故城在河南兰阳县东北】谓大宰曰鲁将以十月上辛有事于上帝先王季辛而毕何世有职焉自襄以来未之改也【鲁襄公】若不防祝宗将曰吴实然【吴人信鬼故以是恐之】且谓鲁不共而执其贱者七人何损焉大宰嚭言于王曰无损于鲁而祇为名【适为恶名】不如归之乃归景伯吴申叔仪乞粮于公孙有山氏【申叔仪吴大夫公孙有山鲁大夫旧相识】曰佩玉纁兮余无所系之【纁然服饰备也已独无以系佩言吴王不恤下】酒一盛兮余与褐之父睨之【一盛一器也睨视也褐寒贱之人言但得视不得饮】对曰粱则无矣麤则有之若登首山以呼曰庚癸乎则诺【粱精米麤粗粝也首山地阙庚西方主谷癸北方主水军中不得出粮故为私隐 言吴子不与士共饥渴所以亡】王欲伐宋杀其丈夫而囚其妇人【以宋不防黄池故言吴子悖惑】大宰嚭曰可胜也而勿能居也乃归

吴方争中国之诸侯越遂乘其无备而入之春秋继书于黄池之后所谓因事属辞见吴子之勤遠略而忘近忧也

秋公至自防

晋魏曼多帅师侵衛【公羊无曼字霸国侵伐止此晋事亦止此】

【公羊】此晋魏曼多也曷为谓之晋魏多【据上七年言曼多】讥二名二名非礼也

此霸国侵伐之终事也晋主夏盟威动天下今其衰也赵鞅魏曼多数加兵于衛而卒不能服

岂力不足哉彊家多门各自封殖不在诸侯志于怙权营私而已

葬许元公

九月螽

冬十有一月有星孛于东方

【公羊】孛者何彗星也其言于东方何见于旦也【旦者日方出时宿不复见故言东方知为旦】何以书记异也【周十一月夏九月日在房心房心天子明堂布政之庭于此旦见与日争明者诸侯放恣之象】

不言宿者平旦众星皆没而孛乃见故不言所在之次

盗杀陈夏区夫【区公羊作疆】

春秋之季世变日异至于盗兴而専杀国君大夫则乱极矣区夫征舒之后征舒戮于楚而陈人犹使世执国政经因其为盗所杀而书之与书宋华孙同

十有二月螽

二年之内三书螽见田赋为害民力穷而天变作也

【附錄左】冬吴及越平【终伍员之言】

十有四年春西狩获麟

【左】十四年春西狩于大野叔孙氏之车子鉏商获麟【大野杜注高平钜野县东北大泽是也今山东嘉祥县西有获麟堆车子微者鉏商名麟麇身牛尾狼额马蹄有五采腹下黄高丈二】以为不祥以赐虞人【时所未尝见故怪之虞人掌山泽之官】仲尼观之曰麟也然后取之【言鲁史所以得书获麟公羊】何以书记异也何异尔非中国之兽也然则孰狩之薪采者也薪采者则防者也曷为以狩言之大之也曷为大之为获麟大之也曷为为获麟大之麟者仁兽也有王者则至无王者则不至有以告者曰有麇而角者孔子曰孰为来哉孰为来哉反袂拭面涕沾袍颜渊死子曰噫天丧予子路死子曰噫天祝予【祝断也】西狩获麟孔子曰吾道穷矣春秋何以始乎隱祖之所逮闻也【托记高祖以来事可及问闻知者】所见异辞所闻异辞所闻异辞何以终乎哀十四年曰备矣君子曷为为春秋拨乱世反诸正莫近诸春秋则未知其为是与其诸君子乐道尧舜之道与末不亦乐乎尧舜之知君子也制春秋之义以俟后圣以君子之为亦有乐乎此也【君子谓孔子乐者乐其贯通百王而无闲】

【谷梁】引取之也狩地不地不狩也非狩而曰狩大获麟故大其适也其不言来不外麟于中国也其不言有不使麟不恒于中国也

冬猎曰狩大野在鲁西故言西狩常事不书书之为获麟记异也春秋絶笔于此杜氏预谓感麟而作因以为终诸儒多从之学公谷者则谓文成致麟而胡氏因之此皆世儒欲推尊孔子而未得其实也谓文成致麟则麟出而死安得为瑞谓感麟而作则无麟将不作乎且周衰乱臣贼子接迹于世孔子道既不行作春秋以明王法视诸经尤重且急而直待前卒之二年始从事于此理不宜然或又谓义在春秋不在起止孔子得鲁史记自隠公至获麟遂删修之然国史编年之体按年纪事至年终乃止则哀十四年之事鲁史自当备録何为忽至于十四年春而遂止乎蓋麟仁兽圣世之嘉瑞时无盛王出而遇获圣心能无感乎故伤之而遂絶筆焉与凤至图出之叹同善乎朱子之言曰获麟之说不敢定谓书成致麟亦不敢定谓感麟而作大槩非时而出见戕于人自是不祥此可以息众説之穿凿矣

日讲春秋解义卷六十三

卷六十四

钦定四库全书

日讲春秋解义卷六十四

哀公

附錄魯史【自此以下至十六年皆魯史记之文弟子欲存孔子卒故并錄以续春秋】

小邾射以句绎来奔【句绎杜注地名】

【左】小邾射以句绎来奔【射小邾大夫春秋止于获麟故射不在三叛人之数孔子弟子既续书鲁策以系于经丘明亦随而之终于哀公以卒前事】曰使季路要我吾无盟矣【子路信诚人素服之故不须盟】使子路子路辞季康子使冉有谓之曰千乘之国不信其盟而信子之言子何辱焉对曰鲁有事于小邾不敢问故死其城下可也彼不臣而济其言【济成也】是义之也由弗能

夏四月齐陈恒执其君寘于舒州【舒州今山东滕县东南薛城是左】齐简公之在鲁也阍止有宠焉【简公悼公阳生子壬阍止子我事在六年】及即位使为政陈成子憚之骤顾诸朝【成子陈常心不安故数顾之】诸御鞅言于公曰【鞅齐大夫】陈阍不可竝也君其择焉【择用一人】弗听子我夕【夕视事】陈逆杀人逢之【陈逆子行陈氏宗也】

【子我逢之】遂执以入陈氏方睦【宗族和】使疾而遗之潘沐备酒肉焉【使诈病因内潘沐并得内酒肉潘米汁可以沐头】飡守囚者醉而杀之而逃子我盟诸陈于陈宗【失陈逆惧其反为患故盟之】初陈豹欲为子我臣【豹亦陈氏族】使公孙言已【言已介達之】已有丧而止既而言之曰有陈豹者长而上僂【肩背僂】望视【目望阳】事君子必得志欲为子臣吾憚其为人也【恐多诈】故缓以告子我曰何害是其在我也使为臣他日与之言政说遂有宠谓之曰我尽逐陈氏而立女若何对曰我遠于陈氏矣【言已疏遠】且其违者不过数人【违不从也】何尽逐焉遂告陈氏子行曰【子行陈逆】彼得君弗先必祸子子行舍子公宫【子行逃而隱于陈氏今又隱于公宫】夏五月壬申成子兄弟四乘如公【成子之兄弟昭子庄简子齿宣子夷穆子安廩丘子意兹芒子盈惠子得凡八人二人共一乘】子我在幄【幄帐也聽政之处】出逆之遂入闭门【成子入反闭门不纳子我】侍人御之【子我侍人】子行杀侍人【素在内故得杀之】公与妇人饮酒于檀台成子迁诸寝【徙公使居正寝】公执戈将击之【疑其欲作乱】大史子余曰非不利也将除害也成子出舍于库【以公怒故】闻公犹怒将出曰何所无君子行抽剑曰需事之贼也谁非陈宗所不杀子者有如陈宗【言子若欲出我必杀子】乃止子我归属徒攻闱与大门【闱宫中小门大门宫门也】皆不胜乃出陈氏追之失道于弇中适丰丘【弇中狭路丰丘杜注陈氏邑

】丰丘人执之以告杀诸郭闕【齐闕名】成子将杀大陆子方【子方子我臣】陈逆请而免之以公命取车于道【子方取道中行人车】及酈众知而东之【知其矫命夺车逐使东】出雍门【齐城门也】陈豹与之车弗受曰逆为余请豹与余车余有私焉事子我而有私于其讎何以见鲁衛之士【言陈氏务施】东郭贾奔衛【贾即子方】庚辰陈桓执公于舒州公曰吾早从鞅之言不及此【悔不诛陈氏】

庚戌叔还卒

五月庚申朔日有食之

陈宗竖出奔楚

宋向魋入于曹以叛【曹杜注八年宋灭曹以为邑】

【左】宋桓魋之宠害于公【恃宠骄盈】公使夫人骤请享焉而将讨之【夫人景公母欲因享讨之】未及魋先谋公请以鞶易薄【鞶杜注向魋邑薄杜注公邑欲因易邑为公享宴而作乱】公曰不可薄宗邑也【宗庙所在】乃益鞶七邑而请享公焉【伪喜于受赐】以日中为期家备尽往【甲兵之备】公知之告皇野曰余长魋也【少长育之皇野司马子仲】今将祸余请即救司马子仲曰有臣不顺神之所恶也而况人乎敢不承命不得左师不可【左师向魋兄向巢也】请以君命召之左师每食击钟闻钟声公曰夫子将食既食又奏【奏乐】公曰可矣以乘车往曰迹人来告曰【主迹禽兽者】逢泽有介麋焉【逢泽杜注地理志云在荥阳开封县东北遠疑非蓋宋都睢阳去开封四百余里或宋都之旁别有逢泽不可考】公曰虽魋未来得左师吾与之田若何【皇野称公命】君憚告子【难以游戏烦大臣】野曰尝私焉君欲速故以乘车逆子与之乘至公告之故拜不能起司马曰【即皇野】君与之言【使公与要誓】公曰所难子者上有天下有先君【言不使祸难及子】对曰魋之不共宋之祸也敢不唯命是聽司马请瑞焉【瑞符节以兵】以命其徒攻桓氏【桓氏向魋】其父兄故臣曰不可【司马故臣与桓魋无怨者】其新臣曰从吾君之命遂攻之子颀骋而告桓司马【子颀桓魋弟桓司马即魋也】司马欲入【入攻君】子车止之【车亦魋弟】曰不能事君而又伐国民不与也祇取死焉向魋遂入于曹以叛莒子狂卒

六月宋向魋自曹出奔衛宋向巢来奔

【左】六月使左师巢伐之欲质大夫以入焉【巢不能克魋恐公怒欲得国内大夫为质还入国】不能亦入于曹取质【不能得大失故入曹劫曹人子弟而质之欲以自固】魋曰不可既不能事君又得罪于民将若之何乃舍之【舍曹子弟】民遂叛之向魋奔衛向巢来奔宋公使止之曰寡人与子有言矣不可以絶向氏之祀辞曰臣之罪大尽灭桓氏可也若以先臣之故而使有后君之惠也若臣则不可以入矣司马牛致其邑与珪焉而适齐【牛桓魋弟也珪守邑符信】向魋出于卫地公文氏攻之【公文氏衛大夫】求夏后氏之璜焉与之他玉而奔齐陈成子使为次卿司马牛又致其邑焉而适吴【不欲与魋同国】吴人恶之而

反赵简子召之陈成子亦召之卒于鲁郭门之外阼氏葬诸丘舆【阼氏鲁人也丘舆杜注泰山南城县西北有舆城今山东费县西舆城是録其卒葬所在愍贤者失所】

齐人弑其君壬于舒州

【左 】甲午齐陈恒弑其君壬于舒州【壬简公也】孔丘三日齐而请伐齐三公曰鲁为齐弱久矣子之伐之将若之何对曰陈恒弑其君民之不与者半以鲁之众加齐之半可克也公曰子告季孙孔子辞【辞不告】退而告人曰吾以从大夫之后也故不敢不言【尝为大夫而去故言后】秋晋赵鞅帅师伐衞

八月辛丑仲孙何忌卒

【左 】初孟孺子泄将圉马于成【泄孟懿子之子孟武伯也圉畜養也成杜注孟氏邑】成宰公孙宿不受曰孟孙为成之病不圉马焉【病谓民贫困】孺子怒袭成从者不得入乃反成有司使孺子鞭之【恨恚故鞭成有司之使人】秋八月辛丑孟懿子卒成人奔丧弗内袒免哭于衢聽共【请聽命共使】弗许惧不归【不敢归成为明年成叛 】

冬陈宗竖自楚复入于陈陈人杀之

陈轅买出奔楚

有星孛

饥

十有五年春王正月成叛

【左 】十五年春成叛于齐武伯伐成不克遂城输【以偪成】夏五月齐高无防出奔北燕

【左 】夏楚子西子期伐吴及桐汭【桐汭杜注宣城广德县西南有桐水出白石山西北入丹阳湖】陈侯使公孙贞子吊焉【吊为楚所伐】及良而卒【良杜注吴地】将以尸入【聘礼若賓死未将命则既斂于棺造于朝介将命】吴子使大宰嚭劳且辞曰以水潦之不时无乃廩然陨大夫之尸【廩然倾动貌】以重寡君之忧寡君敢辞上介芋尹蓋对曰【蓋陈大夫贞子上介】寡君闻楚为不道荐伐吴国灭厥民人寡君使蓋备使吊君之下吏【备犹副也】无禄使人逢天之感大命陨队絕世于良废日共积【废行道之日以共具殓斂所积聚之用】一日迁次【一日即迁次不敢留君命】今君命逆使人曰无以尸造于门是我寡君之命委于草莽也且臣闻之曰事死如事生礼也于是乎有朝聘而终以尸将事之礼【朝聘道死以尸行事】又有朝聘而遭丧之礼【遭所聘之丧】若不以尸将命是遭丧而还

也无乃不可乎以礼防民犹或逾之今大夫曰死而弃之是弃礼也其何以为诸侯主先民有言曰无秽虐士【虐士死者】备使奉尸将命苟我寡君之命達于君所虽隕于深渊则天命也非君与涉人之过也吴人内之【言芋尹蓋知礼】

郑伯伐宋

秋八月大雩

【左】秋齐陈瓘如楚【瓘陈恒之兄子玉也】过衛仲由见之曰天或者以陈氏为斧斤既斲丧公室而他人有之不可知也其使终飨之亦不可知也若善鲁以待时不亦可乎何必恶焉【仲由事孔子故为鲁言】子玉曰然吾受命矣子使告我弟【弟成子也】

晋赵鞅帅师伐衛

冬晋侯伐郑

及齐平

【左】冬及齐平子服景伯如齐子赣为介见公孙成【公孙成成宰公孙宿也】曰人皆臣人而有背人之心况齐人虽为子役其有不贰乎【言子叛鲁齐人亦将叛子】子周公之孙也多飨大利犹思不义利不可得而丧宗国将焉用之【丧宗国谓以邑入齐使鲁有危亡之祸】成曰善哉吾不早闻命【言仲尼之徒皆忠于鲁国】陈成子馆客曰寡君使恒告曰寡人愿事君如事衛君【言衛与齐同好而鲁未肯】景伯揖子赣而进之对曰寡君之愿也昔晋人伐卫【在定八年】齐爲衛故伐晋冠氏丧车五百【在定九年冠氏杜注阳平馆陶县】因与卫地自济以西襍媚杏以南书社五百【二十五家为一杜籍书而致之】吴人加敝邑以乱【在八年】齐因其病取讙与阐【亦在八年】寡君是以寒心若得视衛君之事君也则固所愿也成子病之乃归成公孙宿以其兵甲入于嬴【嬴杜注齐邑】

卫公孟彊出奔齐

【左】卫孔圉取大子蒯聩之姊生慳【孔圉孔文子也蒯聩姊孔伯姬】孔氏之竖浑良夫长而美孔文子卒通于内【通伯姬】大子在戚孔姬使之焉【使良夫诣大子所】大子与之言曰苟使我入获国服冕乘轩三死无与【冕大夫服轩大夫车三死死罪三】与之盟为请于伯姬【良夫为大子请】闰月良夫与大子入舍于孔氏之外圃【圃园】昏二人蒙衣而乘【二人大子与良夫防衣为妇人服也】寺人罗御如孔氏孔氏之老栾宁问之称姻妾以告【自称婚姻家妾】遂入适伯姬氏既食孔伯姬杖戈而先大子与五人介輿豶从之【輿豶豚欲以盟】迫孔慳于厠强盟之【孔氏專政故劫令逐辄】遂劫以登台栾宁将饮酒炙未熟闻乱使告季子【季子子路也为孔氏邑宰】召获驾乘车【召获卫大夫驾乘车者不欲战】行爵食炙奉卫侯辄来奔季子将入遇子羔将出【子羔卫大夫高柴孔子弟子】

将出奔】曰门已闭矣季子曰吾姑至焉子羔曰弗及不践其难【谓政不及已】季子曰食焉不辟其难子羔遂出子路入及门公孙敢门焉【守门】曰无入为也【言辄已出】季子曰是公孙也求利焉而逃其难由不然利其禄必救其患有使者出乃入【因门开而入】曰大子焉用孔悝虽杀之必或继之【言已必继孔悝为难攻大子】且曰大子无勇若燔台半必舍孔叔大子闻之惧下石乞孟黶敌子路【二子蒯聩党】以戈击之断缨子路曰君子死冠不免【不使冠在地】结缨而死孔子闻卫乱曰柴也其来由也死矣孔悝立庄公【莊公蒯聩也鲁史书于明年春从告】庄公害故政欲尽去之【故政辄之臣】先谓司徒瞞成曰寡人离病于外久矣子请亦尝之归告褚师比欲与之伐公不果【比褚师声子为明年瞞成奔起】十有六年春王正月己卯卫世子蒯聩自戚入于卫卫侯辄来奔

二月卫子还成出奔宋

【左】十六年春瞞成褚师比出奔宋【瞞成即子还成以伐庄公不果故奔】卫侯使鄆武子告于周曰【武子卫大夫肸也】蒯聩得罪于君父君母逋窜于晋晋以王室之故不弃兄弟寘诸河上【河上戚也】天诱其衷获嗣守封焉使下臣肸敢告执事王使单平公对曰肸以嘉命来告余一人往谓叔父余嘉乃成世复尔禄次敬之哉方天之休【言天方授尔以休】弗敬弗休悔其可追【终蒯聩之事】

夏四月己丑孔丘卒【仲尼既告老去位犹书卒者鲁之君臣宗其圣德殊而异之鲁襄二十二年生至今七十三也四月十八日乙丑无己丑己丑五月十二日日月必有误孔子作春秋终于获麟公羊谷梁经是也弟子欲记圣师之卒故采鲁史记以续夫子之经而终于此丘明因随而作终于哀公自此以下无复经矣】

【左】夏四月己丑孔丘卒公诔之曰旻天不吊不憖遗一老俾屏余一人以在位【仁覆闵下故称旻天吊恤也憖且也屏蔽也】防防余在疚呜呼哀哉尼父无自律【疾病也律法也言丧尼父无以自为法】子赣曰君其不没于鲁乎夫子之言曰礼失则昏名失则愆失志为昏失所为愆生不能用死而诔之非礼也称一人非名也【天子称一人非诸侯之名】君两失之六月卫侯饮孔悝酒于平阳【平阳杜注东郡燕县东北有平阳亭今直隶滑县韦城南有平阳城是也】重酬之大夫皆有纳焉【纳财贿也】醉而送之夜半而遣之载伯姬于平阳而行【载其母俱去】及西门【平阳门】使贰车反祔于西圃【使副车还取庙主西圃孔氏庙所在祔藏主石函】子伯季子初为孔氏臣新登于公【升为大夫】请追之遇载祔者杀而乘其车许公为反祔【孔悝怪载祔者久不来使公为反逆之】遇之曰与不仁人争明无不胜必使先射射三皆遂许为许为射之殪【言子伯不仁所以死】或以其车从【从公为】得祔于橐中孔悝出奔宋

楚大子建之遇谗也自城父奔宋【在昭十九年】又辟华氏之乱于郑【在昭二十年】郑人甚善之又适晋与晋人谋袭郑乃求复焉郑人复之如初晋人使谍于子木请行而期焉【请行袭郑之期子木即建也】子木暴虐于其私邑邑人诉之郑人省之得晋谍焉遂杀子木其子曰胜在吴子西欲召之叶公曰【叶公子高沈诸梁也】吾闻胜也诈而乱无乃害乎子

西曰吾闻胜也信而勇不为不利舍诸邊竟使衛藩焉叶公曰周仁之谓信【周亲也】率义之谓勇吾闻胜也好复言而求死士殆有私乎【私谋复讎】复言非信也期死非勇也【期必也】子必悔之弗从召之使处吴竟为白公【白杜注楚邑汝陰褒信县西南有白亭】请伐郑子西曰楚未节也【言国新复政令尚无节度】不然吾不忘也他日又请许之未起师晋人伐郑楚救之与之盟胜怒曰郑人在此讎不遠矣【比子西于郑人】胜自厉剑子期之子平见之曰王孙何自厉也曰胜以直闻不告汝庸为直乎将以杀尔父平以告子西子西曰胜如卵余翼而长之【以鸟为喻】楚国第【用士之次第】我死令尹司马非胜而谁胜闻之曰令尹之狂也得死乃非我子西不悛胜谓石乞曰【石乞胜之徒】王与二卿士【二卿士子西子期】皆五百人当之则可矣乞曰不可得也【五百人不可得】曰市南有熊宜僚者若得之可以当五百人矣乃从白公而见之与之言说告之故辞承之以剑【按剑指其喉】不动胜曰不为利諂不为威惕不泄人言以求媚者去之吴人伐慎【慎杜注汝陰慎县今江南颍上县西北有慎城】白公败之请以战备献【所得铠杖兵器欲因献用之以为乱】许之遂作乱秋七月杀子西子期于朝而劫惠王子西以袂掩面而死【慙于叶公】子期曰昔者吾以力事君不可以弗终挾豫章以杀人而后死【以效其多力豫章大木】石乞曰焚库弑王不然不济白公曰不可弑王不祥焚库无聚将何以守矣乞曰有楚国而治其民以敬事神可以得祥且有聚矣何患弗从叶公在蔡【蔡迁州来楚并其地】方城之外皆曰可以入矣子高曰吾闻之以险徼幸者其求无餍偏重必离【险犹恶也所求无餍则不安譬如物偏重则离败欲须其毙而讨之】闻其杀齐管修也而后入【管修楚贤大夫故齐管仲之后杀贤则失民】白公欲以子闾为王【子闾平王子啓五辞王者】子闾不可遂劫以兵子闾曰王孙若安靖楚国匡正王室而后庇焉后之愿也敢不听从若将專利以倾王室不顾楚国有死不能遂杀之而以王如高府【高府楚别府】石乞尹门【为门尹】圉公阳穴宫负王以如昭夫人之宫【公阳楚大夫昭夫人王母越女】叶公亦至及北门或遇之曰君胡不胄国人望君如望慈父母焉盗贼之矢若伤君是絕民望也若之何不胄乃胄而进又遇一人曰君胡胄国人望君如望歲焉【歲年谷也】日月以几【冀君来】若见君面是得艾也【艾安也】民知不死其亦夫有奋心犹将旌君以徇于国【旌表也】而又掩面以絕民望不亦甚乎乃免胄而进【言叶公得民心】遇箴尹固帅其属将与白公子高曰防二子者楚不国矣【二子子西子期也栢举之败二子功多】弃德从贼其可保乎乃从叶公使与国人以攻白公白公奔山而縊其徒防之【防匿也】生拘石乞而问白公之死焉对曰余知其死所而长者使余勿言【长者谓白公也】曰不言将烹乞曰此事克则为卿不克则烹固其所也何害乃烹石乞王孙燕奔潁黄氏【燕胜弟潁黄杜注吴地在今宁国府境】沈诸梁兼二事【二事令尹司马】国寧乃使宁为令尹【子西之子子国也】使寬为司马【子期之子】而老于叶【终言之】衛侯占梦嬖人【以能占梦见爱】求酒于大叔僖子【僖子大叔遗】不得与卜人比而告公曰君有大臣在西南隅弗去惧害【托占卜梦而言】乃逐大叔遗遗奔晋衛侯谓浑良夫曰吾继先君而不得其器若之何【国之宝器辄皆将去】良夫代执火者而言曰【将密谋屏左右】疾与亡君皆君之子也召之而择材焉可也【召辄】若不材器可得也【辄若不材可废其身因得其器】竖告大子【大子疾】大子使五人舆豸从己劫公而彊盟之【盟求必立已】且请杀良夫公曰其盟免三死【盟在十五年】曰请三之后有罪杀之公曰诺哉

【左】十七年春衛侯为虎幄于借圃【于借田之圃新造幄幕皆以虎兽为饰】成求令名者而与之始食焉大子请使良夫【以良夫应为令名】良夫乘衷甸两牡【衷甸一辕卿军】紫衣狐裘【紫衣君服】至袒裘不释剑而食【食而热故偏袒亦不敬】大子使牵以退数之以三罪而杀之【三罪紫衣袒裘带剑】三月越子伐吴吴子御之笠泽【笠泽今江南吴县西南太湖是也】夹水而陈越子为左右句卒【句卒钩伍相着别为左右屯】使夜或左或右鼓噪而进吴师分以御之越子以三军潜涉当吴中军而鼓之吴师大乱遂败之【左右句卒为声势以分吴军而三军精卒并力击其中军故得胜也】晋赵鞅使告于卫曰君之在晋也志父为主请君若大子来以免志父不然寡君其曰志父之为也【谓已教使不来】卫侯辞以难大子又使防之【防诉父欲速得其处】夏六月赵鞅围卫齐国观陈瓘救衛【国观国书之子】得晋人之致师者子玉使服而见之【释囚服服其本服】曰国子实执齐柄而命瓘曰无辟晋师岂敢废命子又何辱【言不须来致师自将往战】简子曰我卜伐衛未卜与齐战乃还【畏子玉】楚白公之乱陈人恃其聚而侵楚【聚积聚也】楚既寧将取陈麦楚子问帅于大师子谷与叶公诸梁子谷曰右领差车与左史老皆相令尹司马以伐陈其可使也【言此二人皆尝辅相子西子期伐陈今复可使】子高曰率贱民慢之惧不用命焉【右领左史皆楚贱官】子谷曰观丁父都俘也武王以为军率是以克州蓼服随唐大啓羣蛮彭仲爽申俘也文王以为令尹实县申息朝陈蔡封畛于汝【开封畛北至汝水】唯其任也何贱之有子高曰天命不諂【諂疑也】令尹有憾于陈【十五年子西伐吴陈使贞子吊吴以此为恨】天若亡之其必令尹之子是与君盍舍焉【舍右领与左史】臣惧右领与左史有二俘之贱而无其令德也王卜之武城尹吉【武城尹子西子公孙朝】使帅师取陈麦陈人御之败遂围陈秋七月己卯楚公孙朝帅师灭陈【终郑裨灶言五及萆火陈卒亡】王与叶公枚卜子良以为令尹【枚卜不斥言所卜以令尹子良惠王弟】沈尹朱曰吉过于其志【志望也】叶公曰王子而相国过将何为【过相将为王也】他日改卜子国而使为令尹【子国宁也】衛侯梦于北宫见人登昆吾之观【杜注衛有观在于昆吾氏之虚今濮阳城中按濮阳即今直隶开州州西南有濮阳县城城中昆吾台】被髮北面而噪曰登此昆吾之虚縣縣生之瓜【縣縣瓜初生也良夫言已有以小成大之功若瓜之初生谓使卫侯得国】余为浑良夫叫天无辜【本盟当免三死而并数一时之事为三罪杀之故自谓无辜】公亲筮之胥弥赦占之【赦衛筮史】曰不害与之邑寘之而逃奔宋【言卫侯无道卜人不敢以实对惧难而逃也】衛侯贞卜【正卜梦之吉凶】其繇曰如鱼窥尾【窥赤也鱼劳则尾赤】衡流而方羊裔焉【横流方羊不能自安裔水邊言衛侯将若此鱼】大国灭之将亡闔门塞窔乃自后逾【此皆繇辞】冬十月晋复伐衛【春伐未得志故】入其郛将入城简子曰止叔向有言曰怙乱灭国者无后【不欲乘人之衰】衛人出庄公而与晋平晋立襄公之孙般师而还十一月衛侯自鄆入般师出【辟蒯聩也】初公登城以望见戎州【戎州杜注戎邑今山东曹县有楚丘故城汉置己氏县即戎州也】问之以告公曰我姬姓也何戎之有焉翦之【削壞其邑聚】公使匠久【久不休息】公欲逐石圃【石圃衛卿石恶从子】未及而难作辛巳石圃因匠氏攻公公闭门而请弗许逾于北方而队折股【终如卜言乃自后逾】戎州人攻之大子疾公子青逾从公【青疾弟】戎州人杀之公入于戎州己氏【己氏戎州人姓】初公自城上见己氏之妻髮美使髡之以为吕姜髡【吕姜莊公夫人髡髮也】既入焉而示之璧曰活我吾与女璧己氏曰杀女璧其焉往遂杀之而取其璧衛人复公孙般师而立之十二月齐人伐衛衛人请平立公子起【起灵公子】执般师以归舍诸潞

【潞杜注齐邑】公防齐侯盟于蒙【齐侯简公弟平公骈也蒙杜注在东莞蒙陰县西今山东蒙陰县西有故城】孟武伯相齐侯稽首公拜齐人怒武伯曰非天子寡君无所稽首武伯问于高柴曰诸侯盟谁执牛耳【执牛耳尸盟者】季羔曰鄫衍之役吴公子姑曹【季羔高柴也鄫衍在七年】发阳之役衛石魋【发阳郕地在十二年石魋石曼姑之子】武伯曰然则彘也【彘武伯名也鄫衍则大国执 阳则小国执据时执者无常故武伯自以为可执】宋皇瑗之子麋【瑗宋右师】有友曰田丙而夺其兄鄫般邑以与之鄫般愠而行告桓司马之臣子仪克【克在下邑不与魋乱故在】子仪克适宋告夫人曰麋将纳桓氏公问诸子仲【子仲皇野】初子仲将以杞姒之子非我为子【为适子 姒子仲妻】麋曰必立伯也【伯非我兄】是良材子仲怒弗从故对曰右师则老矣不识麋也【言右师老不能为乱麋则不可知】公执之【执麋】皇瑗奔晋召之【召令还】

【左 】十八年春宋杀皇瑗公闻其情复皇氏之族使皇缓为右师【言宋景公无常也缓瑗从子】巴人伐楚围鄆【鄆杜注楚邑今湖广襄阳县东北有鄆城】初右司马子国之卜也观瞻曰如志【子国未为令尹时卜为右司马得吉兆如其志观瞻楚开卜大夫观从之后】故命之【命以为右司马】及巴师至将卜帅王曰宁如志何卜焉【宁子国也】使帅师而行请承【承佐】王曰寢尹工尹勤先君者也【栢举之役寢尹由于以背受戈工尹固执燧象奔吴师皆为先君勤劳】三月楚公孙宁吴由于防固败巴师于鄆故封子国于析君子曰惠王知志【知用其意】夏书曰官占唯能蔽志昆命于元【书大禹谟官占卜筮之官蔽断也昆后也言当先断意后用 也】其是之谓乎志曰圣人不烦卜筮惠王其有焉 夏衛石圃逐其君起起奔齐衛侯辄自齐复归逐石圃而复石魋与大叔遗【皆蒯聩所逐左 】十九年春越人侵楚以误吴也【误吴使不为备】夏楚公子庆公孙寛追越师至防【防杜注越地】不及乃还秋楚沈诸梁伐东夷【报越】三夷男女及楚师盟于敖【从越之夷三种敖杜注东夷地】冬叔青如京师敬王崩故也【言敬王能终其世终茝 言东王必大克叔青叔还子】

【左 】二十年春齐人来徵会夏会于廩丘为郑故谋伐晋【十五年晋伐郑】郑人辞诸侯秋师还【终叔向言晋公室卑】吴公子庆忌骤谏吴子曰不改必亡弗听出居于艾【艾杜注吴邑豫章有艾县今艾城在江西南昌西】遂适楚闻越将伐吴冬请归平越遂归欲除不忠者以説于越吴人杀之十一月越围吴赵孟降于丧食【赵孟襄子无恤时有父简子之丧】楚隆曰【楚隆襄子家臣】三年之丧亲昵之极也主又降之无乃有故乎赵孟曰黄池之役先主与吴王有质【黄池在十三年先主简子质盟信也】曰好恶同之今越围吴嗣子不废旧业而敌之【嗣子襄子自谓欲敌越救吴】非晋之所能及也吾是以为降楚隆曰若使吴王知之若何赵孟曰可乎隆曰请尝之乃往先造于越军曰吴犯闲上国多矣闻君亲讨焉诸夏之人莫不欣喜唯恐君之志不从请入视之许之告于吴王曰寡君之老无恤使陪臣隆敢展谢其不共黄池之役君之先臣志父得承齐盟曰好恶同之今君在难无恤不敢惮劳非晋国之所能及也使陪臣敢展布之王拜稽首曰寡人不佞不能事越以为大夫忧拜命之辱与之一簞珠【簞小筥】使问赵孟曰句践将生忧寡人寡人死之不得矣王曰溺人必笑吾将有问也【以自喻所问不急犹溺人不知所为而反笑】史黯何以得为君子【史黯晋大夫蔡墨云不及四十年吴当亡吴王感问此也】对曰黯也进不见恶退无谤言王曰宜哉

【左】二十一年夏五月越人始来【越既胜吴欲霸中国始遣使适鲁】秋八月公及齐侯邾子盟于顾【顾杜注齐地今山东范县东南有顾城】齐人责稽首【责十七年齐侯为公稽首不见答】因歌之曰鲁人之皋数年不觉使我高蹈【皋缓也高蹈犹远行也言鲁人皋缓数年不知答齐稽首故使我高蹈来为此防】唯其儒书以为二国忧【二国齐邾也言鲁据周礼不肯答稽首令齐邾远至】是行也公先至于阳谷【先期至】齐闻丘息曰【息闻丘明之后】君辱举玉趾以在寡君之军羣臣将传遽以告寡君比其复也君无乃勤为仆人之未次【次舍也】请除馆于舟道【舟道杜注齐地】辞曰敢勤仆人

【左】二十二年夏四月邾隱公自齐奔越曰吴为无道执父立子越人归之太子革奔越【邾隱公八年为吴所囚十年奔齐】冬十一月丁卯越灭吴请使吴王居甬东【甬东杜注越地】

【防稽句章县东海中洲也按海中洲即舟山今之定海县县东有翁山即甬东也】辞曰孤老矣焉能事君乃缢越人以归【以其尸归终史墨子胥之言也】

【左】二十三年春宋景曹卒【景曹宋元公夫人小邾女季桓子外祖母】季康子使冉有吊且送葬曰敝邑有社稷之事使肥与有职竞焉【肥康子名竞遽也】是以不得助执紼使求从舆人【求冉有名舆众也】曰以肥之得备弥甥也【弥遽也康子父之舅氏故称弥甥】有不腆先人之产马使求荐诸夫人之宰其可以称旌繁乎【称举也繁马饰繁纓也终乐祁之言政在季氏】夏六月晋荀瑶伐齐【荀瑶荀跖之孙知伯襄子】高无防帅师御之知伯视齐师马骇遂驱之曰齐人知余旗其谓余畏而反也及垒而还将战长武子请卜【武子晋大夫】知伯曰君告于天子而卜之以守于宗祧吉矣吾又何卜焉且齐人取我英丘【英丘晋地】君命瑶非敢耀武也治英丘也以辞伐罪足矣何必卜壬辰战于犁丘【犁丘杜注隰也今山东临邑县有犁丘亭】齐师败绩知伯亲禽顔庚【顔庚齐大夫顔涿聚】秋八月叔青如越始使越也越诸鞅来聘报叔青也

【左】二十四年夏四月晋侯将伐齐使来乞师曰昔臧文仲以楚师伐齐取谷【在僖二十六年】宣叔以晋师伐齐取汶阳【在成二年】寡君欲徼福于周公愿乞灵于臧氏【以臧氏世胜齐故】臧石帅师防之取廩丘【臧石宾如之子】军吏令缮将进【晋军吏也缮治战备】莱章曰【莱章齐大夫】君卑政暴往歲克敌【禽顔庚】今又胜都【取廩丘】天奉多矣又焉能进是鬻言也【鬻过也】役将班矣晋师乃还饷臧石牛【生曰饷】大史谢之曰【晋大史】以寡君之在行牢礼不度【不如礼度】敢展谢之【终臧氏有后于鲁】邾子又无道越人执之以归【终子赣之言】而立公子何何亦无道【何太子革弟】公子荆之母嬖【荆哀公庶子】将以为夫人使宗人衅夏献其礼【宗人礼官】对曰无之公怒曰女为宗司立夫人国之大礼也何故无之对曰周公及武公娶于薛【武公敖也】孝惠娶于商【孝公称惠公弗皇商宋也】自桓以下娶于齐【桓公始娶文姜】此礼也则有若以妾为夫人则固无其礼也公卒立之而以荆为太子国人始恶之【恶公】闰月公如越得太子适郢【适郢越王太子得相来说也】将妻公而多与之地公孙有山使告于季孙季孙惧使因大宰嚭而纳赂焉乃止【嚭故吴臣也季孙恐公因越讨已故惧】

【左】二十五年夏五月庚辰衛侯出奔宋【衛侯辄也】衛侯为灵台于借圃与诸大夫饮酒焉褚师声子韞而登席【古者见君解韞】公怒辞曰臣有疾异于人【足有创】若见之君将防之【防呕吐也】是以不敢公愈怒大夫辞之不可【共辞谢公公不可解】褚师出公防其手【手屈肘如防形】曰必断而足闻之褚师与司寇亥乘曰今日幸而后亡【恐死以得亡为幸】公之入也夺南氏邑【南氏子南之子公孙弥牟】而夺司寇亥政公使侍人纳公文懿子之车于池【懿子公文要公有忿使人投其车于池水中】初衛人翦夏丁氏【在十一年】以其帑赐彭封弥子【彭封弥子弥子瑕】弥子饮公酒纳夏戊之女嬖以为夫人其弟期大叔疾之从孙甥也【期夏戊之子姊妹之孙为从孙甥与孙同列】少畜于公以为司徒夫人宠衰期得罪公使三匠久公使优狴盟拳弥【狴优狴名拳弥衛大夫使优狴盟之欲耻辱也】而甚近信之故褚师比公孙弥牟公文要司寇亥司徒期因三匠与拳弥以作乱【比韞登席者弥牟丧邑者要失车者亥夺政者期得罪者】皆执利兵无者执斤【斤工匠所执】使拳弥入于公宫【信近之故得入】而自太子疾之宫噪以攻公鄆子士请御之【鄆子士衛大夫】弥援其手曰子则勇矣将若君何不见先君乎君何所不逞欲【先君蒯聩也乱不速奔故为戎州所杀】且君尝在外矣岂必不反当今不可众怒难犯休而易闲也乃出将适蒲【蒲杜注近晋邑今直隶长垣县故蒲城是】弥曰晋无信不可将适鄆【鄆杜注齐晋界上邑弥诈不知谋故公信之】弥曰齐晋争我不可将适冷【冷杜注近鲁邑】弥曰鲁不足与请适城鉏以钩越【城鉏杜注近宋邑宋南近越转相钩牵】越有君乃适城鉏弥曰衛盜不可知也请速自我始乃载宝以归【欺衛君言君以寶自随将致衛盜请速行已为先发而因载寶归衛也】公为支离之卒【支离陈名】因祝史挥以侵衛【挥衛祝史】衛人病之懿子知之【知挥为内闲】见子之【子之公孙弥牟文子也】请逐挥文子曰无罪懿子曰彼好專利而妄夫见君之入也将先道焉【若见君有入势必道助之】若逐之必出于南门而适君所【虽知其为君闲不审察私共评之】夫越新得诸侯将必请师焉挥在朝使吏遣诸其室【难面逐之先逐其家】挥出信弗内【再宿为信】五日乃馆诸外里【外里公所在】遂有宠使如越请师【请师伐衛求入】六月公至自越【前年行今还】季康子孟武伯逆于五梧【五梧杜注鲁南鄙】郭重仆【为公仆】见二子曰恶言多矣君请尽之【二子不臣之言甚多欲使公尽听之】公宴于五梧武伯为祝【祝上壽酒】恶郭重曰何肥也【訾毀其貌】季孙曰请饮彘也以鲁国之密迖仇讎臣是以不获从君克免于大行又谓重也肥公曰是食言多矣能无肥乎【以诮三桓之数食言】饮酒不乐公与大夫始有恶【为二十七年公孙邾起】

【左】二十六年夏五月叔孙舒帅师防越皋如后庸宋乐茂纳衛侯【舒武叔之子文子也皋如后庸越大夫乐茂宋司城子潞卫侯辄也】文子欲纳之【文子弥牟】懿子曰君愎而虐少待之必毒于民乃睦于子矣衛师侵外州大获【越纳辄之师】出御之大败【衛师败】掘褚师定子之墓焚之于平庄之上【定子褚师比之父也平莊陵名】文子使王孙齐私于皋如曰【齐卫大夫王孙贾之子昭子也】子将大灭衛乎抑纳君而已乎皋如曰寡君之命无他纳卫君而已文子致众而问焉曰君以蛮夷伐国国几亡矣请纳之众曰勿纳曰弥牟亡而有益请自北门出【欲以观众心】众曰勿出重赂越人申开守陴而纳公【申重也开重门而严设守备欲以恐公使不敢入】公不敢入师还立悼公【悼公蒯聩庶弟公子黜也】南氏相之以城鉏与越人公曰期则为此【司徒期也】令苟有怨于夫人者报之【夫

人期姊也怒期不得加戮故勅宫女令困苦期姊】司徒期聘于越【为悼公聘】公攻而夺之币期告王【越王】王命取之期以众取之公怒杀期之甥之为太子者【忿期而及其姊为夫人者遂复及夫人之子】遂卒于越【终言之也终效夷言死于夷】宋景公无子取公孙周之子得与啓畜诸公宫【周元公孙子高也得昭公也啓得弟】未有立焉于是皇缓为右师皇非我为大司马皇懷为司徒【皇懷非我从昆弟】灵不缓为左师【不缓子灵围之后】乐蔑为司城【蔑乐濶子】乐朱鉏为大司寇【朱鉏乐挽子】六卿三族降听政【三族皇灵乐也降和同也】因大尹以达【大尹近官有宠者六卿因之以自通達于君】大尹常不告而以其欲称君命以令国人恶之司城欲去大尹左师曰纵之使盈其罪重而无基能无敝乎【言势重而无德以为基必败】冬十月公游于空泽【空泽杜注宋邑在今河南虞城县东】辛巳卒于连中【连中馆名】大尹兴空泽之士千甲【甲士千人】奉公自空桐入如沃宫【奉公尸也空桐杜注梁国虞县东南有地名空桐今虞城县空桐泽有空桐亭沃宫宋都内宫名】使召六子曰闻下有师君请六子画【画计防】六子至以甲劫之曰君有疾病请二三子盟乃盟于少寝之庭曰无为公室不利大尹立啓奉丧殡于大宫三日而后国人知之司城蔑使宣言于国曰大尹惑蛊其君而專其利今君无疾而死死又匿之是无他矣大尹之罪也【言大尹所弑】得梦啓北首而寝于卢门之外【卢门宋东门北首死象在门外失国也】已为乌而集于其上啄加于南门尾加于桐门【桐门北门】曰余梦美必立大尹谋曰我不在盟【少寝盟但以君命盟六卿大尹不盟】无乃逐我复盟之乎使祝为载书六子在唐孟【唐孟杜注地名】将盟之祝襄以载书告皇非我【襄祝名】皇非我因子潞门尹得左师谋曰【子潞乐蔑门尹得乐得】民与我逐之乎皆归授甲使徇于国曰大尹惑蛊其君以陵虐公室与我者救君者也众曰与之大尹徇曰戴氏皇氏将不利公室【戴氏即乐氏】与我者无忧不富众曰无别【恶其号令与君无别】戴氏皇氏欲伐公【公谓啓】乐得曰不可彼以陵公有罪我伐公则甚焉使国人施于大尹【施罪于大尹】大尹奉啓以奔楚乃立得司城为上卿盟曰三族共政无相害也 衛出公自城鉏使以弓问子赣且曰吾其入乎子赣稽首受弓对曰臣不识也私于使者曰昔成公孙于陈【僖二十八年衛成公奔楚遂适陈】武子孙莊子为宛濮之盟而君入【在僖二十八年】献公孙于齐【在襄十四年】子鲜子展为夷仪之盟而君入【在襄二十六年】今君再在孙矣【谓十五年孙鲁今又孙宋】内不闻献之亲外不闻成之卿则赐不识所由入也诗曰无竞惟人四方其顺之【诗周颂言无强惟得人也】若得其人四方以为主而国于何有

【左 】二十七年春越子使后庸来聘且言邾田封于骀上【欲使鲁还邾田封竟至骀上】二月盟于平阳【平阳杜注西平阳孔氏颖达曰高平南有平阳县在今山东邹县西南】三子皆从【季康子叔孙文子孟武伯皆从后庸盟】康子病之言及子赣曰若在此吾不及此夫【蓋子赣十二年尝辞吴盟故思之】武伯曰然何不召曰固将召之文子曰他日请念【言季孙不能用子贡临难而思之】夏四月己亥季康子卒公吊焉降礼【礼不备】晋荀瑶帅师伐郑次于桐丘郑驷 请救于齐【 驷歆子】齐师将兴陈成子属孤子三日朝【属防死事者之子使朝三日以礼之】设乘车两马系五邑焉【乘车两马大夫服又加之以五邑】召顔涿聚之子晋曰隰之役而父死焉【隰役在二十三年】以国之多难未女恤也今君命女以是邑也服车而朝无废前劳乃救郑及畱舒【畱舒杜注齐地今山东东阿县西南有畱舒城】违谷七里谷人不知【言其整违去也】及濮雨不涉【濮杜注水自陈畱酸

县傍河东北经济陰至高平入济】子思曰【子思国参】大国在敝邑之宇下是以告急今师不行恐无及也成子衣制杖戈【制雨衣也】立于阪上马不出者助之鞭之知伯闻之乃还【畏其得众心】曰我卜伐郑不卜敌齐使谓成子曰大夫陈子陈之自出陈之不祀郑之罪也【十七年楚灭陈非郑之罪蓋知伯诬辞】故寡君使瑶察陈衷焉【衷善也】谓大夫其恤陈乎若利本之颠瑶何有焉成子怒曰多陵人者皆不在知伯其能久乎中行文子告成子曰【文子荀寅此时奔在齐】有自晋师告寅者将为轻车千乘以厌齐师之门则可尽也成子曰寡君命恒曰无及寡无畏众虽过千乘敢辟之乎将以子之命告寡君【成子疑其有为晋之心也】文子曰吾乃今知所以亡【自恨己无知】君子之谋也始衷终皆举之而后入焉【谋一事则当虑此三变然后入而行之所谓君子三思】今我三不知而入之不亦难乎公患三桓之侈也欲以诸侯去之【欲求诸侯师以逐三桓】三桓亦患公之妄也故君臣多闲公游于陵阪遇孟武伯于孟氏之衢曰请有问于子余及死乎【问可得以寿死否】对曰臣无由知之三问卒辞不对公欲以越伐鲁而去三桓秋八月甲戌公如公孙有陜氏【有陜氏即有山氏】因孙于邾乃遂如越国人施公孙有山氏【以公自其家出故也终子贲之言君不没于鲁】悼之四年晋荀瑶帅师围郑【悼公哀公之子哀公出孙鲁人立之】未至郑驷曰知伯愎而好胜早下之则可行也乃先保南里以待之【保守也南里在城外】知伯入南里门于桔柣之门郑人俘鄢魁垒【鄢魁垒晋士】赂之以知政【欲使反为郑】闭其口而死将门【将攻郑门】知伯谓赵孟入之对曰主在此【主谓知伯言何不自入也】知伯曰恶而无勇何以为子【恶貌丑也简子废嫡子伯鲁而立襄子故知伯言其丑且无勇何以立为子】对曰以能忍耻庶无害赵宗乎知伯不悛赵襄子由是甚知伯【甚毒也】遂丧之知伯贪而愎故韩魏反而丧之【史记晋懿公之四年鲁悼公之十四年知伯帅韩魏围赵襄子于晋阳韩魏反与赵氏谋杀知伯于晋阳之下在春秋后二十七年】